

ANNALES
SVLTANORVM
OTHMANIDARVM,
A TVRCIS SVA LIN-
GVA SCRIPTI:

*Hieronymi Beck a Leopoldstorf, Marci fil. studio &
diligentia Constantinopoli aduecti M D L I, Divo
Ferdinando Cas. Opt. Max D. D. iussuque Cas.
a Ioanne Gaudier dicto Spiegel, interprete Tur-
cico Germanice translati.*

IOANNES LEVNCLAVIVS NOBILIS
Angriuarus, Latine redditos illustravit & auxit, vsque
ad annum CIOIOXXCVIII.



FRANCOFVRDI

Apud Andreæ Wecheli heredes, Claudium Mar-
nium & Ioannem Aubrium,

M D L X X X V I I I.

WILLIAM L. MARRAS

OF THE

STATE OF NEW YORK

IN SENATE

January 10, 1890

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION

PASSED BY THE SENATE

APRIL 18, 1889

ALBANY:

JOHN B. LANE, PRINTER

1890

1890

1890

1890

1890

1890

1890

1890

1890



IO. LEVNCLAVII
AD NOBILEM AC
MAGNIFICVM DOMINVM HIE-
RONYMVM BECK A LEOPOLDSTORF,
Cæs. Maieſt. Cameraꝝ aulicæ conſiliarium,
in hos annales præfatio.

EQVIDEM audire non ſemel ex te memini,
vir magnifice, te peregrinatione tua ſuſcepta,
quum Romam anno Iubileo M D L adiſſes, &
Roma Venetias proſectus, indidem triremibus
maioribus ad Tripolim Syria adpulſiſſes: Ha-
lepum, Damafcum, NaZareth, S. S. Chriſti
ſepulcrum Hieroſolymis, & in Arabia montem Oreb acceſſiſſe;
peragrataq; deinceps Ægypto, ab vrbe illius Alexandria mari
traiecto, per Attaliam Pamphylia, Cotyaium Phrygia, Pruſam
Bithynia, tãdem Byzantium Thraciæ perueniſſe. Byzantiꝝ ve-
ro, in ampliſſima Sultanorum Turcicorum ſede regia, librũ Tur-
cica lingua ſcriptum, Othmana familia principum res geſtas con-
tinentem, magno ſtudio, nec nullo ſumptu, fuiſſe conſequutum:
quem Diuo Ferdinando Rom. Cæs. pientiſſimo, anno Chriſti
M D L I ſelici tuo in Auſtriam reditu, dono obtuleris; humili-
ter orato rege, vt publicæ utilitatis cauſa in Latinam, vel Ger-

P R A E F A T I O

manicam linguam, vertendum iuberet. Post illa te, officiis negotiisque publicis obrutum, exiguam huius rei curam habuisse; quam tamen penitus haud abieceris. Elapso non exiguo tempore, quum nobilis vir, Ulricus Maschwander a Cranigspurg, qui multis annis Diuo Ferdinando in cubiculo inferniuit, filiae suae, Alphonso de Games in matrimonium collocatae, sollemnes Viennae nuptias celebraret: eum tibi, de illo libro diligentius sciscitanti respondisse; memoria se tenere, Caesarem interpreti suo Turcico annales quosdam vertendi, exercendique eius gratia, tradidisse: habereque se Turcicam historiam, lingua Germanica, manuscriptam. Hanc igitur anno M D L X X X V I ab illo tibi missam, quum ex interpretis, Ioannis Gaudier, dicti Spiegel, epistola proaemiacae, versionem esse libri tui, magna cum voluptate agnouisses; statim exscribi iussisti. Fueram ego praecedenti hunc anno Constantinopoli Viennam reuersus, cui non indicasti tantummodo de repertis illis annalibus tuis: verumetiam non inuitus, quae singularis in me tua est beneuolentia, mecum eos communicasti. Lubens hos equidem perlegi, quumque non parum, pluribus de causis, placerent: eosdem rogatu tuo Latine, ut in lucem editi nationibus exteris etiam usui essent, transscripsi. Redeunt igitur ad te nunc typis expressi chalcographicis Annales Turcici, tui qui debentur studio, quod non tantum eos ex illis locis tecum attulisti: verumetiam prope sepultos ab annis X X X V I I, & ipsos eripuisti rursus e tenebris, & latitantem alibi Germanicam quoque versionem a blattis & tineis adseruisti. Qua de causa, quum libri ad nos perferendi primus auctor, idem perituri vindex & conseruator exstiteris: absque iniuria tua, cuiusuis alterius praeferre nomen annales ipsi nequeunt. Meam vero in expoliendis

his

*his laboriosam operam probaturum te, cum aliis sincere iudican-
ribus, sane confido. Quum enim vir clariss. Hugo Blotius I. C.
RVDOLPHI II Rom. Imp. desig. bibliothecarius, ex Augu-
stali bibliotheca Viennensi potestati mihi fecisset inspiciendi ve-
ri horum annalium archetypi, lingua litterisque Turcicis exara-
ti, in quo huius libri ad Ferdinandum Casarem tua manu scripta
dedicatio cernitur, his verbis:*

*Piissimo Ferdinando Rom. Hung.
Bohemorumque, &c. regi potentiss.
Hieronymus Beck a Leopoldstorf
Sux Maieft. deditissimus alumnus
ex Hierosolymis ac monte Oreb
feliciter redux, librum hunc
Othmannorum res gestas ad nostra
vsque tempora continentem, D. D
animo deuotissimo M D L I:*

*equidem ad hoc archetypum, aliquot dierum labore Ioannis Gau-
dier interpretatione recensui, adiutus a Stephano Vngaro, Tur-
cica, Arabica, Persicaque linguae gnaro, quem tu ipse nobis in
hunc finem, ab hero suo, Illustri & Magnifico domino, Andrea
Teufel, libero Barone, Imperatori a consil. & praesidij ad Arra-
bonem laurini supremo praefecto, impetrafti. Mahumetanos an-
nos ad Christianos redege, quos etiam marginibus adscripsi: quod
Ioannes Gaudier praetermisit. Supplementum adieci, quo gesta
res annis XXXVII, vsque ad annum praesentem, exponuntur.
In hoc memorabilis exstat decennalis huius belli Persici descri-
ptio, quod adhuc euentu dubio, studiis & odiis utriusque partis
acerrimis, geritur. Huic adpendici succedit Pandectes historiae*

PRÆFATIO IN ANNALES.

Turcica noster, quo a *Turcis* tradita, cum nostrorum historiis *Græcis*, *Latinis*, *Italicis*, *Gallicis*, *Germanicis* ita consero: nihil ut inexplicatum relinquam, ne iis quidem præteritis, quæ libri nostri manuscripti, multique superstites adhuc idonei nobis auctores, suppeditarunt. Idem *Pandectes* quàm multa rara contineat, nec ante nos a quoquã prodita; cognoscere lectorem experiundo malumus, quàm prolixius ipsi, nō sine quorumdam inuidia, prædicare. Claudit opus in extremo *Viennensis* obsidionis historia, cum his omnino coniungenda, de causis, quas ibidem breui proæmio cōplexi sumus. Habes rationem totius commentationis, vir magnifice, quam si *Zoileus* dens quispiam, in hac ætatis nostra licentia, rodere fuerit ausus: ut ipse, rerum *Turcicarū* peritissimus, tuendam suscipias, meque animi propensione solita complectaris, etiam atque etiam rogo.

INDEX

*INDEX AVCTORVM, QVI
citantur in Pandecte.*

- | | |
|---|---|
| Abrahamus Bacſchaius Vngarus. | Martinus Barletius. |
| Abrahamus Ortelius. | Martinus Cruſius. |
| Agathias Myrinæus manuſc. | Melchior Soiterus. |
| Andreas Cambrinius Florentinus. | Natalis Comes. |
| Antonius Bonfinius. | Nicephorus Gregoras. |
| Antonius Geuſtræus. | Nicetas Choniates. |
| Antonius Melienſis. | Nicolaus Nicolaidæ Delphinæ. |
| Augerius Buſbequius. | Nicolaus Sophianus. |
| Auguſtinus Curio. | Origines vrſis Conſtantinopolitanæ,
liber m. f. |
| Aychonus Armenius. | Paulus Iouius. |
| Baſilius Ioannes Heroldus. * | Petrus Bellonius. |
| Cedrinus integer manuſc. | Petrus Bizarus. |
| Chronica diuerſa manuſcripta, Græca,
Latina, Germanica. | Petrus Gyllius. |
| De ædificiis vrſis Conſtantinopolita-
næ, liber m. f. | Petrus Martyr Mediolan. |
| Emanuel Muſcicius Athenienſis. | Philippus Callimachus. |
| Franciſcus Sanſouinus. | Philippus Mornæus. |
| Georgius Huſtius Illyricus m. f. | Prætor Græciæ, manuſc. |
| Georgius Pachymerius. | Procopius. |
| Iacobus Caſtaldus. | Reinerus Reineccius. |
| Ioachimus Cureus. | Secretarius Sigifmundi Malareſtz. |
| Io. Antonius Menauinus. | Stephanus Broderithus. |
| Io. de Plano Carpi. | Symeon Magiſter Officiorū, manuſc. |
| Io. Martinus Stella. | Tarcagnotæ hiſtoria. |
| Itinerariorū in Palæſtinam, liber Ger-
manicus. | Thomas Ebendorſus Haſelbachius,
manuſc. |
| Karulus Cluſius Atrebas. | Thomas Porcaccius. |
| Laonicus Chalcocondyles Athenien-
ſis. | Thomas Spanduginus Cantacuzenus. |
| Leo Imp. Aug. m. f. | Vincentius Beluacenſis. |
| Ludouicus Baſſanus Iadrenſis. | Wolfgangus Dreſlerus. |
| Marcus Paulus Venetus. | Zonaras. |
| | Zoſimus Comes. |
| | Zygomalas Protonotarius Græcus. |

EPISTOLA PRÆLIMINARIS AD
DIVVM FERDINANDVM ROM. CÆSA-
rem, Ioannis Gaudier dicti Spiegel, Turcici interpretis

Serenissime potentissime Rex, Domine clementissime:

CVM non ita pridem Regia Vestra Maieſt. librum Turcicum mihi commiſſerit, in quo ortus
Carq; geſta Imp̃p. Turcicorum deſcribantur: quẽ quidem Regiæ Veſtræ Maieſt. Nobilis, ſtre-
nuus atq; integerrimus Hieronymus Beck a Leopoldſtoſ ex iunere Hieroſolymitano & Turcia
rediens, obſultit qui mihi a Regia Veſtræ Maieſt. Germanice interpretatus, clem̃enier demandatus:
quod humiliter preſtiti, eaq; qua a Turcis ſcriptus eſt methodo, in idioma Germanicum tranſtuli.
Licet vero idiplũ libenter more & ſtylo Rhetorico effeciſſem: ſed cũ ab ineunte ætate, parum ad-
modũ literis humaniorib; fuerim imbutus, atq; huiusmodi in rebus minimẽ verſatus; ceriã tamen
ſum ſpei, laborẽ hunc exigũũ Regiæ Veſtræ Maieſt. placitum. Annotaſſem etiã ſimul quo tem-
pore ſecundũ annos ſalutis noſtræ hæc geſta fuiſſent: verũ cum anni Turcorum breviores ſint no-
ſtris, neq; ipſorũ anniverſarij dies, ſicut apud nos Chriſtianos, in idẽ tempus coincidunt, licet etiam
ipſi in anno meſes xii habeant: tamẽ hoc tantũ ratione ſplendoris lunæ, in ſuper ſcribunt ipſi di-
cuntq; ſpatio triginta duorũ annorum, ſecundum ipſorũ computationem, cælũ mobile ſenſ firmam-
mentum, ſuũ abſolvere curſum: id tantundẽ fere eſſet, cum nos Chriſtiani triginta vnũ ipſi trigin-
ta duos annos ſcriberent nominarentq;. Et quantumvis ex mea translatione cõputari non poteſt,
quo tẽpore annorũ Chriſti hæ Imp̃p. Turc. res geſtæ ſint: attamen omnino Gubernatori, militiæ.
Duci, aut Capiteano, cui cũ inimicis Chriſtiani nominis agendũ, lectũ operẽ preciiũ eſſe exiſtimo.
Hinc namq; videri licet, quid Policia aut animus Heroicus valeat, qualiterq; magiſtratus erga
proprij cõmodi, avaros atq; ſuperbos homines ſe exhibere remunerariq; debeat; quale etiã detrimẽ-
tum patriæ atq; exercitui, ob inobediẽtiã, cõfuſionem, perſidiam, ſuperbiã, proprium cõmodum,
oriũ & accidere poſſit. Propterea facile colligere hinc licet, cũ moderni Imp̃p. Turci parũ atq;
obſcuræ familiæ, cum exigua manu in immenſum ereuerint, vti quidem ex hiſtoria hac intelligo,
quod Aſia, Græcia, Bulgaria, Arbanefia, Boſna, Seruia, nõ niſi propter inobediẽtiã, cõfuſionem,
perſidiam, ſuperbiã, & rem priuatã, in tot calamitates atq; manus inimicorum nominis Chriſtiani
inciderint: quod (proh Deum) hodierno adhuc die euenire videmus. Nam quæ alia eſt cauſa
Chriſtianæ deuaſtationis, quã inobediẽtia, perſidia, avaritia, ſuperbia, & rei priuatæ ſtudiũ? Nam
hic propter ſuum cõmodum fauet Turcis, alter Werwodæ: tertius, nulli obſequens, ſe ipſum do-
minũ cõſect. Vnde ſit poſſe quod nos omnia bella erga Chriſtiani nominis hoſtes inſtituta, minus
proſpere geramus, quã propter inobediẽtiã, cõfuſionem, perſidiã, avaritiã, ſuperbiã, & propriũ
commodum? Nos exiſtimamus ipſos minime ſubſiſtere, rem noſtrã in cõſiderate aggredimur, &
proponimus nobis magnas opes ab ipſis acquirẽdas: primo cõgrefſu alacres atq; animoſi ſumus,
verũ illico remittimus. Deus omnipotens ſuam dignetur nobis gratiam largiri, quo nos erga e-
iuſmodi diuini nominis hoſtes dirigamus, ſuperioribus & magiſtratui ſimus obſequentes, bonam
Politianĩ conſeruemus, avaritiæ, ſuperbiæ, & rei priuatæ, quantum æquum eſt, tribuamus; ne &
nos tandem (quod Deus præcauere velit) ſicnti nominatæ regiones in maxima damna veniamus,
& poſteritas noſtra fidem atque religionem Diabolicam ſuſcepere cogatur. Quod Deus in æter-
num nobis concedere dignetur. Amen.

Regia veſtra Maieſt. .

*Humillimus, obedientiſſimus ſer-
uitor, & interpres Turcicum,*

*Ioannes Gaudier,
alibi Spiegel.*



ANNALES SVLTANO-
RVM OSMANIDARVM. AB
IPSIS TVRCIS MEMORIÆ
PRODITI.

PRIMVS apud Turcos rerum potitus fuit Osman, qui
patrem habuit Ertuculem. Hic filius fuit Soleimanis
Scachi: Soleimanes, Cabielpis: Cabielpes, Cusulbu-
gæ: Cusulbuga Baineris: Bainer, Oicolucis: Oico-
lucis, Baifungeris: Baifunger, Bakis Agæ: Bakes Aga,
Ciacis Agæ: Ciaces Aga, Toctemuris: Toctemur, Versaiobis: Ver-
saiobes, Giokelpis: Giokelpes, Oguzis: Oguzes, Carachanis: Cara-
chan, Cutluzeccis: Cutluzecces deniq; Lecrace patre natus fuit.
Hi xvii dumtaxat auctores huius familiæ litterarum monumen-
tis proditi recensentur. Ceteri, quorum ignota nomina, continua
serie referendi veniunt ad Iaphetum, Nohæ filium. Ipsa quidem
hæc Oguziorum dicta familia, successionem perpetua rerum apud
Parthos potita fuit, hominesque fuerunt simplices & rudes: qui post-
ea, quàm primo religionem Mahumetanam fuissent amplexi, do-
minatus sui sedem in ciuitate Machanensi constituerunt. Ceterum
quo tempore Soleimanes Scachus Machanæ præerat rebus Par-
thicis, præpotens ille Zingis Chan ex regione Chitaia cum exerci-
tu in Parthiam profectus est: ibique Belcham ciuitatem copiis lo-
cupletam, obsedit, cepit, diruit: totamque regionem Chorasaniem
populabundus diripuit. Erat id temporis Curisemes Scachus Bel-
chæ princeps & Chorasanis, qui regno pulsus, cum suis aufugit, &
in itinere periit. Eius in locum successit Vgnan Chan filius, qui co-
pias paternas Bagadatim versus duxit: quo quum peruenisset, vr-

- bem occupauit, incolas occidit, regionem vniuersam sibi suisque vindicauit. Id vbi Zingis Chan intellexisset, armis eum persequutus, in suam potestatem redegit. Oriundus ex familia Selgucis Sultanus Aladines, e Parthia profugus, in regionem Ionan, quæ Carmania modo dicitur, peruenit: iisq; locis occupatis, & instaurata vrbe Siuasta, regia cum potestate præfuit. Quum autem in hunc modum Zingis Chan Parthiam ageret, ferret: etiam Machana funditus euerfa fuit, quæ id temporis imperio Soleimanis Scachi parebat. Is Tatari violentiæ cedens, & ipse cum suis migravit, inito consilio inuadendæ Romanix: quod inaudisset, iis in locis bella geri, & armis rem parari posse. Quapropter relicta Parthia, Erzingam sese contulit: vnde in Romaniam penetrans, Amasiam peruenit, multis & magni pretij potitus spoliis. Conuerso deinde itinere, Chalepum adiit: in qua profectione delatus ad opidum, quod Iaber dicitur, ad Euphratem fluuium castra metatur. Erat heic eis transiendi Euphrates, sed vadum nullum inueniebant, quod essent homines omnino rudes & rerum imperiti. Quum equorum natatu transmittendum amnem placuisset vniuersis, primus Soleimanes Scachus flumen ingressus, & aquis obrutus, expirat: quem magna quæsitum diligentia, tandemque repertum extrahunt, ibidemq; tumulo mandant. Erant huic Soleimani Scacho filij tres superstites, quorum vni nomen Sungursengis, alteri Gundogdis, tertio Ertucules, qui filium habuit Osmanem. Exstincto patre, castra fratres hi promouent, ac propter Euphratem, aduerso flumine profecti, tandem ad campos Passonios perueniunt. Iis in locis Ertuculi Osmanis patri, cum quadringentis inapalibus, quæ pro more gentis, de loco in locum promoueri transferrique possunt, subsistere libuit: reliquis duobus fratribus in Parthiam redeuntibus. Hæsit ibidem ad aliquod tempus Ertucules, varie finitimorum iniuriis & nixis exercitus. Denique rumor ad eum perfertur, Sultanium Aladinem, e Parthia profugum, in Romania complures provincias sui iuris fecisse, adeoque magno potitum imperio. Erant Ertuculi tres filij, Gundus, Sarigates, & Osman. Vbi, quo in statu res Aladinis essent, Ertucules accepisset: non magna consultationis interpo-

interposita mora, filium Sarigatim ad eum ablegat; oratum, vt aliquem sibi locum concederet, quo in loco se cum suis sustentare posset. Aladines huic postulato lubens adfentitur, eisque regionem adtribuit, tam æstiuus, quàm hibernis aptam mensibus. Id temporis natio quædam aduersus Sultanum Aladinem arma subito mouerat, contra quos dum suis instructis ille proficiscitur: interea Ertucules cum filiis, Sarigati & Osmane, versus Engurim sese confert: eoque loco sibi suisque constituta sede quadam, ac domicilio, finitimos Græcos perpetuis excursionibus & rapinis infestare non desit. Tandem rebus humanis Ertucules excessit, quum suis ad LII annos præfuisset: mortuus anno Mahumetano DCLXXXVII.

II.
Christian.
1289.

De Osmanis natiuitate.

Accidit aliquando, vt fessus Ertucules interdum semet ad quietem componeret. Ibi tum ei somnium se quoddam obtulit, quo viso fuit expectatus. Mox hinc & inde rem cogitabundus expendens, corpus abluit, preces suas absoluit, habituque murato Coniam profectus, urbem ingreditur. Agebat istic vir auctoritatis ex doctrina maximæ, cui nomen Edebales, operum effector & prodigiorum admirabilium, in quem coniecti erant omnium oculi, quod eos in lege Mahumetana institueret, ac facultates ceteroquin amplissimas possideret. Etiam Sultanus ipse, quem diximus, Aladines plurimum ei tribuebat. Hunc ubi conuenisset Ertucules, vt somnium illi suum exponeret: Venerande vir, ait, per quietem visum videre splendorem lunæ, prodeuntē e sinu tuo, qui meum in sinum penetraret. Eo quum delatus esset, ex umbilico meo mox enatam fuisse arborem, quæ regiones aliquot, ac præaltos montes, latosque campos umbra sua tegetet. Ad ipsas autem radices arboris perennes aquas emanasse, quibus vineæ passim, & horti rigarentur: ac secundum hæc, expectatus fui. Posteaquam diu multumque semet Edebales, qui a suis vir sanctus habebatur, ob interpretationem somnij torfisset: tandem, oratione ad Ertuculem conuersa, Nascetur tibi filius, inquit, vir optime, cui nomen erit Osinan. Is bella plurima geret, ac posteri tui deinceps reges, terra-

rumque principes erunt. Mea quoque filia nuptura est Osmani, ex qua procreabit ille liberos, qui regiam ad dignitatem peruenient, ac populis cum imperio præerunt. Secundum illa natus fuit Osman, qui quum adoleuisset, Mahumetani vatis illius filiam duxit uxorem, de qua natus est ei filius Vrchan. Quumq; prouinciis aliquot occupatis, principatum sibi constituisset: partem ditionum inter duces militares, qui ea in loca cum Ertucule patre venerant, liberaliter distribuit: a quibus illæ regiones hodieque nomina sua sortitæ sunt. Itidem Vrchani filio ditiunculam, cui nomen Chisar Sangagi, & cognomen Inunge, concessit. Deinde natus est Osman filius alter, Alis bassa: quem perpetuo secum esse voluit. Rebus hoc modo constitutis, pater & filius Vrchan, coniunctis copiis, arma in Christianos expediunt, omnia late populantur, agros eorum occupant, magnam hominum multitudinem vtriusq; sexus captiuam abducunt. Vietiam adhibita, ciuitatem Isnicam, cum vicinis opidis & arcibus, in potestatem redigunt, diripiunt. Qui tum temporis Teggiur siue magistratus erat Prusæ, adiunctis sibi compluribus aliorum auxiliis, & coacto milite suo, de profligandis Turcis cogitare cepit. Igitur hoc magnis cum copiis in Turcos ducente, minime consternatus Osman, animo inuicto Christianis obuiam prodit. Ad manus vbi ventum fuisset, strenue dimicatum vtrimque. Cæsi fratres Osmanis eo prælio, Gunduselpes & Aidogdis, ac secundum viam publicam ad fines Dobmuris sepulti. Osman, fratribus licet amissis, tandem tamen victoria potitus est. Teggiur Edrenosius & Prusæus, inita fuga, Prusam delati, semet in urbem includunt. quos a tergo cum suis insequutus Osman, in itinere opidum Vlubadam militari corona cingit, cuius Teggiur mox certis condicionibus cum eo transegit. Hinc Prusam cum exercitu properans, urbis obsidionem molitur. Quumque vi admota, nihil effecturum se videret ad eius expugnationem: primū in aduersa urbi parte, iuxta thermas, quæ Caplice Turcis dicuntur, vallo ducto, munimentum pro suis erigit, cui fratris Gunduselpis filium Agdemurem præficit, hominem rei bellicæ peritissimum, adiunctis ei miliibus egregiis. Inde munimentum aliud excitat versus eum montem,

montem, quem Geschisdage, hoc est, montem monachorum vocant. Illius curam Belebanzucō cuidam ex suis, viro strenuo committit. Hoc modo duobus hisce munimentis exstructis, & actis aggeribus ac fossis, ciuitatem obsessam tam arte clauserunt: vt nemini vel accessus ad eam, vel exitus pateret: atque interim agrum omnem in potestatem suam redegerunt, nihil vt obsessis, præter ipsam urbem, reliqui facerent. Dum istæ durat obsidio, cum parte exercitus Osman Gases ipse Neapolim, quæ Genischeher lingua Turcica dicitur, contendit. Eius vicinæ Christiani omnes, 10 coactis copiis suis, cum Osmane confligunt: sed Osman prælio superior, vniuersa illa regione potitur. Ea vero Turcicorum militum, qui despoliis opulenti euaserant, præsidium accepit, absque provincialium damno. His rebus ex animi sententia confectis, Vrchanem filium ad expugnandam Prusam ablegat. Horum militum accessione adauctis Turcorum castris, grauior inclusis esse cepit obsidio. 15 Quamobrem viribus obsessorum exhaustis, quum omnis iam com meatus defecisset, ac nihilo minus ipsi tam noctu, quam interdiu, in armis esse, propugnandæ ciuitatis causa, cogerentur: tandem ipse Teggiur, ceteri nomen Iussuphes, pactis interuenientibus, Vrchani Prusæ deditiōem fecit. Is adeo religiose pactis cōuentis stetit, vt hosti absque vllō impedimento & iniuria, cum vxore, liberis, facultatibus vniuersis, abeundi potestatem faceret, ne manguro quidem ablato: statimque patrem, Osmanem Gasem, de Prusā in deditiōem accepta, certiorē reddidit. Occupata fuit ab Vrchane Ga- 20 si Prusā Mahumetani calculi anno DCCXXVI. Osman ipse tum temporis quiescens, occupationi Prusæ non interfuit: partim timore cruciatuque pedum impeditus, partim quod se superstitie filium Vrchanem aliquid fortiter agere cuperet, ad excitandos in eo generosi animi spiritus. Tandem exactis in imperio XXVIII annis, 30 Osman Gases vitam cum morte commutauit. Eius loco rerum administrationem consequutus est Vrchan filius, anno Mahumetano DCCXXVII. Ante mortem præcepit, vt Prusæ in argentea tumba concamerata conderetur: sed vulgo ad Sugutzucain, qui locus a salice nomen habet, conditus existimatur. 19.

Christiano
1327.

Quum primum Vrchanes imperium auspicatus fuisset, duces ve-
 terani, quotquot ex Parthia cum ipsius auo in eas terras venerant, ni-
 mirum Cugurelpes, Rachman Gases, & Accecoza, Gerlensem agrū
 cum Bolenſi occupatum ſui iuris fecerunt. Sed iis non multo poſt
 extinctis, Vrchan ditiones illas filio ſuo Soleimani baſſæ poſſiden- 5
 20. das, nomine Sangiacatus, dedit: itidemq; regionē alteram non ma-
 gnam, quam Inungen vocant, alteri filio conceſſit, cui nomen Mu-
 rates Chan Gases. Hunc enim minorem natu filium habebat. Inde
 recuperatam Iſnicam præſidio impoſito muniuit, & eccleſias Chri-
 ſtianorum in ea demolitus, aliquot ex illis in meſſitas ſiue templa 10
 Mahumetana conuertit, adiunctis ſcholis & xenonibus. Super eſt
 adhuc hodie medreſſa quædam Iſnicæ, (ſic ſcholam cum xenone
 coniunctam vocant) ab ipſo condita. Erat inter alios quidam Cara
 Meſites, habitus pro viro ſancto, cuius curæ cōmiſſa fuit omnis ea
 prouincia, militibus in pagos circum Iſnicam diſtributis: vt illā vici- 15
 niam aduerſus Conſtātinopolitanas copias, & earum graſſationes,
 tuerentur. Agbaſſæ regionem Candriam adſignauit, cuius etiam
 nunc ſuperſtes eſt familia. Quum hoc modo prouincias, quas ab ſe
 bello captas Oſman Vrchani filio reliquerat, inter ſuos Vrchan par-
 titus eſſet: omnium conſenſu rerum ei ſumma, ceu legitimo Sulta- 20
 no, delata fuit. Quibus peraſtis, Alim baſſam, fratrem ſuum, ad ſe
 vti veniret, arceſſit: qui ad eum proſectus, Nulla mihi ditione opus
 eſt, mi frater, ait. ſtatimque facta ceſſione, quam a patre ditionē ac-
 ceperat, Vrchani Gaſi fratri ſponte tradidit & cōmendauit. Certā-
 bant id temporis fratres inter ſe mutuis officiis, & honorem alter al 25
 teri defererebat. Alis ipſe baſſa quodam tempore compellato fratre
 Vrchane: Mi frater, inquit, exercitus tui magnopere iam auſti ſunt,
 & Mahumetana religio non parum incrementi ſumpſit. Excogita
 rationem aliquam obſecro, qua fieri poſſit, vt tui milites ab extrane-
 is & peregrinis diſcernantur. Ad ea reſpondens Vrchan Gases: Fiat, 30
 quod ſuaſes, ait. equidem tibi obtempero. Tum Alis baſſa: Præci-
 27. pe mi frater, ſubiicit, vt vniuerſi milites tui zercolas rubeas geſtent,
 eæque ſigno toti mundo noti ſint: tu vero zercolis albis vtitor. Non
 multo poſt cōuenit Vrchan Gases religioſum quemdam Mahume-
 tanum,

ranum, cui nomen Chazis Bectases: atq; is albo piléo capiti eius im-
 posito, illiusmodi tegminis vsum adprobavit, & a posteris retineri
 iussit. Quodq; adeo Genizari, qui Sultani Turcici sclopetarij sunt,
 etiam nunc eiusmodi pileis vtuntur: id ab illius temporis consuetu-
 dine profectum, in hodiernum vsq; diem durat. Erant eius ætatis ho-
 mines ita comparati, vt frater consilia sua cum fratre cōmunicaret:
 quiq; rectissime consulisset, in eius sententiã lubens alteribat. Nul-
 li mutuis se paricidiis fratres e medio sustulerunt ante Baiasitis Cha-
 nis imperium, quem Gilderunem adpellauerūt: sicuti deinceps in-
 10 dicaturi suo loco sumus. Idem Vrchan Gases id temporis in regio-
 nibus império suo subditis domos immunes atq; prædia describi ius-
 sit, vt videlicet vnus ex quolibet prædio mitteretur, qui per vnus
 anni spatiũ in regìa quosuis iniunctos sibi labores susceperet. Eos ad-
 pellari placuit Iaia, hoc est pedites. Quodq; tales adhuc in regìa re-
 15 periantur, qui labores eiusmodi obeunt: ex Vrchanis Gasis instituto
 ceptum, adhuc in vsu est. Ceterum nactus Vrchan Gases quietam
 vrbis Isnicæ possessionem, imaretum in ea condidit, hoc est tēplum
 Mahumetanum, cum schola & xenone: quo quidem in xenone ci-
 bi coquuntur, & in egenos distribuuntur, præsertim in eos, qui litte-
 20 ris operam dant, & qui petegrinantur. Atq; hoc in imareto siue xe-
 none cibos Vrchan ipse distribuisse traditur. Secundum hæc Solei-
 manem bassam filiũ Isnicæ præfecit, qui vicinis opidulis Genische-
 heri Goinucæq; grauis esse non desinebat. Prusæ vero fangiatarum
 cōsequutus est ab eo Murates Chan Gases, filius natu minor. Nihi-
 25 lo minus Vrchan ipse velut inspector imperij totius māsit. Soleima-
 nes bassa, præfectus Isnicæ, Genischehere Goinucaque potitus est.
 Eorum locorum incolæ Christiani, perspecto ipsius ingenio miti & 22.
 humano, vniuersi facti sunt Musulmani: omniaq; opida sita in iis fi-
 nibus, eius se potestati sponte permiserunt. His rebus intento So-
 30 leimane bassa, patri eius Vrchani complures ciuitates, Carase, Bale, 23
 Cosfe, Bargama, Edremitum, sese dediderunt. Inde cum copiis
 Vlubadam versus mouit. Nam eius opidi Teggjur, qui superiori-
 bus annis cum Turcis transegerat, iam violata fide, ab eorum ami-
 citia discesserat. Quum autem se peti a Turcis animaduerneret,

manus ipse sibi adtulit. Dum hæc istic gererentur, Soleimanes bassa in Græciam transficere statuit: qua quidem occasione Gallipolis a Turcis capta fuit. Nam forte Soleimanes in regione, quam non ita pridem sui iuris fecerat, hinc inde obequitabat. Super sunt autem in iis locis rudera siue vestigia quædam ædificiorum admiranda, quæ istic ab excidio Troiæ in hunc vsque diem manserunt. Illa, quum eo venisset, cum stupore quodam adspiciens, tacitus & cogitabundus ad aliquod temporis spatium ita substitit: vt nihil omnino ad quemquam proloqueretur. Quamobrem Ezes begus, tandem se conuertens ad Soleimanem: Mi Chan, ait, quid istuc no-
 uæ rei est? quænam tibi ad animum accidit prodigiosa cogitatio? Tum Soleimanes bassa: Mecum, inquit, animo voluo, quonam modo mihi transmittendum hoc mare sit, vt interim Christianos conatus iste meus lateat. Quæso te, qua via rem adgrediemur? hæc cogitationes meæ sunt. Ad eam mox Ezes ac Fasil begi: Domine, si
 per te licebit, inquit, nos duos etiam hoc transiciemus: tentaturi, num aliquid a nobis effici possit. Vbi vero, subiicit Soleimanes, transiecturi estis? Locus heic quidam est, inquit, vbi facilis est transiectio, ex interuallo litoris vtriusque non magno. Quum id Soleimanes eis vt facerent, permisisset: locum ipsum adeunt, trabes
 ac ligna colligant, ratem conficiunt, trans fretum noctu in aduersum litus adpellunt, per vineas semet abdunt, idoneum quemdam instituto suo Christianum capiunt. Eum vero celeriter abreptum, ratique impositum, hero suo Soleimani, superato rursus freto, sistunt. Is hominem benigne excipere, vestitu nouo donare, mune-
 ribus aliis delentum interrogare: ecqua via sit in opidum aduersum perueniendi, Christianis insciis & imprudentibus? Mox ille: Ducam vos equidem, ait, per eiusmodi viam, vt a nemine conspiciamini. Quo intellecto, colligari complures arbores Soleimanes imperat. Dictum, factum. In eam ratem, summa vsus celeritate, cum
 LXX vel LXXX selectis militibus insilit, ac noctu transiit. Magna
 4. deinde sollertia ducuntur a captiuo Christiano ad castrum Zemenicum, in cuius aditu quidam e fimo quasi tumulus situs erat, ipsius castræ altitudinem æquans. Aberant a castro incolæ, nimirum illo
 tempore

tempore anni, quo colligendis ac tritrandis segetibus quisq; foris
 intentus erat. Hac solitudinis occasione vsi, noctu per illum simū,
 quem diximus, in castrum euadunt, eoque potiuntur. Nulla vulgo
 Christianorum illata vis fuit, aut iniuria: sed exhibita potius bene-
 uolentia, dataque munuscula. De præcipuis autem capti quidam,
 & ad nauigia deducti, quæ istic in portu reperta sunt, trans frerum,
 pro victoriæ argumento, ad reliquum exercitum missi fuerunt. Eif-
 dem nauigiis in reditu plus minus cc milites transuecti, se cum So-
 leimane, ceterisque Turcis, in opido coniunxerunt. Inde cum na-
 uibus aliquot, equitibus etiam instructis, qui terra iter facerent, Bo-
 lairem Ezes begus petiit. Est autem propter Bolaiorem portus maris,
 qui Portus albus dicitur. Eo in portu complura nauigia tunc erant,
 quibus igne iniecto absumtis, Zemenicum reuersi sunt: & reliquū
 exercitum, nauibus impositum, in Europam transportarunt. Hoc
 modo Turci primum in Græciam pedem intulerunt. Occupato
 Zemenico, quum magnus iam Turcorum numerus in Græciam
 trans mare peruenisset; nullis oneribus molestiisue Christiani, ad o-
 pidum illud pertinentes, ab eis grauati sunt: sed transactum inter
 vtramque partem, constitutaque pax. Non vxores eorum, non li-
 beri violati: sed ea cum moderatione habiti, vt Zemenico finitimi
 Christiani perlubenter se Turcis submitterent. A Zemenico non
 longe distat aliud opidum, Agasleuina, quo & ipso nullo negotio
 potiti, cum Christianis eius agri pacem componunt, eademque in
 hos vsi humanitate, qua in illos priores, facile duo istæ Græciæ ca-
 stras suam in potestatem redegerunt. Harum rerum, tam feliciter in
 Romania gestarum, fama quum ad Turcos in Asiam trans mare
 perlata fuisset: quam plurimi sponte sua transiecerunt, atque hoc
 modo passim per vniuersam Romaniam diditus est de Turcorum
 aduentu rumor. Neque multo post præmissi fuere, qui Gallipolim
 tentarent. Eius loci Teggiur, animaduerso tam suo, quam suorum
 periculo, collectisque perexiguis Christianorum copiis, animose
 cum Turcis confligit: sed prælio victus, intra munitionem se rece-
 pit. Turci hostem a tergo sequuti, agrum omnem occupant: & in
 reditu ipsam quoque Gallipolim sibi cum arce subiiciunt. Factum

C. 1357. hoc anno Mahumetano DCCLVIII.

- 26 Capta Gallipoli, suos Soleimanes ablegat, ut agros Cherepoli & Zorlo vicinos popularentur, & ferro atque igni vastarent: qui longelateque direptis omnibus, absque mora Gallipolim reuersi sunt.
- 27 Habebat secum duos ex omni numero procerum duces eximios, & Eurenosem begum, & Chazim Elim begum. Hi nullum Christianis
- 28 tempus a perpetuis vexationibus vacuum relinquere, sed absque intermissione Dimotuci ac Burgosines agros agere, ferre: moxque cum suis Gallipolim se recipere. Dum ab illis ea geruntur, Soleimanes bassa quodam die venatum in equo prodiit: inuenitque lepore, 10 mox illum ut caperet, equum ad cursum adigit: qui forte fortuna pede altero delatus in scrobem quamdam, una cum domino corruit, cumque sic humi adflixit: ut ibidem confestim exspiraret, an-

C. 1358 no Mahumetano DCCCLIX.

- Eodem tempore mortuus est etiam Soleimanis bassa pater, Vt 15 ehan Gases. Sed filius duobus ante patrem mensibus extinctus est. Successit in imperio paterno Gases Murates Chan, qui Prusiam profectus, magnum ex Carasina regione, ceterisque prouinciis, exercitum collegit. Erat in ciuitate Belezuga Mahumetanus quidam, religiosus & magnæ vir existimationis, cui nomen Zender- 20 lues Cheliles. Eum ad se vocatum Cadilescheri officio fungi iussit. Hinc cum œconomo regiæ suæ Scachine, ac vniuersis copiis, Gallipolim transiecit, ac recta Zorlum contendit. Eius loci præsidiarii, & incolæ fortissime quidem illi se defendebant, sed opidum tamē expugnatum vi fuit. Capta deinde Sis, Teggiure deditionem faciente. Mox itum versus Burgosinen, quæ inuenta fuit habitatoribus vacua, Christianis fuga dilapsis: ideoque Turcis ingressis, igne delata. 25 Ex altera parte regionis Eurenoses begus arma cum Chazi Eli bego circumtulit: a quibus ad amnem Merizam occupatum fuit castellum, cui & ipsi nomen Burgos: adeoque ab hoc euentu in hodiernum vsque diem Elis begi Burgos dicitur. In eo castello Chazis Eli begus interdium quieti sedabat. sed postea, quam nox adpetiisset, perpetuis excursionibus vicissim quietem Christianorum turbabat. Idem missis exploratoribus, imprudentem Dimotuci Teggiurem.

rem oppressit & interceptit, atque hoc modo captum ad opidi mœnia deduxit. Quum in hostis potestate cōstitutū Teggiurem suum tam opidani, quam arcis præsidarij viderent: certis condicionibus cum Chazi Eli bego transigunt, eique ciuitatem cum arce dedunt.

- 5 Nihilo minus Turci, deditione facta, Teggiurem liberum & incolumem abire permittunt. Dimotuco potitus, Ypsalam cum exercitu pergit, vt & illud opidum expugnaret, ac sub iugum mitteret. Interea Gases etiam Murates in armis erat, Hadrianopolim inuasurus. Præmisit vero Scachinem, æconomum regiæ suæ, cū parte copiarum; qui de Christianis periculum faceret, hostine obuiam ituri, seq; defensuri essent. Huius aduentu cognito, Christiani mox in aciem aduersus eum prodeunt. Vtriusque dimicatum acerrime, multis ab vtraque parte cæsis & interemtis. Tandem de ardore atque impetu suo Christiani nō nihil remifere, seque intra muros vr-
 15 bis & propugnacula receperunt. Scachines, missō nūtio, Muratem Gazem rei bene gestæ certiore facit: eique capita cæforum aliquot transmittit. Interim begus vterque, Chazis El & Eurenoses cum Muratis exercitu suas coniungunt copias: & aciem primam sortiti, ante Muratem Hadrianopolim recta ducunt. Admodum id temporis Meriza fluuius, aliarum aquarum accessione au-
 20 ctus, intumuerat. Quamobrem vrbis Teggiur, intellecto aduentu hostium, nauim ingressus Ygnum profugit. Opidanis a Teggiure suo desertis, & omni auxiliorum spe destitutis; Murates, qui rem per exploratores cognouerat, cum exercitu prima luce castris e-
 25 gressus, ad urbem propius accessit. Ei ciues, apertis ebsque mora portis, deditionem fecere: Mahumetani calculi anno DCC LXI.

C. 1360.

- Hadrianopoli capta, Murates Scachini, copiarum parte tradita, permisit: vt omnem Zagoræ Philibæque viciniam depopularetur, & igne deleret. Itaque Scachinis milites eo profecti, regionem vni-
 30 uersam prædis agendis vastant, & incolas captiuos secum abigunt. Itidem Murates Eurenosi bego potestatem fecit, agros Ypsalæ vendendi. Hoc modo suis vtrique partibus adsignatis, imperij fines am-
 borum opera fuere prolatati. Gesta sunt hæc anno DCC LXI. quo
 quidem anno lumen Solis vsque adeo defecit, vt etiam interdum

C. 1361.

stellæ cæli conspicerentur.

34. Erat id tēporis quidam Talismanus Turcicus, Cara Rustemes, qui ad exercitum e Caramania venerat. Is quum tantam & prædæ Christianis ereptæ copiam, & captiuorum multitudinem in castra videret adduci: conuenit Cadileschero, cur talem tantumque thesaurum, magistratui supremo debitum, auferri temere sineret, quærir. Ad ea Zenderlues Cheliles Cadilescherus: Quis tādē ille thesaurus est, ait, quem tu quidem ad magistratum pertinere, sed nullo cum fructu perire, ac prodigi refers? Dei mandatū est, inquit Cara Rustemes, vt omniū, quæ de Christianis capta, rapta fuerint, siue mancipiorum, siue animalium, siue quarumlibet aliarum rerum, quinta quæque portio iuri Patiscachi cedat. Et cur illam vos non exigitis? Monitus ergo Cadilescherus, Gasi Murati Chani rem exposuit: a quo responsum tulit, vt, siquidem hoc Dei mandatū sit, omnino ius suum vrgeant. Igitur arcesso ad se Cara Rusteme: Volūmus, inquiunt, ô sancte vir, vt ipse Dei mandatum exsequaris. Ille Gallipolim profectus, ibidem sibi domicilium constituit: ac pro quolibet mancipio Christiano, trans mare vehendo, aspros xxv a Turcis exegit. Et auctores huius exactiōis illi duo fuere, quos diximus: vti nimirum quintæ Gallipoli pro Sultano Turcorum, hodieque, tam mancipiorum nomine, quam reliquorum spoliōrū exigantur. Fuit & ab Eurenose bego postulatum, vt in vsum magistratus supremi quintum quodque mancipium Christianum a suis repeteret, ac imperatori traderet. Si quis vero non quinque, sed quatuor dumtaxat mancipia possideret: vt ab eo singulorum nomine aspri xxv exigentur, eaque pecunia fisco imperatoris cederet. Hac nimirum occasione deinceps ille mos inoleuit, vt ex omni mācipiorum numero, liberalioris formæ pueri, pro Sultano delecti, retinerentur: quæ quidem in hunc modum exacta tenerioris ætatis mancipia, deinde ad imperatoris Portam deducta, Murati offerebantur. Is vero pueros in Anatoliam trāsportatos, inter Turcos distribui iubebat: vt apud eos disciplinæ pariter, ac laboribus adfuerent, & Turcice discerent. Exactis autem duobus apud illos, vel tribus annis: iam ad labores condocerent, linguæque Turcicæ periti, ad

ad Portam reducebantur, Genizarorum ordinibus adscribendi. Genizari vero Sultani Turcorum sclopetarij sunt, & inde ab illis
 vsque temporibus nomen hoc Genizarorum adepti retinent. Secū
 dum hæc Prusam Gases Murates Chan reuersus est, substituto sibi
 œconomo suo, Lala Scathine, qui vices absentis in Romania vel
 Græcia gereret: ceteras vero prouincias, imperijque limites, Eurenosi
 bego commendauit. Neq; multo post, Gallipolim denuo sese
 contulit, atque ibi Zenderluem Chelilem, hætenus officio Cadile-
 scheri functum, ad Bassæ ac Veziris dignitatem euexit. Is auctus
 hoc honore, Cheradines bassâ deinceps adpellatus fuit. Murates
 autem, relicta Gallipoli, quo venerat itinere, Bugam profectus; in-
 de Prusam rediit, atque ibi se in hiberna contulit. Ex altera parte fre-
 ti, regis Muratis œconomus Scachines Zagoram & Ischebolen
 subiugauit, anno DCCLXVI. quibus occupatis, rumor ad Muratem
 perlatus est, eique significatum, in Seruia Christianorum ad L mil-
 lia collecta, de Hadrianopoli adeunda cogitare. Cuius rei nuntio
 accepto, magna celeritate ad iter sese comparat, & Gallipolim con-
 tendit. Vix ad litus, in Europam ex Asia transiecturus, accesserat:
 quum Seruij iam Hadrianopoli ex propinquo imminerent, eo ca-
 stris loco metati, qui in hunc vsque diem a Seruiorum siue Rascio-
 rum clade nomen accepit. Interea Scachines, nulla rebus agendis
 interposita mora, noctu per insidias in hostem erumpit. Illi multo
 mero madidi, passim per castra, magna cum vociferatione, Turcos
 adesse clamitant. quumque præ temulentia, tam præsentis rerû dis-
 crimine, quid agerent, ignorarent: per noctis caliginem alter alter-
 um ad lucem vsque maectant. Equi etiam rapti tumultus causa pa-
 uore consternati, abruptis loribus & capistris, ad necem vsque sibi mu-
 tuo calces impegerunt. Vbi denique iam illuxisset, fœdam in fugam
 Seruij, nemine persequente, se coniecerunt. Ibi tum hostili vallo su-
 perato, Turci castra, nemine resistente, capiunt atque diripiunt: &
 amplius ditati spoliis, Hadrianopolim reuertuntur. Scachines Mura-
 ti magnum captiuorum numerum, cum non paucis capitibus inter-
 emtorum, misit: quibus conspectis, itinere conuerso Prusam repe-
 tit. Hæc gesta fuerunt anno Turcico DCCLXVII. quo anno Murates

38 Chan filios suos, Baiaſitem, qui Gilderun cognominatus fuit, & Iacupem Zelehim, circumcidi voluit, magna ſollemnitate adhibita. Belezugæ præterea, quod opidum eſt Anatoliæ ſuntuoſum templum, meſſitam Turci vocât, eodem anno, cum ſchola & Xenone, 5
39 conſtruxit. Principis etiam Germiani filiæ nuptias Baiaſiti Gilderuni filio conciliauit, celebratas pompa magnificentiſſima. Secundum
40 hæc in regionem Hemidam cum exercitu profeſtus, eam occupauit. Inde progreſſus, Aſpropolim ſiue Albam Anatoliæ, quam nunc Acſcheherim vocât, & Cutahigen metropolim prouinciæ, & Hierapolim, quæ Seidiſcheheris dicitur, & Geluazen imperio ſuo ſub- 10
C. 1383 iecit, anno DCCLXXXIII. Atque his rebus geſtis, reliſtisque locis iis, trans fretum Gallipolim ſe contulit: ingreſſusque Romaniam, obſidione Magalgaram cinxit, & in poteſtatem breui redegit. Eo loco
41 regiæ Muratis æconomus Lala Scachines, & Eurenofes begus, vniuerſis cum copiis, quibus in Romania præerant, ad Muratem acceſ- 15
ſerunt: & coniunctis exercitibus, ad obſidendam Bolinam, locum munitum profeſti ſunt. Quotquot erant ea regione Chriſtiani, omnes in illam velut arcem ſeſe receperant. Itaque quum Murates tantis cum copiis & adparatu obſidione inchoata, magnisque laboribus & moleſtiis exanclatis, non potiri ſe opido poſſe videret: inti- 20
mo dolore animi commotus, ingemuit: & obſidione ſoluta diſcedens, Euertat te Deus, inquit. Erat haud procul inde tilia quædam pulcherrima, quam Felicem vulgo vocabant, hodieque ſermonibus hominum celebris. Ad eam quum perueniſſet, caſtris locū de- 25
legit. Interim ipſe quemdam ad fontem ſeſe reclinans, mæſtus conſedit. Non magno temporis elapſo ſpatio, nuntium accepit, latus alterum munitio- nis, mole ſua grauatum, coruiſſe. Qua re intellecta, mox Lalam Scachinem ablegat: qui opinione citius ad opidū conuolans, eo potitur: Chriſtianis omnibus captis, & magnis inuentis opibus. Inter alia reperti a Turcis aurei catini atque calices, qui caſ- 30
ſidum formam referebant. Iis in capita impoſitis, cum mancipiis Chriſtianis, & omni præda, coram Murate comparuerunt. Et quidem id temporis apud Turcos cepit ille mos geſtandi aureos ciuſ-
42 modi pileos, qui apud ipſos Vſcuſiæ dicuntur. Murati vero Chani collibuit

- collibuit eam tiliam honore quodam adficere, atque illam ob causam vetus Felicis tiliæ nomen adprobauit, & ad posteros ratum esse voluit. Inde Christianos incolas vniuersos, qui capti fuerant, cuiuscumque fortunæ, sacramentum sibi dicere iussit: & cum liberis, atque coniugibus domum remisit. Castro quidem ipsi nomē in hodiernum vsq; diem durat, ab euerfione diuina. Murates hinc repetiturus Hadrianopolim, Chairedini Bassæ, ac Eurenosi bego id negotij dedit: vt progressi vltcrius, omnem illam prouinciam sibi subderent. Et Eurenoses quidē begus animū ad inuadendum Gumul-
 43
 10 zinæ agrum adiecit. Marolia confestim ei se dedit. Erat inter alios Muratis familiæ ministros quidam, cui nomen Delus Beluban. Ei sanguiacatum in limitibus cōmisit, vt Serras opidum bello vexaret. Quum autem suas ille copias istuc adduxisset, Christiani portis occlusis, deditiōnē facere recusarunt. Interea vero, dum his oppugnā-
 44
 15 distotus occupatur: Lala Scachines opida complura, Caualam, Di-
 45
 ren, Sirum, imperio Muratis adiungit: indeq; promotis castris, Manastirum & Selerucā, circūfusus militibus, tentat: & omnē agrū his finitimū rapinis & incēdiis vastat. Acciderūt hęc anno DCCCLXXXVII. C. 1386.
 Id temporis Bagadatim Temirlancus inuasit, cui tum Sultanus
 45
 20 Achmetes cum imperio præerat. Is præ formidine Alcairum, ad Sultantum Borcuem, profugit: anno DCCCLXXXVIII. C. 1387
 Babylone Temir Chan mouit in regionem Destensem, vbi cum Techmico Chaneproelio confligit: ac victoria potitus, ferro & igni regionem illam omnem depopulatus est, anno DCCXC. C. 1390.
 25 Eodem tempore cepit Gases Murates Chan bellum cum Laza-
 46
 rogetere. Quippe Lazarus præpotenti coacto exercitu, & iam in Cosouæ campos cum suis progressus, Murati per internuntium dici iussit, in aciem modo prodiret: adpariturum facile, cui cessura sit victoria. Murates ex altera parte, summa diligentia conscripto milite,
 30 ambos etiam filios, Baiafitem cognomine Gilderunem, & lacupē Zelehim, ea sibi expeditione adiunxit. Posteaquam in Cosouæ cā-
 47
 pos vterque cōuenisset exercitus, acri dimicatū vtrinq; prælio. Ibi tam Christianus quidā ad Muratē transfugit, cū significatione voluntatis suæ, quasi si militare deinceps ei cuperet. Igitur ad Muratē

deductus, vti pro more pedes eius oscularetur, quam sub veste abdita gestabat sicam, ea vi Muratis in ventrem adegit: vt is tam diro vulnere confectus, exspiraret. Turcici vero proceres, hac Sultani sui ex de conspecta, mox consultationem instituunt, & quid hoc casu tam repentino faciendum deliberantes, in eam cōuenere sententiam, vt ad se lacupem Zelelim arcesserent. Is vbi vocatus comparuisset: Age, inquit, tentorium paternum ingredi. Nam est, quod te vult pater. Ille nihil mali suspicatus, ingreditur: & correptus ab eis, necatur. Inde regio solio Gilderun Baialites impositus, omnium suffragiis impetator salutatur. Quibus peractis, denuo ceptum pugnari fortiter: adeo quidem, vt victus eo praelio, captusque Lazarus, in conspectu Baialitis frustulatim concisus fuerit. His rebus gestis, ex eo loco discessum, & Hadrianopolim versus instituta profectio. Erat is annus dccxci. Sultanus Gazes Murates Chan imperio præfuit annis xxxii. Cadauer eius Prusam deportatū, propter Caplizen, sic thermas Turci vocant, monumento pro more fuit illatum.

- Extincto Murate, Gilderun Chan plene iam potitus imperio, confestim expeditione suscepta, Kiratouum opidum, & vniuersas illas argēti fodinas occupauit. Erat inter familiares ipsius ministros quidam Feris begus, vir admodum bellicosus. Eum cum copiis ad ipsum vsque Danubium misit, vbi redactio in potestatem opido Vidina Hadrianopolim reuersus est. Baialites autem rursus bego expeditionem iniunxit, qua Tanabit & Citros fuere domitæ. Interim Feris etiam begus in Valachos ire iussus, inopinato regionem inuasit, magnamque prædam adeptus est. Eodem tempore Bassa quidā, Iagides begus, in Bozinam profectus, omnem illam regionem rapinis exhauit. Ipse Gilderun Chan Prusam se contulit, ibique messitæ struendæ principium fecit. Inde relicta Prusa, Caramaniam cum exercitu adiit: vbi opido Alascheheri subiugato, mox ager Aidinensis sua sponte deditionē fecit. Hinc Sarchanix fines ingressus, illa quoque nullo negotio potitus est. Et eo quidem facilius vtrumque Gilderuni successit, quod paullo ante ditionis vtriusque domini rebus humanis excessissent. Acta Mahumetano anno dccxc i i.

Secun-

Secundum hæc, Constantinum bello adgressus est, cui dum
 ipse totus incumbit: Rex Vngarorum cum exercitu ad Nigebo-
 lim accessit. Eo Baialites cognito, soluta Constantinopolis obli-
 dione, recta Nigebolim suos duxit. Ad hostem ubi peruentum
 fuisse, multoties leuibus præliis, atque etiam acie nonnumquam
 iusta dimicatum inter utrosque. Tandem nocturna impressione
 Christianos adortus, adeo repentino & inopinato impetu exter-
 ruit: ut eorum plerique in Danubium præcipitare se cogerentur,
 & in ipso flumine magno numero submersi perirent: reliqui scæ-
 dam semet in fugam conijcerent. Factum hoc anno DCCXCIII. C. 1393

Hoc bello confecto, rursus in Constantinum arma conuertit.
 Sed composita pax fuit, ea conditione: ut intra Constantinopolis
 mœnia Gilderunis Chanis subditi ius haberent vicum vnum in-
 habitandi. Fuit is annus DCCXCIII. 52

Eo ipso tempore mortuus est Sultanus Alcairi Borcucces, 53
 post cuius obitum Gilderun Chan prouincias ipsius inuasit,
 & Melatigen suæ ditioni adiunxit. Sed imminentibus iam fri-
 goribus hibernis, Prusam reuersus est: ibique per illam hiemem
 quieuit. Æstatis initio rursus expeditione instituta, ductisque in
 Armeniam copiis, Erzingam occupauit. Noui tum motus erant
 Temiris Chanis apud Patthos, quos Gilderun Chan non ma-
 gni faciens, Erzinga relicta, & freto ad Gallipolim transmissa, in
 Romaniam venit: ibique Silistriam & Empolim suo subiecit im-
 perio: quod quidem accidit anno DCCXCV. C. 1394

Hinc in Moream abiit, & castris ad opidum Ferigen colloca-
 tis, in diuersas quatuor partes suos milites ad diripiendos regionis
 agrosemisit: a quibus ingens præda collecta fuit. Ipso in opido Fe-
 rige templum cum Xenone construi de nouo curauit, atque ita
 reuersus Hadrianopolim, ad aliquod tempus istic in otio vixit.

Ibi tum Bulcus Despota filiam suam Gilderuni dedit uxorem, 54
 quo ad finitatis vinculo sancita fuit inter ipsos societas & amicitia.
 Quippe Gilderun Chan, professione Musulmanus, Bulci Despo-
 tæ, qui religione Christianus erat, gener factus fuit. Anteramen,
 quam Bulci filiam Baialites sibi matrimonio iungeret, vini usum
 prorsus ignorabat. Maiores enim ipsius a vino abstinerant. de

Osmane loquor, & Vrchane, Murateque. Nam quonies conuiuas inuitaturi erant, varios cibos adparari iusserunt, atque his deinde vesci soliti sunt, adhibitis Talismanis: quorum præceptis & admonitionibus inter conuiuandum aures præbebant, & Alcoranum legi curabant. Quidquid denique Talismani consulerent, illi non inuite obtemperabāt. Quo factum, vt eorum monitis parendo, nequaquam peccare possent. In primis Cara Rustemes, & Zenderlues Cheliles, magno apud eos in honore habiti, & sancti homines adpellati fuere. Verum tam ipsi, quam Talismani ceteri hac exhibitione honoris arrogantiores facti, multa fecere nequiter & flagitiose. Tamdem quum essent extincti Zenderlues Cheliles, & Cara Rustemes: Alis bassa, Zenderluis Chelilis filius, a Gilderune Chane Veziris dignitatē adeptus est. Tum vero crescere Talismanorum improbitas, multa se indigna committentium, & reiectis moribus atque institutis pristinis, noua quædam introducuntium. Erat enim populus Osmanicus sane quam simplex & rudis, qui facile sibi quiduis persuaderi sineret. Quo fiebat, vt eis insidiosæ, ac multiplici vaficie imponerent. Inter alia, prohibebāt in commerciis & contractibus vsum antiquæ mōnetæ, asprorumque veterum: & emolumētū proprij causā, nummulariorum more, monetam ad se veterem astute transferebant, cuiusq; loco nouam signabant. Alis ipse bassa, vir simplex, ac rebus diuinis deuotus erat: cuius exemplo quum populus id temporis etiam singulari mōrum integritate, religioneque præditus esset: Talismani tanto magis horum bonitate simplici, pro lubitu, abutebantur. Quum autem Gilderun Chan fraudes ipsorum, & imposturas depræhenderet, atque etiam videret, eos belluinam & impuram vitam agere: edicto publicato præcepit, vt omnes Talismani, omnesque Cadij, quo nomine iudices Turcorū veniunt, Neapolim, quam Turci Genischeherim lingua sua dicunt, conuocarentur. Vbi cōuenissent vniuersi, quamdam in donum eos concludi iussit, eamque præsidio circumdatam, ne quis elaberetur, incendi præcepit: vt omnes flammis absumerentur. Hoc Gilderunis mādato magnopere perturbatus Alis bassa Vezir, præ-

animi

nimi mœrore, qua illorum saluti via consuleret, ignorabat. Tamen huiusmodi quiddam ei ad animum accidit. Erat in deliciis Gilderuni Chani quidam æthiops paruulus, faceto præditus ingenio: qui ab hero quiduis impetrare nullo negotio poterat. Hoc ad se venire iusso: Quidquid, inquit Alis bassa, libitum tibi fuerit a me petere, dabo: modo Talismanos & Cadios imminenti periculo eripueris. Æthiops his auditis, mox elegantiori amictu sumto, & imposita capiti vscusia, qui pileus est aureus, hoc ornatu Gilderunem Chanem adit, seque ante ipsum sistit. Ille, conspecto æthiopo: Quid hoc, ait, rei est, æthiopille? cur nobis hoc amictu tam splendido? Est quod abs te petam, inquit æthiops, exorari te patitor. Et quid tandem petis? subijcit Baiafites. Ille vero: Ablegari me velim, ait, internuntium ad Teggiurem Constantinopolis. At Constantinopoli, respondet Gilderun, quid tandem effecturus es negotij? Rogabo Teggiurem, inquit, vti quadraginta vel quinquaginta Calogeros mihi concedat. Quem vero ad vsum, quaerit imperator, hi tibi Calogeri seruient? Mandasti, ait, vt omnes eruditi Talismani tui, atque iudices, flammis exurendi tradantur. Quapropter in horum locum nobis illos substituemus iudices.

Tum Baiafites Chan: Ergone Calogeri nobis necessario deligendi iudices? an mei ministri iudicum officio fungi nequeunt? Tui ministri, respondit æthiops, non sunt eruditi. Quid ais? Subijcit Gilderun: eruditine sunt iudices illi nostri? An iudex, inquit alter, esse quisquam possit, qui non sit eruditus? Atenim, respondit Chan, si docti sunt, cur ex æqui rectique regula sese non gerunt? cur, quod præcipiunt aliis, ipsi non faciunt? Ad ea, sessus interrogando iam æthiops, obticuit. Gilderun vero, compellato Ali bassa: Doctine sunt, ait, iudices nostri? Tum Alis: Ecquem putas, inquit, iudicis officio posse fungi, qui doctrinæ sit expertus? Et Baiafites: Cur igitur adeo fœda facinora cōmittunt, nec semet ex præscripto suæ doctrinæ gerunt? Ibi commodam respondendi nactus occasionem Alis: Hi nostri iudices, ait, nullum stipendium, nullas annonas habent. Ea sola nimirum est causa, cur officio suo minus satisfaciant. Quid ergo, respondit Chan, faciundū no-

bis censes? Omnino se corrigerent, inquit Alis, si quid eis stipendij numeraretur. Tum Baialites: Siquidem ita comparata res est, quoddam ipse salarium eis constituito. Alis, hoc a Gilderune accepto responso, req; cum animo suo diligenter expensa, tandem reperit, quid eis nomine stipendij posset assignari: videlicet, ut quisquis hereditatem, aliquot millibus asprorum æstimatam, adiret; Cadio siue iudici, cuius ipse iurisdictioni subiectus esset, pro singulis millenis aspris, viginti aspros solueret: ac pro singulis instrumentis, matrimoniorum puta, vel aliorum taliū cōtractuum nomine cōfectis, iidem aspros xx penderet. Ab hoc ergo tēpore constituta iudicibus stipendia sunt, & Alis in hunc modū placato Gilderunis animo, Talismanos & iudices e præfenti vitæ periculo liberauit.

- 57 Secundum hæc inuasit Caramanix princeps, expeditione successpta, regionem Hemidam, eamq; occupauit. Qua dere Gilderun Chan factus certior, quanta potuit celeritate trāsmissō freto, Prusam accessit: & peragrata Tekiensī prouincia, venit in Caramaniam, ibique ciuitatem Coniam obsidione cinxit. Caramanię dominus hosti aduenienti cessit, & in loca montuosa se recepit. Erat tum id anni tēpus, quo incolæ segetes suas in arcis agrorum habebant, ut eas triturerent: ac per ipsis accidebat incommodē, quod frumenti aceruos, qui tunc & trituriendi, & ventilandi erāt, relinquere sub dio cogerentur, atque intra vrbs mœnia sese concludere. Quum hoc Gilderun Chan animaduerneret, suis interdixit, ne quid frumenti sumerent, nisi persoluto pretio. Milites illo Sultani edicto promulgato, propius ad mœnia progressi, rogare obsessos, frumentum sibi venderent. Opidani respondere, nec pabulum ab se, nec frumentum vēdi posse: qui ciuitatis intra muros clausi, obsiderentur. Si Gilderuni Chani placeret, concessō cōmeatu libero, potestatem exeundi facere: perlubenter omnia se vendituros, quæ ipsi poscerent. His Gilderuni continuo renuntiat, idoneo ciuibus exituris commeatu, publica q; fide cauit. Itaque illis extra urbem prodeūtib; accedere milites Turcici, quibus annona opus esset, ac necessaria comparare, sine cuiusquam vel

vel damno, vel iniuria, soluto confestim pretio. Qua ciues, & regionis incolæ, disciplina militari perspecta: non se modo, cum vrbe obfessa, Gilderunis potestati permiserunt: verum eius etiã castri, quod Album vocant, ciuitatumq; Nigdes & Caifarix, dedicationem fecerunt. Tum vero Caramanix princeps, rerũ suarum trepidus, & quid ageret, ignarus; tandem capto cum animo suo consilio, & quodam ad Baiafitem ablegato, sic cum eo trãfegit: vt opidis nonnullis prouinciæ suæ Gilderuni sponte cederet. Is aut̃ rebus hisce gestis, Prusam reuersus, ad duos ibi menses quieuit. Inde noua expeditione suscepta, Borlen adiit, eaq; mox potitus est. Hinc ad amnem Kisam progreditur. Eius regionis princeps, cui nomen Isuendiar, ad vrbein Sinopen fuga sese contulit. Baiafites legato ad illum misso, pacis componendæ causã, quædã opida sibi retinuit: ditionem reliquam Isuendiar restituit, ac Prusam cum exercitu rediit. Euenerunt hæc anno DCCXCVII.

C. 1396

Secundum hæc rursus Amasiam Prusa contendit. Inde petita Siualte, quæ quidẽ vrbs ei mox a Casi Burchane dedita fuit. Hæc pater Emiri Soleimani filio cõcessit. Erat princeps quidã, cui nomen Techrin begus. Ei Baiafites Erzingam, cuius erat dominus, nõ ita pridem ereptã, restituit: liberis tamen, tam maribus, quam feminis, obsidum loco retentis, & Prusam missis. Post hæc Melatigen copias duxit. Iis in locis opida, Diorrygem & Guxinen, sui cum iuris fecisset: Prusam reuersus, aliquamdiu quieti se dedit. Erat hic annus DCCXCVIII. quo tempore Temir Chan expeditione rursus instituta, per regionem Parthorum arma circumtulit. Tandem progressus vlterius, & Chalepum Damascumque ducto exercitu, Chalepum vniuersã cum regione finitima occupauit: Damascum foede direptam populatus est, anno DCCC.

C. 1397

C. 1399

Indicatum fuit a nobis antehac, Gilderunem Chanem versus omnes imperij sui fines grassatũ, ditiones alienas inuasissẽ: quumque ne suæ quidem religioni deditis parceret, Melatigen, Diorrygem, Guxinenque Turcomanis eripuisse: prorsus deniq; suis eos ditionibus per summam iniuriam expulsos, profligasse.

Quamquam ne hoc quidẽ dissimulandũ, Turcomanos eas

regiones, cum opidis non magno labore suo parasse: nec, uti bonæ fidei possessores, ius suum longissimi temporis præscriptione tutari potuisse. Nihilominus hoc, quo dictum, modo suis eiectionibus, ad Alcairensis Sultani patrocinium se contulere, sub eius imperio sede sibi constituta. Potuit istantum efficere, dum Gilderun Chan coniectis in Temirem Chanem oculis, sollicitè progressus ipsius obseruaret; ut opera sua Turcomanos exsules in integrum restitueret. Illi tamen facile, certis adducti rerum argumentis, perspiciebant: Baiafitem non multo post haud dubies nouas moliturum. Itaque cum principibus ceteris, qui partim a Gilderune bello petiti, partim suis spoliati fortunis erant; cum Techrine videlicet, cum Germiano, cum Duzinone Aidinensi bego, cum Mentefio denique, fœdus atque societatem inierunt. Omnes enim hi, quorum enumerata nomina, non minorum quasi gentium domini dumtaxat in iis terris, verum etiam principes erant. Ab his ergo cõmuni nomine missa fuit ad Temirem legatio, quæ quum ad ipsum peruenisset, deploratis illorum principum ærumnis atque miseriis, tantum apud eum oratione sua perfecit: ut bellum se facturum Gilderuni, quo illatas ipsis vindicaret iniurias, polliceretur. Ante tamen, quam bellum hoc Gilderuni Temir inferret, exsulum causa suos ad eum misit internuntios, omnem (quod aiunt) lapidem moturos, ut inter utramque partem transigerent, idque dumtaxat vnum impetraret, quo fas restitutis exsulis esset, tranquille ditionibus suis absque iniuria Gilderunis, utendi, fruendi. Verum hac legatione incassum missa, quum Temir a Gilderune despici se, contemniq; videret: præpotentem coëgit exercitum, quo ad urbem, quæ Siuaste dicitur, adducto; magna illâ celeritate per vim expugnauit & euertit, ipsa etiam arce diruta. Secundum hæc ingentes illas copias Damascum duxit. Interim vero Sultanus Alcairi, militibus suis Alcairo, Damasco, Chalepo euocatis, haud procul Chalepo Temiri Chani occurrit. Pugnatum inter utrosque strenue, sed victus Alcairi Sultanus in Ægyptum profugit. Illo sibi fuga cõsulente, Chalepū & Chemesam vi Temir expugnat. Quum Chemesæ cõplura pereleganter exstructa mortuorum monumēta cerne-

cerneret, quinam in eis sepulti cōderentur, interrogauit. Respon-
 sum ab incolis, esse illa sepulchra famulorū sociorumq; vatis Ma-
 humetis: videlicet Chalidis, qui Velidis fuerit filius, & Kiabelech-
 baris, & Omeris, & Mueigæ, qui Mahumetis fuerit cursor. Hoc
 5 intellecto, corpora quidē incolarum esse libera iussit: sed faculta-
 tes eis omnes ademit. Chemesa discedens, & Bealbecū profectus,
 id opidum prius direptum vastari passus est. Bealbeco Damascū
 rediit, arcem vr̄bis eius occupaturus: verum oppugnatione prima
 nihil effecit. Igitur eam denuo vehementiori militum adgressus
 10 impetu, vi cepit. Damasco in potestatem redacta, reuersus est in
 Parthiam, & ad vr̄bem Carabagum castris locum delegit, eoque 63
 cum suis in hiberna se contulit. Posteaquā veris tempus adpetiis-
 set, Amasiam sic duxit exercitum, vt Erzingā prius accederet, in-
 de versus Engurim pergeret. Ab altera parte ne Gildetun quidem
 15 Chan otiosus erat, sed bello gerendo intentus, maximas cogebat
 copias. In primis vero Tatarorum ex regione Destensi multitu-
 dinem prope infinitam sibi adiunxit: quos per Moldauiam pro-
 fectos, & in Romaniam effusos, inde secum in Natoliam abduxit.
 Ad summam, talem ac tantum e Romania, Anatoliaque collegit
 20 exercitum: vt aduersariis ille copiis facile comparari posset. Cum
 his ergo profectiōem versus Engurim instituit, sumtis secum in
 eius expeditionis societatem filiis suis. Vbi iam cum exercitibus
 imperator alter ab altero non procul aberat, forte Temir Chan
 die quodam Ionis, prima luce, processit ad spatium mediū inter
 25 amborum exercitus, atq; ibi castris locum delegit, eaque fossa cir-
 cumducta munivit. Eodem & Gilderun Chan quum sese sub ve-
 speram contulisset, castra pro suis itidem copiis metatus est. Tam-
 dem die quodā Veneris, summo mane, instructis ab vtraq; parte
 aciebus, effusato quisq; suo contra se inuicem progrediuntur. Et
 30 Gilderun ita suos ordinarat, vt aduersario se nō inferiorem fututū
 existimaret. Rebus vniuersis recte dispositis, quum signa hinc in-
 de sublata volitarent, tubæ clangerent, tympana castrensia pulsa-
 rentur, & iam iamq; concursuræ viderentur acies: tum vero De-
 stenses Tatari, violata fide militari, mox ad Temirem transierūt:

itidemque milites e regionibus Germiani & Mentefij, quod ipso-
 rum principes a Temiris Chanis partibus starēt, ad eisdem se re-
 ceperunt. Quo factum, vt potissima pars, & ipsum adeo robur ex-
 ercitus, cui maxime fidebat, ab eo deficeret, ac perfidiae macula se
 contaminaret. Quinetiam suis a militibus Turcicis, qui animis in
 64 eum non nihil offensis erant, desertus fuit. Vnus tantummodo Bul-
 ci filius suis cum copiis constanter aduersus hostē substitit, & ani-
 mose pugnavit. quo Temir conspecto: Proh quā feroces & tru-
 culenti sunt isti Deruisij, dixit: quanto cum ardore dimicant. Ad
 quā de senatoribus quispiam: Non hi Deruisij sunt, ait, sed Chri- 10
 stiani. Tandē & Bulci filius animaduertit, incassum se tam acri-
 ter praeliando laborare. Nam & ipsi Turci iam in vniuersum fu-
 gae se dederant. Itaque collectis suis, non nihil ad alterum latus ex
 acie deflexit. Idem cum suis & Gilderunis filius Mustaphas Ze-
 lebis fecit, qui etiam hoc praelio periit. Hæc quum ipsi Bassæ vi- 15
 dissent, abducto secum Emire Soleimane, fugam arripuerunt.
 Sultanus Muchemetes cum suis Amasiam repetiit. Solus adhuc
 cum prætoriano comitatu Gilderun Chan immotus stabat. Sed
 tandem in hostis potestatem venit, & ad Temirem perductus
 fuit. Ei Temir Chan pedes obuiam processit, exceptumque ma- 20
 gna cum honoris delatione, suum in tentoriū deduxit. Ibi quum
 ex equo, Temirianorum adiutus opera, descendisset: humi, pro
 more gentis, in eodē ambo tapete cōfederunt. Prior Temir Chan
 de suis rebus cum Gilderune colloqui cepit. Inde quum cibū vna
 sumerēt, rursus Temir colloquiū exorsus: O Chan, ait, infinitas 25
 præpotenti Deo gratias & hymnos debemus vterque: tum quod
 mihi misere claudicanti, ab ipsis Indiæ finibus, ad portas vsq; Siua-
 stæ vrbis, imperiū largitus sit: tum quod ex altera parte tibi a Siua-
 stæ mœnibus, ad ipsos vsq; limites Vngariæ, dominatum concess-
 erit. Si Deo luberet vniuersum orbem terrarum partiiri, quid 30
 maius claudio dare posset? Iccirco non abs te magnis ipsi gra-
 tiis agendis obnoxij sumus. Tu vero parum fortasse Deo gratus
 fuisti, ac propterea talis ac tanta tibi calamitas accidit. Quæ quū
 dixisset, denuo Baiafitem interrogans: Mi Chan, ait, si tua si-
 tum

tum esset in potestate, mecum ut ageres pro libitu tuo : quid obsecro de me faceres? age, veritatem dicito. Tum Gilderun Chan, quem ferocis & iracundi animi hominem fuisse accepimus, non sine bile respondisse fertur: Equidem te, si fortuna propitia meam
 5 in potestatem venisses, ferrea conclusum cauea mecum hinc inde circumduxissem. Quo Temir audito, mox e ferro caueā parari iussit: & in eam, carceris loco, Baiafitē inclusit. Secundum hæc, permessa militi licētia per vniuersam regionē hinc inde se diffundēdi, atque omnia rapinis vastandi: Temir ipse Prusam abiit, ibique
 10 thesauros Baiafitis inuentos sibi vindicauit. Et quādo iam imminēbat hiems, simul & hibernauit in Anatolia, & proceres eos qui ad ipsius patrociniū confugerāt, tum fortunis suis restituit, tum muneribus amplissimis adfecit. Atque hoc modo singuli suas ad ditiones reuersi sunt. Osmani vero provinciā, cui nomen
 15 Osmania, Tataris Temir adtribuit. Quod quum Baiafites inaudisset, magnum animo dolorem cepit. Erat in more Temiri, ut castra loco moturus, nonnumquam ad Gilderunem accederet, eoque perhumaniter salutato, rectene valeret, an secus, quæreretur. Quodam ergo die Gilderun, hac usus occasione, Temirem
 20 adloquens: Equidem fateor, ait, o Chan, sic in fatis fuisse. Tibi diuinitus destinata fuit victoria. Sed est, quod ab te petam: modo & audire me, & adnuere petitioni volueris. Ad quē Temir: Quid, ait, a me petieris, o Chan, nequaquam tibi denegabitur. Tū Baiafites: Hoc vnum, inquit, abs te peto, ne familiam meam abo-
 25 leas, & Tataros uti tecum abducas. Mihi quod accidit, etiam tibi potest accidere. Non bonum est, ita scire velle, ut prorsus aboleas. His auditis, facturum se Temir recepit, quod Baiafites postulasset. A deoque coactis in vnum Tataris, secum eos abduxit. Sperauerat ille quidem futurum, ut quispiam filiorum Gilderunis ipsū
 30 conueniret: sed quia sibi metuebant, accessit nemo. Secundum hæc die quodam accidit, ut Temir compellato Gilderune, diceret: Equidem te mecum, o Chan, in regnum meum abducā, 65. ad urbem Semercandam: atque inde te remittam in regnū tuū. Ea Temiris oratio Gilderunis animum tam graui mæroris vul-

nere percussit, ut ipse sibi mortem conscisceret. Temir vero, quā
ad iter se compararet, Caramaniz bego complures arces & opi-
da donauit: & Isuendiari Castamonam, Congerim, & Calazu-
gen concessit. Atque his rebus gestis, in regnum suum reuersus
est. Acciderunt autem hæc omnia, quæ a nobis exposita sunt hæc
C. 1403 ætenu, ab anno DCCC vsq; ad annum DCCCIII. Temir Chan a-
pud Parthos annis XL rerum potitus fuit: Gilderun vero, cuius
mortem indicauimus, annis dumtaxat XIII regnauit.

67. Filios Gilderun Chan sex habuit: quorū vnus, Mustaphas Ze-
lebis, amissus fuit in Temiriano prælio: quinque reliqui mansere
superstites, Emir Soleimanes, Isa Zelebis, Musa Zelebis, Sultanus
Muchemetes, & Casan Zelebis, qui tempore prælij adhuc erat
ætate tenera.

Exstincto Baiafite, conuenerunt in vnum Alis bassa, Eines be-
gus, & Hazan aga: decretoque vnanimi ex Anatolia in Romaniam
reuertere statuerunt.

- Sultanus Muchemetes Amasiam profectus, quieti se dedit, pa-
rum de rebus aliorum sollicitus. Isa vero, & Musa, varie se mutuo
68. persequuti sunt in regione Carafina: donec Musa tandem Isam
cōprehensum occidit. Quo facinore patrato, Prusam profectus,
in otio viuens, a rebus gerendis abstinuit. Non multo post, arma
contra Musam quiescentem sumisit Emir Soleimanes. Hoc ille
cognito, mox in Caramaniam arrepta fuga se recepit. Emir So-
leimanes, ut res suas constabiliret, sororem suam, cum fratre natu
minimo, Casane Zelebi, Constantinopolim misit, eosque Con-
stantino dedit obsides: ne quod scilicet discidium inter eos exori-
retur, sed pacem potius inter se mutuo colerent.

69. Hinc in Romaniam transuectus Emir Soleimanes, Hadriano-
poli exarmonia Turcis familiari factus est imperator, anno

C. 1404. DCCCV.

Eius rei iūctio accepto, legatum Sultanus Muchemetes Ama-
sia misit ad Emirem Soleimane, fratrem natu maximum, qui
citum munera ferret, tum suis verbis hæc renuntiaret: Quando-
sic Deo visum fuit, domine ac frater natu maxime, ut parentem
vtriusq;

utriusque nostrum rebus humanis eximeret: magnopere mihi gratulor, te nobis saluum & incolumem relictum. Cui quum Emir Soleimanes vicissim venustæ formæ pueros, puellas, vestesque sericas, & alias res varias ac elegantes misisset: sancito fœdere mutuo, pacem inter se coluerunt. Post hæc ablegatis in Caramaniâ suis hominib⁹, eius puinciæ domino significari iussit Emir Soleimanes: daret operam, sic uti custodiretur Musa frater, ne qua posset elabi. Adeoque Caramanum obtestari se, diligenter id curaret: modo ei grata Soleimanis esset amicitia. Siquidem hoc ab ipso impetrasset, vicissim ei se omnia caritatis & benevolentia officia exhibiturum.

Musa quum subolfecisset, Caramaniæ principem cum Emire Soleimane mutuam in gratiam rediisse: fuga sibi consulens, ad Iſuendiarem propere concessit. Eius rei fama ad Emirem Soleimanem delata, mox arma in Iſuendiarem expediuit: cuius dittonem ingressus, propter Gerlen ad ripam fluminis castra locauit, & militem istic in hibernis habuit. Erat in iis locis nigra populus ingens, sub qua genio cottidie indulgebat, & helluabatur. Tandem composito cum Iſuendiare negotio, relictaque ipsius regione, profectus est Iſnicam: vbi totos dies in conuiujs & comotationibus exiguebat. Nihilo minus secreto Musam secum habuit Iſuendiar, eumque nauigio impositum, per pontum Euxinum in Valachiâ deportari curauit. Erat id temporis Vaiuoda Valachiæ quidam, cui nomē Murzes. Hic & hospicio excepit eum, & viam aperuit, & auxilio fuit, ut Romaniam ingrederetur. Quum Hadrianopolim peruenisset, mox ab exercitibus, eò confluentibus, imperator salutatus fuit. Emir vero Soleimanes, licet occupatam a fratre Romaniam intellexisset vniuersam; nihilo tamen minus perpetuo luxu & helluationibus suis occupabatur. Et quoties e mero iam ebrius incaluerat, sæpenumero voces has ingeminabat: Musa, Musa, quid tibi meis in regionibus est negotij? Neque magno tēpotis interiecto spatio, securus ipse, ac metus omnis expers, a Musa fratre fuit obrutus. Ibi quum a ducibus & administris rerū suarum, ad Musam transeuntibus, eiusque militiæ se deuouentibus,

desereretur: fugam arripuit, in qua vicum ad quemdam perueniens, ab eius incolis fuit interemptus. Eum vicum Musa, cum incolis vniuersis, cuius cuius tamdē vel sexus, vel ætatis essent, igne subiecto concremari iussit, hac adiecta voce: Cur fratrem meum vobis necare libuit? Secundum hæc reuersus Hadrianopolim, C. 1411. plene rerum potitus fuit, anno DCCCXIII. Emir autem Soleimanes imperauit annis v 1 1. Ab hoc inchoata fuit Hadrianopoli structura templi longe amplissimi, cuius ipso superstitē fundamēta iam ad eam altitudinem perducta fuerant: vt eius loci, quo templum condebatur, superficiem æquarent.

Quum autem Sultanus Muchemetes, cuius Amasix sedes erat, de hisce rebus omnibus, vt erant gesta, certior factus fuisset; nimirū Musam, Soleimane de medio sublato, Romaniz siue Græciz imperio potitum: bello Musam persequendum statuit, & expeditione suscepta, Prusam duxit: omnesque Anatolię prouincias, 15; Emiri Soleimani fratri non multo ante subditas, in potestatē redegit. Itidem in Romania nec ipse Musa rerum suarum cura deposita, quid agendum sibi foret, circumspiciebat. Ante omnia Scachum Melicum, cui dumtaxat vnus erat oculus, Vezirem creauit: 72. Samobunæ filium, Cadilescherum esse voluit: ducem stipendiariorum signiferis præfecit: prouincias denique suos inter familiares, ac militares viros, distribuit. Reliquerat Emir Soleimanes liberos superstitēs, filium atque filiam: qui Constantinopolim profugerunt. Durantibus hisce discidiis intestinis, etiam vrbs Vidina, ad Danubium sita, defecit: sed Musa, ducto aduersus eam milite, 25; rursus imperium accipere coëgit. Idē Musa relicta Vidina, Buru-uadam & Materam copias duxit, eaq; opida sibi subiecit. Magnā 73. in omnibus prouinciis tyrannidem exercuit. Occupauit & opidū Chiupurim, quod Lazari dikionis erat. Suos etiam excurrere nōnumquam iussit, ad ipsa vsque mœnia Constantinopolis: ita quidem, vr ipso imperante, Constantinopolitani portas vrbs aperire vix auderent. Accidit autem aliquando, vt ad Silyuriam accederet: quam dum oppugnaret, egregie se tuebātur opidani, & in hostem animose pugnabant. Dum vtrinq; manus conferuntur, Scachus:

Scachus Melicus, Musæ Vezirazemes, hero deserto, Cōstantinopolim se recepit. His perspectis insidiis & astu Melici, vehementer animo Musa perturbari: conuersoque itinere, Hadrianopolim reuerti: & quis huiusce transfugij futurus esset exitus, secum ipse
 5 dispicere. Vicissim ex aduersa parte, Sultanus Muchemetes omnino cum Musa prœlio congregi statuebat. Erat huic Vezirazemes, Baiafites bassa, quo cum sollicite cōsultabat, quonam modo nauigiis in Romaniam transmitti fretum posset. Forte fortunatum Scachus quoque Melicus ad Sultanum Muchemetem Constantinopoli venerat. Itaque Baiafites bassa Muchemeti auctor erat,
 10 vt is etiam arcessitus, deliberationi adhiberetur; quid ipsi faciūdum pareret, explicaturus. Ille vocatus in consilium, accessit: & intellecto, cupere Muchemetem in Romaniam exercitum transportare, modo, de ipsius consilio viam rationemque commodè
 15 transiendi cognosceret: respondit, omnino Constantinopolim mittendos legatos, & cum Teggiure pacis ineunda fœdera, quo fieri permissu ipsius & adiumento transiectio posset. Nō enim fretum vllō alio transmitti loco posse, quum Gallipolis in potestate Musæ sit. Erat id temporis insigni vir quidam auctoritate præditus,
 20 nomine Faselulla, qui Cadij siue iudicis officio Geiuisæ fungebatur. Is & notus erat, & familiaris admodum Teggiuri Constantinopolitano. Hunc igitur ablegarunt, vt cum Teggiure de pace ageret: qua inter vtramque partem sancita, profectus Prusa Sultanus Muchemetes, ad litus maris e regione Constantinopolis
 25 cessit. Illi Constantinopolitanus Teggiur naues suas obuiam misit, & ipsum in Romaniam cum exercitu transfuehī curauit. Eius Musæ rei factus certior: Hadrianopoli relicta, regionem Lazari petiit. Interea venit Inzuam Sultanus Muchemetes, atque ibi castris locum delegit. Mox Alis begus, Eutgnosīs begi filius, suis cum copiis
 30 ad Sultanum Muchemetem defecit: post quem & Michaël, Iochzi begi filius, cum milite suo ad eundem accessit. Eterat is Musæ beglerbegus. Horum confirmatus subsidiis Sultanus Muchemetes, vltcrius processit, & Hadrianopolim venit. Quotquot autem Turcici proceres per Romaniam hinc inde debebant, vni-

- uerſi Muſa deſerto, ad Sultanum Muchemetem ſe contulerunt. Nec a Muſæ partibus vlli manſere milites, præter Acanzios. Secundum hæc digreſſus Hadrianopoli Sultanus Muchemetes, Muſam a tergo perſequi nõ deſiit, & cum eo propter opidum Samocouam prælium iniit. Quum autem animaduerneret Muſa, non ſatis ſibi virium eſſe ad reſiſtendum: fugæ ſe dedit, & fugienti equus in profundum cœnum prolapſus fuit. Erat ei ſamulus quidam, veſtium ſartor, & ſeruilis homo condicionis, cui nomen Sarudzes. Hic equo domini, ſic humi proſtrato, tendines incidit, captumque dominum ſuum Muſam ad Sultanum Muchemetem adduxit. Sub initium noctis in tentorio quodam Muſa ſtrangulatus, ſtatim eadem nocte Pruſam auchi iuſſus eſt, vt iſtic in aui monumento conderetur. Imperauit annis III & dimidio. Mechemetem begum, Michalis filium, qui Acanziorum dux erat in exercitu Muſæ, captiuum Sultanus Muchemetes ad urbem Tocatam deportari, & ibidem cuſtodiri præcepit. Samobunæ vero filium, qui officio Cadileſcheri fungebatur, cum vxoribus & liberis Iſnicam iuſſit abduci, vbi mille aſprorum annonam ei ſingulos in meſes adſignauit. Peditum Muſæ dux in Valachiam auſugit. Hoc modo Turcorum imperator factus eſt Sultanus Muchemetes, vniuerſa ſubacta Romania anno DCCCXVI.

C. 1414. Inito regno, legatos ad omnes ſibi vicinos principes miſit, ac pacis & amicitie fœdera cum eis pepigit. Interea vero, dum adhuc Muſa Muchemetesq; bello ſemet inuicem in Romania perſequebantur: Caramanix princeps Pruſam exercitum adduxit. Eius expeditionis rumore ad ſe perlato, Ibaſes baſſa, qui tum Pruſæ cum baſſæ imperio præerat, acceſſitis ad ſe Pruſæ ciuibus, vt cum eis de imminẽti bello deliberaret: Caramanix princeps, ait, arma cepit, vt nos opprimat. Vos operam date, vt ad excipiendâ illius vim, inſtructi ſitis, & cum facultatibus veſtris in arcem vos recipite. Mox qui locupletiores erant, in arcem ſuis cum rebus migrant. Poſteaquam ad urbem Caramanix begus acceſſiſſet, Ibaſes arci ſemet includit. quo Caramanus animaduérſo, ciuitatem igne ſubiecto concremauit. Inde verſus arcem cuniculos agere cepit.

cepit. Ibases ex aduerso cuniculis suis ad hostium cuniculos per-
ductis, & aqua in eos deriuata, Caramani fossores aquis obrutos
extinxit. Interim vero dum ad Prusam res vtrimque geritur acri-
ter, & citra intermissionem: inopinato Musæ cadauer eò depor-
tatum, prope thermas monumento patetno infertur. Id vbi Ca-
ramanus fieri vidit, confestim motis castris, suam in prouinciam
exercitum abduxit.

- Secundum hæc profectus e Romania Sultanus Muchemetes,
transmisso freto, Prusam adiit, ibique maioribus coactis copiis, &
10 adiunctis sibi duobus in belli societatem principibus, Isuendiare
videlicet, ac Germiani domino; cum eis aduersus Caramanum
expeditionem suscepit. Ingressus autem Caramani ditionem,
mox opidum Varfacum subegit, incolis absq; mora deditionem 77
facientibus. Inde Coniam cum exercitu contendit, ybi quū prin-
15 ceps vrbis ei suis cum copiis occurreret: proelium inter se com-
miserūt, quo Sultanus Muchemetes superior fuit, & Caramanus
cum supremo copiarum suarum duce, Zebuco Mustapha, in ho-
stium potestatem venit. Multis vltro citroque colloquiis habitis,
tamdem compositum fuit discidium, & mutua reconciliata gra-
20 tia: sed ita tamen, vt Caramanus Sultano Muchemeti tribus opi-
dis, & vni castrō cederet. quorum locorum deditione facta, vicif-
sim Muchemetes Caramanum muneribus cohonestauit, & li-
bertati restitutum suam in prouinciam remisit. Muchemetes i-
pse Prusam reuersus, non diu istic hæsit: sed iter ceptum profe-
25 quens, trans fretum Hadrianopolim properauit, vt bello Vala-
chos inuaderet. In id bellum & a Garamano, & ab Isuendiare
bego copias auxiliares impetrauit: quibus ad suas adiūctis, in ho-
stem progressus, ad Danubium castra locauit: vbi dum castel-
lum exstrueret, magnam suorum manum in Valachiam trans flu-
30 men immisit, vt prædis actis eam depopularentur. Milites e Va-
lachia salui, nullo accepro detrimento, trans Danubium, maxi-
mis aucti spoliis, rediere. Quod quum regionis Vaiuoda cerne-
ret, aliud quod ageret, nihil habuit; quam vt pace cum Sultano
cōposita, quotannis se tributum missurum polliceretur, eoq; no-

- mine filium daret obsidem. Quibus rebus gestis, Prusam Muchemetes repetiit, & inde copias ad opidum, quod Samsonis dicitur, traduxit: quo quidem occupato, complures in iis locis Tataros, a Temire Chane relictos, inuenit. Hos, edicto publicato, in Romaniam migrare iussit: & ditiuncula quadam, haud procul a castro
79. Cunuzza, donauit: ut ibi domicilia sibi constituerent. Erat enim is locus incultus & desertus. Atque illa quidem vicinia & regio in hunc modum Tataros accepit incolas, qui eam in hodiernum usque diem possident. Interea dum his rebus intentus erat Muchemetes, in Anatolia seditio quædam coorta fuit, auctore Burgluze 10 Mustapha, qui Scheichis Bedredinis quondam æconomus fuerat. Et Scheiches ille Bedredines, uti supra diximus, apud Musam Cadilescheri munus gesserat, Isnicæ deinceps exulare iussus. Hic ergo Mustaphas in agrum Aidinensem profectus, magnam ibi seditionem excitauit: persuasis incolis, ut ipsius potestati se permitterent, & imperium lubentes acciperent: nomen interim prophetae mentitus, ut eo facilius res novas moliretur. Vbi de hoc motu Isnicæ Scheiches Bedredines accepisset, æconomi videlicet sui res tantum incrementi sumere: mox Isnica relictæ fugam arripuit, & Isuendiarem adiit. Apud hunc quum aliquamdiu substitisset, nauim conscendit, & itinere maritimo Valachiam petiit. Sultanus autem Muchemetes intellecto, habere iam Burgluzam Mustapham selectorum militum ad tria millia: copias suas in eum, duce Sultano Murate filio, misit. Is ubi, Baiafite bassa expeditionis socio, cum exercitu ad defectionis auctorem peruenisset: accidit, ut impetu repentino se inuicem inuaderent, & manus tam animose consererent, ut illo prælio ingens hominum multitudo caderet. Tamdè Burgluzes Mustaphas, in frustra concisus, periit. Hac de illo, & complicitibus, obuenta victoria: rediit ad pristinum imperium omnis ea ditio, distributa deinceps
80. inter Sultani Muchemetis militum præfectos. His rebus gestis, Baiafites bassa cum Sultano Murate Manissam duxit exercitum: quo ipso etiam in loco quidam erat homo seditionis, Torlacces Huggiemal, stipatus bis mille viris, qui eum sectabantur.

Hos

Hos quum Baiasites adsequutus fuisset, terga dare coëgit, & ipsum Torlacem, cum aliis aliquot coniuratis captum, ibidem suspendio necari iussit. Interim profectus Serras Sultanus Muchemetes, eam ciuitatem occupauit: & cum animo suo constituit, Salonicam quoque militum corona circumdare. Durante vero Serrēsis vrbis obsidione, Scheiches ille Bedredines, quem in Valachiam profugisse diximus, Romaniam ingressus, aliquot sophilarios ante se misit in agrum Zagorensem, vulgo persuasuros, imperium Scheichi Bedredini diuinitus esse destinatum. sal-
 10 tim paucos intra dies aduentum eius præstolarentur. Quum er-
 Scheiches Bedredines iam propius ad eos accederet, magnus sed-
 itioforum numerus ad ipsum confluxit, & illorum quoque non
 pauci, quos imperante Musa beneficiis obnoxios in magistratu
 sibi reddiderat, dum apud illum Cadileſcheri officio fungeretur:
 15 ita quidem, vt hominum copiis non contemnendis cinctus esset.
 Verum iidem animaduerso, minime felicem futurum, motus il-
 lius exitum: Bedredine deserto, etiam arma, quæ sumserant, de-
 posuerunt. Harum turbarum accepto nuntio, insignem exer-
 citum in agrum Zagorensem Sultanus Muchemetes expeditiuit:
 20 qui Scheichem Bedredinem ibi deprehensum ceperunt, & cap-
 tum Serras ad Sultanum Muchemetem adduxerunt. Erat apud
 Sultanum magnæ quidam doctrinæ vir, nomine Meulana Chei-
 der, oriundus e Parthia, vnde se ad Muchemetem contulerat, qui
 eum pro viro sancto colebat, & a latere suo numquam discedere
 25 patiebatur. Is hanc sententiam tulit, vt capitis quidem supplicium
 Scheiches Bedredines lueret: sed minime tamen fisco facultates
 ipsius adplicarentur. Sultanus ergo Muchemetes, hac in eum lata
 sententia, pœna suspendij apud Serras hominem adfecit. Postea
 vero, quam exspirasset: cadauer eius de patibulo detractū, & ter-
 30 ræ mādaturum fuit. Inde Sultanus Muchemetes Prusam reuersus,
 ad aliquod ibi tempus substitit. Hadrianopoli templum, quod
 frater eius Emir Soleimanes exstruere ceperat, absolui curauit.
 Aliud etiam Prusæ sanum, cum schola & xenone, condidit. At-
 que hisce gestis rebus, viuendi finem fecit. Eius loco Sultanus

- C. 1422 Murates filius imperator factus est, anno DCCCXXXIII. qui Prusæ cadauer parisi monumento, pro more, intulit.
82. Secundum hæc sequuta fuit vniuersorū in Anatolia defectio, nimirū Ismyræ principis, & Mēthesij: & ad summam, omnium ab omni parte procerum. In Romania namq; pro Sultano se quidā gerebat, cui nomen Dufmes Mustaphas. Is filium se Gilderunis Chanis profitebatur, & plerumq; solebat in opido Vardario degere. Transierunt in partes ipsius etiam proceres quidā eius familiarē, quos Eurenoses begos vocāt. Horum subsidiis adiutus, Serras obsedit: quæ quidē vrbs, vna cum arce, mox deditionē fecit. Hinc progressus vltcrius, Hadrianopolim ire perrexit: quo quā accessisset, incolæ portis reclusis, eius se fidei potestatiq; permiserūt. Ad summā, tota Romania in partes eius concessit. Alio tamen Porta loco non erat, quam Vardarij. Posteaquā Sultanus Murates, qui hoc tēpore Prusæ degebat in otio, de hisce moribus certior factus fuisset: Baiafitem baslam copiis instructū misit, qui hūc regno depelleret. Quum primum is Hadrianopolim in Romaniam venisset, ab hero suo defecit, ac Dufmi Mustaphæ se dedidit: a quo vicissim 85. Veziris dignitate fuit ornatus. Eidē & Ismyræ princeps, Chuseines begus, semet adiunxit. Magnum autē peditum numerū, quos Azapos vocāt, collegit Dufmes hic Mustaphas, & insignia cōcessit illis priuilegia, qui sponte militiā ipsius sectabantur. Quum igitur ingentem iam cōgisset exercitum, eo cōsilio discessit Hadrianopoli, vt Prusam contenderet. a qua vrbe quum iam itinere vnius diei abesset, Vezirem suum, Baiafitem baslam, supplicio capitis adfecit. Interim Murates quoque de bello gerendo cum suis deliberabat. Suadebant vero, qui huic a cōsiliis erant, vt Mechemetem begum, Michalis filium, e carcere Tocatenſi reuocaret, ac libertati restitueret. Hunc igitur arcessitum e custodia, secum in expeditionem hanc Sultanus Murates sumsit, ac Prusam relictā, ad amnem Vlubatam processit, & iuxta pontem castra metatus est. Eodem quum & Dufmes Mustaphas venisset, ex altera parte pontis locum castris delegit. Hoc modo collocatis ex 87. aduerso copiis vtriusque principis, Mechemetes begus, Michalis fi-

- lis filius, militibus a Dufme Mustapha stantibus cognoscendum se præbere, ac peramanter eos compellare. Quo facto, quum proceres atque milites, qui se cum Dufme Mustapha hac expeditione coniunxerant, Michalis filium adgnouissent: noctu fluuium Vlubatam transgressi, ad Sultanum Muratem se contulerunt, eique se dediderunt. Id ubi Dufmes Mustaphas fieri vidit, ad amnem Bugam profugit: magnaque pecuniæ vi Bugæ opidi Cadiod donata, eius ope saluus euasit: & propter Gallipolim transfretum in Romaniam reuersus, ibidem ad aliquod tempus quieuit, nauibus in terram subuectis. Eum sine mora sequutus a tergo Sultanus Murates, copias suas mercatorum nauigiis impositas in aduersum litus vehi curauit, & castris in Ezea planicie locum cepit. Tum vero Dufmes Mustaphas motis castris, versus Bolaiem fuga se recepit: vnde quum Hadrianopolim pergeret, a suis desertus fuit. Nec multo post captus, & Hadrianopolim ad Sultanum Muratem perductus, illius iussu de pinna quadam ad murum vrbis suspensus, laqueo vitam finiit. Mox ibidem Sultanus Murates in regium thronum collocatus, & imperator a suis salutatatus est, anno DCCCXXVII. Erat ei frater in Anatolia, cui nomen Mustaphas. Is etiam magnas ibi turbas dedit. sed tandem Murates expeditionem aduersus fratrem suscepit, & Isnica captum necari iussit: vnde Prusam vectus, & iuxta patrem conditus fuit. Secundum hæc rediit Sultanus Murates Hadrianopolim, quo quum peruenisset, de Vaiuodæ Valachi defectione cognouit. Quapropter ductis in Valachiam copiis, regionem vniuersam fœde diripuit, & amplis potitus spoliis, Hadrianopolim reuersus est, anno DCCCXXVII.

- Inde rursus in Anatoliam profectus, Ismyræ principem ditione sua expulit, & præterea regionibus, Mentefianæ, Aidinensi, Sarchanix, & Chemidensi, præsidia suorum imposuit, deductis eodem coloniis, & agris inter suos distributis. Gesta vero fuerunt hæc eodem anno DCCCXXVII.

Postilla quum ad tēpus aliquod Prusæ substitisset, quieti deductus: tandem suscepta rursus in Romaniam profectio, Lazari

90 ditionem ingressus est, eaq; Desporam senem prorsus eiecit, an-
C. 1427 no Mahumetano DCCCXXIX.

His exanclatis laboribus ac molestiis, quieti se quidem dedit,
sed non diuturnæ: dum Anatoliæ montana peteret, captandæ
frigidioris auræ causa. Rursum vero transiecit in Romaniam, & 5
armis Lazaro illatis, vniuersam eius regionem populatus est, an-

C. 1428 no DCCCXXX.

Hinc quidam ex proceribus, cui nomen Hofer begus, in Ana-
C. 1429 toliaditionē Zietucā Muratis imperio adiecit, anno DCCCXXXI.
quum interim Sultanus ipse Hadrianopoli quiete se reficeret. Ibi- 10
91 dem mortuus est Ibrahim bassā, Chelilis bassā pater, anno

C. 1430 DCCCXXXII.

Murates autem quietis & otij lōgioris impatiens, bellum se su-
scepturum suis edixit, diuinitus sibi mandatum. itaque maximas
92 copias ad urbem Salonicam adduxit, eaque potitus est, exercitu 15

C. 1431 spoliis opimis dirato: quod quidem accidit anno DCCCXXXIII.

Capta Salonica, nonnihil a bellicis occupationibus abstinere
93 constituit, & ad montana Zogæ profectus est. quo tempore na-
tus est ei filius, cui nomen Muchemeris imposuit, eodem anno

C. 1431 DCCCXXXIII.

20

Edito in lucem filio, nouos signari iussit aspros: moxque rursus
ad montana se contulit. Id temporis etiam Hadrianopoli tem-
plum, & ibidem in arce veteri palatium elegans ac deliciosum ex-

C. 1432 strui iussit, anno Mahumetano DCCCXXXV.

Anno autem sequenti proximo, quum Hadrianopoli degeret, 25
quodam Mercurij die, sub vesperam, vsque adeo lumen solis de-
fecit: vt tenebræ terram occuparent. Eodem anno cometes et-
iam caudatus adparuit.

94 Tunc & Eurenosis begi filius, Alis begus, in Albaniam copias
95 duxit, irritò plane conatu. Neque multo post Herzegouinam ad- 30

C. 1433 gressus, ibidē quoq; cum exercitu victus fuit, anno DCCCXXXVI.

Hac clade accepta, dum Hadrianopoli Murates Sulranus qui-
esceret; limitanei duces, præsertim Sinan begus, Isacus begus, &
Turchanes begus, eum adeunt, & orant: potestatem sibi faceret,
inua-

inuadendæ ac depopulandæ Albanix. Quod quum eis concessisset, ipse præaltum prope Prusam môtē adiit, quem nunc montem Calogororum vocant: vbi æstatem illam anni DCCCXXXVIII C. 1435. exegit. Inde reuersus Hadrianopolim, adductam iussu suo Bulci 96.

5 filiam matrimonio sibi iunxit.

Hoc anno rursus Eurenosis begi filius, Alis begus, in Albaniam profectus, maximas prædas egit, & ampla spolia reportauit, anno DCCCXXXIX.

C. 1436.

Murates aut cum exercitu Caramaniâ ingressus est. sed rebus
10 cū Ibrahime bego, regionis principe, trāfactis: pax inter eos constituta fuit. In reditu castrū Buruzen sibi subiecit, anno DCCCXLI. C. 1437.

Inde repetiit Hadrianopolim, atq; ibi templum ædificare cepit: quum quodam Veneris die, summo mane, primum lapidem 98. manibus ipse suis posuisset.

15 Posthæc in Vngariam irrupit, & sex in ea castellis potitus est, anno DCCCXLI. Vnde reuersus, aliquamdiu a bellis abstinuit: & C. 1437. instituta sollempnitate maxima, Sultanum Muchemetem filium circūcidi curauit. Hac festiuitate peracta, Semendriam duxit exercitū, eamq; munitionem in potestate redegit, anno DCCCXLII. C. 1438.

20 Hinc ad Albam, quam Græcā vocant, accessit: sed quum eam expugnare non posset, abductis copiis, aliud iter atripuit, Nouam adeundo: quam arcem, cum omni agro finitimo, suæ ditionis fecit. Vltèrius etiam progressi, Romanix beglerbegus eunuchus, cui nomen Scachus Abedines bassa, & Edzes begus, & Iacus be- 102.

25 gus omnem illam prouinciā rapinis exhaustā Muratis imperio subdiderunt, anno DCCCXLIII.

C. 1439

Sultanus aut Murates, relictis hisce locis, Hadrianopolim reuersus est: vbi quum aliquantisper subsisteret, Mesiti bego id negotij dedit, vti per Valachiam in Vngariam penetraret, omnemq; 30 regionem illam direptam vastaret. Sed Mesiti Vngariam ingresso, non ex animi sententia successit expeditio. Quippe cū vniuersis copiis suis cæsus & interemtus fuit, anno DCCCXLV.

C. 1440.

Eius cladis acceptio nuntio, Sophiam Murates Sulcanus se cōtulit: ibique castrametatus, beglerbegum Romanix, Scachum 104.

105. Abodinem bassam, cum vniuersis Romanix copijs, & Acanziis, & Genizaris, expediuit: vt peragrata Valachia, Vngariam popu- larentur. Eos in Vngarorum fines delatos impressione subita Ian- cus inuasit, cæcidit, interemit: ipso etiam beglerbego necato, & eandem cum Mesite belli fortunam experto. Contigerunt hæc 5

C. 1441. anno DCCXLVI.

Caramanix begus de hisce Turcorum cladibus certior factus, Anatoliam cum copiis ingressus, Belulen opidum tentauit. Id vbi significatum Sultano Murati fuisset, expeditione magna celeri- tate suscepta, Ibrahimi Caramano bellum intulit: quo in mōtuo- 10
sa loca, præque saxis inuia, dilapso: transactum deniq; negotium fuit, & Sultanus Murates Hadrianopolim rediit.

Accepit autem id temporis nuntium de morte filij sui, Sultani Aladinis, qui Amasix rebus humanis excefferat. Dum propter il- 106.
lius obitum adhuc in luctu esset, rex Vngarorum, cum lanco, & 15
107. Lazari filio, sese mouit, & cum exercitu ad clifuras Isladinas acces- sit. Aduersus hos profectus Romanix beglerbegas Casanes bassa, cum Turchane bego, & vniuersis Romanix copijs, & cū Acan- ziis, prælio cū eis congressus est. Sed quum Turchanes begus, a- misso vigore animi, præ formidine ac desperatione se fugæ dedif- 20
set: Casanes bassa cū reliquis militibus, quotquot aduersus hostē cum eo substiterant, cæsus fuit. Sultanus aut Murates, perlata ad se rei tam infelicitæ gesta fama, cum omnibus Genizaris, & aulæ comitatu, Hadrianopoli discessit: & euocatis vndiq; omnibus ad hanc miliciam, qui arma ferre possent, etiā pedites Europæos ma- 25
gno numero conscripsit. Gerebantur aut hæc hiberno tempore, quum ingens frigus esset. Vbi ad Christianorum castra peruē- tum fuisset, multis vtrimque dimicatum leuioribus præliis. Tam- dem vero Christianis exercitum abducentibus, etiam Murates itinere conuerso Hadrianopolim se recepit: pace prius inter se, 30
108. Lazarique filium sancita, cui principatum restituit, & ex illo tem- pore solida fuit amicitia iunctus.

Interea Caramanus Ibrahimes begus Anatoliā, moto bello, turbauit. quod vbi nuntiātū Sultano fuisset, in Anatoliā transit: &
cum

cum Genizarorū, aulici comitatus, Anatolizq; copiis, Carama-
 num inuasit; qui mox fuga rebus suis cōsuluit. Erat apud hunc in
 auctoritate maxima Sarumes quidā Iacupes, pro viro sancto ha-
 bitus. Is ad Sultanum Muratem ablegatus, inuicem vtrumq; sibi
 5 reconciliauit qua pace confecta, Murates exercitu dimisso, Ma-
 nissam profectus est: vbi quum sponte se imperio abdicasset, filiū
 sibi Sultanum Muchemerē substituit, eiq; Chelilem bassam Ve- 109.
 zirem adiunxit, cum Meulana Chustrone, qui officio Cadilesche-
 ri fungeretur: amborū virtuti ac fidei tam filio, quam prouinciis
 10 imperij, cōmendatis. Id factum anno Mahumetano DCCXLVII. C. 1442.
 Rex aut Vngariæ cum Ianco nouē semet expeditioni accinxit,
 ductis secum Vngaris, Germanis, Bohemis, Polonis, Italis, & Va-
 lachis: quorum omnium ingens erat multitudo, videlicet homi- 110.
 num ad octuaginta millia. Tormenta quoq; bellica rotis imposi-
 15 ta vehebantur, numero quadringenta. Milites ipsi ferro prorsus
 armati testiq; conspiciebantur. Quumque transmissis ad Albam
 Græcam Danubio, fines imperij Turcici transgressi fuissent: Ma-
 teram & Schuliū opida vastarunt. Inde promotis ad Nicopolim 111.
 castris, in omnem illum agrum ferro & igni sœuierunt. Arcē quo-
 20 que Buruadam occuparunt, & impolito præsidio munierunt.
 Quum a Nicopoli copias abducerēt, sequutus eos cum suis a ter-
 go Mechemetes Nicopolis begus, Syrus begi filius, & agmen ex-
 tremum adortus, complures occidit, cataphractos quosdam in-
 tereptos ad Portam misit. De hisce motibus Sultanum Mura-
 25 tem mox Vezires certiore reddiderunt. Is Manissæ tum dege-
 bat, quo se quietæ vitæ studio non ita pridem contulerat. Quam-
 quam vero serius harum rerum nuntium acciperet, tamen ad
 iter mature se comparans, Gallipolim aduolauit: quo iam Ita-
 li magna cum classe adpulerant, & quo minus in Europam trans-
 30 mittere posset, impediabant. Quamobrem versus Constanti-
 nopolim cum exercitu profectus est, & e regione illius loci, quo 112.
 loco nunc arcis nouæ structura cernitur, mercatorum nauigijs v-
 sus, in Romaniam transiecit. Quum Hadrianopolim peruenisset,
 mōstrati sunt ei Christiani cataphracti, quos Mechemetes begus

- ceperat, & illuc miserat. His visis, vultum erigens: Bene nobis res nostræ succedent, ait, propitio Deo. Statimque cum præpotenti, tam ex Anatolia, quam Romania collecto exercitu, magnaq; perditum manu recens conscripta, Hadrianopoli discedens, in ho-
113. stem recta duxit. Concurrerunt exercitus ad stagnum siue paludem Varnensem, vbi dimicatum inter eos acerrime, multa cum effusione sanguinis. Rex Vngarus ab vno latere pugnabat, ab al-
114. tero Michael ille, cognomento Niger: & tanto quidem cum impetu Muratis inuasere copias, vt hostium vtrumque cornu in fugam propellerent, atque hoc in conflictu beglerbegus Anatoliæ 10
115. cæsus fuit. Solus adhuc Murates cum agmine suo stabat immo-
116. tus, ceteris ab vtroque latere prostratis, aut fuga dilapsis. Ibi tum Murates erectis ad cælum oculis, opem sui numinis & Mahumetis implorare, sollicitèque precari, ne se tam præsentis periculo rerum desererët. Quibus precibus ita conceptis, mox aleam prælii 15
- mutatam vidisses. Quippe Rex immodica ferocientis animi temeritate impulsus, in medios Turcos equum adegit, & summo cum nisu Muratis ipsius caput petiit. Dum in hunc modum furibundus progreditur, casu quodam accidit, vt equus regius ad terram prolaberetur. Tum quidam e peditum numero, & alius ex ordine Genizarorum, adcurrentes; equi tendines inciderunt. Itaq; rege hu-
117. mi prostrato, mox prouectæ vir ætatis, Cheser begus, qui tunc adhuc ex Elpia familia superstes erat, ex equo descendens, regi caput amputat, & Sultano Murati offert. Is hoc spectaculo lætus, cōfestim regium caput hastæ iubet adfigi. Quod vbi factum fuisset, 25
- hastâ in akum sublata clamari ceptum, regis hoc caput esse. Tum vero Turci, qui prius fugæ se dederant, hoc audito clamore, reflexis equis, rursus ad Muratem confluxerunt. Quare a Christianis animaduersa, cum reliquis eorum copiis Iancus in fugam se coniecit. Hoc modo victis Christianis, ac fugientibus, Turci eos 30
- ab omni parte persequi, ac plurimos occidere. Interea vero Genizari, ac pedites Turcici, currus & impedimenta Christianorum adorti diripuerunt, & ingenti potiti sunt præda: qua quidē ad Sul-
118. tanum Muratem adlata, mutuo sibi gratulati sunt, & illum diem

in fastos

in fastos referri iusserunt. Exactumque fuit ab eis totum hoc tri-
duum omni genere hilaritatis. His rebus gestis, imperium Sulta-
nus Murates iterū Sultano Muchemeti filio restituit, & ipse Ma-
nissam reuersus est. Muchemetes regno rursus inito, mox aspros
5 nouos signari nomine suo iussit, anno DCCCXLIX.

C. 1444

In ipsis autē Muchemetici regni nouis auspiciis, vrbs Hadria-
nopolitana tota flammis accensa conflagrauit: & Genizari sedi-
tione commota, maiores annonas postularunt: non plebi dum-
taxat iniecta trepidatione, verum etiā beglerbego Chadumi bassa
10 mortis intentato periculo: qui vix in arcem ad Sultānum Muche-
merem elapsus, salutē suā consuluit. Interim Genizari per urbem
fœde grassari, & omnia per summam insolentiam diripere: do-
nec tandem eis annona semisse vnus aspri augetetur, atque ita
tumultuantium animi sedarentur.

15 Compositis hisce turbis, Chelil bassa Vezir, & alij Romaniz
proceres, vnanimi consilio & consensu Manissā Sultānum Mu-
ratem iterum ad summam rerum arcessiuerunt: qui hoc accepto
nuntio, mox ad Sultānum Muchemetem se contulit Hadriano-
polim, & hieme sequenti cum exercitu Moream ingressus est: vbi
20 quum ciuitatem Geremen expugnatam dedisset excidio, & alia
quædam opidula cepisset: abductis copiis, Hadrianopolim rediit,
anno DCCCL.

C. 1445.

Castris Hadrianopoli motis, in Albaniam duxit, & arcē Cot-
zia cum in ditione Ioannis occupauit, ac vniuersam regionem ra-
25 pinis exhaustit. Albanorum princeps, Iscodaræ dominus, cum suis
cedens aufugit. Itaque Murates magnam regionis illius partem
adiunxit imperio suo. quumque Christianorum templa diruisset,
ac in messitas commutasset: Turcorum colonias in illa loca de-
duxit.

30 His Murate rebus occupato, nuntij aduenere, qui significarēt, 122.
Vngaros, Saxones, Bohemos, Germanos, & Valachos, maximis
coactis copiis, iam ad Albam vsque Græcam adpulisse, progressu-
ros ad ipsos Cosouæ campos. Eius rei fama Sultanus Murates im-
pulsus, Albania relicta, Sophiam summa festinatione accessit, ibi-

que substituit, in omnem partem intentus, quo scilicet erupturus hic motus esset. Simul expeditis in omnes prouincias litteris, milites vniuersos arma capere, & absque mora in castra conuolare iussit. Fuere denique collecta decem millia Genizatorum, & alia decem millia peditum, qui Turcis Azapi dicuntur. Præterea magnus hominum numerus ad eum cõfluxit ex iis, qui a militia ceteroquin erant immunes. Habebant enim Muratem pro viro sancto. Copias ad summam innumerabiles collegit, ab aliis etiam rebus, bello gerendo necessariis, egregie instructus: a tormentis maioribus, inquam, bombardis, hastis, arcubus. Arcessiuit etiam ad hanc expeditionem Sultanũ Muchemetem filium, vt in ea patri comes adesset. Interea vero, dum in hostem ipse proficiscitur: Valachi Danubium nauigiis transiiciunt, vt omnem agrum Nicopolitanum ferro ac flammis vastarent. sed is conatus ex ipsorum animi sententia non successit. Quippe limitanei procures in iis locis, Mechemetes begus, & Isã begus, & Viguris filius, cum Acanziorum copijs Valachos adorti, multos ex eis interfecerunt. Quod ubi factum Murates accepit, non parum exhilaratus, alacri mox animo versus Cosouæ planiciem cum exercitu profectus est. Ducebat enim hominum ad octuaginta millia, tam equitum, quam peditum. Ad Cosouæ campos quum peruenisset, obuium habuit Iancum. Quapropter vtrinq; pugnandi facto initio, displosa fuere continuo diei noctisque spatio tormenta bellica. Tandẽ Iancus in hostem acie producta duplici, Turcos ab vtroque cornu suos terga dare coëgit. Iamque solus adeo comitatus aulicus, Sultano Murate non deserto, locum suum in acie tuebatur. Obiectabant Christianis scuta sua Genizari, tormenta bellica in eos dirigebant, sclopetos obuertebant vndiq;. Simula tergo camelis, mulis, & curribus sese munientes, tam fortiter hostis impetum sustinebant: vt Muratem, cum hisce copiis suis, Christiani loco sum mouere nulla vi possent, nec aliqua clade adficere. Quum autem profligati prius a Christianis in vtroque cornu Turci, Christianos armorum onere nimio grauatos animaduernerent: de industria fugam arripientes, insequẽdi viam eis aperuerunt. Quippe Christiani

- stiani se mox, instar diluuij cuiusdam, concitatis equis, diffudere.
 Sed Turci, qui fugam inierant, equorū cursu ad latus inflexo, ex-
 peditos & inermes Christianorum milites inuasērunt, quos nu-
 dos esse norant, & in eos alacriter acinaces suos strinxerunt. Id illi
 5 quum fieri cernerent, celerrime cataphractos equites suos sequu-
 ti sunt: quibus vbi iam non esset integrū, in Turcos aciem denuo
 conuertere: tandem mutuis se vulneribus conficere ceperunt,
 atque ita solutis & dissipatis ordinibus, exercitus omnis in fœdam
 sese fugā coniecit. Tum vero Turci, quos antea fugisse diximus,
 10 hinc inde cōglobati, Christianis a tergo ad ipsam vsque munitio-
 nem castrorum inhæserunt: fuitque deinceps pugnatum vtrim-
 que toto illo die, vsque ad vesperam, & a vespera rursus ad dilucu-
 lum vsque. Iancus autem, quū ita rem geri videret: astu se ab exer-
 citus Christiani reliquiis e castris subduxit ac profugit. Christia-
 15 nis ad extremum victis, Ianci rebus omnibus, cum tormentis, &
 vniuerso ad paratu bellico potiti fuere Turci: quibus ad Sultānū
 Muratem adductis, vnus alteri porrecta manu, mutuo semet ex-
 cepere gratulabundi, totumque triduum eo loco quiescentes, ve-
 luti festiuitatē quādam, singulari cum hilaritate celebrarūt. Inde
 20 Sultanus Muchemetes ante patrē Hadrianopolim profectus est. 124.
 Gestæ vero fuerunt hæc res in Cosouana planicie anno DCCCLIII. C. 1448.
 Murates etiam Muchemetem filium sequutus est Hadriano-
 polim, ibique tempus ad aliquod in otio vixit: ita tamē, vt Roma-
 niz beglerbegum cum copiis ablegaret, ad exstruendum arcem
 25 Gergonim. qua perfectā, Murates in Anatoliæ montana, captan- 125.
 dæ frigidioris auræ causa, se contulit; anno DCCCLIII. C. 1448.
 E montanis reuersus, expeditionē in Albaniam suscepit, vt arcē 126.
 Beligradē sem occuparet. Sed irritus ille conatus fuit, ideoq; rediit
 Hadrianopolim, nec amplius ab illo tempore vlli vel expeditioni,
 30 vel bello interfuit: extinctus die quodam Mercurij, qui decimus
 erat mensis Mucherenis, anno DCCCLV, quū annis 31 imperasset. C. 1450.
 Successit patri Sultān' Muchemetes filius in administratione re-
 gni, statimq; 16 die dicti mēsis exercitū in Caramaniā duxit, & bellū
 principi Caramano, Ibrahimi bego, intulit. Sed eo nō multo post
 F ij.

composito, reuersus est Hadrianopolim, atque ibi nouam arcem

C. 1450. ædificare cepit, eodem anno DCCCLV.

C. 1451. Anno sequenti proximo, videlicet DCCCLVI, non procul a Cō-
127. stantinopoli, loco quodam a tergo Galaræ opidi sito, munitissimā
128. arcem ad mare condidit.

Absoluto huius arcis ædificio, mandata cum litteris in omnes
prouincias suas expedit, quibus omnes tam Anatoliæ, quam Ro-
maniae coëgit exercitus, conductis etiam viciis mille peditibus.
Genizarorum erant ad decem millia. Conuolarunt & alij com-
plures ad eum, quibus alioqui militandi necessitas non in eumbe- 10
bat. Bellica quoque tormenta fundi iussit, instar draconum. Ita cū
omni tormentorum adparatu, tantisque cum copiis Hadriano-
poli profectus, castra Constantinopoli admouit: dispoſitisque tor-
mentis, muros, & pinnas eorum, diliecit. Christiani, quotquot vr-
bi præsidio erant, fortiter illi quidem se defendebant: sed urbem 15
tueri contra vim Muchemetis haud poterant. Is enim, concessa
militi licentia diripiendi Constantinopolim, modo eam occupas-
sent, vsque adeo Turcorum animos accendit: vt magno illam cū
impetu inuaderent, oppugnant, per vim denique caperent. Po-
129. titi vero sunt vrbe Turci, die vigesimo mensis Rebuilulæ. Sulta- 20
nus Muchemetes urbem captam ingressus, hinc inde per eam obē-
130. quitauit, obstupescens ad inusitatas ædificiorum formas. Quum
in Armandanem peruenisset, columnam ibi lapideam vidit, cui
triplex erat impositus serpens aheneus, idemque triceps. Illum
conspicatus, quidnam hoc esset idoli, quæ fuit. Simul in eum cō 25
torta magna vi claua ferrea, quam pusdiganum Turci vocant, vni
de tribus illis capitibus serpētinis labrum inferius cōminuit. Quo
facto, mox serpentes in vrbe magno conspici cepere numero.
Quapropter auctores ei fuisse quidam, vt missum dinceps illum
serpentem faceret: quando per id simulacrum effectum fuerit, vt 30
ti serpens in vrbe nullus esset. Hinc ea columna in hodiernum ad-
huc diem durat. Er quamquam vnus ahenci serpentis inferiore
labro deiecto, serpentes in urbem venerint: nocere tamen nemi-
ni possunt. Erat etiam erectus equus aheneus, cui statua quædam
eque-

equestris infidebat. Vtrumque Muchemetes demolitus est. Fer-
tur autem hac statua pesti præclusus fuisse aditus, quo minus in vr-
bem penetraret, ac in ea grassaretur.

Occupata Constantinopoli, Anatoliæ montana, recreandi sui
5 causa, Muchemetes petiit: & inde reuersus in Albaniam copias
duxit: vbi Siurigen in potestatem redegit, anno DCCCLVIII. 131.

Anno sequenti, Nouam cum copiis adgressus, cepit. Quippe 132. C. 1453.

Christiani rursus hac potiti fuerant. Factum hoc anno DCCCLIX. C. 1454.

Secundum hæc, ad Albam Græcam exercitum adduxit: sed
10 quum eam expugnare non posset, abscessit. Periit ibi Dais Carat- 134
zes bassa, qui beglerbegi munere fungebatur. Eodẽ anno DCCCLX, C. 1456.
conspiciti sunt duo cometae, versus orientem solem vnus, alter ad
occasum.

Constantinopolim reuersus, magnam celebritatẽ Mucheme-
15 tes instituit, dum Baia sitem filiũ circumcideret, anno DCCCLXI. C. 1457.

Deinde coacto exercitu, in Moream abiit, & urbem Gordum,
cum opidulis quibusdam, cepit, anno DCCCLXII. C. 1458.

Postea Semendriæ copias admouit. Rex autem Bozinenfis spõ 135.
te sua Semendriæ deditionem fecit, anno DCCCLXIII. C. 1459.

20 Hinc rursus in Moream profectus, multa castella cum opidu-
lis occupauit. Id temporis, die quodam Veneris, primo diluculo,
sol adeo lucem suam amisit: vt omnia tenebris inuoluerentur, an-
no DCCCLXIV. C. 1460.

Transmisit autem secundum hæc vniuersis cum copiis in Ana-
25 toliam, vltcriusque progressus, Castamonem, Sinopen, & Tara- 136.
bosanem ciuitates occupauit: imperio suo regionibus illis omni-
bus adiunctis. Vnde deinceps Hadrianopolim rediit, & in otio tẽ-
pus ad aliquod se recreauit. Acciderunt hæc anno DCCCLXV. C. 1461.

Rursus expeditione suscepta, Valachiam ingressus est, & Vai-
30 uodam Valachia, cui nomen Dracoles, magno cum exercitu in- 137.
uasit. Hoc bello Vaiuoda Valachus consilium cepit opprimendi
castra Muchemetis nocturno tempore, sed parum efficere potuit.
Ideoque non succedente conatu, profugit in Vngariam: vbi quũ
in manus regis Vngari peruenisset, carceri mancipatus fuit. In-

terea vero Valachiam sibi Sultanus Muchemetes subdidit.

138. Misit & classem in insulam Mitylinen, eiusque belli causa etiā ipse relicta Valachia Anatoliam adiit. Occupata vero fuit insula

C. 1462. Mityline anno DCCCLXVI.

139. Ex Anatolia Constantinopolim se contulit, vbi quædam ædi-

140. ficia curauit exstrui: & Machmutem bassam, Vezirem suum, in

C. 1463. Moream ablegauit. Is aliquot ibidem opidula cepit, anno DCCCLXVII.

Secundum illa productis Muchemetes copiis, Bozinam adortus est, & omnem illam regionem in potestatem redegit, regemque 10 captum occidit. Inde subiugum ab eo missa fuit Herzegouina, cū Couadza: quibus rebus gestis, itinere conuerso, Constantinopo-

C. 1464. lim repetiit, anno DCCCLXVIII.

C. 1465. Annus autem sequens DCCCLXX, exactus ab eo Constantino- poli fuit in otio. Sed in Albaniam deinde profectus, ditionem du- 15 cis Ioannis istic imperio suo subiecit. Quum autem id temporis exercitum ipsius dira quædam lues inualisset, ipse Philippopolim

C. 1466. adiit, ibique se quieti dedit, anno DCCCLXXI.

Philippopoli discedēs, rursus in Albaniam perrexit, maiorem- que prouinciæ partem occupauit, anno DCCCLXXII. 20

C. 1467. Ex Albania profectus in Anatoliā, Caramaniæ fines ingressus est, & arcē Giolchisarē expugnauit: vnde postea Cōstātinopolim

C. 1469. reuersus, aliquādiu bellicis a negotiis abstinuit, anno DCCCLXXIII.

Non multo post, vt otij sane diuturnioris erat impatiens, ipse- met itinere terrestri profectus est versus Egripon: quum Mach- 25 mutem bassam eodem ablegasset cum classe, duodecim millibus hominum instructa. Posteaquam huc adpulissent copię Turci- cæ, Christiani seque fortunasque suas egregie propugnabant. Sed quum tandem muri tormentorum impetu pulsati corruissent, nō aiee tantum, & ciuitate, per vim potiti fuere Turci: verum etiam 30 omnem finitimam regionem Muchemetis imperium accipere

C. 1470. coegerunt, anno DCCCLXXIII.

Egripo deuicta, Constantinopolim se recepit, & aspros novos

C. 1471. signari iussit, anno DCCCLXXV.

Dum

Dum Constantinopoli Muchemetes quiescit, Vsumchafanis 143.

Parthorū regis militiæ dux, cui nomē Iusufzes begus, cū exercitu se mouit, & magnā illā urbē Armeniæ Tocatā populatus, in Caramaniā venit. Erat id temporis Sultanus Mustaphas iis locis a patre

5 Muchemete præfectus. Is collecto exercitu, Parthas obuium se dedit, eosque fudit, Iusufze bego captō, & Constantinopolim ad patrem Muchemetē misso: quod quidē euenit anno DCCCLXXVII. C. 1473.

Tum vero Muchemetes ad arma se parās, Anatoliam adiit: & mandatis hinc inde missis, vt omnes milites ad ipsum in Anatoliā

10 se conferrent, edixit. Peditum ad viginti millia in armis esse iussit, & Genizarorum numeros ad decem vsque millia suppleri: quum aulicus etiam comitatus decem hominum millia complecteretur. Ad summam, coactus ei fuit exercitus, qui numerum LXX vel LXXX millium excederet. Cum hoc ergo milite versus Parthiam

15 profectus, Vsumchafani regi bellum intulit: sumtis etiam secū in hanc expeditionem filiis, Sultano Baiasite, Sultano Mustapha, & Sultano Zeme. Progressus autē cū suis in Asiā, nō plura dumtaxat, occupauit opida: verū etiā sublimi sitā loco, munitamq; insigniter arcē, Carachisatē cepit. Vsumchafanes obuiam Muchemeti non 144.

20 prodiiit, sed astu quodā excogitato, militē suū hinc inde partitus, in insidiis locauit. Et quia primā aciē in exercitu Muchemetis Romanicę beglerbegus, Chas Murates, ducebat: forte accidit, vt inopinato quasdā in Persatū copias incideret, ac manū cū eis cōferre cogeretur. Ibi quū maiores Parthorū vires essent, dissipatus Ro-

25 manicę miles, & ipse beglerbegus occisus fuit. Interea vero, dū Parthi primā hanc Muchemetis aciē caderent: etiā ipsi, desertis ordinib⁹ suis, hostē cōfuse persequuti, tamdē ad illā peruenērūt aciē, cuius ipse Sultanus Muchemetes dux erat. Is autē Parthorū perturbatos cōspicatus ordines, cū suis eos adorti⁹ est. quod a Muche-
30 mete fieri vidēs Vsumchafanes, magno animi ardore cōcitatatus, & ipse sua in Turcos duxit agmina. Permistis vtrinq; tantis exercitibus, acerrimū præliū commissum fuit: quū Muchemetis filij suis cum copiis grauissime Parthos vrgerent, & in altero cornu Machmutes bassā, cum Daute bassā, Anatoliæ beglerbego, tormētis

145. bellicis hostem vehementer adfligeret. Etiam Vsumchafanis vni de filiis caput amputatum, & Sultano Muchemeti oblatum fuit. Quum ergo Parthi talem actantum impetum, præsertim tormentorum bellicorum, amplius sustinere non possent: Vsumchafanes cum suis vniuersis fugæ se dedit, in qua magnam exercitus partem amisit. Fuerunt & castra Parthi, cum impedimentis, direpta: Turchanesque begus, Omeris filius, qui captiuus in castris hostiū custodiebatur, libertatem recuperauit. Plena denique Sultanus Muchemetes de Parthis victoria potitus est, idque factum anno

C. 1474. DCCCLXXVIII.

10

Hoc tam illustri prælio pugnato, Constantinopolim Sultanus Muchemetes rediit; & ipse quidem ab armis abstinuit, sed interim Soleimanem bassam eunuchum, Romanicæ beglerbegum, magna cum militum manu versus Iscodaram misit. Soleimanes eò profectus, diu tormentis rem acriter egit: & quamquam ab v-
15 traque parte magna petiret hominum multitudo, potiri tamen Iscodara non potuit, sed infecta re copias abduxit. Sub id tempus Vezirem suum, Machmurem bassam, in frustra concisum, interfecti Sultanus Muchemetes iussit.

- Soleimanes autem bassa, quum abiecta spe capiundæ Iscodara, militem inde reduxisset: in Moldauiam profectus est. Ei con-
146. festim Vaiuoda Moldauicæ cum exercitu suæ gentis occurrit. Pede collato, pugnatum inter eos animose. Verum quod partim in oppugnatione Iscodaræ Turcici milites defatigati vires amisissent, partim etiam ipsis Moldauiam ingredientibus, ingens ea loca fri-
25 gus occupasset: alacritate animorum extincta, parum fortiter in hostem pugnarunt, & a Moldauo Vaiuoda cæsi profligatique sunt,

C. 1475. anno DCCCLXXIX.

- Interim Constantinopoli quiescens a rebus gerendis Sultanus
147. ipse Muchemetes, Vezirem suum, Geducem Achmetem bassam, 30
148. per id mare, quod Nigrum adpellant, Cosen cum classe misit, insigni militum exercitu instructa: quo in exercitu Azaporum erant ad decem milia, totidemque millia Genizarorum. Eò quū peruentum fuisset, obsessa ciuitas Cose, cum finitima regione Muchemetis

chemetis in potestatem venit. Quin & illi Tatarī, quos Kerimos vocant, & alij, qui totius provincię Destensis incolę sunt, Turcis se dediderunt. Atque hoc modo Geduces Achmetes bassa regionem illam vniuersam Sultani Muchemetis imperio subiecit, an-

5 no DCCCLXXX.

C. 1476.

Secundum hæc coactis Muchemetes omnibus suis copiis, in Moldauiam expeditionē suscepit. Eam regionem ingressō, Vauoda Moldauus occurrit, ac strenue quidem ille cum Muchemete pugnavit: sed prælio victus, ditione sua excessit, & cū reliquiis
 10 militum suorum aufugit. Tum vero Turci agrum illum omnem diripere, secumque captiuos abducere, quotquot nancisci poterant, incolas. Inde Muchemetes relicta Moldauia, profectus est ad amnem Morauam. Iis in locis Vngari munimentum & arcem
 149. quamdam exstruxerant, quam Muchemetes quum occupasset, C. 1477.

15 Constantinopolim reuersus est, anno DCCCLXXXI.

Dum in Vrbe, nullis impeditus belli negotiis, pace fruitur: muro nouam arcē Vrbānam cingit. Præterea beglerbegum Romaniz, Soleimanem bassam, cum copiis in Moream ablegat. Sed illi parum hæc expeditio prospere cessit. ideoque relicta Morea, ma-
 20 luit Vngariam adgredi. Quum ne istic quidem ex voto rem gereret, tandem graui adfectus est clade, maioremque partem exercitus amisit, anno DCCCLXXXII.

C. 1478.

Tum vero Sultanus Muchemetes, qui diutius vitam otiosam agere non posset, expeditione instituta, semet ad oppugnandam
 52 Iscodaram contulit. Fortiter ei resistere Christiani, magnamque Turcorum multitudinem occiderunt. Ad extremum, quum hac oppugnationis via nihil efficere posset: exstructis vndique, communis-
 que castellis ligneis, abscessit. Hoc modo quum fessi diuturnę obsidionis tædio Christiani, etiam cum inedia, ceterarum-
 30 que rerum necessariorum pænuria conflictati, debilitarentur; nec vlla iam ipsis alicunde spes soluendę obsidionis adfulgeret: ita cum Turcis transegerunt, vt saluis ipsi facultatibus suis inde migrarent, & Iscodaram Turcorum potestati permitterent. Factum hoc anno DCCCLXXXIII.

C. 1479.

30
X N N A E E O
Quo tempore Sultanus Muchemetes Iscodara discessit, Constantinopolim ad quietem se recepit. Nihilo minus duces suos, quorum indicaturi nomina sumus, multis cum millibus Acanzi-
15. orum in Vngariam expediuit: Alim videlicet begum, Michalis filium, & Isam begum, Chuscinis filium, & Balim begum, Malco- 5
zij filium. Quia vero res hostium suorum Vngari quam exploratissimas habebant, inopinato Turcos adgressi, prælio cum eis acerrimo cõfluxerunt: quo Isā begus interemtus fuit, ceteris diffi-
C. 1480. patis & cæsis, anno DCCC LXXXI III.

Nihil hoc anno rerum Sultanus ipse Muchemetes egit, sed in- 10
terim tamen Vezirem suum, Mesitem bassam, multis cum milli-
151. bus hominum, ac præpotenti cum classe, mari ablegauit: vt insula, ciuitatique Rhodo bellum inferret. Obsedit autem Mesites Rhodum, sed expugnare non potuit: ideoque maximo cum detrimento & iactura rerum obsidionem soluere coactus fuit. Tum 15
temporis alterum quoq; Vezirem suum, Geducem Achmetem bassam, valido cum exercitu, magnaue classe, Muchemetes in
152. Italiam misit. Is Otrantū in ea ciuitatem occupauit anno DCCC-

C. 1481. LXXXV.

Secundum hæc reliquit Sultanus Muchemetes Constantino- 02
polim, & in Anatoliam trans mare profectus, die mensis Rebuilulæ tertio, qui tum Iouis erat, circa vespæram, in Teggiurum præ-
153. to mortem obiit. Exstincto autem Muchemete, Constantinopolim reuersi Genizari, urbem diripuerunt. Die vero XIX mensis Rebuilulæ filius eius, Sulranus Baiasites, Amasia Cõstantinopo- 25
lim adpulit: & occupata sede regia, patris loco salutatatus est imperator.

154. Vix Constantinopoli paucis diebus hæserat, quum frater eius, Sultanus Zemes, ductis e Caramania copiis, Prusam adit, ibique domicilium sibi cõstituit. Sultanus vero Baiasites, arcessito ex A- 30
pulia cum exercitu Geduce Achmete bassā, magnisque ceteroquin etiam collectis copiis, aduersus Zemem fratrem in Anatoliam inouit. Quum prælio congressi fuissent, inferior discessit Zemes, ac mox in Caramaniam profugit: vnde quum eum Sul-
tanus.

tanus Baiaſites expulſiſſet, itinere conuerſo, Cōſtantinopolim re-
petiit. Inde Geduce Achmetem baſſam in Caramaniam remi-
ſit, qui dum iſtic hæreret, Apuliam Itali recuperarunt. Turcis o-
mnibus, qui Otranti præſidio relictī fuerant, in captiuitatē reda-
ctis, anno DCCCLXXXVI.

C. 1482.

5 Rurſus autem Conſtantinopoli Sultanus Baiaſites diſceſſit, &
in Caramaniam cum exercitu venit. Quippe frater eius Zemes
peregrinatione Mechiienſi iam reuerſus fuerat. Itaque denuo cō-
miſſo in Caramania prælio, Sultanus Zemes iterū victus ad ma-
10 re profugit, & in Italiam ſe recepit. Hinc caſtris motis, Conſtanti-
nopolim Sultanus Baiaſites abiit, atq; inde proſectus eſt Hadria-
nopolim.

Noctē ſexta mēſis Scheualis, omnes ad ſe Vezires ſuos inuita-
uit, vnā cum Geduce Achmete baſſa: quo quidē in cōuiuio vinū
15 cum eis hauſit, & vniciq; Veziri veſtē donauit, excepto Geduce
Achmete baſſa: quem & interfici iuſſit, anno DCCCLXXXVII.

C. 1483.

Eodem tempore mortuus eſt Caramani principis filius, Caſa-
nes begus, quem in comitatu ſuo Baiaſites alebat.

157.

Hinc ſuſcepta Baiaſites expeditione, Sophiæ tēpus ad aliquod
20 ſubſtitit, vbi magnam militum manum collectam habebat. Horū
maiorē partem ad fluuium Morauam miſit, ibique duas arces
veteres communiri iuſſit. Quibus expeditis, Sophia Conſtantino-
polim reuerſus eſt, anno DCCCLXXXVIII.

C. 1484.

Menſe Rebiulula, die quodam Martis, vrbs Hadrianopolitana,
25 cum omnibus ad diſtrahendas merces, exſtruētis ædificiis, igne
conflagrauit. Ibidem etiam id temporis Baiaſites Xenonem con-
dere propter flumen cepit. Inde caſtris Hadrianopoli motis, Mol-
30 dauiam tranſiit, & arcem Cholim occupauit. Neque multo poſt,
die quodam Mercurij, etiam arcem Chermen, iisdem in finibus
ſitam, in poteſtatem redegit. Atque omni hoc agro potitus, mu-
tata proſectione, Hadrianopolim rediit, anno DCCCLXXXIX.

C. 1485.

Tunc & lumen ſolis defecit, & Sultanus Baiaſites verſus loca
montana, recreandi ſui cauſa, ſe contulit. Heic eum adiere legati
tres, quorum vnus ex India miſſus fuerat, alter Alcairo, tertius ex

Vngaria: quos quidem ordine perorantes audiuit, & postulaus adensus, liberaliter donatos dimisit.

Postea profectus est Alis begus eunuchus, qui beglerbegi munus administrabat, magno cum exercitu in Valachiam: conciliatoque sibi Vaiuoda Valacho, cum suis & Valachi copiis in Moldauiam irrupit: ac rapinis, ferro, flammis, vastauit omnia: spoliis
C. 1486. onustus denique rediit Hadrianopolim, anno DCCCXC.

Sultanus interim Baiasites domi quiescens, duces suos, Ischenderem begum, & Balim begum, Malcozij filium, ablegauit: ut de nouo Valachiam ingrederentur, & Vaiuode Valacho persuaderet, ut coniuñctis secum armis iterum in Moldauiam impressionem faceret. Adsentiente Valacho, mox ea suscepta fuit expeditio: totaque regione direpta, magna cum præda discessum.

160. Dū hæc in Romania gererentur, Alcairi Sultanus ab vna parte se commouit cum suis, quos inter erat Vsunes Vsbegus; & suas, & suorumque copias in locis Adanis ac Terso interiectis, collegit: ab altera Sultani Baiasitis parte, Sangiachi Anatoliæ, itemq; Ferhates begus, Sultani Baiasitis gener, Caramaniæ beglerbegus, Caragosa begus, congregati: iunctis exercitibus, cōtra Sultaninos Alcairenses profecti sunt. Vbi ventū ad manus esset, ab vtraq; parte
161. dare coegerūt, ipso etiam Baiasitis genero, Ferhate bego, intereto.

- Non multo post edixit Baiasites, ut Muchemetes begus, Cherseris begi filius, cum Ducis filio, qui beglerbegus Romaniae creatus erat, Romaniae copias in Anatoliam translicerent: & adsumto Anatolico milite, Sultanum Alcairi bello inuaderent. His igitur Baiasitis imperio parentibus, recta petitis hostis: qui quum & ipse paratus ad dimicandum esset, vtrinq; concursum acerrimo proelio, quo Ducis filius, Achmetes bassa, cum equo prolapsus, in Sultaninorum manus venit: & deductus ad Vsbegum, custodiæ traditus fuit. Ingentem Baiasitici cladem id temporis acceperūt, quæ Baiasiti significata quū fuisset: Vezirem suum, Daudem bassam, præpotenti cum exercitu contra Sultanum Alcairi misit. Minime vero terrii Sultanini, mox ei cum suis obuiā progressi sunt. Daudes.

des illis haud occurrendum ratus, mature capto mutandæ profectio-
tionis consilio, retro duxit exercitum. Adiit hoc in itinere Dau- 163.
dem Aladeules Dulgadiris dux, cui magnum ipse honorem exhibuit.
Posteaquam a Sultraninis se Daudes auertisset, Varfacensem
5 ditionem ingressus, proceres partim in vincula coniecit, partim occidit,
partim interueniente transactione recepit in gratiam, fortunisque
suis restituit. Turgutenlis prouinciæ proceres salutis suæ fuga
cōsuluere. Tādē tamen impetrato saluo cōmeatu, Daudē
bassam adierunt, & pace cum eo sancita, sacramentū præstiterūt.
10 His effectis rebus, Daudes exauctorato milite reuersus est ad Sul-
tanum Baiafitem, qui tunc in regione Visenahiesi degebat.

Venit id temporis ad Baiafitem legatus ex Vngaria, vir eximie
dignitatis, cui nomen Iachofchicius. Is ad Sultānum adductus, & 164.
per benigne fuit auditus. Expedita legatione, vestem a Baiafite do-
15 no, pro more gentis, accepit: & admodum honorifice benigneque
dimissus fuit. In itinere vero, quo domum rediturus erat, quū iam
Semendriæ fines adtigisset: quidam eques Turcicus, vir militaris,
cui nomen Gases Mustaphas, & qui forte tum temporis istice-
rat, equo conscensio, legatum adgressus est, & acinace suo tam gra-
20 uiter vulnerauit, vt cōfestim ibi mortem oppeteret. Id vi faceret,
hæc eum impulerat causa, quod quū aliquando legatus ille Gasim
Mustaphā cum fratre captiuū detineret, Mustaphæ fratrem veru
transfixisset; ipsumque Mustapham coëgisset, vt hoc modo trāsfixū
veru fratrem germanū assaret: excussis eidem Gasim Mustaphæ 32
25 dentibus suis. Hac ergo de causa repertum ibi legatum occidit,
quamquam & ipse Gases Mustaphas eodem loco vulneribus cō-
fectus viuendi finem fecit. Acciderunt hæc anno DCCCXCI. C. 1487.

Secundum hæc profectus ex Anatolia Sultanus Baiafites, Cō-
stantinopolim venit: & missis hinc inde per omnes prouincias
30 suas mandatis, ex Anatolia Romaniaque magnum coëgit exerci-
tum, eumque misit versus Arabiam: summo copiarum omnium im- 165.
peratore designato, Ali bassā eunucho. Is vbi cū milite peruenisset
ad ciuitatem Adanorum, arcē vrbis instaurauit, refecit, com-
muniuit: & aliis quibusdam opidis captis, præsidia imposuit, anno C. 1489.
DCCCXCIII.

Interea dū his arcibus occupandis & exstruendis intenti sunt Baiafitici, etiam ab altera parte Sultanini expeditione suscepta, in hostem profecti sunt. Cōgressis exercitibus, vehemens commissum fuit proelium. Ac tamen Sultaninorum acies tandem solutæ dissiparentur, non tamen passus est Alis bassā militem suum a tergo eos persequi: quod vereretur, ne belli se conuerteret alea: simulque putaret, satis se consequutum gloriæ, qui tam feliciter hostiles copias disiecisset: cauendum denique censeret, ne sui nimio labore defatigarentur. Ideoque motis hinc castris, domum militem suum reduxit. Postquam vero Baiafitici discesserant, Sultanini suis denuo collectis, Adana Tersumque ciuitates obsidione cinxerunt: quibus quum potiri non possent, copias inde suas abduxerunt. Verum non multo post, tormentorū & aliarū rerū adparatu instructi, rursus adorti sunt Adana, & expugnatā vrbis arcem diruerunt, atq; ita domum reuersi sunt, anno DCCCXCIII. C. 1490.

Tunc & die quodam Iouis, circa meridiem, Constantinopoli terra mota tremuit, & multa corruerunt ædificia. Fuit & Prusæ tantum incendium, vt vrbis regiones xxv flammis absumerentur.

Baiafites magnam rursus militum manum collegit, & in Anatoliam transiit, dato eis duce Ischendere bego, Michalis filio: cui præcepit, vt Aladeuli Dulgadiris duci bellum inferret. Hi quū ducis fines ingressi fuissent, rerum suarum securi, tutos omnino se putabant. Ibi tum eos ex improviso adortus Aladeules, duobus Ischenderis begi filiis interfectis, ipsum etiam Ischenderem viuū cepit, & Alcairum Sultano misit. Hac clade accepta, nihilo minus insigni Baiafites magnificentia trium filiarum nuptias celebrauit: quarum vna data fuit vxor Vsumchafanis filio, altera Vsgurlis filio nepoti, tertia Daudis bassæ filio. Post eas nuptias, denuo litteris hinc inde missis, conuenire milites iussit: qui dum indies ad eum confluere, forte legatus ab Alcairensi Sultano missus aduenit. Eum Baiafites inauditum iussit abscedere.

Hoc tempore Constantinopoli, die quodam solis, primo diluculo, pluere cepit: sequutoque tonitru, tactum de caelo templum fuit, in quo puluis tormentarius magna cum nitri copia recōditus erat.

erat. Hac inflāmata materia, templū ipsum e fundamento discēdū fuit, & ignis vrbē peruagatus, non plurima dumtaxat ædificia, verum etiā quinq; hominū millia, cuiusvis ætatis & sexus, absumsit.

Ab altera parte Sultanini rursus expeditione suscepta, Laren-
dam captam direptamq; succenderunt, & in cineres redegerunt:
aliiq; præterea spoliatis opidis ac vicis, domum rediere. Periiit i-
bidem & Iacupes begus, Vsumchafanis filius. Acciderunt autem
hæc anno DCCCXCV. 167.

Baiaſites hiſce de reb^o certior factus, Cōſtantinopoli diſcedēs,
10 Gumulzinam abiit, ac venando ſemet oblectauit. Gumulzina re-
lictā, Ypſalam ſe contulit, ibiq; paucis diebus exactis, Conſtanti-
nopolim rediit. Venit huc ad eū legatus alter, Alcairo miſſus: quē
perhumaniter exceptum, & ampliffimis donatum muneribus, bo-
na cum pace dimiſit. Neq; multo poſt, etiam ipſe quemdam e ſuis
15 Alcairum ablegauit, anno DCCCXCVI. Quum is Sultani Baiaſi- C. 1491.
tis legatus Alcairum veniſſet, pax inter eos ſancita fuit: & Sultanus
Alcairē ſis Baiaſiti Terſum atq; Adana, cum opidulis eodem per- 168.
tinentibus reſtituit.

Hoc tēpore mortuo Vngariæ rege, ſucceſſor eiꝯ legatū ad Sul-
20 tanū Baiaſitē miſit. Huius poſtulata quū audiſſet, pacē Baiaſites cū
Vngaro fecit. Eodē anno rursus exorto Pruſæ incendio, magna
pars vrbis, cū tabernis mercatorū plurimis, cōflagrauit. Miſit etiā
Sultanus Alcairi legatū cum ampliffimo comitatu ad Sultānū
Baiaſitem. Referenda vero ſunt hæc ad annū DCCCXCVII. C. 1492.
25 Secundum illa diſceſſit Conſtantinopoli Baiaſites, & Hadria-
nopolim proſectus, extra vrbem caſtra metatus eſt, ac ibidem ad
aliquot dies hæſit. Quodā vero die Vezires ſuos adloquutus, ha-
bere ſe in animo dixit expeditionem quamdam difficilem: geren-
dum cum Vngari bellū intelligēs. Ideoq; coactis vniuerſis copiis
30 ſuis, Hadrianopoli Sophiā proſectus eſt. Nō tamen Vngariam in- 169.
gredi fuit auſus, ſed Achmete bego cum milite Anatolico Sophiæ
iuſſo ſubſiſtere, Daudem baſſam cum parte copiarum Viſcopiam
miſit: ipſe cum Iochia baſſa, & cum milite Romanic, Manafſtīrum
abiit: atq; inde in Albaniam, duciſq; Ioannis regionē ſe contulit.

Expediuit & mari naues quasdam, vt Albanorum itinera præcluderentur. Hæc quæ Albani animaduertent, ad montes se receperunt, & in eis ita se communierunt: vt magnum inde Turcis detrimentum inferrent. Ad extremum tamen Turci, consensu locis altioribus, in eos irruerunt: & viris interfectis, mulieres ac pueros abduxere captiuos, omnemque regionem illam flammis vastarunt. His rebus gestis, Manastirum Baiafites rediit, ac diebus aliquot ibi substitit. Manastiro quum discederet, obuium habuit in itinere deriuifum quemdam Turcicum, gepeneci lacinia testum. Is & auribus, & collo, & brachiis adpenfos anulos ferreos gestabat, & illorum sectam profitebatur, quos Calenderes Turci vocant. Vbi propius ad Sultanum Baiafitem accessisset, acinacem gepeneco testum strinxit, ipsum Baiafitem inuasurus. Quæ timidiore quidam e Zausis illi de via cederent, liberum iam scilicet ad Baiafitem habebat aditum. Sed Ischender bassa, qui præfens aderat, ea vi pudiganum in hominem contorfit: vt humi prolaberetur. Inde prostratum adgressi quidam, in frustra dissecuerunt. Tandem Baiafites Hadrianopolim peruenit. Acciderunt hæc anno DCCC-

C. 1493. XCVIII.

Quidam id temporis eunuchus, cui nomen Iacupes Aga, com-
 173. mēdatum fidei suæ Bozinensem prouinciam administrabat. Hic missis hinc inde per Romaniam præconibus, proclamari iussit: velle se cum suis in Vngariam irruere. Si cui secum proficisci luberet, vt illa impressione rem faceretis vti quamprimum ad se veniret. Hoc intellecto præconio, Acanziorum aliquot millia se cum Iacupe coniunxerunt: qui tantis auctus copiis, Vngariam inuasit.
 174. Eis occurrit Vngaricus Banus, cum quadraginta milibus hominum, magnaue vi Turcis obstitit. Tandem ipsi dissidentes inter se Vngari, terga dederunt: captusque Direnziles Banus, ac vinculis constrictus, ad Sultanum Baiafitem missus fuit. Is rei tam bene gestæ nuntio multum exhilaratus, ad tempus aliquod Constantinopoli quieuit. Euenerunt autem hæc anno

C. 1494. DCCCXCVIII.

Posteaquæ Baiafites, a rebus gerendis abstinendo, satis diu se recreasset:

creasset: collectis iterum copiis, Moream ingressus, ad Inebech- 175.
tim accessit, etiam classe instructa, quam eodem adpellere iussit.

His quum Italica classis occurrisset, cōmisso nauali praelio, tam- 176.
dem Itali remisso pugnandi ardore, discesserunt. Itaque videntes

5 Inebechtj, se terra pariter, & mari obsessos; aliquamdiu quidem
se defendere fortiter: sed animaduerso, nihil amplius opis ac prae-
sidij sibi reliquum, primatibus egredi iussis, clauēs vr̄bis Sultano
Baiafiti per eos obtulerunt: atque hoc modo vr̄bem ipsius pote-
stati permiscere, anno DCCCCV.

C. 1499.

10 Potitus Inebechti, praesidium vr̄bi captae imposuit: & Hadria-
nopolim reuersus, ibidem hibernauit. Vbi iam æstas adpetiisset,
coactis Romanæ Anatoliæque exercitibus, denuo Moream in-
uasit, magna etiam mari classe ablegata, Methonemque militum
corona circumdedit. Qui erant in vr̄be Christiani, adeo se defen-

15 dere strenue; totius vr̄ mensis spatio, citra intermissionem, inter-
diu noctuque dimicaretur, muris ipsis tormentorum impetu dis-
iectis. Videns autem Baiafites, vr̄bem a Christianis egregie pro- 177.
pugnari: commotus ira, suis spem vr̄bis diripiendæ fecit, siquidem
illa potirentur. Hac Sultani voce milites audita, quodā die, quum

20 iam aduersperaceret, vehementissima vr̄bem oppugnatione ad-
orti ceperunt: omnesque mares, quotquot adoleuerant, occide-
rūt; mulieribus & pueris captis. Hoc modo redacta in potestatem
Methone, preces a Turcis in ea fuere conceptæ, quæ die Veneris
haberi solent. Inde Baiafites Coronen copias duxit, vr̄ illam quo-
25 que ciuitatē obsideret, & occuparet. Sed prima statim nocte, post-
quam Methone discesserat, venerūt in castra Baiafitis Coronen-
ses: oblatisque clauibus vr̄bis, deditionem fecerūt, anno DCCCCVI.

C. 1500.

Dum his vr̄bibus expugnandis intentus esset Baiafites, Vene- 178.
ti auxiliis Hispanorū impetratis, magna classe Mitylinen adgressi
30 sunt, & tormentorum bellicorum vi muros opidi ad quingentas
vlnas vsque prostrauerunt. Mitylinenses ab hostibus obsessi, Con-
stantinopolim misere, qui opem poscerent. Itaque collectis subi-
to classariis copiis, insignis exercitus naualis instructus fuit. Nū-
quam ante hoc tempus Cōstaninopolitani vel pecunias, vel mi-

lites, vel classiarios conferre coacti fuerant. Sed tam graui tunc urgente necessitate, non hæc dumtaxat ab eis exacta fuere: verum etiam vsu receptum, uti deinceps quoque, rebus ita poscentibus, eadem ab ipsis præstentur. Ante, quam classis illa Constantinopoli profecta, Mitylinen adpulisset: iam Christiani decies & octies opidum adorti, non tamen expugnare potuerant. Itaque quum intellexissent Veneti, venire Constantinopoli talem ac tantam contra se classem: naues suas ingressi, discessere. Constantinopolitani vero Mitylinen delati, muros ab hoste dirutos refecerunt, atque ita domum reuersi sunt. Ad extremum eo redactæ fuerunt Venetorum res, uti muneribus delenito Sultani Baiafitis animo, pacem cum eo facerent, anno DCCCCVII.

Baiafites e Morea Constantinopolim profectus, ita totum se dedit otio: pluribus ut annis expeditionem plane nullam susceperet.

C. 1509. Anno DCCCCXV, hora secunda noctis cuiusdam, Martis diem sequutæ, terra Constantinopoli vsque adeo moueri cepit: ut turres aliquot templorum Turcicorum corruerent, ipsorumque templorum testudines partim rimas agerent, partim humi collaberentur. Edificiorum vero priuatorum camini siue infumibula deiecta sunt, & parietes partim fissi, partim prostrati. Pinnæ murorum urbis ad terram præcipitarunt, ipsaque mœnia cum turribus suis conciderunt. Pluribus denique magnifici operis ædificiis usque ad fundamenta euersis, magna hominum multitudo sub ipsis extincta fuit ruderibus. Quo se conferret, norat nemo. Plebs urbana suis ex ædibus migrans, partim in plateas, partim in areas ædium, partim in hortos se recipiebat: ne scilicet a corruentibus ædificiis opprimerentur. Quippe totam illam noctem primam terra tremere non desit. Quumque somnum oculis nemo videret suis, omnes & numinis, & Mahumetis opæ votis adluidi implorabant. Terræ motus hic denique continuis quadraginta diebus in horas singulas sentiri potuit. Quum autem remississet, expeditis Baiafites per vniuersam Anatoliam Romaniamque mandatis suis: uti sarchoræ, hoc est, mercennarij & opifices Constantinopo-

tinopolim mitterentur, edixit. Cōfluxerunt ad urbem fabricorum, tam cāmentariorum, quam lignariorum, opificumque ac mercennariorū ad octuaginta millia: quibus id datum negotij, vt accepta mercede, collapsa vrbis ædificia reficerent ac instaurarent.

5 Præfectus a Baiaſite fuit operariis hiſce Ionuzes Aga, Genizarorum tribunus: qui & inſpector, & exactor operarum, ſumma cum poteſtate, ſuis cum Genizaris, eſſet. Interim ipſe, quietis capiendæ cauſa, ſemet Hadrianopolim contulit.

Erat id temporis in prouincia Tekienſi vir quidam primarius, 179.

10 cui nomen Chafanes Cheliſes. Is filium habebat, qui Scachoculis adpellatus fuit, & totis ſex vel ſeptem annis ita latuit, vt numquam prodierit: qua quidem de cauſa fuit habitus pro viro ſancto. Eidem Baiaſites quotannis ſeptem aſprorum millia ſuam in ſpeluncam mittere ſolebat, quum ignoraret, eum & ſectæ alterius,

15 & Kiſelem baſſam eſſe. Hic ergo, quo tempore Conſtanti-nopoli ſtrenue laborabatur in vrbe reficiunda, ſuis illis latebris & cauernis tandem prodiit: & adiutus opera ſuorum quorūdam complicitum, die quodam ſolis urbem Antalienſem ingreſſus eſt: quod eo facilius tum fieri potuit, quia cōmodum id tem-

180.

20 poris illic anniuerſariæ nundinæ celebrabantur. Itaque captam ciuitatem diripuit, & Cadium eius in quatuor fruſta diſſecari, ac ipſa fruſta diſtinctis locis ſuſpendi iuſſit. Inde miſſis in prouincias proximas quibuſdam ſuæ ſectæ, ſuarumque partium hominibus, proclamari præcepit: adueniſſe iam tempus, ipſis oportunum: ſal-

25 um correptis armis, ad ſe properarent. Quotquot igitur illam ſectam amplectebantur, & antehac eam ſecreto dumtaxat profite-ri cogebantur, ad hunc eo numero confluxerunt: vt per breui ſpatio temporis, hominum ad decem millia ſecum in caſtris haberet. Præterea complures e Tekienſi prouincia cum ipſo ſe coniun-

30 xerunt. Itaque tales ac tantas iam conſequutus copias, Antali re-lictā, Anatoliam petiit: & beglerbegū Anatoliæ, Caragoſam baſſam, adortus eſt. Occurrit homini Caragoſa cum exercitu Ana-

toliæ, ſtatimq; inito prælio, ſeditioſi victos ſe ſimulare, ac pedem nōnihil referre. Tum vero Turci, deſeris ordinibus ſuis, hoſtium

181. impedimenta diripere ceperunt. Perduelles vero, in tēpore con-
uersis habenis, Caragofē copias cæciderunt: ipsumque captum ad
metropolim Anatoliæ Cutaigen adduxerunt, & opidum sibi de-
di postularunt. Id quum ab opidanis impetrare non possent, in
eorum conspectu Caragofam bassam viuum palo transfixere. Se-
cundum hæc profectus Manissa cum Sangiacis quibusdam Sul-
182. tanus Corcutes, Sultani Baiasitis filius, copias in seditiosos hosce
duxit. Verum cæsus & ipse cum suis, vix fuga saluti cōsuluit. Hinc
indies auctis viribus, Anatoliam Scachoculis vniuersam agere,
ferre, multaq; fœda committere. Post etiam progressus vltorius, 10
Aidinensem ditionem inuasit. Corcutes fuga, ceu dictum est, e-
lapsus; summa celeritate datis ad patrem litteris, eum de re tota
certiorem fecit. Baiasites exandescens aduersus Vezires suos, ac
præsertim aduersus Alim bassam, & Ducis filium, quod nihil de
hoc motu sibi significassent: mox Alim bassam cum exercitu in 15
Anatoliam proficisci, ac seditionem hanc compescere, perduel-
lionis auctoribus capitis supplicio multatis, iussit. quod nisi fecis-
set, imperaturum se minatus est, vt cutis ei toto corpore detrahe-
retur. Quapropter Alis, adhibita maxima diligentia, in Anato-
183. liam se contulit: quum Baiasites ei non exiguam partem aulici 20
sui comitatus, & Genizatorum, adiunxisset: filioq; præterea suo,
Sultano Achmeti, cuius Amasiæ sedes erat, mandasset; vti suis
cum copiis Ali bassæ auxilio veniret. Achmetes Amasia profe-
ctus, ad Alim bassam accessit: qui mox inter se congressi, dies ali-
quot reficiendo militi dederunt, deque bello gerendo consulta- 25
runt. Interea vero cum copiis in Caramaniam irruit Scachocu-
184. lis, cui Caramaniæ bassā, quem Cheiderem bassam vocabant, &
Sangiacus quidam in eadem prouincia, Zindis Kemales begus,
obuiam venerunt: prælioque Culim adorti, non inferiores mo-
do discessere: verum etiam vtrique, pro more, refecta fuere ca- 30
185. pita. Seditiosi deinde Caramania relictā, versus planiciem Zibuc-
ciam profecti sunt: quod quum Ali bassæ significatum fuisset, ma-
gnopere perturbatus animo: Quisquis, ait, me amat, absque mo-
ra conscendat equum. Primusque ceteris exemplo præbito, con-
scendit.

scendit equum: & veredariorum in morem festinato itinere, per-
 duelles in campo Zibucelo tandem adsequutus est. Scachoculis
 autem, Osmanicorum aduentu cognito, ibidem in planicie ca-
 stra vallo cōmuniuit, camelis etiam in circuitu dispositis: & cum
 5 animo suo constituit, hoc loco Martis aleam experiri. Præterea
 quibusdam castrorum in locis, hoc modo munitis, turres excita-
 uit: de quibus sui sese defenderent, & hostē ab oppugnatione ca-
 strorum arcerent. Erant igitur hi egregie ad prælium ineundum
 parati. Ex aduerso, licet Alis bassa secum & ipse multa millia mi-
 10 litum adduxisset: tamen quia totos dies quatuordecim illo itine-
 re veredariis prope paria fecerat, non viros dumtaxat, sed equos
 etiam laboribus exhaustos habebat. Nihilo minus hoste conspe-
 cto: Tendamus in eos, inquit. Sed erat in exercitu quidam Cara-
 muses, stipendiariorum præfectus, quos Vlofezios dicunt, vir rei 186.
 15 militaris insigniter peritus. Is Ali bassa respondens: Expecta non-
 nihil, ait, o bassa, donec exercitus alij se nobiscum coniungant.
 Fieri nequit, ut hostis e manibus nostris elabatur. Ad vnum dum-
 taxat, alterumue diem, prælium differ. Etiam Ramasanis filius,
 Adanorū begus, nobis subsidio venit. Sine quæso, nostras uti co-
 20 pias aliorum accessione maiores & firniores efficiamus. Alis au-
 tem bassa vicissim: Quis, inquit, est Alis bassa, quisue tandem al-
 ter ille, nobis ut eius sit expectandus aduentus? Nimirum Alis e
 potestate totus exierat: ideoque rabie quadam actus hostem in-
 uasit: quo factum, ut acriter prælium committeretur. Eo prælio
 25 Chafanes Chelises, Scachoculis pater, sagitta vulneratus, & paul-
 lo post extinctus fuit. quo mortuo, tumultus atque strepitus in-
 gens audiri cepit in castris seditiosorum. Quapropter Alis bassa,
 concitato calcaribus equo, medios in hostes delatus, & ab eis oc-
 cisas est. Quod quidem ipsius conspicati milites, terga dedere.
 30 Scachoculis hac potius victoria, versus Parthicos fines iter dire- 187.
 xit, Tebrisium profecturus. Quum prope iam Parthiis a sinibus
 abessent, obuiam eis carauana quædam venit, secum e Parthia
 sericas & alias merces vehens. Eam carauanam Scachoculis diri-
 puit, & quotquot hanc comitabantur homines, interfici iussit.

188. quum ignoraret, esse opes illas Ismailis Scachi, hoc est, regis Parthorum. Vbi Tebrissum venissent, tribuni militum, ceteriq; præfecti, Scachum, Ismailem adierunt: & ad pedes ipsius prouoluti, honorem ei, pro more gentium illarum, exhibuere. Tum vero Scachus Ismail: Quis auctor vobis fuit, inquit, vt adoptiuo patri meo bassas & begos suos occideretis, eiusque præterea subditos rebus ac facultatibus suis spoliaretis? Illis respondentibus, id ab se factum, vt ipsimet Ismaili Scacho rem gratam facerent, & homines a recta fide alienos, barbaros, facinorosos, de medio tollerēt: rursus eos compellans Scachus Parthicus: Et quid tandem, subiecit, carauana culpæ commisit in vos, qua irritati, & homines occidistis, & opes ipsas diripuistis? Ad quæ illi quum nihil haberent, quod sui purgandi causa in medium adferrent: omnem illam colluuiem hominū ita distribui Scachus Ismail iussit, vt singuli Parthorum proceres eius mandato viginti ad se reciperent: 15
189. ceteros vero præfectos, atq; tribunos ipsorum, trucidandos Corizzis suis obiecit. Quod sane quum absque mora fieret, dignam facinoribus admissis mercedem tulere.
190. Dum hæc in Asia gererentur, Tarabosane profectus Sultanus Selimes, nauigio Cofen adpulit: illinc in Romaniam abiturus. Itaq; Cofe discedens, Chilim nauigauit: Chili Beligradum venit. Eius rei fama Constantinopolim ad Sultanum Baiaitem perlata, Cadium vrbs Sarigrefem, & Seguanem bassam, legatos ad filium misit: quorum & consiliis vteretur Selimes, & monitis instruere-
tur. Hi quum ad Selimem peruenissent, auctores ei fuerunt, vt suam in ditionem rediret: ne forte fratribus etiam suis occasi-
onem præberet, consimilia quædam tentandi. Ad ea respondens Selimes: An non mandatum diuinitus est, inquit, vti suos quisq; parentes tertio vel quarto quoq; anno inuisit? Hac equidē causa motus, ite hoc perficiā: & patre visitato, meam in ditionē reuer-
tar. Ad summam, ab hoc instituto legati Selimem nullo dimoue-
re modo potuerunt. Ideoq; redeuntes ad Baiaitem, filij mentem ac sententiam patri renuntiarunt. Is denuo legatos alios ad Selimem misit, ac dici filio iussit, vti Semendriam se reciperet: quem ipse
- 191.

ipse sangiacatum illi adtribuisset. Negavit id se facturum filius, omninoque se patrem prius aditurum respondit, eiusque manus osculaturum, atque ita deinde discessurum. Evenerunt hæc anno DCCCCXVII.

C. 1511.

- 5 Secundum illa perrexit in itinere suo Sultanus Selimes, & Hadrianopolim petit. Inde quum non procul abesset, relicta Baiasites Hadrianopoli, versus Cōstantinopolim abiit. Habebat autem
10 de causa commotus Selimes, & consiliarios suos adpellans: Nul-
lum, inquit, hostem habemus inter Hadrianopolim & Constantinopolim. Cur ergo tot procures, & talem ac tantum exercitum
15 pater secum ducit? Haud dubie nihil aliud hæc portendūt, quam quod fratrem meum, Sultanium Achmetem, rerum administrationi præficere cogitat. Ideoque summa vsus celeritate, non pro-
20 cul a Zorlo patrem adsequutus est. Ibi tum copiis vtrimque concurrentibus, ad dimicationem ventum fuit. Erat id temporis imbecilla Baiasites valetudine, quum nec pedibus vti, nec equitare
25 posset: eaq; de causa curru vehebatur, cui velum obduxerat: numinis interim, Mahumetisque sui auxilium implorans. Quum per exiguo temporis intervallo pugnatum esset, victus Selimes, omni thesauro suo relicto, fugæ se dedit: ac tandem peruenit in vicum quemdam, situm ad mare, quod Nigrum vocant. Ei vico
30 nomen est Midge. Heic nauim ingressus, transmissō mari, Cofen se contulit. Sed eadem hieme rursus in Romaniam nauigavit. Quidam enim procures aulici partes Sultani Achmetis fouebant, nimirum ipse Cadilescherus, & Nischanzis bassa, & Ionuzges bassa: qui muneribus etiam, in hunc finem paratis, populo persuaserāt Sultanium Achmetem breui adfuturum, & loco patris imperaturum. Hic autem conatus eorum quum Genizaris innotuisset, nocte quadam in xdes ipsorum irruentes, quidquid in eis re-
35 pertum esset, diripuerunt. Iisdem noctu Chafanis bassa domum aggressi, scede spoliarunt: adeoque seditionem excitauere maximam. Erant id temporis ad urbem Sultani Achmetis legati, qui

192.

193.

194.

- furtim se subducere, salutique suæ fuga consulere coacti fuerunt: Secundum hæc legatos ad Sultānum Selimem misere Genizari, qui nuntiarent, ad urbem modo veniret: se nimirum & salutatu-
 195. ros ipsum imperatorem, & adgnituros pro domino. Achmetes etiam eodem tempore propius ad urbem se cōtulit, suis cum co-
 piis ad Iscodarā, e regione Constantinopolis, castra metatus: mis-
 sisq; patri multis aureorum nummūm millibus, quo venerat iti-
 nere, discessit. Quumque vectigalia, tributa, ceterosque fructus
 ac proventus imperij, per Anatoliam sibi vindicasset; violenter il-
 las prouincias administrare cepit. Ac licet Sultanus etiam Corcu- 10
 tes opida quædam Anatoliæ sibi subiecisset, retinere tamen ea nō
 potuit, quum præfeſtorum Sultani Achmetis maiores essent vi-
 res. Itaque discedens ex iis locis Corcutes, trans mare Gallipolim
 abiit: ac duobus dumtaxat secum sumtis, Constantinopolim na-
 uigauit. Eo quum peruenisset, exiguum quoddam templum in- 15
 gressus est, haud procul a domicilio Genizarorum. Hoc ubi nun-
 tium Sultano Baiasiti fuisset, aliam ei domum in urbe iussit ad-
 signari: quam, remotus a Genizaris, inhabitaret. In hanc igitur v-
 bi commigrasset, bona cum venia patrem adiit: eiusque manum
 196. ex osculatus, in hospitium suum reductus fuit. Zecmen id tempo- 20
 ris, quam minorem vocant, Sultanus Selimes aduenerat. Quum-
 que propius Constantinopolim accederet, atque obuiam ei pro-
 diret Sultanus Corcutes frater: equis insidentes, manus sibi mu-
 tuo porrexerunt, ac peramanter inter se colloquuti sunt. Hinc
 197. urbem ingressus Selimes, in prato Genibaxeo tentoria fixit, Cor- 25
 cute suum in hospitium redeunte. Tum vero congregati Geni-
 zari, decem ex omni suorum numero delegere: quos ad bassas
 ablegatos, dicere iusserunt: Adgnosce se pro domino suo Sul-
 tanum Selimem, Baiasitis imperatoris filium. Baiasitem, propter
 aduersam valetudinem, & imbecillitatem virium, non iam am- 30
 plius ad bella gerenda prodire posse. Quamobrem significarent
 Sultano Baiasiti bassæ, ut sponte sua rerum administrationem Se-
 limi filio traderet. Id nisi fieret, in ipsos se bassas animaduersuros:
 & præterea per vim collocaturos Selimem in thronum regium,
 ac do-

ac dominum & imperatorem suum declaratu-
 cem illi Genizarorum legati bassis exposuissent, bassæ cum his i-
 plis decem viris Sultanum Baiafitem adierunt. Is intellectis eorū
 postulatis, quam quidem diu superstes ipse foret, imperium se
 nemini traditurum respondit. Ad ea supremus vezir, Mustaphas 198.
 bassa: Vale igitur, inquit, imperator maxime. Nam mox, vbi abs-
 tedigressi fuerimus, vitam hi nobis adiment. Tum Sultanus: Si-
 quidem iam nos imperio non abdicauerimus, ait, an futurum pu-
 tatis, ut nos e medio tollant? Minime vero, subiiciunt illi, vitam
 eripient tibi: sed iniectis vncis spiculorū suorum vesti tuæ, de thro-
 no imperatorio te detrahent. Quæ quum ab eis dicta fuissent, exi-
 guo temporis spatio Sultanus Baiafites re cum animo suo delibe-
 rata, caput erigit, &: Rerum equidem, inquit, summam filio
 meo, Sultano Selimi, traditam committo. Qua Baiafites oratione
 Genizaris renuntiata, mox vnanimis ad Sultanum Selimem se
 contulerunt. Hæc autem gesta fuerunt anno DCCCCXVIII.

C. 1512.

Postridie Sultanus Baiafites cistas, quibus imperatorij thesauri
 cōtinebantur, Sultano Selimi filio misit: ac vezires, ceterosq; bas-
 sas, dominum suum, Sultanum Selimem, adire iussit, eique signi-
 ficare: tantummodo sibi, patri suo, dilationem dierum xx conce-
 deret: quibus exactis, Dimotucum abiturus, & reliquum ibidem 199.
 vitæ spatium transiturus esset. Interim Selimes in hospitio Geni-
 baxeo commoraretur. Hæc quum illi Sultano Selimi exposuif-
 sent: Quidquid, ait, patri & bassis visum fuerit imperare, ratū esto.
 Res enim adhuc in ipsorum potestate sunt & arbitrio. Postridie
 illius diei patrem Selimes adiit, eique manum osculatus est. Tum
 vero surgens pater. Accede fili, ait, atque hoc loco sede: quum re-
 rum dominus, me quidē abdicato, & imperator factus sis. Ad ea
 Selimes: Minime vero, mi pater, inquit. Nam equidem domini,
 patrisq; mei, famulus sum: nec amplius quidquam petij, quam ut
 mihi faciem tuam intueri, ac manū deosculari liceret. Id quū im-
 petrauerim, bona cū pace tua mihi, famulo tuo, nūc abite fas esto:
 salua tibi rerū administratione prosperissima. Sultanus aut Baiafi-
 tes: Fili, ait, toto pectore atq; animo imperium tibi resignaui. Sed

vnum hoc cōsulo, ne sanguinē innoxium fundas, nec immerito
 quemquam occidas. Cui patris cōsilio quū Selimes se pariturn
 promississet, in hortū nouū siue Genibaxen, ad tētoria sua se rece-
 pit. Postridie, summo diluculo, pro tribunali sedit, & aduocari Ge-
 nizarorū Agam iussit: qui mox vniuersis cum Genizarorū copiis
 corā eo se stetit. Ibi tum cōpellatis ipsis, Selimes interrogare: num
 se vellent dominū & imperatorē agnoscere? Cunctis vnanimi-
 ter adclamantibus, id omnino se velle facere: mox iterū Selimes
 eos adpellās: Si quis, ait, inter vos aliquid culpæ cōmiserit, an per
 vos mihi licebit, vt illū puniam? Licebit vero, succlamant omnes. 10
 Ergo deinceps, subiecit Selimes, imperiū meū auspicabor. Postri-
 die, quum illuxisset, eodē in loco pro tribunali cōsedit: veziribus
 & ballis omnibus huc ad ipsum cōuenientibus. Illo die quemdā
 Genizarum, qui auream in capite gestabat vscufiam, siue pileum,
 cōpræhendi iussit, & ad arborem suspēdi: quodā etiam de Vlofe- 15
 ziorū numero capite truncato. Genizarus ille propterea suspēdio
 sublat^o e medio fuit, quod Sultani Achmetis socer esset. Hoc mo-
 do quum sibi Sultanus Selimes imperiū cōstituisset, Coreutes cō-
 scenfa trirēme Manissam; ditionē suā, repetiit. Non multis die-
 bus interiectis, Cōstantinopoli discedens Baiafites, Dimotucum 20
 200. abire cogitabat. Eum Sultanus Selimes extra portā Hadrianopo-
 litanā, officij causa, quū deduceret: Baiafites e curru cū filio collo-
 quens, de multis eū rebus admonuit. Inde mutuo sibi pater atq; fi-
 lius valedixere. Sed Baiafites hoc itinere delatus in vicū quemdā,
 201. cui nomen Chapse, vitam cum morte cōmutauit. Reuectus autē a 25
 suis Cōstantinopolim, in tēplo, quod ipse cōstruxerat, cōdit^o fuit.
 Secundū hęc profectus est Sultanus Selimes vniuersis cū co-
 piis in Anatoliam, quumq; iam peruenisset Engurim; frater eius,
 Sultanus Achmetes, ad fines Arabicos profugit: Quod vbi Seli-
 202. mes acceperat, itinere murato, Prusam rediit: ibiq; Mustaphā bas- 30
 sam, cum aliquot fratrum suorum filiis, strangulari curauit. Inde Ma-
 nissam cōtra fratrem, Sultānū Coreutē, mouit. Sed is Tekiensē
 in prouinciā abiit. quo cognito, primum e ianitoribus suis, quem
 Azemim Casanem Agam vocabant, fratrē a tergo persequi iussit.

Is ad-

Is adhibita diligentia maxima, tandem illum in specu quodam depræhendit, & cepit: iamq; captum ad herū suum Selimem adducēs, obuios habuit nuntios, apud opidum Egrigos: vbi mox de mandato Selimis Corcutes, strangulatus, & cadauer eius Prusam veſtum, ibidem monumento fuit illatum.

Quum autem Sultanus Selimes etiam alterum fratrem suum, Sultanū Achmetem, magnopere cuperet in potestātē redactum: astu excogitato, Bassarum & Genizarorū nomine litteras ad eum perſcribi iussit, quarum litterarū hæc erat summa: Sultanum Selimem crudeliter in omnium ſæuire vitam. Ea de causa se iam perſectos esse pumilionis istius. Prodiret modo Achmetes, ac se conſpiciendum præberet: mox ei se captum Selimem tradituros. Data vero fuit opera, vt eiufmodi litterarum exempla L vel LX Sultano Achmeti redderentur. Itaq; numero litterarum deceptus, fidem eis habuit, & cum milite Caramano suis e latebris in apertū prodiit. Quotquot erant cum eo proceres, hanc proſeſtionem diſſuadebant: & futurum aiebant, vt circumueniretur. Sed ipse, litteris illis exhibitis, ac perleſtis: Demus, ait, exempla viginti harum litterarū esse falsa & cōmenticia: num idem de ceteris quoq; pronuntiarī oportet? Itaque suam ſequutus opinionem, copias in fratrem duxit. Quum in planiciem peruenisset ad Neapolim Caramaniz, ab exercitu Sultani Selimis obrutus, parum cum suis strenue rēgeſſit: ac victus, fugæ se dedit: in qua fuga captus Achmetes, & strangulatus fuit. Exſtincti cadauer Prusam deportatum, & ibidem in monumento fuit conditum. Hæc autem acciderunt anno DCCCCXX.

Sultanus ergo Selimes iam ſolus imperio tranquillo potitus, ad bellum gerendum aduerſus Iſmailem, Scachum Parthorum, ſe cōparauit: & curribus ad vehenda tormēta, ceterisq; rebus neceſſariis inſtructus, omnes ſuos exercitus collegit, in quibus erant hominū ad quadringenta millia. Tantis cum copiis in Parthiam proſeſtus, manum cum Iſmaile Scacho cōſerere decreuit. Iſmail vero Sultani Selimis inſtituto cognito, cū Parthis ſuis & ipſe hoſti obuiā prodiit: ac tandem congreſſis in planicie quadā, quæ Zab-

derana dicitur, vtriusq; partis exercitibus, a diluculo ad postmeridianum vsq; tempus dimicatum inter eos fuit. Ismailis Scachi supremus belli dux, Vstazeluis filius, Anatolico militi oppositus erat: Romanæ copias ipsemet Scachus Ismail sibi debellandas sumserat. Sed Anatoliæ beglerbegus adeo fortiter hosti restitit, ut tandem Vstazelues occideretur. Ab altero quoq; aciei latere pugnatum vtrinq; strenue, donec ad extremū Chafanes bassa, Romanæ beglerbegus, occumberet. Nihilominus Thures Alis begus, Malcozij filius, vna cum fratre suo, tam acriter hoc proelio se gessit: ut hostibus disiectis, ad Ismailis Scachi vexillum primum 10 penetraret, ipsique Scacho vulnus infligeret. Verum a Scachi satellitibus vterq; mactatus cecidit. Sub exitum diei fessus iam cum suis proeliando Scachus, hosti cessit, & fugam arripuit: ordaq; sua, cum omnibus rebus, quæ illa continebantur, hostis arbitrio relicta, Tebrifium se recepit. Itaq; Turcis orda Scachi prædæ fuit, qui 15 etiam in ea ceperunt vnam de Scachi vxoribus: quum ceteræ mulieres, quæ illis in castris fuerant, pedites cum reliquo Parthorum exercitu Tebrifium abiissent. Scachus aut, relicto Tebrifio, cum non magna suorum manu Sultaniam se contulit. Interea Tebrifium progressus Selimes, omnes vrbs artifices, omnes eximios opifices collectos, Cōstantinopolim misit. Quumq; illa hieme cogitaret in hibernis ad Carabagum subsistere, nō hoc eum tumultuantes facere passi fuere Genizari. Quapropter Amasiam reducto exercitu, ibidem hibernauit. Sub initium æstatis Camachum 20 profectus, eam ciuitatē occupauit. Interim Sinanem bassam eunuchum in Dulgadirensē prouinciā ablegauit, qui ducē eius regionis Aladeulem bello inuaderet. Is Dulgadirem ingressus, Aladeulem minime resistentem cepit, & capite truncauit: quamquā alij tradant, suspendio necatū fuisse. Dicionem vero Sultanus Selimes Ali bego concessit, qui ex Aladeulis fratre natus erat. 25

206. Hoc tēpore Genizari magnas Amasix turbas excitauere, quā in Piris bassæ castra per seditionem irruerēt. Erat tūc Sultani Selimis vezirazemes, Achmetes bassa, Ducagini filius: quem Selimes interfici iussit, collata in eum culpa, quod huiusce Genizarorum 30

rorum seditionis & conscius, & auctor extitisset. Hinc Amasia discedens Selimes, Constantinopolim abiit: ubi generum suum, Ischenderem bassam, una cum Tazisade Cadileschero, & Bali Geme Seguane bassa, supplicio capitis adfecit: quod ipsos etiam
 5 diceret Amasiani Genizarorum tumultus auctores fuisse. Contigerunt hæc anno DCCCXXI.

C. 1514.

- Secundum hæc collectis Selimes omnibus copiis suis, Cōstantinopoli transiecit in Anatoliam: quum alteram se cōtra Parthos
 expeditionem moliturum simularet. De hac Selimis profectioe
 10 certior factus Canfaues Gauris, Sultanus Alcairi: maximopere cum suis proceribus & Mamelucis perturbatus, coactis militibus suis, armatus Chalepum adiit. Qua re Sultano Selimi nuntiata, misso itinere Parthico, in Sultani Alcairēsem mouit. Eius quum fines adtigisset, ac Sultani haud impigre sibi occurrentem cō-
 15 spiceret: graui cum eo prælio conflixit, in quo Sultani ipse Canfaues Gauris cæsus fuit, eiusque copiarū dissipatæ fugerunt. Post hæc pugnam Selimes victor omnes munitiones & arces, in finibus sitas, occupauit: ac præsidii in singulas impositis, Chalepum perrexit. Ibi quum omnia Chalepo vicina loca sui iuris fecisset, be-
 20 gos sangiacos prouinciæ præfecit. Chalepo Damascum abiit, & urbem cum omni agro finitimo, summa celeritate suo subiecit imperio. Mameluci, qui & Circassi, Alcairum fuga delati; Tom-
 mambaim, qui erat id temporis Vlu Duueidar, Sultani cre-
 25 rant. Et Vlu Duueidar apud ipsos primus erat dignitate post Sul-
 tani. Potitus autem Damasco Selimes, Sinanem bassam cum selecta militū manu Gazam præmisit. Aliquot inde diebus elapsis, etiam ipse reliquo cum exercitu subsequutus fuit, Alcairum ducturus. Ex altera parte Damascum Tammambais Meliculem V-
 30 meram, hoc est, beglerbegum Damasci, Zamberdim Galalim, cum parte sui exercitus miserat. Is quum a Gaza prope iam abes-
 set, etiam Sinan bassa Remlen aduenit, eoque loco castra metatus est. Quumque certior factus fuisset, esse Galalim cum exercitu in
 viciniā: noctu militibus indicta profectioe, tanta cum propera-
 tione ad hostem accessit, vt prima cum luce Galalis copias adse-

207.

208.

209.

quutus, non modo cum eis confingeret: verumetiam victoria po-
 tiretur, magnumq; Mamelucorum siue Circassorum numerum
 internicione deleteret; superstitionibus fuga dilapsis, & in solitudines
 illorum locorum semet recipientibus. Quibus rebus gestis, pla-
 cuit Sultano Selimi legatum ad Tammambaim mittere. Quip- 5
 pe domesticum quemdam habebat, natione Circassum, quem
 vulgo Muratem Circassum adpellabant. Is ad Sultanium ire ius-
 sus, impetrare non potuit, ut a Tammambai vel in conspectu ad-
 mitteretur, vel audiretur: adeoque cum iis, quos itineris comites
 secum adduxerat, iussu Tammambais fuit interfectus. Qua legati 10
 sui ex de cōperta, motis Selimes castris, Remlen petiit. Eo quum
 peruenisset, significatum illi fuit, ciues Remlenses id temporis,
 quo Sinan bassā Remle nocturno itinere discesserat, ut Zamber-
 dis Gasalis copias adoriretur, sparsisse rumorem de fuga Osma-
 nicorum: & quotquot in castris Sinanis bassæ remanserant, non 15
 solum mactasse; verumetiam occisorum cadauera passim in pu-
 teos & fossas proiecisse. Quo Remlensium intellecto facinore,
 Selimes & congregari iussit opidanos, & omnes illius sceleris
 210. reos trucidari. Secundum hæc Cudsimubarecum profectus est.
 Quumque sub vespere eo venisset, noctem illam istic manere 20
 voluit: ac vespertinis precibus in Axa messita, nocturnis in cubi
 Sahara peractis, omnia loca sacra visitauit. Postridie circa meri-
 diem reuersus ad exercitum, Gazam contendit: vbi Sinan bassā,
 potius insigni victoria, suas cum ipso copias coniunxit. Gaza
 Bethlehemam profectus, illo quoque loco preces suas concepit: 25
 quibus absolutis, in animum induxit, Alcairam petere. Præmi-
 sit ergo Sinanem bassā, qui suis cum copiis reliquum exerci-
 tum antecederet. Quippe proficiscendum eis per illam solitudi-
 nem erat, quam ante id temporis numquam tam numerosus ex-
 ercitus transierat. Et aliam quoque causam habebat, cur eum præ- 30
 mitteret: quod vereretur scilicet, ne si tanta hominum multitudo
 coniuncta maneret; iter illud per solitudinem se suscepturos ne-
 garent, atque hoc modo diffuerent. Sultani quidem hoc de-
 lectum semper antehac pro urbis Alcairanæ propugnaculo quo-
 dam

dam habuerant. Verum Sultanus Selimes iacta, quod dicitur, alea; militem cohortationibus animosis ad capeſſendum hoc iter impulit. Vbi ventum ad prima caſtra fuiſſet, in pago, qui Deire vocatur, vezirem ſuum, Chuſeinem baſſam, interfici iuſſit: quod dixiſſe perhiberetur, non temere per eiufmodi ſolitudinem, tanto cum exercitu, proſciſcendum. Atque hoc modo ſolitudinem ingreſſus eſt, quæ arida prorſus, aquis deſtituitur. Quum de die in diem progredederetur vltcrius, placuit Deo largiri pluuiam: quo factum, vt vniuerſæ illæ copiæ nulla premerentur aquæ pænuria. Vbi Salachigen peruentum fuiſſet, iam vicerant ſcilicet, ſuperata ſolitudine. Quapropter oneratis aqua potabili iumentis, Alcairum perrexerunt. Interea Tommambais Alcairi Sultanus, ſuis & ipſe copiis inſtructus, ex vrbe militem eduxit: eoque modo caſtra metatus, vt urbem a tergo haberet, ibidem ſubſtitit. Coëgerat enim maximum exercitum, in quo militabant Æthiopes, cum aliis nationibus. Tormentis etiam bellicis ea communierat itinera, quibus hoſtis venturus exſpectabatur. Sed transfuga quidam ex caſtris ipſius ad Sultanum Selimem ſe contulit, eiſque conſilia & inſidias hoſtium detexit. Quibus Selimes cognitis, diuerſo itinere copias Alcairum duxit. Hæc geſta fuerunt anno DCCCCXXII.

C. 1515.

Die xxviii menſis Silchiziſ, ante prandium, ingens & cruentum prælium commiſſum fuit; quo in prælio Sinan baſſa, cæſus in dextro cornu, occubuit. Tandem tamen Mameluci, qui & Circaſſi, diſſipati proſtigatique, partim verſus montes, partim in ſolitudinem, partim ad ipſam urbem profugere. Verum vbi mox Selimiani milites urbem occupaveſſent, reliquiæ Circaſſorum & Mamelucorum, vrbe deſerta, in regionem, Saitenſem ſe recepere. Selimes propter urbem, ad Nilum fluvium, caſtris locum cepit: quo in loco dum ipſe quieſcit, miſſis Tommambais ſpeculatoribus, quum alia, tum etiam ſitum caſtrorum hoſtilium exploravit; quod ea nocturna impreſſione adgredi, ſuo cum animo conſtituiſſet. Rebus omnibus exploratorum opera probe perquiſitis; urbem noctu cum ſuis ingreſſus, plurimos ex Selimianis in

vrbe oppressit & trucidauit. Sed quum primum hoc Selimi nuntiatum fuisset, iussit arma corripere militibus, hosti semet opposuit: tormentisq; bellicis in ea loca constitutis, in qua facturus impetum credebatur hostis, ab omni parte paratus erat.

- C. 1516. Anno DCCCCXIII, quarto die mensis Mucherenis, missus 5
in urbem fuit a Sultano Selime Ionuzes bassa, cum Genizarorum manu: qui quidem in ipsis plateis & vicis vrbis aduersus Circassos & Mamelucos acerrime dimicarunt. Hoc proelio sagitta Ionuzes bassa tam grauitur vulneratus fuit, vt a suis sublatu, e media pugna exportaretur. Id conspiciatus Selimes, vsque adeo 10
excanduit: vt milites ex equis descendere iuberet, ac pedites suis suppetias ferre. Quod quum absque mora fieret, & illi milites, qui ceteroquin ex equis dimicare solebant, pedites urbem ingre-
derentur: prope templum maximum, quod Chasani Zamī 213.
vocant, cum Circassis & Mamelucis manum conferuere: qua pugna tot ab utraque parte caeli sunt, vt passim per plateas plena peremtorum cadaueribus essent omnia. Tandem Selimiani denuo victoria potiti fuerunt, & Tommambais iterum cum nonnullis suorum in regionem Saitensem profugit. Acciderunt hæc anno DCCCCXIII.

Post illa cum omni exercitu Selimes urbem ingressus, in ipso palatio Sultano diuertit. Fuerant in eo, quem diximus, conflictu capti bis mille quingenti Circassi ac Mameluci: quorum ad duo millia Sultanus Selimes iugulari, quingentos reliquos in custodiis haberi iussit. His gestis rebus, adactus extrema necessitate 25
Tommambais, vt pacem peteret: insignem legationem ad Sultanum Selimem misit. Eam Selimes sane quam humaniter excepit, ac postulatis omnibus aduersus, non modo Tommambai rescripsit: verumetiam suos homines ad ipsum vicissim ablegauit, qui pacis ei auctores essent. Hos ad se iussu Selimis venientes, Tommambais interfici curauit vniuersos. Quamobrem summo opere commotus Sultanus Selimes, Circassos illos omnes, quos in custodia detineri preceperat, mox ita iussit occidi, neminem vt sui reliquum facerent. Ea re patrata, trans Nilum copias duxit, Tom-

Tommbaim quaſiturus: quo ille comperto, fugam arripuit. Selimes Romaniz copiis iniunxit, vt eum a tergo perſequeretur. Sed Arabes, qui & Æthiopes, itineribus fugienti Tommbaim præcluſis, hominem interceperunt, & captum ad Selimem perduxerunt.

Anno DCCCCXXIII, die XVII menſis Rebiululæ, mandato Sultani Selimis, in vmbilico vrbis Alcairëſis, eo loco, qui Bab ſubeile dicitur, Sultanus Tommbais ſuſpendio necatus fuit. Atque hoc modo radicitus extirpatis Circalliſis ac Mamelucis, vniuerſum illud Sultaninum Ægyptiumue regnū ſuo Selimes imperio ſubdidit, & in Sangiacatus diuiſit: quum urbem Alcairanam Ionuzi baſſæ regendam commiſiſſet. Inde rebus omnibus egregie conſtitutis & ordinatis, Alcairo diſceſſit, Gazam rediturus. Erat autem quidam ex Sultaninis, Cheir begus, qui Sultanis illis adhuc rerum potientibus, Chalepi copiis præſuerat; ſed ſponte ſua Sultani Selimis poteſtati ſe permiſerat. Hic a Selime, præter Ionuzem baſſam, ad Alcairum relictus; litteras ad eum, iam inde digreſſum, miſit obſignatas: quib⁹ in litteris, Ionuzem baſſam accuſans, perſcripſerat; Æthiopes, & plebem vrbana, Ionuzi baſſæ Sultani tribuere titulum, & omnia precari fauſta feliciaque; nonnullis etiã criminibus aliis in eum cōgeſtis. His territus litteris Selimes, mox alias ad Ionuzem baſſam dari iuſſit: quibus ei mandaretur, vt maxima celeritate ſemet ad Sultanum Seleimem conferret. Eadem Cheiri bego ſcribi voluit, & urbem ipſius fidei, per abſentiam baſſæ, commendauit. Vbi ſuum ad herum, Sultanum Selimem, in ipſa ſolitudine Ionuzes baſſa petueniſſet: equis inſidentes, inter ſe colloquuti ſunt ambo. Verum ſubito Selimes furore correptus, Ionuzem baſſam ex equo deiici iuſſit: & Solachorum præfecto mandauit, vt eum, reſecto capite, iugularet. Quod ſtatim factum quum fuiſſet, Selimes itinere continuato, tandem Conſtantinopolim reuerſus, quieti ſe dedit.

Non exiguo temporis interuallo gerendis a rebus abſtinens, anno denique DCCCCXXVI, menſe Remaſane, Conſtantinopoli digreſſus, Hadrianopolim petere conſtituit. Hoc in itinere quum

C. 1517.
214.

C. 1520.
215.

Inzuam venisset, balineum ingresso tumor quidam a tergo cepit oriri, qui reuera carbunculus pestilens erat. Profectus autem ulterius, & illum ad locum delatus, ubi aliquando cum patre conflixerat: urgente necessitate, fixis ibidem tentoriis, substitit. Interea vero, dum heic morbo ipsius curando se totos medici dabant: 5 Desferdaros, & Pirim Achmetemque bassas, Hadrianopolim præmisit: ut omnia sollempnitati Bairami celebrandæ necessaria præpararent, solo Ferhate bassa cum eo manente. Sed quum medici morbo remedium inuenire non possent, eo ipso mortuus est loco, in quo cum patre pugna congressus fuerat, die septimo mensis 10

- C. 1520. Schebalis, anno DCCCCXXV 1. Imperauit annis VIII. mensib⁹ VIII diebus VIII. Nihil compertum fuit de ipsius obitu totis diebus decem. Interea secreto Ferhates bassa primatium ianitorem cum litteris Manissam ad Sultanum Soleimanem misit, qui cum moneret, uti quamprimum illuc properaret. Sed quod his nihil litterarum reliquis a bassis adiunctum fuisset, veritus est itineri se dare Soleimanes. Inde bassis ceteris, qui Hadrianopoli degebant, rem omnem Ferhates bassa patefecit: qui mox eo profecti, quum quores essent loco, cernerent; litteris & ipsi perscriptis, præfectum Is- pachiorum ad Soleimanem Manissam ablegarunt: significantes, 20 ut absque mora veniret prius, quam de patris obitu Genizari, ceterique Portæ milites, quidquam inaudissent: ne fœde direptam urbem excidio darent. Itaque Soleimanes, re tota penitus cognita, confestim semet adinxit itineri: nec vlla vel noctu, vel interdiu quiete interposita, peruenit Iscodaram, e regione Constanti- 25 nopolis sitam. Hoc loci tribunus Genizarorum ad ipsum venit, quo comite triremem ingressus, Constantinopolim transiecit; in occursum prodeuntibus Genizaris vniuersis. E triremi quum exscendisset, Genizarorum Aga, tuos compellans Genizaros: Hic dominus vester, hic imperator est, ait. Qua illi voce audita, mox 30 ordine ceteros antegressi, Sultanum suum ad imperatorum Saraium deduxerunt. Hinc largiores annonas, & donatiua petiere: Sultano Soleimane postulatis ipsorum aduente. Postridie prima luce funus Selimis in urbem deductum fuit, eiq; celebratæ in templo

plo siue zuma Sultani Muchemetis exsequiæ. Pedes ante pater-
num funus incedebar Sultanus Soleimanes, idque comitabatur
ad zumam ab ipso Selime conditam, vbi monumento suo fuit il-
latus. Inde Soleimanes ad palatium reuersus, in thronum impera-
torium se collocauit, & regni administrationem auspicatus est,
anno DCCCCXXVI, die xvi i mensis Schebalis.

C. 1520.

Factus iam plene rerum dominus Soleimanes, elapsis aliquot
mensibus, omnes suos milites conuenire iussit, & cum eis versus

216.

Albam Græcam profectus est, anno DCCCCXXVI.

C. 1521.

10 Quum prope iam abesset ab Alba, Vezirem suum, Achmetem
bassam, cum Romanæ copiis ad Burgurdelen ire iussit. Is illuc v-
bi venisset, tormentis bellicis mœnia disiecit, militem immisit, &
opidum cepit. Multi tamen in eius expugnatione Turci fuere tru-
cidati, ac vicissim Achmetes bassa Sultano Soleimani cæsum

15 Christianorū capita, cum quibusdam captiuis & vulneratis, misit.

Secundum illa Pirim bassam præcedere iussit Soleimanes, qui
Albæ Græcæ situm ac munitiōem, circumfusus copiis, specula-
retur: statimque Pirim sequutus, vniuersum exercitum mœnibus
admouit, castra vallo muniuit, tormenta iussit expediri, muros e-
uersos solo æquauit, ac tandem Albam expugnauit die xxv mē-
sis Remazanis, anno DCCCCXXVII. qua potitus, Constantinopo-
lim rediit.

Anno sequenti proximo DCCCCXXVIII, die xx mensis Reze

C. 1522.

bis, iterum Soleimanes expeditione suscepta, copias vniuersas in

25 Anatoliam transduxit, Rhodo bellum illaturus. Iam ante vero

Mustapham bassam insigni cum classe Rhodum nauigare iusse-

rat. Ipse cum pedestribus copiis Anatoliam ingressus, in opidum

quoddam Mentesianæ ditionis, cui nomen Mermere, se contu-

217.

lit: vnde non magno ex intervallo in Rhodum transiicitur. Itaq;

30 militibus hinc in Rhodum transportatis, tandem & ipse suo cum

comitatu transfuctus in insulam, graui urbem obsidione cinxit.

Obsessi Christiani muros pannis cocco tinctis, & sericis, & auro

intertextis, ornabant; ac plurimis in vrbe ludis & spectaculis, ad

oblectandos animos, utebantur. Quum serio denique oppugna-

K ij

rentur, longo temporis spatio se defendebant acerrime; quod urbem ab hoste nullo modo capi posse sibi persuasisse. Ac Soleimanis sane res eo tandem loci redactę fuerant, ut quam ad expugnandam ciuitatem via deinceps progredieretur, ignoraret. Quia tamen mons quidam haud procul ab urbe distabat, ex eo terram peti, qua urbis fossę complanarentur, edixit. Actis præterea cuniculis, suffossi fuere muri, tormentorum quoque vi magna ex parte diruti. Quapropter exhausto laboribus ac molestiis Christianorum præsidio, quum urbem non multo post in hostium potestatem venturam nemini dubium esset: ipsorum princeps, quę 218. Megalon Mastora vocabant, indutias pactus, urbem se dediturū significauit: modo ipsis abeundi potestas fieret, saluis facultatibus suis; & Christianorum vxores atque liberi nulli seruituti manciparentur. In eas condiciones Sultanus Soleimanes absque mora consensit. Itaque quum obsessi munera Sultano quędam, in eius conspectum admissi, obtulissent: cum rebus ac facultatibus, cum liberis & vxoribus suis naues ingressi, Turcis Rhodo cesserunt, & in Italiam nauigarunt. Quotquot erant in urbe captiui Turci, libertati pristinę restituti fuere. Capta vero fuit Rhodus die tertio mensis Sesseris: anno MCCCXXXIX. Simul etiam cum Rhodo Turci arcem Stancoin, & Bedrum, aliam arcem in Anatolia sitam, in potestatem rede gere. Soleimanes inde Constantinopolim reuersus est. 20

Ceterum quo tempore ad obsidendam Rhodum proficisci co-
219. gitabat, Ferhatem bassam aduersus Alimbegum, Scachi Suaren-
sis filium, qui perantiquo maiorum suorum iure Dulgadirensis
regionis dux erat, cum copiis ablegauit. Nam falso delatus is fue-
rat apud Sultanum Soleimanem, & accedebat alia causa, quod
Osmanidę neminem veteri natum familia suo in imperio tolerare
possunt. Vbi iam prope Ferhates aberat ab Alis begi ditione,
insidioso astu hominem ad se pellexit. Quippe morbum simulās,
significari bego iussit: velle se testamentum condere, atque ipsius
fidei exercitum committere. Qua voluntate Ferhatis intellecta,
mox Alis begus, nihil ab Osmanicis periculi veritus, quibus in-
de:

de vsque a prima ætate fidus ipse fuerat, cum vtroque filio bassam adiit: qui & patrem, & filios, innocentes occidi iussit. Hoc facinore parato, Ferhates ad Sultanum Soleimanem, Rhodum obsidentem, Rhodo necdum capta, reuersus est.

- 5 Quum autem confecto bello Rhodio, Constantinopoli Soleimanes quietus degeret: Genizari die *xxiii* mensis Rezebis seditionem mouerunt, & Aigasis bassæ, supremique thesaurarij, *220.* Abduselamis ædes expugnatas diripuerunt. Postridie, qui Mercurij dies erat, noctu Ibrahimis ac Mustaphæ bassarum domos i-
 10 tidem adhibita vi aperuere: sed ea cum moderatione, nullam vt inde prædam auferrent. Composito denique Genizarorum tumultu, Soleimanes in Vngariam proficisci statuit: & collectis *L* vel *LX* millibus armatorum, pontibus Sauum, Drauum, Danubiumque flumina iunxit: & Varadinum Petri, cum aliis locis mu- *221.*
 15 nitis occupauit, Budam ipsam cum exercitu petiturus. Ea Soleimanis expeditione cognita, se quoque rex Vngarus ad bellum parauit; & cum milite suo, qui ferro totus armatus erat, obuium se Sultano Soleimani dedit. Die quodam Mercurij, circa tempus Ikindi, vtriusque tanto concurrerunt exercitus impetu: multa vt
 20 hominum millia ab vtraque parte cæsa caderent, plurimi vulnerarentur. Diu pugnatum quum fuisset, tandem tamen victus rex Vngarus, etiam ipse periit. Actis autem in fugam Vngaris, Turci hostem persequuti, multa ipsorum millia inter fugiendum contrucidarunt. Soleimanes re bene gesta, Budam suos duxit, | & vrbe
 25 sine sanguine potitus est; cuiusvis sexus & ætatis hominibus in seruitutem redactis, anno *DCCCCXXI*. Post occupatam Budam, reuersus est Hadrianopolim, & ad tempus aliquod se quieti dedit. *C. 1526.*

- Erat tunc quidam in Anatolia, qui Calender Zelebis adpellabatur, ex familia Chazis Bectasis. Colunt autem Turci Chazim
 30 Bectasem, seu diuum quemdam, atque etiam inuocant. Hic ergo Calender Zelebis seditione mota, cum non magno Deruisiorum numero Sangiacos aliquot fudit, & vniuersam Anatoliã ad arma concitauit. Soleimanes accepto motus huiusce nuntio, Ibrahimem bassam, in signi cum exercitu, misit; vti Calenderem Zele-

Qua quidem re feliciter confecta, per vniuersam Italiam nomen ipsius inclaruit: inditumque fuit ei cognomen ab Italis, vti vulgo Barbarossa diceretur. Idem quotannis Sultano Selimi & Soleimani munera quædam missitabat. Quorum alter, Soleimanes, viri virtute, rerumque gestarum fama cognita: missis legatis, inuitauit hominem, vti ad se veniret. Chairadines idonco Cesairi præsidio imposuero, strenuorumque virorum, & sibi amicissimorum fidei ciuitate credita: triremes aliquot milite compleuit, & Constantinopolim profectus est. Eò quum adpulisset, manum pro more Sultano Soleimani osculatus est. Excepit hominem Sultanus sane quam honorifice, constitutoque salario quadragiescentum millium asprorum annuo, Beglerbegum maris supremum creauit, & ad Veziris dignitatem euexit: vnde nomen ei datum, vt Chairadines adpellaretur. Nactus ergo plena cum potestate maris imperium, centum triremes in mare deduci, & instrui, militeque compleri iussit, & cum iis Moream adiit. Qua re Christianis nuntiata, mox illi regionem & arces, quas occupauerant, desertas reliquere: consensuque nauibus suis, inde discesserunt. A Christianorum abitu, cccc Genizari, Azapique totidem in ea fuere loca missi: qui & Coronæ, & opidis ceteris præsidio essent. Inde Chairadines bassa cum eadem classe in Barbariam profectus, urbem celebrem Tunisinam, quæ a Mauris incolitur, occupatam suo subiecit imperio, anno DCCCCXL.

Eodem hoc tempore captæ a Chairadine bassa Tunisis, quidam e numero Parthicorum procerum, Vlumas begus, a Scacho Techmasi, filio Scachi Ismailis, defecit: licet ipsius Scachi sororem haberet coniugem. Itaque profugus e Parthia, Constantinopolim accessit: & præstito subiectionis sacramento, Soleimani se totum addixit. De huius viri consilio Sultanus Soleimanes expeditionem Parthicam suscipere cogitabat, eam prætexens bellicausam, quod Scachus, suis cum proceribus & subditis, minime rectam religionis amplecteretur sententiam, nec debito qua tuor Mahumetis prophetas honore prosequeretur. Hac de causa dignissimos censebat, quibus bellum inferretur, qui occiderentur, adeo-

adeoque penitus extirparentur. Itaque Soleimanes hoc bello decreto, Sangiacatum Vlumæ bego supra nominato, non procul a Carahemida, concessit. Vlumæ veto Cōstantinopoli quibusdam conductis copiis, in Sangiacatum suæ creditum fidei cum eis profectus est. Missa quoque fuerunt ad ceteros illius prouinciæ Sangiacos a Sultano Soleimane mandata, quibus præcipiebatur, vt Vlumæ bego, quoties in hostem profecturus esset, obsequerentur. Vlumæ ergo decretum sibi Sangiacatum ingressus, collectis eius regionis proceribus Sangiacis, ipsorum adiutus auxiliis, Curdistanio principi, cui nomen Serefes begus, bellum intulit: eoque interemto, ditionem ipsius in potestatem redegit. Ea re Sultano Soleimani nuntiata, supremum Vezirem suum, Ibrahimem bassam, qui apud Sultanium summæ auctoritatis erat & potentiz, supra bassas ac Vezires omnes euectus, idque nomen ab eo consequutus, vt Ser Alker Sultani nominaretur, Constantinopoli ablegauit in Anatoliam, & Romanix Anatolixque copiis præfecit: cum quibus ille Chalepum adiit, & inde Carahemidam perrexerit. Huc vbi venisset, Vlumam begum præmisit in Parthiam, qui dux itineris esset: atque ipse vestigiis illius inhærens, a tergo sequutus est, anno DCCCXCXLI.

C. 1535.

Hoc modo continuata protectione, nemine resistente, Tebrifium illi peruenerunt. Aberat enim Scachus id temporis ab illa prouincia, bellum in Chorasane contra Kezien bassam gerens, qui ei Chorasane eripere volebat. Quum propius ad Tebrifium accessissent, urbem inuenere desertam, & habitatoribus vacuam. Ibrahimem vero præmissum ad expeditionem hæc, anno DCCCCXLI, sequutus est ipsemet Soleimanes, cum Genizaris, & aliis Portæ copiis, ea celeritate: vt quo tempore Tebrifium Ibrahimes ingressus est, Soleimanes Carahemidæ portis immineret. Interea Scachus etiam Techmasfes propius ad Tebrifium suos adduxerat, vt istic Ibrahimem bassam opprimeret. Ibrahimes hostis conatu cognito, absque mora So-

- leimanem certiores reddidit: qui duplicatis cottidianis itineribus, celerrime Tebrifum aduolauit, & cum Ibrahime se coniunxit. Quumque per exploratores intellexissent, quibus in locis Parthorum exercitus degeret: recta in eos duxere. Tum vero Parthi, qui de Soleimanis aduentu cum Genizaris ac Portæ militibus ceteris acceperāt, seque tali machinarum bellicarum ad-
 235. paratui, tantisque copiis nequaquam resistere posse cernerent, Sultaniā profugerunt. Osmanici nimia tormentorum, annonæ, tentoriorum, curruum, & aliarum magni ponderis rerum copia grauati, tormenta cum impedimentis ceteris ccc Geni- 10
 zarorum, ac trium Sangiacorum præsidio munita, Tebrifum remiserunt: atque hoc modo facti expeditiores, Parthicum militem acriter a tergo persequi cepere. Tum vero fugere Parthi, fugientibus instare Osmanici: donec haud procul ab opido Hemedane peruentum fuisset. Ibi cum pluuiis, & annonæ penuria, 15
 tantū frigus Osmanicos oppressit: ut plurimi tam manus quam pedes a frigore læsos amitterent, ac incredibilis hominum iumentorumque multitudo fame interiret. Præterea contigit, ut in ipso conatu transmittendi amnis, qui Docus Gezid vocatur, flumen illud aquis pluuiis adauctum vehementer intume- 20
 sceret. Ideoque dici non potest, quot istic homines, iumenta, rerum aliarum sarcinæ perierint: adeoque de sua quilibet salute desperabat. Quando igitur exercitus Parthicus nusquam adparebat, nec sciri poterat, quonam se recepisset: aliaque nulla regio Bagadate propinquior erat, quæ minus hiberni frigoris, & plus 25
 caloris haberet: in hanc sibi Soleimanes ducendum statuit exercitum. Vbi propius ad urbem accessisset, apertis incolæ portis, eam Soleimanis potestati permiscere. Quapropter ingressus, nō-
 237. nihil istic se recreauit. Omnis etiam Bagadati finitima regio se Soleimanis imperio summisit. Quò factum, ut beglerbegum in 30
 urbe constitueret, ipsamque prouinciam in Sangiacatus partiretur. Præterea Bagadati militare præsidium imposuit, ei que de tormentis bellicis, & aliis rebus necessariis, annonæque copia prospexit:

prospexit: quum prius urbem muniisset, & aquam e flumine deriuatam in fossas urbanas immisisset. Hoc tempore supremus Dephterdarus siue maximus ætarij præfectus, Ischender Zelebis, apud Sultanum Soleimanem delatus fuit, ob tractatos nequiter thesauros regios: quem extra urbem hoc nomine suspendi iussit, vniuersis facultatibus eius sisco adplicatis. Interea vero, dum Soleimanes intra Bagadatis muros, exercitus foris in hibernis hærebat: prodiit denuo Scachus Techmafes in apertum suis cum copiis, & Tebriseum iter instituit. Inde quum ipsum
 10 haud procul abesse relictæ ad Tebriseum Sangiaci & Genizati, de quibus supra dictum, accepissent: quid agendum sibi hoc casu foret, ignorabant. Quia tamen animaduernerent, nec ad resistendum hosti tam potenti se sufficere, nec in tempore sibi succurri posse: sarcinas omnes, & tormenta bellica, cum rebus ad
 15 ea necessariis, & custodiæ suæ commissis, ibidem reliquerunt, ac fuga salutis suæ consulere. Scachus Tebriseum ingressus, omnes istas sarcinas & impedimenta militi suo diripienda concessit: bellica vero tormenta, cum vniuerso ad ea pertinerente apparatu, concremari iussit: & quidquid de machinis bellicis colliquefactum flammis absumi non potuerat, ad signandos man-
 20 guros destinauit. Vbi iam durior hiemis tempestas præterierat, Bagadate Soleimanes mouit eodem anno DCCCXLI, ac denuo Tebriseum duxit: vnde quum non magno abesset intervallò, rursum cum suis Techmafes fugæ se dedit: atque vti facultatem sui persequendi Osmanicis adimeret, suam ipsemet regionem vastauit, annonam omnem corrupit & exussit, subditos suos passim abegit. Vbi Tebriseum Turci peruenissent, Soleimanes optimum quemque suorum, & præsertim egregiis, instructos equis, delegit: eisque mandauit, vt summa vli celeritate, hostem alicubi adsequerentur. Quod quum illi facerent, omniaque misere vastata conspicerent: ad animum eis accidit, fieri posse, vt in redacta penitus ad solitudinem regione aliquod
 30 ipsis incòmodum eueniret. Ideoq; conuerso itinere Tebriseum

C. 1536.

rediere. Quum autē Soleimanes hoc modo delusum se videret,
 vehementi commotus ira, Scachi Teehmasis, & maiorum i-
 psius regias, amœnaque palatia, cum ipsius Sultani Iacupis ædi-
 238. ficio, quod Heste behiste dicitur, & omnibus cum paradisis di-
 rui, vastari, cremari iussit. Præterea plurimos Tebrilij ciues com-
 pulit, ut inde Constantinopolim commigrarent. Ad summam,
 insigni regionem illam vniuersam excidio adflixit, direptis mi-
 serorum incolarum facultatibus, & absumtis omnibus iumen-
 tis. Post hanc vastationem, Soleimanes, exercitum Carahemi-
 239. dam reduxit. Et dispositus ac relictus erat a tergo dundar, ut Tur-
 ci vocant: quod vereretur, ne in ipsa profectioe Scachus im-
 pressionē subita suos adgrederetur. Quod quidem ita prorsus
 accidit. Nam Scachus, intellecto discessu Soleimanis, selecta
 Corizzorum quinque millia secum sumsit, ac veredariorum in-
 morem Osmanicos a tergo sequutus est: in hoc vnum intentus, ut
 eos aliquo detrimento adficeret. Tandem in agmē illud ex-
 tremum incidit, quod dundar adpellatur, ut diximus. Eius du-
 ctor erat Vlumas begus, cui præter quinque Sangiacos, xvii
 millia strenuorum militum Soleimanes adtribuerat. Ad hos
 quum Scachus aduolasset propius, mox in eos irruit: & manu
 conferta, superior ipse, Turcis cæsis, euasit. Interemta fuere Tur-
 corum ad xii millia, desiderati que tres Sangiaci. Quattu in
 hostium potestatem venit, quintus cum Vluma bego fugæ be-
 neficio discrimini semet eripuit. Scachus hoc tam feliciter pu-
 gnato prelio contentus, nihil periclitandum putauit ulterius,
 quod hosti ex aliqua parte par pari relatum arbitraretur: ideoque
 retro cum vidtricibus copiis ad suos abiit. Ipse quoque Soleima-
 nes jam Carahemida discesserat. Chalepum petens: vnde di-
 gressus, die xiiii mensis Rezebis Constantinopolim adpulit, an-
 no DCCCXLII.

C. 1536.

Dum illic ad tempus aliquod a bellis abstinens quiescit, su-
 spectus ei cepit esse Ibrahimis bassâ, cuius & ex parte fuit dete-
 cta perfidia. Quippe ferebatur cum Italis quoque secrete pepi-
 gisse

30

gisse fecdus, vt imperium Turcorum in se transferret. Quapropter cum Soleimanes die quodam Mercurij, qui xxi mensis Remasanis erat, ad cenam inuitauit: qua finita, quum de certis negotiis inter se collocuti, iam cubitum pergerent: Ibrahimus quoque suum ad conclaue secessit, & in lecto se composuit. Quippe quoties ad Soleimanem noctu arcessebatur, in ipsius imperatoris saraio cubabat. Quum obdormiisset, interfici hominem Sultanus iussit; omnesque facultates ipsius & opes, fisco addictas, thesauris suis inferri. Factum hoc fuit anno DCCCC C. 1536.

IO XLII.

Diximus antea, Chairadinem bassam magna cum classe profectum in Barbariā, Mauris famosam urbem Tunisim eripuisse, ac ibidem sibi constituiisse domicilium. Is hoc tempore naues atque triremes in terram subduxerat, rerum scilicet suarum plene securus, suoque dumtaxat, indulgebat genio. Princeps inter-
 15 rim Maurus, cui prius ea paruerat ditio, profectus in Hispaniā, opem Hispani principis implorauit. Hispanus ad consilium reuocato negotio, verobatur propterea, quod Tunisim Barbaros-
 20 fa cepisset, vt Hispanis idem aliquando damnum inferret. Facile putabat ignem exstingui posse, si prius supprimeretur, quam latius erumperet. Eaque de causa datis ad Italicos principes litteris, vt subsidio sibi venirent, petiit. Magnis ergo collectis copiis, & insigni classe parata, eidem Andream Doriā suprema cum
 25 Chairadines re comperta, Raisos suos conuocauit, eisque deliberandum proposuit, quid hoc Christianorum motu faciendum censerent. Illi respondere, classē mari prius instruendam, quam Christiani se coniungerent: omninoque præpediundos, ne conuenire possent. Ad ea vicissim Chairadines bassa: Si tu-
 30 lipantum, inquit, meum dumtaxat excelso quodam in loco super hastam defixero, a Christianis vt conspici possit; formidine correpti, ad aliquot milliariorum millia retro fugient: tantum abest, vt bellum nobis illaturi sint. Hac ergo securitate sui que
 L. iij.

confidētia cæcatus, omnem ex animo sollicitudinem & curam
 deposuit. Verum non multo post Tunisim præpotens Christiano-
 norum classis adpulit. Ea quum istuc accessisset, occurrit hosti
 Chairadines extra urbem suis cum copiis, tamen vix nouem
 decemue militum idoneorum millia secum educeret. Ad Chri- 5
 stianorum aciem progressus, animose cum eis conflixit. Et quā-
 quam ingens hominum multitudo in Christianorum esset exer-
 citu, fama tamen perhibetur, multa Christianorum millia tum
 cæsa fuisse, quum ex aduersa Chairadinis parte duo duntaxat
 hominum millia desiderarentur. Quum autē Chairadines ho- 10
 ste se videret inferiorem, conuersa suorum acie, ad urbem se re-
 cepit. Eò quum ventum fuisset, oculis reperit, & in mœnib⁹
 elata Christianorū vexilla cōspexit. Quippe captiuorū Christia-
 norum aliquot in vrbe millia reliquerat, qui quidem interea, dū
 extra muros ipse cum exercitu Christianorum præliaretur; per- 15
 fractis carceribus, & arreptis armis, portas vrbs clauferant, & in
 mœnibus vexilla Christianorum erexerant. Id vero quum ac-
 cidisset, maior pars militum Chairadinis cæsa, cunctaque nauig-
 gia, cum machinis & adparatu bellico, fuerunt amissa. Chaira-
 dines cum reliquiis suorum propter urbem aufugit, & in solitu- 20
 dines se cum eis abdidit: quorum magna pars fame, siti, & æstu
 periit. Ipse varias expertus ærumnas, tandem ad urbem suam
 Cesairem euasit: vnde cum decem & octo triremibus Constan-
 tinopolim profectus est, quacumque tenderet, damnum Chri-
 stianis inferens. Acciderunt hæc anno DCCCCXLIII. 25

C. 1537. Solebat hoc tempore Constantinopoli Soleimanes plerūq;
 241. degere. Verum ista quum euenirent, forte migrauerat Hadria-
 nopolim, ut istic hibernaret. Sub æstatis initium reuersus Con-
 242. stantinopolim, ad bellum se parauit, & Chairadinem Lutsimq;
 bassas magna cum classe dimisit, qui mari rem gererent: ipse Cō- 30
 stantinopoli digressus, Albaniam petiit. Auelonam quū peruenis-
 set, etiam Chairadines & Lutsis eodem cum classe triemiū, ce-
 terisq; cum nauigiis, adpulerunt. Soleimanes in loca montuosa
 profectus,

profectus, ibidem cum Portæ militibus & comitatu castris locū cepit: reliquum exercitum in Albanos perduelles immisit, qui res eorum agerent, ferrent, ac liberos & vxores seruītuti manciparent: licet hic conatus eorum in irritum caderet. Præterea Romanix beglerbegum, cum Romanix copiis, in Apuliam trans mare misit: qui ea in regione quædā opidula cum pagis diripuit. Quum denique Turcica classis Corcyrā præterlegeret, ex Corcyrensi præsidio Christiani nauim annonariam, quæ classē sequebatur, bellicis petitam machinis demersere. Soleimanes animaduersa Venetorum perfidia, quam ex aliis etiam indiciiis abunde perspexerat: non parum excandescens, Chairadini Lusique bassis præcepit, ut cum classe Corcyram insulam peterēt, opidula cum vicis deprædarentur, hominesque captiuos secum abducerent. Id illi quum fecissent, nauigia mācipiis Christianis, cuiusvis ætatis & sexus, onerarunt: atque ita Constantinopolim rediere. Quo delati, Christiana mancipia supra opidum Galatam, eo loco, qui Besiktas vulgo dicitur, ad terrā exposuere: missisque Constantinopolim præconibus, proclamari iusserunt: ut si quis mancipia Christiana, feminas, mares, iuuenes, senes merari vellet, ad indicatum modum locū veniret, ibidem huiusmodi mancipia perexiguo comparaturus pretio. Quod quidem ita factum fuit, tam vili pretio miseris illis distractis: ut plerique duobus tribusue Sultaninis vix nirent, hac ipsa pecunia regis thesauris illata. Posteaquam domum itura classis discefferat, etiā Sultanus Soleimanes motis castris iter ingressus, die nono mensis illius, qui Zemasiel Achir Turcis dicitur, Constantinopolim reuersus est, anno DCCCCXLI III.

C. 1538.

Quum istic aliquamdiu hæsisset, armis in Moldauum expediris, x i die mensis Seferis Constantinopoli egressus, Moldauiam versus contendit. Vbi ad opidulum, quod Ishacluam vocāt, peruenisset: transmissio Danubio, Moldauiam ingressus est. Ibi tum fuga sibi consulere Vaiuoda Moldauus, nec vsquam in apertum prodire: incolæ vero regionis Sultano se dedere, qui limites imperij sui ad amnem vsque Berutem prolatauit.

244.

vrbe oppressit & trucidauit. Sed quum primum hoc Selimi nuntiatum fuisset, iussis arma corripere militibus, hosti semet opposuit: tormentisq; bellicis in ea loca constitutis, in quæ facturus impetum credebatur hostis, ab omni parte paratus erat.

- C. 1516. Anno DCCCXXIII, quarto die mensis Mucherenis, missus in urbem fuit a Sultano Selime Ionuzes bassa, cum Genizarorum manu: qui quidem in ipsis plateis & vicis vrbis aduersus Circassos & Mamelucos acerrime dimicarunt. Hoc prælio sagitta Ionuzes bassa tam grauius vulneratus fuit, vt a suis sublatus, e media pugna exportaretur. Id conspiciatus Selimes, vsque adeo excanduit: vt milites ex equis descendere iuberet, ac pedites suis suppetias ferre. Quod quum absque mora fieret, & illi milites, qui ceteroquin ex equis dimicare solebant, pedites urbem ingrederentur: prope templum maximum, quod Chasani Zamivocant, cum Circassis & Mamelucis manum conferuere: quapugna tot ab utraque parte cæsi sunt, vt passim per plateas plena peremptorum cadaueribus essent omnia. Tandem Selimiani denuo victoria potiti fuerunt, & Tommambais iterum cum nonnullis suorum in regionem Saitensem profugit. Acciderunt hæc anno DCCCXXIII.

Post illa cum omni exercitu Selimes urbem ingressus, in ipso palatio Sultanino diuertit. Fuerant in eo, quem diximus, conflictu capti bis mille quingenti Circassi ac Mameluci: quorum ad duo millia Sultanus Selimes iugulari, quingentos reliquos in custodiis haberi iussit. His gestis rebus, adactus extrema necessitate Tommambais, vt pacem peteret: insignem legationem ad Sultanum Selimem misit. Eam Selimes sane quam humaniter excepit, ac postulatis omnibus aduersus, non modo Tommambai rescripsit: verumetiam suos homines ad ipsum vicissim ablegauit, qui pacis ei auctores essent. Hos ad se iussu Selimis venientes, Tommambais interfici curauit vniuersos. Quamobrem summo opere commotus Sultanus Selimes, Circassos illos omnes, quos in custodia detineri præceperat, mox ita iussit occidi, neminem vt sui reliquum facerent. Ea re patrata, trans Nilum copias duxit, Tom-

Tommambaim quæsiturus: quo ille comperto, fugam arripuit. Selimes Romaniz copiis iniunxit, vt eum a tergo persequerentur. Sed Arabes, qui & Æthiopes, itineribus fugienti Tommambaim præclusis, hominem interceperunt, & captum ad Selimem perduxerunt.

Anno DCCCCXXIII, die XVII mensis Rebiululæ, mandato Sultani Selimis, in vmbilico vrbis Alcairæsis, eo loco, qui Bab subeile dicitur, Sultanus Tommambais suspendio necatus fuit. Atque hoc modo radicitus extirpatis Circassis ac Mamelucis, vniuersum illud Sultaninum Ægyptiumue regnū suo Selimes imperio subdidit, & in Sangiacatus diuisit: quum urbem Alcairanam Ionuzi bassæ regendam commisisset. Inde rebus omnibus egregie constitutis & ordinatis, Alcairo discessit, Gazam rediturus. Erat autem quidam ex Sultaninis, Cheir begus, qui Sultanis illis adhuc rerum potentibus, Chalepi copiis præfuerat sed sponte sua Sultani Selimis potestati se permiserat. Hic a Selime, præter Ionuzem bassam, ad Alcairum relictus; litteras ad eum, iam inde digressum, misit obsignatas: quib⁹ in litteris, Ionuzem bassam accusans, perscripserat; Æthiopes, & plebem vrbana, Ionuzi bassæ Sultani tribuere titulum, & omnia precari fausta feliciaque; nonnullis etiā criminibus aliis in eum cōgestis. His territus litteris Selimes, mox alias ad Ionuzem bassam dari iussit: quibus ei mandaretur, vti maxima celeritate semet ad Sultanium Seleimem conferret. Eadem Cheiri bego scribi voluit, & urbem ipsius fidei, per absentiam bassæ, commendauit. Vbi suum ad herum, Sultanium Selimem, in ipsa solitudine Ionuzes bassa peruenisset: equis insidentes, inter se colloquuti sunt ambo. Verum subito Selimes furore correptus, Ionuzem bassam ex equo deiici iussit: & Solachorum præfecto mandauit, vt eum, resecto capite, iugularet. Quod statim factum quum fuisset, Selimes itinere continuato, tandem Constantinopolim reuersus, quieti se dedit.

Non exiguo temporis interuallo gerendis a rebus abstinens, anno denique DCCCCXXVI, mense Remasane, Constantinopoli digressus, Hadrianopolim petere constituit. Hoc in itinere quum

C. 1517.
214.

C. 1520.
215.

Inzuam venisset, balineum ingresso tumor quidam a tergo cepit oriri, qui reuera carbunculus pestilens erat. Profectus autem vltcrius, & illum ad locum delatus, vbi aliquando cum patre conflixerat: vrgente necessitate, fixis ibidem tentoriis, substitit. Interea vero, dum heic morbo ipsius curando se totos medici dabant: 5 Desideraros, & Pirim Achmetemque bassas, Hadrianopolim præmisit: vt omnia sollempnitati Bairami celebrandæ necessaria præpararent, solo Ferhate bassâ cum eo manente. Sed quum medici morbo remedium inuenire non possent, eo ipso mortuus est loco, in quo cū patre pugna congressus fuerat, die septimo mensis 10

C. 1520. Schebalis, anno DCCCXXV 1. Imperauit annis VIII. mensib⁹ VIII diebus VIII. Nihil compertum fuit de ipsius obitu totis diebus decem. Interea secreto Ferhates bassâ primarium ianitorem cum litteris Manissam ad Sultanum Soleimanem misit, qui cum moneret, vti quamprimum illuc properaret. Sed quod his nihil litterarum reliquis a bassis adiunctum fuisset, veritus est itineri se date 15 Soleimanes. Inde bassis ceteris, qui Hadrianopoli degebant, rem omnem Ferhates bassâ patefecit: qui mox eò profecti, quum quores essent loco, cernerent; litteris & ipsi perscriptis, præfectum Is-pachiorum ad Soleimanem Manissam ablegarunt: significantes, 20 vt absque mora veniret prius, quam de patris obitu Genizari, ceterique Portæ milites, quidquam inaudissent: ne fœde direptam urbem excidio darent. Itaque Soleimanes, re tota penitus cognita, confestim semet adinxit itineri: nec vlla vel noctu, vel interdiu quiete interposita, peruenit Iscodaram, e regione Constanti- 25 nopolis sitam. Hoc loci tribunus Genizarorum ad ipsum venit, quo comite triremem ingressus, Constantinopolim transiecit; in occursum prodeuntibus Genizaris vniuersis. E triremi quum exscendisset, Genizarorum Aga, tuos compellans Genizaros: Hic dominus vester, hic imperator est, ait. Qua illi voce audita, mox 30 ordine ceteros antegressi, Sultanum suum ad imperatorum Saraium deduxerunt. Hinc largiores annonas, & donatiua petiere: Sul-rano Soleimane postulatis ipsorum adnuente. Postridie prima luce funus Selimis in urbem deductum fuit, eiq; celebratæ in templo.

plo siue zuma Sultani Muchemetis exsequiæ. Pedes ante pater-
num funus incedebat Sultanus Soleimanes, idque comitabatur
ad zumam ab ipso Selime conditam, vbi monumento suo fuit il-
latus. Inde Soleimanes ad palatium reuersus, in thronum impera-
torium se collocauit, & regni administrationem auspicatus est,
anno DCCCCXXVI, die XVI mensis Schebalis.

C. 1520.

Factus iam plene rerum dominus Soleimanes, elapsis aliquot
mensibus, omnes suos milites conuenire iussit, & cum eis versus
Albam Græcam profectus est, anno DCCCCXXVII.

216.

C. 1521.

10 Quum prope iam abesset ab Alba, Vezirem suum, Achmetem
bassam, cum Romanicæ copiis ad Burgurdelen ire iussit. Is illuc v-
bi venisset, tormentis bellicis mœnia disiecit, militem immisit, &
opidum cepit. Multi tamen in eius expugnatione Turci fuere tru-
cidati, ac vicissim Achmetes bassâ Sultano Soleimani cæforum
15 Christianorû capita, cum quibusdam captiuis & vulneratis, misit.

Secundum illa Pirim bassam præcedere iussit Soleimanes, qui
Albæ Græcæ situm ac munitionem, circumfusus copiis, specula-
retur: statimque Pirim sequutus, vniuersum exercitum mœnibus
admouit, castra vallo muniuit, tormenta iussit expediri, muros e-
20 uersos solo æquauit, ac tandem Albam expugnauit die XXV mē-
sis Remazanis, anno DCCCCXXVII. quæ potitus, Constantinopo-
lim rediit.

Anno sequenti proximo DCCCCXXVIII, die XX mensis Reze
bis, iterum Soleimanes expeditione suscepta, copias vniuersas in

C. 1522.

25 Anatoliam transduxit, Rhodo bellum illaturus. Iam ante vero
Mustapham bassam insigni cum classe Rhodum nauigare iusse-
rat. Ipse cum pedestribus copiis Anatoliam ingressus, in opidum
quoddam Mentefianæ ditionis, cui nomen Mermere, se contu-

217.

lit: vnde non magno ex intervallo in Rhodum transiicitur. Itaq;
30 militibus hinc in Rhodum transportatis, tandem & ipse suo cum
comitatu transuectus in insulam, graui urbem obsidione cinxit.
Obfessi Christiani muros pannis cocco tinctis, & sericis, & auro
intertextis, ornabant; ac plurimis in vrbe ludis & spectaculis, ad
oblectandos animos, utebantur. Quum serio denique oppugna-

rentur, longo temporis spatio se defendebant acerrime; quod urbem ab hoste nullo modo capi posse sibi persuasissent. Ac Soleimanis sane res eo tandem loci redactę fuerant, ut quam ad expugnandam ciuitatem via deinceps progrediretur, ignoraret. Quia tamen mons quidam haud procul ab urbe distabat, ex eo terram peti, qua urbis fossę complanarentur, edixit. Actis præterea cuniculis, suffossi fuere muri, tormentorum quoque vi magna ex parte diruti. Quapropter exhausto laboribus ac molestiis Christianorum præsidio, quum urbem non multo post in hostium potestatem venturam nemini dubium esset: ipsorum princeps, quę 10
 Megalon Mastora vocabant, indutias pactus, urbem se dediturū significauit: modo ipsis abeundi potestas fieret, saluis facultatibus suis; & Christianorum vxores atque liberi nulli seruituti manciparentur. In eas condiciones Sultanus Soleimanes absque mora consensit. Itaque quum obsessi munera Sultano quędam, in eius conspectum admissi, obtulissent: cum rebus ac facultatibus, cum liberis & vxoribus suis naues ingressi, Turcis Rhodo cesserunt, & in Italiam nauigarunt. Quotquot erant in urbe captiui Turci, libertati pristinę restituti fuere. Capta vero fuit Rhodus die tertio mensis Sesseris: anno DCCCCXXIX. Simul etiam cum Rhodo Turci arcem Stancoin, & Bedrum, aliam arcem in Anatolia sitam, in potestatem redegere. Soleimanes inde Constantinopolim reuersus est.

Ceterum quo tempore ad obsidendam Rhodum proficisci cogitabat, Ferhatem bassam aduersus Alimbegum, Scachi Suarensis filium, qui per antiquo maiorum suorum iure Dulgadirensis regionis dux erat, cum copiis ablegauit. Nam falso delatus is fuerat apud Sultanum Soleimanem, & accedebat alia causa, quod Osmanidę neminem veteri natum familia suo in imperio tolerare possunt. Vbi iam prope Ferhates aberat ab Alis begi ditione, insidioso astu hominem ad se pellexit. Quippe morbum simulās, significari bego iussit: velle se testamentum condere, atque ipsius fidei exercitum committere. Qua voluntate Ferhatis intellecta, mox Alis begus, nihil ab Osmanicis periculi veritus, quibus inde 30
 de:

de vsque a prima ætate fidus ipse fuerat, cum vtroque filio bassam adiit: qui & patrem, & filios, innocentes occidi iussit. Hoc facinore patrato, Ferhates ad Sultanum Soleimanem, Rhodum obsidentem, Rhodo necdum capta, reuersus est.

- 5 Quum autem confecto bello Rhodio, Constantinopoli Soleimanes quietus degeret: Genizari die **xxiii** mensis Rezebis seditionem mouerunt, & Aigalis bassæ, supremique thesaurarij, ^{220.} Abduselamis ædes expugnatas diripuerunt. Postridie, qui Mercurij dies erat, noctu Ibrahimis ac Mustaphæ bassarum domos itidem adhibita vi aperuere: sed ea cum moderatione, nullam vt
 10 inde prædam auferrent. Composito denique Genizarorum tumultu, Soleimanes in Vngariam proficisci statuit: & collectis **L** vel **LX** millibus armatorum, pontibus Sauum, Drauum, Danubiumque flumina iunxit: & Varadinum Petri, cum aliis locis mu
 15 nitis occupauit, Budam ipsam cum exercitu petiturus. Ea Soleimanis expeditione cognita, se quoque rex Vngarus ad bellum parauit; & cum milite suo, qui ferro totus armatus erat, obuium se Sultano Soleimani dedit. Die quodam Mercurij, circa tempus Ikindi, vtrimque tanto concurterunt exercitus impetu: multa vt
 20 hominum millia ab vtraque parte cæsa caderent, plurimi vulnerarentur. Diu pugnatum quum fuisset, tandem tamen victus rex Vngarus, etiam ipse periit. Actis autem in fugam Vngaris, Turci hostem persequuti, multa ipsoꝝ millia inter fugiendum contrucidarunt. Soleimanes re bene gesta, Budam suos duxit, & vrbe
 25 sine sanguine potitus est: cuius suis sexus & ætatis hominibus in seruitutem redactis, anno **DCCCCXXII**. Post occupatam Budam, reuersus est Hadrianopolim, & ad tempus aliquod se quieti dedit. C. 1526.

- Erat tunc quidam in Anatolia, qui Calender Zelebis adpellabatur, ex familia Chazis Bectasis. Colunt autem Turci Chazim
 30 Bectasem, seu diuum quemdam, atque etiam inuocant. Hic ergo Calender Zelebis seditione mota, cum non magno Deruisioꝝ numero Sangiacos aliquot fudit, & vniuersam Anatoliã ad arma concitauit. Soleimanes accepto motus huiusce nuntio, Ibrahimem bassam, insigni cum exercitu, misit; vt Calenderem Zele-

bim bello adgressus, in ordinem redigeret. Ibrahimes Calender cum copiis adsequutus, proelium iniit: quo dimicatum ab utraque parte fortiter, eo tamen euentu, Calender vt ipse sua cum factione victus occumberet.

Compositis Anatoliæ turbis, ad aliam se Soleimanes expeditionem parauit, Vngariam rursus inuasurus: ideoque militem, publicatis edictis, ad Albam Græcam conuenire iussit: quò quidem & ipse se contulit, Budam inde perrecturus. Hoc in itinere dum esset, Erdelij Banus ad eum venit, delatisque suis obsequiis, Soleimanis imperio se summisit: quum & munera secum ferret amplissima, & manum eius exosculetur. Quæ quidē res adeo grata Soleimani accidit, vt eum mox Vngariæ regem crearet. Secundum illa Budam profectus est, qua occupata, Viennam cõtendit. Eò quum peruenisset, Germani, qui se intra mœnia tenebant, urbem communiere: quam Sultanus Soleimanes tormentis bellicis ad xx dies oppugnauit, actis etiam subter muros cuniculis, donec eorum pars corrueret. Ea re perfecta, subito cum niue frigus adeo vehemens incidit: vt ei tolerando neque milites, neque iumenta sufficerent. Ideoq; destitutus omni spe Vienna potiundi, obsidionem soluere coactus fuit: & Constantinopolim reuersus ad aliquod tempus a bellis abstinuit. Gesta vero fuerunt hæc an-

C. 1529. no DCCCCXXV.

Dum Constantinopoli quietus hæret, inuitatis magna sollēnitate bassis omnibus, & proceribus, & exterorum principum legatis, omnique genere spectaculorum in Atmindane Constantinopoli exhibito; filios suos, Sultanum Mustapham, Sultanum Mchemetem, & Sultanum Selimem circumcidi curauit, anno

C. 1532. DCCCCXXXIX.

Eodem anno mensis Remasanis die xxviii, Constantinopoli discessit, Hispano bellum illaturus. Quumque peruenisset in Alamaniam; duorum mensium spatio copias hinc inde circumduxit, ferro & igni cuncta vastans atque diripiens. Nullus a Christianis oppositus ei fuit exercitus, nusquam eorum conspecta acies: ab utroque dumtaxat latere Soleimanis agmina carpebant,

ac multos interceptos vel occidebant, vel abducebant captiuos. Misit autem Sultanus Soleimanes, ductore Casane Vaiuoda, qui Michalis begi filius erat, & Vaiuoda, duodecim millia militum, adiunctis eidem Acanziis; qui regiones illas vltcrius incendiis & rapinis depopularentur, atque incolas seruituti mancipatos abigerent. Quod quum illi facerent, opima potiti fuere præda. Verum in reditu forte fortuna in Christianorum incidere copias, cū quibus licet acerrime dimicarent, ac fortiter hosti resisterēt: tandem tamen ad internicionem, maiori saltim ex parte, cum ipso
 10 Casane Vaiuoda, cæsi captique fuerunt. Et quando iam hiems adpetebat, mutato Soleimanes itinere, Constantinopolim rediit: vbi quum ad tempus aliquod quiesceret, Sultano Mustaphæ filio Manissam adtribuit, anno DCCCCXXXIX.

C. 1532.

Interea vero, dum aberat peregre Sultanus Soleimanes, in Alania bellum gerens: supremus Hispani classis præfectus, Andreas Doria, cum Megalo Mastore, qui superioribus annis Rhodocesserat, corrogatis ceterorum quoque principum Italicorum auxiliis, magnam mari classem eduxit, qua naues quinquaginta maiores, & quinquaginta triremes continebantur. Et erant in
 20 his militum ad quinquaginta millia. Quo cum exercitu Moream inopinato adorti, primo Coronam urbem cum arce, deinde insulam Balu, & Badram opidum, cum aliis quibusdam ca- 226. stellis ceperunt: & immissis in ipsam regionem pedestribus equestribusque copiis, vniuersam depopulati sunt; ingenti marium, seminarum, puerorumque multitudine secum in captiuitatem abducti.

Superioribus annis quidam natus in insula Mityline, cui nomen Chairadines, insigniter naualis militiæ peritus euaserat: ac piraticam exercens, multoties mari cum Christianis conflixerat. Vbi iam rem fecisset, naues aliquot instruxit: adiunctoque sibi sodalio quorumdam egregiorum hominum, & neminis addictorū imperio, cum iisdem in Barbatiam profectus, urbem Cefairem occupauit, ac sibi retinuit.

227.

Qua quidem re feliciter confecta, per vniuersam Italiam nomen ipsius inclaruit: inditumque fuit ei cognomen ab Italis, vti vulgo Barbarossa diceretur. Idem quotannis Sultano Selimi & Soleimani munera quædam missitabat. Quorum alter, Soleimanes, viri virtute, resumque gestarum fama cognita: missis legatis, inuitauit hominem, vti ad se veniret. Chairadines idoneo Cesairi præsidio impolito, strenuorumque virorum, & sibi amicissimorum fidei ciuitate credita: triremes aliquot milite compleuit, & Constantinopolim profectus est. Eò quum adpulisset, manum pro more Sultano Soleimani osculatus est. Excepit hominem Sultanus sane quam honorifice, constitutoque salario quadragiescentum millium asprorum annuo, Beglerbegum maris supremum creauit, & ad Veziris dignitatem euexit: vnde nomen ei datum, vt Chairadines adpellaretur. Nactus ergo plena cum potestate maris imperium, centum triremes in mare deduci, & instrui, militeque compleri iussit, & cum iis Moream adiit. Qua re Christianis nuntiata, mox illi regionem & arces, quas occupauerant, desertas reliquere: conscensisque nauibus suis, inde discesserunt. A Christianorum abitu, cccc Genizari, Azapique totidem in ea fuere loca missi: qui & Coronæ, & opidis ceteris præsidio essent. Inde Chairadines bassa cum eadem classe in Barbariam profectus, vrbem celebrem Tunisinam, quæ a Mauris incolitur, occupatam suo subiecit imperio, anno dccccxl.

Eodem hoc tempore captæ a Chairadine bassa Tunisis, quidam e numero Parthicorum procerum, Vlumas begus, a Scacho Techmasi, filio Scachi Ismailis, defecit: licet ipsius Scachi formorem haberet coniugem. Itaque profugus e Parthia, Constantinopolim accessit: & præstito subiectionis sacramento, Soleimani se totum addixit. De huius viri consilio Sultanus Soleimanes expeditionem Parthicam suscipere cogitabat, eam prætexens bellicausam, quod Scachus, suis cum proceribus & subditis, minime rectam religionis amplecteretur sententiam, nec debito quatuor Mahumetis prophetas honore prosequeretur. Hac de causa dignissimos censebat, quibus bellum inferretur, qui occideretur, adeo-

adeoque penitus extirparentur. Itaque Soleimanes hoc bello decreto, Sangiacatum Vlumæ bego supra nominato, non procul a Carahemida, concessit. Vlumæ veto Cōstantinopoli quibusdam conductis copiis, in Sangiacatum suæ creditum fidei cum eis profectus est. Missa quoque fuerunt ad ceteros illius provinciae Sangiacos a Sultano Soleimane mandata, quibus præcipiebatur, ut Vlumæ bego, quoties in hostem profecturus esset, obsequerentur. Vlumæ ergo decretum sibi Sangiacatum ingressus, collectis eius regionis proceribus Sangiacis, ipsorum adiutus auxiliis, Curdistania principi, cui nomen Serefes begus, bellum intulit: eoque interemto, ditionem ipsius in potestatem redegit. Ea re Sultano Soleimani nuntiata, supremum Vezirem suum, Ibrahimem bassam, qui apud Sultanium summæ auctoritatis erat & potentia, supra bassas ac Vezires omnes euectus, idque nomen ab eo consequutus, ut Ser Alker Sultani nominaretur, Constantinopoli ablegavit in Anatoliam, & Romaniae Anatolizque copiis præfecit: cum quibus ille Chalepum adiit, & inde Carahemidam perrexit. Huc ubi venisset, Vlumam begum præmisit in Parthiam, qui dux itineris esset: atque ipse vestigiis illius inhærens, a tergo sequutus est, anno DCCCXCXII.

C. 1535.

Hoc modo continuata profectio, nemine resistente, Tebrissum illi peruenerunt. Aberat enim Scachus id temporis ab illa provincia, bellum in Chorasane contra Kezien bassam gerens, qui ei Chorasane eripere volebat. Quum propius ad Tebrissum accessissent, urbem inuenere desertam, & habitatoribus vacuam. Ibrahimem vero præmissum ad expeditionem hæc, anno DCCCXCXI, sequutus est ipsemet Soleimanes, cum Genizaris, & aliis Portæ copiis, ea celeritate: ut quotempore Tebrissum Ibrahimes ingressus est, Soleimanes Carahemidæ portis immineret. Interea Scachus etiam Techmases propius ad Tebrissum suos adduxerat, ut istuc Ibrahimem bassam opprimeret. Ibrahimes hostis conatu cognito, absque mora So-

- leimanem certiorē reddidit: qui duplicatis cottidianis itineri-
 bus, celerrime Tebrifium aduolauit, & cum Ibrahime se coniū-
 xit. Quumque per exploratores intellexissent, quibus in locis
 Parthorum exercitus degeret: recta in eos duxere. Tum vero
 Parthi, qui de Soleimanis aduentu cum Genizaris ac Portæ mi-
 litibus ceteris acceperāt, seque tali machinarum bellicarum ad-
 235. paratui, tantisque copiis nequaquam resistere posse cernerent,
 Sultaniā profugerunt. Osmanici nimia tormentorum, anno-
 nā, tentoriorum, curruum, & aliarum magni ponderis rerum
 copia grauati, tormenta cum impedimentis ceteris ccc Geni- 10
 zarorum, ac trium Sangiacorum præsidio munita, Tebrifium
 remiserunt: atque hoc modo facti expeditiores, Parthicum mi-
 litem acriter a tergo persequi cepere. Tum vero fugere Parthi,
 fugiētibus instare Osmanici: donec haud procul ab opido He-
 medane peruentum fuisset. Ibi cum pluuiis, & annonæ pznuria, 15
 tantū frigus Osmanicos oppressit: ut plurimi tam manus quam
 pedes a frigore laxos amitterent, ac incredibilis hominum iu-
 236. mentorumque multitudo fame interiret. Præterea contigit,
 ut in ipso conatu transmittendæ amnis, qui Docus Gezid voca-
 tur, flumen illud aquis pluuiis adauctum vehementer intume- 20
 sceret. Ideoque dici non potest, quot istic homines, iumenta, re-
 rum aliarum sarcinæ perierint: adeoque de sua quilibet salute
 desperabat. Quando igitur exercitus Parthicus nusquam adpa-
 rebat, nec sciri poterat, quonam se recepisset; aliaque nulla regio
 Bagadate propinquior erat, quæ minus hiberni frigoris, & plus 25
 caloris haberet: in hanc sibi Soleimanes ducendum statuit exer-
 citum. Vbi propius ad urbem accessisset, apertis incolæ portis,
 eam Soleimanis potestati permiscere. Quapropter ingressus, nō
 237. nihil istic se recreauit. Omnis etiam Bagadati finitima regio se
 Soleimanis imperio summisit. Quod factum, ut beglerbegum in 30
 urbe constitueret, ipsamque prouinciam in Sangiacatus parti-
 retur. Præterea Bagadati militare præsidium imposuit, ei que de
 tormentis bellicis, & aliis rebus necessariis, annonæque copia
 prospexit:

prospexit: quum prius urbem muniisset, & aquam e flumine de-
 riuatam in fossas urbanas immisisset. Hoc tempore supremus
 Dephterdarus siue maximus ærarij præfectus, Ischender Zele-
 bis, apud Sultanum Soleimanem delatus fuit, ob tractatos ne-
 5 quiter thesauros regios: quem extra urbem hoc nomine suspen-
 di iussit, vniuersis facultatibus eius fisco adplicatis. Interea vero,
 dum Soleimanes intra Bagadatis muros, exercitus foris in hi-
 bernis hærebat: prodiit denuo Scachus Techmafes in apertum
 suis cum copiis, & Tebriseum iter instituit. Inde quum ipsum
 10 haud procul abesse relictæ ad Tebriseum Sangiaci & Genizari,
 de quibus supra dictum, acceperant: quid agendum sibi hoc ca-
 su foret, ignorabant. Quia tamen animaduertent, nec ad resi-
 stendum hosti tam potenti se sufficere, nec in tempore sibi suc-
 curri posse: sarcinas omnes, & tormenta bellica, cum rebus ad
 15 ea necessariis, & custodiæ suæ commissis, ibidem reliquerunt,
 ac fuga salutis suæ consulere. Scachus Tebriseum ingressus, om-
 nes istas sarcinas & impedimenta militi suo diripienda con-
 cessit: bellica vero tormenta, cum vniuerso ad ea pertinente ad-
 paratu, concremari iussit: & quidquid de machinis bellicis col-
 20 liquefactum flammis absumi non potuerat, ad signandos man-
 guros destinauit. Vbi iam durior hiemis tempestas præterierat,
 Bagadate Soleimanes mouit eodem anno DCCCXLI, ac denuo C. 1536.
 Tebriseum duxit: vnde quum non magno abesset interuallò,
 rursum cum suis Techmafes fugæ se dedit: atque vti faculta-
 25 tem sui persequendi Osmanicis adimeret, suam ipsemet regio-
 nem vastauit, annonam omnem corruptit & exussit, subditos
 suos passim abegit. Vbi Tebriseum Turci peruenissent, Soleima-
 nes optimum quemque suorum, & præsertim egregiis, instru-
 ctos quis, delegit: eisque mandauit, vt summa vti celeritate,
 30 hostem alieubi adsequerentur. Quod quum illi facerent, om-
 niaque misere vastata conspicerent: ad animum eis accidit,
 fieri posse, vt in redacta penitus ad solitudinem regione aliquod
 ipsis incōmodum eueniret. Ideoq; conuerso itinere Tebriseum

rediere. Quum autē Soleimanes hoc modo delusum se videret,
vehementi commotus ira, Scachi Teehmasis, & maiorum i-
psius regias, amœnaque palatia, cum ipsius Sultani lacupis ædi-
ficio, quod Heste behiste dicitur, & omnibus cum paradisis di-
238. rui, vastari, cremari iussit. Præterea plurimos Tebrisijs ciues com-
pulsit, ut inde Constantinopolim commigrarent. Ad summam,
insigni regionem illam vniuersam excidio adflixit, direptis mi-
serorum incolarum facultatibus, & absumtis omnibus iumen-
tis. Post hanc vastationem, Soleimanes exercitum Carahemi-
239. dam reduxit. Et dispositus ac relictus erat a tergo dundar, ut Tur-
ci vocant: quod vereretur, ne in ipsa profectioe Scachus im-
pressionē subita suos adgrederetur. Quod quidem ita prorsus
accidit. Nam Scachus, intellecto discessu Soleimanis, selecta
Corizzorum quinque millia secum sumisit, ac veredariorum in-
morem Osmanicos a tergo sequutus est: in hoc vnum intentus, ut
ut eos aliquo detrimento adficeret. Tandem in agmē illud ex-
tremum incidit, quod dundar adpellatur, uti diximus. Eius du-
ctor erat Vlumas begus, cui præter quinque Sangiacos, xvii
millia strenuorum militum Soleimanes adtribuerat. Ad hos
quum Scachus aduolasset propius, mox in eos irruit: & manu
conferta, superior ipse, Turcis cæsis, euasit. Interemta fuere Tur-
corum ad xii millia, desideratque tres Sangiaci. Quartus in
hostium potestatem venit, quintus cum Vluma bego fugæ be-
neficio discrimini semeter eripuit. Scachus hoc tam feliciter pu-
gnato prælio contentus, nihil periclitandum putauit ulterius,
quod hosti ex aliqua parte par pari relatum arbitraretur: ideoque
retro cum victricibus copiis ad suos abiit. Ipse quoque Soleima-
nes iam Carahemida discesserat, Chalepurn petens: vnde di-
gressus, die xiiii mensis Rezebis Constantinopolim adpulit, an-
no dccccxlii.

C. 1536.

Dum illic ad tempus aliquod a bellis abstinens quiescit, sus-
pectus ei cepit esse Ibrahimis bassia, cuius & ex parte fuit dete-
cta perfidia. Quippe ferebatur cum Italis quoque secreto pepi-
gisse

30

gisse foedus, vt imperium Turcorum in se transferret. Quapropter cum Soleimanes die quodam Mercurij, qui xxii mensis Remasanis erat, ad cenam inuitauit: qua finita, quum de certis negotiis inter se collocuti, iam cubitum pergerent: Ibrahimes quoque suum ad conclaue secessit, & in lecto se composuit. Quippe quoties ad Soleimanem noctu arcessebatur, in ipsius imperatoris saraio cubabat. Quum obdormisset, interfici hominem Sultanus iussit; omnesque facultates ipsius & opes, fisco addictas, thesauris suis inferri. Factum hoc fuit anno DCCCC C. 1536.

EXLII.

Diximus antea, Chairadinem bassam magna cum classe profectum in Barbariā, Mauris famosam urbem Tunisim eripuisse, ac ibidem sibi constituisse domicilium. Is hoc tempore naues atque triremes in terram subduxerat, rerum scilicet suarum planel securus, suoque dumtaxat, indulgebat genio. Princeps inter Maurus, cui prius ea paruerat ditio, profectus in Hispaniā, opem Hispani principis implorauit. Hispanus ad consilium reuocato negotio, verebatur propterea, quod Tunisim Barbarossa cepisset, vt Hispanis idem aliquando damnum inferret. Facile putabat ignem exstingui posse, si prius supprimeretur, quam latius erumperet. Eaque de causa datis ad Italicos principes litteris, vt subsidio sibi venirent, petiit. Magnis ergo collectis copiis, & insigni classe parata, eidem Andream Doriā suprema cum potestate praefecit, atque ita Tunisinā expeditionem instituit.

Chairadines re comperta, Raifos suos contuocauit, eisque deliberandum proposuit, quid hoc Christianorum motu faciendum censerent. Illi respondere, classē mari prius instruendam, quam Christiani se coniungerent: omninoque praepediundos, ne conuenire possent. Ad ea vicissim Chairadines bassā: Situlipantum, inquit, meum dumtaxat excelsō quodam in loco super hastam defixero, a Christianis vt conspici possit; formidine correpti, ad aliquot miliariorum millia retro fugient: tantum abest, vt bellum nobis illaturi sint. Hac ergo securitate suique

confidētia cæcatus, omnem ex animo sollicitudinem & curam
 deposuit. Verum non multo post Tunisim præpotens Christiano-
 norum classis adpulit. Ea quum istuc accessisset, occurrit hosti
 Chairadines extra urbem suis cum copiis, tametsi vix nouem
 decemue militum idoneorum millia secum educeret. Ad Chri-
 stianorum aciem progressus, animose cum eis conflixit. Et quā-
 quam ingens hominum multitudo in Christianorum esset exer-
 citu, fama tamen perhibetur, multa Christianorum millia tum
 cæsa fuisse, quum ex aduersa Chairadinis parte duo dumtaxat
 hominum millia desiderarentur. Quum autē Chairadines ho- 10
 ste se videret inferiorem, conuersa suorum acie, ad urbem se re-
 cepit. Eò quum ventum fuisset, oclusam reperit, & in mœnib⁹
 elata Christianorū vexilla cōspexit. Quippe captiuorū Christia-
 norum aliquot in vrbe millia reliquerat, qui quidem interea, dū
 extra muros ipse cum exercitu Christianorum præliaretur; per- 15
 fractis carceribus, & arreptis armis, portas vrbis clauserant, & in
 mœnibus vexilla Christianorum erexerant. Id vero quum ac-
 cidisset, maior pars militum Chairadinis cæsa, cunctaque naui-
 gia, cum machinis & adparatu bellico, fuerunt amissa. Chaira-
 dines cum reliquiis suorum propter urbem aufugit, & in solitu- 20
 dines se cum eis abdidit: quorum magna pars fame, siti, & æstu
 periit. Ipse varias expertus ærumnas, tandem ad urbem suam
 Cesairem euasit: vnde cum decem & octo triremibus Constan-
 tinopolim profectus est, quacumque tenderet, damnum Chri-
 stianis inferens. Acciderunt hæc anno DCCCCXLIII. 25

C. 1537. Solebat hoc tempore Constantinopoli Soleimanes plerūq;
 241. degere. Verum ista quum euenirent, forte migrauerat Hadria-
 nopolim, vt istic hibernaret. Sub æstatis initium reuersus Con-
 242. stantinopolim, ad bellum se parauit, & Chairadinem Lutsimq;
 bassas magna cum classe dimisit, qui mari rem gererent: ipse Cō- 30
 stantinopoli digressus, Albaniam petiit. Auclonam quū peruenis-
 set, etiam Chairadines & Lutsis eodem cum classe triemiū, ce-
 terisq; cum nauigiis, adpulerunt. Soleimanes in loca montuosa
 profectus,

profectus, ibidem cum Portæ militibus & comitatu castris locū cepit: reliquum exercitum in Albanos peruelles immisit, qui res eorum agerent, ferrent, ac liberos & vxores seruituti manciparent: licet hic conatus eorum in irritum caderet. Præterea Romanix beglerbegum, cum Romanix copiis, in Apuliam trans mare misit: qui ea in regione quædā opidula cum pagis diripuit. Quum denique Turcica classis Corcyrā præterlegeret, ex Corcyrensi præsidio Christiani nauim annonariam, quæ classem sequebatur, bellicis petitam machinis demersere. Soleimanes animaduersa Venetorum perfidia, quam ex aliis etiam indiciis abunde perspexerat; non parum excandescens, Chairadini Lutfique bassis præcepit, vt cum classe Corcyram insulam peterēt, opidula cum vicis deprædarentur, hominesque captiuos secum abducerent. Id illi quum fecissent, nauigia mācipiis Christianis, cuiusvis ætatis & sexus, onerarunt: atque ita Constantinopolim rediere. Quo delati, Christiana mancipia supra opidum Galatam, eo loco, qui Besiktas vulgo dicitur, ad terrā exposuere: missisque Constantinopolim præconibus, proclamari iusserunt; vt si quis mancipia Christiana, feminas, mares, iuuenes, senes mer cari vellet; ad indicatum modo locū veniret, ibidem huiusmodi mancipia perexiguo comparaturus pretio. Quod quidem ita factum fuit, tam vili pretio miseris illis distractis: vt plerique duobus tribusve Sultaniis vxnirent, hac ipsa pecunia regis thesauris illata. Posteaquam domum itura classis discesserat, etiā Sultanus Soleimanes motis castris iter ingressus, die nono mensis illius, qui Zemasiel Achir Turcis dicitur, Constantinopolim reuersus est, anno DCCCCXLI III.

C. 1538.

Quum istic aliquam diu hæsisset, armis in Moldauum expediris, x i die mensis Seferis Constantinopoli egressus, Moldauā versū contendit. Vbi ad opidulum, quod Ishacluam vocāt, peruenisset: transmissio Danubio, Moldauiam ingressus est. Ibi tum fuga sibi consulere Vaiuoda Moldauus, nec vquam in apertum prodire: incolæ vero regionis Sultano se dedere, qui limites imperij sui ad amnem vsque Berutem prolatauit.

244.

244. Erat in aduersa ripa quoddam opidulum, quod Sangiaci domicilio satis esset idoneum. Quapropter eo loco Sangiacum constituit. Sequebatur id temporis Portam Sultani Soleimanis quidam natus ex familia Vaiuodarum Moldauix, cui & annona præbebantur. Hunc Soleimanes Moldauix Vaiuodam præfecit. Quod prior ille Vaiuoda quum resciaisset, Portam præpotentem ipsemet adiit, & a Soleimane postulata impetrataque gratia, restitutus in integrum fuit. Soleimanes e Moldauia reuertens, Hadrianopolim se contulit: vbi exacta hieme, sub veris initium Constantinopolim abiit, & quieti se dedit, anno DCCCC 10

C. 1539. XLV.

- Secundum illa denuo cum classe Chairadinem mari ablegauit. Is autem egregie instructus, vt hostem suum, Andream Doriā, quæreret: absque villo impedimento penetrauit in Italiam, ibique nonnulla cum vicis opidula depopulatus, etiam munera maioribus a ciuitatibus accepit. Quum diu hinc inde oberrasset, inopinato Andream Doriā reperit, & strenue cum eo confligens, naues hostiles aliquot submersit, & triremes aliquot cepit. Doria tandem hosti se imparem animaduertens, cum reliquiis suę classis aufugit. Et quia tunc hiems imminebat, 20
245. versis Chairadines velis Constantinopolim rediit, anno DCCCC

C. 1539. XLV.

- Die Iouis, qui xv mensis Seferis erat, sub vesperam, incendium Constantinopoli, non procul ab illorum carcere, qui criminum rei custodiuntur, in eorum tabernis exortum fuit; qui picem, resinam, axungiam, aliasque res tales vendunt. Hic ignis ex indicatis tabernis in ipsam turrim, siue carcerem prædictum, euasit: qui clausus quum esset, homines in eo de cællammis exusti perierunt. Ex eo loco dilatatum in urbem incendium, a dextris & sinistris vagari cepit. Ad publicanorum carcerem quum 30
246. peruenisset, aperto carceris ostio, dimissi fuere publicani. Quo facto, turris ipsa, siue carcer, itidem conflagrauit. Latius inde
247. serpsit, vsque ad portam vrbis, quam Lignariam vocant, vbi tabernæ

- bernæ sunt fabrorum ferrariorum. Iis in locis omnia flammis
 absumta fuerunt. Inde se conuertit hic ignis ad ædes Balis Agæ,
 qui tribunus olim Genizarorum fuerat, totaque istæc deflagra-
 uit regio. Postea perrexit ad Carauanæ saraium, vnde tabernæ
 5 eorum inuasit, qui torno calant, quarum ordine series magna
 conspicitur. Hinc ad eam erupit aream, quæ Tachtal Cala dici- 248.
 tur: vnde rursus ad fabros ætarios, ab his ad vitriarios penetra-
 uit: etiam illa regione incendio prorsus exhausta, quæ pictum
 balineum ambit. Longius inde progressum, ad Iudæorum per-
 10 uenit ædes; ibidem maximo cum detrimento grassatum pro-
 pterea, quod admodum illæ sibi contiguæ sunt. Hinc sparsæ fue-
 runt flammæ vsque ad portam fori piscarij, & quidquid ædifi-
 ciorum erat inter hanc, & Iudæorum portam, prorsus ab igne
 deletum fuit. Ad summam, propemodum vniuersæ Iudæorum
 15 domus fuere concrematæ. Nam æstiuo tempore contigit hoc
 incendium, quum ingens esset siccitas. Arbores etiam virides in-
 star sulphuris arserunt. Nullus incendiij restinguendi modus inueni-
 ri poterat. Nihil arborum refectorum deiectio, nihil aqua iuua-
 bat. Vnde factum, vt tota nocte duraret. Erant distributi per o-
 20 mnes vrbe regiones Genizari, qui flammæ exstinguerent: sed
 incassum laborabant. Etenim postridie illius diei, a primo dilu-
 culo, vsque ad vesperam, ita defœuierunt: vt etiam maximi pre-
 tij merces aut absumerentur, aut direptionibus essent expositæ.
 Quippe quibus in locis vrbe hoc grassatum fuit incendium, in
 25 iis maiori ex parte mercatorum, & aliorum tabernæ consistunt:
 ideoque potior pars vrbe in cineres abiit, quum idem accideret
 omnibus ædificiis, quæ extra muros vrbe a foro piscario sita
 sunt in littore maris. Eodem tempore pestis etiam in vrbe gras-
 sabatur. Virumque Dei contigit nutu, anno MCCCXLI. C. 1540.
 30 Secundum hæc rursus magna cum classe missus fuit Chai-
 radines, vt arcem Nouam, quam Christiani occupauerant, re- 249.
 cuperaret: imperatumque Sangiacis omnibus eius prouinciæ,
 vt vniuersis suis cum copiis, & adparatu bellico, ad eam se con-

ferrent obsidionem. Vbi classis adpulisset, e nauibus in terram
 expositæ fuere machinæ tormentariæ, propiusque militari mo-
 re deductæ ad castelli muros, & tam diu displosæ, donec mœ-
 niorum pars disiecta corrueret, ac per ipsas ruinas miles ad expu-
 gnandam arcem immitteretur. Erant in præsidio castelli mili-
 tes Christiani virtutis eximix, qui tam fortiter hosti resistebant;
 vt ab vtraque parte plurimi caderent. Ad extremum tamen a-
 nimorum ardore remisso, succubuerunt; & occisis propemo-
 dum vniuersis, captisque superstitis, euasit nemo. Noua rece-
 pta, quidquid erat inter captiuos ætatis vegetæ, damnatum fuit
 ad triremes. Itidem reperta in arce mancipia Turcica, vindica-
 ta sunt in libertatem. His rebus gestis, & arcis micenibus, quæ di-
 ruta fuerant, resectis; Chairadines illinc cum classe digressus, a-
 liquot nauigia mercibus onusta Christianis ademit, & opidulis
 quibusdam maritinis flammis ac ferro coactis, vt incolumita-
 tem suam pecunia redimerent, Constantinopolim rediit, anno

C. 1540. DCCCXLVI.

Sultanus autem Soleimanes die secundo mensis Schabanis
 Constantinopoli profectus, Hadrianopolim accessit, & ibidem
 hibernum tempus exegit: quo durante, exortum incendium in
 faraio nouo, quo cōclusæ Sultani vxores, liberi, puellæ virgines
 habitare solent, totum illud ædificium cum magni pretij rebus
 exussit. Rursus tamen haud magno temporis spatio splendidius
 est instauratum, quam fuerat prius. Inde Soleimanes Constan-
 tinopolim die VII mensis Silchizis reuersus, ibidem ad aliquod

C. 1541. tempus hæsit, anno DCCCXLVII.

Exposuimus supra, Soleimanem complura per Vngariam o-
 pida, cum ipsa regni metropoli Buda cepisse: motumque singu-
 lari quadam gratia, Banum Erdelij creasse regem Vngariæ:
 Quum ad aliquot annos ille regno plena cum potestate præ-
 fuisset, filium moriens reliquit heredem, qui per ætatem admi-
 nistrandæ reipublicæ non erat idoneus: eaque de causa mater
 pueri gubernationem ad se transtulit. Hoc permolestè ferens,
 quidam

quidam ex proceribus Vngaris, Petrus Perenius; suis ad eam missis hominibus, hæc significari iussit: Esse ipsam feminei sexus, & institutis maiorum minime permitti, vt in Vngaria mulier regia cum potestate sit. Quamobrem metropolim regni Budam

5 Perenio dederet. Nisi faceret, vêturum cum exercitu, & vrbem vi occupaturum. Mulier legatis respondit, vrbem Budam non suam esse, sed Sultani Osmanidæ: a quo si Perenius eam repeteret, ac impetraret, omnino se deditionem facturam. Vbi Perenius hoc ab ea responsum tulisset, cum Banis & proceribus ceteris

10 in colloquium veniens, summo dedecori vniuersis dominatum illum muliebrẽ esse dixit. Proceres hominis oratione permoti, libenter in eam sententiam pedibus ibant, vt remouendã ab administratione feminam statuerent: nec ipsis aduersantibus episcopis, qui dicerent hoc modo rem Vngaram in posterũ melius habituram. Itaq; proceres mutuo inter se fœdere deuincti,

15 magnas coëgere copias, & insigni cum adparatu bellicorum tormentorum ad Budam accesserunt. Ea re cõspecta, repente mulier exiguum militum manum colligit, & hoc vrbem præsidio munit: quum Soleimanem quoque de rebus omnibus certiorẽ

20 fecisset. Is ad huiusce motus famam, confestim Muchemetem bassam cum parte Genizarorum, & copiis Romaniz præmisit: ipse die xxv mēsis Seferis Constantinopoli digressus, Budam versus cum Portæ comitatu, & reliquis Genizaris, Muchemetem bassam continuo sequutus est. Vrgebat interim Perenius vr-

25 bis obsidionẽ, sed ea potiri non potuit. Vbi Muchemetes exercitum propius ad vrbem duxisset, magnopere Soleimanis aduentum desiderabat. Quippetam numerosæ Christianorũ erant copiz, magnam vt Muchemeti formidinem incuterẽt. Quinetiam spreto ipsius aduentu, ne latum quidem vnguem e ca-

30 stris suis cessere: sed mœnia tormentis concutere, atque ipsam vrbem oppugnare perrexerunt. Ea vero quum in Vngarorum potestatem iam iam ventura esset, in tempore Soleimanes suo cum comitatu, & Genizaris, & exercitu Anatoliæ profe-

tionem ita maturauit: vt itinere bidui dumtaxat a Muchemetis & hostium castris abesset. Id ubi Perenius reseuiuit, commodam nactus occasionem, furtim e castris se proripuit, & aufugit. Non enim futurum putarat, vt ipse Sultanus ad soluendam vrbis obsidionem veniret. Milites Vngari, cognita Perenij clandestina discessione, suos & ipsi deseruerunt ordines, seque mox ad ineundam fugam pararunt. Id conspicata mulier ea, quam diximus, ex vrbis sublimiore loco, misso nuntio Muchemetem bassam increpuit, cur hoste fugiente quiesceret. Muchemetes, qui Romanæ tum beglerbegus erat, his auditis, mox in Christianos suum promouit exercitum. Quod illi fieri videntes, hostisque conatui leuiter admodum repugnantes, in fugam sese coniecere. Quidam naues ingressi, euaserunt: alij semet in Danubium præcipitantes, aquis obruti periere: cæteris aut cæsis, aut captis. Ipso conflictus momento Soleimanes etiam cū suis aduenit. Direptis Christianorum castris, machinas bellicas, & pertinentem ad eas adparatum, in urbem conuehi iussit. Hinc Budæ beglerbegum siue bassam constituit, & milites ibidem Turcicos in præsidio collocauit: adsignata mulieri, eiusque filio, Erdelij regione; quam pueri pater antiquo iure maiorum posse derat: atque illuc matrem, cum filio, mox ablegauit. Inde, quæ venerat via, regressus Soleimanes, die mensis Schabani octauo

C. 1542. Constantinopolim rediit, anno DCCCCXLVIII.

Illic dum hæret, filiis duobus, Sultano Muchemeti, & Sultano Selimi ditiones adtribuit: illi Manissam, huic Caramaniam.

C. 1543. Factum hoc anno DCCCXLIX.

Soleimanes satis sibi diu Constantinopoli substitisse visus, ad aliam se parauit expeditionem, denuo inuasurus Vngariam. Itaque Constantinopoli discedens, Hadrianopolim in hiberna se contulit. Inde magno cum adparatu, & vniuersis copiis, profectus est die mensis Mucherenis octauo. In Vngariam quum peruenisset, arces Petri Perenij primum adortus, Valpoum machinis & militibus admotis, expugnauit & cepit. Inde Pestum ad-

adgressus, itidem occupauit. Pesto discedens, vterius pertexit,
 & Strigonium obsedit: vbi licet præfidiarij milites egregie se de-
 fenderent, tandem tamen Soleimanes eo potitus est. Hinc
 exercitum ad Albam regalem adduxit, qua in vrbe reges Un-
 garorum sepeliri consueuerant. Huic quum militem Soleima-
 nes admoisset, præfidiariis urbem strenue propugnantibus, in-
 gens vtriusque cædes edita fuit: sed nihilominus ad extremum
 Soleimanis in potestatem venit. Is vero postea, quam occupa-
 tis ciuitatibus, arcibus, opidis, præsidia Genizarorum, & a-
 10 liorum militum, imposuisset itinere conuerso, rediit Constan-
 tinopolim, & die xviii mensis Schabanis urbem ingressus est,
 anno DCCCL.

C. 1544.

Postridie, quam aduenisset, adlatum fuit Constantinopolim
 cadauer filij, Sultani Muchemeris: quod peractis exsequiis,
 15 haud procul ab antiquo domicilio Genizarorum, monumen-
 to fuit illatum. Mortem filij Soleimanes pater acerbe luxit. Ide-
 oque magnam ciborum copiam coqui curauit, & epulum fun-
 nebre quibusuis, tam pauperibus, quam opulentis, animæ fi-
 lij causa, præbuit. Multa quoque mancipia sexus vtriusque,
 20 suo redempti pretio, libertate donauit. Præterea monumen-
 tum filio magnificum extruxit. Acciderunt hæc anno D
 CCCC.

C. 1544.

Soleimanes secundum illa Constantinopoli tempus ad ali-
 quod mansit, nec rei quidquam memorabilis est molitus. In-
 25 terea mortuus est die quinto mensis Zemasiellæ vir rerum
 strenue gestarum gloria clarissimus, Chairadines bassa: sepul-
 rus in loco, qui Befictas adpellatur. Contigit hoc anno DCCC
 LIII.

C. 1547

Hinc arma Soleimanes iterum expedit, in Parthiam ductu-
 30 rus exercitum: quod quidem bellum hanc causam habuit. E-
 rat Seaeo Techmasi frater, cui nomen Ercases Imirsa, Sirua-
 252. næ supremo cum imperio princeps. Hic certas ob causas ab a-
 micitia fratris, Seachi Techmasis, discedens: vt agre faceret

fratri, ad Sultantum Soleimanem profugit, eiusque se fidei permisit. Hoc autem iter sic instituit, ut per regionem Circassorum longis ambagibus Cosen peteret, unde Constantinopolim adpulit. Perquam gratus Sultano Soleimani principis huius aduentus accidit. Ideoque magno cum honore exceptum, muneribus donauit amplissimis. Quinetiam ipsius causa numerosis, vel omnibus potius copiis suis coactis, insigni cum adparatu die C. 1549. XIX mensis Seferis, anno DCCCCLV, Constantinopoli digressus, in Anatoliam transmisit, rectaque Parthiam versus duxit. Postea, quam ingressus fuisset hosticum, tam arcem, quam ciuitate 10
 253. Wanum Wastani obsedit. Parum hosticiuitas resistere potuit, in quam ab omni parte pateret aditus: sed arce non nisi magno labore Soleimanes potitus est, quod idoneo Parthicorum militum praesidio defenderetur. Vbi Wanum arcem Soleimanes 15
 254. expugnasset, sparsus per omnem regionem miles Sultanicus, eam rapinis & ferro vastauit. Nusquam Scachus Techma- 20
 ses reperiri, nusquam conspici potuit, nusquam hosti se opposuit. Ercafes vero laborem nullum recusans, dum hinc inde cum suis excurreret: quoscumque thesauros adipisci potuit, Soleimani misit. Tandem tamen Osmanicos proceres, ac duces 25
 militares, magnopere belli tam diuturni, parumque fructuosi, tædere cepit. Ideoque dolum excogitantes, ut vindictam de auctore belli Ercafe sumerent; variis cum mendaciis apud Soleimanem delatum onerarunt. Summa rei hæc erat, quod leporem dimittendum, canem vero capiendum suadebant. Quum 30
 Ercafes Imirsa conspirationem ipsorum animaduerneret, atque etiam perspiceret, eos vitæ suæ insidiari: vehementer animo perturbatus, in arcem cuiusdam Curdistani principis, præformidine, se recepit: tametsi ne quidem illic vitare calamitatem imminuentem potuit. Quippe Curdistanius ille princeps Imirsam captum fratri Scacho Techmasi misit, qui deinceps 35
 eum, custodiæ mancipatum, in carcere detinuit. Expeditio Soleimanis annum durauit integrum, cum nouem mensibus.

Atque

Atque his rebus gestis, Constantinopolim Solcimanus primo
die mensis Silchizis, anno Mahumetano DCCCLVI reuer- C. 1550.
sus est.

*Hactenus exposita Turcici annales desinunt in annum
Christianum M. D. L.*



S V P P L E M E N T V M A N N A L I V M,

*Quores Turcica continuantur ad annum Mahumet animum
DCCCCXCVI. qui Christianus est CIO. IO. LXXXVIII.
ex Ioan. Leonclauij aduersariis.*

C. 1550.



NNO Mahumetano DCCCCI VI, incunte vere,
 Dragutes Raifus, pirata celebris, opidum Barba-
 rix (sic Aphricam maritimam hodie vocamus,
 adpellatione Romanis etiam historiis non igno-
 ra) quod Mahadian Mauri dicūt, Aphricam no-
 stri, veteres Aphrodisium, sollerter occupauit, ac præsidio mu-
 niuit. Quo cognito, Karuli Augusti classis imperator, Andreas
 Doria, mature cauendum ratus, ne quid ex eo loco barbarus de-
 trimenti reipublicæ, ac præsertim Neapolitanis & Hispanicis li-
 toribus daret: cum classe militeque profectus in Aphricam, Mo-
 nasterium opidum, Aphrodisio proximum, expugnat; cæsis ex
 hostium præsidio CCC, abductis CIO CC mancipiis. Inde con-
 iunctis cum Ferdinando Gonzaga prorege Siciliæ copiis, A-
 phrodisium obsidet: quod mense tertio tandem in potestatem
 venit. Cæsi ex barbaris plurimi, capta capitum ad VII CIO. Ve-
 hementer hoc Sultani Soleimanis animum pupugit, cui se non
 ita pridem, operamque suam, Dragutes addixerat. Cæsaris vero
 Karuli iussu funditus Aphrodisium fuit euersum.

Anno sequenti proximo Sultanus Soleimanes classem instru-
 xit, eiq; Sinanē bassam præfecit, adiūctis huic Dragute, Salaque,
 Raifis:

- Rais: qui quum arcem Melitensem frustra tentassent, transie-
 ſtis in Aphricam copiis, Tripolim, arcem & opidum ditionis e-
 quitum Melitenſium, eorumque præſidio munitam, obſidione
 5 tentarunt: ac fraude Dragutis & Salæ, præfecti Gasparis Vallerij
 cuiusdam ex ea parte prouinciæ Narbonenſis oriundi, quæ Ro-
 mano Pontifici ſub Auenionenſi ditione paret, in poteſtatem re-
 degerunt. Collata tamen præcipue culpa fuit amiſſæ munitionis
 huius, ab ipſo equitum Melitenſium magno Magiſtro, cuiusq; col-
 10 legio, atque aliis, in Aramontanum Galliæ regis Hénrici legatum:
 qui Soleimanis vt armâ cōcitarer in Karulum Auguſtum, Con-
 ſtantinopolim miſſus, huc adpulerat: & ſub prætextu cōficiundæ
 pacis, obſidionisq; ſoluendæ, Melitenſibus fraudi fuiſſe perhi-
 betur. Occupata fuit Tripolis die xv menſis Auguſti, anno Mahu-
 15 metano DCCCLVII. cui Sultanus Soleimanes Dragutem cum C. 1551.
 imperio Sangiaci begi præfecit. Is deinceps infeſtus Caruennæ
 regi, cuius ditio ccc milliaribus Italicis a Tripoli diſtat, ob dene-
 gatâ opem obſeſſo Aphrodiſio, maiori parte ditionis eum exiit:
 aliaque geſſit, de quibus ſuo loco dicetur.
- 20 Superioribus * annis Ferdinandus Cæſar, Vngariæ Bohemiæ- C. 1548.
 que rex, poſt obitum Perenij, Agriam, Vngariæ municipiū, quod 1549.
 Erlam vulgo vocant, ſui iuris fecerat: & illuſtriſſimi Comitis Sal- 1550.
 menſis Nicolai opera Zabragium, Leuam, Zythnam, Muranum
 expugnarat. Nec multo poſt, eiſdem regis mandato, Zolnocū
 25 Turcis Agrienſes eripuerant. Has ob cauſas irritatus Soleimanes,
 Temeſuarum per ſuos obſedit, & deditioe cepit, interfecto per
 ſcelus violatæ fidei Stephano Loſoncio, illius loci propugnatore:
 Lippam, Solimofum, Chianadiam, cum aliis caſtellis occupauit:
 Eraſmum Teiſelum, Ferdinandi ducem, cum Sforia Palauici-
 30 no, & Auguſtino Sbardellato, Vacienſi præſule, ad Palaſtum, Alis
 baſſæ Budenſis ductu, cæcidit: eaque potitus victoria, Dregeltum
 arcem, Giarmatum, Zezenum, aliaq; loca vicina ſub iugum mi-
 ſit. Tam proſpero rerum ſueceſſu elatus Alis baſſa Budenſis, quem
 Caram ſiue Nigrum Alim vocabant, adiuncto ſibi Achmete Ro-

manix beglerbego, & Cafanæ, aliisque pluribus begis, Zolnogradum adoritur: eoq; præfidiariis die 1111 Septembris ultro cedentibus, vt Agriam, quæ momēti maioris erat, aduersus hostem defenderent, potitur. Inde promotis ad Agriam castris, summo quidem illam impetu adgrediuntur & oppugnant; sed irritò conatu, & magno cum barbarum dedecore: quod feliciter a Stephanis, Dobone Rusciano, Mezikeio, Zoltaio, Gregorio Diaco, Ioanne Fignedæo, atque aliis fortibus viris defenderetur. Gesta fuerunt

C. 1552. hæc anno Mahumetano DCCCCLVIII.

Dictum paullo ante, Gallia regem Henricū, misso legato, Sultanum Soleimanem aduersus Karulum Augustum, ex lege mutui foederis, cuius auctor Franciscus pater extiterat, incitasse. Permotus ab Aramontano Soleimanes, qui ad Persicos fines postulatis eius adnuit, mox classem expediri iubet, quæ Gallicis iuncta copiis, Karuli ditiones maritimas infestaret. Quod quidem ex voto præstitum a fidis sociis, grauissimaque Neapolitanis & Siculis litoribus illata damna. Corsica quoque, Genuensium insula, capta fuit; & incolæ cum præfidiariis partim cæsi, partim crudeliter habiti. quod quidem accidit anno DCCCCLIX.

C. 1553. Nec restituta Genuensibus Corsica prius fuit, quam pax inter Philippum & Henricum, Hispaniæ Galliaque reges, anno post sexto coiuisset. Quippe non multo post confectam hanc pacem, infeliciter extincto patre, Franciscus 11, Henrici 11 F. ex pacis eam legibus reipublicæ Genuensi reddidit.

Erat Sultano Soleimani filius Mustaphas, natu maximus, ex muliercula Circassâ, seruilis condicionis; cui pater initio Magnesiæ, inde Amasianam provinciam dederat, vbi cum matre degeret: denique Carahemidam Mesopotamiæ, Persicos ad fines sitam, assignarat. Erant eidem & alij liberi, quos ex femina formæ (veluti quidem perhibetur) liberalis, natione Rossa, siue Roxolana, sustulerat mares quatuor, Muchemetes, Selimes, Baiafites, & Ziangir: vnica femilla Chameria, quam alij Camenam vocant, Rustemis veziris vxor. Hæc Rossa, quum præter Osmanidarum morem, Soleimani legitime nupisset; de filiorum in imperio successione

cessione sollicita, Rustemis generi criminationibus, & veneficiis
 quibusdam, ab Hebræa striga subministratis, fascinatum Sultani
 animum, a Mustapha prorsus abalienarat. Fuerat & bassæ cuius-
 dam patri exhibitæ litteræ, quibus ad Rustemem scriptis cōtine-
 5 batur: de matrimonio inter Mustapham, & filiam Scachi Persa-
 rum Techmasis, quocum Soleimani pluribus ab annis bellū erat,
 tractari. Mirifice suspiciosum, ex aliis quoque delationibus, animū
 patris ea res perturbare: quod vereretur, ne Mustaphas Techma-
 sis adiutus auxiliis, imperio patrem excuteret. Itaque missus fuit
 10 anno DCCCCLVIII cū exercitu Rustemes vezir azemes, sub præ-
 textu quidem belli Parthis inferendis: sed reapse cum secretis Sul-
 tani mandatis, ut quocumque modo Mustapham e medio tolleret.
 Rustemes in Asiam profectus, Soleimanem trepide certiore facit,
 per calumniā tamen, in magno rem versari discrimine: Ge-
 15 nizaros, ceterosque milites ita Mustaphæ studere, de patris ut a-
 ctum imperio videatur. Nullum aliud superesse remediū, quam
 ut ipsemet in Syriam aduolaret. Territus hoc nuntio Soleima-
 nes, subito Chalepum cum exercitu properat, quasi Parthis bel-
 lum facturū esset. Arcessitur per litteras filius, uti Chalepum ad
 20 patrem sine mora se conferret. Mustaphas, licet de paternis insi-
 diis inaudisset, monitusque secreto fuisset ab Achmete bassā, salu-
 tis ut suæ rationem haberet; innocentia tamen sua fretus, patris im-
 perio pareat. In castra quum venisset, ad tentorium paternum re-
 cta pergit: ubi patre mutis aliquot robustis, quos Sultani Osma-
 25 nidæ, veluthic etiam Murates III, in deliciis habere solēt, mina-
 citer innuente, prosternitur; iniectoque neruo, strangulatur. Inde
 Ziangir, qui gibbosus erat, minimusque natus Soleimanis filius, a
 patre quasi per ludum aciocum, Mustaphæ fratri, quem necatum
 ignorabat, obuiam prodire iubetur. Is ubi propius ad fratrum
 30 cadauer accessisset, quamvis consternato mox interemti fratris
 equi, mancipia, tentoria, thesauri, ornamenta cetera, cum Ama-
 siana prouincia, mandato patris offerrentur: tamen his omnibus
 spretis, & exprobrato patri verbis acerbissimis tam impio diroque
 facinore, statim suis manibus in viscera pugionem adigit, & cada-

ueri fratris incumbens, exspirat. Nec multo post, eiusdem Rossæ malis artibus etiam vnico Mustaphæ filio Murati, qui Prusæ apud matrem educabatur, opera Ibrahimis eunuchi bassæ iniecto neruo guttur eliditur, ipsius aui iussu: quum ei periculum, quod a nepote posset imminere, cuius patrem Genizari tantopere coluissent, numquam illa furia desineret ob oculos ponere. Contigerunt hæc anno DCCCCLIX.

C. 1553.

Post solutam anno superiore, magno cum detrimento & ignominia Turcorum, obsidionem Agriæ: nunc tandem Constantinopolim a Ferdinando rege legati mittuntur, Antonius Verantius, episcopus Agriensis, & Franciscus Zais, Cassouienfis in Vngaria superiore præfectus: qui de pace cum Sultano constituenda dum laborant, totum Constantinopoli biennium hærent.

De Galliæ regis, & Soleimanis fœdere diximus, cui Sultanus vt satisfaceret, aliquot annis hisce classem ablegauit ad infestandum mare Thuscum. Ea prius, quam longius nunc progredetur, & cum Gallorum se classe cōiungeret: Marinianus Marchio, Karulini præfectus exercitus, portum Herculis, quem Galli tenebant, inuadit: arcemq; præfidiariis obruncatis, occupat. Secundum hæc Turci Plumbinum obsidione cingunt, & non sine clauderieiecti, Elbam insulam, conatu idem irrito, tentant. Acciderunt hæc anno DCCCCLXI.

C. 1555.

Eodem anno, dum missi de pace legati necdū rediissent, bassa Budensis, qui Tuigon, nomine cum ciconia communi, vocabatur; Capos Vhiuarum, præfidiariis ad deditionem compulsi, cepit. Eidem & Baborza, necdum aliquid ab hoste perpeffa grauius, fide militari deserta, se dedit. Cōsimilem de Zigeto sibi successum pollicebatur, sed quum fortiter in hostem præfidiarij se gererent, sui quæ monerent, ne temere tentaram obsidionem soluere coactus, Sultanum offenderet, ab instituto discessit. Hæc per autumnum illius anni, quem diximus, apud Vngaros fuere gesta.

C. 1556. Proximo sequentis anni DCCCCLXII vere, Soleimanes Alim bassam cum copiis in Vngariam misit, qui Zigetū obsidione premeret, ac in potestatem redigeret. Nihil nō ille fecit, vt voti compos

pos

pos fieret, ad tertium vsque mensem continuata oppugnatione: sed Christianis omnem vim hostilem, magna cum strage Turcorum, intrepide repellentibus, infecta re militem cum machinis bellicis inglorius abduxit. Turci prius, quam Zigeri obsidione soluta se reciperent, Babozam, S. Martinum, Geresgalum, Sallium, S. Laurentium, & Calamanciam, partim flammis iniectis absumere, partim solo æquarunt.

Secundum hæc, anno DCCCCXIII, Selimes Baiafitesque fratres, Soleimanis FF. superstiti patre, inter se de imperio successioneque dimicarunt: victusque Baiafites e Caramania cum XCIO armatorum, & IIII filiis, ad Scachum Persicū Techmasem profugit. Veritus autem pater Soleimanes, qui Selimis partes fovebat, ne Techmasis auxilio vel filius, vel extincto filio nepotes, res novas molirentur: magnis pollicitationibus impetrauit a Techmasæ, mortis vt genere genti Osmanidarum familiari de medio tollerentur. Ne qua tamen fraus interueniret, missus fuit ad interiorem Persæ regiam Casminū Soleimanis Zeschnegir, (sic prægustatorem Turci vocant) cui Baiafites cum filiis notus erat. Hoc præsentem pater cum filiis, adhibito nervo, suffocatus fuit; & ab eodem necatorum cadauera Sebastiam deportata, proque more monumentis illata. Faciunt vero pleriq; omnes Baiafitem hunc Selime natu maiorem, quod equidem non recte fieri puto. Nam in circumcissione filiorum Soleimanis, videlicet Mustaphæ, Mûchemetis, (qui multis ante patrem annis diem suum obierunt) & Selimis, nulla Baiafitis huius in Turcicis mentio: quæ quidem circumcissio celebrata fuit anno Mahumetano DCCCCXXXVIII, Præterea quum Soleimanes anno DCCCCXLIX Magnesium Mûchemeti, Caramaniam Selimi traderet, nulla rursus Baiafitis mentio. De quo sane liquet, Baiafitem hunc Selime natu minorem fuisse.

Ante non multos annos Tripolim Aphricæ Meliten sibus ereptam fuisse diximus; & a Soleimane sangiacatum Tripolitanom Draguti concessum, cuius opera potissimum in potestatem venerat. Is suis finibus haud contentus, non modo Caruennæ re-

gem Maurum, cuius supra meminimus, maiore principatus sui parte spoliavit: verumetiam progressus ulteius, corruptis Maurorum animis, qui Gerbensem insulam incolebant, olim (vt opinio multorum est) a Lotophagis tantopere celebratis inhabitatam, eo rē astu gerere potuit; vt Scheches siue regulus insulæ Soleimanes, sub amicitia prætextu, Tripolim deduceretur: vbi dum hæreret imprudēs, interueniente prodicione, Dragutes insulam occupavit. Neque multis elapsis diebus, Soleimanem Scechem suspēdio necavit, & alteri Scechi, sex aureorum millia tributum annui nomine pollicito, per traditionem vexilli viridis, insulæ dominium permisit. Erat in omnem intētus occasionem magnus Magister Melitenis, vt Tripolis aliquando recuperaretur. Itaque facta inter Hispanum Gallumque pace, quod Hispani regis auxilio voti se compotem fore speraret, cuius plutimum interesset, mature nidos illos piratarum, Turcis eiectis, in potestatem redigi: multis Duci Medinæ Celi rationibus ostendit, posse non magno negotio Tripolim expugnari: præsidium in eo quingentorum duntaxat Turcorum esse: Caruennæ quoque regem, Draguti ac Turcis infestissimum, adiungendam armorum societatem haud difficulter accessurum; cuius opera tanto futura sit eis utilior atque fidelior, quanto grauius ille suam sibi regionem ereptam doleat, & certius sibi polliceri possit, futurū, vt Tripoli Turcis extorta, suam & ipse ditionem recipiat. Hispanus hisce propemodum certæ victoriæ permotus argumentis, classē instrui, militeque compleri iubet, ac summæ rerum cum imperio Medinensem præficit. Feliciter successura videbantur omnia, si mature Tripolim cum milite classis adpulisset. Sed profectione varias ob causas, & præsertim ventis ac tempestatibus aduersis, impedita: Dragutes, intellecto Christianorum instituto, præsidium Tripolitanum duobus auxit Turcorum millibus. Itaque Christiani spe, in hoc quidem tempore, Tripolis expugnandæ deiecti; Gerbensē, quam diximus, insulam recta petunt, nec magno negotio Scechem Maurorum adigunt, vt tradito castello, deinceps Hispano se regi parituum, & quotannis tot aureorum millia tributum nomine soluturū, quot

- quot Turcis pendere consueuisset, datis subsignatisq; syngraphis, stipularetur. Mox inutilis & ruinosi castelli loco, arx magnæ capacitatis exstructa, & opinione multorum inexpugnabilis, si plene perfici, rebusque necessariis ex vsu muniri potuisset. Arci nomen
- inditum, vt Philippalcazer, in honorem memoriamq; regis Hispani, diceretur. Monitus interim a Dragute de Christianorū conatu, ac progressibus, Sultanus Soleimanes, summa celeritate classem parari, multisque millibus Genizarorum, Spachiorum, aliorumque militum compleri & expediri mandat. Rei summæ
- 10 Pialim bassam cum potestate præficit, classis ducendæ curam Mustafa, quem Caram siue Nigrum adpellabant, committit. Eius rei nūtio diuersis ex locis accepto, mox Ioan. Andreas Doria, magnæ vir ob singularem rei militaris ac naualis vsum auctoritatis, cum aliis quibusdā monere, hortari, vrgere Medinensem: vt idoneo nouæ arci præsidio imposito, cum classe, reliquisque copiis,
- 15 prius inde discederetur; quam Turci, rebus ab omnibus instructi, multitudine superiores, ac recentes aduenissent; ipsosq; nec numero parēs, & viribus exhaustos, vel inuitos ad dimicandum cogerent, vel pugnam detrectantes ad extremas rerum difficultates adigerent. Sed nihil apud pertinacem, & ab aliis præceptum Medinensis animum, recta valere consilia. Nimirum amplissimæ classi fatalis quidam imminebat interitus. Id vel ex eo licebat conijcere, quod expeditionis initio, vix magna cum difficultate trium & medij mensis spatio vicinam Italiæ Siciliæque Barbariam (sic Aphricam maritimam vocari, supra docuimus) adtingere nostri potuerunt: quum Turcica classis adeo secundis vsa sit ventis, vt postea, quam Constantinopoli soluisset, intra diem vigesimum ad Christianam prouecta fuerit. Vtque Turci tanto felicius animis destinata perficerent, sub mediam noctem ventus
- 30 Christianis aduersus esse cepit, Turcis propitius: quo nimirum prima Christianos aurora nec opinantes opprimerent. Hinc miserabilis illa clades sequuta, qua vel ab hostibus occisi, vel aquis absorpti, vel in seruitutem abducti fuere, vel alioqui variis perierunt casibus decies & octies mille Christiani. Tiremes amissæ sunt

xxvii, naues onerariæ xiiii. Dux Medinenſis, arrepta fuga, cum Ioan. Andrea Doria Meliten euafit. Gaſto, Medinenſis filius, in poteſtatem hoſtium venit: qui arce occupata, tamque ſplendida potiti victoria, ſub medium menſem Auguſtum diſceſſere, curſu verſus Aulonem Albaniz directo. Contigerunt hæc anno Ma-

C. 1560. humetano DCCCCLXVI.

Eodem anno Turci Filecum in Vngaria ſuperiore, locum ſaris munitum, ceperunt. Ibi Sangiacum Soleimanes conſtituit, qui Budenſi Baſiz ſubiectus eſſet. Neque multo poſt, indutias Ferdinandus Auguſtus & Soleimanes pepigere, quæ utrique parti gra-

C. 1561. Anno DCCCCLXVII Iacobus quidam, natione Græcus, qui & Heraclidis, & Baſilici cognomen uſurpans, ab antiquis Valachiz regulis genus ſuum repetebat, ſeque inſularum in Ægzo, Sami Deſpotam, Pari Marchettium ſiue Marchionem vocabat, apud quosdam Poloniz proceres, quibus innotuerat, tantum efficere potuit: uti complurium cottogatis auxiliis, inter quos principes erant, Albertus Laſcus, Philippouius, Laſſocius, in Moldauiam armata manu deduceretur. Erat tum eius regionis princeps, cum titulo Deſpotæ, Alexander: ob inauditam quamdam immanitatem erga ſuos infamis. Hunc numeroſo inſtructum exercitu, Laſcus longe copiis impar, fundit, fugat, Moldauiz regno pellit: totamque ditionem, armis domitam, Iacobo poſſidendam tradit. Viſtus prælio fuit tyrannus Alexander die xviii Nouembris. Iacobus Moldauiz Deſpota factus, profuſis apud Portam largitionibus a Sultano Soleimane impetrauit, ut in occupato principatu pro mote confirmaretur.

C. 1563. Anno DCCCCLXIX Iacobus Deſpota ſuis a Valachis, hominibus improbis, fraude circumuentus, ut elabi non poſſet, die v Nouembris occiditur. Hoc memorabile, quod moriendum ſibi videns, nullum abiecti animi ſignum dedit: ſed indutus amictu regio, vultu intrepido, oratione libera, bene recteque geſtam ab ſe rempublicam, multaque ſingularia beneficia Valachis ſuis exprobrauit Deum precatus vindicē, uti perfidiam & ingratitudinem barba-

barbaræ gentis vlcisceretur. Equidem adulescens hominem vidi
 & noui prius, quam in Poloniam proficisceretur. Vultu præditus
 erat liberali, statura non magna, robusto tamen, neruosoque cor-
 pote, capillo nigro, lingua disertæ. Rebus in omnibus quamdam
 præferebat dignitatem. Norat sane quam eleganter Græce, La-
 tine, Italice, Gallice. Cōmemorari & alia de hoc possent, quibus
 supersedendum, quod huius non sint loci. Quod autem in primis
 huc pertinet, quando nulli sunt in orbe barbari Valachis inconstan-
 tiores erga dominos suos, quos frequenter, & temere mutāt:
 10 libet heic subijcere, quam multos paucis annis Iacobus hic Despo-
 ta successores habuerit. Quippe statim ab eius interitu, vocatus a
 Valachis Dux Demetrius Visnouecius, Soleimani Constantino-
 polim victus ad certam necē mittitur. Eius loco Thomā prin-
 ceptis a factiosis salutatur. Is quum perexiguo tempore rem Vala-
 cham administrasset, ab Alexandro iam reuerso expellitur, & in
 15 Rossiam profugus, Sigismūdi Augusti Poloniæ regis iussu, ad Po-
 dolix Leontopolim capite plectitur. Alexādro reduci, postquam
 rebus humanis eximius fuisset, successit filius Bogdanus: Bogda-
 no Iuonia, quise Stephani quondam Vaiuodæ filium ex concu-
 20 bina perhibebat. Iuonia, (sic Ioannem ipsi vocant) quum iniqua
 petentibus Turcis denegasset, adiunctoque sibi non magno Po-
 lonorum equitum militumque numero, nec contemnendis suo-
 rum coactis copiis, nimis graue barbarorum iugum excutere co-
 naretur: a fidelissimis sibi creditis proditus, qui missi fuerant, vt a
 25 transiectione Danubij Turcos arcerent, indignam magnanimi-
 tate sua mortem oppetiit. Ei Petrus, alterius Valachiæ principis
 frater, fauentibus Turcis suffectus fuit. Sedenim de his, hoc qui-
 dem in loco, satis: quando ad insequentis annos pertinent. Nunc
 ad annalium seriem redeamus.

30 Anno DCCCCLXX, mense Septembri, duce Garzia Toletano C. 1564.
 feliciter occupata fuit arx in ora maritimæ Aphricæ siue Barba-
 rix sita, quam vocant Pignonem siue rupem Velezi, quod opidi
 nomen est, in continente siti, a qua rupes arcis disuncta, vndique
 aquis cingitur, Turcicis ea piratis, Hispanum pelagus infestanti-

bus, securum hætenus receptum præbuerat: quod esset in præruptis posita scopulis, & vndique (ceu dictum) mari circumfluò munita.

Sub exitum eiusdem anni, mortuo prius Ferdinãdo Augusto, die xxv Iulij, filioq; Maximilliano vix imperium auspicato, Ioannes Sigismundus princeps Transilvaniæ, vel (vt Turci vocant) Erdelij begus, infelix Sultani Soleimanis successione paterna cliens, fretus viribus patroni tam potentis, qui tamen suum, non clientis commodum captabat, & perduellium quorundam procerum, inque primis Georgij Bebeci noxiis reipublicæ Christianæ cõsiliis incitatus; Zatmarum, non exigui momenti munitionem, eiecto Melchiore Balassa, præfecto Cæsaris, ac thesauris eius, cõiuge, liberisq; captis, suam in potestatem redegit. Quæ res quum Maximilliano Augusto nequaquam in ipso regni exordio ferenda videretur, quum alios bello gerendo duces idoneos arcessiuit: tum Lazaro Suendio, Baroni Altæ Landispergæ, rebus magnis follerter & præclare gestis ad omnem posteritatis memoriam illustri viro, summam belli administrandi, amplissima cum potestate, commisit. Sub eo, præter Vngaros, feliciter hoc bello Germani aliquot nobilissimi tribuni militarunt: equitum, Ioannes Ruberus a Pixendorfo, Ioannes ab Ascemburgo, Iacobus a Schulerburgo, Henricus a Gleizental: peditum vero, Ioãnes Wernherus a Raitenau, Rudolfus a Salis, alijque complures. Suendius absque mora non exiguas equitum peditumque Germanorum copias in agrum qui a Gepidis, antiqua natione Germanica, Cæ-

C. 1565. M. 971. Anni sequentis initio, media bruma, Tocium Suendius celeritate admirabili expugnat: quo capto, neq; multo post ictu selo peti occiso Francisco Nemethio præfecto, arx etiam a præsidiariis dedita fuit. Is suis cum gladiis dumtaxat ex pacto dimissi, ceteris armis ac rebus in arce relictis. Viduz Nemethij mundus tantummodo muliebris concessus. Quæ hæc deinde mariti suosque non exigui pretij thesauros aucheret, reclamãibus Vngaris; Andrea Batorio, Melchiore Balassa, Gabrielo Perenio, contraque legem.

- gem deditiois id fieri causantibus: Suendij tamen auctoritate, qui vel cum aliqua iactura fidem datam religiose seruandam diceret, quo minus iis spoliaretur, obtinuit. Inde Zerencium in potestatem venit, Erdelijque begus de Zatmari defensione despirans, incensam munitionem hosti reliquit inuitus: quam Suendius, ob naturalem situs commoditatem, mox instaurauit. Hinc transmissio Tibisco, Erdeuda, Cuuara, Bator, Vibania, Sendereuia, (quod a S. Andrea deductum nomen est) prospero victoriz Suendianæ cursu, Maximilliani Cæsaris imperium acceperunt.
- 10 Tam denique felices hi successus erant, ut opem implorante bego Erdelij, Sultanus Soleimanes non succurrere dumtaxat ei totis viribus: verum ipse etiam huic in Vngariam expeditioni præesse decreuerit. Sed existimabatur ab hoc instituto suorum consiliis retrahi, qui suadebant, ut ingenti expedita classe, Meliten inuaderet, & fractis equitum Melitenium viribus, insulam occuparet. Quod quidem ut faceret, inprimis Chafanes Cefairis profulanus, Chairadinis Barbarossæ filius, & Dragutes Sangiacus Tripolitanus, vrgebant. Itaque hanc in sententiam animo propendens, ut interim vasto commento Maximillianum partim graui
- 20 sumtu belli exhauriret, instinctu Erdeliani; partim inhiberet, quo minus ulterius progrediretur: apostatam Cibiniensem ablegat, qui cum ad pacem cum Erdeliano colendam exhortaretur. Venit & Viennam cum Erdeliani mandatis eodem tempore Georgius Batorius, & Sigismundi Augusti, Poloniæ regis, qui Erdeliani auunculus erat, legatus; ut de componendo bello cum Maximilliano agerent. Verum hæc, ut diximus, astute gerebantur a Turcis: ut a cursu victoriz Cæsar, cui rebus omnibus inferior erat Erdelianus, auocaretur: & Soleimanes interim vires suas in Melitenes posset conuertere.
- 30 Rhodum his insulam sub initium regni, cum omnibus in Ægeo, & Asia, Græciaque castellis, arcibus, ac territoriis; nec multis ante hoc tempus annis, Tripolim Aphricæ, sicuti narratum a nobis est, ademerat. Quibus iniuriis eos adfecisse non contentus, etiam prorsus extirpatos volebat: quod & mercimonia suorum im-

pedirent, & grauia sæpe detrimenta nauibus Turcicis inferrent. Accedebat altius animi vulnus, quod hæcenus a Melitenſi Chriſtianorum propugnaculo quoddam libidini ſuæ repagulum obijci doleret, quo minus in Hiſpaniarum & Italiæ viſcera iamdudum graſſaretur. Hoſ igitur vii bello perſequeretur & opprimeret, claſſem inſtruxit, quæ triremibus, onerariis, aliisque diuerſis nauigiis ccl. conſtabat. Vehabantur hac claſſe bello idoneorum militum ad xl. millia. Terreſtribus copiis Muſtaphas, qui deinceps bello Cyprio ex immani crudelitate magis inelatuir, claſſi Pialis baſſa cum imperio præerat: quibus Soleimanes Dragutem proſultanum Tripolis adeſſe voluit, hominem rebus terra marique gerendis experientem, qui letaliter hoc bello vulneratus, cū iactura ſuorum, & commodo noſtro interiit: fuitque ſucceſſus a Muſtapha in eius locum, vt Tripoli præſſet, Alis ille Calaber, quem etiam nunc ignominioſo Turcis nomine noſtri vocant Vluzalim, hoc eſt, Alim apoſtaram: quum a Turcis baſſa Capitaneus adpellari ſoleat, veluti maris præſectus: & ſolus poſt Chairadinem Barbaroſſam, ob res contra Chriſtianos gnauiter geſtas promeruerit, vt cum maris præſectura veziris dignitatem coniungeret. Adpulit etiam, durante obſidione, cum xxvi. triremibus, Chaſanes Ceſairis proſultanus, Chairadinis F. cuius vt paulo ante, ſic & alibi ſæpius in annalibus hiſce Turcicis facta fuit mentio. Quum igitur hi baſſæ Iunio menſe litora Melites adtigiffent, ac dies aliquot exponendis in inſulam militibus & annonis, locorumque ſitu explorando, conſumiſſent: oppugnare machinis bellicis S. Elmum, (ſic Hermetem vulgo vocant) caſtellum in ipſo portus oſtio ſitum, cepere. Quod quum pluribus diebus facere non deſinerent, iamq; magna moenium pars tormentorum globis deiecta ſic coruiſſet, vt in arcem latus hoſti pateret aditus: equites Melitenſes, perquam ſtrenue ſegerendo xxxv. diebus oppugnationem, magna cum hoſtium elade, ſuſtinerunt: idque præter opinionem multorum, qui caſtellum cōtra vim hoſtilem nequaquam poſſe propugnari putarant. Tandem quum equites nec hoſtium impetui ferendo, nec numero ſe pares viderent, &

arx vndique tam terra, quam maria barbaris cincta, nullum amplius alicunde subsidium expectare posset: occiso Christianorum, qui supererant, aliquo numero, Turcorum in potestatem venit. Qua hostes elati victoria, deinceps tormentis quatere S. Michaelis munitionem insanum in modum cepere, globos ferreos & lapideos quinque septemue palmorum eiaculando. Sed quod totos quatuor hoc bello menses absumsissent, & hiems iam adpeteret: de discessu cogitare ceperunt, & eo quidem maiori festinatione, quod iam Garzias Toletanus, Siciliæ prorex, instructis trimembris Hispanicis, quibus ~~et~~ peditum vehebatur, cum multis aliis Christianis, ad suscipiendam hanc expeditionem religiosæ pietatis zelo commotis, auxiliares hæc copias in insulam exposuisset. Quo factum, ut Turci cœdam, præ formidine, fugam arriperent: & multis suorum millibus desideratis, ignominiose domum rediret. Pigebat ac pudebat suscepisse rem tam arduam, in cuius perficiendâ conatu vano ~~xxiii~~ suorum amisissent. Ex Meliten sibus ~~ccxl~~ equites, militum ~~iiii~~, bello inutilis turbæ capita ~~cio~~ ~~cccc~~ caesa. Bellum ipsum gestum fuit anno Mahumetano ~~dcccc~~ ~~lxxl~~.

C. 1565.

- 20 Inauspicato tentata Melites expugnatio, cottidianique Maximilliani Cæsaris Erdeliano bello progressus, pæne Sultani Soleimanis animum ad rabiem adegerunt. Quumque non cessaret is, quem diximus, Erdelij begus, eum perpetuis, ad inuadendâ Ungariam, stimulis excitare: decreuit deniq; bellū hoc non per legatos tantummodo, sed etiam propriis auspiciis gerere. Interim vero, dum maiorem ipsemet adduceret exercitum, bassæ Budensi mandat, ut amplissimis, quas posset, coactis copiis, bello principium daret. Temesuarēsis etiam bassa, de voluntate Soleimanis, paullatim ad occupandam Giulam aditum sibi patefaciebat, expugnato Pancota castello. Nec sibi, suisque rebus deerat Erdelanus, Zadane Genoque, locis Giulæ vicinis, per suos octo Turcorum millibus adauctos, occupatis. Idem astu barbaro, perniciem ac furiam patriæ, patrem imitatus, qui simili strategemate fuerat vsus, ad obsidendâ Viennam aduentante tunc Soleimane,

1566. litteras per Vngariam initio anni Christiani proximi, menseni-
 mirum Februario publicatas sparsit: quibus in litteris Vngariæ se
 regem electum vocans, aiebat Sultani Soleimanis, clementissimi
 patroni sui, hanc esse mentem, vt omnes regni ordines ipsius Er-
 deliani se subijcerent imperio, si salui esse vellent. Eam ob rem in-
 dixisse se cōuentum ad Thordam Erdelij, (Torrenburgum Ger-
 mani Transiluanienſes vocant) celebrandum proximo mensis
 Martij die decimo: quæ quidem ad comitia cunctos inuitabat, v-
 ti de conseruanda patria communibus votis in medium consule-
 rent. Hæ litteræ, ne fucata boni publici specie, minus circumſpe- 10
 ctorum oculos perstringerent: a Suendio mature solidequæ, scri-
 pto contrario ad eodẽ ordines, die Martij quarto, apud Vn-
 guarum publicato, refutatæ fuerunt: quo scripto manifestas Er-
 deliani fraudes retegebat, quibus fideles Maximilliani Augusti
 subditos perturbare conaretur, quasi scilicet Soleimanes de salu- 15
 te regni Vngariæ sollicitus esset: quum suis ille cum maioribus a-
 ec annis hoc vñũ spectarit, vt nobilis regni fundamenta vel vi
 & armis, vel discidiis ciuilibus, & machinationibus insidiosis, sub-
 uerteret. Cauerent sibi ab eiusmodi tam Erdeliani, quam Solei-
 manis imposturis: nec cum Erdeliano commune quidquam ha- 20
 berent, nec ad fraudulenta, patriæque nocitura comitia quem-
 quam, sub pœna perduellionis, ablegarent.

Eodem anno, vere ineunte, Pialis bassa prius, quã Cōstantino-
 polim, rebus ad Melitẽ infelicitè gestis, cū classe rediret: ne nihil
 egisse hac expeditione videretur, Chium Ægæi maris insulam, a 25
 Christianis partim Italis, partim Græcis inhabitatã, sub iugũ m-
 tere statuit. Ea Genuẽsiũ in pōtestate iam vltra duo sæcula fue-
 rat, inde vsque a Græcorum imperatorum temporibus libera. Sed
 crescente tandem potentia Turcica, ne prorsus in seruitutem re-
 digerentur, sponte sua tributum obtulerant. Eius tributum nomine 30
 quotannis xcrj nummũ aureorum, quos Ducatos vocant, sol-
 uebantur: ac præterea distribuebantur in bassas Vezires ad duo
 millia. Causæ, propter quas eam Pialis, abolita libertate pristina,
 subiugandam ducebat, hæ prætexebantur. Prima, quod explora-
 tis Tur-

tis Turcorum consiliis, anno superiore Melitenſibus nuntiassent,
 quæ in eos Turci molirentur. Deinde, quod biennij tributū Sul-
 tano Soleimani deberent. Id avaricia legati, Constantinopoli res
 ipsorum apud Portam gerentis, acciderat: qui etiam donanda
 5 Mechemeti bassæ veziri & aliis munera, suos in vsu verterat.
 Præterea conferebatur in eos culpa receptorum Christianorum
 mancipiorum, quæ cottidie Constantinopoli ad ipsos profuge-
 rent, eque Chio domum ad suos remitterentur. Et paullo ante fe-
 rebatur Mechemetis bassæ veziris nobile quoddam mancipium
 10 eo secotulisse, cuius ipse vel restitutionem, vel pretium ab eis po-
 scebat. Has igitur ob causas Pialis eos castigaturus, ad insulam v-
 niuersa cum classe feriis paschalibus, quas Christianorum more
 Chienſes tum celebrabant, adpellit: confestimq; iubet ad se præ-
 toriam in triremem venire præfectum insulæ cum xxiuiris rem-
 15 publicam administrantibus. Interea, dum hi ab ipso in prætoria
 detinerentur, palatium ciuitatis, in quo senatus haberi solebat, in po-
 testatem a Turcis cum arce redigitur, magistratus eis Turcicus
 datur, templa Christiana solo æquantur. Vnicum S. Dominici re-
 lictum, ritibus Turcorum initiatur, vt messitæ loco Turcis esset.
 20 Ipsi præfecti, ac xxiuirum familia, cum aliis primariis, Con-
 stantinopolim mittuntur, & hinc inde varias in regiones depor-
 tantur: donec tandem subsequētib; annis, intercedente rege
 Gallo, Turcis cōfœderato, patriæ restituti fuerunt, & umbra quæ-
 dam administrationis iudiciorumq; pristinatorum miseris Chien-
 25 sibus concessa, prouocatione dumtaxat ad iudicem Turcicū re-
 missa: quod eo facilius impetratum, ne Christianis incolis alio cō-
 migrantibus, insula deserta nulli Turcis esset vsui.

Ad res in Vngaria gestas vt redeamus, Bassa Budensis, vt impe-
 rio Sultani Soleimanis pareret, initio mensis Iunij Palotam mili-
 30 tum corona circumdare cepit. Eam strenue cum suis propugna-
 bat Georgius. Thuris Vngarus, vir magnanimus, & multis rebus
 fortiter gestis clarus. Toto iam octiduo muros bassa tormento-
 rum continuis ictibus ita labefactarat, ad terram vt prostrati col-
 laberentur, & propugnatores in extremo discrimine versaretur.

quum ecce, nec opinatum subsidium diuinitus eis offertur. Venerat Iaurinum Georgius Comes Helfestainus, adductis secum signis XII magnæ virtutis peditum. Is die XIII Junij plaustra xcx pabulatum emisit, cum peditum DCCC præsidio: quos conspicati Turci, qui Palotam obsidebant, maioresque copias adesse rati, 5 quam reapse forent: missos suspicabantur, ut obsidionem Palotanam soluerent. Confestim bassa trepidus in fugam cum suis sese conijcere, præque nimia festinatione tentoria, machinas bellicas, magnum vasorum numerum, quibus vel farina, vel tormentarius pulvis cõtineretur, cum aliis castrorum impedimentis hosti 10 sti relinquere: quæ quidem præda mox obsessorum commodo cessit. Soluta præter spem in hunc modum obsidione, præsidium arcis auctum fuit, & instaurati muri, ab hoste diruti.

Liberata obsidione Palota, mox itum ad eripiendam hosticitatem Vespriniensem: quod captis Turcorum exploratoribus, 15 intellectum esset, huius loci begum, studio nocendi Christianis egressum, meliore præsidij parte Vesprinium nudasse. Quapropter Egone Salmenfi Comite illustrissimo suas cum Helfestaino & Nicolao Hatestadio coniungente copias, penultimo Junij die ceptum obsideri Vesprinium, postridie memorabili celeritate fuit 20 expugnatum, anno Mahumerano DCCCLXXIII. Quinque dumtaxat exceptis, ceteri ad vnum trucidati fuere barbari, quod non ita pridem captiuos magno numero Christianos immaniter occidissent.

Ab eodem Egone Comite Salmenfi capta fuit & Tata, mense 25 Iulio, ex his præliariis: itemq; Gester castellum, ab incolis Turcis metu aduentantis Comititis desertum: quos imitati Vethaimenses, Iscochiani, & aliorum castrorum incolæ, flamma castellis suis iniecta, Strigonium se receperunt: quod obsessurus, victoriæ prosequendæ causa, mox erat Salmensis Comes, nisi de quibusdam 30 causis aliud imperatori Maximiliano visum fuisset.

Augusto mense Suendius, qui certo consilio superiore in Vngaria, & agro Cepiliensi, dum Maximillianus Augustus insigni & copiosissimo cum exercitu castris ad Iaurinum positis, omnes Solci-

Soleimanis motus & progressus obseruaret, subsistere suo cum milite iussus fuerat; cum excitis a Soleimane, rogatu Erdeliani, Tataris non parum, quod ageret, habuit. Quippe quum per Ungariæ superioris agros, cis & ultra Tibiscum, late discurret, prædas abigerent, omnia flammis & ferro vastarent, cuiusvis ætatis & sexus homines partim trucidarent, partim in ferulturem raperet: dilato Suendius in eos, multitudine superiores, ad hoc usque tempus proelio, quo præcocium illi fructum, & vuarum ingluvie, semetipsum perditum ituri erant tandem ex morbis languidos, & numero non parum diminutos adgressus, nullo prope negotio decem barbarorum millia superauit, caecidit, sinibus eiecit: bogorū Turcicorum, quibus vsi ducibus fuerant, altero interemto, altero letaliter sauciato. Deinde Georgij Bebeci perduellis, qui cum Erdeliano & Turcis se coniunxerat, arces aliquot, Zabaticam, Pelsozium, Gombazzecum, Crasnahurcam, Gadigen, aliaque his vicinia tum castella, tum munitiones expugnauit.

Duo deinceps munita nostrorum loca Turcorum in manus venire, Giulia & Zigerhū. Giulia, quæ secundo Iulij mensis a Pertauo Vezire bassa, iunctis & bassæ Temesuariensis, & Erdeliani Tatarorumque copiis, cepta fuerat obsideri; scelerata Ladislai Kerezinij præfecti proditione, Georgij Bebeci perduellis & adfinis sui colloquio corrupti, licet futurum nuntiasset Suendius, vt hostis intra biduum obsidionem solueret, Turcis dedita fuit. Eam Turci, præter Erdeliani spem, sibi retinuerunt: hiantemque coruam, vt est in fabulis, more suo delusere. Violata dediticij fide crudeliter interemti, paucis beneficio noctis & arundinetorum elapsis. Nefarius proditor non multo post in vinculis, apud Sultanū Selimem, Soleimanis successorem, ob exercitam prius in captiuos Musulmanos sæuiciem accusatus, de sententia Selimis actoribus, vt eorum arbitrio pœnas lueret, traditus fuit: qui hominem vasi clauis perforato sic incluserunt, vt dolio de monte per decliua præcipitato, clauis oblongis & acutis confixus exspiraret. Fuit & filius paternæ particeps execrationis, qui misere, nullis relictis heredibus, diem suum obiit: castellis, pagis, & aliis fa-

cultaibus amplissimis, ad alienos deuolutis.

Interea dum hæc diuersis per Vngariam locis gererentur, Sultanus ipse Soleimanes transito primū Sauo, deinde Drauo, quem ponte operis admirandi constrauerat, cum exercitu ducentorum millium, ad subiugandas Hungariæ reliquias venit. Occurrit aduentanti cum donis eximiis Erdelianus, frustra regnum ambiens, quod auaricie barbara Soleimanes ipse iam spe, licet irrita, totum deuorauerat, ac libidini propriæ destinarat.

Die mensis Augusti sexto Zigetum obsidere Sultanus cepit, quod licet acerrime propugnaretur a Nicolao Comite Zerinio, fortissimo & immortalis gloriæ viro, præsidij præfecto: tandem tamen die septimo mēsis Septembris expugnatum fuit, ipso Comite Zerinio, cum insigni nobilium Vngatorum, strenuorumq; militum numero, sic a barbaris interemto; non inultus cum suis ut occubuisse dici possit. Quippe non triginta millia suorum dumtaxat hostes desiderarunt, verumetiam triduo ante supremā nostrorum cladem Sultanus Soleimanes, necdum victoria de Zigaretanis potitus, fremens & frendens infelicem exhalauit animam. Eius obitus tantisper occultatus fuit astu vasserrimi Veziris bassæ Mechemetis, noctu etiam Soleimanis archiatro clam necato, ne per eum Sultani mors emanaret, dum socer eius Selimes, Soleimanis filius, occupato citra tumultum imperio, ad exercitum in castra venisset. Nā si tam Genizari, quam reliqui milites, de morte Sultani sui maturius certiōres facti fuissent: magno in castris excitato tumultu, tentoria thesaurosque regios, cum Christianorum & Hebræorum rebus, pro more libidineq; sua diripuissent: ac spoliis hisce ditati, neminis auctoritate contineri se amplius in officio passi fuissent. Quæ sane rerum apud hostes confusio militarisque licentia, Maximilliano Cæsari, numerosis & exquisitis toto ex orbe Christiano copiis instructo, præbere peroptatam occasionem rei feliciter gerendæ potuisset. Exstinctus fuit Soliman-
 nes anno Mahumetano DCCCCLXXIII, die quarto mēsis Septembris. Agebat, quum moreretur, ætatis annum LXXVI. Imperio præfuit annis XLVI, & sex mensibus.

Occu-

Occupato Zigeto, Babozam oppugnaturi Turci quosdam
suis mittunt, qui arcem dedi iuberent. Id vero licet facturos se no-
stri negarent, quod tamen eam defendi non posse cōtra vim tan-
tam scirent, incensam deferunt: quorum exemplum Sachani &
5 Zorgenses sunt imitati.

Eodem anno, die mensis eiusdem xxiii, Sultanus Selimes ii,
ætatis annum xlii agens, in imperio Soleimani patri successit.
Quippe quū ad Magnesium intellecta morte patris, ex Asia sum-
ma celeritate Iscodaram, e regione Constantinopolis sitam, hoc
10 die peruenisset: mox a Bostange bassa, hortulanorum præfecto,
pro more tiremi exceptus, & Cōstantinopolim trans Bosporum
vectus fuit. Et quia Selimes generum suum, Ischenderem bassam,
quem pto sultanum Constantinopoli discedens reliquerat Solei-
manes, de aduentu suo certiore reddiderat, cum mandatis, vte
15 ius opera studioque res ad ingressum in urbem, pompamque re-
giam pertinentes, sine mora pararentur: mox illo ipso die dedu-
ctus in saraïum, solio consedit imperatorio illius cubiculi, quod
solis est Sultanis Osmanidarum gente prognatis occupare per-
missum. Inde per urbem proclamationes more maiorum factæ,
20 quibus vota primum cōcipiebantur, vt anima Soleimanis in pa-
radiso felix æuum ageret, ac in perpetua gloria quiesceret: dein-
de, multos vt annos viueret Sultanus Selimes Chan, prosperique
status incremento continuo frueretur.

Postridie, qui dies erat xxiiii Septembris, e saraïo prodiit, se-
25 que per urbem populo spectandum exhibuit. Peregit & paternas
exsequias, ac magno animalium numero cæso, cibisq; coctis iti-
dem innumeris, epulum funebre quibusuis, cum ingentis summe
asporum erogatione, præbuit. Inde sollemni pompa, maximoq;
suorum adplausu, in saraïum rediit.

Ante, quam hæc fierent, per Ischenderem bassam profulta-
num euocari ex omnibus locis Genizaros, paternæ mortis adhuc
ignaros, in opidum non procul a Constantinopoli situm, sub præ-
textu mittendi ad obsidionem Zigetanam militaris supplementi,
iusserat. Ad eos Ischender bassa, Selime iam paternum in solium

collocato, de Selimis voluntate profectus; obitum Soleimanis, & successionem Selimis exponit. Inde pro direptionibus vsu receptis in obitu principis Osmanidæ, centum millia Sultaninorū eis offert. Non ingrata fuit oratio bassæ Genizaris, ea lege tamen adficientibus, vt largiores annonæ militaturis darentur. 5

Selimes ergo Genizaris in auctoratis, die mensis Septembris xxvii Cōstantinopoli discedit, & magnis itineribus Albam Græcam contendit. Quum istuc adlatum postea Sōleimanis cadauer in urbem deduceretur, pedes ante paternum funus incedebat habitu lugubri Sultanus Selimes, comitantibus bassis, Cadilesche- 10 ris, ceterisque begis. Inde Cadios populis, consuetum donatium Genizaris dedit. Quibus peractis, Cōstantinopolim cadauer paternum auchi iussit, & in Zuna, quam ipse sibi viuis extruxerat, condi. Curata fuit ea res ab Achimete bassā, Ferhateque Capiz- 15 latorum Aga, deducētibz begis & Genizaris, cum vexillo regio: tandemque die xxii Nouembris peruentum Cōstantinopolim. Ibi funus exceptum fuit frequentissimo concursu mortaliū, præcunte Muphti, qui apud Musulmanos & iuris, & religionis, omniumque sacrorum rex est: subsequētibz, Ischendere bassā profultano, Dephterdaris, qui Cameræ vel ætarij præfecti sunt, 20 aliisq; begis, omnibus pullatis: quorum terga plebis infinita multitudo claudebat. Exemtā e curru sandapilā vel arcā ligneā præcipui begi per vices, erectarū in sublime manuum palmis sustinere, sicque per urbem gestarunt: eiulantibus interim Talismanis, & ad Zunā vsque lessum quemdam, Mahumetano ritu, 25 lamentabili voce, concinentibus. Hinc depositum in Zuna cadauer: instratus sandapilæ pannus cymatilis præstantissimus: & supra hunc alius auro intertextus: ad latus acinax positus, index profusæ bello vitæ: ad caput collocatum e lino subtilissimo, spiris aptatum candidissimis tulipantum, quo viuis vti consueat, cum 30 nigris ardearū pennis selectissimis: pone caput, in pavimento positi cum candelabris ingentes, pyramidalī forma, rotundi nihilominus cerei; qui tamen numquā accendi solent: mox adhibiti Talismani & Hoggiz, (sacerdotū hæc Musulmanis sunt nomina) qui:

qui more gentis humi diuaticatis sedētes cruribus, perpetuo preces quasdam in eius Zuna murmurando deblaterarent. Hæc omnia, quum multis post annis Constantinopoli essemus, coram inspeximus. Circum sandapilam ipsius, & alię sunt sandapilę; tam
 5 Sultanz (de qua diximus) Rossę, quam liberorum Soleimanis. Acciderunt hæc anno Mahumetano DCCCCLXXIII.

C. 1566.

Interea Selimes, ob hiemis imminētis asperitatem, Vngariam reliquit: & Pertauum bassam, satis magnis cum Turcorum, Valachorum, Tatarorumque copiis, Erdeliano bego, qui bellum contra Maximillianū prosequabatur, adesse iussit. Dolebat Erdeliano, Suendum anno superiori cepisse Tocaum, in quo xxx maiora minoraque tormenta bellica, præter ingentem rerum bello
 10 necessariorum, annonęque copiam reperisset. Quapropter eam arcem recuperare statuit, magni scilicet suas ad res vel tutandas, vel prolatandas momenti: quod esset in Vngarię sita limitibus, & Erdelij; duobus annis circumdata, Tibisco & Bodrogo. Militem ergo, cum maioribus decem machinis adhibet, omni-
 15 & imperu oppugnare munitionem incipit. Ex altera parte Suendius eam minime deferendam ratus, quum alia defensionis parat idonea, quibus Iacobo Ramingero, cuius ipse fidei Tocaū com-
 20 miserat, in tempore succurreret: tum ab imperatore Maximilliano subsidia maiora postulat. Is Henricum Staupicium, cum mille Germanis equitibus, sex peditum vexillis, stipendiis, & annona necessaria, mittit. Sed prius, quam auxiliares hæc copię Tocaum
 25 peruenissent, sparsa fuit in castris Erdeliani fama, decem millia Tatarorum, a Seliime, defendendi eius causa, cum Turcis & Valachis reliquorum, per seditionem totum populari Erdelium, ac inaudita crudelitate passim in fortunas & corpora miserorū, cuiusvis ætatis & sexus, grassari. Quapropter obsidionē solvere co-
 30 atus fuit, ne dum istic ipse pertinacius hæreret; suos ad internicionē deleri sineret. Liberato ab hostili oppugnatione Tocaio, Ramingerus in abscedentes erumpens, pluribus cæsis, reliquos palantes & trepidos fugauit. Nec parum Erdeliano cum hisce Tataricis, Turcicis, Valachicisque copiis negotij fuit, quum aliquot

eorum millia trucidaret, ac Varadini vicissim ab eis obsideretur. Vnde fuga dilapsus, recenti coacta suorū manu, rursus haud exiguum ipsorum stragem edidit: qua demum territi, semet in Podoliam & Rossiam effuderunt; vbi crudelium belluarum immanes reliquæ, fortiter a Palatino Rossorum debellatæ, perierunt. 5

Post discessum barbaricarum & Erdeliani copiarum, Suendius suis media bruma productis, ad obsidendū Zatuaram profectus est, castrum momenti non levis, in Erdelij finibus situm, quod Georgij Bebeci ditionis erat, hominis nefarij, qui primus auctor huius inter Cæsarem Erdelianumque belli exstiterat. Bebecus iam ante perspecta victrici toties virtute fortunaque Suendij, quod magnopere metueret, ne castro expugnato, in Maximiliani manus, cum præsentī vitæ periculo, veniret: vxore familiæq; Zatuari cum præsidio relicta, fugæ beneficio salutē suæ mature cōsuluit. Aliquamdiu perstiterunt in obsidione toleranda præsidarij, quod machinæ bellicæ nihil nec ipsis, nec castro damni dare possent. Cui Suendius incōmodo remedium quæsiturus, dum ipsemet omnia circum arcem loca perlustrat & explorat: agnitus ab hostibus ex insigni proceritate corporis, qua longe supra ceteros eminebat, deque comitatus frequētia, parum omnino absuit, 20 quin discrimen vitæ adiret. Petrus enim globis aliquot tormentariis fuit, e machinis non modicis, quorum vnus humerum ita strinxit: vt etiam vestis eius igne concepto, quod esset ad pellendum frigus hibernū suffultra pellibus, arderet. Nihilominus commodiore pro machinis reperto loco, & iis mox in illum, magno 25 cum militum labore, quos in officio, si quisquā alius, hic sane dux continere potuit, translatis: ad extremam redacti desperationem præsidarij, coniugi perduellis, ac familiæ, sibi que salutem & incolumitatem pepigerunt, atque ita castrum Suendio dederūt. Is vero non tantum pacta conuenta dediticiis bona fide seruauit, 30 sed etiam Bebeci coniugem, cum mundo suo muliebri, & aliis rebus, quas caras habebat, abire omni absque iniuria passus est. Potitus fuit Zatuaro Suendius sub medium mensem Ianuarium, an-

C. 1567. no Mahumetano DCCCCLXXIII.

Non

Non magno post captum Zatuorum temporis interiecto spatio Suendius, qui bellum in Erdelij finibus gerere non desinebat, nulla frigoris hiberni ratione habita, Muncazium cum suis obsedit, locum munitissimum, & huic bello conficiendo cum primis idoneum: cuius præsidarij vitam facultatesque saluas pacti, deditionem fecerunt. Ea res animum Erdeliani mirifice perturbavit, nec minus accendit, vt totis viribus amissam munitionem recuperandam statueret. Non enim ignorabat, hac patere transitum in Poloniam & Rossiam: seque præpediri occupato Muncazio,

10 quo minus in posterum subsidiarias e regno Poloniæ copias habere posset: nisi eas per Moldauiam, variis ambagibus, & itinere difficili, venire vellet. At non contentus occupatione Muncazij Suendius, mox etiam corona militari munitionem Hustianam cingere perrexit. Quod quidem non Erdelianus tantum grauit

15 ac moleste tulit, verum etiam Budensis bassa: qui datis ad imperatorem Maximillianum frequentibus litteris, hortari nõ cessabat, vt accepta obsidione Suendium discedere iuberet, ne inchoatum pacis componendæ negotium impediretur. Simul etiam suis in cõsiliu adhibitis, deliberabat; quam via posset obsessis opem

20 ferre. Quumq; iam pridem de hisce rebus omnibus ad Sultatum Selimem rettulisset, indignatus ille, Pertauum bassam exercitum suum, cum Romanix beglerbegi copiis coniunctum, in Vngariam ducere iussit. Vtrumque tamen ab instituta Selimes expeditione mox reuocauit, quum intellexisset, Verantium Agriensem

25 præfulem, & Christophorum Tifembachum baronem, Vienna Constantinopolim ablegatos, ad se contendere. Quamobrem & Budensis bassa, missis ad imperatorem Maximillianum muneribus amplissimis, petiit; ne turbati pacis tractationem pateretur. Sua quidem ex parte futurum aiebat, vt palis transfigerentur omnes, qui per Cæsaris fines excurrere damnum dedissent. Hæc

30 ille multoties pollicebatur, sed e diuerso duces Erdeliani, quum Suendium viderent abiisse Cassouiam, ne spem pacis interrumpere: collectis non magnis copiis, impressione nec opinata Risuarum adorti ceperunt, occupatis etiam thermis, quas Riuulos Do-

minorum adpellant. Has enim Suendius ante biennium eis ademerat. Id ubi factum Ruberus accepit, legatus Suendij, magnæ vir bellicis in rebus industriæ, mox cum iustis equitum pedumque copiis adcurrit, & hostibus inexpectato suo teritis aduentu; Risuarum, adhibita vi maxima, recuperat: præfidiarios interficit: 5 moxque Riulos etiam nullo negotio recipit. Quippe casu quodam accenso pulvere tormentario, castrum ardere cepit; ideoque maiori parte propugnatorum extincta, in Ruberi potestatem venit.

- C. 1568. Anno denique Mahumerano DCCCCLXXV, pax octavo quo- 10
que anno renouanda inter Maximilianum Augustū, Sultanumque Selimem coit, qua Erdelianus etiam comprehendebatur. Eius quum aliæ leges & condiciones erant, tum uti quisque sibi retineret, quidquid eo bello cepisset. Id vero plurimum Maxi- 15
milliani rebus profuit. Nam fines suos opera Suendij sic ampli-
rat, ut ad XL millia Germanica eis & ultra Tibiscum late domi-
naretur: qua quidem in regione multæ sunt arces, multæ munitiones insignes, partim ab hoste captae, partim factæ diligentia Suendij, partim inchoatae. Idem & ararij noui (Cameram vulgo vocant) in iis locis auctor exstitit, de quo non leue subsidium 20
publicis rebus accessit: castris, aliisque munitis locis, cum imperio Germanos, iustis & grauib; de causis, præfecit: totam denique rem limitaneam matura prouidentia, tam in Vngariæ, quam
& 1569. vicinæ Stiria finibus cōstituit: anno DCCCCLXXV, & DCCCCLXXVI.
C. 1569. Hoc anno DCCCCLXXVI splendidissimum & instructissimum 25
Venetiis nauale, sub medium mensem Septembrem, accēso tormentario pulvere, maximo cum reipublicæ detrimento conflauit. Ibidē tam in vrbe, quam terra continente, diuturna & inusitata quædam erat annonæ caritas. Quamobrem Sultanus Selim- 30
es, licet initio regni pacem, a Soleimane patre cum Venetis initam, confirmasset; tamen vel ambitione propria, vel suorum impulsu, vel hoc Venetorum aduerso casu permotus, bellum eis inferre statuit, quæ sito prætextu, quasi Cyprum nullo iure possiderent, quæ ob successionem gentis Osmanidarum in iura Sultano-
rum

norum *Ægypti*, ad sedirecto pertineret. Licet enim *Selimes* auus & *Soleimanes* pater, annui tributi, quod a *Venetis* eius regni nomine pendebatur, solutione contenti, possessionem in *insulæ Venetis* hæcenus reliquissent: nullum tamen hoc sibi gignere præiudicium posse dicebat, quo minus iam tributo repudiato, regnum sui iuris occuparet, ac sibi retineret.

Itaque mense *Februario* sequentis anni, *Cubatem Zausium* *Constantinopoli* *Venetias* ablegavit, qui a *Senatu* *Cyprum* repperet: ac reculaturis, bellum denuntiaret. Adpulitis *Venetias* sub initium mensis *Aprilis*, anno *DCCCCLXXVII*, & mandato *Selimis* C.1570. exposito, repulsam tulit.

Quapropter mense *Maio* missi cum classe militeque fuerunt, qui bellum *Cyprium* gererent, *Mustaphas* *basilæ*, *copiarum terrestrium*, & *Pialis* *Alisque* *basilæ*, *classiariorum* præfecti. *Pialis* prouectus cum suis ad *Tenum*, in *insulam Venetorum* in *Ægæo*, ferro ac flammis eam, non sine graui tamen suorum iactura, direptam vastauit.

Mense *Iunio* *Sebastianus Venerius*, in *insulæ Corcyræ* maxima cum potestate præses, *Soppotoum* castrum *Albanæ*, non procul a *Corcyra* situm, expugnauit: ei; præsidio imposito, ac rebus necessariis munito, *Manuelem Murmurium*, oriundum e *Napolio Romanæ*, (*Naupliam Argiæ* veteres adpellauere) præfecit.

Sub eiusdem mensis exitum *Marcus Quirinus*, *classis* in *Hadriatico* præfectus, arcem *sinus Mainensis*, (*Mainam* sunt qui *Leuætra* veteribus adpellatam putant, ipsum vero sinum *Mainensem*, *Messeniacum*;) ad portum, quem vulgo *Qualliarum* siue *coturnicum* vocant, positam feliciter expugnauit: actisque sub ea cuniculis, & supposito incenso; puluere tormentario, funditus euerfam diruit: ne barbaris amplius receptum præberet.

30 *Nicosia*, *Cypri* metropolis, sub exitum *Iulij* menses a *Mustapha* *basilæ* obsideri cepta, & acerrime tam oppugnata, quam defensa, tandem die *x Septembris* in hostium potestatem venit, misereq; direpta fuit: cæsis præsidiariis, extincta nobilitate, per exiguis reliquiis seruituti mancipatis. Erat olim *Cypri* regia, quæ centum &

amplius ante hoc tēpus annis redacta fuerat sub imperiū Sultani
 Cairensis, eiq; hoc modo facta tributaria. An. Christiano 1423
 bellū erat Iano Petri filio, regi Cyprio, qui penultimus fuit inter
 legitimos reges ex Lusignana familia, cū Ægyptio siue Cairensi
 Sultano Melechella: quo bello capt⁹ ab hoste Cyprius, persolutis 5
 cxvijo Seraphinorū, in regnū cū pacto tributū annui restituitur.
 Is moriens filiū Ioan. reliquit impuberē, cui primo matrimonio,
 postquā adoleuisset, filia Marchionis Itali Mōtisferratenf. nupsit:
 qua mortua, Helenā Palæologinā duxit. Ex ea nata fuit vnica filia
 Karulota, quæ Io. Lusitano primū nupsit, cui præbitum venenum 10
 mortē adtulit. Erat Karulotæ Iac. frater, illegitimo toro natus, cui
 sacris initiato pater archiepiscopatū Nicosianū adsignarat. Is im-
 perādi libidine ductus, ecclesiastica dignitate spreta, regnū inua-
 dit: a quo tēpore dictus a Græcis Cyprius fuit Re Zages, (sic enim
 in quodam manuscripto libello meo Græco legitur) adpellatione 15
 partim Italica, partim Gallica. Nam Gallis *Roi Jaques*, rex Iacobus
 est. Karulota secūdas nuptias cum Ludo. Sabaudi Ducis filio cō-
 trahit. Is classem instruēs, in Cyprū cum Karulota coniuge profi-
 cisitur. Redeunte legitima regis defuncti filia, iustaq; regni here-
 de, Iacobus nothus regno pellitur. Eiectus ad Sultānū Ægypti Sy- 20
 rixq; confugit, Aleſſeraphū, & opem eius ad recuperandū regnū
 implorat. Adſensus postulatis Iacobi Sultanus, eum pulso vicissim
 cū Karulota Sabauda, in regnū reducit: & nomine restitutionis
 huius ac beneficij, tributū non inuito imperat. Id tributū ex mer-
 cibus quotānis Sultano soluendis cōstabat, certo mercium genere, 25
 specierumq; numero expresso. Necdū id temporis vxorem Iaco-
 bus duxerat. Itaq; Venetias profectus, Æcaterinā Cornarā, prius a
 Senatu S. Marci filiam adoptatā, constituta de publico dote, ma-
 trimonio sibi copulat: vt hoc adſinitatis Venetæ vinculo, potētissi-
 mæ mari reipublicæ præsidio seq; regnumq; suum stabili-ret. Nec 30
 multo post, relicta cōiuge prægnante, moritur. Cōtigithoc anno
 Christ. 1470, qui M. hum. erat 874. Exſtincto rege, postumū re-
 gina marē parit, qui tamen non diu superſtes fuit. Tum vero Ve-
 neti viduæ perſuadent, vt regno cederet, cui defendendo par ipsa
 nō eſſet, annuoq; rēditu 4 aut 5 milliū Zecchino: ū cōtenta, patriā

immortali beneficio sibi deuinciret. Hoc modo redacta in potestate insula, nihilominus Veneti Sultano Ægyptio, tributum eius nomine, quod Iac. rex illi pollicitus fuerat, merces in pactis cōuentis expressas quotānis mittebāt: donec an. Ch. 1517, qui Mahumetus erat 923, Sultano Tōmambai & Mamelucis a Sultano Selime deletis, & Ægypto Syriaq; subiugatis cōuersum a Selime victore, Mamelucorumq; successore, tributum hoc fuit in certū pretium, videlicet VIII CIO Zecchinorū: quos Cyprī nomine Sultanis Turcicis ex eotēpore Veneti persoluerunt, donec a Selime II, Cyprū
 10 sibi ceu domino directo, repetēte; bellū, de quo nunc agimus, indictū Venetis fuit. Capta Nicosia, Famagustā Mustaphas bassā rādem obsidere cepit an. Mahu. 978. sub medium mensem Aug. C. 1571.

Anno DCCCCLXXIX, dum obsideretur, & grauissime a Turcis oppugnaretur Famagusta, classis Turcica damnum illatura Venetorum insulis in Ægæo, Ali bassā duce Cretam (Candiam nūc vocant) petiit: vbi exposito in terram milite, sœuitum in obuios immaniter. Munitis ciuitatibus & opidis ita prospectum mature fuerat a gubernatoribus insulæ, nullum vt ab hoste detrimentum acciperent. Solum Rhetyum ad ortus Vluzalis, Africanae Bar-
 20 bariæ profultanus, cuius ante facta mentio, quod ab incolis desertum fuisset, nemine resistente, mense Iunio vastauit. Ali bassā tandem recensitis copiis suis, quod apud ipsos per fabas vel aspros fieri consuevit, quum III CIO IOCC amisisse se videret: relicta Creta, Cerigum Veneti iuris e regione promontorij Maleæ
 25 sitam insulam, (Citheram dixere veteres) ad S. Nicolai portum inuasit, & maiori ex parte diripuit. Inde Zacynthi & Cephallenię suburbiiis ac vicis excidio datis, (arces enim præfidiis & opere sic muniarāt Veneti, vt eas hostis adgredi non auderet) Soppotoum pergit Ali bassā: numeroq; militum superior, cæsis captisue præfidiariis, arcem recipit: cuius etiā præfectus Manuel Murmurius,
 30 vir bello strenuus, in hostis potestatem venit.

Hinc obsessum terra marique Dulcinium, situm in Albanie Dalmatiæque finibus opidum, mense Iulio Turcis se dedit: ciuib; libertatem suam, militibus vitę pactis incolumitatem. Sed dum contendunt inter se bassæ, quorum alter opidū terrestribus

copiis, alter mari obsederat, utrius esse deberet: plerique omnes in seruitutem abducti fuerunt, exceptis Sarra Martinengo, Dalmatix supremo cum imperio gubernatore, ac Marco Venerio, Dulcinij præfecto.

Tunc etiam Turci potiti fuerunt Antibari, per summam ignavi- 5
uiam deditionem faciente Alexandro Donato præfecto: item-
que Butua, quæ defendi non potuit, quod esset versus mare pa-
rum munita.

Vluzalis & Caragosa Raifus, quum ad insulam Liesenam
adpulissent, (Farum Dalmatæ vocant, ubi Farenfis est episco- 10
patus) suburbia depopulati sunt: arcem, quam egregie muni-
tam vidimus, tentare non ausi. Liesena relicta, Curzolam petie-
runt, quam Corecyram Nigram vocant, haud procul inde disti-
tam: cui quidem insulæ nihil aliud dedere damni, quam quod V-
larim pagum flammis iniectis exusserunt. Nam quum opidum in- 15
sulæ, quod ipsum quoque Curzolæ nomen habet, a viris deser-
tum, adgrederentur: a feminis, animose patriam defendentibus,
memorabili cum marium Curzolanorum, & ipsorum hostium
infamia, femineque sexus immortalī laude, reiecti fuerunt.

Famagustani per integrum annum obsessi, quum fortiter ha- 20
tenuis omnem vim hostilem sustinuisent: tandem in extrema
rerum omnium pænuria deditionem fecerunt, his legibus: ut Ve-
netis vitæ concederetur incolumitas, & uti cum armis suis ac fa-
cultatibus in Cretam deducerentur: Græci domos suas incole-
rent, possessionibus suis fruerentur, ritu Christiano viverent. Qui- 25
bus condicionibus a Mustapha bassa, initio mensis Augusti, anno
C. 1572. DCCCLXXIX, laudatis & adprobatis, ipsiusque manu subsignatis:
die quinto dicti mensis Augusti prodiit ex vrbe Marcus Anto-
nius Bragadinus, sub quo defensa fuerat hactenus, & cum illustri
nobiliū virorū comitatu in Mustaphæ castra venit, eiq; cla- 30
ues ciuitatis, quod in deditionibus fieri solet, obtulit. Exceptus
initio cecimenter a Mustapha bassa, mox ab illa crudeli bellua, per
summum scelus violata fide, quum aliis per ludibrium adficeretur
exquisitis iniuriis, tum ad extremum viuis excoriatur. Lauren-
tium

tium Teupolum, Paphi præfectum, qui & ipse cum aliis Fama-
gustam singulari virtute propugnat, suspendio Mustaphas ne-
cari, ceteros dediticios immaniter cōtrucidari iussit. Turcorum,
qui obsidionis principio in vniuersum ad ducenta millia cense-
bantur, in quibus erant Azaporum LXXXCI, Genizarorum
XIIIIC, volonum (Acanzios ipsi vocant) LXC, periisse constat
obsidione durante, supra LXXXCI.

Erat initio belli Cyprij, defendendæ contra Turcorum vim,
reipublicæ Christianæ causa, percussum fœdus inter Pium v Pō-
tificem maximum, Philippum regem Hispaniarum, & Senatum
Venetum. Eius fœderis copiarum omnium designatus fuit im-
perator, Ioannes Austrius, Karuli Augusti F. Hispani frater. Pon-
tifex suis tiremibus Marcum Antonium Columnam, Ducem
Talliacoccianum, nobilitatis Romanæ principem, præfecit: Ve-
neti amplissimæ, quam instruxerant, classis imperium Sebastia-
no Venerio, quem postea Ducem quoque suum crearunt, com-
misere. Præter hos & alij hac erant in expeditione principes & il-
lustres viri, magnus regni Castiliæ Commēdator, Afcianus Cor-
nianus, Ioannes Andreas Doria princeps Melphitanus, Augusti-
nus Barbarigus, Marcus Quirinus, Antonius Canalis, Veneti: A-
lexander item Farnesius, Octauij Ducis filius, princeps Parmen-
sis; Franciscus Maria, Guidonis Vbaldi filius, Rouereus, Vrbini
princeps; Paulus Iordanus Vrsinus, Dux Braccianensis; Aluarus
Marchio S. Crucis, & alij plures. Hæc classis quum mense Se-
ptembri Messana Siciliæ soluisset, hostilesque nauales copias ad
Inebechtim subsistere (sic Turci nominant ciuitatem, quam no-
stri Lepantum adpellant, veteres dixere Naupaetum) nuntiatum
esset: tandem ad portum insulæ Cephallenæ, quem vallis Ale-
xandrinæ vocant, adpulit. Stabat haud procul a nostris in Ine-
bechtino sinu, qui Corinthius olim nūcupabatur, classis hostium:
cui cum imperio præerant, Pertauus bassa copiarum terrestrium,
& Alis bassa sociorum naualium dux supremus. Inter hos, cōgni-
to Christianæ classis aduentu, sententiarū diuersitas exstitit. Per-
tauus abstinendum iudicabat a prælio, quod cōiuncta iam Chri-

stianorum classis, vnus imperio ducis regeretur: expectandum
 esse perexiguum ad tempus, quo futurū sit, vt, illo præsertim anni
 tempore, soluat. Alis e contrario sentiebat, omnino dimican-
 dum. A Pertauo stabant rei naualis peritissimi veteranique du-
 ces, Sirocus Alexandriae sangiacus, Carabuces sangiacus Souris
 faris in Caramania siue Cilicia maritima Mechemeres begus, Sa-
 lae Raifi filius, sangiacus Eubæe siue Negroponti: cum Ali vero
 sentiebant, Chafanes begus, Chairadinis Barbarossæ filius, Vlu-
 zalis profultanus Cefairensis, & Caias begus Smyrnenfis sangia-
 cus: quorum sententia tandem vicit, Vlzali iubente in medium
 proferri & recitari mandatum Sultani Selimis, quo victoriam vi-
 ti prosequerentur, eis iniungebatur. Omnium ergo sententiis de-
 cretum prælium, quod non minori animorum alacritate nostris
 etiam expetentibus, commissum fuit ad tres exiguas insulas, vel
 marinos potius scopulos, quos Cuzolaros hodie tã Græci, quam
 nostri vocant. Victoria potiti sunt multis a sæculis inaudita Chri-
 stiani. Perit occisus Alis bassa. Pertauus animaduerso præsentis
 suorum interitu, non magno nauigio fugiens ad terram euasit:
 Vlzalis mari profugit cum xxx plus minusue triremibus. Cæsa
 fuerunt hostium ad xxvciō, capta iiii ciō. Classis hostilis vni-
 uersa, cum spoliis immensis, Christianorum in potestatem ve-
 nit; iis dumtaxat exceptis triremibus ac nauigijs, cum quibus V-
 luzalim euasisse diximus. Liberata Christiana mancipia supra
 xiiii ciō. Pugnatum die vii mensis Octobris, anno Mahumeta-
 C. 1572. no dcccclxxix.

Hac Turcis illata clade, Veneti Margaritinum, in Chimerio-
 tarum regione, quæ Albanie pars est, (sic a Cerauniis dictam
 montibus aliqui putant) haud procul a Coreyra situm, deditio-
 ne ceperunt xii die Nouembris, vitam facultatesque saluas pa-
 cificentibus barbaris: & ipsum castrum mox igne concrematum
 diruerunt. Soppotoum quoque desertum a Turcis, Albani oc-
 cuparunt, & Veneris restituerunt: a quibus redditum deinceps
 Sultano Selimi fuit.

Anno sequenti proximo, DCCCCLXXX, xv mēis Ianuarij, tenta fuit a Venetis obsidio Castelli noui, captis suburbiis: sed succurrentibus barbaris, ab obsidione discessum. Cupiebant Veneti hoc opido cum arce potiri, vt omni periculo Catarum, ciuitatem sui iuris longe munitissimam, liberarent. Situm est enim Catarum in sinu quodam maris, qui Rizonicus olim vocatus fuit, nunc ab ipsa ciuitate Catarinus dicitur: cuius ostium Turci hactenus Castelli noui propugnaculo claudere, ne Cataro succurri possit, frustra conantur.

- 10 Variz contigerunt ætate nostra mutationes in regno Tunifino, quo superioribus annis rex Assan, Machmetis filius, (Muleassem nostri non recte vocarunt, quum Mule regem vel dominum ipsorum lingua significare tradatur, Assan vero proprium fuerit ei nomen) excluso necatoque maximo natu fratre Mamuna, qui
- 15 nostris est Maimon, potitus fuit. Idem ceteros quoque fratres suos, quos moriens ei pater xxxi reliquerat, aut interfecit, aut ferro candenti oculis adhibito cæcauit: excepto Roscette, qui secundo loco genitus fuerat. Is in conatu pellendi fratris Assanis, re parum feliciter gesta, Cesairim (Algerium nostri vocant) profugit ad Chairadinem Barbarossam: qui Roscette Constantinopolim misso, sub eius tamen reducendi prætextu deceptis Tunifinis, Assanem expulit, urbem cum arce totoque regno cepit, ac Sultano Soleimani, se pro sultano adpellans, subdidit: quod quidem accidit anno Mahumetano DCCCCXL. Assanem Karu-
- 25 lus Augustus in regnum, expulso Chairadine, reduxit anno DCCCCXLIII. quod ille deinceps a nemine vexatus obtinuit vique ad annum DCCCCL, quo aduentantis cum classe Chairadinis fama territus, in Siciliam Neapolimque traiecit. Amida filius Tunifin, cum arce per absentiam patris Assanis occupat, reuersumque patrem capit, & oculorum pupillis candenti scalpello laxis, visu spoliatur. Eadem immanitate tractati ab Amida fratres, Nahaser & Abdallas, quos cum patre ceperat. Amidam regno patruus Abdamelechus eiecit. Is enim Guletam profectus, & Francisci Tovariz Hispani, Guletæ præfecti ope Tunifin ingress-

C. 1573.

C. 1534.

C. 1537.

C. 1544.

sus, mox in arcem velata facie pergit, eamque deceptis custodi-
 bus, qui Amidam esse credebant, occupat. Abdamelecho post tri-
 gesimum & sextum regni diem rebus humanis exempto, succe-
 dit filius Machmetes, annos dumtaxat XII natus: quo necdum
 gerendæ reipublicæ per ætatem idoneo, quum intolerabilis cu-
 ratorum eius administratio plerisque videretur, rediens Amida,
 regnum patrueli eripuit. Amidam rursus excussere Turci, duce
 C. 1573. Vluzali, anno DCCCCLXXX. fuitque Sultani Selimis auctoritate
 suffectus in ipsius locum rex alius. Amida Guletam profugiens,
 quæ Hispanorum præsidio tenebatur, priuatam cum duobus fi-
 liis vitam egit. Quumq; magno recuperandi regni desiderio fla-
 graret, suos ad Ioannem Austriam, nauali de Turcis victoria to-
 to iam orbe celebrem, mittit: qui opem eius auxiliumque posce-
 rent, ut regno restitueretur. Simul habiturum se promittit inge-
 ntes ab amicis sociisque copias, & eam annonæ abundantiam, quæ
 ipsius exercitui vel maximo suffectura sit. Adnuit eius postulatis
 Austrius, & insigni cum classe, quam aliis etiam cum triremibus
 Dux Sueffanus, & Melphitanus princeps, Ioan. Andreas Doria
 comitabantur, in Africam transiit, Tunisim occupat, regem a
 Turcis datum in potestatem redigit, urbem captam militi suo di-
 ripiendam concedit. Quum autem promissis Amida non satisfac-
 ceret, fluxæque ceteroquin etiam fidei signa quædam præberet,
 sollicitatis secreto Turcicis auxiliis: cum duobus filiis in Siciliam,
 iussu Austrij, transfectus fuit. Ibi quum futurum accepisset, ut fra-
 ter eius Machmetes, cui maxime infestus erat, regno præficere-
 tur: in eum furorem adactus est, ut de triremi se præcipitaturus, &
 aquis suffocaturus esset; vix Amida filio, quo minus id faceret, im-
 pediente. Machmetes Amidæ frater, ab Austrio regnum impe-
 trauit, præstito prius in Austrij præsentia sacramento, quo se per-
 petuo fidelem Hispano regi clientem futurum promisit. Is proximo
 deinde bello, quod exposituri statim sumus, in Turcorum
 potestatem venit, & Constantinopolim trans mare vectus fuit: v-
 bi superstes adhuc ante triennium, quum istic essemus, in arcem,
 quæ de septem turribus a Græcis Hepta Gulades, a Turcis Iadi-
 cula

cula dicitur, sub custodia detinebatur. Hinc Austrius suorum concilium cogit, in quo variis dictis examinatisque sententiis, tandem conclusum: debere nouam munitionem inter Guletam & Tunisim, ad interiectum vtrique lacum exstrui, quæ x milliari-
 5 bus Italicis a Guleta, paulloque minus a Tunisi distaret. Eius rei perficiendæ causa relictus istic Gabriel Serbellonius Mediolanensis Italus, cum IIIICIO Italorum peditum; & Salazarus Hispanus, cum totidem Hispanis: quorum vterque muniendarum urbium & arcium peritissimus erat. Consilij totius hic erat finis &
 10 scopus, vt hoc modo Guleta firmior efficeretur, & tanto facilius in fide barbari continerentur, ob viciniam vtriusq; præsidij, commoditatemque lacus; ad quem quia sita esset vtraque munio, nullo negotio alteris alteri subuenire possent. Gesta fuerunt hæc anno DCCCLXXX.

C. 1573.

15 Ægerrime ferebat Sultanus Selimes hos Christianorum in Aphrica progressus. Itaque Sinanem bassam, virum astutum, reique militaris peritissimum, classi supremo cum imperio præficit, qua CLX triremes, & XXXIII diuersi generis nauigia continebantur. Is in Aphricam mense Iulio, anno Mahumetano
 20 DCCCLXXXI, adpulit.

C. 1574.

Quamquam vero nouæ munitioni absoluendæ præfectus Serbellonius magna rebus in omnibus diligentia fuisset vsus, tamen ea necdum erat perfecta, quod serius architecti, cum fabris cæmentariis, & omni materia missi, tandem in Aphricam sub
 25 nem mensis Martij peruenissent: quorum aduentus Octobri mense præcedentis anni promissus fuerat, cum XL triremibus, quarum nauales socij muros Tunisinæ urbis ad structuram nouæ munitionis demoliri debuerant: quod factum non fuit, quantumuis Austrius in vicina Sicilia degeret. Erat etiam præsi-
 30 diariorum militum deminutus numerus, exauctoratis temere nonnullis, quos omnem in euentum retentos oportuit. Hoc modo per ignauiam socordiamque factum, vt in hostium potestatem munitiones hæc nullo prope negotio venirent.

Turci primum Guletam obsidere ceperunt, cui Petrus Carrera Hispanus præerat. Ei Serbellonium de subsidii mittendis vgenti, quamquam loco munitiori esset, Serbelloniano necdum ad finem perducto; tamen DCL pedites partim Itali, partim Hispani fuere missi. Hinc a Turcis etiam Serbellonius obsessus fuit, quorum exercitum novis adductis copiis Ramadam Cefairis beglerbegus adauxerat. Carrera denuo subsidium petit. Ea res anxium Serbellonij animum non parum torquere. Si nullos mississet, futurum verebatur, ut in ipsum amissæ Guletæ culpa conferretur: sin autem, ut suo semet præsidio nudaret. Nihilominus concessa Carreræ manus subsidiaria. Duobus interea nauigiis adpulerunt ex Hispania DC milites Hispani, qui noctu per ipsas Turcorum excubias penetrantes, quum vexillis & vestibus Turcicis uterentur, & quosdam Turciceloquentes secum haberent, Guletam ingressi sunt. Tandem & tertio Carrera militem sibi summitti a Serbellonio postulat, & quingentos beneficio noctis vfos impetrat, cum egregiis præfectis, ac inter alios, Salazaro magnæ virtutis & existimationis viro. Nihilominus arx Guletana Turcorum in potestatem venit. Neque defuerit, qui Carreram prodicionis infimularent. Prius quidem certe, quam Turci adpulsissent, vel per inscitiam, vel superbiam, quingentos milites veteranos Italos admittere noluit: quod minime cõcessurum se diceret, ut in eius gloriæ partem venirent Itali, quam Hispani Guleta defendenda consequuturi essent. Equidem apud ipsos Turcos ex fide dignis hominibus accepi, Carreram fuisse virum prorsus ignavum & formidolosum, qui pulveris tormentarij nidorẽ ferre non posset, nec tolerare fulmina displosarum machinarum: quæ sane quoties in hostem exonerabantur, ipse subterraneis se testudinibus, cõcameratisq; locis abdebat, bombæque suas obthurabat aures. Ferunt rei Turci prodicionis obtulisse præmium, regni Cyprus præfecturam: neq; tamen dediticio pepercere, sed tamquam vilij mancipio fuisse vfi. Capta Guleta, præter aliam prædam, potitus est Sinan bassa quingentis machinis bellicis, cum ingenti tormentarij pulveris, aliarumque bello necessariarum rerum, & an-

nonæ

nonæ copia. Noua quoq; deinde munitio a Turcis occupata fuit, nō tamen multo sine sanguine: capto etiā Serbellonio, qui crudeliter a Sinæ bassâ tractat⁹ fuit. Hoc modo prorsus eiecti sunt Hispani ex Aphrica, intra trigessimū & sextum diem: amissaq; per
 5 summam ignauiam ea, quæ Karulus Augustus in potestatem optimo consilio redegerat, vt securitati Siciliæ, regni Neapolitani, totiusque tum Italiæ, tum Hispaniæ consuleret. Fuerunt autem hæc anno DCCCCLXXXI gesta, cuius initio Veneti certas ob causas, non consultis, & inuitis adeo, Pontifice atq; Hispano, contra
 10 leges fœderis, pacem cum Sultano Selime II fecerant.

C. 1574.

Tunc etiā Corcyre muniendæ Venetis occasionem præbuit exscensus crudelis in eam insulam Sinanis bassæ, redeuntis ex
 Aphricano bello. Nam licet ab insulanis ei, placādi hominis causa, cuius præsertim tunc victoris insolentiā norant, munera quæ-
 15 dam offerretur; tamen illis reiectis, immaniter in eos grassatus est. Missi hoc nomine fuerunt in Corcyram quum alij rerum militarium periti, tum etiam Sfortia Palauicinus, Marchio Curtis maioris. Horum consiliis ita tum munitæ cum opido fuerunt arces
 illæ præaltis in rupibus sitæ, vereq; caput inter nubila (quod Maro dixit) condentes, quas ipsum mare circumfluit: n hil vt equi-
 20 dem viderim aduersus omnem vim hostilem firmius, nihil inexpugnabilius.

Annus DCCCCLXXXII memorabilis est plures ob causas. Nam
 extincto Sultano Selime II, filius Murates III eius nominis, au-
 25 spicatus est imperium, cum ipso huius anni Christiani principio. Agebat id temporis annum ætatis XXVII. Ante omnia recepto more barbaro strangulati quinque fratres suos, natu se minores, in præsentia sua iussit: quorū minimi ceruicibus & iugulo quum
 pro more neruus adhiberetur, incertum an tenerioris in hunc amoris causa motum, an cōscientia patratæ crudelitatis in omnes,
 30 illacrumasse quidem ipsum constat.

C. 1575.

Itidem mortuo Scacho Techmase Parthico, successit filius nō primogenitus, Muchemetes Hodabendes; nec Ismail, eius nominis in hac Sophina familia secundus, secundo loco genitus: sed

proximus ab his Haidar Mirises, qui annis aliquot antea patris in regno suprema cum potestate vices gesserat. Is tamen vix xv diebus regno frui potuit, occisus a Sultanis quibusdam, siue proceribus regni, qui eum oderant. Hi deinde secundogenitum Scachi Techmalis filium Ismailem, eius nominis secundum, e carcere productum regno præficiunt. Fuerat enim a patre coniectus in carcerem, propter quorundam procerum delationes, & in eo pluribus annis hæserat. Iam regno potitus, ut animos suorum exploraret, ac præsertim ut cognosceret, quinam essent illi Sultani, quorum impulsu & consilio custodiæ mancipatus a patre fuisset: secretum in locum semet abdit, & quorundam opera, quibus maxime fidebat, mortem suam publicari curat. Eius rei fama diuersos in hominum animis motus, prout adfectus in Ismailem quisque fuisset, excitauit: in aduersariis & hostibus læticiam, in amicis luctum. Hoc modo prodentibus semet inimicis ac delatoribus, illatum ab Ismaile mortis supplicium fuit. Idem non Sultanos dumtaxat sibi suspectos, verum etiam fratres suos omnes, quotquot nancisci potuit, e medio sustulit. Et quia deficiente tunc a Turcis sangiaco quodam Curdo, de quo mox dicturi sumus, aliqui proceres Ismaili auctores erant, ut illum Turcis dederet, ne pax inter utramque gentem dudum inira seruataque violaretur: non modo consiliis eorum non obsequutus est, verum etiam dendendi supplicis auctores, bellicque Turcici dissuasores, poena capitis, ut proditores, adfecit. Qua hominis seueritate nimia plerique grauiter offensi, sexto regni mense venenum ei, sororis opera, propinarunt: quo hausto, vitam cum morte commutauit.

C. 1576.

Anno DCCCCLXXXIII, Stephanus Batorius, Somlianus, nobilis Vngarus, ceteroquin heroici vir animi, qui paucis ante annis extincto Ioanni Sigismundo Erdeliano bego, (mortuus enim is fuit an. Christiano c10 10 LXXI, qui Mahumetan^{us} erat DCCCCLXXVIII) 30 cum onere tributi annui, Sultano Musulmanorum soluendi, successerat: commendatione Sultani Muratis, patroni sui, Poloniæ rex factus est: quum Henricus Valesius Gallus, quem ipsum quoque Poloniæ regno potiturum opera sua Murates iactitate solabat, a morte

a morte Karuli fratris e Polonia profugus, de sententia procerum regno fuisset abdicatus.

Eodem anno Scachi Techmalis filius primogenitus, Muchemetes cognomine Hodabêdes, quod Persarû lingua Dei seruum significat, mortuis fratribus, Haidari Mirisæ, atque Ismaili secundo, succedens; licet a natura quietis cupidus esset, inchoatum tamen ab Ismaile fratre contra Turcos bellû prosequi statuit: quod ei filius esset Emir Chan Mirises, magni iuuenis animi; gerendarumque rerum in primis audus. Hunc copiis suis supremo cum imperio præfecit. Causæ belli variæ fuerunt, quas paulo altius heic repetemus, nusquam ab aliis hætenus ita proditas. Operam enim dedimus, vt in ipsa Turcia certi aliquid de rebus hoc bello gestis cognosceremus a fide dignis hominibus, spretis vulgo iactatis, perque litteras sparsis hinc inde rumusculis, & rerum nouarum muntiis.

Ismaile Scacho superstitite, quidam sangiacus natione Curdus, cui nomen Abdallas begus, quum quædam ob causas in suspicionem venisset, imperante Sultano Selime II, patre Muratis III, euocatus fuerat a Sultano Selime, sub alio prætextu, qui barbarorum mos est, ad Portam vii se conferret. Paruit Sultani mandato Curdus, nullius sibi culpæ conscius, & Hadrianopolim ad Sultannum Selinem venit. Mâdat Selimes, vt captus in carcerem conjiceretur. Solet hoc fieri, quum magnæ auctoritatis vel familiæ viri ad præhendendi sunt, per Zausiorum bassam, qui præest aulicis nobilioribus, quibus Sultanus Musulmanorum vitur, quemadmodum principes nostri Commissariorum variis in rebus expediendis opera. Dum Zausiorum bassa sangiacû hûc Curdum Hadrianopoli præhendere suis cû Zausiis conatur in Sultani Muratis II messita, Curdus se cum suis defendens, ipsum ibidē interfecit, ceteris partim occisis, partim vulneratis. Hac de causa Selimes ei, cum omnibus suis, ceruices amputari iussit. Quum illo iugulato, fratris eius filius successionis iure sangiacatû ipsius possideret: quidā alius a dñatus adita Porta Osmanica, partim oblati, partim promissis ingentibus donis tam ipsi Sultano, quam cōsiliariis.

cuius, quos Vezires adpellant, adgnati sui sangiacatum impetrauit. Citatus alter ad Portam, qui rem omnem intellexisset, sibi que metueret, ne absque culpa sua ferret eandem pœnam, qua patruus adfectus fuerat: deuirata profectioe ad Portam, quasi de Sultani Selimis obtinenda gratia desperans, in Parthiam profugit ad Scachum Ismailem secundum, qui tunc rerum apud Parthos potiebatur. Sciendum vero, sangiacos illos Curdorum, licet imperio Sultani Osmanidæ contineantur, non tamen ita præfici, quemadmodum alij sangiaci solent: sed similes esse Vaiuodis, siue Palatinis, & præsidibus Erdelij, Valachie, Moldauix; quos oportet esse filios procerum, in ipsa regione patria natos, & a suis optimatibus ac populis electos. Curdi vero haud dubie ducunt originem a Chaldæis & Mesopotamiæ populis. Nam in hodiernum vsque diem multi Curdorum principes reperiuntur in regione Bagadatis, quæ Babylonia veteribus est, & Carahemidæ, quæ Amida, & in Diarbekir siue Mesopotamia: quarum regionum populi Chaldæi sunt & Assyrij Wano & Scheherezuli vicini, ac Persarum ad fines vsque se porrigentes. Præterea constat, Arabes hodieque Chaldæam vocare Keldan, quam Persæ cum Osmanicis Curdisthanum, hoc est, regnum Curdorum adpellant. Et omnes isti populi sectæ sunt Mahumetanæ. Quum igitur ad Persas sangiacus ille Curdus, de quo diximus, se cōtulisset: nō modo perhumaniter eum excepit Ismail Scachus, verum etiā omnē suam opem illi ad recuperandam auitam patritamq; ditionē obtulit. Hufreues autē basla, qui Wani finitimæq; regionis tum beglerbegus erat, ceteriq; sangiaci limitanei, qui ad beglerbegatum ipsius pertinebant, quum hæc res intellexissent: damnum Persicis finibus per excursions inferre ceperunt, quod dicerēt, Ismailis Scachi culpa mutuam pacem violatam esse, qui Sultani Musulmanorum fugitiuos & perduelles suam in tutelam contra pacis leges recepisset, eisq; decreuisset opitulari. Hoc belligravissimi, quod hætenus inter Persas & Turcos geritur, exordium fuit.

Accedebant & aliæ causæ, præsertim ex superstitionum discidiis, vanaq; somniorum obseruatione, cui gens Turcica nimium quantum

quantum obnoxia est, collectæ. Nam ante triennium per Anatoliam passim aliquot illorum millia, qui sacris Turcicis, eorumque disciplinis ac studiis incumbunt, (Schophthalarios ipsi dicunt) sese commouerant, ac Persarum siue Sophinorum religionem Turcicis opinionibus anteferre se professi fuerant: adeoque longius ea secta cottidie serpendo, tantum incrementi sumserat, ut etiam Constantinopoli reperirentur, qui eam probarent. Somnia vero fuerunt huiusmodi, quamuis apud Turcos necdum certo constet, an Sultani Muratis hæc fuerint, an eius sacerdotis, quem Sultani sui Scheichem Turci vocant. Creditum tamen a pluribus, ipsimet Sultano Murati oblatum fuisse somnium prius, & alterum Muratis Scheichi: quo nomine veniunt certi sacerdotes, pro viris sanctis apud ipsos habiti. Quippe per quietem stare sibi visus est in medio mundi, sub arbore maxima, cuius essent rami duo, longissimum ad interuallum exporrecti. Nam alter ad extremos solis orientis, alter ad occidentis fines extendebatur. Præterea sibi visus est conspici serpentem magnitudinis immensæ, quem ab oriente profectum, & ad se prouolutum, fuisse, quem manu tenebat, interfecerit. Hoc somnio non nihil commotus, & experrectus fuit. Prius vero, quam ad explicationem alterius somnij accedamus indicandum lectoris causa venit; Mahumetanos, vltra quatuor Mahumetis socios, quorum nomina sunt, Ebubekir, Omer, Osman, & Alis, (& fuere Mahumetis hi successores, ac propagatores Mahumetanæ superstitionis) alios quatuor eximios Imamos siue Doctores venerari: quorum primum Ebuhanismem, propterea quod supremum inter hos locum obtineat, Imamum azemem siue Doctorem summum adpellare solent: alterum vocant Imamū Malichim, tertiū Imamum Schaaffim, quartū Imamum Achmetem Henbelim. Hi quatuor siue doctores, siue sacerdotes, Persis infestissimi fuerunt: ac vicissim magno Persis est in pretio Scheiches Haidar, auctor religionis ipsorum hodiernæ, quæ extreme Turci detestantur. Quū igitur obdormiisset, videre sibi visus est prope portā paradisi Ebuhanismem, quem (vti modo diximus) Imamum azemem vocant, hoc est summū siue sacerdotem siue

pontificem. Is compellato Sultani Muratis Scheiche vel viro illo religioso: Abi, inquit, ad Chalifen terræ, (hoc est, ad vicarium siue successorem prophetæ Mahumetis. Nam persuasi sunt Osmanici, principem suum esse Chalifen huius sæculi) eique dicit, Imamum azemem hoc ipso die, quum egredi e paradiso vellet, Scheichem Haidarem ante paradisi fores inuenisse: quem prælio adortus, non modo vicerit, verum etiam occiderit: adeoque sectam ipsius nunc finem habituram. Hortaberis ergo Chalifen, vt aduersus hæreticos arma capiat: quos auxilio diuino superabit, deque facie terræ dissipabit.

Recitatis duobus hisce somniis, primū Sultani Muratis Scheiches sic interpretatus est, vt diceret medium mundi significare sedem ipsius Sultani Muratis imperialem: & arborem cum duobus maximis ramis, denotare amplitudinem imperij *Sultanici*. Per serpentem intelligi hostem ipsius orientalem, hoc est Scachū Persicum: quem bello superaturus sit, & occisurus, eiusque regnum adiuncturus Osmanidarum imperio. Consimiliter etiam per id, quod Imamus azemes prælio Scheichem Haidarem adortus vicerit, futurum significari; vt Persarum hæresis, vna cum omnibus, qui eam sectarentur, vsque adeo dissipetur & aboleatur: nullum vt ipsorum vestigium futurum sit reliquum. Præterea Sultanum Osmanidam futurum mundi totius Chalifen ac dominatorem.

Hoc modo quum vtrumque somnium Scheiches interpretatus esset, voluit Sultanus Murates etiam Hoggix sui (sic apud ipsos vocantur, qui nostris sunt presbyteri) iudicium audire: cui statim ea placuit interpretatio. Neque defuere, qui dicerent, secretum quemdam inter hunc Hoggiam Scheichemque consensum mutuumque de persuadendo Sultano pactum interuenisse. Solus Mechemetes bassa vezir azemes, quem supra Selimis generum fuisse diximus, & qui deinceps anno Christiano 1579 domi suæ, quum omnibus adeundi se facta copia ius diceret, nequiter a deruisio quodam interfectus fuit; auctor eius belli esse noluit, quod libere consulenti se Murati diceret, nequaquam Persis

sis bellum inferendum, qui iam tot ab annis pacem Osmanidarum cum gente coluissent. Rationibus & argumentis aliis adiungebat elegans, quod Græcis & Turcis vſitatum eſt, proverbiū: Caudam ſerpenti, qui dormit, non eſſe calcandam: ceteroqui futurum, vt excitatus, capite ſuſum erecto, terribiliter pungat. Ad ſummam, bellum hoc Mechemetes baſſa modis omnibus diſſuadebat.

Addendum & hoc, vt odia gentis vtriuſque mutua rectius intelligantur, Perſas inimiciſſimos eſſe tribus Mahumetis prophetæ ſociis, Ebubekiri, Omeri, & Oſmani: ſtudioſiſſimos autem quarti, videlicet Alis. Idem Perſæ tradunt, angelum Gabrielem, quum e cælis in terras portaret Alcoranum, (quo libro Mahumetanorum lex continetur) Ali reddendum, errore quodam cum Mahumeti obuſiſſe: Deumque, velut ea re nequaquam offeſum, qui Mahumetem quoque tali dono gratiaque dignum videret, plane nihil obloquutum eſſe. Præterea dicunt iidem Perſæ, primam vxorem Mahumetis, cui nomen fuerit Aiſche, numquam fuiſſe caſtam. Immo prophetam Mahumetem, qui ſe putaret inuenturum virginem, ac pudicam, reperiſſe plane contrarium. Addit etiam, quod exſtincto propheta Mahumete, quum Alis, propinquus & gener eius, electus fuiſſet Chalifeſ ſive vicarius & ſucceſſor ipſius; Ebubekir fauore malignorum quorundam adiutus, per iniuriam, contra factum a propheta teſtamentum, ſe conſtituerit Chalifeſ. Idem poſt iſtum, reliquos etiam duos, Omerem & Oſmanem, factiſſe. Alim interea quadam in ſpelunca ſemet abdidiſſe, donec omnes ordine morerentur, atque ita tandem eis ſucceſſiſſe. Quum ergo tres iſti contra ſupremum elogium teſtamenti, præceptumque prophetæ Mahumetis deliquerint: nullam iis Perſæ fidem adhibent, quæ a tribus illis vel tradita voce, vel litterarum monumentis prodita ſunt. Immo vbiſcumque libros ipſorum & ſcripta reperiunt, conſeſtim ſtammiſ exurunt, & crudeliſ in eorum obſeruatores animaduertunt. Idem Perſæ Scachum ſive regem ſuum adorant, & ita venerantur, ac ſi Deus quiſpiam terrenus eſſet. Non etiam quinquies in-

terdiu noctuque precari solent, Osmanicorum more; sed semel dumtaxat. Ad summam, sectatores sunt religionis a doctore quodam eis traditæ, cui nomen fuit Scheiches Haidar: & quidam ex ipsis alterius quoque doctoris vestigiis insistant, quem Imamum Harustim adpellant. Hi duo doctores vel Imami, exstiterunt in urbe Persarum Reza, quo tempore vixerunt Erdebil, Vsumchafanis Scachi Persarum gener, & Scachus Ismail, eius nominis primus, Erdebilis filius, Vsumchafanis ex Martha filia nepos. Quumque doctores hi tam concionando, quam scribendo, ea proposuissent, quæ diximus: duo illi principes, Erdebil & Ismail, pater & filius, eorum doctrinam sectamque probarunt & amplexi sunt. Ac filij quidem Ismailis, cognomento Sophini, ea felicitas fuit: ut nouæ religionis, quam Sophinam vocarunt, fama confluentibus ad ipsum paruis initio, deinde maioribus hominum copiis, eandem proeliis victos Persarum reges, lacupem auunculum suum, eiusque filium Aluantem, occiderit; ac sibi regnum subiecerit, ad posteros etiam dignitate regia in hunc usque diem propagata. Nihilominus illi duo Persarum Imami siue doctores, Haidar & Harustis, non Osmanicorum dumtaxat, verum etiam aliorum Mahumetanorum execratione damnantur, tam in Barbaria vel Aphrica, quam in Keziis bassæ latissimo imperio, qui magnus Tatarorum Chan Chitainus vulgo dicitur. Has omnes igitur ob causas adeo Persis infesti sunt Osmanici, ut horum Mu-phitis, hoc est patriarcha vel summus pontifex, hanc de ipsis sententiam tulerit: Gratius nimirum, & acceptius esse Deo, religionis Mahumeranæ causa Persam vnum occidi, licet professione Mahumetanus sit; quam si quis 100 Christianos, a Mahumetanis in religione prorsus dissidentes, interficiat. Denique constat id temporis, quum illustis & generosus Cæsaris Christianorum ad Portam Osmanicam orator, Dauides Vngnadius, Baro Sonneccianus, Constantinopoli discessurus, & Sultano Musulmanorum valedicturus erat, eandem ob causam legatum etiam Persicum ad Diuanum se contulisse. Hunc paullo serius adueniens orator Cæsaris nostri locum primum, sibi debitum, occupasse conspi-

conspicatus: insalutato Sultano, discessurus erat. Sed Mechemetes bassa Vezirazemes, cuius mentionem fecimus, ea re animaduersa: Persam, licet Mahumetanum, inferiore loco sedere iussit. Vnde paret, apud Turcos pluris Christianos religione diuersos, quam Persas Mahumetis cultores fieri.

Expositis belli causis & initiis, & plenius quidem ac verius, quam antehac præstitum a quoquam sit, cuius quidem labor in publicum exierit: nunc ad ipsas bello gestas res accedamus.

- 10 Dictum superius, inchoatum fuisse bellum sub Ismaile secundo, Scacho Persarum: quo non multo post mortuo, licet frater & successor in regno Scachus Muchemetes Hodabendes ceptum a fratre bellum prosequi decreuisset: tamen vt eo paratio accederet, aliud agendum, & aliud simulandum duxit, regno præsertim non ita pridem adito, nec satis adhuc compositis rebus, quas Ismailis temeraria crudelitas non parum perturbabat. Itaque moderationem quamdam præferens, qua turbis inter vtramque gentem nuper exortis remedium adferre cuperet: legatos cum litteris ad Sultatum Muratem misit, quibus
- 15 significabat, numquam se fratris in abruptenda pace consilium probasse: sed in primis hoc semper desiderasse, vt semel inter vtramque familiam constituta, totq; iam ab annis culta pax & amicitia murua, perpetuo conseruaretur.

- Ab altera parte Murates, qui veram crederet expositionem
- 25 ac declarationem indicatorum somniorum, & citra intermissionem ad inferendum Persis hæreticis bellum accenderetur a prædictis Scheiche atque Hoggia, flocci legationes ac litteras Scachi Muchemetis faciebat: adeoque vix auditis legatis imperabat, vt numerosus ac præpotens cogeretur exercitus. Accedebat impulsor alius, nec minus acer, Husreues bassa Wannenensis: qui cotidie veredarios cum litteris Constantinopolim missitabat, per quas litteras Sultatum Muratem certiore reddebat, reapse Persas pacem non expetere: sed dicis dumtaxat causa, litteras & legatos ad Portam misisse, quo scilicet

moram interponerent, seque gerendo bello rebus ab omnibus instructiores efficerent.

C. 1577. Anno Mahumetano DCCCCLXXXIII Scachus Muchemetes cum iis populis, quorum imperator longe omnium toto terrarum orbe potentissimus, Vlu Chan Chitainus, & Kezies bassa cognominari solet, foedus iniit, eosque sibi bello contra Turcos gerendo socios adiunxit: tametsi maiores ipsius continua cum eis be'la gessissent. Licet enim & ipsi Mahumetani sunt, tamen quibusdam de religione sententiis a Persis discrepant. Habuit etiam præter hos, complures ex ipsis Turcis non parvæ auctoritatis auxiliantes, qui ab aliis Turcis Osmanicis in religionis opinione diffidebant, & ad Sophinos inclinabant. Denique non exiguas a Georgianis quoque copias impetrauit, qui antiquitus Iberi dicebantur, & religionem Christianam hodieque profitentur, nonnihil tamen a Græcis & nostris dissidentes. Principibus diuersis patent, & animis ad Persas propendunt, quibus hoc bello plurimum profuerunt.

Ex aduerso Sultanus Murates exercitui suo longe amplissimo, quo contineri credebantur hominum ad ducenta millia, Mustapham bassam supremo cum imperio præfecit, cuius immanitas ac perfidia bello Cyprio nobilitata fuerat. Is die Veneris Aprilis, anno DCCCCLXXXV, Constantinopoli discedens maximo cum Portæ procerum comitatu, qui honoris eum causa deducebant, Iseodaram transmisit. Inde ductis ad hostium fines copiis, quum sub initium Augusti mensis eo peruenisset: Georgianorum res per summam crudelitatem agere, ferre cepit. Inter hos erat femina quædam princeps, quam vulgo vetulam vel annosam vocabant. Ea quum de potentia Sultani Muratis accepisset, sub fide publica filios duos ad Mustapham bassam misit, ut subiectionis & obedientiæ signum erga Sultanium Osmanidam ederet. Illi quum primum ad Mustapham tyrannum venissent, mox ab eo, viro scilicet astuto, nulla datæ fidei ratione habita, quam more suorum erga Christianos, quam Mahumeticanos, pro libitu solebat violare, Constantinopolim ad Sultanium Muratem mitun-

mittuntur. Simul ab ipso certior Murates redditur, numquam ditionem principis annosæ, matris eorum, sub Muratis iugum venturam: ni vel uterque, vel alteruter dumtaxat ad amplectendum religionem Musulmanorum permoueatur. Qua quidem in re tam diu laboratum fuit ab Osmanicis, ut tandem minor natus frater musulmanisaret anno DCCCCLXXXVI, die xxv mensis Iunij: cui propterea paterna maternaque ditio cum hac lege concessa fuit, ut eam titulo beglerbegatus, beneficio Sultani Muratis possideret. Est autem ea regio Tschildiri Tiphlisioque contermina. Maior natus frater in retinenda religione Christiana constantem se præbuit, ac tametsi multum precibus, promissis, minis denique formidabilibus tentaretur: numquam tamen adduci potuit, ut fidem Christianam defereret. Vnde factum, ut ipsis Constantinopoli profectis eodem anno DCCCCLXXXVI, die xv mensis Augusti, simul ac reversi fuissent in patriam, frater hic Christianus confestim exspiraret: de cuius morte diuersæ fuerunt hominum opiniones, aliis a fratre venenum ei datum in itinere perhibentibus, aliis pro certo adfirmantibus, id ei propinatum fuisse Constantinopoli a Turcis, arte tali paratum, ut ad certum terminum paulatim hominem exstingeret.

Ad Mustapham vero bassam ut redeamus, iter is suum & expeditionem prosequens, post varios conflictus & pugnas, quibus modo cum Persis, modo cum Georgianis, insigni exercitus iactura congressus fuit: (mense quidem Augusto primi statim anni, Toemaces Sultanus, Reuani dominus, qui Scacho Muchemeti militabat; vno prælio Turcorum xvco cæcidit) tandem Tiphlisium cepit in regione Georgianorum, ciuitatē finitimam ditioni principis Simonis, & Leuentis begi, qui & ipse princeps Georgianus est. Accidit hoc anno Mahumetano DCCCCLXXXV, C. 1578. mense Septembri.

Posteaquam redacto in potestatem Tiphlisio beglerbegum præfecisset, ac dephterdarum siue Rationalem, vel quæstorem: flumen quoddam suis cum copiis transmisit, quod ab aliis Ares, ab aliis Carasu, id est Aqua nigra vocatur propterea, quod im-

petu veloci fluat, & profundum sit. Dum id flumen transijceret, vno dumtaxat die XVIII^o suorum amisit, quos vorticofus amnis, præter equos, camelos, & mulos, absumsit. Aiunt hunc amnem disterrinare Mediam, hoc est Siruanum, a Georgiana. Transiectis copiis, iter suum direxit versus eam ciuitatem, quæ communi nomine cum ipsa regione Siruanum dicitur, illaque nemine resistente potitus est: quod Persæ facultates suas omnes auxissent, totamque viciniam ferro & igni vastassent. Istic quoque beglerbegum, cum dephterdaro, constituit. Et ciuitas ea totius Mediæ metropolis est. His rebus gestis, ad xxv dies ibidem Mustaphas hæsit. Inde rediturus Arzerumen, suprema cum potestate ducem limitum & exercituum Mediæ, veziremque Portæ creauit Osmanem bassam, qui post etiam vezir azemes Osmanicæ Portæ factus est: relicto ei satis magno Genizarorum, aliorumque militum numero, cum sufficiente tormentorum bellicorum, rerumque ad ea necessariarum, & annonæ copia. Quibus omnibus ita constitutis, cum reliquo Mustaphas exercitu Arzerumen se contulit, Armeniæ maioris ciuitatem, quæ sex dierum itinere Trapezunte distat. Apud Arzerumen alius est beglerbegus, & dephterdarus Sultani Osmanidæ.

Posteaquam huc reuersus fuisset Mustaphas bassâ, Muchemetes rex Persicus numerosum misit exercitum aduersus hostes, Siruani relictos: quibus inter se prælio congressis, victus fuit Siruanensis beglerbegus, omnique cum exercitu cæsus. Persa tam insigni potitus victoria, triumphabundus ad ciuitatem Siruanum properat, eamque paucissimis diebus obsessam recuperat. Osman bassâ, qui ante prælium hoc ad urbem erat, quum primum de morte beglerbegi, & exercitus clade nuntium accepit: quod iam præ oculis obsidionem Siruani, suumque videret interitum, nocte quadam cum paucis suorum versus Temircapim, hoc est Portam ferream, siue Derbentum, aufugit. Id situm est ad mare Caspium, quod ipsorum lingua Beherculzum, siue Culzum denizi dicitur.

In hunc modum recepto Siruano, res a Turcis relictas Persæ diripiunt, muris Siruanum nudant, propugnacula cepta diruunt, regionem cum incolis ab Osmanico iugo liberant, qui maiori ex parte sunt Armenij, reliqui legis Mahumetanæ sectatores: tam Osmanicæ, quam Persicæ superstitionis. Osman vero bassa quum Temircapim venisset, astute sibi Schemhalim Chanem, hoc est regulum siue principem Derbenti, amicum reddidit, addictum Mahumetanæ Osmanicæque sectæ, Persis infectum, natione Tatarum: cuius & filiam duxit vxorem, quæ post
10 instinctu mariti patrem veneno sustulit. Id factum ab Osmane perhibent duas ob causas. Primum, quod vereretur, ne successu temporis eum socer ipse de medio tolleretur. Deinde, ut in potestatem redacta munitione Temircapina regioneque soceri, patrocínio Sultani sui Osmanidæ se traderet, quod etiam reapse
15 fecit. Quippe mortuo Schemhali Chane, Osman bassa solus & absolutus princeps mansit in ditione soceri, nemine prorsus impediante. Confestim vero per Capham, quæ inter Tatariam Moscouiamque ad septemtriones sita, Circassiam versus meridiem habet, ablegatis veredariis, cum litteris ad Sultatum Os-
20 manidam Muratem, eius se fidei potestatique totum dedit & commendauit: simul exponens ea, quæ ab se gesta fuissent: ac petens, ut siquidem non de illius dumtaxat loci ac ditionis, verum etiam de totius Caspij maris, Moscouiæ, Orientalis Indiæ, Samarcandæ Chorasani & Chilanis, Persicarum regionum,
25 imperio summo cogitaret: primo quoque tempore sibi exercitum, pecunias, annonas mitteret. Sultanus Murates lætis hisce nuntiis permotus, quum alias ei res necessarias curauit, tum etiam LXCIO Tatarorum misit, cum duobus fratribus eius Tataræ regis, qui deinceps anno DCCCCXCI ab Osmane
30 bassa strangulatus fuit. Et hæc quidem anno belli primo gesta fuerunt, nimirum DCCCCLXXV: quo Turcorum tam in proeliis, quam com meatu inopia, periisse supra LXXCIO constat.

C. 1584

C. 1578.

C. 1579. Hieme vero exacta, quum æstas anni DCCCCLXXXVI adpetiisset, auxiliaresque copiarum cum pecuniis ad Temircapim accessissent: solitis in Siruani fines excursionibus Osmanici exerce Temircapina hosti damnum inferebant. Eares, ingenti cum Persis prælio causam præbuit, quod Tatari ad internicionem, vna cum altero Tatari regis fratre, cæsi deletique fuerunt; altero fratre viuo ab hostibus capto. Osman ipse bassa cum paucissimis suorum vix saluus euasit. Quumque per exiguas sane copias aduersi prælij casus ei reliquas fecisset, more latronum Turcicorum cottidie vicinas sibi ditiones prædis agendis infestare cepit, nullo nec amicorum, nec hostium discrimine rationeque habita: quibus ex rapinis & ipse victitabat, & suos alebat, subinde se cum eis, si hostis immineret, ad indicatum castellum recipiens. Et perhibetur eius castelli situs natura munitissimus esse, cui quum manum quamdam Genizarorum sclopetis tentium imposuisset, cum machinis aliquot campestribus & falconetis: in loco tantopere a natura munito, contra nudos & inermes illos populos, qui nec oculis suis toto vitæ suæ tempore tormenta bellica sclopetosque viderent, nec auribus eorum fulmina percepissent, adeo se tutum, ipsumque castellum inexpugnabile reddidit: ut sibi metipsum monarcha quidam esse videretur.

Ab altera parte prædictus bassa Mustaphas hunc rerum successum cōspicatus, nihil omnino per hiemem anni DCCCCLXXXV gessit, ad Arzerumen cum copiis hærens, uti superius indicaui-
C. 1579. mus. Sub initium vero sequentis æstatis, anno DCCCCLXXXVI, ad fines Persicos exercitum duxit, diuersisque præliis modo cum Persis, modo cum Georgianis cōfligens, inferior semper, insigni cum suorum clade, discessit.

Eodem anno Carseum muniuit, locum ab Arzerume versus Reuanum, quatuor dierum itinere distantem: eiq; beglerbegum & dephterdarum præfecit. Consimiliter ad Tschildirim, sitam in Georgianæ liminibus, alium beglerbegum cum dephterdaro constituit.

Misit etiam hoc anno cum classe Sultanus Murates Vluzalim bassam, præfectum maris, in Mengreliam, regionem populorum Colchidis, ut iis in locis munitionem ædificaret. Huic absolutæ beglerbegus ab eo datus fuit, ac dephœdatus. Ipsi loco nomen est Passa. Cœvit autem Passam Sultani Murates exstrui, ut iis in locis aperire iter brevius ac securius: quo facilis in Georgianos duci copiarum possent, & iis ab illa parte debellatis ac subiugum missis, tantq̃ commodius ultra Temircapin, ad inferendum Siruano bellum, iri. Non multo post tamen, quam inde maris præfectus Vluzalis cum milite classeque discessisset: Passa munitione penitus ab hoste dicta, & vastataque fuit.

Quum parum prospere bellum a Mustapha bassa gereretur, adijctis misere militibus, ob annonæ penuriam, & immensiter grassantem in castris pestilentiam: litteris Sultani Muratis Amasiam, ut istichibetnaret, concedere iussus fuit. Ille tamen nihilominus in Arzerume cum reliquiis exercitus hac hieme substitit, maiori militum parte propter egestatem, luis contagiosæ vim, & imminens hibernum frigus, dilapsa domumque beglerbegis etiam reuersis, quum nihil in hostem recte geri posse cernerent.

Interim Persæ Casmino, quæ altera penitusque imperij eius est regia, Tebrisiū cum copiis proficiscitur: Ibi quum de dispersis hinc inde, profugisque Turcis, certior factus fuisset in hosticum procurrit, ingentique præda onustus, in hiberna militem & ipse dimittit. Hac Persarum excursionē cognita, veritus Murates, ne hostis progrediretur ulterius, conquinus Mustaphæ per litteras imperat, ut omni cum exercitu semet ad Persarum fines denuo conferret. Is vero nihil horum fecit, quod iam de Persarum abitu per exploratores intellexisset: & ceteroqui si maxime copias in hostem ducere voluisset, nihil potuisset efficere, propter contumaciā exercitus, qui prorsus dicto non erat audiens. Immo consilium aliquandū constat in castris de necandō Mustapha, cuius in eum odij causæ in primis

erant, inexplēbilis quādam avaritia, supinaque secordia in procurandis annonis, & aliis militum commodis: unde factum fuerat, ut eneētis fame pesteque militibus; castra modo non exhausta conspicerentur. Has ob causas à Sultano Murate reuocatus ad Portam fuit Mustaphas, & in eius locum suffectus Sinan bassa: quem supra commemorauimus Guletam & Aphricæ maritimæ siue Barbariæ possessionem Hispanis eripuisse. Fuit confestim huic imperatum, ut primo vere semet ad expeditionem Persicam, rebus ab omnibus egregie paratus & instructus, adingeret.

Mustaphas interea semel atque iterum accessit, de signis minime dubiis iram Sultani Muratis, & odium, ex militum delatione, deprehendebat: accedente præsertim conscientię morsu, ex officiis in exercitu pecunia venditis, aliisque criminibus. Quippe tanta suprema apud Turcos militum ducis, qui Seraker apud ipsos dicitur, auctoritas & potestas est: ut non solum officia militaria minora maioræque pro arbitrio lubituque suo conferre, verum etiam Portæ vezires creare possit: quemadmodum & supra narrauimus; Osmanem bassam ab hoc ipso Mustapha supremam ad illam dignitatem hoc euectum bello fuisse.

Quum igitur ob hæc causas pereretur insidias sibi strui, diligenter ac mature sibi cauebat. Mittitur in castra denique iussu Muratis Capiziliorum Kihaias, qui ianitorum præfectus est, cum aliis quindecim Capizilariis siue ianitoribus. Huic Sultano Murate diuersæ datæ fuerant litteræ siue mandata, quibus ad expediendum negotium sibi commissum, prout foret occasio, prudenter vteretur. Vnæ sic erant scriptæ, ut ipsi Mustaphæ, per occasionem hanc strangulando, redderentur. Alteræ Sultani mandatum continebant; ne qua missis ab se hominibus hæc vis inferretur, quò minus id quod ipsis ab se iniunctum esset, exsequerentur. Tertiæ diuersam ab utrisque sententiam, uti paullo post apparebit, complangebantur. Erant castra Mustaphæ tripertita. Quò factum, ut ubi Kihaias in castra venisset,

venisset, ab vnīs ad altera tertiāque vicissim perduceretur, nec tamen in Mustaphæ bassæ conspectum; varias ipso causas prætexente, admitteretur. Tandem quum Mustaphæ colloquium serio posceret; quodam a Mustapha descripto circulo, intra quem nemini liceret ad ipsum accedere propius: ex intervallo fuit admissus, dispositis vndique facellis armatis: quod procul dubio suboleret, quidam ea libi legatio vellet. Ex altera parte Capiziliorum Kihaias & ipse Mustaphæ mentem animaduertens, mandatum tertium profert, quo Nischanzim Mustaphæ, qui nostro vocabulo cancellarius est, ac dephterdarum, qui Rationalis & quæstor, nomine Sultani Muratis sibi dedit postulabat. Ibi tum mitissime tergiversari Mustaphas, & Cretensum (quæ vocant) effugia quærere. Sed quum acriter vrgeretur, & aliud in hoc tempore nullum huic rei remedium inueniret; hæc conditione dediturum se suos promittit, si de ipsorum vitæ incolumitate caueretur. Quæ conditione admissa, dediti & Constantinopolim abducti fuerunt ambo; & in Iadiculam siue septem turrium arcem, in qua Sultani Musulmanorum thesauri recondi solent, inclusi: velut ibidem singulari cum seueritate de omnibus Mustaphæ bassæ factis examinandi.

Mustaphas denique Constantinopolim 11 die mensis Aprilis ingressus, anno DCCCCXXXVII, placato nonnihil Sultano Murate, si non ex animo, saltem per simulationem; suos illos homines, Nischanzim ac dephterdarum, custodia liberat. Ac licet a conspectu & colloquio Sultani Muratis arceretur; tandem tamen aliquam largitionibus imminens, quæ nihil non apud barbaros efficere possunt, gratiam redemit.

In eius locum diximus suffectum fuisse Sinanem bassam. Hic enim prius, quam vezir azemes, & supremus bello Persicoggerendo dux, a Murate declaratus fuisset; quoties ad Portam rerum infelicitè aduersus Persas gestarum nuntij venirent, Sino niis artibus vtens, per summam arrogantiam dictitare solebat: se, si belli dux amplissima cum potestate designaretur, penetra-

turum vel ad intimam Scythi Persici regiam Casminum, indeque regem viuum in potestatem redactum Sultano suo missurum. Hi Sinapis bassæ sermones quum Sultani Muratis ad aures peruenissent, adeo placuerunt: ut eum Sultanus parare se iuberet, quod suum mihi esset, vi summo cum imperio contra Persas mitteretur. Sinan hoc non contentus, tantum efficere præterea Sultani commendatione potuit: ut Murates diceret, siquidem præstaret id, quod toties se præstiturum recepiisset, omnino etiam se dignitatem ei veziris azemis, hoc est, supremi consilij Portæ, concessurum. 10

Posteaquam ergo Constantinopolim Mustaphas adpulisset die ix mensis Aprilis, videtur est supra: Sinan eodem adhuc mense contra Persas ire iussus fuit. Nullus id temporis Ottomanicæ Portæ vezir azemes erat, extincto nimirum Achmete bassæ, qui occiso domi suæ a derisio quodam Mechemeti bassæ, quemadmodum antea narrauimus, successerat: paucisque mensibus hoc fuerat officio functus. Vacantem veziratum Mustaphas bassæ non tantum ambebat, verumetiam spem prope certa sibi pollicebatur: partim, quod inter vezires ordine proximus esset ab Achmete bassæ vezirazeme, nuper mortuo: partim, quod ætatis esset prouectioris, humanarumque pariter ac bellicarum rerum maximum haberet usum. Sed ista spes hominem plane sefellit. Quippe Sultanus Murates Sinan bassæ Constantinopoli profecturo, per Capiziliorum Kihaiam sigillum suum imperiale, cum dignitate veziris azemis, pro more misit. 20

Discedit ergo Sinan ab urbe xxv die mensis Aprilis, quum Muratis manum osculatus, quod valedicentes facere solent, a cinace magni pretij cinctus ab eo fuisset, vexillumque prætorium, cum equo generoso, accepisset. Ad eum ex Anatolia tota passim confluxere militum copiarum, Tatara quoque noua subsidia parante: 30

Quamquam vero melius administrare bellum hoc cupiebat Sinan bassæ, quam factum a Mustapha fuisset: tamen propter

pter absumtorum inedia pesteque militum paucitatem, nihil admodum memoria dignum efficere potuit: nisi quod in Georgianorum limitibus duos beglerbegos, cum duobus dephterdaris, constituit: alteros ad Sochumam, alteros ad Batinum. Ea ciuiratum in iis finibus nomina sunt. Beglerbegatus tamen illi non magno æstimandi veniunt. Plures nimirum in iis locis limitancis beglerbegatus instituti fuere, quam sangiacatus. Idem Sinan bassa, quum aliquando regionem Curgginorum, id est Georgianorum ingressurus esset: grauem suorum cladem expertus fuit, multis ibidem machinis etiam bellicis relictis. Et alio tempore, quum Tiphlisium, quod ab hostibus obsidebatur, auxiliares copias atque pecunias mitteret, tanto cum impetu a Persis & Georgianis inuasus fuit ipsius exercitus: vt omnibus rebus amissis, prope nullus ex eis saluus ad castra Sinanis reuerteretur. Quo factum, vt intra Tiphlisium obsessi Turci dira famie, gustatis etiam canum muriumque carnibus, exstinguerentur.

Die quarto mensis Augusti, anno DCCCCLXXXVII, Constantinopolim venit a Scacho Persico missus orator, Maxudes Chan, qui regis sui nomine Sultano Murati componenda pacis auctor esset. Magnifice a Mustapha bassa, & aliis Portæ proceribus, exceptus fuit. C. 1580.

Eiusdem mensis die sexto moritur Mustaphas bassa, quum biduo dumtaxat antea morbum contraxisset ex esu melopeponum auidiore, quibus aquæ saccharo dilutæ (Turcis ea Zerbetum dicitur) copiam largiorem superinfuderat. Plerisque putabatur ipsemet sibi mortem adiulisse, sumpto præterea veneno, metu supplicij: quod vereretur, ne priores ad causas, ob quas Sultani Muratis indignationem incurrerat, accedente Persici oratoris accusatione, de suppressis aliquot regis sui legationibus, magna cum infamia vitæ periculum adiret. Constans quidem id temporis erat fama per vniuersam Constantinopolim, futurum, vt strangularetur. Facultates mortui fisco fuerunt illatæ, portione quadam nepotibus relictæ, qui tunc adhuc impube-

res, ad Portæ ministeria traducti fuerunt. Olim Sultanus Selimes II eo præceptore fuerat vsus. Inde quum beglerbegus Cairensis factus esset, parum abfuit, quo minus iussu Selimis interficeretur. Dignus omnino, qui sibimet tandem fieret carnifex, ob exercitam, capta Famagusta, in Bragadinum & alios perfidiam, ac belluinam prorsus inhumanitatem.

Die XVII mensis Augusti, concessa fuit Oratori Persico legationis exponendæ facultas: quæ licet ab initio per esse grata Sultano Murati videretur, omni tamén fructu caruit. Quo minus enim pax coire posset, hæc erat causa: quod eam Osmanici maximo cum suo commodo, Persarumque detrimento, facere vellet: nimirum vti Persæ Turcis omnia tam Siruano cōpræhensa, quam extra Siruanum posita loca territoriaque relinquerent, quibus hoc bello calces (ita loqui solent) equus Mustaphæ bassæ suas impressisset. Id vero numquam facturi videntur Persæ, qui hac lege dicunt illis se locis cessuros Osmanicæ familiz, siquidem ea Turci tam armis in potestatem redigere, quam gladio tueri ac retinere possint. Præter hanc, nullam se pacis aliâ legem admissuros, aliquoties expresse denuntiarunt. Ceterum Maxudes ille Chan legatione sua defunctus, & ad principem suum reuersus: aliquâto post, perduellionis crimen incurrit, & hero suo deserto, Muratis se fidei permisit, Ferhatemq; bassam deinceps ad bellum Persicum proficiscentē sequutus est, vt aliquem nancisci sangiacatum in illis finibus posset.

C. 1581. Anno DCCCCLXXXVIII nihil fere gestû memorabile, propter extremam in limitibus & castris inopiam: ipsis etiâ militibus ab hoc bello prorsus alienis, & quacumque ratione possent, se subducentibus. Sinan quoque bassa belli pertæsus, quod nullo cum fructu gereretur, & redire Constantinopolim cupiens, vbi maiora de vezirazematus officio commoda percepturus esset, vt erat ingenio sagaci, non bellum contra Persam continuandum, sed pacem aliqua ratione statuit ineundam. Ea de causa missis ad regem Persarum Zausiis atque litteris, significat; siquidem suo cum principe pacem facere vellet, legatum modo prudentem,

tem, & auctoritatis eximiam, tantoque negotio parem, ablegaret. Ita futurum haud dubie, feliciter uti pax inter utrosque conficeretur, & arma deponerentur. Interea vero pangendas indutias, quæ utrimque bona fide seruarentur. Simul ad componendas
 5 quis legibus discordias, omnè studium operamque suam pollicebatur. Non ingrata Scacho Persico pacis ea mētio fuit, ideoque mox cōcessis & adprobatis indutiis, oratorem se missurum, causa prius deliberata, respondit. His perfectis rebus, castra Sinan bassarelinquit, & Cōstantinopolim profectus, sub medium
 10 mensem Iulium exquisita cum pompa, prodequinibus obuiam Portæ proceribus, urbem ingreditur.

Initio veris, anno sequenti DCCCCLXXXIX, die Martij mensis C. 1582. xix, missus a Scacho Muchemete quidam ex procerum Persicorum numero, cui nomen Ibrahim Chan, Cōstantinopolim
 15 magno & insigni cum comitatu ccc plus minus equitum venit: partim ut de pace cū Sultano Murate tractaret, partim ut interesset cærimoniæ Musulmanicæ, qua Muratis filius Muchemetes, xvi plus minus annorum adulescens sollempni ritu circumcidendus erat. Die mensis Maij xxvi cepit inaudita sæculo
 20 nostro celebritas circumcisionis huius, præsentibus Cōstantinopoli maximorum prope totius orbis principum legatis, Rudolphi ii Christianorum imperatoris augusti, Henrici iii Gallicæ regis, (cuius tamen orator Germinius Germollæus secundo, post Cæsaris legatos, loco spectare iussus, quum primum adflectaret,
 25 partim per inuidiam, partim quod obtinere nō posset, ut legati Poloniæ regis excluderentur, quem pro rege non agnoscebat, hero suo regnum illud adferens, domi suæ se continuit) Stephani regis Poloniæ, Reipublicæ Veneræ, Scachi Persici, Regum Africanorum Maroci & Fessæ, ac Tatarorum; Principum Erdelij, Moldaviæ, Valachicæ, & aliorum. Durauit ipsa festiuitas totis
 30 xl diebus & noctibus continuis. Muchemetes tandem vii Iulij die, sub ipsam noctis initium, a Mechemete bassa, postremo inter vezires, qui Sultani Solcimaniston for aliquando fuerat, non publice, sed in cubiculo patris circumcisis fuit.

Dum hæc Constantinopoli geruntur, Osman bassa per inducias Siruanum inuadit, maximumque damnum Persis infert. Sed vicissim ab eis ceditur, omnisque præda recuperatur. Eius rei nuntio, necdum finita circumcissione, Cōstantinopolim adlato: succensus iracundia Murates legati Persici stationem ac sedem in Atmindane dirui iubet, ipsumque in saraio Mechemetis bassæ cum suis includi donec Osman bassa Temircap Constantinopolim venisset. Fuit autem habitus eo loco tam stricta in custodia, tamque inhumaniter: vt peste Constantinopoli grassante, suisque ministris ea correptis, quorum ad Chac dira lue fuerunt absumti, nullam tamen relaxationem, nullam mutationem loci potuerit impetrare.

Non multo post nuntiatum fuit, Persas & Georgianos cōiunctis viribus iterū Osmanicos adortos fuisse: qui Tiphlisio recentes copias, cum annonis, soluendisque militi stipendiis inferre conabantur: multis eorū millibus occisione deletis, & annonis ac pecuniis interceptis. Fertur eius apud Georgianos principis femina filius, quam diximus annosam vulgo vocatam, cladis huius auctor Osmanicis fuisse: quod Persas de Turcorum instituto ac profectioe monuisset, hostilesque copias adgrediundi viam eis monstrasset. Murates intellecta eade suorum, & principis annosæ filij collusione cum Persis, qui tamen superioribus annis musulmanissarat, Muratiq; semet in clientelam dederat: prius, quam Ferhates bassa, quem ad gerendum post Sinanem bellum Persicum ablegare decreuerat, Constantinopoli discederet; mandatum ad beglerbegos quosdam limitaneos misit, quo præcipiebat, vt astu principis annosæ filium de medio tollerent. Is vero, patefactis per amicos insidiis, a Sultano Murate defecit, & fuga sibi consulens, ditionem suam ab Osmanico iugo tyrannideque liberauit: sequē cum aliis principibus, tam Georgianis, quam Persis, coniunxit: ac perpetuis excursionibus fines Osmanicos infestare non desinit. Hisdem Georgianis etiam princeps Sison, & Tocmaces Sultanus, Reuani dominus, fœderis mutui eligione obstricti erant.

Huic

Huic Toemaci, Georgianorum partes sequenti, quasi quoddam vt frænum Murates iniiceret, omnesque nocendi vias intercluderet: Ferhates bassam magno cum exercitu, fabrorumque non exiguo numero, ad eos fines misit: vt arcem ad Reuanum conderet, quod & ciuitatis & regionis Toemaci subiectæ nomen est. Ferhates eo profectus, primo castellum quoddam inter Carseum & Reuanum extruxit: inde cum copiis progressus, arcem Reuani fabricauit. Ei Cigaloglim, (sic bassam natione Genuesem, e nobili Cigalarum familia natum, quasi Cigalæ filium Turci vocant) cum potestate beglerbegi, & cum titulo Veziris in istis limitibus, adiuncto eidem dephterdaro, præfecit: relictis illi numerosis militum copiis, Genizaris sclopetariis, machinis bellicis, rebus ad eas pertinentibus, annonis, & aliis necessariis. Hinc Osmanici more suo per Reuanenses agros aliquoties excurrentes, omnia rapinis exhaustere: sed sua potius cum iactura, quam lucro. Gesta vero sunt hæc, quæ commemorauimus, anno MCCCLXXXIX. C. 1582.

Anno sequenti MCCCXC, Ferhates bassa Georgianorum in agros eductis aliquoties suis, duas in iisdem finibus arces ædificauit. Cigaloglis, quem diximus, semel atque iterum a principe Toemace prælio victus fuit: aliquando etiam vulneratus, tantum non in hostium potestatem venit. C. 1583.

Osman vero bassa, qui ad Temircapim hærebat, vt superius indicatum, suos ad Sultanum Muratem ablegat, qui ab eo mitti sibi peterent Genizaros sclopetarios, artifices machinarum fundædarum peritos, architectos tritemibus tam maioribus, quam minoribus fabricandis, quos calaphagilarios Turci vocant, (hybride scilicet a Græcis accepta, qui calaphatas dicunt) itemque socios nauales, cum Raisis eorum, siue tritemium nauiumque præfectis, a quibus gubernarentur. Præterea rogabat, vt pecuniæ sibi subministrarentur, vna cum aliquibus Rumeliæ, hoc est Græciæ, & Anatoliæ, hoc est Asiæ minoris, & Siuastæ siue Sebastæ Sangiacis. Ad sensus est Sultanus Murates postulatis eius omnibus. Quare quum Temircapim hi peruenissent, nauigia

quædã fabricari curauit, eaque misit ad infestãda maris Caspij litota. Consimiliter & terrestres ablegauit copias, vt tam Siruanensium, quam aliorum sibi finitimorum agros, nõ minus amicorum, quam hostium, rapinis dirum in modum agerent, ferrent. Sed plerumque magno cum detrimento, suorumque cædere reuertebantur.

Diximus antea, Persas & Georgianos vnitis copiis, Turcorũ exercitum adortos, qui Tiphlisio succurrere properabat, ingentem eorum stragem edidisse. Quum eius cladis acceptæ nuntius Constantinopolim venisset, compellato Sultanus Murates Sinane bassã, qui tũc Vezirazemes erat: Quid hoc, ait, est rei? quænam indutiæ, quod laxamentum hoc belli? Ad quæ Sinan, temeraria quadam cum audacia, respondens: Vt his rebus, inquit, obuiam cundo remedium inueniatur, Scacho Scachus opponendus erit. Quibus verbis innuere volebat, aduersus regem, regis opus esse opera: planeque necessario requiri ad obtinendam de hoste victoriã, vt ipse Sultanus Murates dux belli aduersus Mchemetem Persarum regem proficisceretur. Murates eo Sinanis accepto responso, mox Sultanam matrem adit, & ab ea consiliũ in hac causa dari sibi petit. Tum illa: Mi fili, ait, hæccine sunt illa magnifica promissa Sinanis? itane pollicitus est, iturum se capiendi Persici regis causa, vel ad intimam Persarum regiam Calimnum: & nunc auctor esse vult tibi, vt ipse met ad gerendum hoc bellum proficiscaris? Non dignus est, qui deinceps munere Veziris azemis tui fungatur. Quo consilio Sultanæ matris intellecto probatoque, confestim Murates Sinanem Masulem pronuntiat, hoc est, honoribus omnibus, ac præsertim dignitate supremi Veziris, exuit. Parum quidem abfuit, quin occideretur. Bona condemnati fisco fuerunt adplicata. Relegatus & exsul, hodieq; Malagræ degit, quod opidum Macedoniæ situm est in itinere, quo Constantinopoli Ragulium itur. Sinani suffectus fuit in Vezirazematus officio Siaules bassã, natione Vngarus, quo cũ nupta Sultani Muratis soror erat. Quod mores & ingenium Sinanis adtinet, crudelem & auarũ se geũt erga quosuis, erga Christianos.

stianos, infestissimum, superbum & arrogantem erga maiores
 & pares. Iactantia tanta fuit, ut quum aliquando negotiorum pu-
 blicorum causa conueniretur ab illustri & generoso Rudolphi
 II Augusti legato, Friderico Breinero, Barone Fladiziano, inue-
 1 recunde prædicaret se, suprema cum potestate profectum ad
 Persarum fines, tantum in iis locis occupasse regionum: ut San-
 giacatus ibidem quinquaginta constituerit. Id vero quanta cum
 vanitate fuerit ab ipso dictum, vel ex eo paret: quod vniuersa Ru-
 melia, quatenus amplissima prouinciæ, nec vno a Turcis ad-
 10 quistæ sæculo, Thracia, Macedonia, Seruia, Bulgaria, Albania,
 Thessalia, Morea, siue Peloponesus, Achaia, siue Liuada, Æto-
 lia, siue Despotatus cum aliis continetur, ultra xxii Sangiacatus
 non habeat. Immo constat, Sinanem in iis locis nihil admodum
 memorabile gessisse, nisi quod vnum & alterum beglerbegatū
 15 instituerit at quales beglerbegatus? Alba Græca, vel Alba rega-
 lis; Strigonium, vel Sigetiuarum; quæ loca Sangiacatum no-
 minetantummodo censentur hætenus, recte iudicantium opi-
 nione singula præferenda veniunt quatuor eiusmodi, vel quin-
 que beglerbegatibus. Rident quidem certe viri prudentes, re-
 20 rumque Turcicarum, & illorum finium periti, quum recitari
 tot beglerbegatus eorum locorum audiunt: Tiphlisum, Tschil-
 dirim, Sochumam, Carseum, Batinum, & alios. Reuanum facile
 nomen hoc tuetur. Idem Siruanum quoque beglerbegatus ti-
 tulum mereretur, si Turcorum esset in potestate, quemadmo-
 25 dum initio belli, ductu Mustaphæ bassæ Veziris, Osmanidarum
 imperio fuerat adiectum. Sed beglerbegatus ceteri suis cum ter-
 ritoriis, ad octo decemue dierum iter ab ipsis vastati Persis, vsq;
 adeo redacti sunt ad solitudines: vix ut paullum aquæ reperia-
 tur, nedum panis, aut carnes, aut aliæ res, tam ad victum homi-
 30 num, quam iumentorum alimenta necessariæ. Quæ sola certe
 causa est, quam ob rem hætenus Osmanidæ in iis locis annonæ
 caritate laborauerint. Ac sunt in ipsa Turcia, qui existiment,
 Turcos hoc bello semper inferiores futuros, licet plures ad an-
 nos etiam in posterum continuetur.

Verum ne longius extra oleas, quod aiunt: ad annalium seriē redeamus. Misit secūdum hanc aliquoties Osman bassa peti-
 tum Sultani Muratis opem atque auxilia, quæ suppeditata quū fu-
 sent, iamque Temircapim accessissent: ad Siruani fines ciuitatē
 Somachiam cepit, ibique beglerbegum & dephterdarum col-
 locauit. Præterea locum alium redegit in potestatem, cui non
 longe a Temircapi disito, nomen est Tabbassaran. Paulo post
 ibidem & aliam ciuitatem occupauit, quæ Cabba dicitur. In
 omnibus hisce locis gubernatores & præfectos, idoneis cum præ-
 sidiis, machinis bellicis, rebus ad eas necessariis, annonisque, re-
 liquit. Turci quidem aiunt, Osmanem præter indicata loca &
 opida, complures alias quoque ciuitates & castella cepisse. Quin-
 etiam constat, Osmanem bassam, anno sequenti proximo, quo
 tempore Costantinopolim profectus, manum Sultano Murati
 deosculabatur, inter alia munera, quæ pro Sultano Murate secū
 aduexerat, eidem obtulisse xvii plus minusue clauēs argenteas.
 Et singulis clauibus inscriptum erat nomen certæ ciuitatis aut
 castelli, ab Osmane in potestatem redacti. Significare nimirum
 huius oblatione doni xvii clauium volebat, se totidem cepisse
 vel opida, vel castra, quot essent ipsæ numero clauēs. Quod e-
 quidem memini plerisque viris prudentibus, & rerum Turcica-
 rum gnaris, nequaquam vero visum simile: quum potius ea pa-
 gorum esse iudicaret nomina, quam vel opidorum, vel castel-
 lorum. Sed enim per me liberum hac de re iudiciū cuius esto.

Quum hic rerum in iis locis successus esset, denuo suos ad Sul-
 tanum Muratem misit Osman, qui peterent, ut ipsum mer Ta-
 taria regē Muchemetem ferre sibi suppetias iuberet. Fecit hoc
 quidem Osmanis rogatu Murates, sed Tatarus suis hominibus
 ad Muratem ablegatis, libere respondit: se mandatu Muratis su-
 perioribus annis duos fratres suos, cum multis millibus homi-
 num, misisse Temircapim: quorum nemo quum saluus domū
 redierit, etiam fratrum altero exso, altero in carceribus apud ho-
 stes mortuo: videri sibi nouum quiddam & insolens, se quoque
 iuberi tandem ad bellum hoc proficisci, quod per legatos geri
 possit.

possit. Nihilominus tamen, quando Murates ita pro sui auctoritate imperij præciperet, suscepturum hanc expeditionem: modo sibi mitti curaret arma, pecunias in militum stipendia, cum aliis rebus necessariis. Murates, accepto Tatarum responso, rem cum supremo consiliario suo, Siause bassa, & cum Rumeliæ siue Græciæ Cadileschero deliberat. Hi quum ei persuaderent, esse Tataro mittenda illiusmodi subsidia: dari iussit omnia, quæ bello gerendo necessaria requireret. Centum quidem ei missa fuissent iumenta sagmataria perhibentur, onerata nummis argenteis, quos aspros appellatone Græca Turci vocant. Horum summa conficiebat centum & octuaginta millia talerorum Germanicorum, ad ad aspros L X reuocato taleri pretio, quod id temporis huic nummo statutum decreto Sultani Muratis erat. Adeoque iumentum unius onus taleros mille cum octingentis continebat. Hanc Tataro pecuniam misit, præter alia donatiua, nimirum vestes ex panno sericoque confectas, & omnis generis arma. Sciat autem lector, propterea fuisse Murati Chanem hunc Tatarorum Muechemetem obligatum ad educendas mittendasue domo suorum copias, in quemcumque visum Murati fuisset hostem, & quocumque tempore: quod singulis annis eo nomine pro se suisque ducibus acciperet a Murate summam ducentorum plus minusve millium Sultaninorum: præter impensas diurnas, quarum ei nomine, pro more Turcico, singulos in dies aspri mille numerabatur. Tatarus ubi a Murate, quæ diximus, accepisset: Crimio, civitate regiaque sua, discedit, & Temircapim pertracturum simulat. Sed aliquanto spatio progressus a Crimio, domum reuertitur: quum modo suis id se facere diceret, ob anni tempestates, protectioni aduersas: modo suspicionis causa, quam de fratribus suis concepisset: modo propter Cosacorum motus, (sic appellantur in Moldauicis Valachicisque finibus, qui Martelosi, Vscochi, Morlach dicuntur in Vngaticis, Croatinis, & Dalmatinis: nisi quod maiore numero Cosaki rem gerunt) qui contemni non possent, quum non dudum adeo Potocoua Polono duce, finitimam sibi Benderiam, Osmanici iuris opidum, versus Ni-

grum mare situm, ceperint atque diripuerint: nūc has denique, nuncillas causas & excusationes præcedens, expeditionem Murati promissam non suscepit. Equidem de viris sapientibus, & Turcicæ fraudulentæ gnaris, audire memini: cōclusum in Muratis fuisse consilio, Tatarum Chanem procul ad remotas illas regiones ablegandum: ut interim, dum abesset domo, regnum eius, quod etiam ceteroqui Sultani Muratis contineretur imperio, in formam beglerbegatus redigeretur. Ac fieri potest, has eum subolfecisse Turcorum insidias, ideoque profectiois consilium mutasse: ne dum alienis augendis & conservandis intentus esset, propriis exueretur. Vtut se res habeat, Murates ægerime ferēs, hoc modo delusum se tantam cum pecuniæ, tum aliarum rerum iacturam fecisse: cogitare cum animo suo de vindicta cepit. Itaque mandatum ad Osmanem bassam mittit, quo præcipiebat, ut ubi primum id ipsi mandatum offerretur: *istic* suo loco relinqueret Giaferem bassam, (is aliquando Temesuari beglerbegus in Vngaria fuerat) cum titulo Veziris Osmanicæ Portæ, summiq; copiarum ducis in illis locis: atque ipse celeritate, qua posset, maxima Capham, ad castigandum Tatarum, proficisceretur. Erat huic Tataro nomen, Muchemet, Kerai Chan, hoc est, Muchemetes rex Keraius, siue Keraiorū. Osman bassa mandato Muratis accepto, quidquid ab eo sibi fuisset iniunctum, fecit. Quippe Capham profectus, totam *istic* hiemem illā transegit. Quum æstas adpetiisset, anno DCCCCXCI, misit eò Sultanus Murates fratrem Muchemetis Tatarum, cui nomen erat Islan Chan. Is hætenus adseruabatur apud Iconium urbem Asiæ. Nunc vero Capham eo consilio mittebatur, ut Osman bassa necato Muchemete, regem hunc Keraiis Tataris loco Muchemetis daret. Cum Islane Chane, Muratis mādato, Capham nauigauit Vluzalis præfectus maris, cum aliquot triremibus, nec mediocri Genizarorum Portæ sclopetariorum præsidio. Postquam hi Capham adpulissent, infelix ille Muchemetes Chan desertus a suis, & potissimum proditus a Kihaiia siue præfecto curiæ suæ, Turcorum in manus venit: & ab eis, vna cum duobus filiis, eliso gurgure

- gutturē strangulatus fuit. In eius locum mox ab ipsis, nemine re-
fragante, suffectus est Islan Chan, ex decreto Sultani Muratis, vt
Keraiorum Tatarorum Chan siue rex esset. Alius quidam filius
eius ad Nogaiorum Tatarorum principem, socerum suum, pro-
fugit. Muchemeti quidem non immerito, propter impietatem
erga patrem exercitam, eiusmodi mors obtigisse vero simile vi-
detur. Nam quum is senio confectus, parum filio putaretur ad
gubernationem idoneus: ope Sultani Turcici patrem abdicare
se regno coegerat Muchemetes, idque mox in se transtulerat:
- 10 Tataris fratrem eius, Islanem Chanem poscentibus, cui pater e-
tiam magis fauebat. Islan cum alio fratre, natu minore, Polono-
rum ad regem Stephanum Batorium, fraternæ crudelitatis me-
tu, se contulit. Rogatu Muchemetis Sultanus Turcicus Polonū
regem vrget, vt sibi dederentur. Erat apud Turcos Transsilua-
- 15 nus quidam, Marchatzi Paul vulgo dictus, id est Paulus Mar-
chatzius: qui rebus Trāsiluanis insidiatus fuerat. Eum vicissim
poscenti regi spes aliqua deditiois facta. Quamobrem Tataros
fratres Sultano mittit, qui tamen Polonum ludificatus, promif-
so non stetit. Auctor enim dedendo fuit, vt musulmaniffaret.
- 20 Quod quum is fecisset, religione se prohiberi Murates Polono
respondit, quo minus Musulmanum Christiano ad supplicium
dederet. Ipse quidem Marchatzius apostata superstes adhuc est.
Babotzæ præfectus, haud procul a Zigeto; & Ibrahim beg a Tur-
cis nunc adpellatur. Tataris fratribus Constantinopoli degen-
tibus in domo Zausij cuiusdam Vngari senis, fuga natu minor ad-
- 25 Persas elabitur: cuius exemplum ne Islan imitaretur, Rhodum
primo tiremibus deportatur: inde transfertur Iconium, ibidem
adseruatus, donec tādē factus liber, fratri Muchemeti, quem
admodum iam indicauimus, substitueretur.
- 30 Ceterum rebus ex animi sententia curatis, Osman bassa, ma-
risque præfectus Vluzalis, triumphabundi Constantinopolim
reuerſi sunt. Post paucos dies Siauses bassa, quum alias ob cau-
sas secretiores, tum vero quod mittendorum Tataro pecuniæ
reliquorumque subsidiorum auctor Murati fuerat, vt antea nar-

rauimus, interuenientibus etiam occultis aduersus Osmanem inimicitis, quæ postea patefactæ fuerunt, a Vezirazematus officio remotus, eiusque loco princeps Sultani consiliarius factus est Osman bassa, facile Turcorum omnium, secundum Osmanidas, nobilissimus: quod patre Damasceno begler bego, matre 5 begler begi Bagadatensis siue Babylonij filia natus esset. Hoc quidem memorabile, quod Siaules in publico diuano condemnatus & masculus factus fuit. Sed deinde Sultani Muratis soror, cōiux eius, apud fratrem suppliciter intercessit. Cui Murates: Beatus est, ait, quod te coniugem habeat. absque hoc fuisset, cum sine vl 10 la commiseratione in pleno diuano iussissem interfici. Amissa dignitate, coniugis tamen causa saluis annonis, quæ singulos in annos sex millibus Sultanicorum æstimabatur, & saluo timaro duum millium Sultanicorum, migravit in domum suam, quā ad litus Asiaticum sitam in hortis vidimus, quum ad Euxinum 15 nauigarem. Secretior illa causa, cuius modo meminimus, fuit, quod Muratis animum contra Muchemetem filium exacerbasset, quum is forte Kibaiam siue præfectum suum indigne tractasset. Ægro tulit hoc animo Sultana, Muchemetis mater, ac maritum in suspicionem adduxit: quasi Siaules æmulationis ac 20 discidiolorum seminibus inter patrem filiumque sparsis, acrius tandem (quod humanis in rebus fieri soleat) irritato patre, ut unicum filium occideret, imperium postea suis liberis, ex Sultani sorore natis quæ siturus esset. Hinc in primis illa Siaulis calamitas.

Posteaquam Osman bassa Vezirazemes creatus fuisset, tantopere suum apud Sultanium laborauit & institit: ut tandem Persicus orator, Ibrahim Chan, qui tamquam incarceratus, in sarraio conclusus erat, uti supra diximus, bona cum pace suum ad principem redeundi facultatem impetraret. Sed quum Osmanici natura duplices ac fraudum pleni sint, ubi primum Persicus 30 hic orator peruenisset Arzerumen, quæ maioris Armeniæ ciuitas est, iussu Muratis ibidem detentus fuit, ne ulterius progrediretur.

Non multo post, certior factus est Sultanus Murates, strangulati

1 gulati Muchemetis Tatarū Keraij filium, qui Nogaiorū ad prin-
 cipem fuga se receperat, vti supra memorauimus, magno cum
 exercitu, locerique subsidiis, profectum cōtra patrum Ilanem
 Chanem, eo tam ciuitate Crimio, quam ditione paterna eiecto,
 5 pleraque amissa recuperasse: Ilanemque patrum, fuga sibi cō-
 sulentem, Capham contendisse. Quo quidem Murates accepto
 nuntio, tum vt obuiam iret ac remedium adferret omnib⁹ hinc
 orituris incommodis, tum vt perduelles castigaret: Osmanem
 bassam, qui supremo cum imperio terrestrium copiarum dux
 10 in iis locis esset, ablegauit. Eum in castris ad Chalcedonem cum
 LX plus minusue millium exercitu vidimus, vnde postea per A-
 natioliam, siue Asiam minorem, iter fecit: hoc est, Iscodara Chal-
 cedoneque profectus est itinere terrestri Sinopen versus, vt inde
 Capham per Euxinum transliceret. Sed quod illis in regionibus,
 15 Ponto vicinis, ingens tum frigus esset, maluit ad opidum Casta-
 monam subsistere, quod nō procul a Sinope situm, itinere XIII
 vel XV dierum Constantinopoli distat, vti istic vsque ad veris ini-
 tium hibernaret. Idem maris præfectus Vluzalis, qui cum tri-
 remibus ad Nigrum mare vel Euxinum se contulerat, vt præ di-
 20 ctum Osmanem bassam cum terrestribus copiis Sinope Caphā
 transucheret; in portum Sinopensē triremes deduxit, quo cō-
 modius nauigationi tempus, & Osmanis Serdaris, hoc est, gene-
 ralis ac supremi copiarum imperatoris aduentum istic expecta-
 ret. Diuersæ tunc hominum de hac expeditione Constantino-
 25 poli opinioniones erant, aliis existimantibus, Osmanem iter hoc
 tractandæ cum Scacho Persico pacis causa suscipere, aliis adfir-
 mantibus, Capham iturum, indeque perreiturum vltius, vt in
 vrbe Crimio munitionem exstrueret, ibique beglerbegum cum
 dephterdaro siue quæstore constitueret. Sed euentus docuit,
 30 hanc expeditionem Persici potissimum belli continuandi causa
 fuisse susceptam.

Expositi: hætenus continua serie Persicis rebus, nunc subii-
 cienda quædam veniunt, quæ licet ad superiores annos perti-
 neant: tamen huc referre malimus, ne belli memorabilis series
 interromperetur.

Iam ante diximus obiter, annis superioribus proximis Cosacos, Potocoua generoso viro Polono duce, captam Benderiam, (quod alioqui nomen in genere arcem siue munimentum significat) Turcici iuris opidum, diripuisse. Tantum in hoc Potocoua robur erat, vt equorum soleas ferreas, etiam recentes, nullo negotio manibus, instar chartæ, vel alterius rei fragilis, rumpe-
 ret. Ideoque sibi ducem hunc Cosaki præfecerant, & auspiciis eius Turcis, qui ab aliis lædi se nolunt, quum maximam libimet ipsi nocendi licentiam in finibus fumant, grauissima
 damna dederant. Quum id contra leges antiqui fœderis inter Osmanicam familiam regnumque Poloniz fieri videretur, 10
 mittit ad Stephanum regem Sultanus Murates Zausium Portæ, repetitum res ablatas, & non sine minis postulatum, vti Potocoua quoque, Cosacorum dux, præsentem ac inspectantem Zausio suo, capite plecteretur. Venerat in potestatem regis Potocoua
 nefario quorundam amicorum suorum astu & scelere, qui studio gratificandi voluntati regiz, per litteras a Potocoua petierat, 15
 vti ad se veniret, quo cum colloqui de rebus ad ipsummet pertinentibus cuperent. Simul fidem nomine liberi com meatus regij suam interposuerant. Accesserat vir integer, ac minime suspiciosus. Monebatur, Cosacos vti defereret, statimque regem adiret: quem sancte pollicebantur, nihil in eum statuturum asperius. 20
 Quum hoc modo deceptus, ad comitia se Varsouiam contulisset: deliberatum in senatu, quid agendum hoc esset in negotio. Visum maiori senatorum parti, nequaquam hominem Christianum, militem Polonum, virum denique fortem, qui robore corporis admirabili cunctis in eo regno præstaret, barbaro certam ad necem prodendum. Ad Zausium, quam commodissimis fieri posset, purgandum rationibus. Omni denique modo consulendum ipsius saluti, qui salui com meatus regij promisso fretus, 25
 Varsouiam venire non dubitasset. Rex Stephanus e diuerso dicere, sub fide quidem publica Potocouam arcessitum: sed aliter eam datam non intelligi, nisi quatenus causam suam iustam docere probareque posset. Nunc vero quum pareat, eum contra
 fœderis.

fœderis pacta conuenta fecisse, quod indignissime Sultanus Murates ferat: non posse fœdistragum, pacisq; publicæ violatorem, salui commeatus regij beneficio frui. Auditas esse minaces Sultani Turcorum litteras, cuius iras si tanti non facerent, ac Potocouam potius seruatum vellent: se quidem ipsorum volûtati nō aduersaturum, satisque facturum officio suo contra quosuis regni hostes: monere tamen, ne bello Moschouitico necdum cōfecto, nouas temere sibi cumularent inimicitias. Hoc modo cedentibus regiz sententiz Polonis, sumtum de Potocoua supplicium fuit.

Secundum hæc, anno Mahumetano DCCCXC. C. 1583. quidam Podolouius Polonus, (hoc nomine Constantinopoli adpellabatur. alij Polidouium vocant) nobili genere natus, stabuli regij præfectus secundus, quem vulgo suppræfectum vocant, missus fuit extra ordinem legatus a Stephano rege cum litteris ad Sultanum Muratem, quibus inter alia petebatur; vt ei regis sui nomine liceret equos aliquot generosos in Anatolia comparare, quibus in Poloniam deductis pro se rex vteretur. Impetrato Muratis consensu, in Asiam proficiscitur, & XXIII equos insignes ac plane regiones emit. Cum his in Europā transiit, domum non sine saluo Sultani Muratis cōmeatu rediturus. Sed quum forte tum noui Cosacorum motus & excursionis nuntius ad Portam venisset, illico Murates Zausium Constantinopoli ablegat, qui Podolouium adsequutus in itinere, cū suis iugularet; & equos regios, cum ceteris legati, comitumq; rebus, Constantinopolim reduceret.

Venit hic ad Podolouium non procul Hadrianopoli, mandatumque sibi narrat a præpotenti Sultano suo, litteris etiam prælatis, vt eum cum equis & comitibus Constantinopolim reduceret. Negat id se facturum Podolouius, litterasque salui commeatus ostendit. Nec has, nec legati personam, contra ius gentium violari debere, præsertim a cōfœderatis, ait. Zausius ad proximi Cadij siue iudicis cognitionem prouocat, qui e loco maxime vicino arcessitus, quum ad eos venisset: quæ in medium ab vtroque proferrentur, audit. Iubet exhiberi sibi tam Podolouio, quam Zausio datas a Sultano litteras:

quibus inspectis, quum Zausij mandatum recentius esse cognovisset: vim prioris exspirasse, posterioris exsequutionem requiri, pronuntiat. Ceptum ergo rediri, quumque de via regia cum eis Zausius desisteret: monetur a legato viam vti regiam teneat. Occlamat barbarus, Ipse Sultano Musulmanorum, ac suis, in regno suo præscribere leges vellet, quo reducendus esset itinere? Sic igitur itum in siluam, vbi ad mortē parare se iubetur omnes, ex sententia mandati Sultanini. Erant ei xxxiiii famuli, quibus ordine trucidatis, (vno tantum excepto puero, qui sollester in siluam profugiens euasisse perhibetur) vltimo Podolouio, post co-
ceptas ad Deum preces, caput amputatum a Zausio fuit. Res omnes ipsius & comitum Zausius Constantinopolim, cum equis regiis, reduxit. Equi, iussu Muratis, partim Sultaninū in Saraium, ad ipsius Muratis vsus, recepti: partim inter bassas distributi, dignitque singulari cum ignominia Stephani regis passim monstrati fuerunt.

C. 1584. Quum hæc per autumnū accidissent, anni sequentis dccc xc i initio venit Grodnam, quæ in Lituania sita est, ad Stephanum Poloniae regem missus a Sultano Murate Mustaphas Zausius, qui eadem legati regij Podolouij, de qua modo dictum, excusaret. Aiebat is, falso tamen rem narrans, illum fuisse necatū, nullo Sultani Muratis interueniente iussu: quum præscriptos legationi limites egressus, copias Turcicas spectatum venisset, quæ tum temporis contra Persas mittebantur. Nunc ab se mandato Muratis adduci cædis auctores, de quibus rex Stephanus supplicium sumeret. Quia vero Cosaki recēs magnum finibus Turcicis damnum intulissent, vicissim petere Muratem, vt ablata restituerentur, & Cosacorum dux ad necem sibi dederetur. Venerat is hoc tempore Grodnam, eadem ille ctus fraudulentorum verborum efca, qua prius etiam circumuentum fuisse Potocouam diximus. Vir erat bellicosus, & Turcos in finibus more suo semet insolentius gerentes, aliquoties cæciderat. Hūc sibi Murates, loco duorum vix triobolarium nebulonum, quique fortassis aliud ob malefium capitis anquisiti fuerant, mitti volebat.

tercedentibus apud regem pro eius incolumitate præcipuis re-
 gni proceribus, non ille quidem Turco deditus: sed tamen
 incertum quo deportatus, nusquam ex eo tempore conspe-
 ctus fuit. Solebat narrare Constantinopolim reuersus iste Mu-
 5 staphas Zausius, qui non ex primariis, sed vilis inter suos erat, se
 a principio conspicuum terribiles ac minaces Polonorum oculo-
 los, ob indignam, & contra ius gentium admissam, legati regij cæ-
 dem, grauitè frementium; non exiguo sibi visum in periculo
 versari. Verum quod antea Potocouam de medio, præ formi-
 10 dine Sultani sui, sublatum meminisset: animo prorsus obfirma-
 to, tam audacter, minis etiam interiectis, vt voluntati principis
 suisatisficeret, vrsisse: tandem vt omnis ei Cosacorum præda
 cum captiuis: absque cuiusquam impedimento, restitueretur:
 quam pæne triumphabundus ad Sultanum suum Constanti-
 15 nopolim adtulit.

Iam de nostris etiam rebus vt aliquid interferam, ante bien-
 nium sex, plus minusue, Turcorum millia, duce Sangiaco Sol-
 noccensi, qui deinceps Sasuarensis siue Zigeranus bassa nomi-
 natus fuit, prædæ faciundæ causa collecta, celeritate quadam in-
 20 expectata regionem Cepisiensem inuasent: Onodium, quod
 iis in locis opidulum est, direptum incenderant: multa Christia-
 norum capita cum amplissima præda secum abduxerant. Quia
 vero reditum istorum nostri ad Agriam, quam Erlam vulgo vo-
 cant, præstolabantur: vbi primum Turci aduenissent, dimicari
 25 ceptum, licet illi numero superiores nostris essent. Sed quum no-
 stris auxilia destinata summitterentur, quæ Vngarorum erant
 equicum ad 1100: denuo pugnatum acriter, numero Turcis,
 virtute nostris fidentibus. Iam anceps erat victoria, quum e-
 quites Germani sclopetarij 11 superuenientes, nostris eam vin-
 30 dicarunt. Nam a latere Turcorum in aciem irrumpentes, displosis sclope-
 tis eam subito soluerunt ac turbarunt. Hostibus in fugam coniectis,
 plures eorum cæsi, nec pauciores capti: præda cum mancipiis Christia-
 nis recuperata. Cædis huiusce Turcorum nuntio Constantinopolim

adlato, mirifice perturbari Turcorum animi. Sinan bassa, qui tū adhuc Vezir azemes erat, fremere, furere, maxime terribilia minari. Sed postridie illius diei, quo primum nuntium acceperant, quidam Sangiacus ex Vngaria veniens, ad bassas Vezires deductus, & ab eis de re, quonam modo gesta fuisset, interrogatus; respondit, suos nulla lacestos iniuria regionem imperatoris Christiani temere inuasisse, mancipia Christiana, prædamque maximam, abduxisse: qua quidem onusti, dum suos ad fines domum properarent, in hostico cæsi fuerint. His intellectis, & indies ab aliis quoque confirmatis, iræ nonnihil sopita fuerunt: præsertimque cogitatum de renouandis & prorogandis ulterius cum Imperatore Christianorum indutiis, quæ anno DCCCCXC expiraturæ essent: quamquam illas impediturus videretur Sinan Vezir azemes, ni malus factus fuisset, vti supra commemorauimus.

- C. 1583. Anno igitur DCCCCXC, sequuta fuit inter Rudolphū II, Christianū imperatorem, & Muratē III, Imperatorem Musulmanorū, indutiary prorogatio: quæ Kal. Ianuariis, anno Christiano MD. LXXXIV, qui Mahumetanus est DCCCCXC, inciperent; & nonum ad annum vsque durarent.

Hoc primo prorogatarum indutiary anno, sub finem mensis Augusti, Rudolphi II Rom. Imp. iussu vir illustris & generosus, Henricus Baro de Lichtenstain, de Nicolspurg, serenissimi principis Matthiæ, Archiducis Austriæ, primus a cubiculis, consueta munera Sultano Murati, Musulmanorū imperatori Constantinopolim laturus, Vienna quinque nauibus secundo Danubio discessit, Budamque feliciter quinto die mensis Septembris adpulit: ac perhumaniter exceptus, negotia sibi demandata cū Sinan bassa Budensi, patria Florentino, licet alij Mediolanensem ex Vicecomitum familia perhiberēt, ex animi sententia peregit. Ibi postridie, quàm aduenisset, qui fuit sextus dies Septembris, quum deduceretur ad bassam, insolens ei barbarumque spectaculum exhibitum fuit.

Primum magno populi concursu, tres habitu Turcico præcedebant Zingani, quos Ægyptios nonnulli, Arabes alij vocāt.

Horum

Horum medius testudinem, vsitatis maiorem, pulsabat : reliqui duo duabus fidiculis, admodum stridulis, strepitum faciebant; & voce barbara Sultanorum Osmanidarum res gestas, omnibus ad hunc vsque Muratem ordine recensis, accinebant.

5 Hos sequebantur tres limphatici robusti homines, caligis tantum induti, cetera nudi : nisi quod capitis vertex paruo pileolo rubro, & humeri nudi superiniecta, deque collo pendente pelle tigridis, exornabantur. Hi ad concentum Zinganorum tripudiabant, tenentes singuli vexillum Turcicum rubri coloris, cuius hastile intra cutem & abdomen ventris, emanante multo sanguine, defixum erat.

Hos duo pueri sequebantur, qui cuti frontis perforatae pēnas gruis inferas ferebant.

15 Secundum pueros incedebant quatuor virorum paria, per vulneratis lateribus.

Primi duo clauas ferreas, quas pisdiganos dicūt: proximi duo nudos acinaces, per curem transfixos, gestabant.

Rursus alij duo sequebantur, quorum vnus securim militarem Vngaricam, (schacanum vocant) alter oblongum Genizari sclopetum, apertis lateribus, in transfixo corpore portabat.

20 Ultimo loco viri duo robusti spectaculum hoc claudebant, qui tempora rectis, latis, & oblongis ensibus, quos Vngari palatos vocant, transfixerant. Horum capulos manibus tenebant. In ensium cuspide pomum erat adfixum, & pomo penna gruis.

25 inferas.

30 Vniuersi rasis nouacula capitis & barbæ pilis, excepto mustace, caligis tantum largioribus, qui Turcorum per ætatem mos est, induti: supra cingulum plane nudi erant : nisi quod in vertice, sicut & antea diximus, rubrum strictumque pileolum, quem takiam (ni fallor) adpellant, & pendentes de collo per humeros rigidum pelles gestabant. Omnes etiam tripudiantes continuo saltabant, cum multa sanguinis effusione, quem spongiis abstergebant.

Hoc genus hominum, quod animo scilicet imperterritito

quiduis audeant, a Turcis Delilari, hoc est, stulti delirique vocantur, a Græcis Rhipfokindyni, quod præcipites in pericula ruant. Quum autem rursus eadem peragētes, quæ prius, ex ædibus balæ nostros, ad nauium stationem, præcedendo deduxissent: accepto munere, quod eis legatus augustalis dari iussit, ad suos reuersi sunt.

Comitabantur hoc itinere legatum aliquot Barones, virique nobiles, quorum nomina subiicere libuit ex commentatio Melchioris Besolti, qui nostrum hoc iter descripsit.

Karulus a Dietricstain, Baro in Holenburg & Finckenstain.

Sigismundus Ludouicus, Baro de Polhaim.

Ioann. Bernardus a Lembach, &c.

Wolfius Vngnad, Baro in Sonneck.

Georgius Hartmanus Baro de Lichtenstain, legati frater.

Ioan. Vlricus Baro de Starhemberg.

Georgius Andreas Baro de Buchaim.

Stephanus de Reua, Comes Turocensis, Vngarus.

Wilhelmus a Dietricstain. 10

Ioannes Lewenklaw.

Franciscus Georgius Oberdorf.

Melchior Besolt.

Maximilian⁹ Magera Fuch 15 stat.

Antonius a Stamp.

Georgius Rothur.

Hector ab Eltz, aulæ præfectus. 20

Ioan. Iacobus Eglof, stabuli præfectus.

Iacobus Mielich.

Victor Reehlinger.

Ioannes Basilus ab Hohenwart. 25

Aderant Baronum ac nobilium addicti ministeriis adulescētes nobiles xv i, præter alios plebeios. Totus deniq; comitatus, extra legatum constabat lxxx i x personis. Equi lxxvi erāt, præter x vel xi i cōducticios: currus (vulgo coccios vocant) xvii, quibus Tauruno siue Belgrado Constantinopolim veheremur. Illic enim exscenditur, & itinere terrestri, Danubio ad læuam relicto, per Seruiam, Bulgariam, Macedoniæ partē, Thraciam,

Con-

- Constantinopolim itur. Adiunxerat itineris comites Bassa Budensis, vnum ex proceribus, qui Begi Turcis dicuntur, itemque res Zausios, qui Commissariorum in aulis nostris locū istic obtinēt, & tres Genizaros. Hi suis cum famulis & ipsi præter equites, septem rhedis siue curribus vehebantur. Henricus Baro de Liechtenstain, post oblatum Sultano Murati munus, amisso fratre Georgio Hartmano, qui Constantinopoli obiit, iam & ipse diuturno morbo debilior factus, maiorem familiæ partem cum equis & curribus Cōstantinopoli die x i i mensis Decembris in
 10 Austriam remisit: ipse naui Veneta, sub initium veris, per mediā Græciam domum redire statuit. Anno sequenti, x i i die mensis Aprilis, Calliupolim ad Hellespontum sitam, venit: vbi morbo inualecente, magno cum suorum dolore x v i die mensis eiusdem, continuas inter preces velut obdormiscens, vitam hanc
 15 mortalem feliciter cum immortalī commutauit. Aderat tunc ad beatas piorum sedes migranti Ioannes Leunclavius, quem in primis vt huius itineris comitem haberet, domo litteris amantissime scriptis accitum inuitauerat. Is Dionysio Chienſi, monacho docto, & optimo viro, ecclesiæ S. Marci Calliupolitanæ præposito, memorię defuncti causa, schidam heic subiectam, lingua
 20 Græca, Latina, Italica, Germanicaque perscriptam reliquit: donec a fratribus, generosissimis Baronibus, Georgio Erasmo, & Ioanne Septimio, quo nullus ordinis sui nostro sæculo Germanus maiorem orbis partem peregrinando felicius perlustrauit,
 25 debitū virtuti pietatiq; Baronis optimi monumētum excitetur.

ANNO CHRISTIANO CIO. IO. LXXXV.

DIEXVI M. APRILIS. PIE MIGRAVIT
 EX HAC AD CÆLESTEM VITAM
 ILLVSTRIS ET GENEROSVS DN.
 30 HENRIC. BARO DE LICHTENSTAIN.
 DE NICOLSPVRG. RVDOLPHI. II. IMP.
 AD PØRTAM OSMANICAM LEGATVS.
 SEPVLTVS IN HOC TEMPLO S. MARCI
 CALLIVPOLI. AD GRADVS. PROPE
 CONVERSIONEM S. PAVLI. DIE M.
 APRIL. XX. AN. SVPERIVS INDICATO.

Equidem mihi polliceor, humano lectori hanc itineris nostri mentionem non ingrata fore: qua libuit obiter etiam meo erga beatos Henrici Baronis eximij manes officio defungi, cuius erga me perpetuam inde usque a primis ipsius adulescentis adhuc annis benevolentiam & amorem expertus fui. Nunc ad institutū redeunt, tandem aliquando pensum hoc absoluamus.

C. 1584.

Hac etiam æstate anni DC CCCXCI, Sultanus Murates dum se cum mutis suis oblectat, pæne perit. Diximus enim supra, mutos Sultanis Osmanidis in deliciis esse, qui animi sensa signis quibusdam aperire solletter norunt, & vicissim intelligere nutibus ac signis indicata. Solebat hos Murates equis prægrandibus, & ob corporum molem tardis imponere: quum ipse maxime agilibus, ac præsertim Arabicis, uteretur: & modo in hunc, modo in illum proiectus, nervi bubuli (carauazzam ipsi vocant) verberibus tam mutos, quam equos eorum cæfos, ad cursum impelleret. In hoc ludu correptus comitiali morbo, sibi familiari, tam graui lapsu ex equo decidit ad pavementum allisus: ut omnino per urbem veliam moriturus, vel mortuus crederetur. Adeoque Genizari, pro more, velut extincto Sultano, iam Christianorū Hebræorumque tabernas inuolando deripiebant: maximusque tumultus in vrbe sequutus erat, nisi mature Genizarorū Aga, siue tribunus, quemdā in ipso depræhensum facinore mox, ad incutiendum ceteris terrorem, suspendi iussisset: mancipiis etiam nonnullis, Genizarorum habitu vestitis, ad vncos scalæ Syccenæ siue Galatensis, pro more Turcico deductis, & supplicio mortis ibidem adfectis. Si Muchemetes, Muratis filius, qui Magnesiæ degebat, id temporis ad urbem fuisset: actum plane de vita patris erat, & imperio. Conualuit tamen Murates, statimque post aduentum nostrum, die quodam Veneris, qui Turcorum hebdomadario festo sacer est, eques e saraio nouo (Genisaraium a Turcis adpellari, deinceps parebit ex annalium declaratione) prodiit, nobis inspectantibus cupide, quemadmodum fieri solet, & sacra sanctæ Sophiæ, siue sapientiæ Dei templum, nunc profanatum a barbaris, adije: uti scilicet nobis & aliis, (erat enim ma-

ximus

ximus hominum concursus) ostenderet, se necdum mortuum. Ipsa facies adhuc colore lurido deformis conspiciebatur.

- Hoc eodem anno DCCCXCXI, die XXIII mensis Octobris, aliquot begi Turcici cum suis copiis, in quibus erant, ipsorummet
 5 confessione, hominum ad XC I O, Carniolæ fines ingressi, grauissimam impressionem fecerunt: direptis passim vicis ac pagis, magnaue Christianorum mancipiorum multitudine secum in seruitutem abacta. Quum nostri nuntium aduentus & populationis hostilis accepissent, hominum ad I I C I O subito cogit, Iusto
 10 Iosepho Comite Turriano, & Thoma Erdendio Comite Muslouinz, Sclauoniæ Croatizque Bano, ducibus: ac sine mora maximis itineribus hostis tergo inhærentes, ad Slunum Croatiz tandem eos die XXVI eiusdem mensis Octobris adsequuntur, inuadunt, cædunt. Liberati captiui, & præda recepta fuit, cum inter
 15 tu IIII C I O Turcorum. Eramus nos Constantinopoli, quo tempore de hac suorum clade Sultanus Murates certior reddebatur: qui sane quum intellexisset, a suis iniuriæ factum initium, iure cæcos pronuntiavit. Nam nolle se quidquam aiebat a suis, contra leges indutiarum, ad turbandam pacem in Vngariæ limitibus ad
 20 tentari. Iussit etiam, illustri & generoso Rudolphi II Cæsaris oratori, Paulo Baroni Eizingano, suarum ad vtrumque bassam Vngariæ, Budensem ac Temesuariensem, litterarum exemplar exhiberi: quibus seuerè mandabat, vt milites suos limitaneos in officio continerent. Idem vt a nostris quoque præstaretur, impe
 25 rati vicissim petebat.

- Sub exitu eiusdem anni Turcus quidam Constantinopolim adpulit, nuntius cædis suorum, e qua solus (vt ipse quidem aiebat) opera chirurgi cuiusdam Cretæsis, cui fuerat antea notus, euaserat. Res ipsa relatu non indigna, quod prope nouo tunc inter Venetos ac Turcos bello causam præbitura videretur. Ramadani bassæ Tripolitani vidua cum filio, familia, mancipiis vtriusque sexus, Constantinopolim profectura, tritemem in Barbaria vel Aphrica maritima curauerat instrui, qua facultates suas amplissimas secum auheret. Eas equidem meminisse a Turcis &

Hebræis octies cētenis millibus nummūm aureorum æstima-
 tas: verēne, an sequius, equidem dicere non habeo. Huic trire-
 mi, securitatis suæ causa semet adiunxerant aliæ duæ, quas iccir-
 co vulgus nautarum conseruas adpellare solet. Quum ipsum o-
 stium sinus Hadriatici, non procul ab insula Corcyra, (Corphū 5
 nunc dicunt, quæ vox Græcis vulgarilingua sinū significat) præ-
 terlegerent: ingens subito coorta tempestas eos vel inuitos in si-
 num, quem diximus, Hadriaticum reiecit. Erat id temporis cu-
 ra sinus, cum certo triremium numero, cōtra quosuis piratas &
 alios tuendi, (quod officium qui gerit, Prouisor sinus adpellatur) 10
 commendata Petro Emo, patricio Veneto: qui quidem iunio-
 rum suffragiis ad eam dignitatem peruenerat. Is vbi Turcos si-
 num ingressos accepit, mox in eos prouehitur, numeroque tri-
 remium ac militum, & aliis rebus longe superior, omnes in po-
 testatem redigit. Inde diro quodam & inaudito furore sæuitum 15
 in captiuos, tam mares, quam feminas. Maribus occisis C E L, fi-
 lioque Ramadanis bassæ matris in complexu & gremio confos-
 so, femine x l prius nefariis pollutæ stupris, vberibus mutilatæ,
 (quæ quidem viuus adhuc, spectantibusque misellis, a quibusdā
 crudelitate plus quam barbara in mare proiecta perhibentur) 20
 dissectæ tandem atrociter ad vnā omnes, in aquas a piscibus
 deuorandæ præcipitantur. Ipsius Emi fratris filius in puellam
 quamdam egregij oris incidisse fertur. Ea quum ipsum pudicitie
 suæ vim illaturum conspiceret, mox Christianam se profiteri, &
 virginem, & in Cypro natā nobili familia Cornara, quæ suam 25
 originem ad Cornaros Venetos referret. Captā ante xii annos,
 quum Cyprus sub iugum Turcicum veniret, ex eo tempore mi-
 seram apud barbaros seruitutem seruuisse. Nunc quādo post tot
 ærumnas in hominis Christiani, pudoris virginici vindicis, nobi-
 lis denique Veneti manus incidisset: obtestari se per immoralē 30
 Deum, ne Christianæ faceret iniuriam, ne virginem incestaret,
 ne Veneto sanguini scēdam labē aspergeret: sed potius in optatū
 hūc diem, quo Christianam ad rempublicam postliminio redi-
 ret, diuina quadam prouidentia conseruatam, saluo pudore li-
 bertati.

berrati restitueret. Nihil apud imitem animum, ac prodigiose
 crudelem salacemque, tam sanctæ preces valere; quo minus
 violaretur, & suffocata cū aliis mancipiis Turcieis in mare pro-
 iiceretur. Existimabantur indignam hanc immanitatem Vene-
 5 to nomine, tam pio, tam pudoris & omnis virtutis studio, tam
 a se iicia denique alieno, exercuisse: ne quis superstes vel ampli-
 tudinem prædæ, quam consequuti fuissent, vel admissorum sce-
 lerum fœditatē proderet. Huius facinoris fama Constātinopo-
 li percrebescente, incredibile dictu, quantopere commoti fue-
 10 rint Turcorū animi. Passim audisses omnes omnia Venetis ex-
 trema minitantes. Vix a Bailo (magistratus Veneti nomen est,
 qui de suorum causis istic cognoscit, & iniurias suis illatas ad Sul-
 ranum Turcicum eiusque Vezires, defert:) abstinebant, quo mi-
 nus homini manus iniicerent, aut fœde saltim in os expuerent.
 15 Fungebatur id temporis hoc munere Ioannes Franciscus, Mau-
 rocenorum familia natus, (Morelinos vulgo vocant) qui paullo
 post episcopatum Brixensem, mortuo doctissimo Cardinale
 Delphino, absens impetrauit. Is quum Zausium quemdam Sul-
 tani Muratis iussu, Constātinopoli die xxvi Decembris Ve-
 20 netias iturum cum mandātis, accepisset: intercessit, actantum
 obtinuit, vt ablegandus Venetias Zausius Constantinopoli ma-
 neret. Missi tamen, qui Muratis sententiam Venetis significarēt.
 Volebat is pœnas in tanti facinoris auctores statui, ablataq; res
 cum personis, tam liberis, quam seruis, reddi. Habuerat autem
 25 vidua Ramadanis Christiana cccc mancipia, quæ sane quoniā
 pro more Christianorum, triremi capta, libertate donata fuerāt:
 alia Murates horum loco mancipia flagitabat. Simuleam præ-
 se ferebat animi moderationem, vt minime se diceret ipsis illa-
 turum iuriā, nec pacem violaturum; modo postulatis, ratio-
 30 ni & æquitati consentaneis, satisfecissent. Ceteroqui se bello
 suorum cædes & iniurias vindicaturū. Senatus intellecta que-
 rela voluntateque Muratis, & re diligenter, vt gesta fuisset, per-
 quisisa: Murati responder, extincti Ramadanis bassæ Tripoli-
 tani familiam primum ad insulam Veneti iuris Zacynthum.

adplicuisse, neque dumtaxat ab insulanis humaniter exceptam; verum etiam munusculis quibusdam honorariis, ac xeniis adfectam fuisse. Postea vero, quam hinc discessissent, alteram insulam suam Cephalleniam hostiliter inuasisse, præterque pacis leges omnia deripiendo, nec hominibus, nec iumentis pecoribusque percussisse. Præfectum sinus Hadriatici, quum certior de hac ipsorum insolentia factus fuisset, eos e vestigio persequutum, non modo intra sinum armatos reperisse: verum etiam ab eis, quum propius accederet, non fuisse pro more salutatum, nec demissis velis editum signum, quod humiliationis appellatur. Horum utrumque pactis conuentis aduersari, quibus armatae naues sinum ingredi vetentur, & omnes Præfecto sinus honorem exhibere, certo salutationis summisionisque genere, iubeantur. His de causis commotum grauius Præfectum suum, acerbius in eos animaduertisse. Nihilominus in hac se causa facturos, quidquid homines æqui iustique tenaces facere par sit. Nonnihil hoc responso mitigatus fuit Sultani Muratis animus, qui præsertim necdum grauissimo contra Persas bello defunctus, nouis aduersus præpotentem mari rempublicam inimicitias implicare se nollet. Secundum hæc Petrus Emus capite plexus, & ipsa triremis cum omni armorum & instrumenti genere, totidemque mancipiis, quot in ea Veneti reperissent, reddita fuit: quo tempore nos ad Zacynthum, Cephalleniam, Corcyram, aliquamdiu hærebamus, & classem Venetam, quæ Turcis eam triremem restitueret, vidimus. Ceterum libet obiter hoc loco de interitu ipsius quoque Ramadanis bassæ Tripolitani, cuius viduam cum filio familiaque cæsam ab Emo diximus, per pauca quædam commemorare: futura, ut opinor, auido cognoscendi res externas animo non iniucunda.

Tripolitanus igitur hic bassæ, bellum contra barbarum regem Africanum gesturus, quum alios milites suos, tum etiam missos sibi a Sultano Genizaros Portæ sclopetarios in hosticum ducit. Constat autem, magnas in Aphrica solitudines esse, per quas profecturi, copiam rerum necessariarum, & in primis annonæ, secum

secum ut ferant, necesse est. Itinerum quoque periti duces, in locis adeo desertis & inuiis, vel maxime requiruntur. Ramadan bassa, quum horum utrumque parum ad animum, ante professionem, reuocasset, in eas tam annonæ, quam viarum difficultates, cum suis, incidit: ut neque progredi posset ulterius, nec sine iactura militum, pedem referre liceret. Tandem tamen non sine suorum cæde, ac præsentium periculo totius amittendi exercitus, domum reuersus est. Tum vero cæco perciti furore Genizari, nulla nec ipsius viri dignitatis, nec Sultani sui ratione habitata, qui huic eum provincie præfecisset, hominem obtruncant. Neque Murates hæcenus eos ob hanc bassæ sui cædem, pro auctoritate imperij castigare potuit: quod nemini mirum videri debet. Quippe non amplius illa nunc apud Turcos obœdientia, non disciplina militaris est, quæ fuit olim apud sæculum prius.

15 Quod tamen si docere pluribus exemplis possem, tamen ne modum annalium excedam, dumtaxat vnicum adhuc recitasse suffecerit. Anni non multi præterire, quum Achmeres bassa, beglerbegus Cypri, Famagustæ suis & ipse trucidatus a Genizaris fuit. Illam se cædem admisisse palam profitebatur, ob interuersa

20 stipendia sua, quæ per auariciam Achmeres sibi retinisset. Atque uti prætextum, palliando facinori suo, magis speciosum haberet: ab eo miseros etiam insulanos exactioibus grauissimis & intolerandis exhaustos, aiebant. Indigne Sultanus Murates hanc Genizarorum ferebat insolentiam, qui beglerbegum suum tam fore

25 decessent, nullis ad Portam querelis delatis, nullo crimine quo se obligasset. Pertinere putabat ad tuendam maiestatem imperij sui, ne facinus hoc impune sic abire sineret, ut horum exemplo, corruptis & aliis, contumacia militum latius serperet. Quapropter in Cyprum alius ab eo beglerbegus mittitur cum x tri-

30 retribus, tam aliarum rerum adparatu necessario, quam eo militum numero instructis, quo cædis eorum coherere et petulantia posset. Nouns ergo beglerbegus, quum primum ad insulam adpulisset, dissimulatis illis occultis mandatis, quæ discedenti Murates dederat: homines quosdam sibi fidos, adire Genizaros iu-

bet, ac passim rumore didere, quasi Murates eis ob interemtu Achmetem bassam minime succenseret. Immo dicere Sultatum confirmarent, iure scelestum hominem de medio sublatu, qui Genizaros, vnicos imperij sui custodes, annonis suis defraudasset. His auditis, hilari fronte Genizari beglerbegum, & quap par erat obseruantia, excipiunt. Verum non multo post inexpectato quodam astu milites eius circumueniunt, & vniuersos cadunt, ipsis etiam triremibus in potestatem reductis. Murates, licet ægerrime ferret alterum hoc Genizarorum in Cypro facinus, quo grauissime lædi suam, & prorsus imminui maiestatem videbat: tamen, quod infelicitèr hactenus gesti belli Persici causa, condonandū his aliquid censeret, ne nouas & intestinas præterea turbas excitaret: iris animi dissimulatis, nihil amplius in costentaui.

C. 1585. Anno DCCCXCII, mense Martio, in omnium erat ore Constantinopoli, Ferhatem bassam, qui Turcico militi suprema cū potestate, necdum ad fines Persicos progresso cum exercitu Osmane bassa Vezirazeme, præerat: debitam militibus annonam, fordida quadam auaricia distractam, suos in vsus vertisse: cuius tamen graui pænuria laborabat exercitus. Idem quum impelleret, duarum in iis locis munitionum excitandarum causa, de prouinciis vti vicinis conuenirent incolarum ad sexaginta plus minus millia, qui operas structuræ necessarias in se reciperent: a singulis aliquid nummorum, pro ratione facultatum exegisse ferbatur: illisque domum remissis, ad functiones sordidas ipsos Spachios, Genizaros, ceterosque milites adegisse. Mensis eiusdem die xv concessum in diuano fuit Siausi bassæ, quem supra masulem factum diximus, vt libere, quibus in locis vellet, versari posset. Hoc decretum ei viam aperuit, priorem ad dignitatem redeundi: quod quidem, mortuo Persicos ad fines Osmane bassa, non multo post accidit. Constat cum vtroque, tam Ferhate, quam Siause mitius egisse Sultatum Muratem; quod eorum indigeret opera. Nam qui per Osmanis absentiam, supremi Veziris loco res administrabat Mesites bassa, castratus & senex; licet alioqui

alioqui iustus & seuerus, tanto tamen muneri parum erat idoneus.

Die XIX mensis Aprilis, rediit Sinope Constantinopolim Valuzalis præfectus maris: quod argumentum erat, eo loco tum res fuisse Tataricas, vt Osmanis in Tauricam Chersonesum trãfectione non esset opus.

Eodem anno, quum Osman bassa Persicos ad limites accessisset: occurrentibus intrepide Persis, modo mille, modo plures, ad decem vsq; millia, de ipsius exercitu carptim fuere cæsi. Tandem Augusto mense, Persis insciis, & nihil de hoc ipsius itinere cogitantibus, per obscuras, opacas, angustas valles, inter altissimos vtrimque montes profectus, vbi militis animãdi causa multoties displota fuere tormenta bellica, Tebrisiũ accessit. Facillimũ hosti fuisset, his in angustis eum toto cum exercitu ad internicionem delere, si maturius de hac eius profectioe cognouisset. Osmanis aduentu intellecto, Cadius siue iudex vrbis fuga sibi consulit. Tum ceteri, præsertim viri sexaginta in vrbe primarij, variis eum instrumentis musicis in castra Turcorum exeunt: Osmani se bassæ, saluam libertatem immunitatesque suas pacti, dedunt: eumque noctu cum suis in vrbem, ceteroquin apertam, nec vllis clausam muris, deducunt. Est in vrbe saraiũ longe amplissimum, altera Scachorum Persicorum regia: quum interior ad Casminum sit, quemadmodum aliquoties alibi diximus. Hoc saraiũ propugnaculis Osmanes, intra diem trigesimum, egregie munit: arcibus absolutæ mille Spachiorum, duumque millium Genizarorum, præter alios milites, præsidium imponit: machinarum denique bellicarum in ea magnum numerum, eum aliis rebus necessariis, relinquit. Inde Tebrisiũ copias vniuersas abducit, ac in itinere dysenteria, quinto post die, moritur. Erat in exercitu secundus ab ipso Cigaloglis bassa, beglerbegus Reuanensis, cuius supra quoque mentionem fecimus. Hic Osmane mortuo, supremum nactus imperium, suos in tutum reducere nititur. Instant Cigalogli a tergo Persæ, quibus ipse Scachus adfuisse perhibetur.

Acerrimo cōflictu, & aliquoties quidē repetito, maxima Turcorum strages editur. Nihilominus, quocumque potest modo, Gígaloglis iter continuat: quum hostis imperum frangeret obiectu Genízarorum, qui sclopetis suis terrori Persis erant. Quoties autem Persæ grauius vrgerent, premerent, Turcorum profectiōem impedirent: subsistere legiones, & fortissime præliari iubet. Transfugas deniq; subornatos in hostium castra mittit, qui de ipsius profectiōe consilioque longe diuersa referrent ab iis, quæ cum animo suo facere constituisset. Hac eius impostura decepti Persæ, dum & ipsi subsistunt: maxima celeritate cum suis aufugiens Gígaloglis elabitur, & Wanum reliquias incolumes ducit. Persæ fugam hostis conspicati, Tebrisium reuertuntur: & vrbe recuperata, mox arcē obsidere ceperunt. Períisse constat in hisce cōflictibus haud dubie Turcorum ad LXXXCI. in quibus erant veteranorum militum lectissimorū ad XLCI. Prælia totum continuata triduum trinoctiumque. Captæ centum ac plures machinæ bellicæ maiores. Scachus Persicus, re bene gesta, regno semet abdicasse fertur, idq; sic tradidisse filio: vt eum sacramento prius obstringeret, quo sancte polliceretur, nunquam se cum Turcis pacē facturum, ni prius recepisset omnia, quæ iuris aliquando Persici fuissent. Hæc tamen si gesta fuere post discessum e Turcia nostrum, nec ita comperta damus, vt quæ supra de rebus Persicis, ex interuallo propiori obseruata descripsimus: tamen ab iis accepta referimus, de quorum fide non dubitamus: sequius ac illi solent, qui rerum ipsarum, quas scripturiunt, rudes & ignari, ridiculas nobis (vtinam sine fraude periculoque veritatis nugas obtrudunt.

Hac etiam ætate bellum aduersus Maronitas & Truscos gestum fuit. Inhabitant hi populi mōtem Libanum, qui haud procul distitus ab vrbe Syriæ Phœnices Tripoli, (Tarabolos ea Turcis est) non exiguum ad spatium se porrigit. Religionem Christianā profitentur, ac Maronitis etiā patriarcha sacrorū princeps est. Is habitat in monasterio Virginis Deiparæ, quod itinere medio montem Libanum adscendentibus occurrit. Habent & Hie-

rosolymis Maronitæ templum S. Georgij martyris, vbi vulgo vocantur Christiani cincti siue zonarii, propter longas laticque zonas siue cingula, quibus vtuntur. Aythonus alicubi Maroninos dixit, & his verbis eorū meminit: Sunt in monte Libano Christiani degentes prope Tripolim, sagittarij pedites valde boni, circa **LXCI** virorum. Hi multoties fuerunt Soldano rebelles, & damna plurima Saracenis intulerunt. Hactenus Aythonus. Maronitis vicini fœderatique sunt Trusci, qui se profitentur esse reliquias illorum occidentalium Christianorum, quos imperatoris **Henrici III** tempore, sub annum Christianum **CIO. XCIX** Dux Bullionenſis Goteſfridus in terrā sanctā duxerit, & quorū vsus opera tam Hierosolymis, quam reliqua Palæstina, potitus fuerit. Gens vtraq; tam est numerosa, tam rei bellicæ addita studiis: vt hominum iam ad **LXCI** facile possint in hostē educere, qui maiori ex parte peritissimi sclopetarij sunt. Hos populos anno Mahumetano **DCCCCLXXXI** Sultanus Selimes **I** subiugum C. 1574. mittere, sed frustra conatus fuerat. Itaque Turcis ex illo tempore libertati ac fortunis eorum insidiantibus, nunc tandem vndecimo post anno domiti fuerunt ab Ibrahime bassa, Cairi vel **Egypti** beglerbego: qui de spoliis thronum regium ex auro puro puto Constantinopolim misisse Sultano Murati dicitur, æstimatum sexies centenis aureorum millibus. Idem Sultana, cuius filiam dudum ambit, & haud dubie ducturus tū credebatur, aliisque saraij mulierculis misisse munera fertur, quorum pretiū **25** ducenta millia Sultaninorum æquauerit.

Anno **DCCCXCIII**, Persis atque Tebrisanam, ab Osmane C. 1586. bassa superiori ætate munitam, obsidentibus: quum obsessi pro pmodum ad extremam rerum omnium pænuriā redacti essent, Ferhates bassa, veluti peritus architectus, munitionem nouam e regione Tebrisijs trueret instituit. Cigaloglis autem bassa Casminum, quæ Persarum (seu diximus) interior est regia, petiturum se cum exercitu simulat. Dum hoc eius iter impedituri Persæ, maximis cū copiis aduolant: simulatione pugna succursum obsessis, & que res omnes in arcem, cum nouo supplemento

militem, inuectæ fuerunt; quarum inopia laborabatur.

Eodem anno magnus ille Chitainus Chan, qui Vlu Chan & Kezies bassa dicitur, Persarumque Scachus, quem Kiselem bassam vocant, nouum inter se fœdus pepigere, quo mutuis se subsidiiis aduersus Osmanidas ferendis obligarunt. Nam quod Tatarus oppresso Persa, proximum se fore potentie Turcicæ videret, cui plurimum ex ruina tanti regis virium esset accessurum: quam fieri maturime posset, obuiam eundum crescenti malo censebat. Itaque maioris etiam coniunctionis causa contractum fuit inter liberos vtriusque matrimonium, Tatari Chanis filia, 10 Scachi Persici filio nuptui data. Simul etiam stipulatus est Tatarus, ad vsum Persæ, hominum se xxxc. proprio ære tam diu contra Turcos in armis habiturum: donec bello finis, ex voto Persici regis, impositus esset.

Iunio mense huius anni, orta quædam obscura Cōstantino- 15 poli nebula fuit: qua desinente, locustis pluit, quæ fructus omnes, & arborum absumere folia. Diuersum quid apud nos accidit anno sequenti 1587, Decembri mense: quum Croatinis in finibus, ad Whitzium, Karuli Archiducis Austriæ castrum, quasi nubes quædam anatum & anserum, aliquot sane myriadam, ad- 20 uolauit; seque proximum, in stagnum demisit: vbi noctu strepitus ingens pugnantium inter se volucrum in tota vicinia, seque mutuis conficientium vulneribus, auditus fuit. Egressi postridie milites, ciues, agricolæ, tantam & anatum & anserum copiam, ad fumum, ad aërem exsiccandorum, congesserunt: vt diu tam 25 opima sine visitaturi commode præda. Nam alij 100, alij 200, plures alij, paucioresue collegerunt mactatas ab se inuicem volucres. Tandem e prato quodam spatiosissimo sublatis superstitibus alis, auolarunt.

Sub finem anni, Decembri mense, Croatinis in finibus ali- 30 quot millia Turcorum a nostris, numero longe imparibus, fuere cæsa. Perijt inter alios, bassæ Boznensis frater: cuius caput a ceruicibus recisum, missumque cum captiuis quibusdam fuit Viennam ad serenissimum Austriæ Principem Ernestum. Hic bassa Boznensis,

Boznenſis, & frater eius, quem cæſum hoc conflictu diximus, nati perhibentur ex familia Mechemetis baſſæ Veziræzæmæ, cū quo nuptam fuiſſe Sultani Selimis II filiam, Muratis ſororem, ſuperius oſtendimus.

5 Anno ſequenti proximo, nimirum Mahumetano DCCCC C. 1587.

xciiii, menſe Februario, noſtri Copanum, arcē non procul ſitā lacu Balatone, tum temporis cōgelato, quo tres Turcorum begi conuenerant, ex inopinato adorti, ceperūt. Erant in arce quā noſtricam inuaderent, mille Turcorum plus minusue capita.

10 Ex his præter alios vilioris fortunæ, cxc nobiliores, cum lxx feminis, in poteſtatem noſtrorum venerunt: reliquis aut fuga dilapſis, aut ſub terra ſemet intra ſpecus abdentibus. Equi generoſiores abducti centum, præda x l nummūm aureorum millib⁹ æſtimata. De tribus begis, quos id temporis illic fuiſſe diximus,

15 Sangiacus Copanenſis, Cara ſive Niger Alis captus fuit, & Viēnam prius, inde Pragā ad Rudolphum Auguſtum miſſus: alter ſuffocatus in loco ſubterraneo concamerato, quo ſe defendebat, igne vi tormentarij pulueris accenſo: tertius fugæ tum beneficio ſeruatus, vbi cum alijs deinceps Auguſto menſe, quem-

20 admodum mox indicaturi ſumus, fines noſtros ingreſſus eſſet: quam hoc in loco captiuitatem fugiendo declinarat, iſtic in poteſtatem fatali quodam caſu redactus, effugere non potuit.

Anno eodem, menſis Auguſti die octauo, (ſaltos veteres Vngari retinent) quatuor begi Turcici, Saluarenſis ſive Zigetanus

25 baſſa, Sangiacus Mohaziēſis, Sangiacus Peſcheuius ſive Quinqueceſienſis, & nouus ille captiui loco ſuffectus Copanenſis, quinque ſuorum millibus collectis, intra fines noſtros, verſus Nemphitum, irruerunt: & pagis aliquot eis & vltra Limpacū, vna cum opidulis, (Germani marctas, emporia Græci vocant)

30 Moracio, Dobronacis ambobus, Refneccio, Tarnoco, ſeptem ac decem in ſumma pagis, repentina impreſſione obrutis, ac miſeris vtriuſque ſexus incolis captis, omnia depopulati diripuerūt. Eius rei factus certior illuſtris præſidiariorum caſtri Caniſani tribunus, Georgius Comes Zerinius, Comitſ Nicolai, fortiter ad Zigetum mortui, filius; quanta celeritate maxima poteſt,

e castellis proximis aliquam militum manum, cum suis subditis ex insula Murakeoza, quæ inter Muram & Drauum amnes est sita, cogit. Præterea procures sibi vicinos, vigilantissimos Cisdanubiani limitis custodes, Comitem Franciscum Nadasidium, Balthasarem Bathianum Baronem Gussingensem, itemque præfectum Copreinitzæ Ioannem Globitzium, & Ioannem Fidericum Trautmäsdorffianum, Bandi equitum præfectum, per suos, & per explosarum machinarum tesseras, hostilis irruptionis certiores facit, ac suas uti copias sine mora secum coniungant, hortatur. Illi mox suis excitis, ad locum designatum in tempore conveniunt. Inde data diligenter opera, Turcorum uti reditum anticiparent, eosque loco maxime idoneo, quasdam inter angustias paludum, quæ transeundæ ipsis erant, inuaderent. Feliciter nostris hoc consilium cessit. Reversos cum præda, magnoque captivorum, cuiusvis ætatis & sexus, Christianorum numero barbaros, supra Catzerolacum, ad unum a Canisâ militare, necdum dissipatis omnino tenebris, sub primum diei crepusculum viriliter adoriuntur, manum conferunt, animose cædunt, omni armorum genere vulnerant, cedentibus instant, aduersos mactant: eo denique trepidationis ac desperationis adigunt, ut acinaces nostris suos ultro porrigerent, obliicerent: itidemque ceteris armis depositis, alij vitam & incolumitatem voce gestuque lamentabili deprecarentur, alij quacumque via possent, in silvas ac saltus aufererent, ipsi que se paludibus immergerent: ubi quum moribundi, quod viribus exhaustis, ulterius pergere non possent, opere hostis implorarent, a nostris miseratione tantæ calamitatis ipsorum commotis, plures erepti servatique fuerunt. In conflictu Machmutes Sagiacus Quinqueecclesiensis, filius Alis bassæ, prælio nauali ad Cuzzolaros occisus, de quo supra dictum, qui que captivus a morte patris Romani perductus fuerat, nostrorum in potestatem venit. Mohazienensis, Sinan begus, palustris loci transiendi spe, adacto calcaribus equo, dum defixus hæreret in vligine; sclopeti per fratrem mediam petitus ictu, occubuit. Sasua-

lati

- lari se vult, vna cum bego Copanensi Chalane, fuga se subduxit
 e proelio, quātes suas iam desperatas cerneret. Copanensis pri-
 ma post pugnam nocte, quodam in saltu oberrans, cum aliis ca-
 ptus fuit. Zigaretanus septimo tandem die pedes Bresenzam, fa-
 me atque animi dolore confectus, euasit. Capti ex hostibus fere
 10 ccc, de quorum numero multi grauissime vulnerati, post
 expirarunt. Cæsi tam in ipso proelio, quam deinceps, & in palu-
 dibus ac siluis extincti, multo plures, & ad duo fere millia. Ca-
 pita cæsorū cccc, pro more militari eorum limitum, cum de c
 15 viuis, Canisam dumtaxat relata. Potiti præterea nostri ccc ac cc,
 & amplius, Turcorum equis. Erant nostrorum pedites ccc cc,
 equites cc. ex quibus desiderati dumtaxat vndecim: nonnulli,
 sed pauci tamen, vulnerati. Præda, cum captiuis Christianis, re-
 cepta. Non desiere nostri, iuuantibus etiam agricolis, ad aliquot
 20 dies fuga dilapsos indagare quadā, velut in feratū venatū fieri
 solet, cingere: quorum quidem non exiguus numerus, vel inue-
 stigantium studio repertus, vel sua sponte, quod omnem euadē-
 di spem sibi præcisam conspiceret, nihil profuturas deferens la-
 tebras, in potestatem venit.
- 25 Et hætenus, in hoc quidem tempore, Turcicos annales, ad-
 iecta rerum xxxvii propemodum annis gestarum expositione,
 continuare voluimus. De quo sane labore nostro, cuiusmodi
 sit, iudicium lectoris humani, candidi, & intelligentis, minime
 reformidamus. Ceteros vel improbitatis & malitiæ, vel ignora-
 30 tionis morbo excutientes,

Manguri vnus æstimamus omnes.


- Veritati quidem certe studuimus, qua, velut anima sua, si ca-
 reat historia: mox in fumos abeat, necesse est. Testes idoneos, &
 auctores fide dignos habeo, quum magnificum & amplissimū
 35 virum, Bartholomæum Pezzenum, Cæsar. Ma. consiliarium, nu-
 per ad Portam Osmanicam missum cum ordinarij legati mune-
 re: tum etiam viros nobiles & egregios, Paulum Rosam Vnga-
 rum, beate non ita dudum Constantinopoli mortuum, Nicolaū
 Haunoldum Vratislauicsem, Hieronymum Arconatum Leon-

torinum: qui Constantinopoli, quum istic ipse peregrinaret, in
 augustalibus scriniis secretioribus militabant. Horum consue-
 tudine cotidiana, planeque sinceta, qui virorum optimorum
 candor est, multa me percepisse de Turcicis rebus, ingenue fa-
 teor. Nec prætereundus silentio Matthias Pharensis, Rudolphi
 Cæsaris nostri ad Portam Osmanicam Dragomanus vel inter-
 pres: ex cuius narratione pleraque de hoc decennali aduersus
 fortissimam, vereque victricem hætenus gentem Persicam, bel-
 lo gestis, plene cognouimus. Quod si visum Deo fuerit, diutius
 hanc nobis prorogare vitam; dabimus absolutam aliquando hi-
 storiam Constantinopolitanam, qua res inde vsque ab vrbe cõ-
 dita, tam a Romanis, Græcis, Flandris imperatoribus,
 quam a Sultanis Musulmanorum gesta, serie
 perpetua contextæ legentur.

Supplementi annalium finis.

PRINCIPES

qui ab eis originem ducunt.



torinum
 augustal
 tudine c
 candore
 teor. Ne
 Cæsar
 pres: ex
 fortissim
 logestis,
 hanc nol
 storiam
 dit:

IN CITE MACHANENSES

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE

MONIE SARIE, CYM OSMANIDE



IO. LEVNCLAVII

PANDECTES HISTO-
 10 RIAE TVRCICAE, LIBER
 SINGVLARIS, AD ILLV-
 strandos annales.

35 *De Genealogia Sultānorum, Osmanidarum, tum etiam, quid
 Scach, Gasi, Zelebi, Emir.*

20 **A**NT e omnia lectori duximus depingēdam heic
 feriem principum Machanensium, a quibus Os-
 manidas ortos, annales hi Turcici tradunt: cum
 arbore, quam vocant, genealogica Sultānorum,
 inde vsque ab Osmane primo, ad Muratem hunc
 tertium, eiusque filium Muchemetem. In hac autem genealo-
 gia retinui nomina barbara simpliciter, vti pronutiantur a Tur-
 cis: quibus tamen in explicatione Annalium eam dare formam
 25 libuit, quam Græcis probari video. Obiter etiam lector anim-
 aduertat, Vguzem vel Oguzem heic quarto loco poni, a quo fa-
 miliam hanc Oguziam Turci dictam aiunt, quā Laonicus Chal-
 eocondyles, Latine Galliceque non magna cum interpretum
 laude publicatus, adpellat tribum Oguziam: videriq; apud Lao-
 30 nicum, Oguzalpem (licet confusis temporum rationibus) cum-
 dem esse, qui Oguzes Turcis vocatur. Oguzalpes enim dicitur,
 velut Oguz Elp, id est, Oguzes Elpius, vel familia natus Elpia, cu-
 ius in annalibus mentio fit in vita Sultani Muratis II, anno Ma-
 humetano 849, siue Christiano 1444, quæque videtur eadem

AA

esse cum Oguzia. Præterea Giokelpem nos vocamus, sequuntur
 Gauderium, linguæ Turcicæ Cæsareum interpretem, qui Tur-
 cis est aliorum pronuntiatione Kukelpes vel Gukelpes. Sic apud
 Vincentium Beluacensem corrupte legitur quidam Kiocay, pro
 Kioc Chan, pronuntiando vocem Kioc vnica tantum syllaba, 5
 qui alibi Gog Chan dicitur: vt etiam Gukelp, & Gog Elp, pro
 eodem accipiatur. quod nomē indicandum putavi, propter ad-
 appellationem gentis, quæ sacris in litteris exstat. Scachi autem
 adpellatio, quæ tribuitur Soleimani, Ertuculis, patri, vel regum,
 vel magnorum est principū, præsertim apud Persas: sicut apud 10
 Hispanos Doni vocabulum in vsu est. Apud Iacobum Fonta-
 num Tlaccus nomen est. quod vix adgnouerit aliquis idem es-
 se cum Scacho. Nec recēs hoc esse Scachi vocabulum, vel ex eo
 patet quod apud Aythonium hæc 15 capite verba, licet corrupte,
 legantur: Postmodum quidam rex Persarum, nomine Cossor- 15
 rassath, fuit primus ausus Romanorum imperio rebellare, ac se
 fecit imperatorē Asiæ nominari. Quippe vox illa Cossorassath
 mutanda prorsus in Cosroas Sach, quod Chosroas Scach, id est,
 rex Chosroës, enuntiandum. Obiter hoc indicare propterea li-
 buit, quod insignis historicus Reineccius, auctor editionis Ay- 20
 thoni postremæ, de Chosrorassath putauerit Artaxerxem faciū-
 dum: qui tamen Agathiæ nostro non Artaxerxes est, sed Atta-
 xarēs, vt Bizarus quoq; noster, V. C. ex obseruationibus nostris
 adnotauit. Rursus alibi apud eundem Aythonium Soliman Sa,
 non est Soliman bassa, sicut in Adpendice sua Reineccius opi- 25
 natus est, sed Soliman Scach. Ertucul & Ertuerul (diuersa nā-
 que scriptura reperitur) a Turcis dicitur, quem Laonicus Otto-
 gulem vocat, Osmanis patrem. Et Osmanem hunc dico, non
 Otmanem, vel Otomanum; itemque non Otmanidas, sed Of-
 manidas: quod ita postulet Arabicæ Turcicæq; linguæ pronū- 30
 tiandæ ratio, cui Græca prolatio nominis, per Thita litterā scri-
 pti, non aduersatur: quando istæ c littera non Latinæ T vel TH
 respondet, sed ex vsu Græcorum, gemino potius S, cum sibilo
 quodam expresso. Sic enim Aslinanem pronuntiauit Chalco-
 condyles

condyles, non Athmanem. Nec aliud hoc Osmanis illius est nomen, quam Osmanis bassæ, qui ante biennium bello Persico periit. Ortelium sane miror Osmanem, quem Ottomanum vocat, Zichi filium facere, tam Græcis, quam Turcis repugnātib. Gunduselpis nomen, qui & Gundusa Turcis vocatur, idem prorsus est cum Duzalpe Laonici, per aphæresim, quam vocant, detractionemque primarum litterarum. Et in margine Latini Laonici adscriptum legitur huius Duzalpis nomen aliud ex alio libro, Iudisalpes: quod ad Gunduselpem vel Iunduselpem, propius accedit. Errat autem in his Laonicus, quod Duzalpem ponit primum in hac familia, qui Gundus & Gunduselp, Erruculis filius: quod Oguzalpe Duzalpis facit filium, qui ab hoc XIII gradu est inter adscendentes: quod Orthogulem Oguzalpis filium, Duzalpis nepotem statuit, quum XI gradu absit ab Oguze, qui est inter adscendentes, & Gunduselpis seu Duzalpis fuerit pater. Osmana morte patris annos quidem 39 Mahumetanus ex annaliū auctoritate vixit, sed 29 tantum imperasse scribitur: quod primis 10 annis principatum adquisiuerit, & cōstituerit. Sultani nomen huic ab annalium auctore non tribuitur, sed Murati primum nepoti, & abnepoti deinde Muchemeti: quod de hoc Muchemete Theodorus etiā Spādugin⁹ adnotauit. Gazi vero cognomen Osmani datur, sicut & Vrchani filio, Muratiq. nepoti, quod strenuum magnanimumq. militem significat. In Vrchane (sic enim scribendum) notāda cum Ali bassa fratre cōcordia, quum omnes alij, quorum de rebus Turcicis exstant scripta, dicant ab Vrchane principatus initio sublatos fuisse de medio fratres duos: aperte reclamantibus hisce Turcicis annalibus, qui primum a Baialite Gilderune Chane patricidium, regni causa commissum fuisse, necato Iacupe Zelebi fratre, docent. Zelebis nomen, quod nobilem significat, a Turcis arbitror vsurpatum, ad imitationem Romanorum & Græcorum, quorum hi filios Imperatorum natu minores Nobilissimos vocabant, illi Nouellissimos, voce nōnihil corrupta, sicuti patet ex historiis, inscriptionibus, nummis matibus antiquis, & Fastis. Vnicam tantum hoc

locolubet inscriptionem, fidei causa, licet in re manifesta, ponere. tum quod pro se vetus, iam noua sit, hoc est, recens primum inuenta: tum quod antiquitatem nobilis vrbis Austriz Viennensis, quōdam seu Vindobonæ, seu Vindonianæ, quod magis probamus, insigniter illustret. Eam magnifici equitis, DN. HIERONYMI BECK A LEOPOLDSTORF, Cæs. Maiest. Cameræ aulicæ consiliarij, studio liberali debemus: qui columnæ fragmentum veteris, quæ integra Milliarium Romanum fuit, in vinea quadā, haud procul a S. Marci nosocomio, ad vnum a Vienna lapidem, repertum quum intelligeret: operam dedit, vt domū suam deportatum, posteritati conseruaretur. Eius inscriptionis hæc verba sunt, litteris expressa nobis familiaribus. Nam ductus earum, quales in archetypo conspiciuntur, hoc quidem tempore describere non potuimus.

IMP CÆS

P LICINIO CORNEL

VALERIANO NOBILISS..

CES.. PRINCIPI

LVV.. NTVTIS VA..

ET PONTES VETVSTA

CONLAPSA RESTI

A VIND.. M P

II.

Intelligitur autem nomine Nobilissimi, iueneritque principis, minor natu frater Gallieni Augusti. Sicigitur & Turci Zelibes suos dixere, quamquam in annalibus his animaduerrere liceat, Muchemetis II, & successorum filios non amplius Zelibes, sed Sultanos cepisse nominari. Ceterum esse Turcos veluti simias quasdam Romanorum Græcorumque, quibus successerunt, pluribus in rebus animaduerrimus: in titulis, officiis militariis, provinciarum præfecturis, legibus, & vniuerso imperio cōstituēdo. Iam quod Baiafitis Gilderunis siue Lælapis filios adtiner, in eis recensendis auctorum magna diuersitas est. Turci primogenitū faciunt Emirem Soleimanein, quos equidem sequor. Et Soleimanes hic dictus fuit Emir, auctoritatis maioris causa. Nam Emi-

res adpellati sunt præfides & propagatores imperij Mahumetis, quasi superiores: (Gulielmus Tyrius satrapas seu principes maiores interpretatur) quos Græci Amires & Amirades vocarunt, de quibus non recte vel Ameres, vel Amerades, vel Admiratos, vel Admirales, vel Admiraldos fecere Beluacensis, & interpres Cedrini, & alij. Nec hodieq; nomen hoc aspernantur ipsi Turcorum Sultani. Laonicus vero post Iesum suum maiorem, quem simpliciter Isam Turci vocant (quod nomen etiam propius imitatus est Laonicus libro 6, quum Iessen Brenezis F. quem alibi Iesum vocat, scribit.) quemdam Mulsumanem nomine ponit. Idem facit primogenitum Orthobulem, a patre Sebastiaz præfectum, & ibidem ab hostibus vrbe capta captum. Turcici vero annales expressè tradunt, Sebastiam Emiri Soleimani filio natu maximo, a patre datam fuisse: qui tamen a Temire capta Sebastia, non fuerit interfectus. Plura de his allaturi deinceps in medium sumus, ad numerum notarum 59, & 67. Tertij quidem Cyrifcelebin patris Baiafitis suecessorē faciunt, cuius nomen nec in Turcicis commētariis, nec apud Laonicum reperitur, & ficticiū plane videtur. Eum dicūt a Temire fuisse captum, sed e custodia tamē euasisse. Laonicus autem scripsit, prælio Temiriano captū fuisse Mosē qui videretur reliquis præstātor robore. Proinde Temir eum circūduxit, & secum in castris habuit, victū ministrās. Postea Laonicus hæc subiicit: Temir Cheriam properauit, Baiafitem & filium eius secum vehens, cuius partium respectum egit. proinde in patriam regionem fuga euasit. Denique tertio reperit Laonicus initio quarti libri, Mosē dimissum a rege Temire mari ad regionem patriam rediisse. Similis est confusio in minimorum natu Baiafitis filiorū mentione. Nam Laonicus & Iesum minorem commemorat, quū nusquā in annalibus Turcicis reperitur, & vltimo inter omnes loco ponit Mustaphā, respiciēs (vt arbitror) ad illum Mustapham, cui Dufinis cognomē a Turcis datur, quiq; Baiafitis se filium mentiebatur. Atqui differte Turci tradit, minimum natu fuisse Casanem Zelebim, qui tempore calamitatis paternæ fuerit adhuc ætate tenera: narratq; deinceps ab Emire Soleimane fratrem hunc natu minimum, Ca-

sanem Zelehim, fuisse Constantinopolim missum, vt obsidis loco ibidem esset. Laonicus etiam alicubi Iesum minorem, facit minimum natu, & Constantinopoli baptisatum ait: de quo sane vero sit simile, Iesum minorem Laonici, esse illum ipsum natu minimum Baiafitis filium, quem annales Turciei Casanem Zelehim vocant. Error Sanfouini duplex Osmanidarum in arbore, quo Sultanos iam superstites a Cyriscelebi propagat, & Baiafitis ex Cyriscelebi nepotem facit Muchemetem primum, tam manifestus est: nullius vt refutationis indigeat. Alis vero, qui Constantinopolim & ipse profugerit, nulla Turcicis in annalibus metio. Reposuius etiam suo loco germanum illum, & natalibus opera nostra nunc restitutum, Baiafitis filium, Mustapham Zelehim: qui vt Temiriano prelio, sic etiam haecenus ex Osmanidarum stemmate, haud scio quo fatali casu exclusus, periit: locum eius inuadente Mustapha, suppositicio Baiafitis filio, quem annales hi Dufmis adpellant cognomēto. De Sauze iussu patris excæcato, nullum in annalibus verbum. Nomen Sauzis illud est, quod Soleimanes hodierno Veziri azemi adhuc puero dedisse fertur. Siaus enim bassa vocatur, cuius supra quoque aliquoties in supplemento annalium nostro facta metio. Quod autem Sauzi a Reineccio Taures filius adtribuitur, qui exsul in Vngaria vixit: & quod idem dat Mustaphæ suppositicio filium Davidē, ex auctoritate Ioan. Basilij Heroldi, qui & ipse diu exsularit apud Vngaros: errore quodam factum, ex vitiosa scriptura, & Heroldi alucinatione, profecto. Nō enim Taures apud Chalcocōdylem legi debet, sed Tautēs, tribus syllabis, quod nomen est Taut vel Daud, quemadmodum nostris in annalibus Daud bassa legitur, sub imperio Baiafitis II. Et Turcis Daud dicitur, qui David Hebræis. Hic ergo Tautēs verus esto Sauzis filius, alter autem Dufmis Mustaphæ filius David, ceu commenticius, expūgitor. Perperam deinde traditur a nostris, Isam siue Iosua, siue Iesum maiorem, a Mulsūmane, qui Turcis est Emir Soleiman, occisum: quum eius necis culpam Turcorū annales in Musam, siue Mossem, fratrem alium, deriuent. Volūt etiam nostri, quos Reineccius in Osmanidarum stemmate sequitur, Muchemetē II fuisse natum

natum ex Irene, Georgij Bulcouizij, Scruiorum Despotæ, filia.
 Falsum hoc esse, manifesto paret ex annalibus hisce nostris, &
 annorū supputatione. Natus enim fuit Muchemetes anno Tur-
 cico 833. Murates autem duxit Irenen quinq; post annis, Mahu C. 1430.
 metano scilicet 838. Nō ergo potuit Irenes esse filius Mucheme-
 tes. Præterea non potuisset ex Irene natus initio regni plures æta-
 tis annos habere, quam xvi: quū tamen cōstet, imperare cepisse
 natum xxi plus minus annos. Nec Irenen fuisse dictam Geor-
 gij Despotæ filiam, sed Mariam; ostendemus infra, numero 96,
 10 quem locum lector cum hoc coniungat. Quem porro Spōder-
 beium, nobilem in Panderatia Satrapam ex Ænea Siluio vocat
 Reineccius, patrem secundæ Muratis II coniugis, Spenderem
 dictum legimus in edito Laonico: quod nomen idem est cum
 Sphendere, quem Isuendiarem Turci adpellant. Quippe solent
 15 iis nominibus, quæ a gemina cōsonante incipiunt, litteram I, vel
 V Gallicū præponere: verbi gratia, quum pro Scendere dicunt
 Ischender, pro Scodra, Iscodara; pro Scopia, Vscopia. Frequens
 vero in annalibus hisce mentio fit Isuendiariis, quod cognomē-
 tum principibus illis datur, quorum erat ad Pontum Euxinū di-
 20 tio, in ipsa Ponto prouincia, vicinaque Paphlagonia. Chalcocō-
 dyles quemdam ex eis nominat Ismailem, Sinopæ principem, &
 alibi principem Sinopæ & Castamonis, amicum & socium Mo-
 sis. In nostris autem annalibus hisce legitur, Isuēdiari Temirem
 Chanem vel dedisse, vel ademtas a Baia site restituisse, Castamo-
 25 nam, Congerim, Calazugen.. Idem narratur hospitio Musam
 excepisse, etiamq; secum habuisse, quū ab Emire Soleimane, fra-
 tre bello peteretur. Notanda quoq; verba Laonici, quū ait: Scen-
 deris, qui Sinopen regebat, fuisse filium Ismailem. Quippe le-
 gendum puto Spenderis, non Scenderis: licet mihi nomen Scē-
 30 deris non sit ignotum. Panderatiæ satrapiam quod adinet, est
 ad Pontum Euxinū ciuitas, in Ponto prouincia, quæ hodie Pen-
 derachi dicitur; eo posita sit, veteris vt Heracliz Ponticæ locū
 occupasse videatur. Ab hac si dicti non sunt Sphenderes, Isuen-
 diare sue begi, quos alij Spēder aut Sponderbeios vocarūt, saltim
 Spenderes opido regioniq; nomen dedere. De his & alia leges.

192
infra, numero 13. Nunc ad Osmanidarū genealogiam vt redeamus, equidem non abs re dubito, an duos ex illius Sphenderis filia Murates susceperit filios. Laonicus certe dūtaxat vnus mentionem facit, quem Cambrinius adpellat Calapinum, a cognomēto potius, quam nomine proprio. Nam Calapinus vocabulū corruptum est ex Zelebi, de cuius significato supra monuimus. Alij Chialapum dixerē, quod ex eodem Zelebi factum parēt. Maior aliorum opinione, qui duos faciūt, Tursines ætatis mēse xvii inecatus (vt aiunt) a Muchemete II, nomen habet insolēs & incognitum Osmanidarum familiæ. Per me tamen de his vt quilibet arbitratu suo statuatur, licet. Similius etiam vero, siquidē omnino fuere duo fratres, Muratis ex Sphēderina filij, vnus post alterum tam breui temporis interuallo nati; puerum natu maiorem xviii mensium deportatum fuisse Cōstantinopolim & Venetias, vt seruaretur, quod Geufrazo placet: quam vi mensium infantem, quod Reineccio. Ceterum inter Baiafitis II liberos, nec Alim Caphæ satrapam, nec Muratem satrapam Trapezuntis posuit: tum quod Menauinus, testis oculus, horum non meminerit: tum etiam, quod Trapezuntis præfecturam Selimem obtinuisse, nostris ex annalibus, & ipso Menauino constet, indeque Capham transmississe, quum de occupando imperio cogitaret: quo se non contulisset, si fuisset istic Alis frater, conatibus haud dubie Selimis obstiturus, qui aliorum fratrum impedimentum metuens, hoc ipsum iter arripuerat, Asiatico magis compendario, minusq; difficili, relicto. Zemi fuisse filium, tradit etiam Secretarius Sigismundi Malatestæ, qui multis in Græcia tunc & Asia gestis rebus interfuit. Fortunam huius, & liberorum, memoriæ prodidit Spanduginus, sed nomina non exposuit. Vide quæ infra notabimus, capite 155. Sultanum Soleimanem, Selimis filium, secundum voco, non respectu Soleimanis, Vrchanis filij, qui non Sultanus, sed Sangiacus dumtaxat fuit, nec patri succedere potuit, quum ante patrem sit mortuus: sed ratione illius Emiris Soleimanis, Baiafitis Gilderunis filij, Sultanorum in ordine quinti, quem perperam alij Mulfumanem vocant. Deniq; monitū lectorem volo, me hac in genealogia notasse Sultanorū

annos, quibus imperarint, Mahumetanos: qui quidem ad annos Christianos qua redigiratione debeant, paullo post exposituri sumus. Cetera huius genealogiæ, prolixioris explicationis haud egent. Vnum dumtaxat hoc addo, liquere de hac serie Sultanorum Osmanidarum, hætenus regnasse Sultanos XII, linea directæ, filiis in patrum loca succedentibus: duos vero, videlicet Emirrem Solcimanem, & Musam Zelelim, ex transuerso irrepsisse, nullis in imperio post se relictis liberis: quod vaticinijs cuiusdam antiqui causa dissimulare non debui, cuius exitum fortasse tandem aliquando videbimus.

De origine Sultanorum Turcicorum.

Equidem nihil hætenus inueni memoriæ proditum aut plenius, aut verius, aut saltem vero similis, de origine Sultanorum Osmanidarum, quam quod heic in annalibus legitur. Facere tamen non possum, quin lectoris causa, cognoscendi res Turcicas studiosi, quædam hoc loco subiiciam, a Theodoro Spandugino Cantacuzeno tradita. Narratis, se quanta maxima potuerit diligentia conquisiuisse scriptores rerum Turcicarum, qui originem Osmanicæ familiæ retulerint in litteras, deq; histandem intellexisse: principium huius exstitisse quibusdam ab armætariis, natione Tataris, ex posteritate cuiusdam Oguzis. Multas enim Tatarorum familias id temporis, quum Sultanus Aladines, Iconij princeps, rerum in Asia minore potiretur, venisse quæsitum sedes sub Aladinis imperio: quas inter & ista fuerit. Aladines autem grauiora bella gerebat, inquit, aduersus imperatorem Constantinopolitanum, qui erat ex familia Comnena. In hisce bellis accidit, vt quidam eques, natione Græcus, vir magnanimus & bellicosus, in omnibus duellis contra quosuis superior euaderet: atque inter alios, etiam quemdā in primis Sultano Aladini carum, prælio singulari victum, occideret. Aladines magno cum animi dolore conuersus ad suos: Quis vestrum, ait, congregi cum hoc ausit Christiano, qui tot hætenus ex meis, & nunc præsertim vel maxime familiarem hunc mihi de medio sustulit? Quum autem propter illius Græci virtutem, fortiaque facinora, territis omnibus, nemo cum hoc dimicaturus certamine singulari prodiret:

tandem armentarius quidam ex posteris Oguzis, quem nemo
 scriptorum Turcicorum alio, quam Delis nomine, propterea
 quod stulte temerarius, & infimæ conditionis homo fuerit, ad-
 pellat; Aladinis in conspectum veniens, vindicaturum se pro-
 fectur iniurias ab illo Christiano tot viris fortibus illatas. Quibus
 auditis, mirum sibi videri dixit Aladines, ex suis tot militaribus
 viris reperiri neminem, qui sua causa tot neci datas animas vici-
 sci vellet, præter vnum hunc stultum hominem. Is vero iterum:
 Obsecro te princeps, inquit, ut pace tua cum hoc mihi Christia-
 no pugnare liceat. Quippe si maxime moriar, exigua ipse iactura
 facies, amisso dumtaxat homine stulto. His dictis, impetrata pu-
 gnandi licetia, quamvis ægre permoueri se pateretur Aladines,
 ut ei cum altero congregiendi potestatem faceret: prodit in ho-
 stem, manibusque cum eo confertis, strenue dimicando victori-
 am tandem apiscitur. Aladines, ut hominis virtutem aliquo præ-
 mio remuneraretur, ei villam Otomanzicam dono dedit: a qua
 nomen Otomanorum, Delis huius posteris sumere. Quæ enim
 per eam, quam diximus, victoriam nominis sui famam longe la-
 teque propagasset: non ipse tantummodo, verum etiam cõplu-
 res alij, quos, & Tataria venisse memorauimus, habitatum in O-
 tomanzica pago se contulerunt. Quippe volebat res istæ suas
 cum aliis sibi communes esse: qua de causa nullo prope negotio
 perfecit, ut eò sponte sua magnus hominum cõcurreret nume-
 rus, ipseque pagus incrementum non exiguum caperet. Et quia
 Christianorum in iis locis excidium, a suis profecturum poste-
 ris, præuidebat: etiam durantibus indutiis excursiones in pagos
 Christianorum faciebat, eosque direptos ferro & igni depopu-
 labatur. Primus ex his pagis Dimbos adpellabatur, quod nomē
 lingua Turcica fidei mutationem significat, quæ reuera succes-
 sores ipsius introduxerunt. Aladines intellectis hisce Delis rapi-
 nis, misit ex suis, qui eum accesserent. Nam ægre ferebat, hæc ab
 eo pacis & indutiarum tempore cõmitti. Delis ab illo domi suæ
 quæ situs, forte tunc aberat, excursioni notæ intentus, qua pagum
 occupauit, qui Sar dicitur. In itinere, quo domum cum præda
 reuertebatur, a suis ei significatū fuit, Aladinem moleste ferre,
 quod

- quod per indutias ab eo Dimbos, aliique pagi capti fuissent: id-
 oque misisse, qui coram Aladine Delim iuberet cōparere. Delis
 hoc cognito, mox secum statuit prius, quàm cum præda domū
 rediret, Aladini se sistere: quo suam illi demonstraret obediētiā.
- 5 Id conspicatus Aladines, culpam Deli condonauit ea lege, ne
 deinceps vicinis molestus esset: ac retinere sibi mancipia iussit, e
 Sari pago rapta: cuius a pagi nomine deriuata creditur ab ali-
 quibus deinceps Genisarorum adpellatio, quæ Turcica lingua a
 iuuenese Sari pago significet. Præter ista, nihil ait Spanduginus
- 10 extare de hoc Deli memoratu dignum: nisi quod historici Tur-
 corum tradant, eum Sultani Aladinis iussu veneno sublatū fuisse:
 nec ab illo tempore de hac familia quidquam recitari posse,
 quod operæ pretium sit: donec tandem primus Turcorum Sul-
 tanus Osman in iis locis principatum constituere cepit. Hæc
- 15 prima de Osmanidarum origine Spandugini narratio est, cuius
 fides penes auctorem esto. Deinde subiicit, Sultanum Mu-
 chemetem, qui Constantinopolim cepit, nullo modo umquam
 admittere voluisse narrationes illorum, qui familiam Osmani-
 darum a Tataris armentariis ortam traderent: quum ipse refer-
- 20 ret originem eius ad Comnenos imperatores Constantinopoli-
 tanos. Aiebat enim, in iis bellis, quæ gesta fuerint inter impera-
 torem Comnenum, & Sultanum Aladinem, quemdam magnæ
 nobilitatis ac virtutis virum ab occidente se contulisse ad Com-
 nenum, ut ei militando subsidium ferret. Eum prælio quodam
- 25 in hostem fortissime dimicantem, confossum ab hostibus equū
 amisisse. Tum imperatorem Comnenum fratris sui filio, cui nō
 men esset Isacius, mandasse: ut ex equo descendens, eum viro il-
 li forti traderet. Qua quidem re factam Isacius insignem sibi ra-
 tus iniuriā, desperabundus ad Sultanum Aladinem se contu-
- 30 lerit, ac reiecta desertaque fide Christiana, Mahūmetanam reli-
 gionem amplexus fuerit. Hinc Aladinem ei filiam suam dedisse
 uxorem, dotisque nomine multa prædia cum pagis adsignasse:
 quos inter etiam Otmanzica fuerit. Adeoque statuebat Sultanus
 Muchemetes, ab hoc Isacio Sultanum Osmanem, qui pater &
 auctor est stirpis Osmanidarum, originem duxisse. Hactenus a

Spandugino tradita duximus commemoranda, de quibus integrum lectori iudicium relinquimus. Sane reperitur apud Græcos historicos, ac præsertim apud Nicetam Choniatem, mentio Comneni apostataz, qui tamen non Isacii, sed Ioannis nomen habuerit. Quippe quum Ioānes Comnenus imperator, quem Caloioannem non a forma, sed bonitate vocabant, in obsidione Neocæsariæ diutius hæreret: Ioannes, Isacii Sebastocratoris, fratris eius filius, tali quadā ab imperatore patruo irritatus iniuria, qualem Spāduginus exposuit, forde transfugit ad Sultanum Iconiensem, simulque musulmanissauit. Hæc fortassis ad historiam vel Spanduginus, vel Muchemetes respexerit. Ac Muchemeti quidem, longe omnium mortalium ambitiosissimo, natales maiorum obscuros displicuisse, non mirum est: ideoque facile crediderim, ab eo quæsitam fuisse de industria quamdam suorum ab origine magis illustri commendationem. Hoc tamē minime silentio prætereundum, Turcos, auctorum bonorum consensu, non e Tataria, sed Persia, pulsos a Tataris, in Asiam minorem commigrasse. Quæ de causa Græciæ Prætor meus necdum editus, qui Constantinopoleos a Flandris captæ, rursusque recuperatæ a Michaele Palæologo, historiam l. x plus minus annorū descripsit, Sultanos Musulmanorum Iconienses, Aladinis posteros, Azatinein & Iathatines duos, Persarchas adpellat, quod e Persia profectis in ea minoris Asiæ loca populis cum imperio præessent. Idē obseruare licet, ab aliis etiam fieri Græcis historicis. An autem ex Tatarorum regionibus, & quibus temporibus, in Persiam commigrarint: heic exponi non est necesse, ne nimis excresecat commentatio.

Aiem. Padischach. Sultam.

2. Quod Oguziorum familia successione perpetua rerum apud Parthos potita fuisse dicitur, id his fere verbis in archetypo Turcico legitur: De stirpe in stirpem fuere Padischachler in Aiem. Quæ verba vt intelligantur, sciendum, a Turcis Aiem Vilaget, vel Aiem Memleket, vocari regionem vel regnum Persarum ac Parthorum: Padischachler autem numero multitudinis, a singulari Padischach, esse supremos principes siue Seachos, de qua

- voce paullo ante dictum. Rectius enim Padiscach interpreteris Pantocratora, velut habentem vniuersum imperium, regemq; regum: quàm si vocem Sultani sic explices, quod Cædrinus fecit. Etenim qui Turcis Sultanus est, Græcis hodieque vocem hanc lingua sua reddētibz, Aphentis vel Megas Aphentis dicitur: corrupto nonnihil, ratione pronuntiationis, antiquo vocabulo *αφεντης*, cuius est nota significatio. Laonicus libro nono Muchemetil I titulum hunc tribuit. Planeque nostris etiā Turcorum princeps, in cottidianis sermonibus, numquā aliter, quam
- 10 il grand Signor, adpellatur: quod quidem sit imitatione Turcorum Græcorumque. Ne dicam, Aythonum Armenium quoq; tradere, Sultanum Agarenis significare dominum. Quod autē apud Chalcocondylem Parthi & Persæ dicti leguntur Arzamij, ex scriptura vitiosa profectum puto. Nam Azamij vel Azemij
- 15 rectius scribentur, quod idem est cum Aiemiis propter adfinitatem litterarum I, G, & Z, ante litteram E positarum, etiam apud Italos & Gallos. Geufræo, qui Azamiam dictā vult ab Assambego (quo nomine alibi vocat, quem Vsum Chasanem Turci dixere) sicut à Caramanbego Caramaniam, per me quidem, vt ita
- 20 sentiat, licet: quando libere quiuis opinionem suam proferre potest. Nam tamen si non abs re quis obiecerit dissimilitudinem vocum Aiem & Chasan, tamen pluris hoc faciundum, quod idem sibi parum alibi constat, dum ait ab Aramo, Semi F. Nohæ N. Syriam dictam Azamiam, quasi Aramiam. Nō enim parum a Persis, & Parthis, Syri distant: vt non immerito quis Geufræo pro-
uerbium vetus Græcum obiecerit:

Sunt separati fines Lydorum & Phrygum.

CHAN. VLV CHAN. HVNGGIAR. HVNCHER.

30 *Seriphe. Chalife. Chitaia. Chorasana. Belch. Ma-
chan. Tatars.*

Qui Turcis est Zingis Chan, Beluacensi est Chingis Cham, 3.
quod idem est pronuntiatione Gallica. Ex Pachymerio, ceterisq;

BB iij

Græcis, non Tzinkis, vel Tzincis, sed Tzingis Can scribi debet ratione pronuntiationis vſitatæ. Exſtat liber Aythoni Armenij, qui & Curchinus vocatur, & Antonius creditur a quibusdam fuiſſe dictus poſt ſumtum monaſticum habitum: quum Aytho-
 nus idem videatur eſſe cum Antonio: & Curchinus a S. Geor-
 gio factum nomen ſit, quemadmodum Curchini vel Curggini
 dicuntur etiam hodie Georgiani, qui Armeniis vicini a S. Geor-
 gij veneratione dicti putantur Georgiani, ſicut a S. Iacobo Iaco-
 bini & Iacobitæ, quorum patriarchæ nomen vitioſe ſcriptum
 legitur apud Marcum Paulum Venetum Iacelich, pro Catolich, 10
 qui Catholicus eſt. Is Aythoni liber nomen habet Zingis huius
 nonnihil immutatum, videlicet Changis, vnde Cangius etiam
 Can ab aliis vocatur. Chanis vel Hanis (aſpiratione forti) adpel-
 latio perquam vſitata Perſis & Tataris eſt, apud quos reges &
 principes, etiam minorum (vt dici ſolet) gentium, Chanes di- 15
 cuntur: verbi gratia, Kerai Chan, Crimski Chan, Precop Chan,
 Nogai Chan, Schemhal Chan, Maxud Chan, & alij, quorum in
 annalium quoque ſupplemento facta mentio. Sic etiam inter
 Oſmanidarum maiores in genealogia quidã Cara Chan legi-
 tur, quo ſignificatur rex aut princeps niger. Conſimili ratione 20
 filij principũ Chanoglani vocantur. Reperitur in hiſtoriis Græ-
 cis & Latinis nomẽ Chagani Auarum, quod idem eſt cum hoc
 Chan vel Chahan. Nam Auarum ſiue Chazarorum patria Cher-
 ſoneſus eſt Taurica, quæ hodiequẽ ſuos habet Chahanes. Maxi-
 mus vero Tatarorum omnium Chan, cui ſubiecti ſunt Chanes 25
 ceteri, quique Chitainus adpellari ſolẽt, vti ſtatim dicturi ſumus,
 excellentiæ cauſa, qua cunctis aliis præſtat, Vlu Chan nomi-
 natur, hoc eſt, magnus, vel potius excelfus Chan. Vnde factum, vt
 Spanduginus & Iouius Chanem interpretentur imperatorem.
 Turcici quoquẽ Sultani poſt Oſmanem Gaſim, ſe Chanes dici 30
 voluerunt, vt ex genealogia patet, idque retinent in hodiernum
 vſquẽ diem. Solet enim, more maiorum, Murates iſte II hoc v-
 ti plerumque titulo: Sultan Murat Chan, bin Sultan Selim Chã,
 elmuzaferu daima: hoc eſt, dominus Murates rex, domini Seli-
 mis regis filius, victorioſus ſemper. Quibus in verbis obſeruare
 licet

licet obiter imitationem titulorum, quibus imperatores nostri,
 veteres & recentes, vocare se Victores ac Triumphatores, sem-
 perque Augustos, consueverunt. Sed hos titulos alii interdum
 adiectis nominibus augēt, in quibus sunt Emir, de quo superius
 dictum, & paullo post dicitur numero 14: & Padiscach, quod i-
 tidem explicatum: & Musulmanorū Padiscach, quo nuper Mu-
 rates vsus est in litteris ad ordinum regni Poloniæ comitia, creā-
 do rege, missis: & Huncher vel Hunker, quod Spanduginus scri-
 psit Condichiar, Ludouicus Bassanus Iadrensis Churchier, quū
 10 Italico modo rectius exprimatur Hunggiar. Id proprie titulo
 nostrorum Augustorum respondere volunt, quos Imperato-
 res Cæsares adpellant. Et primum eo tradunt vsū Mucheme-
 tem I I, post captam Constantinopolim, sedem orientalis impe-
 rij, quem imitati sunt Baiafites filius, & Selimes nepos. Qua de
 15 causa, partim vt ambitionem, partim vt superstitionem eorum,
 ab esu suillæ abhorrentium, irrideret Scachus Ismail primus, a
 quo Sophinorum apud Persas profectum nomē est, præpinguē
 alere porcum solebat, cui nomen eius Turcorum indebat prin-
 cipis, qui tunc rerum potiebatur: vt vel Hunker Baiafit, vel Hun-
 20 ker Selim adpellaretur. Denique Seripharum etiam titulum si-
 bi tribuunt, & Chalipharum nomen ne hodie quidem vitant,
 velut inuidiosum, potiusque competens editis Mahumetis san-
 guine, quemadmodum Reinerus Reineccius, amicus noster
 putauit. Nam hic quoque Murates eo se ornat titulo in litteris
 25 ad Imperatorem nostrum, quarum exempla vidi: & superius
 de hoc a nobis notata quædam sunt in expositione causarū de-
 cennalis huius belli, quod inter Sophinos & Osmanicos adhuc
 geritur. Diximus enim, Chaliphis nomen significare vicarium,
 vel successorem, vel heredem prophetæ Mahumetis: & Osma-
 30 nicis persuasum esse, principem suum esse Chaliphen huius sæ-
 culi. Secundum Chaliphen, proximus est Seriphis locus. Sice-
 nim & Cedrinus, & Zonaras tradiderunt, Seriphis nomē apud
 Mahumetanos eam respectu Chaliphæ rationem habere, quæ
 fuerit apud Græcos olim Synælli ad Patriarchiam, quum mor-
 tuo Patriarcha, mox in eius solium Synællus collocaretur. Ho-

die vero notum, quanto sint apud Mahumetanos in honore, qui recta linea tam a propheta Mahumete, quam ab Ali, Mahumetis genero, descendunt, aut se fingunt descendere. Hi Turcis Tatarisque Scithi vulgo dicuntur, Arabibus autem Seriphæ: quos maxima sane veneratione atque obseruantia quum prosequantur, etiam ipsi Sultani Seripharum adpellatione velut augustiores se reddere volunt. Ad Tatarorum Chanem vt redeam, traditur a plerisque omnibus, hic Zingis Chan in primis claruisse anno Christiano 1202, vel 1203. quo tempore Tatarum Indorum, hoc est, eius regis, quem ab aliquot iam sæculis Preteianum siue Presbyterum Ioannem vulgo vocamus, excusserunt. Et exstant pleraque de his rebus a Vincentio Beluacensi, & Marco Paulo Veneto, memoriz prodita, lectu non indigna. Chitai, (quam itidem Ioannes de plano Carpi, qui vixit anno Christiano 1245, legatus ad illa loca missus a Papa Romano, Kirbai vocat) Laonico Chataia; Chitaini Tatarum, Chataidæ dicuntur: & vero est simile, Chætas Ptolemæi, & Chatæos Ariani, hos ipsos esse Chitainos horum Annalium, vel Chataidas Chalcocondylis, vel Marij Nigri Chatainos. Chorasani regionis nomen ne hodie quidem obscurum est, ex recentioribus historiis: populos ipsos Iouius Coraxenos vult dictos antiquitus. Cedrini verba sunt in Iustiniano Rhinotmito: subiugata fuit ab Arabibus (id est Saracenis) etiam Persis interior, quæ Chorasani dicitur. Chorasani ab Ortelio Charassani scribitur, & Belch, tam vrbs, quam regio Chorasani vicina, Balch eidem est, versus Tatariam tendens. quam annales nostri Machan vocant, vrbi regionique communi nomine; haud scio num eadem sit cum illa, quæ Macran ab Ortelio dicitur, versus sinum Persicum, & mare rubrum sita. Tataros scribo, non Tartaros, tum quod ita dicti sint a Tatara flumine, cuius accolæ Sumogli vel Sumongli dicuntur, hoc est, Mongli, vel Mongli, Tatarique aquatici: tum etiam ex auctoritate Saxonum nostrorum, eisque vicinorum, qui Tataros adpellant, & Græcorum quorundam librorum, quos manu scriptos habeo: in quibus est Prætor ille Græciæ noster, & Pulologus, qui ubique Tataros vocant. Adde testimonium veteris epigrammatis, ante

ecc annos Ottocaro regi Bohemix positi: qui a Rudolpho imperatore ex suis inter auxiliares Tataros Comanos, hoc epitaphium, versibus factum Leoninis, pro illorū more temporum, habuit: repertum in libro annaliū Austriacorum manuscripto, quem Magnificus dominus Hieronymus Beck a Leopoldtorf utendum mihi pro sua humanitate concessit:

O rex Ottocare quondam pugnaſtis honeſte.

Nunc ſtas in pannis depiſtus cum Tateranis.

DE VRBE BAGDAT, SIVE BAGADAT.

Vrbē Bagadatim accipe de hodierna Babylone, propter priſcæ Babylonis ruinas a Sultanis Chaliphis extructa. Zonarz Bagdas genere maſculo dicitur. Laonicus Pogdatim vocat, & Pogdatinam vel Pagdatinā Babyloneſem: apud quem notacorum ſcriptum hoc vltimum in Latinis editis, Padaginam Babyloneſem. Petrarcha ſuis in poematibus Italicis Baldaccum nominat.

DE ALADINE, SELGVCE, TANGROLIPICE.

Sinas.

- Aladinis origo a Turcis refertur ad Selgucem, qui Gulielmo Tyrio, fortasse librarij culpa vitioſe, Selduch dicitur. Hunc Reinneccius, vir doctiſſimus, & diligentiffimus in explicandis genealogiis hiftoricis, putat eundem eſſe cum Tangrolipice (Tragolipix non recte ſcribitur) Græcarum hiftoriarum: quod vero nō abſimile, quum Tangrolipix cognomentum quoddam eſſe videatur, a Tangri deductum, quod Turcis Deum ſignificat, adiecta voce, quam equidem diuinare non poſſum. Fratris eius filius in Cedrino meo manuſcripto, quo eius auctoris non edita fragmenta quatuor, cum aliquot imperatorum vitis hætenus deſideratis continentur, non Cutlumus, ſed Cutlumus ſes vocatur: quod ſignificat Muſem, ſive Moſem fortunatū ac felicem. Aladin vel Aledin ſignificat diuinū. Reinneccius exiſtimat eſſe commune nomen omnibus Turciæ vel Iconienſibus Sultanis, ceu cognomentum, vel dignitatis adpellationem, quod equidē pro-

bare non possum: perinde ac dicere nō possum propterea, quod plures inter Osmanidas, velut e genealogia patet, Aladinis habuerint nomen, Osmanidas omnes Aladines vocatos, seu cognomento quodam, aut dignitatis adpellatione. Similiter & alius restat scrupulus de eo, quod addit, videri quemdam ex Giazadinis liberis Aladinem nominari, qui Chalcocondylæ sit Germanus. Nos de begis Germanis suo loco dicturi sumus. Ibidem Siuastam scripsimus, quæ vulgo Siuas, quasi Siuast, vrbs Armeniæ, (minorem intelligo) secundum constitutionem Leonis Augusti de ordine thronorum, qui Constantinopolitano Patriarchæ subiecti sunt, quam manu scriptam habemus. In hac Sebastia vocatur, & Camachus ei vicina statuitur, quam idem Leo facit archiepiscopatum siue metropolim Armeniæ. Kemach hodie nominatur, etiam Turcicis in annalibus expressa voce. Apud Laonicum in Baia site Laxape Iamaca vitiose legitur. Vide notata deinceps capite 204. Libuit autem hæc eam ob causam indicare, quod Ortelius varias, & inter se dissidentes opiniones de Sebastia proferat: alijs eam non procul ab Euphrate statuentibus, alijs in Cilicia: quum Armeniæ sit illa, quæ Siuas adpellatur, Turcis Siuas scheher, hoc est, vrbs Siuaste.

ERZINGA. ROMANIA ASIATICA.

Amasia. Chalep Syria.

6. Ertzinga, cuius heic mentio fit, & quæ Erzinzan quoque scribitur, vrbs est Armeniæ, cuius nomen in edito Laonico diuerse legitur, & ad vicinam Armeniæ Cappadociam refertur, modo Artzinga, modo Artzinganis vrbs. Arzingam vocat Aythonus. Reperitur apud Laonicum & Ertzica, sicut apud Leonem Augustum in eadem Armenia ponitur Artzice, sub metropoli Keltzina. Romaniam vero, non pro Europæ Græcia, in hoc quidem loco, accipies: sed pro Romanorum (sic Græci se volebant vocari) prouincijs Asiaticis, quas etiam recentiores historici Græci Romanæ vocabulo complexi sunt. Amasia nomen hodieque retinet, vrbs Cappadociæ: licet in cōstitutione Leonis impera-

peratoris, quam diximus, ad Helenoponti provinciam, de qua in Iustiniiani Augusti nouellis pleraque constituta leguntur, velut eius metropolis referatur, sub qua præter alios episcopatus, etiam Sinope recensetur. Chalepum Syriz notissimam nunc etiam urbem, & orientis emporium celeberrimum, male Chalcocondylis interpres cum Geufræo facit Epiphaniam, Bello-nius Hierapolim, Seidlizius Antiochiam magnam in Comage-na, magis imperite: quum Zonaras, Cedrinus, Nicetas, expresse Chalep dictam olim tradant Berihæam. Halepo iam vulgo dicitur. Ridicula Geufræi notio, qui Aleph vult dictâ, & a prima Hebræorum littera deriuat, quod prima Syriz ciuitas sit quum hodieque Damascus eam longe superet.

MAPALIA TVRCORVM ET TATARORVM.

Quæ de mapalibus Ertuculis dicuntur, intelligi commodè poterunt ex hisce Marci Pauli Veneti verbis, & diculas Tatarorū, siue mapalia potius describentis, antiquis hisce Turcicis simillima: Domunculas, inquit, habent in modum tabernaculorum, filtro coopertas, quas secum deferunt, quocumque migrant. Laonicus tentoria pileata dicere videtur, quibus vtantur pastores apud Turcos.

ROMANIA DVPLEX. ANATOLIA.

Rumelia. Rumiler.

Quum Aladines occupasse complures in Romania prouincias narratur, accipe Romaniam Asiaticā vel Anatolicam; Romanis, hoc est, Græcis imperatoribus ante illa tēpora subiectam: quemadmodū paulo ante notauimus. Nam alioqui notum, a Turcis Anatoliā, qua minor Asia cōprehenditur, a Rumelia distinguui: & Rumeliam, siue Rum vilaget, proprie dici Græciam Europæam, vel verbum verbo si reddas, Græciæ regionem: quū Græci a Turcis eleganter loquentibus, Rumiler vel Rumilar appellētur, Vrumilar a vulgo. Rumes Garzię ab Orta, cuius interpres. & opt. viro, Karulo Clusio nostro debemus, Thraces sunt: dum partem pro toto sumit. Quippe vniuersa Europæa Græcia,

ceū diximus, Romania vocatur: cuius & partes duz, Thracia
scilicet, Argivaque regio, cuius vrbs munitissima Napolidi Ro-
mania dicitur, Romaniz nomen obtinent.

TANCHARI, TANGORI, TONCHARI,

Tatarorum natio.

Nomen nationis, quæ bellū Aladini fecerit, annales hi nō ex-
priunt: sed ex Prætoræ Græciz nostro patet, Sultanis Iconien-
sibus perpetua fuisse cum iis Tataris bella, quos ipse Tanchardus
vocat, Aychonus Tangoros. Non enim Tangot apud hunc scri-
bendū, sed Tangor. Idem Ortelio Tangut regio vocatur, quæ
rectius Tangur. Apud Pachymerium, & alios Græcos, Tochari,
detracta littera γ, leguntur: qui verius adpellabuntur Tonchari.

VRBS ENGURI, ANCYRA. MONUMENTVM

vetus Ancyranum.

Engurim Turci vocat urbem Asiaticæ Galatiæ, quæ dicta pri-
scis fuit Ancyra, & Leonis Augusto quarta thronorum in ordine
metropolis est sub patriarcha Constantinopolitano: satis olim
celebris etiam ob antiquissimam Christianorū synhodum, quæ
istic habita fuit, & cuius acta decretaque plena pietatis exstant.
Hodie magnā illi copia cymatilis vel undulati panni (came lo-
tum vulgo vocant) longe præstantissimi tingitur & elaboratur,
alioque distrahenda vehitur.

Quodā in historiz Græcæ libro, cuius quia perierat initiū, ne
quidē auctoris sciri nomen poterat, legere memini, de Ancyra-
ni municipij cōditore Augusto, Verbis ea referūtur huiusmodi.

* *Κύριον. Κίρας ὁ πόλις, μίαι οὖν τῇ Πόντῳ, καὶ διὰ τὴν Ἀραβίαν, καὶ ἰππικὴν αὐτῇ. Συναρτά-
πινυται ὑπὸ ἡγεμονίας, ἰσχυροῦ Σαλαμίνου, αἰγυρίας ἐκαλῶσι πῶ μὲν Ἀγκυρα, διὰ τὸ
μίσθω αὐτῶν τὴν δὲ θαλάσσαν, τὴν Περικλῆς καὶ τῆς Ἀσιατικῆς πῶ δὲ Βόρρας, τὴν αὐ-
μα τὴν πᾶντος αὐτῶν στρατηγὸν Βόρρον πῶ δὲ, μεταβόμα π Δόδε πλιν.* Quorum hic
sensus est. Quum condidisset Augustus vrbes, vnam in Ponto,

* *Cypro.* alteram in Arabia: tertiam in Syria, vi numinis irati collapsam,
nomine Salaminen, restituisset: primam adpellavit Ancyra, hoc
est ancoram, propterea quod esset medio fira loco inter duo ma-
ria,

ria, Ponticum & Asianum: alteram Bostrom, a pratore Bostro, quę structurę pręfecerat: tertię nomen in Diospolim mutauit. Busbequius, vir illustris, in itineraio meminit, hęc vrbę ab Asię cõmunitate (nē nōd A'rias dixere Gręci) Augusto fuisse dicatam.

- 5 Merito quidem id factum, si vel conditor, vel instaurator eius erat Augustus. Ideoq; non abs re voluit idem Augustus rerum ab se gestarum, quas incidi Romę duabus in ahencis pilis iusserat, exemplar heic exstare. Cõspiciuntur aut qualesquales huius reliquię marmoreis in sculptrę parietibus ædificij veteris, quod ædem Apollinis fuisse putant aliqui, Busbequius pratoriũ. Id vero tam insignē monumentũ antiquitatis Romanę, quia lector existimare facile potest, a xxxiiii & amplius annis admodũ esse deformatum, & ab infestis omni Gręcę Romanęq; elegantię barbaris cottidie magis etiã lacerari ac dirui: placet eorũ causa, qui antiquitatũ vere magni æstimandũ studiosi sunt, sic expressum hoc loco subijcere; quemadmodũ id temporis legatus Cęsaris Ferdinãdi, maximę vir dignitatis, Antonius Verantius, Episcopus Agriensis, per suos transcribi curauit. Mecum verõ cõmunicabat ante profectiõnem ad Turcos nostram, vir nobilis, & antiqua virtute ac fide, Karulus Clusius Atrebas, acceptũ ab Antonij pręfulis nepote, Fausto Verantio: quorum omnium sane mentionem fieri, visum fuit æquissimũ, vti cõseruatorũ fragmenti penitus aurei, quod cęli ac Turcorum iniuriis expositum, nē ceteroqui nobis Ancyre prorsus, ac breui quidẽ pereat, 25 haud absq; causa metuendum. Sed reliquas tandem e naufragio tam pręclari tabulas operis lector accipiat, ita dictis in parietibus exstantes: vt dimidia pars intrantibus ædificium ad dextram, altera semet ad sinistram offerat.

Series prima.

30 RERV. GESTARVM. DI. I. AVGVSTI. QVIBVS. ORBEM.
TERRARVM. IMPERIO. POPVLI. ROMANI. SVBIECT.
ET. IMPENSARVM. QVAS. IN. REMPVBLICAM. PO
PVLYMQVE. ROMANVM. FECIT. INCLISARVM. IN.

DVAVS. AMENELIS. PILLIS. QVÆ. SVNT. ROMÆ.
 POSITÆ. EXEMPLAR. SVBLECTVM.
 ANNOS. VNDEVLGINTI. NATVS. EXERCITVM. PRIVATO.
 CONSILIO. ET. PRIVATA. IMPENSA. COMPARAVIT. TERQVE
 M——FACTIOMIS. OPPRESSAM. IN. LIBERTATEM.
 VINDICAVIT——DECRETIS. HONORIFICIS. ORDINEM.
 SVVM.

cetera desiderantur.

Series secunda.

PATRICIORVM. NUMERVM. AVXI. CONSVL. QVINCTVM.
 IVSSV. POPVLI. ET. SENATVS. SENATVM. TER. LEGLET.
 IN. CONSVLATV. SEXTO. CENSVM. POPVLI. CVMLEGA. M.
 AGRIPPA. EGLIVSTRVM. POST. ANNUM. ALTERVM. ET.
 QVADRAGESIMVM. FECL. LEGI. QVO. LVSTRO. CIVIVM.
 ROMANORVM. CENSITA. SVNT. CAPITA. QVADRAGENS.
 CENTVM. MILLIA. ET. SEXAGINTA. TRIA——CVM.
 NVPER. LVSTRVM. SOLVS. FECL. LEGI. CENSORVM——SINIO
 COS. QVO. LVSTRO. CENSA. SVNT. CIVIVM. ROMANORVM——
 QVADRAGENS. CENTVM. MILLIA. ET. DVCENTA. TRIGINTA.
 TRIA.——IN. CONSVLATV. FI——CVM. NVPERIME.
 LVSTRVM. CVMLEGA. TIBERIO. SEXT. POMPEIO. ET. SEXT.
 APVLEIO. COS. QVO. LVSTRO——ROM. CAPITVM. QVADRAGENS
 CENTVM. MIL——IGINTA. ET. SEPTEM. MIL. LEGI. PNO——
 ——EXEMPLA. MAIORVM. EXOLESCENTIA. IAM. EX. NOS——
 MVLTARVM. RERVM. EXEMPLA. IMITANDA——

reliqua desiderantur.

Series tertia.

HONORIS. MEL. CAUSA. SENATVS. POPVLVSQVE. ROMANVS.
 ANNUM. QVINCTVM. ET. DECIMVM. AGENTIS.
 CONSVLS. DESIGNAVIT. VT. CVM. MAGISTRATVM. INIRENT.
 POST. QVINQUENNIVM. EX. EO. DIE. DVO. DEDUCTI. IN
 FORVMVE. INTERESSENT. CONSILIIIS. PVBLICIS. DECRETIT.

SEN A-

SENATVS. EQVITES. AVTEM. ROMANI. VNIVERSI. PRINCIPES.

—————HASTIS. ARGENTIS. DONATVM. ADPELLAVERVNT.
LIBRI. ROMANI. VIRITIM — CENOS. NVMERAVI. EX. TESTAMEN
TO. PATRIS. MEI. ET. NOMINI. MEO — DINGENOS. EX.

9 BELLORVM. MANIBVS. CONSVL. QVINCTVM. DED. ITERVM.

AVTEM. IN. CONSVLATV. DECIMO. EX. PATRIMONIO. MEO.

ELIS. QVADRINGENOS. CONGLARI. VIRITIM. ITERVM. AERE.

MERVI. ET. CONSVL. VNDECIMVM. DVODECIM. FRUMENTATIO

NES. FRVMENTO. PRIVATIM. COLVMPLO. EMENSVS. SVM.

10 ET. TRIBVNICIA. POTESTATE. DVODECIMVM. QVADRINGENOS.

NVM MOS. TERTIVM. VIRITIM. DED. QVALIMEA. CONGLARIA.

FRUMENTI — NVM. NVMQVAM. MINVS. QVINQVAGINTA. ET.

DVCENTA — SIA. DVODEVIGINTESIMVM. CONSVL. TRECENTIS.

ET. VIGINTI. MILLIBVS. PLEBIS. VRBANÆ. SEXAGENOS. SEX.

15 AGENOS. DENARIOS. VIRITIM. DED. ET. QVINIS. MILLIVM.

MEORVM. CONSVL. QVINCTVM. EX. MANIBVS. VIRITIM. MILLIA.

NVMVM. SINGVLA. DED. ACCEPERVNT. ID. TRIVMPHALE.

CONGLARIVM. IN. COLONIAS. HOMINVM. CIRCI. TER. CENTVM.

ET. VIGINTI. MILLIA. CONSVL. TERTIVM. DECIMVM. SEXAGENOS.

20 DENARIOS. PLEBI. QVÆ. TVM. FRUMENTVM. PVBLICVM. ACCE — DED.

EA. MILLIA. HOMINVM. PAVLO. PLVRA. QVAM. DVCENTA.

IVERVNT. AGRIS. QVOS. IN. CONSVLATV. MEO. QVARTO. ET.

POSTEA. CONSVLIBVS. MARCO. ET. CN. LENTVLO. AVGVRE.

ADSIGNAV. MILLITIBVS. SOLVI. MVNICIPALIS. P — ERTIVM.

25 CIRCI. TER. SEXGENSIM. ITINERIS. EMIT. QVAM. ROMANIS.

PRÆ — NVMERAVI. — QVOD. PRO. AGRIS. PROVINCIA

LIVS. SOLVI. VNVS. ET. SOLVS. OMNIVM. QVI. DEDVXERVNT.

COLONIAS. MILLIVM. IN. PROVINCLAS. AD. MEMORIAM. ÆTATIS.

MEÆ. FICLI. POSTEA. NERONE. ET. CN. PISONE. CONSVLIBVS. ITEM.

30 QVE. — GANTISSIMO. ET. DALELIO. CONSVLIBVS. ET. L. CANINIO.

ET. Q. FABRICIO. CONSVLIBVS. — QVOS. EMERITIS. STIPENDIIS.

IN. SVA. MVNICIPALIA. PRAEM — PERSOLVQVAN. — IN. SEST —

MILLI — IMPENDI.

QVATER. — AVLÆ. ERARIVM. ITA. VT. SESTERTIVM. MILLIA.

QVINGENTA. DEDI ——— RAVI. AERARIO. DETVLI. ———
 QVOD. EX. CONSILIO ——— MILITIBVS.
 QVIN ———
 ——— MERVISSENT. HS. MIL. ———
 ——— O. DETVLI. ———
 ——— CN. P. LENTULO. ———
 SVLES. FVERVNT. CVM. D. CERENT ——— CENTVM.
 MILLIBVS. HOMINVM ——— O. FRV ———

defunt lineæ quinque.

Adversus parietis series prima.

CVRIAM. ET. CONTINENS. ET. CHALCIDI CVM. TEMPLVMQVE.
 APOLLINIS. IN. PALATIO. CVM. PORTICIBVS. AEDEM. DIVI. IVLII.
 LUPERCAL. PORTICVM. AD. CIRCVM. FLAMINI VM. QVEM. SVM.
 ADPELLARI. PASSVS. EX. NOMINE. ELVS. QVI. PRIOREM. EODEM.
 IN. SOLO. FECERAT. OCTAVIANI. PVLVINARI. AD. CIRCVM.
 MAXIMUM. AEDES. IN. CAPITOLLO. IOVIS. FERETRII. ET. IOVIS.
 TONANTIS. AEDEM. QVIRINIS. AEDES. MVNDO. ET. IVNONIS.
 --- ET. IOVIS. LIBERTATIS. IN. AVENTINO. AEDEM. LARVM.
 IN. SVMMA. SACRA. VIA. AEDEM. DEVM. PENATI VM. IN. VELLA.
 AEDEM. IVVENTATIS. AEDEM. MATRIS. MAG. DELÆ. IN. PALATIO. FECL.
 SERTORI VM. ET. POMPEI VM. THEATRVM. VTRVMQVE.
 OPVS. IMPENSA. GRANDI. REFECI. SINE. VLLA. INSCRIPTIONE.
 NOMINIS. MEL. RIVOS. AQVARI VM. COMPLVRIBVS. LOCIS. VETVSTATE.
 LABENTES. REFECI. ET. AQVAM. QVAE. MARIA. ADPELLATVR.
 DVPLICAVI. FONTE. NOVO. IN. RIVVM. ELVS. IMMISSE. FORVM.
 IVLIVM. ET. BASILICAM. QVAE. FVIT. INTER. AEDEM. CASTORIS.
 ET. AEDEM. SATVRNI. CAEPTA. PROFLIGATAQVE. OPERA. A.
 PATRE. MEO. PERFECI. ET. EAMDEM. BASILICAM. CONSVMATAM.
 IN. --- AMPLIATO. ELVS. SOLO. SVB. TITVLO --- NOMINIS.
 FILLORVM --- VIVVS. NON. PERFECISSEM. PERFECI. AB. HE
 REDIBVS --- VIRGINE. EXEMPLVM. DEVM. IN. VRBE. CONSV
 FECI. FLVVILO. PRÆTERMISSO. QVOD. TEME --- FT. ---

VICTORIS, TEMPLVM. QVORVMQVE. AVGVSTVM. ET. TEMPLVM.

APOLLINIS. IN. SOLO. MAGNAM. PARTEM. --- EMPTO. FECL.

QVOD. SVO. NOMINE. M. MARCELLI. VENERI. --- MANIBVS.

IN. CAPITULO. ET. IN. AED. DIVI. IULII. ET. IN. AED.

APOLLINIS. ET. IN. AED. VESTÆ. ET. IN. TEMPO. MARTIS.

VICTORIS. CONSECRAVI. QVÆ. MIHI. CONSTITERVNT. CIR

CITER. MILLENIS. AVRI. CORONARI. PONDO. TRIGINTA. QVINQVE

MILLIVM. MVNICIPIIS. ET. COLONIS. ITALIÆ. CONFERENTIBVS.

AC. TRIUMPHOS. MEOS. QVINCTVM. CONSVL. REMISI. ET. POSTEA.

QVOTIENSVMQVE. IMPERATOR. M. --- AVRI. CORONARIVM.

NON. ACCEPI. DECERNENTIBVS. MVNICIPIIS. --- QVÆ. ANTE.

TEMPS. DEFUNCTARVM. AFRICANARVM. DECREVERAM.

MEO. NOMINE. AVT. FILIORVM. MEORVM.

ET. NEPOTVM. IN. CIRCO. --- AVT. IN. FORO. AVT. IN.

AMPHITHEATRIS. POPVL. --- QVIBVS. CONFECTA. SVNT. BESTIARVM

CIRCITER. TRIVM. MILLIVM. ET. QVINGENTA. NAVALIS. PRÆILL.

SPECTACVLVM. POPVL. --- LIBERV. IN. QVO. LOCO. NVNC.

NEMVS. FST. CÆSARVM. CAVATO. --- LONGITVDINE. MILLE.

ET. OCTINGENTOS. PEDES. IN. LATITVDINE. PEDES. DVCENTI.

IN. QVO. TRIGINTA. ROSTRATÆ. NAVES. TRIREMESQVE. PLVRIMÆ.

--- RVMORES. INTER. SE. CONFLIXERVNT. --- RVNT.

PEÆTER. REMIGES. MILLIA. --- CIRCITER ---

IN. TEMPLIS. OMNIVM. CIVITATVM. PONTI. ET. ASIÆ. VICTOR.

ORNAMENTA. REPOSUI. QVÆ. SPOLIATIS. TEMPLIS. QVIS. PRIVATIM.

POSSEDERAT. STATVÆ. --- QVADRAGENIS. ARGENTIS.

STETERVNT. IN. VRBE. AC. CIRCITER. QVAS. IPSE. SVSTVLLI. EX.

QVA. DE. PECVNIA. DONA. AVREA. IN. AEDEM. APOLLINIS. MEO.

NOMINE. ET. FILIORVM. QVÆ. MIHI. STATVERVNT. HONOREM.

HABVERVNT. POSUI.

Series secunda.

MARE. PACAVI. A. PRÆDONIBVS --- DOMIBVS ---

--- SVIS --- CONTRA. REM. ---

--- DOMINI. ---

cetera desiderantur.

DD

REGIS. PARTHORVM

Post aliquot lineas.

A. ME. GENTES. PARTHORVM. ET. MEDORVM.

rursum post aliquot alias.

IN. CONSVLATV

cetera prorsus abolita.

Habes, optime lector, reliquias Ancyрани monumēti, facile omniū, quæ nunc extant, præstantissimi; siquidem esset integrum. Eius illustratio, cetera aliquorum restitutione, non huius est loci.

*ANNI, MENSIVM, DIERVM APVD TVR-**cos ratio, & adpellationes.*

- 11 Notavi ad marginem libri, annum Mahumetanum 687, quo mortuus Errucules traditur, esse Christianum 1289. Hoc uti planius intelligi possit, libet hoc loco quam paucissimis explicare temporum apud Turcos rationem, videlicet annorum, mensium, dierum, quantum quidem hætenus intelligere de his potui. Constat igitur apud Turcos annus xii mensibus, sed lunaribus: & tradunt ipsi, post 32 annos Turcicos firmamentum cæli cursum suum absolvere. Vnde propemodū colligi pleriq; putant, annis 31 Christianis, respondere Mahumetanos 32, cum exiguo additamento. Præmittitor id etiam, hunc annum Christ. 1587, quū inciperet, fuisse cōputatum a Turcis pro Mahumetano 994. Quippe licet hoc intelligere de verbis ultimis in diplomate Sultani Muratidis III, quo continetur prorogatio pacis cum Rudolpho II Imp. Augusto. Leguntur enim istic hæc in extremo verba: Die primo proximi mensis Ianuarij, anno Domini Iesu, supra quem sit gratia & auxiliū divinum, 1584: qui erit annus transmigrationis magni prophetæ nostri, supra quem sit gratia salusq; divina, 991: die 27 sacre lunæ Silchidze. Quibus in verbis notandū, annos Mahumetanos, Turcis vsitatos, non eosdē esse cum annis Hegiræ, quæ incipit a natiuitate Mahumetis, videlicet ab anno Christiano 592. Nam expresse dicitur, a Turcis anno Christiano 1584, fuisse computatos annos 991 a transmigratione siue morte Mahumetis: quibus si tres ab illo tēpore elapsos adijcias, erit annus hic Christian^{us} 1587, a morte Mahumetis 994. Iam si de 994 detrahas

1. *habas annos 687, quo tēpore mortuus Ertucules traditur, reli-*
qui erūt anni Mahumetani 307, qui trāsire scilicet ab Ertuculis
morte, vsq; ad hunc annum præsentem. Diximus aut paullo an-
te, Turcicos annos 32 propemodū respondere Christianis 31.
 5 *Quamobrem de 307 Mahumetanis detrahendi veniunt anni*
9 $\frac{8}{11}$, siue paullo minus, quàm decem: & erunt 307 Mahume-
tani, si 10 integros deducas, redacti ad annos Christianos 297.
His rursus detractis de 1587, reperiēmus annum Christi 1290,
quo scilicet mortuus fuerit Ertucules, Osmanis pater. Tradunt
 10 *autem aīnales hi nostri mortuum Osmanem ipsū anno Ma-*
humetano 727, qui Christianus erat 1328. Ergo post obi-
tum patris superstes fuit paullo amplius, quàm 39 annis Mahu-
metanis, siue 38 Christianis. Et quia Turci volunt eum regna-
se 29 annis, nostri 28, quod idem est: necesse est verum fatea-
 15 *mur, quod historici diligentes & fide digni scripserunt, Osma-*
nem perpetuis excursionibus ac rapinis collocupletatū, magnā
partem Bithyniæ, viciniq; Ponto Euxino regionis, intra spatiū
10 annorū, a morte patris scilicet numerandorum, in potestate
redegiſſe. A quo decennij tēpore, principatu iam constituto ſta-
 20 *bilitoq; recte rerū potitus dicetur annis Christianis 28. Itidemq;*
verissime ſtatuetur, initiū regni Osmanici referendū ad annum
Christi. 1300, quod ſane multas ob cauſas diligenter obſeruandū.
 Quod mēſes adinet, iam antea monuimus, in vſu Turcis eſſe
 lunares. Hos nominare incipiūt ab ipſis nouiluniis. Et numeran-
 25 *tur ab eis 12, ſicut etiā noſ totidem habemus. Anni principiū re-*
ferunt ad mēſem Silchidze, qui late loquendo, quod Græci di-
cere ſolent, Decembri fere noſtro respondere debebat ex opi-
nione cōplurium: ſicuti plerumq; Ramazan mēſis ad Septem-
brem debebat ex eorū dē ſententia referri: quo mēſe Rama-
 30 *zane ieiunium ſuū mēſtruum ſeruant, a crepūſculo matutino*
ad ſolis occaſum vsq; donec ſidera conſpiciantur, nihil cibi po-
tusue ſumentes: & ſinito ieiunio, ſuum illud buiue bairam, ſiue
magnū feſtum inſtar paſcharis noſtri, celebrant. Sed progreſſu
temporis tam Silchidze quàm Ramazan in alios mēſes noſtros

transeunt. quippe celebrandi Bairami tempus singulis annis anticipare Turci solent diebus vndecim: qui dies embolismi fere loco sunt ad cōplendum annum lunarem. Nam si dies vndecim cōputentur tricies & semel, efficiuntur dies 341: qui paulo minus quam integrum annum constituunt, addendum triginta & vni Mahumetanis annis; vt Mahumetani triginta duo anni, Christianis triginta & vni respondeant; quemadmodum a nobis indicatum paulo ante hoc ipso capite.

Nomina mensium hæc sunt.

- | | | |
|---------------------|----------------------|----|
| 1. Silchidzé. | 7. Dsiumasiel Achir. | 10 |
| 2. Mucharen. | 8. Rezeb. | |
| 3. Sepher. | 9. Schaban. | |
| 4. Rebuil Euel. | 10. Ramazan. | |
| 5. Rebuil Achir. | 11. Schewak. | |
| 6. Dsiumasiel Euel. | 12. Silcadé. | 15 |

Sicubi lector aliquod nomen ex his paullo aliter scriptum in Annalibus repererit, sciat id factum a nobis, scripturam Ioannis Galderij, interpretis Cæsarei, sequentibus.

Hos autem menses in dierum hebdomadas, siue septimanas, diuidunt: diebus hæc tribuunt nomina.

1. Bafar iuni, hoc est, dies mercatus hebdomadarij, qui respondet diei dominico nostro. 20
2. Bafar Ertesi, hoc est, dies post mercatum hebdomadariū proximus, siue posttridie mercatus: qui dies Germanice dici cōmode posset, *Astermarcktag*. Respondet diei lunæ nostro. 25
3. Salli. Respondet diei Martis nostro.
4. Dfar schambá, id est, quartus dies: quem Persica lingua sic & ipsi vocant, vti nos feriam quartā dicere solemus, qui Mercurij dies est.
5. Peshembé, hoc est, dies quintus, lingua itidem Persica: 30 veluti nos feriam quintam vocamus, qui Iouis dies est.
6. Dsiuma, duabus syllabis, (alij Zuma scribunt, & Zuna) vel Dsiuma iuni, quod significat diem ecclēsiæ siue templi. Nam Venetis diem feriantur.

7. Dsiu-

7. *Diuma Ertesi*, hoc est *ἡμισία*, Græco vocabulo Pindari-
co, quasi si dicas postfestum, vel *Asterfeirtag* Germanice. Vulgo
Saturni dies.

SOMNIUM ERTVCVLIS. CONIA. LV.

na Turcis auspicata.

Valde superstitiosos esse Turcos in obseruandis somniis, ani- 12.
maduertere lector potuit ex narratione Supplementi nostra, de
initiis decennalis huiusce belli Perfici. Hocaũt Ertuculis de Of-
mane filio somnium, quo ingenti comparabatur arbori, cum a-
10 liis sequentibus, per est ei simile, quod Aftyages rex Medorũ de
Cyro, ex filia nepote suo, ab Herodoto & aliis expositũ, habuit.
Conia vero Turcis vrbs est Caramanix siue Cilicix, quam Græ-
ci dicebant Iconium. Leonis Sapientis imperatoris Nouella de
Thronis accuratius hæc in Lycaonia collocat. Chalcocondyles
15 Carix facit vrbes Larandam & Toconeium, vbi nota cõfusus
cum nomine articulũ Toconeium, pro To Iconion: vt alibi To-
sibiniũ quoq; scribit idem interpres, Ardelij siue Transiluanix
vrbe, q 12 articulo a nomine disuncto Sibinium est, vel Cibi-
nium, vt hodie scribunt. Conia recetioribus Geographis adpel-
20 latur Cognã, pronuntiatione Italica. Quod aũt Edebalis filia per
Lunã splendorem significaretur, in eo felicissimum quoddam
omen erat, ex opinione Saracenorum ac Turcorũ: qui Lunam,
velut imperio suo fatali quadam lege propitiam & auspiciatam,
25 successibus conatum suorum, vt etiam nunc hodie, sic semper
existimarunt. Errant enim, (& in his est Franciscus Sanfouinus
Venetus) qui Turcos scribunt subacto primũ Bozinenſi regno,
imperante Sultano Muchemete II, Lunã crescentem signis mi-
litaribus adposuisse. Nam si verum hoc esset, non Lunam dum-
30 taxat acceperissent, exclusis stellis, quæ in eius regni signis cũ Luna
coniunctæ cernuntur. Constat etiam e Beluacensis historia, Sa-
racenos ante constitutum hoc imperium Turcicum, eandem
habuisse de Luna, Mahumetanorum conatibus & expeditioni-
bus bellicis fauente, persuasionẽ. Anno, inquit, 1218, statim post

aduentum Christianorum ad Damiatā, facta fuit eclipsis Lunæ quasi generalis: quam cōtra Saracenos interpretati sumus, veluti portendentem eorum defectum, qui sibi Lunam adtribuunt, in incremento decrementoq; Lunæ magnam sibi vim ponentes.

DE DVCIBVS TVRCICIS, A QVIBVS ANATOLIA regiones nomina sortita sunt.

13. Annales hi nec ducum nomina, nec prouinciarum, hoc loco exprimunt: quæ nos tum e Laonico, tum alijs annaliū locis hec eruemus. Facit Laonicus septem numero Duces, qui regionem armis subactam, inter se diuiserint. Hos vno tantum loco nō recenset omnes. Caramano dicit obtigisse mediterranea Phrygiæ maioris, cum Cilicia: cuius a nomine Cilicia dicta deinde Caramania fuit, in hodiernum vsq; diem hac adpellatione durante.
- Caramania.* Sarchani fors maritimam Ioniz regionem, Smyrnæ vsque, tribuit. Vnde Sarchaniæ nomen est adepta, testibus his annalibus, 15
- Sarchania.* & Laonico, & secretario Sigismundi Malatestæ, qui res in Asia Græciaq; se præsentē gestas, ante annos plus minus 80, descripsit. Ortelio Sarcum dicitur. Calami, & filio Carasi, obuenit Lydia, vsque ad Mysiam: quæ regio Carasia fuit adpellata. Reperitur hoc nomen in his annalibus, & apud indicatum modo Malatestæ secretarium, qui Pergamum in Carasia collocat. Ab Ortelio Becsangile ea pars Anatoliæ nominatur. Osman Ertuculis filius Bithyniam, cum regionibus Olympum versus spectantibus, 20
- Carasia.* & cū Tekie, natus est. Ab hoc Osmania, vel Othmania, quæ admodum hætenus alij scribunt, dicta: cuius in annalibus sub Baia site primo fit mentio. Atq; haud scio, an non in Synonymia Geographica Ortelij, quo loco de Asia minori agit, Cottomanidia sit rectius hæc ipsa siue Othmania, siue Othmanidia, cuius tamen limites istic latius, quàm par sit, videntur extendi. Amuræ filios tradit Laonicus accepisse Paphlagoniam, cum ijs, quæ 30
- Othmania.* ad Euxinum vergunt. Ea fuerit Penderatia scilicet, de qua superius dictum in Osmanidarum genealogia, vel potius Penderachia. Vocatur aut̃ hic Amuras Pachymerio Amurius, cum quo Reince-

- Reineccius alicubi, Gregoram sequutus, Alisurium Caramanum confundere videtur: Omer in annalibus Tureicis dicitur, qui Omeris filios adpellant Isuendiares begos, Sinopes etiam dominos, Laonico Sphenderes aut Spenderes, vnde nomē Penderachiz, veluti Sphenderachiz. Bolli nominatur hæc ipsa Penderachiz vel Sphenderachiz regio in Ortelij tabula Natoliz, præcis Paphlagonia. Et credo Bolli vocem prouinciæ datam a ciuitate Bolli, quæ Turcicis annalibus est Boli, sicut iidem & agri Bolenfis meminerunt. Est etiam in Asia minori Mendesia *Mendesia.*
- 10 regio, cuius principem Laonicus Mendesiem & Mendesem vocat, nepotem Calamis: quod Mendesiæ nomen non Turcicum origine puto, sed Græcum, & eius prouinciæ, quæ sic adpellata fuit a ciuitate Mendos, cuius mentio fit in constitutione Leonis Augusti de ordine thronorum, tamquam episcopatus pertinentis ad metropolim Stauropolitanam in Caria. Videtur etiam eadem esse Mendus cum illa, quæ Myndus aliis dicitur, & ad Cariam quoque refertur. Regio Mendesia scribitur Ortelio Mentese, sicut & nostris in annalibus. Ædinis denique ducis apud Laonicum typis editum nomē legitur, qui regionem à Colophone ad Cariam vsque se porrigentem possederit. Hic Aidin beg Turcis est, vnde reponendum apud Chalcocondylem Aidinis ducis nomen, & apud Ortelium pro Aldinelli restituendū *Aidin, & Aidinelli.*
- 20 Aidinelli. Sunt aliæ quoque regiones in Anatolia, quæ nouas adpellationes, veteribus incognitas, habent: sed eas dumtaxat
- 25 heic enumerare voluimus, quibus indita fuisse certis a ducibus nomina, Laonicus & annales hi nostri tradunt.

BASSA. EMIR. SARAI. CARAVANSARAI. Vezir. Vezir azem. Beglerbeg. Emir Halem. Emir Achur.

- 30 Filius alter Osmanis, Vrchanis frater, alium nō habet in annalibus titulum, quàm Alis bassa: quod bassæ vocabulū Turcis caput significat. Falluntur autem qui pro Sultanis vezires fuisse dictos, ac Emirum (Ameres ipsi vocant) in locum putant fuisse bassas, & beglerbegos: (quibus & begos ab eis, & sangiacos
- 41.

adiungit, velut & ipsos Emirum successores, magis etiam miror) quum vox Emir ne hodie quidem extincta sit, ac præterquam quod ipsi Sultano proprie competat, ut supra diximus, etiam certis in aula tribuatur officiarijs. Quippe sunt ad Portam, Emir Halem, Buiuc Emir Achur, (qui Prætori etiam Græciæ nostro Amyrachures dicitur) & Cudzuc Emir Achur. Bassæ nomen hoc tempore datur ijs primum, qui Vezirum dignitatem obtinent: deinde beglerbegis. Ipsa nomina cum officijs, suo declarabuntur a nobis loco prolixius. Heic paucis addo, Portæ Ottomanicæ duum esse generum officia: quorum alia ministerijs ob-
eundis intra saraium Sultani destinata sunt, alia procurandis negotijs publicis extra saraium. Et saraium Turcis palatium principis est, vel aliud amplum ædificium, non a Czar voce Tatarica, quæ regem significat, dictum: vnde Reineccius Saragliam Turcis vocari putat, ut regiam. Nam alix quoque domus, extra
Sultani regiam, nomē hoc ferunt: ut illæ, quas Sultanorum mulierculæ siue concubinæ inhabitant, ut Atschamoglanorum ædes, ut ampla Turcorum hospitia, siue diuersoria publica, quas vulgo Carauasarias nostri vocant. Quippe a Turcis Carauansarai vel serai dicuntur, hoc est, ædificia destinata carauanis: quæ
hominum agmina sunt cum iumentis, ob itinerum pericula turmatim se coniungentium. Consule de his exposita prolixius capite 247. De officijs intra saraium alibi, sicut & de alijs extra saraium. Bassæ, de quibus heic agimus, extra saraium muneribus sibi mandatis funguntur. Et inter hos qui primi
sunt, Vezires dicuntur: nostris, consiliarij secreti, vel arcani. Supremus autem, Vezirazem nominatur: quæ apud Saracenos etiam in vsu dignitas, & existimatione præcipua fuit. Cedrinus & alij Protosymbulum interpretantur, cuius etiam mentio fit in libro de significatis insomniorum, quem antehac Sambucani exemplaris mutili fidem sequentes, Apomafari tribuimus: quum Achmetis eum postea cognouerimus esse, de libro bibliothecæ Cæsareæ, ex quo viri Clariss. Hugonis Blotij I. C. & Augustalis bibliothecarij beneficio, nostri
codicis

eodictis lacunas omnes expleuimus. Symeon Magister Officio-
 rum alicubi Solemanem Protosymbulū Balsamæ vocat, quem
 Zonaras archisatrapam Masalmæ dixit. Similiter extra saraium
 sunt Beglerbegi, qui & ipsi bassæ vocantur. Prætori Græciæ no-
 stro, qui ante 320 annos vixit, Peclarpaces scribuntur. Et erant
 in imperio Saracenico simul & Emires, & Vezires, & beglerbe-
 gi, etiam ante monarchiam Turcicam: prorsus vt dici nequeat,
 pro Sultanis vezires adpellatos, in Emirum locū successisse bas-
 sas & beglerbegos. Quippe meminit beglerbegorum officij ve-
 rustior Prætor Cedrinus, & ipsum nomen interpretatur Ar-
 chontas Archonton, vt nostri dominos dominorum: veluti qui
 sub se, præter gregarios milites, spachios, subassas, etiam sangia-
 eos & begos habeant: vtrosque minorum (quod aiunt) gentium
 dominos, de quibus suo loco. Prætor addit, officium Beglerbe-
 gorum respondere dignitati vel officio maximi Stratopedarchi,
 quem nunc Generalem campi vocare solemus. Itidem Sultano
 seruit extra saraium is, qui dicitur Emir Halem, cuius paulo an-
 te meminimus. Vexillorum præfectus supremus est, ac tum ipse
 vexillum regium gestat in expeditionibus, tum vexilla Begler-
 begis offert sua, itidemque sua sangiacis begis. Emir achur stabu-
 li præfectus est, cui vocabulo si Buiuc præponatur, maior vel pri-
 mus; si Cudzuc, minor aut secundus stabuli præfectus intelli-
 gitur. De his iam percepisse lectorem opinor, qui Turcis bassæ, qui
 beglerbegi, qui Emires sint. Nec ignoro nomen Emir Quibir,
 dignitatis in aula Sultanorum Cairensium maximæ. Sed intra
 limites coercedenda scriptio, ne commentarius proluxior lecto-
 rem offendant, aut sæpius eadem repetat.

ISNIC. BYRSA. TEGGIVR.

30

Isnicam dixi, nomen hodiernum & Turcis vsitatum retinens, 15
 licet ab aliis aliter scribatur, quæ Nicæa prisca est. Castaldus per
 errorem nō urbem Nicæam vocat Isnicham, sed lacum siue pa-
 ludem Ascaniam, quæ tamen hodie Turcis Acfu dicitur, nomi-

ne significante aquam albam siue limpidam. In multis enim antiqua nomina sic immutant, vt priscorum similitudinem retinentia, tamen aliquid in lingua sua significant. Prusæ nomen antiquum retinui, tamen si nunc Bursa vulgo dicatur: quæ vox in errorem impulit Bonfinium, vt Byrsam adpellaret: quasi nomen hoc aliunde, quam a Prusa rege Bithynorum, acceperit. In Leonis Augusti constitutione de Thronis, etiam Theopolis siue Dei ciuitas cognominatur. Idem Claudiopolitano prouinciæ Honoriadis archiepiscopatu Prusiadem subiicit, quod ideo notandum, quia Busbequius in itineralio Prusiadem cum Prusa confudit. 10
Teggiur Turcis est prouinciæ præses, quem ipsi more suo denominant a cuiusque prouinciæ metropoli. Laonicus Harmosten reddidit, quæ vox antiquo Laconum vsu significat eum, qui vel in urbem, vel regionem imperio subiectam mittitur, vt eius res constituat ac disponat. Prætor noster ducem regionis interpretatur, qui Græcis est Higemon. Sic enim perturbationem rerum in Asia minori describens, post occupatam a Flandris Constantinopolim, ait: Qui duces aliis in locis alij fuerant hætenus, singuli regionem administrationi suæ commissam, nunc sui iuris efficiebant: vel ad hoc impulsu motu proprio, vel ab incolis ad defendendam regionem arcessiti. Quæ sane verba me commouefaciunt de imperij nostri statu non dissimili, post extinctos imperatores Sueuos. 20

EDRENOS. VLVBAT. CAPLIZE.

25

16. Edrenosium Teggiurem dixi, ab opido, quod Turcis vocatur Edrenos. Adranusium ducem siue præsidem dixissent Græci veteres. Ciuitas ipsa Bithyniæ, non procul a Prusa distat. Constitutio nouella Leonis Augusti de Thronis, episcopatu Adranusium metropoli Nicomediensi Bithyniæ subiicit. 30
Opidum Adranes, genere neutro, priscis adpellabatur. Vlubat opidum vocant Turci, quod Lupadi nostris Geographis dicitur. Prætor Græciæ noster, & Chalcedonyles, Lopadium nominant. Nec procul

procul a Palormo situm est, (Panormum dixere Græci superiorum ætatum) vbi veteris vrbis Cyzici ruinæ inter copiosa rudera marmorum conspiciuntur, & vina nobilia nascuntur, quibus cum voluptate Constantinopoli salubriter utebamur. Vox Caplize Turcis calidam aquam siue balineum significat, quæ Græcis thermæ sunt. Et superant Prusæ nunc etiam ad montis Olympi pedem thermæ præstantissimæ, ac in primis celebres: quum ex interuallo non magno, aquæ calidæ pariter, & frigidæ, miræ naturæ beneficio, largiter ebulliant. Apud Stephanum, qui librum de vrribus scripsit, Ortelio citante, Therma legitur, locus Prusæ, (Prusæ vult puto dicere, quamquæ & alioquin hæc mendosa arbitror) qui & Basilica vocetur. Hic ille locus est Basilicarum siue regiarum thermarum, quo de nunc agimus. Nam quod opidum Thermarum Basilicarum in Nouella Leonis Augusti 15 reperitur, aliud est, ac longius remotum a Prusæ: quum episcopatus ille metropoli Cæsariensi Cappadociæ subijciatur.

*MONS CALOGERORVM. GENISCHE-
her. Insuph.*

20

Montem monachorum, qui legitur heic in annalibus, Turci 17.
sua lingua vocant Gefchis dage, Græci Kalogeron oros. Intelligitur autem hoc nomine mons Olympus Bithyniæ, qui Constantinopoli degentibus, & in Propontide nauigantibus, insigni
25 altitudine cõspicitur. Nomen hoc inde tulit, quod olim frequentia Calogerrorum haberet monasteria, velut hodieque mons Athos in Europa, quem sanctum vocant: vbi xxiii supersunt monasteria, singula quondam cc aut ccc a calogerris inhabitata, cõtraque vim prædonum ac piratarum munita. Nunc deminuto
30 licet numero, tamen adhuc eorum est magna copia. Vocatur autem monachus a Græcis Calogeros, non veluti Kalos Hieros, id est, bonus sanctus, quod nostris persuasum est: sed quasi Kalos geros, (sic enim hodie loquuntur) id est, bonus senex. Nam senilis ætas huic professioni aptissima est. Neapolim interpreta-

tus sum, vōce Græca, quæ Turcis est Genischeher, id est, noua ciuitas. Ea non procul a Nicza distat, & Busbequio, sicut & Ortelio, Ienifar dicitur: ac intellige eamdem arbitror a Spandugino, in exposita superius narratione, de origine Sultanorum Turcicorum. Iussuph, Prusæi nomen præsidis, idem est cum Iosepho. Gauderius, Ferdinandi Cæsaris interpret, scripsit Iussuc in versione sua, quod vocabulum Turcis anulum significat.

*DE VARIIS MONETIS. QUID MANGURI,
Aspri, Siderocapsia, Hyperpyra, Hyperpyrarj, Drama, Scachi, Sultani,
mini, Seraphini, Byzantij, Chrysi, Altumler. AEGYPTIA
Syriacæque monetæ ratio.*

18. Necessario nobis heic agendum de variis tam Græcorum, quam Turcorum Aegyptiorumque monetæ generibus: vt vno 15 loco posita, velut in conspectu lectori sint. Ac primo quidem, vt pretium singulorū, quæ Turcis in vsu sunt, indicemus: animaduertendum, ante annos 40 vel 50, quo tempore scripsit Turcica sua Theodorus Spanduginus, octo manguros æreos vnū asprū argenteum valuisse. Rursum quatuor aspros effecisse dramam. 20 Dramas vero nouem, pretium fuisse taleri vnūs Germanici, qui 36 aspros valebat: quum Sultaninus aureus, tam pondere, quam auri bonitate par Zecchino siue Ducato Veneto, 54 aspris æstimaretur, hoc est, vno talero Germanico, cum semisse. Deinde pretium taleri diu stabile fuit, aspri quadraginta: Sultanini vero, 25 seu ducati, sexaginta. Nos autem Constantinopoli quum essemus, sic erant horum omnium aucta pretia, propter grauamina (quemadmodum aiebant) belli Persici, & alias causas explicatu non necessarias: vt manguri 24 vno commutareretur aspro: aspri quinque dramam efficerent: dramæ duodecim, talerum Ger- 30 manicum: vnus cum semisse talerus, Zecchinū Venetum, hoc est, aspros 90: quum paullo minus esset Sultanini pretium. Hoc modo drama, quinque constans aspris, valebat sex nostros cruciatos seu quarantanos Venetos: decem dramæ, vel aspri 50, florenum.

renum Germanicum: aspri 60, seu duodecim dramæ, talerum
 nostratem. Quæ ipsa quoque pretia deinceps adeo sunt aucta,
 talerū vt vnum aspris æstimatum 80 intelligam. Exposito pretio
 singulorum, addamus nunc de monetis ipsis quædam, futura
 5 lectionibus, vt spero, non iniucunda cognitu. Primum igitur æ-
 rei manguri successerunt in nummulorum locum, quos asses
 prisici dixerunt. Ex argento signati sunt his proximi, qui Græcis
 aspri, Turcis Acse nominantur. Reineccius noster, in Adpendi-
 ce ad Beluacensem, perpetrâ scribit Asperos. Ibidein facta men-
 10 tione de 500 iperperis, addit: hoc monetæ Tataricæ genus esse.
 Ego vero vtrumque dico pro Græcæ monetæ genere habendū.
 Et aspri quidem Græcis, Turcis Acse, sic ab albedine dicti sunt
 vt Italis bianchi, Gallis les blancs, certa nimirum & ipsa monetæ
 genera. Sicut enim Mauros Græcis est niger, vnde Moros Itali
 15 nostrique vocant Æthiopes: ita color albus eisdem Aspros dici-
 tur. Nec recens adeo vocabulum hoc esse, paret ex glossario pet-
 ueteri, quod Aspraturam interpretatur Græca voce Κασσός, hoc
 est, moneram minorem: cuius generis aspri seu bianchi vel in
 primis sunt, cum quibus collybiæ siue nummularij monetam
 20 maiorem, tam argenteam, quam auream, commutare solent.
 Aspros autem voco, Latinam vocem Nummulos respiciēs, quæ
 subintelligitur. Nam Græci quidem Aspra dicunt. Et sunt du-
 plicia, maiora minoraque. Minora vulgo in vsu sunt, maiora vo-
 cantur peculiari voce Siderocapsa. Quippe Siderocapsa nomen
 25 est opidi, quod e regione Thassi situm est, prope montem san-
 ctum, de quo paullo ante dictum. Eo loco tam auri, quam argēti
 fodinæ sunt, (vnde Chrysitē Liuij putat esse Bellonius) & aspra
 signantur, ceteris maiora, quibus ab opido Siderocapsiorū man-
 fit hætenus appellatio. Recipit hæc tantum Sultanus Turcorū,
 30 & suis thesauris infert. Eadem erogat in militum ministrorum-
 que suorum stipendia. Minora plane non admittit, quidquid
 tamdē ei soluendum sit. De iperperis obseruanda primum vi-
 tiosa scriptura. Non enim iperpera scribi debent, sed hyperpyra.
 Pulologus noster hyperpyri vocem habet. Manuel Musicius A-

theniensis interrogatus a me, quanti putaret æstimandum hyperpyron: respondebat, propemodum par huius pretium esse Marcelli argentei Veneti pretio. Quidam Italico nummo Iulio putant æquandum. Equidem accurate pretium supputans, hyperpyron inuenio valere nouem cruciatos seu quarantanos. Incola Cyprij regni prius, quam barbarorum subirent iugum, in quinque diueria hominum genera distribuebantur. Horum aliis omiſſis, quod huic instituto nostro quadrat, exponam. Infimi generis adpellabantur Pariki, condicionis homines seruilis, vsq; adeo dominis obligati propemodum vt vitæ necisque potestatem in eos haberent. Nomen ipsum Pariki, Græcæ originis est. Nam *παρίκοι* dicuntur Græcis coloni, sicut & Iustiniano Augusto *παροικαὶ ῥήματοι*, ius colonarium est. Secundum hos proximi vocabantur vulgo Lestieri, qui quidem & ipsi Paricorum seu colonorum erant e numero, sed qui vel interueniente pecunia, vel gratia dominorum, vel alia quadam via libertatem impetrauerant, diuerſa tamen ratione. Quippe nonnulli absolute liberi efficiebantur, quum alij personali dumtaxat libertate potiri, nihilo minus rerum suarum nomine dominis essent obligati: puta, quotannis vt soluerent principibus aut nobilibus viris, 15 vel 16, plus aut minus, perpira: (sic enim corrupte vocabant) cuius in perpiris numerandæ pecuniæ causa, Perpiriarij dicebantur. Adgnoscat, opinor, voces lector deprauatas, quum & hyperpyra dici debeant, & Eleutheri, qui liberi sunt, & Hyperpyriarij, qui singulos in annos hyperpyra soluunt. Si quis denique pretium hyperpyrorum cognoscere cupit, expendat hæc Beluacensis verba, de libri 30 capite 143: Terra Soldani valebat ei cottidie 40000 hyperpera, id est, 57000 marcas argenti. Sed prius scripturæ tollendum vitium, pro 57000 marcis argenti, 5700 marcas vt reponamus. Et nihilo minus hæc ipsa summa prouentus cottidiani tanta videtur esse, pæne fidem vt mereri nequeat. Sedenim pergendum ad alia. Quam diximus dramam, pro certi ponderis apud Turcos nomine lector accipiat, quod quidem ex drachmæ vocabulo Græco mutilatū est. Ipsius ponderis rationem in alipris
iam

- iam exposuimus. An vero Turcicum antiquo ponderi Græco respondeat, disputare nunc religio est, ne lectori nimium velut extra metas vagando molesti simus. Scachi perquam frequentes in Turcia sunt hoc tempore, moneta Persici Scachi siue regis, vnde nomen habent, Turcorum hostis acerrimi. Singuli valent aspros Turcicos octo. Sultanini ex auro sunt, quondam appellati Soldani. Sic enim apud Beluacensem loco iam indicato legimus, argentariæ fructum in Lebena (non procul a Sebastia) fuisse tres rotas argenti depurati, hoc est, tria millia Soldanorū.
- 10 Eiusdem cum Soldanis erant tum ponderis, tum pretij, qui Græcorum imperatorum temporibus Byzantij nominabantur, & Byzantini: characteris dumtaxat ratione diuersi. Cōsimiliter & Seraphini, quos primus ex Soldanis Ægyptiis signauit Melechseraphi, a quo nomen etiam hoc consequuti sunt. Chrysinī Græcis a chryso dicuntur, vt ab auro nobis aurei: quod imitati Turci, suos siue ducatos, quod nomen a Venetorum Ducibus profectum arbitror, siue Sultaninos, ab Altum vocauerunt Altumler. Chrysinorum quidem in aliquot Græcis & Asiaticis monumentis antiquis nomen obseruauimus, quæ alio lectores habituri loco sunt.

- 20 Quod Ægyptias, Arabicas, Syriacasque monetas adtinet, harum quoque nunc mutata ratio: sicut ex hac consignatione D. Hieronymi Beck a Leopoldstorf videre est, qui pretia singulorum notauit, vt erant anno 1551, quum illas terras perlustraret.
- 25 Zibit, ærei nummuli perexigui, signa potius sunt, quam moneta. Duo valent vnum Direm, qui & ipse nummus est æreus. Duo Direm valent Nuccarum vnum, qui nummus est æreus maior, cum litteris Arabicis. Nuccari quatuor valent nummulum argenteum, quem Arabes Osmannū, Turci Achs, Græci Aspron vocant. Nuccari sex faciūt nummum argenteum maiusculum,
- 30 quem Maidimum vel Cattam nominant. Maidinus vel Catta, Osmannū vnum cum dimidio facit, & quatuor Marc hettis Veneris æstimatur, vel octo Bezziis siue nigris nummulis Germanicis, quorum tres conficiunt vnum cruciatum. Scachi, ma-

iiores argētei nummi, quorum singuli quatuor maidinos; decem vero, Turcicum aureum valent. Altum, aureus Turcicus, valebat id temporis XL maidinos, vel aspros LX. Coronati aurei pretium erat, maidini xxxv. Horum vero quam nunc sint aucta pretia, deprahendere lector ex superius indicatis potest.

Obiter deniq; huic explicationi de monetis adiungitur, Sultanos Turcorum tam in ipsis auspiciis imperij, quemadmodum Spanduginus memoriz prodidit, quam victoriis potitos illustribus, aut natis heredibus masculis exsultantes, sicut in annalibus hisce nostris passim animaduertere licet, aspros novos signare solitos. quod quidem ubi factum est, usum asporum veterum interdicto publicato prohibent. Quapropter ab omnibus ad rei monetariæ præfectos deferuntur veteres, ac pro duodecim veteribus aspri decem noui soluuntur. de quo sane lucrum Sultanis haud exiguum prouenit. Inquisitores etiam constituuntur, qui an aliqui veteres aspros retineant, obseruent. Hi variis vtuntur fraudibus, & multa nequiter committunt. Eius autem lucri causa Muchemetes II, qui Cōstantinopolim cepit, singulis x annis aspros signabat novos. Fortasse tamen hoc etiam fecisse videri possit ad imitationem antiquitatis Romanæ, cuius in numismatis toties est reperire vota decennialia, vicennialia, tricennialia. Non enim dubium est, Muchemetem secundum, quem diximus, velut in ipso successorem imperio, multa priscis in Augustis, quos pro decessoribus suis habebat, ex ambitione quadam æmulari voluisse.

SVGVTTZVC, GERLE, BOLI.

19. Dicit auctor annalium, existimari vulgo, sepultū Osmanem ad Sugutzuc, qui locusa salice nomen habeat. Narrat autē Lao-
 nicus, esse vicum iuxta Mysiam, quem incolæ Sogutam vocent,
 ubi flumen sit eiusdem nominis. In hoc vico tradit aliquamdiu
 habitasse Oguzios, & ipsum Othmanem domicilium ibidē ha-
 buisse. Putabatur igitur istic conditus, ubi plerumque degere
 solitus

solitus fuerat. Addit etiam, posse locum adpellari vicum *Itææ*. Sic enim reddidit interpretes, secum in errorem & alios abripiens. Non enim *Itææ*, sed *salicis vicum* dicere debuerat, quæ Græcis *itæa* vocatur. Germani, quorum lingua componendis nominibus per est idonea, Falberdorf interpretarētur. Sed notandum, a Laonico post *Sogutz* vocem, omitti alteram Turcicam *Gui*, duarum syllabarum, quæ vicum seu pagum significat. In annalibus nostris *Sugutzug* legitur, voce nouellas siue teneras *salices* significante, vel *salicetum* potius: sicut iisdem Turcis *Belezug* teneræ siue nouellæ quercus sunt, aut quercetum: quod ipsum quoque nomen est opidi Anatolici, cuius infra meminit annalium auctor. Hinc etiam pagi *Osmanzug*, vel *Othmanzug*, nomen deriuo: veluti quo significetur *Osmanis* siue seminarium, siue plantatio. Apud Abrahamum Ortelium in tabula Natoliæ legitur *Othmangiuch*, quod tribus syllabis Italico more pronuntiatum, idem est cum *Othmanzug*. In itinerario *Busbequij* legitur *Othmanlick*, deprauate puto, quum *Otmanlick* vel *Othmansuck* ab ipso scriptum fuerit: vt posterius hoc V Gallicum habeat, Turcis etiam vsitatum. Longius ab origine vocis recedunt, qui *Ormanic* scribunt. De *Boli*, tam regione, quam opido, supra diximus numero 13. *Bellonius* opidum præscis *Abonitichos* dictum putat. *Gerle* non procul a *Boli* opido distat, sed in *Ortelij* *Natolia* puto non recte scribi *Gerede*, pro *Gerle*, quod idem est cum *Gerle*.

25 *SANGIAC, SANGIAC BEG. MESCHIT, VEL*
Meskit. Dsiuma siue Zuma. Imaret. Candri.
Cangri. Chiangar.

30 *Sangiac* dissyllabum, siue *Sanzac*, Turcis vexillum significat. 20.
 Sunt autem ipsis loco vexillorum siue signorum militariu, globi, ærei deaurati, summo in hastili defixi: circumplexis ac dependentibus vndique seu crinium colligatorum manipulis, seu caudis equinis. Vertici pomorum siue globorum, quos diximus,

nonnumquam luna crescens imponitur. Huiusmodi signa militaria plura gestari vidimus ante bassam seu beglerbegum Temesuariensem, quum is nobis Constantinopolim iturus occurreret in planicie, post descensum a montis Hæmi clifuris, non procul a Tatarbafare, qui locus a foro Tatarorum nomen habet, ad tertium a Philippopoli lapidem: vbi nos prætereuntem regio cum comitatu, magnoque camelorum & aliorum iumentorum numero, (summarios corrupte vocat Beluacensis, qui Græcis samarij sunt, & sagmarij, & sagmatarij) vidimus. Ab his signis militariibus dicuntur Sangiacbegi, prouinciarum scilicet præfides, siue prætores: qui quum ad expeditiones suscipiendas mandato Sultani euocantur, curant ante se signum eiusmodi, quale diximus, cum strepitu tympanorum, & aliorum instrumentorum, quibus vtuntur valde stridulis, gestari. Græci Turcicū illud Sanzac, flambarum & flambulum adpellant: Sanzacos autem, flambulares. Leo Sapiens, Imp. Aug. librum de adparatibus bellicis scripsit, conuersum liberius, quam par erat, in linguam Latinam a Ioanne Checo Anglo, quem Græcum habemus. In eo Flamulum, quo Cedrinus etiam vtitur, & forma deminuta Flamuliscium, & Flamulares reperiuntur, nomina Græcis & Turcicis hic respondentia. Non enim temere dictum a nobis, simias esse Græcorum Turcos, in rebus plurimis: maxime quæ spectant ad officia militaria, prouinciarumque præfecturas ac præsidatus, & earum distributiones. Mestitæ seu Meszitæ Turcis proprie templa dicuntur, e lignis fabricata: qualia scilicet ab eis exstuebantur, quum necdum imperij creuissent opes. Zuma vero, (scilicet vocabuli supra quoque facta fuit mentio) templum significat amplum, operis lapidei. Medressa quid sit, quid Imaretum, Gaudeamus ipse tam heic, quam alijs in locis, in ipso contextu exposuit. Nimirum xenodochia sunt, vt est videre apud Busbequiū, haud ineleganter constructa, suisque distincta cubiculis: in quæ non modo Turci diuertunt, sed etiam alijs quibusuis homines additi de religione sententijs. Quippe nec Christianus quisquam, nec Iudæus, seu diues, seu mendicus, ab ijs arcetur. Bassæ quoque, ac san-

ac sangiaci, quum peregrinantur, illis vtuntur. Mos ita fert Turcorum, vt singulis, qui eò diuertunt, cibum præbeant. Quum cenæ tempus adpetiit, adest minister cum ingenti ligneo disco, qui mensæ instar videri potest. Hoc patinæ plures continentur, impletæ vel oriza cocta, vel decocto ad cremorem ordeo, addito carnis plerumque veruecinæ frusto. Circum patinas positi panes sunt, & nonnumquam aliquid faui. Sumit ex his, qui vult. Ac fas est peregrinantibus, his cibis toto triduo gratis frui. postea mutandum hospitium. Sane Turcici proceres maxime impensis exstruere potissimum student hæc septem: Messitas, imareta, Græcis Maratia, carauā saraia, balinea publica: quibus etiam pulcherrimos fontes adiungunt, in ceteris, ad vsus hominum iumentorumque cotidianos; in messitis, ad lustrationes vel ablutiones quasdam peragendas prius, quam templa sua siue messitas ingrediantur. His adde fluminum pontes, & vias publicas, lapidibus stratas. quæ quidē omnia perinde spectabilia sunt apud Turcos, & eximia: sicut apud Anglos ista, versu comprehensa veteri:

Mons, & fons, & pons: ecclesia, femina, lana.

20 Propemodumque licebit & Turcica disticho complecti:

Messita, maratium: carauan saraia, lanacra,

Fontes, & pontes fluuiorum, strata viarum.

Obiter hoc etiam addo; Constantinopoli Messitis, quæ istic numero plus minus quadringentæ sunt, tot huiusmodi adiuncta esse maratia: vt si quis in vno triduum victitet, ac deinde pergat ordine ad cetera, totius anni spatio vel inuisere nequeat omnia, vel omnium vti beneficio. Sequitur etiam paullo post hunc locum in annalibus explicatus imaretorum vsus, quum narrant, ipsummet Vrchanē in exstructo ab se imareto cibos distribuissc.

30 Candria regio sita est ad Pontum Euxinum, inter Bithyniam, & Pontum, hoc nomine, prouinciam: vbi & opidum Candria reperitur in Ortelij Natolia, situm eo plane loco, quo Dedacana vetus a Nicolao Sophiano ponitur. Ditersum ab hoc opidum est Cangri, versus Amasiam siue Cappadociam, quod olim

Gangra nominabatur, vnde Turcis & regio Chiangare dicta.

*ZERCOLAE, TAM ALBAE,
quam rubrae.*

21. Zercola capitis e filtro tegumentum est, latam auream fibriam habens, qua parte capiti imponitur: de penulæ manica tegminis ipsius petita forma, sicut ipsimet aiunt Turci. Superiori Zercolæ parti, sesquispithamam altæ, caput inseritur: inferior a vertice capitis infra ceruices in dorsum non aliter ad tres spithamas vsque demittitur, ac feminarum Gallicarum tegmen, quod Chapperon ab eis dicitur. A media fronte surgit oblonga quædam quasi vel fistula vel vagina ex ære, partim deaurata, partim argento foris obducta, cui gemmas inferunt, non magni tamen pretij. Hæc Zercola Genizaris albi coloris est, aliis nonnullis rubri, de quibus alio dicendum loco. Fistula siue tubulus excipiendo cono de pennis avium facto feruit, vel belli tempore, vel quum satellitio suo Sultanum stipant.

MUSVLMANI, MUSVLMANISSARE. Magarissare. Turci. Laonicus emendatus.

22. Musulmanos dici se volunt Mahumetani, tamquam recte credentes: vt Arianicis temporibus ceteri Christiani, quotquot abominabantur eorum furores, Orthodoxorum nomen proficebantur. Ac tametsi Mahumetanis honestissima sit Musulmanorum adpellatio, principibus ipsis Musulmanorum Sultanos se nominantibus, vii frequenter apud Prætorem nostrum videre est: tamen Græcis vicinis, vt Christianis, erat execrabile nomen, qui verbo Musulmanissare de omnium grauissimo apud Christianos flagitio desertæ religionis utebantur: cuius etiam vim declarantes, aliud Magarissandi verbum adhibebant, quod significat stercore faciem conspungere. Cedrinus, alique scriptores historiæ, cum iis, qui ius Canonicum orientalis ecclesiæ tractarunt, vtroque vtuntur. Osmanici tamen adfectant hanc adpellationem, & Turcos se dici nolunt. Quo de vocabulo

cabulo facere non possum, quin Philippi Mornæi sententiam exponā, ex libro eius Gallice scripto, de veritate religionis Christianæ contra paganos, Iudæos, Mahumetanos, & alios, cui similis in hoc argumētigenere nullus antehac prodiit. Nam eadem
 5 opera de Turcorum etiam origine quiddā non temere reiiciendum intelligemus. Ait ergo Mornæus, Israëlitas fuisse transportatos, etiam Herodoto teste, vltra Mediam, ad regiones id temporis inhabitatas: & ab eis partim Colchos originem duxisse, qui Herodoti tempore circumcidebantur: partim Tataros, qui circa
 10 annum Christianum 1200 ductu Zingis Chanis velut inundatione quadam orbem terrarum obruerunt, & imperium deinde Chanis illius Chitaini constituerunt. Erant autem, inquit, hi circumcisi prius etiam, quam Mahumetis nomen audissent: eoque procliuiores fuerunt ad amplectendum legem Mahu-
 15 metis, quod ex parte cum ipsorum religione conueniret. Vox ipsa Tatari siue Totari, lingua Syriaca reliquias siue residuos significat, ait. Inter hordas quoque Tatarix, versus partem eius magis aquilonarem, nonnulli nomina Dan, Zabulon, Nephthali, retinuerunt. Vnde non est, quod miremur, tantam Hebræo-
 20 rum esse copiā in regionibus Russiæ, Sarmatiæ, Lithuaniæ. Putat etiam, eo plures istic Hebræos inueniri, quo propius ad Tataros accedatur. Equidem vt obiter aliquam de meo velut symbolam his adjiciam, adulescens in Liuoniam, necdū collegio Teutonicorum equitum dissipato, a Cunrado patre missus ad Alber-
 25 tum patrum, quum alia istic animaduertere memini: tum etiam versus Lithuaniam, in vicinia metropolis Rigæ, (quæ in edito Laonico vitiose transpositis litteris scibitur Vcra, pro Ryca: sicut ibidem pro Euphlaste reponendū Eiflante. Sic enim Germani ceteri vocant Liuoniam, Saxones nostri Lissandam. Gal-
 30 licus interpres Vcram vult esse Nouogrodiam, puerili errore: quum dicat auctor, suis urbem legibus & libertate frui: ab optimatibus regi: ad mare sitam esse: Danos, Anglos, Gallos eò commerciorum causa nauigare: quæ de Nouogrodia intelligi nequeunt) in huius ergo Rigæ vicinia, nationem quamdam esse

barbaram Lettorum, a ceteris Liunionis barbaris incolis, Curo-
nibus & Estonibus, lingua plane discrepantem: qui perpetuo in
ore quasi lamentationem quamdam habent, quam vociferan-
do per agros ad fiduo repetunt. Ieru Ieru Masco Lon. quibus ver-
bis Ierusalem & Damascum intelligere creduntur, ceterarum
in antiqua patria rerum, tota sæculis, & in remotissimis ab ea so-
litudinibus, obliiti. Ad Mornæum ut redeamus, putat hoc idem
non minus esse vero simile de Turcis, quàm de Tataris: quum
nomen ipsum Tureorum Hebraica lingua significet exsules, &
contumeliosum apud ipsos habeatur. Viderique Mahumetem
non abs re, ne populos illos longe numerosissimos offenderet,
qui tum temporis incipiebant se commouere, retinuisse circum-
cisione, lustrationes, & alias quasdam legis Mosæicæ caerimonias.

GENISCHEHER, GOINVC, CARASI,

15

*Cofri, Bergama, Edremit,
Gelipoli.*

23. Opida sunt Iſnicæ vicina, Genischeher & Goinuc, vel Gui-
nuc trisyllabū, ut heic in archetypo scribitur. Illud nouam ciui-
tatem significat, & in Ortelij Natolia, sicut & Busbequio, Ieni-
sar vocatur, ut supra dictum numero 17. Goinuc in eadem Or-
telij Natolia reperitur. De Carasi exposuimus antea numero 13.
Cofri cum Caristo Natoliæ puto eadem est. Bargama vetus est
illa, celebrisque membranarum nomine Pergamus, Galeni me-
dici patria. Quæ Turcis heic Edremit, olim dicebatur Attramyt-
tium, Leoni Augusto episcopatus Ephesinæ metropoli subditus.
Nautæ nostri vocabant nomine magis corrupto, Landemiti:
quod propius ad originem suam accederet, si lingua sua, hoc est
Italica, dixissent L' Adremiti. Nobis quidem articuli cum ipso
nomine confusio perdifficilem reddebat de adpellatione vete-
ri coniecturam. Sunt autem hæc Troadis opida. De Vlubat su-
perius quædam numero 16 notauimus, infra daturi plura. Paul-
lo post Gallipolim dixi, more nautarum nostrorum, quum Tur-
cis Ge-

cis Gelipoli nominetur. Ridicula sunt somnia Nicolai Nicolai-
dis Delphinatis, de nomine atque origine huius vrbis: quum a
C. Caligula conditam, ab eodem nomen accepisse tradit. Mox
opinionem mutata, quod fuerit a Gallis exstructa, Gallipolim vult
dictam, ceu Gallorum ciuitatem: perinde ac Philippopolis sit
Philippi ciuitas, Nicopolis quasi Nicolopolis, Nicolai ciuitas:
perbelle, ne dum Gallos suos ornat, suimet obliuiscatur. Non e-
nim aliam in Græcia reperimus vllam Nicolopolim, quam hâc:
cuius vt auctor est Nicolaus Nicolaides, ita merito nomen hoc
ei relinquamus, vt a duplici Nicolao, Nicolopolis adpelletur.
Sed omiſſis iocis, amplius cccc annis ante C. Caligulam apud
Xenophontem nostrum ciuitatis huius sit mentio. Nec a Gallis
etiã condita fuit, sed ab Atheniensibus: quorum dux Callias,
initio struendæ dato, promeruit: vt ab ipso Calliupolis, (Callio-
polim fere Lætina consuetudine vocamus) ceu Calliæ ciuitas,
diceretur. Episcopatum huius ad Heraclensem Thraciæ metro-
polim Leo imperator in Thronis refert.

DE PRIMO TVRCORVM IN EVROPAM

transitu. De castello, Zemenic, Chirida-
castro, Maito.

Prius, quam de castro Zemenico dicatur, recitabimus hec
verba Laonici de prima Turcorum in Europam transiitione,
cum quibus deinde locum hunc annaliũ conferemus. Capto,
inquit Laoniceus, præsidio Cherronesi, & Madyto, in Thraciam
Turci progressi sunt, vsque ad fluium Tanarum. Notetur in
his verbis interpretis oſcitantia, qui præsidium Cherronesi dixit,
pro Cherronesi castro. Id castrum accipi non potest de Darda-
nellis. Nam eas arces, quæ duæ sunt, non vna, Muchemetes
exstruxit post captam Constantinopolim, vel ipse reſte Chalco-
condyla. Ergo Cherronesi castrum illud intelligitur, quod ver-
sus Egeũ mare duobus abest milliaribus Græcis vel Italicis a
Maito, versus Propontidem vero duobus & viginti a Calliupoli.

Et Maitos hodie dicitur eiusdem Cherronesi opidum, ne Xenophōti quidem ignotum, cui Madytos adpellatur, sicut & Laonico, tribus dumtaxat a Dardanellis versus Egæum distans miliaribus. Prætor Græciæ noster Asty vel urbem Madytorum nominat, sicut & Leonis Augusti nouella de Thronis Madyta pariter, & Madytum dixit. Castro autem, quo de agimus, nomen est apud Græcos Chiridocastron. Hellepontus illic vsque adeo in angustum cogitur, vt a litore Asiatico Cherronesiacum Europæ tantum vno milliari Græco disiungatur. Hoc igitur in loco Turci primum ex Asia transmiserunt in Europam, & industria quadam Zemenicum, vt ipsi narrant; Chiridocastron, vt Græci; a captiuo quodam Christiano ducti, occuparunt. Inde diffitam ad alterum lapidem adorti Madytum, quam incolarum frequentia territi tentare prius ausi non fuerant, quum hodieque supra 15
ccc Græcorum domos habeat, & ipsam in potestatem redegerit. Nos istic in itinere nostro vinum coloris rubri comparabamus, quod mensibus aliquot durante navigatione, variis in malis, & nausea perpetua, præcipue nos recreabat. Nicolaides, de quo paullo ante diximus, fabulas vt de Gallipoli, sic etiã de hoc castro, nobis obtrudit. Narrat enim, dici castrum viduarum, ex 20
huiusmodi occasione. Quum Turci, ait, ope duorum mercatorum Genuensium Hellepontum transmississent, pro singulis capitibus transportandorum solutis duobus ducatis: primum omnium in Europa castrum hoc ceperunt, in quo mares omnes immani sæuicie contrucidarunt, vita femillis tantummodo condonata. 25
Qua de causa nomen ei deinceps mansit, vt castrum viduarum adpelleretur. Hoc si verum esset, adpellandum erat Græce Chiron castron, vel Chirocastron, quod nomen ipse non posuit. Sed satis animaduertit peritus historię lector, in ipso fabulæ peccatum initio. Nō enim ad primum in Europam Turcorum transitum pertinet illa de Genuensibus historia, sed ad insequentia tēpora, sicut suo loco deinceps numero 87 indicabitur. Deinde Chiridocastri nomen extitisse constat etiam prius, quam Turci transmissis Helleponto castrum ipsum occupassent. Erat
in naui

in naui nostra senex multarum rerū peritus, Antonius Melicēsis, Græco patre natus in Melo insula (Milon Græci pronuntiant) conductus a Nauarcho, vt index itineris interdiu noctuque nobis esset, quem Podorā Græci nunc dicunt vocabulo peculiari, quod in Pulologo reperitur, vulgus nautarum Pelotā vocat.

Is mihi, quum Calliupoli relicta, iam xxxi miliaribus emensis, Chiridocastrum præternauigaremus, & ruinōsū castri nomen significabat, & historiam non friuolis de causis obseruandā commemorabat. Quo, inquit, tempore Turci primū hanc freti Hellespontici transmiserunt angustias, vt Asia potiti, Europæ regiones inuaderent: hoc ipso castro, quod vides, in potestatem redacto, primum in Europa pedem fixerunt. Eius rei nuntio, summa celeritate, Constantinopolim perlato: tanta Græcorū, maiorum nostrorum arrogantia, tanta securitas fuit: vt minime cogitarent de castro mox recuperando, & eijciendis prius ex Europa Turcis, quam maiores in ea vires adquisiuisent, altiusq; suas egissent radices: sed accepti damni grauitatem verbis eleuando dicerent, esse dumtaxat amissum stabulum porcorum. Ludebant enim, vt Naziazeni nostri verbis vtar, in rebus minime ludicris: ridebāt,

in rebus minime ridiculis, sed deplorandis potius: dum ex Chirido castro per iocum, stabulū porcorum faciebant. Græcis enim Chiridia dicuntur porci. Sed risus iste tandem in amaras cōuersus fuit lacrimas. Audiamus maiorem nunc ex eiusdem Antonij narratione Græcorū insaniam. Venit inde, non magno temporis interiecto spatio, Turcorum in potestatem & Calliupolis, vt in his annalibus quoque recitatur: Græcis interim altum dormientibus, nec derationibus occurrendi conatibus hostium vel tantillum sollicitis. Quid sit Huius etiā detrimenti accepti nuntius Constantinopolim venit. Tum magis vt Græcos dementes

cerneres, amissam illi Calliupolim flocci facere, iacturam publicam reapse magnam, verbis secordiæ plenis extenuare, non nisi amphoram vini a Turcis ereptam sibi dicere. Sed eos Turci paucis annis in Thracia fecere progressus, vt huius Soleimanis bassæ, qui Calliupolim tunc eis eripuit, fratris filius Baiafites, occu-

patis etiam suburbanis agris, Constantinopolim pluribus annis obsideret: quam quidem omnino redacturus erat in potestatem, ni Tatari Temiris interuenisset expeditio Baiasiti fatalis: qua prospertimi Turcorum successus aliquamdiu diuino consilio fuerunt inhibiti, ne ante tempus a Deo destinatum, imperij Græci reliquias deuorarent. Hæc narratio licet in historiis Græcis non exstet, dignam tamen censui, quæ memoriæ proderetur: ut ex ea nostri homines exemplum capiant, nobis quod ex usu sit. Vtinam ne nos etiam modo tam altum, veterno Græcorum correpti, steteremus, vix ut expergisci possimus: dum non Chiridocastra, porcorumue stabula, sed hætenus inuicta Christianorum propugnacula: non Calliupoles, aut amphoras vini, sed Pannonias, sed Cypros, integra regna scilicet, amittimus. Sed reprimo me. Nam plura vetat dolor, & ominis infauisti metus.

*'TRITVRANDI MOS APVD GRAECOS,
& Asiaticos. Bolair. Asproli-
miona.*

25. Arcatum in quas messis tēpore segetes tam in Græcia, quam in Asia, colliguntur; & ipsa tritrandi ratio, huiusmodi est. Solent illarum regionum incolæ, postquam demessæ fruges sunt, non domum eas ex agris, more nostro, granis necdum excusis, in horrea conuhere: sed in arcem quamdam sub dio comportare. Deinde sparsis per arcem manipulis frugum boues & bubalos immittunt, qui dum pedibus subiectas proterunt, aristis grana nullo negotio excutiantur. Et solent hæc sub dio fieri, extra pagos & opida. Semper autem mos hic apud orientales tritrandi fuit, inde vsque ab antiquissimis temporibus, sicut & in sacris libris interdicitur vetus reperitur: Os boui tritrandi ne obligator. Secundum hæc mentio fit expeditionis Turcorum, primum mari, nauigiis oram Cherronesi versus Ægæum legentibus, & præterito Rumeliæ vel Europæ promontorio, sinum Magarilium (sic a fœdistempestatibus ac pluuiis dictum

- dictum, quæ illis in regionibus existere boreis flantibus solent, quum apud nos aquilo serenitatem aeris ferat) intrantibus, ubi Cherronesi latus alterum, longo tractu, in mare se porrigit: deinde terra, missis equitibus, qui cum Edzebego planiciem Cherronesi versus amnem Maritzam peruagarentur, & Album ad Portum naualibus se cum copiis coniungerent. In his verbis observandum, illam Bolairis planiciem Turcis dictam, Prætori Græciæ nostro vocari Bolerum, qua scilicet per ipsam Cherronesum, Hadrianopoli procul ad dextram relictâ, cum Didymoticho, versus Ænum opidum, & Maritzam fluuium, quondam Hebrum dictum, ac longius inde Thessaliam versus itur. Nam a Chiridocastro siue Zemenico, per excurrentis in mare Cherronesi campos, ad Maritzam fluuium, & illum maris sinum, in quem se Maritza siue Tænarus, vt Laonicus de causa deinceps exponenda vocat, propter Ænum ciuitatem effundit, directum iter non magnum est. Quippe Thracica Cherronesus instar linguæ se porrigit in Ægæum mare, tam angusto terræ continentis spatio: sex tantum vt milliaribus Græcis distet Hellepontus a sinu Magarisio, qui est ab altera Cherronesi parte: quibus a sex milliaribus etiam dictum est Hexamiliū Cherronesi, sex tantum modo milliaribus Græcis a Calliupoli distitum: vt alterum celebrius illud Hexamiliū Isthmi Corinthiaci totidem patet in latitudinem milliaribus, & vtrinq; gemino similiter a mari aluitur. Begi vocabulum, quod heic Edzi cuidam ex proceribus Turcicis tribuitur, interpretati iam ante sumus. Hoc tantum lector obseruet, planiciem Bolairensē, siue Bolerensē, vt Prætor vocat deinceps apud Turcos Edzeæ vel Ezeæ planiciē nomen ab hoc Edze bego consequutam, vt infra, certis ex locis horum annalium, parebit. Portus Albus denique Græcis est
- Asprolimiona.

DE OPIDIS CHEREPOLI ET ZORLI CIVITA-
tes Cherronesi, ab Europa promontorio Constantinopo-
lim usque, cum intervallis versus ab
altera.

26. Quæ opida Thraciæ Cherepolim & Zorlum Turci vocant, Græci dixerunt Chariupolim & Tzurulum. Chariupolis siue Chariopolis, perinde ac supra de Calliopoli dictum, ab Atheniensi Charia conditore fuit appellata. Nam præpotens mari populus Atheniensis ante bellum Peloponesiacum, propter amplitudinem classis, & usum rerum navalium, Cherronesum cum maiori parte maritimæ Thraciæ ac Macedoniæ, cum Perintho, (nunc Arachlea, quod idem est cum Heraclea) cum Selybria, cum ipso Byzantio, possidebat: in eaq; loca, semel occupata, colonias deducebat: Thucydide, Xenophonte, atque aliis, testibus. Prætor Græciæ noster Chariopolim cōmemorat, & quo sita loco sit, indicat: dū ordine ciuitates has in Cherroneso recenset, Heracleā, Panium, Rhædestum, Chariopolim. Meminit & Cedrinus in Constantino Monomacho Augusto, vbi de Patzinacis in Macedoniam profecturis explicat. Leo Sapiens Augustus in Nouella de Thronis, Heracleæ metropoli, quam Thraciæ Macedoniæque simul adtribuit, velut in confinio sitam, inter alios episcopatus, hos subiicit: Madytum, de qua diximus, Rhædestum, (nunc Rhodostum) Panium, Hexamilium, (nunc Xamili) Calliopolim, Peristasum, Chariopolim, Tzurulloën, (nunc Zorli) & Arhyra, qui nunc Pons grandis nominatur. Quod si lubet intelligendarum historiarum causa nosse intervalla horum opidorum, ut ordine sita sunt ad litus Helleponticiæ Propontidis, inde a Dardanellis, vbi fauces Hellepontici sunt, in Ægæum cursu rapido semet exonerantis, ad ipsam usque regionem urbem Constantinopolim: hæc peræccurate cōputata illius, quem dixi Melicenis Antonij studio, notabis.

A Rumeliæ, vel Romanicæ, Græciæque promontorio, quod exitum est in Europa propter Hellespōti angustias, ad ar-

ces

- ces faucium, siue Dardanellos, milliaria Græca sunt 18
 A Dardanellis Maitum vsque, M. 3.
 Maito Chiridocastrum, M. 2.
 Chiridocastro Calliupolim, M. 22.
 5 Calliupoli Hexamilium, M. 6.
 Hexamilio ad S. Georgij promontorium, M. 6.
 A S. Georgio Peristasin, M. 6:
 Peristasi Arachlizam, M. 7.
 Arachliza Myriophytum, M. 7.
 10 Myriophyto Coram, M. 6.
 Cora Gainum, M. 4.
 Gaino Rhodoftum, M. 25.
 Rhodofto Arachleam, M. 30.
 Arachlea Silyuream, M. 20.
 15 Silyurea ad Pontem grandem, M. 15:
 A Pontegrandi ad Pontem paruum, M. 10.
 A Ponte paruo ad S. Stephanum, M. 10.
 A S. Stephano ad Heptapyrgium, siue Iadiculam, vel arcem
 septem turrium; sitam in extremo vrbis Constantinopo-
 20 leos ad Propontidem angulo, M. 5.
 Ab Heptapyrgio ad Sultani saraiū, vbi alter est vrbis angulus
 ad Bosporum, Propontidi semet infundentem, M. 7.
 Tzurulus, (Castaldo Chiorli, Busbequio Chiurli) quam Leo
 imperator Tzurolloēn vocat, nonnihil a Propontide versus me-
 25 diterranea distat, a Selybria maritima sex plus minus horarum
 itinere. Nos istuc satis commode diem ac noctem egimus. Falli-
 tur in Selime primo Iouius, & auctor annalium Siliciz Cureus,
 qui pagum ignobilem & obscurum vocant: quum hodieque sit
 opidum, & a Prætorē dicatur Asty, quod ciuitatem significat, ac
 30 in Græcorum historiis etiam Mauricij Augusti temporibus, an-
 te cto scilicet annos, mentio Tzuruli fiat, vbi dicitur, Chagano
 cum infinita multitudine Thraciam ingressō, Romanorum du-
 cem territum, in castello Tzuruli, tamquam loco munito, se cō-
 clusisse. Nam hæc ipsa leguntur apud Zonarā verba.

EVRENOS, ET CETERI TRES APVD

*Turcos illustrium quatuor familiarum
auctores.*

27. Tradunt nostri, & in his Geufræus, Osmanem sibi tres fœde-
ratos adsciuisse, quorum adiutus ope, compluribus opidis suba-
ctis, auctoritatem sibi, potentiamque comparauerit. Horū duos
fuisse Græcos, religionis Christianæ desertores, tertiū verō Tur-
cum. Græcorum vnus, Michaël nominabatur: alter, Marcos:
Turco nomen Aurami fuisse scribit. Ab his propagatas esse tres
familias apud Turcos, ceteris omnibus, secundum Osmanidas,
nobiliores: a Michaële, qui Michalogli, quasi Michalides, dican-
tur: a Marco, qui Marcozogli, quasi Marcozides: ab Aurami, qui
Auramogli, & Auramides. Nos hæcenus horū in annalibus
hiscæ mentionem nullam habuimus. Eurenosis nomen heic pri-
mum anno Christiano 1357 legimus, quē ex procerum nu-
mero fuisse non dubium est, quum begus adpellatur. Et Turcos
heic quidem sequi malo, quibus Eurenos; quam Geufræum, cui
Aurami vocatur. Vnde posterī quoque non Auramogli cum
Geufræo, sed cum Turcis Eurenosogli, velut Eurenosides, sunt
adpellandi. Michalogli serius his commemoratur in annalibus,
& nominatim Mechemet beg Michalogli, dux Acanziorū, sub
initium Muchemetis primi, anno Christiano 1414. Malcozo-
gli longe post hos, anno Christiano 1480, quo tempore Bali beg
Malcozogli nominatur, sub Muchemete secundo. Quartæ fa-
milix non fit apud Geufræum mentio, quam Turchan begus
propagauit. Hoc nomen in his annalibus reperitur sub Murate
II, anno Christiano 1433. Eurenoses apud Laonicum Brenezēs
scribitur, pro Eurenēzes, aut Vrenēzes. Idem Michaloglios etiā
Michalines alicubi vocat. Malcozzides & Malcozogli cur a Tur-
cis pro Marcozziis & Marcozogliis dicantur, scio: cur a Reinec-
cio Malaconij, nescio. Eurenosis etiā posterī rectius Eurenosij
vel Eurenēsij vocabūtur, quam Ebrenes. Turchan begus Chal-
coondylæ Turachanes nominatur. Nostri ætate nullam ho-
rum

rum extra Malcozzios, & Michaloglios, mētionem inuenimus: & Michalogliorum sanē recentiorem, ex quibus Achmetes Acanziis præfuit in exercitu Soleimanis, ad obsidendam Vienne nam proficiscentis. Casanen vero Michaloglium triennio post, in his annalibus expeditione Soleimanis altera contra Germanos, a nostris cæsum, magnis cum copiis, legimus.

DIMOTVC. BVRGOSINE. BERGAS.

Plagiari.

10

- In vicinia Tzuruli, de qua dictum, Didymotichum Prætor cum aliis opidum ponit, a geminis muris sic adpellatum, Turcis mutilate Dimotuc: quod Nicetas Latine versus, Eurū fluuium ambire tradit, pro quo scribere debuit interpretes Hebrū fluuiū, cuius nomen in pluribus historiarum Græcarum locis ita corruptum reperitur. Opidi Dimotuci adpellatio ne hodie quidem est obscura, præsertim propter elegantissimos vrceolos, qui ab incolis elaborati, quum alia in loca, tum etiam Constantinopoli deportantur. Solent enim ex eis tam ipse Turcorum Sultanus, quam alij magnates, aquam haurire. Didymotichum nouella Leonis imperatoris Traianopolitanæ montis Rhodopes metropoli subijcit. Andronicus aurem Palæologus 11 huius nominis imperator, ab episcopatu ad metropolis dignitatem in synhodo prouexit. Vicina Didymoticho est Burgosine, quæ Castaldo Bergas est, aliis vulgo Bregas, magis etiam vitiose. Nostris comites Turcici, quum istic essemus, Burgos adpellabant. Gerardus Mercator cum aliis ex Bergas facit Bergulam & Berge-len Ptolemæi, Bergulion Cedrini, & Arcadiopolim. Proximum ab hoc opidulum versus Hadrianopolim medijs diei distat itinere, quod idem Castaldus Siribabam nominat, quum a Turcis nostris Eskibaba diceretur: id est, Baba vetus. Soleimanes bassa mortuus eo casu, qui recitatur in annalibus, in pago non procul a Calliupoli sepultus traditur, cui nomen Plagiari. De monumento tamen eius nihil istic intelleximus, licet ad Calliupo-
- 28.
- 15
- 20
- 25
- 30

lim quatuor fere septimanis hzreremus. ³ Obseruandum in animalibus, mortuum hunc Soleimanem duobus ante patrem Vrchianem mensibus: cui filius Murates natu minor, non Soleimanes successerit. Nam plerique Soleimanem inter Sultanos referunt, & primum hulus nominis faciunt.

BELEZVG. CHELIL. CADILESCHER,

& Cadi Asker.

29. Belezuga locus est Anatoliæ, cui nomen a querceto. Signi- 10
cat enim vox ipsa nouellas quercus, vt adnotatum supra, numero 19. Zenderlu Chelil est is, qui edito Chalcocondylæ corrupta scriptura Chatites adpellatur, pro Chaliles, quod ei nomen est apud Gregoram. Ex eo qui Halim facit interpres Laonici, errat: quum diuersa plane nomina sint Chelil & Ali. Vox 15
Cadi Turcis iudicem significat, qui de causis litigantium aliquo in opido, vel vrbe, vel prouincia cognoscit. In Italia Potestatum vocant, cuius officij mentionem Prætor Græciæ noster facit, quo loco narrat Venetiis missum fuisse Constantinopolim nouum Exusiaften, (quo nomine significatur is, qui est cum po- 20
testate, ac iurisdictionem exercet) quem ipsi, ait, Potestatum nominant. Cadi vero Lescher, siue Lesker, significat iudicem supremum, qui Arabum Maurorumque lingua dicitur Cadi Asker: qua voce solent vt, qui elegantius loquuntur, vulgus altera. Erant autem prius in vniuerso Turcorum imperio duo 25
tantum Cadilescheri. Primus Anatoliæ, alter Rumeliæ, hoc est Romanæ vel Europæ. Sed a Selime primo tertius his adiunctus fuit, post subactos populos principis Aladeulis, & Sultani Cairensis, videlicet Ægyptios, Syros, Arabes, & Armeniorum partem: quæ regiones quum laissime pateant, etiam tertij hu- 30
ius Cadilescheri officium maioris est momenti, quam reliquorum. Habent autem imperium Cadilescheri ceteros in Cadios siue iudices, & Hoggias, & Talismanos: velut apud nos sub iurisdictione Archiepiscoporum, episcopi, presbyteri, diaconi, conti-

continentur. Idem & Cadilicatus siue iudicium officia (Potestarias Itali vocant) arbitrato suo conferre solent, sed ea legetamen, ut constituti ab ipsis iudices, a Sultano confirmantur. Addendum & hoc, duos illos primos iudices maiores accepisse Turcos a Græcis, quorum (ut dictum sæpius) æmulati sunt imperij veterem formam. Quippe Græci etiam Dicastas siue Iudices Anatoles & Helladis habebant. Adeoque magna fuisse istæ officia vel ex eo parer, quod imperatrix Zoë iudicem Græcorum fecerit Cōstantinum Monomachum, cui tamē non multo post ipsa nupsit, & per nuptias imperiū tradidit, sicut in eius vita Cedrinus scripsit. Idem in Paralipomenis, quæ necdum habemus edita, Iudicis Hellados (quæ Græcia est) ac Peloponnesi, tamquam magno præditi officio siue dignitate, meminit.

15 SCACHIN: SIS OPIDVM. ME-

ritza flumen.

Qui Turcis heic Lala Scachin, Laonico Saines vocatur. Et prædicat eum valde Laonicus, optimumque virum adpellat. Quænam vero sit illa Sis, cuius capte sit mentio, videndum. Pōnit Marius Niger in Thracia Sissopolim, quæ olim dicta fuerit Apollonia: ponit & Pinetus in Macedonia Sissopolim, quæ veteribus fuerit Apollonia Taulantiorum. Vtrius sit opinio melior, ipsi viderint. Equidem neutram harum accipi de Sis opido posse puto, quum Sissopolis Thraciæ versus Euxinum, haud procul ab Anchialo, quam nunc Achelò Græci vocant, collocetur: Macedonia vero remotior etiam sit ab illis locis, quæ huic proxima statuuntur, nimirum a Tzurulo & Burgosine. Restat igitur, ut aliud his vicinius opidum quæramus, quod Sis annalium sit. Hoc vero nobis monstrat Græciæ Prætor esse Cissum, non procul a Tzurulo situm, sicut ex his verbis eius adparet: Cæpit Imperator Ioannēs Ducas Vatatzes & Cissum castellum, & vsque ad eum fluuium, quem vulgus Maritzam vocat, limites constituit. Potitus est & monte Tugano, & opidulum in eo condidit:

HH

quò Nicolaum Cotertzen ablegauit, vt excubias ibidem ageret, & Latinis intra Tzurulum degentibus negotia facefferet: quod quidem opidum Tzuruli non magno tempore interiecto Romanis a copiis in potestatem redactum fuit. Quibus in verbis obiter & Maritzæ fluminis mentio fit, quod statim heic in animalibus etiam reperitur, & a Turcis Meritza nominatur. Sed Prætor paullo post, hæc de Maritza subiicit: Alij sedes cōstituebant versus inferiores partes, & cum fluuium, quem lingua vulgaris, vt antea dictū est, Maritzam vocat. Reapse quidem is Hebrus est, qui versus Ænum opidum excurrens, ibidem in Ægæum se pelagus effundit. Sed quia cum hoc & alij se coniungunt amnes, ac maiorem efficiunt: iccirco nomen etiam apud accolæ mutat. Flumina vero, quæ Prætor ab Hebro siue Maritza recipi commemorat, alia non est necesse recēseri, quod Turcicis nostris illustrandis non seruiant: sed duo tantum præterire silentio non possum, quæ Hadrianopoli se in Hebrum exonerant. Vnius fluuioli nomen est Harda, nec olim, nec hodie celebris: alterius Tunfa, cuius faciunda fuit mentio, quod Chalcondyles sæpe Tænarum nominet, sicut ex vita Muchemetis ii, quem Hadrianopoli regiam sedem vltra Tænarum, qua Hebrum illabitur, munivisse scribit; & ex allegatis supra, numero 24, videre est. Quippe Tænarus fluuius idem est cum Tunfa, videturque nonnumquam Tænari nomen manere flumini, abolita Hebri adpellatione, ad ipsam Ænum vsque ciuitatem, vbi mari Ægæo miscetur. Hebrum denique Valizam nemo vocat, nec Mazeram: vt existimarunt Nicolaus Nicolaïdes, & Oliuarius.

YPSALA THRACIAE

opidum.

31. Post capram Didymotichum tradunt annales, Chazim Elim begum versus Ypsalam cum copiis pertexisse. Huic nomini simillimum est Cypsala, quod opidum ab Antonino in Thracia commemoratur. Alij Cypsella scribunt, vti legitur etiam in Nouella

uella Leonis Augusti de Thronis. Non procul ab Aeno ciuitate collocatur, de qua mox dicturi sumus. Chypſala Sophiano dicitur, Chapſilar Bellonio, qui haud ſcio an non erret, ſimilitudine nominis Chapſe vel Chaphſe deceptus, qui vicus exiguus eſt in itinere, quo Conſtantinopoli Didymotichum itur: vt infra parebit in extremo Baiasite 11. Diſtat etiam ab Hadrianopoli, qua Selybriam tenditur, non magno itinere diurno quoddam opidulum, cui nomen Hapſala, nobilitatum meſſita & carauanſaraio Mechemetis baſſæ, ambobus ſane pulcherri-
 10 mis & ſumtuofis. Eo nos in loco pernoctabamus. Sed vt diuerſus eſt ab Ypſala, ſic cum Caſtaldo eundem eſſe cum Capſa, ſtare non poſſum.

YGNOS, AD MERITZAE FLV-
 minis oſtium.

15 Hæc ciuitas Græcis dicitur Aenos & Oenos, quorum poſte-
 rius ipſi pronuntiant Inos, vnde nomen Ygnos, quod heic in
 annalibus legitur, molli pronuntiatione litteræ N per Gn, Græ-
 20 cis, & Turcis, & Italis, & Hiſpanis, qui n̄ ſcribunt, familiari. Inter
 metropoles vel archiepiſcopatus Thraciæ reſertur ab Impera-
 tore Leone in Nouella de Thronis. Virgilius & alij Aenum ab
 Aenea poſt excidium Troiæ conditam in Thracia, ſicque no-
 minatam ab eodem, narrant. Propter Aenum fluuius Meritza
 25 vel Hebrus in mare ſemet exonerat, vt paullo ante dictum ex
 Prætoro noſtro. Principes aliquando Cateluſios Genuates ha-
 buit, ſicut & Leſbus inſula, (de quibus infra dicemus capite
 138.) quum illi a ciuibus arceſſui temporibus imperatorum Græ-
 corum inter ſe diſcordium, vrbiſ deſenſionem ſuſcepſſent, ſic-
 30 ut apud Laonicum legitur. Caſtaldus Enio ſcripſit, quod dua-
 bus (vt opinor) ſyllabis enuntiandum. Antonius Bonfinius in
 hiſtoriis Vngaricis corruptius Eniam vocauit, quum anno 1469
 Nicolaum Canalem præfectum Venetæ claſſis Eniam Thraciæ
 urbem directam incendiſſe tradit.

ZAGORA, DEBELTVS,

Philibe.

33. Zagora Thraciæ prius adpellabatur Debeltus, vt est apud Cedrinum & Zonaram. Debelti episcopatum Leo Sapiens Imperator in Nouella de Thronis metropoli Hadrianopolitanæ montis Hæmi subiicit. In historia Symeonis Magistri officiorum manuscripta legitur, Iustinianum Rinotmetum imperatorem restitutum opera Terbelis Bulgarorum principis, ei quum alia dona dedisse, tum defalcata ab imperio Romano regionem, quæ postea Zagoria dicta fuerit, possidendam concessisse. Deuelus, quam adhuc ita Græci vocant, sine Zagora, quod ei nomen Bulgari tribuerunt, milliario sexagesimo ab Hadrianopoli distat. Philibe vero Turcis est Philippopolis Thraciæ, Debelto vel Zagoræ vicina: quam urbem qui a Philippo Macedone, magni Alexandri patre, conditam cum vulgo existimant, falluntur. Nam Philippi Cæsaris opus est, vt aliæ complures in Thracia ciuitates ab imperatoribus fuere conditæ, quod ipsa quoque nomina testantur, vt Traianopolis montis Rhodopes, vt Hadrianopolis Hæmi montis, vt Arcadiopolis, vt Anastasiopolis. De Philippopoli vero expresse scriptum his verbis reperi quodam in historiæ Græcæ libro, cuius & principium, & nomen auctoris perierat, quum ceteroqui multa scitu digna contineret: Philippus imperator urbem in Europa condidit, quam Philippopolim adpellauit. In hac urbe totum nos triduum commorabamur, dum Turci comites nostri suum Bairam maius, exacto ieiunio triginta dierum, diebus mensis Octobris quinto, sexto, septimo, celebrarent. Est adhuc archiepiscopatus, cui tunc præerat is, qui postea factus est patriarcha nobis Constantinopoli degentibus, Theoliptus: de sententia synodi Græcorum abdicato Pachomio, viro prophano, & litterarum plane rudi, qui largitionibus & aliis malis artibus dignitatem adeptus fuerat.

*GRADVS LEGIS MAHVMETANAE PE-
ritorum apud Turcos, & qui Talisma-
ni dicantur.*

- 5 Ut Talismani qui sint, commodius intelligatur: sciendum, 34.
certos esse gradus Mahumetanis eorum, qui legis apud ipsos pe-
riti sunt, & partim ius dicunt, partim legem interpretantur. Lu-
douicus Bassanus Iadrensis in hunc modum comparat eos cum
10 nostris Ecclesiasticis. Primum Muphtim dicit esse inter ipsos in-
star vel Papæ nostri, vel Patriarchæ Græcorum. Quippe iu-
ris omnis & sacrorum Rex est, vti veteres etiam Romani loque-
bantur. Huic proximi sunt Cadilefcheri, de quibus dictum nu-
mero 29. Bassanus hos cum Archiepiscopis nostris comparat.
15 Sequuntur Cadij, veluti proximum post Archiepiscopos lo-
cum obtinent Episcopi. Secundum hos sunt eis Hoggia, qui
seniores dicuntur, vt Græcis & nostris Presbyteri. Excipiunt
Hoggias Talismani, seu Presbyteros Diaconi. Vltimi sunt Der-
uisij, qui Calogeris Græcorum, monachis nostris respondent.
20 Talismani Mahumetanos ad preces interdiu & noctu quin-
ques diecidas excitant, de quibus aliâs agemus. Clepsydris,
veteri more Græcorum, vtuntur ad distinguenda tam diurna,
quam nocturna temporum spatia. Nam quæ a nostris artificio-
se confecta perueniunt ad Turcos horonomia, longe ipsis gra-
25 tissima, planeque admiranda, procerum dumtaxat vñbus ser-
uiunt. Quum precum tempus adpetiit, turres adiunctas messi-
tis præaltas conscendunt. Eæ sic factæ sunt, vt in superiori par-
te, propemodum vbi occipiunt deminui, vt tandem in acumi-
natum fastigium desinant, in proiecto quaqua versum obam-
30 bulari possit. Heic ergo circumeuntes, acutissima voce clamô-
rem tollunt, digitis alteram aurium obstryentes, & homines ad
inuocandum numen exhortantur. Vox ipsa longius, quam
quisquam nostrum credat, qui ea loca non adierit, pertinet.
Communis autem precatio musulmanorum huiusmodi est, au-

ctore Postello: In nomine Dei misericordis, propitij. Laus Deo, regi sæculorum, misericordi & pio, regi diei iudicij. Heus feruiamus illi, & heus adiuuabimur. Dirige nos in punctum rectum, punctum eorum, in quibustibi beneplacitum est, & quibus non irasceris: & non errabimus. Hæc tam illis est vñtata 5 precatio, quam nobis dominica: & a quibusdam ad battologiam vsque adeo recitatur, vt centies eam repetant. Idem facit in oratione publica Talifmanus pro his, qui negligenter orant: aiuntque hac repetitione suppleri aliorum errores ac delicta. Quidam vero tanta repetunt assiduitate, tamdem vt concidat: 10 alij corpus ita circummagitando, vt omnino extra se raptantur.

DE GENIZERIS, VEL GENIZARIS:

vnde sic dicti.

35. Nusquam reperi Genizarorum originem verius descriptam, quam heic: ideoque locus est memorabilis, quo plurium alucinationes refutantur. Nam alij volunt institutos ab Othmane vel Osmane Gasi, nonnulli (quos interest Iouius, & Geufræus,) fuisse referunt ordinatam ipsorum militiam primum omnium 20 a Murate II, quem ego numerum potius auxisse dixerim, quam fuisse militiæ ipsius auctorem. Vocis etiam etymon controuersum est. Initio declarationis annalium Spandugini opinionem recitaui, de Sari pago, quem Delus ille ceperit, a quo fuerit ortus Osman. Ea locum habere nequit. Reinccijs aliquo- 25 ties repetit, Ianizarorum nomen ad notionem reuocatum, a Ianua deduci: quum Turcis IANVAM aulam dici constet. Ego vero fateor, adeoque vulgo notum est, aulam Sultani (Romani veteres comitatum Principis adpellabant) a Turcis vocari Portam Osmanicam, quod Portæ nomen idem est fere cum Ianua: 30 sed (quod ipsius pace, citra insectationem vllam, dictum esto) cogitare debebat, Turcis Portam dici sua lingua, CAPİ: de quo vocabulo deriuari non Ianizarorum vel Genizarorum nomen potest, sed Capifilarorum, de quibus alibi. Paucis vt verum etymon

mon indicem, nomen Genizeri Turcis nouos homines, seu milites nouos significat, seu Latina voce veteri Tirones: cuius etymologia patet ex iis, quæ heic in annalibus exposita leguntur. Geufræxi somnium de Cham & Ieser, ceu ridiculum expolitor.

CHAIRADIN. BVGA:

Ischeboli.

- De Bassarum & Vezirum officio supra diximus, numero 14. 36.
- 10 Quod Chelili datum fuisse traditur cognomen Chairadin, lingua Turcica significat eum, qui bene strenueque se gessit, vel bene meritis est: vt Græcis Euergetes dicitur, quod sibi cognomentum prisca reges, aliquot Ægypti Syriæque sumserunt. Ex Chairadin Laonicus fecit Charatinem: & in fine libri octau,
- 15 Charatinem: Iouius, Hariadenum. Idem enim nomen nostra memoria datum fuit a Soleimane 11 piratæ nobili, sed strenuo ceteroqui viro, Barbarossæ: de quo dicturi suo loco sunt annales. Buga Calliupoli transiecto Hellesponto Prusam iturus occurrit. A Geographis recentioribus Iuba, transpositis litteris scribitur, vt deinceps repetemus initio Muratis 11. Opidum Ischeboli Græcis est Scopelos, Zagoræ vicinum. Leo Sapiens Augustus inter episcopatus metropolitani Hadrianopoleos Hæmi montis, Scopelum refert: vnde situs intelligi potest.

- 25 *SERVII, SERBI, SORABI, ZIRFI, ZERFI,*
Seruoctonium.

- Seruios collocat Laonicus in antiqua regione Triballorum, 37. Mysiaque superiori: quo nimirum ex septemtrione paullatim
- 30 cômigrarunt, debilitatis imperij Romani Græciq; viribus. Nam Serbos circa Mæotidem Plinius collocat, vnde partim profecti fuere versus Danubiû, & Mysiam hanc superiorē: partim itinere diuerso, per Sarmatiæ siue Poloniæ latissime patētes cāpos in oram Germaniæ, Polonis vicinā (Lusatia nūc dicitur) infusi, sedes

ibidem, & in vicinia constituerunt, inter Salam & Albim fluvios. Hinc Sirbos ibi Dubrauius recte collocat, hinc Misnia quoque Imperatoris Henrici Aucupis tempore dicta fuit a vicinis Sirbia, hinc in iis locis & Serbi Wenedi, & Serbecum, & Sérbestum opida. Ne lingua quidem defecit, in vtraque Lusatia Wenedis incolis vísitata. Nec littera cum E permutata nos moueat, quod in hac voce frequenter fieri notauimus. Nam & annales Austriaci Syruiam dixerunt, quorum verba reperies numero 54. Historiæ Saxonum Sorabos vocant, quos Sorabros apud Laonicum vitiose legimus. Vocantur & Rasceij vel Razij, quod a Ros siue Rossis deductum puto, cum quibus originem & linguam communem habent. Bonfinius Ratianos dixit, & melius Roxianos, quod est a Græcorum illo Ros haud dubie. In actis Concilij Constantiensis Sirfi dicuntur, quod nomen eishodieque datur a vicinis Carniolanis, Carinthiis, Stirien-
sibus, Croatis, Dalmatis, Vngaris. Ideo locus ille, quem nostri Annales a Seruiorum clade nomen accepisse narrant, in archetypo Annalium Serf vel Zersf Zunguni dictus fuisse scribitur. Hoc enim Gauderius Cæsaris interpres in versione sua non inferuit, vim ipsius adpellationis explicasse contentus. Facit alterius loci mentionem Cedrinus, & alij, qui a Bulgarorum cæde vocatus fuerit Bulgarostonium. Ad eius vocis imitationem licebit hoc Serf Zunguni Turcicum reddere composita voce Græca, Seruoostonium.

*GILDERVN BAIASIT. IACVP
Zeledi.*

25

58. Quod Baiasiti datum fuit cognomen Gilderum siue Gilderun, significationem fulminis habet: perinde ac de priscis illis regibus, Alexandri successoribus, quidam Cerauni siue fulminis cognomen habuit, eadem ex causa celeritatis, & impetus in bellis gerendis subiti. La lapis adpellatio, quam ei quidam ex Laonico tribuunt, significati alterius est. Sic enim turbinem Græci vo-

ci vocant. Et Baiasites, quum vehementioris esset ingenij, facile turbini adsimilabatur, vt idem Laonicus inquit. Decognomine Zelebi, quod heic Iacupi tribuitur, dictum superius, esse profectum ex consuetudine Romana, qui Nobilissimos vocabant Augustorum filios natu minores. Iacupem (qui Iagupes Laonico, nostris Iacobus est, non Iosephus, vt putauit Laonicus. Nam Iussuph Turcis dicitur, qui Ioseph nostris: nonnulli temere vocarunt Soleimanem: quum potior habenda sit fides, hac quidem in parte, Turcis & Græcis, quam ipsis.

10

GERMIANI DITIO. GER-
mian beg.

Germianum Asiæ minoris pars est, quæ Carix veteri, cum 39.
15 parte Lydiæ Mæoniæque responder, quatenus ad mediterranea Phrygiamque maiorem hæ tendunt. Licet hoc vel ex eo colligere, quod nunc etiam Nisa collocetur in Germano, quæ veteribus est Nyssa Carix mediterraneæ ciuitas, versus Mæandrum fluuium. Leo Sapiens imperator in nouella de Thronis
20 adpellat Nyssam, sub Ephesina metropoli. Præterea Germanum fluuius Madre nunc interluit, vt olim Mæander indicatas regiones, qui prorsus idem est cum Madre. Nomen ipsum Germani vnde factum sit, certo dicere non possum: nisi velimus a Germe deriuare, quod opidi & episcopatus nomen est in Leo-
25 nis Augusti nouella de Thronis, Cyziceno Hellepontii metropolitano in Asia subditi. Prætor noster, qui cc plus minus annis ante Chalcocondylem suam scripsit historiam, videtur in locis Germano respondentibus, regionem Celbianum siue Celuium ponere: quum narrat, Theodorum Lascarum, occu-
30 pro imperio, Celuium vniuersum, cum Mæandria regione, cum Philadelphia, & Neocastis, occupasse. Referenda vero sunt hæc ad annum Christianum plus minus 1206. quo tempore necdum seu Germano, seu Celuiano imperabant Iconienses Sultani, sed erat adhuc ea regio Græci iuris, & a Duce Græ-

co administrabatur. Flandris autem Constantinopoli potitis, Theodorus Lascaris in Asiam minorem profectus, vrbes ad imperium spectantes a Ducibus Græcis, qui se in ista rerum perturbatione dominos earum fecerant, sicuti supra dictum numero 15, reperebat. Atque hoc modo Celuiānum quoque redegit in potestatem, Duce Theodoro, quem a stoliditate Morrotheodorum adpellabant, eiecto. Postea tamen decrescen- 5
tibus paullatim Græcorum viribus, Celuiānum a Turcis occupatum fuisse, consentaneum est: quippe cuius agri principem Turcum Laonicus Germianum vocet. Reineccius Meleci & Azadini fratrem Aladinem tradite eundem esse videri cum Laonici Germano, qui regnarit Iconij, atque hac dignitate exutus, in Ioniam profugerit, ibique vitam priuatam, quietem amplexus, egerit. Ita quidem e verbis Laonici colligi posse fateor, adeoque non abs re videri, Germanum cum commigrasse, deque 15
loco domicilij priuati cognomen accepisse. Verum non video, cur hominis priuati, priuatisque parentibus orti filij nuptias tantopere Murates pater Baiasii filio conciliare, pompaque magnificentissima celebrare studuerit, qui præcipue potentiam ad finium in deligendis vxoribus spectabat, vti deinceps adparebit ex inito cum illustri Despina Seruix, Bulci filia, coniugio. 20
Nec item scire possum, qui fuerint hi Germani principes ab Iconiensibus orti: quum eiekti a Tataris Iconienses, non in Ionia, sed ad Ænum urbem in Thracia exsularint. Velim hoc etiam explicari, quonam modo Germanus ex horum posteris a Baiasite spoliari potuerit ea regione, quam priuatus ipse, priuatis 25
(vt dictum) parentibus natus, non possidebat? quo item modo dici possit a Temirlanco restitutus in id, quod in potestate non habuerat? Hæc enim in annalibus hisce diserte tradita leguntur. Sunt alia quoque plura, quæ de his in medium adferre 30
possem, ac nominatim docere, duos fratres Iathatinem & Aladinem, quos Reineccius in Ieonienſium ſtemmate Caichofrois filios facit, vti commenticios, & qui rerum in natura numquam exſtiterint, expungendos eſſe. Verum hæc aliò perti-
nent,

5 nent, futura cuius manifesta, quum Prætor aliquando noster
 in lucem exierit. Quod denique Reineccius ait, videri Chalco-
 condylem in Thracia collocare regionem Germianum: de hoc
 quidem Germano non potest accipi, quum situm in Anato-
 lia sit, & sub Iconiensium imperio Turcos necdum in Europa
 10 fixisse pedem constet. Si quis tamen desiderat nosse, quid hoc
 nomine Laonicus intelligat: is sciat, apud Leonem Augustum
 mentionem fieri archiepiscopatus Germiorum, siue Germani,
 quem inter Maroneam & Arcadiopolim Thraciæ medio ponit
 loco. Nec in nouella Leonis Cermia, sed Germia legi.

HEMID. *ACSCHEHER. CVTAHIGE. SEI-*
discheher. Gelua.

- 15 Hemid, quæ aliis Emid, Omidie Nigro dicitur, adpellata fuit
 priscis vrbs Cerasus. Ad Pontum Cappadocicum nostri refe-
 runt, Leo Sapiens in Thronis ad Pontum Polemoniæ: sub-
 iicitque Cerasuntis episcopum metropolitano Neocæsariæ. Ac-
 scheher in Ortelij tabula Natoliæ scriptum legitur Acscara, non-
 20 nihil immutato nomine Turcico. Veteribus Græcis dicta fuisset
 Leucepolis, recentioribus Asprapolis: quorum vtrumque Turci-
 cæ adpellationi respondet. Sed nulla tali nomine ciuitas in iis lo-
 cis apud priscos reperitur. Cutahige maioris est ciuitas Phrygiæ,
 quondam dicta Coryaium. Leo Sapiens imperator metropolim
 25 Phrygiæ facit, sicut & hodie celebris est in Anatolia, cuius in me-
 dio sita est, propter sedem siue domiciliū Beglerbegi Anatoliæ,
 qui priscis Romanis erat Præfectus Prætoriorum Orientis, Græ-
 cis autem magnus Orientis Domesticus, quod sane propter im-
 perij veteris imitationes Turcicas notandum. Non recte nostro-
 30 rum aliis in Galatia ponitur, & Cute nominatur, vt Bellonio: Iouio
 Cutia, & Cuteia: aliis Chiutai, vel Kiuthai: aliis Chuta vel Chu-
 teo, qui tamen hoc nomine Corycum per errorem accipiunt, de
 quo in Muchemete II. latius. Seidischeher Turcis, Græcis Hie-
 rapolis, ciuitatem sanctam siue sacram significat. Sunt autem

Hierapoles in Anatolia vel Asia minori plures, præter Syriacam & alias, quæ huc non pertinent. Vnam Leo Sapiens Augustus collocat in Phrygia Salutari, sub metropolitano Synadenfi. Alteram facit metropolim Phrygiæ Cappatianæ. Sic enim in ipsa Leonis nouella legitur, quum rectius hæc dici Phrygia Pacatiana videatur in libro de vtriusque imperij noticia. Lector vtram volet, accipiat. Geluazi denique reperitur in Anatoliæ tabula, non procula Cerasunte vel Omidie sita: sed immutatione litterarum exigua, Giuluaza scribitur.

10

MAGALGARA. BOLINA.

41. Quod opidum Turci Magalgaræ nomine accipiant, scire certo non possum: id quidem dicere licet, quodcumque tandem sit, in finibus Thraciæ, Thessaliæ, Macedoniæ quæri debere. Gauderius interpres Cæsaris adnotarat videri, quod sit Megalepolis. Sed illa non in his regionibus locum habet, sed in Morea seu Peloponeso: nec Magalgara nunc dicitur, sed Leontari vulgo, Leontarium Laonico & aliis recentioribus. Si quis adpellationem Græcam Magalgaræ proximam requirit, Megalagoram accipiat: qua forum magnum significatur. Ex eodem locorum situ colligo, Bolinam Turcis dictam, quæ Græcis est Apollonia montis Athi, qui nunc Hagion oros, siue mons sanctus adpellatur, a frequentibus (ut opinor) Calogerorum monasteriis, nomine non adeo recenti. Nam Leo quoque Imperator sub Thessalonicensi, metropolitano Thessaliæ, collocat episcopatum Hierissi, quem alia dictum adpellatione tradit episcopatum Montis sancti.

20

25

VSCVFIA. TILIA FELIX. TANGri GicTugi.

30

42. Cassidis formam hodieque retinent Vscufiæ Turcorum instar pileoli rotundi, oualis figuræ, vel rotundi calicis absque peduncu-

dunculo, factæ: cuiusmodi coronas ouales ex auro solido gestare solebant imperatores Græci. Planeque talis etiam imponebatur huic Theolipto Patriarchæ, cum nos Constantinopoli essemus, a duobus aliis tunc ibidem præsentibus Patriarchis, Siluestro Alexandrino, & Michaële Antiocheno, die x Martij mensis, anno Christiano 1585, quo tempore ab eis inaugurabatur, quod Græci vocant in thronum collocari. Solent hodieque Genizari & alij ditiores ex auro solido factas vscufias gestare. Pecos ipse vidi sic ornatos, qui Sultani Turcorum cursores sunt, circum ipsum semper obambulantes, quum e sataio prodit. Nomen tilix Felicis Turcicum in archetypo legitur, Deuetlu Caba Agaz: quarum vocum prima felicem significat, altera tiliam, arborem tertia. Quæ vero Bolinæ ab euerlione diuina mansisse dicitur adpellatio, lingua Turcica Tangri Giûgi pronuntiatur: id est, Deus euerit.

GVMVLZINA. MAROLIA.

Seres.

- 20 Hæc opida locis paullo ante nominatis vicina sunt, vltcrius in Græciam de die scilicet in diem progredientibus e Thracia Turcis. Sunt enim in finibus Thraciæ Gumulzina & Marolia, non magno disiunctæ interuallo. Gumulzina Castaldo in tabula Græciæ recentiori Culmaza corrupte scripta legitur, pro
- 25 Cumulza vel Gumulza, quam Turci Gumulzinam vocant. Marolia Græcis est Maronia, quæ inter archiepiscopatus refertur a Leone Augusto, Geographis nostris iam Marogna dicitur. Sita est vltra ciuitatem Ænum, de qua numero 32 diximus, qua itur in Thessaliam e Thracia. Seres Græcis numero multitudinis
- 30 Serræ dicuntur, vrbs satis celebris, quam Leonis Augusti nouella refert inter metropoles. Prætor Græciæ noster haud procul a Cisso, de qua dictum numero 30, versus Maritzam, vel Hebrum flumen, collocat.

CAVALA. DIRE. SIRVS. MANA-
stir. Seleruc.

44. Recitantur ordine plures a Turcis captæ ciuitates in confi- 5
nibus Thraciæ, Macedoniæ, Theſſaliæ. Cauala verſus Philip-
pos Macedoniæ tendit. Bucephalum putauit Bellonius anti-
quis fuiſſe dictam, ab equo regis Alexandri. Dire videtur eſſe
Doari vel Deari, quam eadem in vicina recentiores Geogra-
phi collocant. Sirus, mea quidem opinione, fuerit Hieriſſus: 10
cuius epiſcopatum Theſſalonicenſi nouella Leonis Imperato-
ris ſubiicit, & Montis quoque ſancti vocat epiſcopatum, vt paul-
lo ante dictum numero 41. Aut Syrus a Turcis dicta pro Sidrus,
quæ Sidrocapha nunc, ad montem ſanctum, velut a nobis adno-
tatum ſuperius numero 18. Manastir opidum Turcis dictum, 15
nomen Græcum habet Monastirion, a propinquitate (puto)
monasteriorum montis ſancti, quorum obiter facta numero
17 fuit mentio. Nicetas (ſi recte memini) Leonem quemdam
Monastirioten nominat, oriundum ex hoc opido. Geographi
noſtri Moneſtir aliud in Macedonia ponunt, vltra Theſſaloni- 20
cam: quod huc pertinere non arbitror, ob mentionem vicino-
rum locorum, quæ vltra Theſſalonicam ſe non porrigunt. Et
Theſſalonica Turci non ſub hoc Murate primo, ſed eius pro-
nepote, Murate ſecundo, potiti ſunt. Seleruc in recentioribus
tabulis Geographicis non reperitur, niſi forte ſit illud Slelar aut 25
Selelar, quod non procul a Monte ſancto collocatur.

TEMIR LANC, TEMIR CHAN, TEMIR
Curtus. Sultan Borcuc. Deſſenſes
Tatari.

30

45. Quem noſtri non recte Tamerlanem, & Tamburlanem,
Græci Temirem, vocant: is a Turcis plerumque Temir, vel
Temur Chan, quod regiæ dignitatis eſt nomen, explicatum ſu-
pra

pra numero 3, dici solet: ac si nominaretur Hispanorum more, Don Temir. Significat autem vox Temir siue Temur, ferrum: id est, gladium. Tatars, propter successus rerum prosperos, Temir Cutlu cognominarunt: hoc est, ferrum seu gladium felicem. Nonnumquam tamen, ut hoc etiam annalium loco, Temir Lancapellatur, quod Temirem claudum significat. Quippe claudicabat, ut ipsemet confitetur in primo cum Baiafite capto congressu & colloquio, quod in annalibus longe pulcherrimum, tantoque monarcha dignum, legitur. Et alij claudicationis hanc referunt causam, ut Laonicus, quod priuatus adhuc & inops murum, quo cincti pecorum greges erant, furi committendi causa conscenderit: quumque se visum a patrefamilias animaduertisset, in terram desiliens crus fregerit: alij, quod inter pugnandum in pede vulneratus, ex eo tempore claudus fuerit. Is autem, cuius deinde fit mentio, Borcuc vel Bercuc, Ægypti Sultanus fuit. Et nomen huius ex Schiltepergeri Germanico scripto, qui tunc temporis Asiatica peregrinatione suscepta, pugnis Tataricis ac Turcicis interfuit, Reineccius allegat: ita tamen a librariis mutatum, ut Baracloch pro Barakoch, vel Barakock potius scribatur. Sic enim ex Annalibus hisce restitui debet. Nomen ipsum Borckuck vel Barackok, diuisis vocibus, erit Barac Kuk, vel Barac Gog, id est, Gog benedictus, siue laudatus & inclytus. Et statim ab initio declarationis annalium de Kuk, Guk, & Gog, quædam in Giokelpaut Kukelp, diximus. Descentes autem Tataros, de certa quadam natione Tatarorum accipimus: contra Marij Nigri sententiam, qui tradit in genere Tataros ipsos se Dist lingua sua vocare. Sunt enim diuersi Tatars, priscis etiam, non hac dumtaxat ætate, cogniti: ut Aythono & aliis Mogli, siue Mongli: ut Sumongli, a Tataro fluuii dicti, velut Tatars aquatici: ut Tangori, qui & Tanchari, & Tonchari: ut Chitaini, qui & Chataini: ut Nogaij, ut Casanij, ut Astracani, ut Præcopitz, ut Keraij. Reineccium sane miror ex Sabellico repetere, Tatarorum imperatorem ætate Sabellici vocatum fuisse Nogaim. Quippe No-

gai Tatars nationis est nomen, cuius princeps hodieque Nogai Chan dicitur. Sic apud Pachymerium Nogas Scythia legitur, & Cazanes Scythia, pro Nogaïorum vel Nogzororum & Casaniorum Chane siue principe. Qui vero sint hi Destenses, intelligere licet ex iis, quæ deinceps in vita Muchemetis II leguntur de subactis incolis Tauricæ Cherronesi, post captam urbem Capham. Quippe Destenses cum Kerimiis siue Crimiis Tataris, (Crimski nunc a vicinis dicuntur) eo loco nostrorum annalium coniunguntur: de quibus Crimiis nos in supplemento annalium, ubi bellum hoc decennale Persicum exponimus, luculente.

LAZARI SERVIAE PRINCIPES. BULCO-

gli, Bulcowitzij, Bucowitzij. Cratenitzij. Cernowitzij. Karlowitzij.

15

46. Ex iis, quæ deinceps in his annalibus sequuntur, animaduertere licet: Turcosa Lazaro vel Eleazaro Bulco, sicut adpellatur a Chalcocondyle, qui primus regionem Istro adiacentem siue Seruiam a Stephano rege Bulgaro nactus fuit, successores omnes, Seruicæ Despotas siue principes, adpellasse Lazaros, ut omnes Constantinopoleos Imperatores itidem dixere Constantinos. Laonicus ipse quodam in loco Georgium Seruicæ Despotam more Turcico Eleazarum siue Lazarum vocare videtur, ubi dicit Eleazarum pro Belgrado multas urbes in Pannonia consequutum a Sigismundo. Quippe Thomas Ebendorfus Haselbachius, qui tunc vixit, in Austriacis manu scriptis tradit, hanc permutationem non inter Sigismundum & Eleazarum, sed inter Albertum II Austriacum & Georgium Seruicæ principem factam: quem quidem ipse norat, quum in aula Friderici III Cæsaris exsul honorifice aleretur. Idem principes a Turcis alicubi etiam Bulcogli nominantur ab hoc primo Lazaro Bulco, tamquam Bulci filij vel posterij, sicut & Michalogli & Malcozogli sunt Michralis & Marci posterij. A Seruiis aut, ratione prorsus consimili, Bulco-

25

30

Bulcouitzij fuere vocati, velut Bulci filij siue posterij. Nam id lin-
 guæ Slauorum aut Venedorum, qua Seruij vtuntur, familiare
 est. Sic etiam hodieque Moscouij Basilouitzios, Theodorouit-
 zios, Iuanouitzios, pro filiis Basilij, Theodori, Ioannis, dicunt. I-
 5 tidem Crateuitzij Bulgarorum principes erant, a Crate, quem
 Vnglesis fratrem Laonicus celebrat, oriundi. Sic ab auctore ge-
 neris adpellati Cernouitzij, Catari Dalmatiæ, regionisque vici-
 næ quondam reguli. Sic Karlouitzij dicebantur in Albania vel
 Epiro Dyrrhachini vel Durazzij principes, quod a Karulo pro-
 10 pagati fuissent, ex regum Galliæ familia. Nam Ludouicus Gal-
 liæ rex, quem canonissimum (vt aiunt) a Pontificibus Romanis,
 Sanctum cognominant, fratrem Karulū habuit, Andegauj Pro-
 uinciæque Comitem, qui Cunradino Friderici II Cæsaris ne-
 poti regnum Neapolitanum cum vita per fas nefas eripuit. Eius
 15 filius fuit Karulus II, nepos Petrus Grauinæ Dux, pronepos Ka-
 rulus Dyrrhachij princeps: a quo Karlouitzij Dyrrhachini, po-
 steri. Pronuntiandi tamen diuersitas in causa fuit, cur Geufræus
 & alij quidam Bulcouichios, Crateuichios, Cernouichios, &
 Karlouichios scriberent. Ac Geufræus sane non Bulcouichios,
 20 sed Vucouichios adpellauit, enūtiatione Græca, qui nō Bulcos,
 sed Vulcos; non Bucos, sed Vucos dicunt. Et animaduerti semel
 etiam apud Laonicum legi Bucus, non Bulcus. Sic in itinere no-
 stro mox, vbi Belgrado a tergo relicto, Seruiam ingressi fuisset-
 mus, occurrere nobis opidula vel pagi potius (vti quidem nunc
 25 sunt) duo: quorum prior Bucouarum minus, alter Bucouarum
 maius adpellatur. Ea nomina sunt his locis a Bucis, Seruiæ De-
 spotis, indita. Nam Bucowar ciuitatem Buci significat. Hanc ve-
 ro regionem possessam fuisse ab illo ipso Lazaro Bulco, qui cum
 Murate primo bellum hoc gessit, ex his Laonici verbis manife-
 30 sto paret: Vnglese Crateque mortuis, Pristinum & Nistrum, sic
 dictam regionem, subigens Eleazarus, vsque ad flumen Sauum
 progressus est. Huic tandem bellum intulit Murates propterea,
 quod ad Pannonios se cōtulerat, & eos in Muratem concitabat.
 Quibus in verbis quod Pristinū nominatur, haud procul a Co-

sobo campo Laonicus ipse ponit. Obiter hoc etiam adiicitor, a Reineccio Cratis loco Cralem, Vnglesis fratrem, non recte dici: nec minus ab aliis Crateuitziorum adpellationem corrumpi, modo Cratis nomen apud Laonicum recte scriptum sit, quum eos Craiouichios vocant.

CAMPVS COSOVA. CAEDES MYRATIS PRIMI. Sultanorum anni, quibus regnarunt, ad numeros certos reuocati.

47. Quem Chalcocōdyles in huius praelij descriptione campū Colobum vocat, nostri Cosouæ planiciē nominant, a copia merularum. Bonfinius eleganter his verbis descripsit: Planicies in Rasciæ Bulgariæq; sinibus lata, quam Rigomezæ Vngati, Rasciani Cosouam vocant, nos Campum Merulæ. Hunc fluuius intersecat, qui Schinirza dicitur, & ab Illyrici montibus defluēs, in Istrum fluit. In hac ergo planicie cæsus fraude licita Murates pater ab hoste, scelerato dolo lacupes filius ab amicis strangulatus fuit. Annales hi Baiasitem culpa cædis fraternæ liberant, in procures Turcicos eam conferunt. De Muratis nece Laonicus dubitat, quoniam modo cædis auctor arripuerit hastam, regemque mox inuaserit, nemine prohibente: tum quo deinde modo Baiasites acie iam instructa, breui temporis spatio, fratrem necauerit, & in prælium illico redierit. Sed ita descriptæ sunt in annalibus facti circumstantiæ, nullum ut dubium relinquatur: præsertim, quū domesticus ille Lazari Cabilouitzius narretur Muratem nō hostiliter hasta petiisse, qui hominis impetus potuisset a Genizaris & aliis custodibus corporis inhiberi. sed prætextu defectionis & transfugij sic Turcis imposuisse, nemine ut impediēte admitteretur, abditamque sub veste sicam letaliter in viscera Muratis adigeret. Vnde profectus ab illo tēpore mos Turcorum, deducendi legatos, & alios exteros, ad Sultanum suum per cubicularios, qui brachia eorum vtrique tenent. His maioris illud momenti, quod plerique tradunt, Muratem xxxiij annis.

annis imperasse: Laonicus editus, LVII: quum Turci recte xxxii regni huius annos Mahumetanos numerent. Item, quod alij notant, hæc in planicie Cosoua cōtigisse anno Christiano 1351, manifestoproprorsus errore: alij 1373, quos itidē falli, vel hoc argumētocolligere licet. Ostendimus supra, declarationis initio, principium regni Osmanis rectissime referri ad annum Christianum 1300. Præfuit autem rebus Osman 29 annis, Vrchan filius annis 32, Murates nepos annis itidem 32 Turcicis: qui superius indicataratione redacti nostros ad annos, in annum Christianum 10 1390 desinunt: a quo tempore Baiafites Muratis filius annis dūtaxat 14 in imperio fuit, vt Turci vere scribunt. Et quia tanta diuersitas est in annorum notatione, quibus apud Turcos Sultani priores imperarunt: lubet hoc loco, quæ de his a nostris sunt tradita, cum Turcicis ex aduerso collocatis conferre. Sequar autē 15 Francisci Sansouini rationes, qui diligenter ab omnibus historicis (quos quidem habere potuit) scripta, quasi fascem in vnum collegit.

Anni Sultanorum, a scriptoribus Christianis proditi.		Anni Sultanorum, ex annalibus Turcicis excerpti.		Anni Turcici ad Christianos lato modo redacti.	
Othoman.	28.	Osman.	29.		28.
Orchan.	22.	Vrchan.	32.		31.
Amorat.	23.	Murat.	32.		31.
Baiazit.	26.	Baiafit.	14.		13½.
25 *Ciriscelebi.	6.	Soleiman.	7.		7.
Mosc.	0.	Musa.	3½.		3½.
Mahomet.	17.	Muchemet.	8.		7½.
Amorat II.	34.	Murat II.	31.		30.
Mahomet II.	31.	Muchemet II.	30.		29.
30 Baiazit II.	30.	Baiafit II.	33.		32.
Selim.	7.	Selim. an. 8. mēf. 8.			8½.
Soliman.	48.	Soleiman II.	48.		46½.
Selim II.	8.	Selim II.	8.		7½.
Amorat III. hætenus,	12.	Murat III. hætenus,	12½.		12.

Horum annorum, ad præsentem vsque 1587 collectorum,
hæc in qualibet serie summa fuerit:

292.

296½

287½.

Quum autem anni Turcici 296, Christianos efficiant 287:
sequitur omnino, tot annis hætenus imperium Osmanidarum
durasse, sumto eius initio, sicut indicatum est, ab anno 1300. Sin
aliorum sequi rationes velimus, necessario referendum erit prin-
cipium regni Osmanidarum ad annum Christianū 1295, quod
omnium Chronographorum & Historicorum illustrium sen-
tentis aduersabitur: aut omnino fatendum, in illa supputatione
nostrorum quinque totos annos esse superfluos.

MONUMENTVM MVRATIS IN
campo Cosoua.

48. De sepultura Muratis obiter habeto, tradi a quibusdam, ca-
daver eius Sophiam fuisse deportatum. Alij cum Turcis cōsen-
tiunt, qui Prusam memorāt auctum, & iuxta thermas Prusæ
maiorum monumentis adgregatum: ita tamen, vt prius euiſce-
raretur, & intestina in planicie Cosouana (Cassouianam Sanſo-
uinus vbique non recte vocat) terræ mandarentur. Id verum ef-
ſe colligitur ex his Bonfinij verbis, quibus etiam monumenti, eo
loco rel. & i, hodieq; superſtitis, & nobis a comitibus Turcis mō-
ſtrati, mentio fit: In media (inquit) fere planicie Cosouæ collis
modicus adſurgit, cuius radices Schitniza lambit. Non multo
vlterius, ad caput æquoris, quædam turris erat, cuiusdam olim
Amuratis tumulus & pyramis: qui proſtigato exercitu, ibi cæſus
& ſepultus eſt. Hætenus Bonfinius, cuius verbis non nihil inhæ-
reamus. Schitnizam alij Schinitzam temere nominare malunt.
An idem fluuius ſit cum Morava, videbimus deinceps, numero
notarum 124. Amuratis tumulum & ſepulturam intelligit, quo
loco fuerunt ipſius condita viſcera. Quemdam dicit Amuratē,
indefinite; pro Sultano Murate primo. Proſtigatū prius ait exer-
citur, non exprimens, Turciculine proſtigatus fuerit, an hoſti-
lis.

lis exercitus, ac deinde Muratē cæsum: quum cæso Murate, Lazari Seruiz principis exercitum a Baia site filio Muratis heic audiamus fuisse prælio victum.

5 *KIRATOVVM. MONS ARGENTI. VIDINA*
sive Vidinum. Citros. Bozina. Patzinaca.

Kiratouum Turcis adpellatur opidum Seruiz situm ad mō- 49.
 tem, quem Argentarium vocant, a fodinis argenti. Gallicus in-
 40 terpres Laonici Rhodopen hunc esse vult, quum sit Hæmus.
 Antonius Bonfinius argenti fodinarum in Seruia mentionem
 facit, vt admodū nobilem. Kiratouum Castaldo scribitur Cra-
 touo, quod idem est cum Kiratouo. Vidinam hodie dicunt, quā
 Marius Niger olim vult adpellatam fuisse Viminacium. Eius in
 15 Iustiniani Augusti amissæ nouellæ titulo fit mentio, cuius epitome
 in Paratitlis meis Græcis reperi. Sambucus noster in Vn-
 gariz chorographia quoddam Viminatz, diuersum a Vidina,
 mox infra Belgradum ponit. Chalcocondylis interpres Latinus
 Bydenam reddidit, quam Vidynam scribere debuerat: quem-
 20 admodum legitur etiam in posteriore nouella de ordine Thro-
 norum, quam in Synhodo Andronicus Palæologus II impera-
 tor edidit. Eius enim hæc verba sunt: Vidyna, quæ prius erat e-
 piscopatus sanctissimi archiepiscopatus Bulgariæ, in metropo-
 limeuecta est. Bonfinius Budinum nominat, Michael Ritius Bi-
 25 dinum, apud quem tamen male scriptum legitur Biolinium pro
 Bidino. Vidinēsis sangiacatus, nunc inter alios Beglerbego Te-
 mesuarenfi subiectos recensetur, de quo plura suo loco, in Noti-
 cia videlicet imperij Ofmanici. Citros in nouella Leonis impe-
 ratoris episcopatus est Thessaliæ, sub metropolitano Thessalo-
 30 nicensi. Bozina regionis vulgo quoque notum est nomen. In-
 colas historici Græci dixere Patzinacas. Origine sunt Venedi,
 quod ex ipsa lingua, qua vtuntur hodieque Veneda, liquet. An-
 tiquitates horum Cedrinus in Monomacho Augusto luculen-
 te descripsit. Sed eo loco deest in edito Cedrino fragmentum

insigne, quod cum historiarum studiosis aliquando communicabimus. Vir acris iudicii Peucerus, quem adulescens in Geometricis & Astronomicis audire memini, Patzinacarum seu Patzinacorum nomen a Pozina siue Pozinania, nobili Poloniarum municipio, deriuare solebat: quod in iis scilicet finibus aliquando sedes habuisse videantur, antequam versus Triballos commigrarent. Et dicti videntur a Græcis Patzinacæ, nostrorum more, quibus Bozinachii non aliter adpellantur, ac Slaui, Slauachi: Poloni, Polachi: Bœmi, Bœmachii.

ALASCHEHER, IN CARAMANIA.

50. Alascheher lingua Turcica significat Altam ciuitatem. Græcis vno vocabulo diceretur Hypsilipolis. Sed eiusmodi nomine nulla reperitur in historiis vrbs, nec apud Geographos, quod equidem sciam. Leo Sapiens Augustus in nouella de Thronis sub metropoli Neocæsariæ Ponti Polemoniæ recenset episcopatû Hypsilon, id est, altum vel sublimem. Idem sub Synadensi Phrygiæ Salutari metropoli collocat episcopatum Hypsu, quod itidem Græce alludit ad altitudinem. Sed an ad Alascheherim ea nomina congruant, vt existimentur adpellationem Græcam Turci lingua sua reddidisse: iudicio lectoris eruditi relinquo. Quia tamen statim heic sequitur Aidinensis agri mentio, qui versus Cariam Phrygiæ maiori finitimâ se porrigit, & Alascheheri capta venisse Baiasites in potestatem traditur: facile persuaderi equidem mihi pateret, opidum posterius Hypsu, abolito vocabulo Græco, Turcicûm Alascheher eiusdē significati diuersa in lingua nomen accepisse. De regionibus, Aidinensi & Sarchania, superius a nobis numero 13 tractatum.

CONSTANTINI A TURCIS ADPELLATI

Græcorum imperatores omnes. Nigeboli. Prælium

Nicopolitanum.

51. Ei Græcorum imperatori, cui Baiasites intulisse bellum dicitur, nomen erat Ioannes Palæologus, (Caloioannem vulgo nomina-

minabant, non a pulchritudine, sed bonitate) qui Manuelem filium, cuius nos præcepta educationis regiae Latina fecimus, cōfortem imperij vius designauit. Nihilo minus hunc Turci Cōstantinum vocant, non Ioannem: prorsus eadem ex causa, quā
 5 supra, numero 46, de Seruiae Despotis exposuimus, qui similiter eis Lazari vocantur omnes, & Bulcogli. Quamquam hoc quoque verum, videri Græcos ipsos imperatores adfectasse Cōstantini nomen, vt nostri Cæsaris & Augusti, tamquam primi Constantinopoleos & orientalis imperij conditoris. Sic Hera-
 10 clius Augustus in Nouellis suis, quas aliquot habemus necdum editas, Heraclium filium cognominat NEON siue nouum, aut iuniorem, aut akerum Constantium. Sic in monasterio Constantinopoli, quod Græci Suluna vulgo vocant, adpellatū quondam Peribleptæ siue spectatissimæ Deiperæ, Armeniorumq; sa-
 15 cris nunc dicatum, versus occidentalem templi partem Michaël Palæologus imperator cum Theodora Augusta pictus conspicitur, inter verumque parentem collocato Constantino filio, cū inscriptione triplici. Primæ verba sunt hæc, quæ Latine proferā, Græca cum aliis daturus alibi:

20 MICHAEL IN CHRISTO DEO
 FIDELIS REX ET IMPERATOR,
 DVCAS, ANGELVS, COMNENVS,
 ET NOVVS CONSTANTINVS.

Quod ille cognomen Cōstantini magis profecto mereri vī-
 25 debatur, quam alij, propter recuperatam, expulsis Flandris, Cōstantinopolim. Urbem vero Nigebolim Turci vocant, quæ prius a victoria Traiani Augusti de Dacorum rege Decebalo dicta fuit Nicopolis. Ea duplex est, maior & minor: quas medius rex fluuiorum Danubius interlabitur. Hodie Sangiacatus Nigebolēsis sub Rumeliæ siue Græciæ Beglerbego censetur. No-
 30 mine regis Vngarorum intelligitur Sigismundus, qui postea factus fuit imperator. Is anno Christiano 1392 Nicopolim obsedit, vt Bonfinius commemorat. Geufreus, & alij quidam, pugnatum volunt anno 1396, profecto Michaëli. Sed vero

similius est, quod a Turcis etiam traditur, quum a Sigismundo Nicopolis oppugnaretur, eo se cum exercitu Baiasitem obsidione Constantinopoleos soluta contulisse: dumque suis obsessis succurrere niteretur, anno proximo 1393 praelium fuisse commissum. Et annus iste Christianus Mahumetano 794, quo pugnatum annales aiunt, respondet. Impressionis nocturnæ nulla mentio nostros apud historicos. Froissardus, Bonfinius, Geufreus, praelij tam infelicitè pugnati culpam in Gallorum proteruiam conferunt, sicut ex ipsorum narrationibus cognoscere, qui volet, potest.

10

PAX INTER BAIASITEM ET GRAECOS.

52. Nusquam nostris in historiis legitur, Baiasitem cum obsessis Cōstantinopoli toto vel octennio, vel decennio, Græcis principibus pacem fecisse: minus etiam, quod expressa in annalibus condicione, de recipiendis in urbem Turcis, ea pax facta fuerit: sed vrbe iam iam peritura, nec opinatum superuenisse tradunt auxilium, mouente contra Baiasitem maximis cum copiis Temire Chane Tatarorum. At vero quum apud Laonicum legatur, ingratum erga patrem filium Andronicum, dum a Baiasite regno præfici cuperet, eiecto patre Caloioanne, cum Manuele filio regni consorte, verbis inter alia talibus vsus: Habebo in vrbe iudicem siue præfectum Turcum: non absimile vero fuerit, adigente Baiasite Græcos ad extremam desperationem, tandem eorum imperatores, Caloioannem & Manuelem, in id etiam ad sensos, quod ultro de Turcis in urbem admittendis Andronicus obtulerat. Curenim habiturum se iudicem Turcum promittebat, si nulli erant in vrbe domicilium habituri Turci, quibus ille Cadius siue iudex in occurrentibus controuersis ius diceret?

30

MEL A.

MELATIGE. SILISTRA. EMPOLI.

- Quæ sit vrbs Melatige, de his Laonici verbis intelligitur: Post
 Ertzicam (rectius scripsisset interpres Ertzincam, vel Ertzingā,
 duplici gamma) captam, progressus Baiaſites, Melitinen urbem,
 5 Euphrati impoſitā, in deditionē accepit. Hinc. n. paret, Melatigē
 Turcos dicere, quæ olim vocata fuerit Melitine. Prothysterōn
 dūtaxat animaduertendū, quod prius Ertzingam a Baiaſite ca-
 ptam fuiſſe commemorat, quā Melitinen: quum a Turcis cō-
 trarium ſcribatur. Eſt autem Melitine Leoni Auguſto in nouel-
 10 la de Thronis Armeniæ ſecundæ metropolis. In Anatoliæ de-
 ſcriptione Geographica reperire eſt Malatiam ad Euphratem
 fluuium, quæ Turcorum eſt illa ſiue Melatige, ſiue Melatie, Grę-
 corum Melitine, collocante hanc etiam Laonico ſuper Euphra-
 tem fluuium. Silistræ nomen hodieque Turcis notum, ciuitatis
 15 in Macedonia, vbi Silistrenſis Sangiaci ſedes, Rumeliæ ſiue Græ-
 ciæ beglerbego ſubiectioni. Empoliſ haud ſcio an non ſit Amphi-
 polis, vicina Serris, de qua dictum capite 43. Lembalo quidem
 reperitur in Græcia Caſtaldi, ſita verſus Theſſalonicam, Embo-
 li fortaiſſe Turcica, cum articulo Italico. Niſi quis malit, datum
 20 loco nomen ab Embolo, propter ſimilitudinem cum roſtro na-
 uis. Sed Amphipolim potius heic arbitror intelligi.

*DESPOTARVM DIGNITAS. CRALES,**Cralena. Quiſnam Turcis Bulcus Deſpota.*

25

Bulconitziſſorum genealogia.

- In Græcorum imperio prima, ſecundum regiā vel impera- 54-
 toriam maietatem, dignitas erat eorum, quos ipſi vocabant De-
 30 ſpotas: vti videre licet in Officiorum Palatii catalogo, paſſimq;
 Græciſ in hiſtoriis. Vicini principes Græcorum exemplum imi-
 tati, ſe quoque Deſpotas nominarunt, præſerim Bulgari, Ser-
 uique: licet eoſdem videamus in Græcorum hiſtoriis inter-
 dum regio quoque cenſeri titulo, quum Cralēs pro Deſpotis

LL

adpellantur, & ipsorum coniuges Cralænæ, pro Despinis. Idem in nostris etiam obseruauimus. Sic enim Thomas Ebendorfus in Austriacis annalibus manu scriptis: Elisabet, inquit, filia Frederici Austriaci regis Romanorum desponsata fuit aliquando Ioanni Bohemo regi Lucelburgico, qui eam reliquit, impotentis mendacio prætenso. Sollicitata quoque, ut regi Syruæ nuberet, torum schismatici (hoc est, religioni Græcæ addicti) recusauit. Enimundus Bonifidius I. C. putabat Cralis vocabulum a Karulo deriuari, & apud has gentes in honore habitum, propter Karuli magni nostri singularem virtutem, & famam rerum gestarum illustrem: ut a Karulo scilicet omnibus eorum populorum regibus nomē velut auspicatum inderetur. Sed ignorabat Vngaris, Bulgaris, Seruiis Kiral, aut contractius enuntuando Cral, vocari regem: Cralna, reginam: quæ Polonis sunt Crol, & Crolna. Chalcocondylis etiam interpretes ambo in hac voce lucinati sunt. Ad Seruiorum principes, & hunc annalium locū ut redeamus, narratur Bulcus Despota Baiafiti filiam suam dedisse vxorem. Monuimus supra, Seruiæ principes omnes a Turcis fuisse dictos aut Lazaros, aut Bulcos, aut Bulcoglios: eiusque rei causam reddidimus. Interim tamen ipsi peculiare quoddam singuli nomen, ritu Christiano in baptismi caerimonis sibi datum habebant. Hoc igitur loco Bulcus Despota nominatur a Turcis, quem Stephanum Bulcouitzium, Seruiæ Despotam, sui vocabant. Id vel ex hisce Laonici verbis intelligitur: Postquam Eleazarus vitam finit, principatum Stephanus Eleazari, cui Bulco nomen erat, Triballorum Dux, quorum metropolis Spenderobe dicitur, arripuit: Baiafiti strenue nauans operam, quando-cumque auxilium eius implorasset. Quæ verba rectius ut intelligantur, obiter addo, Stephanum Eleazari filium, debuisse interpretem dicere. Tum etiam nomine Triballorum intelligi Seruios, quorum regia siue metropolis Spenderobe dicitur, hoc est, Senderouia. Nililo minus & hic Stephanus, & filius Stephani Georgius, deinceps in Muratis II vita Lazari nominatur. Quam autem frequens horum Seruiæ Despotatum, quos supra diximus

mus adpellatos fuisse Bulcouitzios, mētiō fiat tam aliis in histo-
riis, quam hisce nostris annalibus: lubet hoc loco genealogiam
ipforum subiicere, de Turcicis, Græcis, Latinis, Italicis, Gallicis,
Germanicis, Vngaricis expositionibus, ac præsertim Bonfinia-
nis, excerptam: quæ nonnullis, vt spero, locis historiarum lucis
aliquid adferet. Sumemus autem principium ab eo vel Lazaro,
vel Eleazaro Bulco, quē Laonicus scripsit a Stephano rege Bul-
garonandū regionem Istro adiacentem, ac deinde redactis
in potestatem ditionibus aliis, ad Sauum flumen vsque progres-
sum fuisse. quibus verbis haud dubie Despotatus Seruix fines
describuntur.

15 LAZARVS BVLCVS, Seruix Despotes,
in proelio captus anno Christiano 1390, & vin-
dicandæ Muratis I mortis causa, coram Baia-
siti filio frustulatim concisus. Annal. Turc.

20 STEPHANVS Bulcouitzius, a Murate II
ditione sua spoliatus, anno Christiano 1427.
Annal. Turc.

25 GEORGIVS Bulcouitzius, N. Despi-
Baiasiti militauit contra Te- na, Baiasiti
mirem Chanem. a Murate II Gilderuni
restitutus in paternum Despo- nupta.
tatū, anno 1442. Annal. Turc.

30 Stephanus can- Georgius, Laoni- Lazarus, suc- Maria, Sul-
dēti ferro cæca- co Gurgurus, ab cessor patris tani Mura-
tus a Murate II. eodē Murate vi- in regno. tis II vxor.
su priuatus. Sic eam Spā
dugin°, nō I
renē, vocat.

LL ij

Lupus, vir fortiss.
cui Matthias Vnga-
riæ rex, ob rem bello
Bohemico strenue
gestam, castellum Fe-
iezco donauit.

Ioannes, cum
aliquot fratri-
bus.

N. Despina, nupta Ste-
phano Bozinæ regi, qui
soceris quoque princi-
patum cōsequutus, tã-
dem e castello Iaitzæ
Muchemetis II bládi-
tiis euocat^o, cure viuus
exiit: vitamque cum
regno, quod patri dolo
surripuerat, amittit. 10

CARA RVSTEM. ALI.

Causa prohibita monetae veteris apud Turcos.

15. Nomen hoc, Cara Rustem, significat Rustemem nigrū. Ru-
stemes vero Turcis dicitur, quem nostri vocant Rostanem, quo¹⁵
nomine Sultanus Soleimanes memoria nostra Vezirem & ge-
nerū habuit. Alii Turcis est sine aspiratione, qui Laonico dicitur
Alies, aut Halies, vt interpret scripsit. Causa, vel prætextus causę
potius, cur Talismani, velut admodum religiosi & accurati Ma-
humetanæ legis obseruatores, vsum nummorū veterū e medio²⁰
tollendum censerent, explicationem minime difficilem habet.
Quippe nota lex Mahumetis, qua statuas, simulacra, sculptas &
pictas imagines, ex interdicti diuini præscripto seuerè prohibuit:
notum, quanto zelo Musulmani Christianorum in templis ima-
gines mutilare, frangere, destruere soleant. Itaque quum Romā²⁵
norum & Græcorum imperatorum imagines in nummis & as-
pris expressæ cōspicerentur, violari Prophetæ legem clamabāt,
& abolendæ monetæ veteris auctores erāt. Sed interim sub præ-
textu religionis impostores nequissimi quæstum faciebant, vt i-
psimet Turci satis ingenuè fatētur. Hodie non amplius animos³⁰
Turcorum illa religio tantopere tangit, vt signatos Christianorū
principum charactere nummos auersentur. Immo nummos si-
ue ducatos Venetos, quibus vetitæ lege Mahumetis impressæ
sunt imagines, Sultaninis suis, qui nihil habent legi contrarium.

Ara-

Arabicis dumtaxat insigniti litteris, longe præferunt. Taleris autem Germanicis, præsertim quibus aut ipsius Imperatoris, aut Ferdinandi Archiducis, aut Septemviri Saxonis insculpti sunt vultus, vsque adeo non infesti sunt, vt ex illis ipsis sibi prohibitis agnitos imaginibus expetant auidissime: nec dubitent, modo se pro mercibus suis eos habituros intelligant, de communi pretio trientem vel quadrantem remittere. Ne pondus quidem horum explorant, quod tamen in Sultani sui, ceterisque monetis vsitatis, scrupulose facere solent.

10 *Cur Imperatores Græcorum a Turcis dicti Teggiures.*

Teggiures supra, numero 15, diximus a Turcis adpellatos Græcorum tam in vrbibus, quam prouinciis, præsides. Nomen ipsum a sollempnia militari deducunt. Et scimus hos a Græcis non duces modo, qui sunt eis Higemones; verum etiam Stratigos & Stratilatas dictos, vocabulis duces militares significatibus. Quod autem 15 Turci Teggiurum nomen etiam Græcorum Imperatoribus tribuerunt, ex alia nulla factum est causa, quam irrisuionis & contemtus: quasi scilicet Imperatorum nomine digni non essent, qui per angustis inclusi finibus, ipsiusque propemodum Constanti- 20 nopoleos mœnibus circumscripti, præsides vrbis potius, quam augusti Romanorum imperij reges dici mererentur. Laonici locus est in historiæ principio, quo paucis exponit, quam in artum redacti tamdē fuerint imperij Græci limites. Animaduerti Græcos, inquit, & regnum eorum primo sub Thracibus existisse. 25 Postea reliquo regno a barbaris exutos, paruum quoddam regnū gubernasse: videlicet Byzantium, Byzantique maritimam regionem inferiorem, Heracleam vsque: ac iuxta Pontum Euxinum maritimam regionem superiorem, Mesembriam vsque: præterea Peloponesum totam, extra tres aut quatuor vrbes Venetorum. Ad hæc, Lemnum & Imbrum, & insulas ibidem in 30 Ægæo sitas. Hactenus Laonicus. Baia sitis vero tempore ceteris exuti, cum ipsis etiam suburbanis agris, vix intra muros vrbis se ruebantur. Propterea per ignominiam Teggiures a Turcis audiebant.

57. De Caramania quære notata superius numero 13. Saltim hoc indicare nunc lubet, eum Caramaniæ Principem, cuius heic mentio fit, a Laonico nominari Alifurium. Narrat autem hunc, quum ceteros Asiæ regulos Baialites ditionibus exueret, pacem cum eo fecisse: atque ita suis ipsum, licet aliqua cum iactura, consuluisse rebus, ne regno prorsus exturbaretur, annales addunt. Nomē diuerse scriptum legitur, Alifurius, Alidurius, Aliderius, Aluris, ex Laonici deprauatis exemplaribus. Notandū hoc quoque, quem Aliderium Caramanum a Murate II bello petūm scribat Laonicus, in his annalibus Ibrahimem vocari: sicut videre est in iis, quæ anno Christiano 1437 gesta referuntur. *Hemidam* esse Cerafuntem, ostendimus numero 40. *Tekienfis* regio Phrygia maiori continetur, quatenus in mediterraneis ea versus Cappadociam, Armeniā, & Ciliciam se porrigit. Interpres Laonici Tecien pro Tekie scripsit. Et alicubi Laonicus ait, Tekien esse regionem vt Bithyniæ, sic etiam Ciliciæ vicinam: id est, a Bithyniæ finibus, ad Ciliciæ fines vsque pertinere. Coniunctas vero, Bithyniam Tekiensemq; regionem, Othmaniam fuisse vocatas vno nomine: supra, numero 13, docuimus. Coniam esse priscum illud Iconium, prius dictum fuit numero 12. Triturandi quoque modus, explicatus numero 25.

ACSERAI. NIGDE. CAISARIA. BORLI.

25

58. Castrum album Turcis Acserai, siue domus alba dicitur. Vetus aliquod hoc nomine castrum vel opidum in iis locis nullum reperitur. In Ortelij tabula Natoliæ legitur Acfara. Ibidem quæ Turcis heic Nigde, Nigdia scribitur. Vtraque non magno a Conia vel Iconio distat intervallo. Vincentius Beluacensis Acserai vocabulum mutat in Hacfar, quum ait: Apud Hacfar inuenitur coctus & aluminis minera. Caifaria Ciliciæ, quā sic etiam Marcus Paulus Venetus nominat, dicta priscis Cæfaria fuit. Apud Belua-

Beluacensem Gazaria corrupte scribitur. Borli duplex in Natoliæ descriptione conspicitur, vna Borli simpliciter adpellata, nõ procul ab Enguri vel Ancyra sita: altera cum cognomento, Tarachi Borli, nõ procul a Castamona & Sinope. Ad Ponti prouinciã vtraque pertinet, quæ regio principum erat Isuendiarum, quibus intulisse Baiasites bellum dicitur. Et quinam principes hi fuerint, explicatũ abunde superius. Sinopen nouella de Thronis ad Amasianam metropolim Helenoponticam refert.

10 *CASI BURCHAN, ORTHOBVLES, ET MVL-
sumanes, & Cyrifcelebis, an iidem cum
Emire Soleimane.*

Quis begus ille Turcicus fuerit, cui Baiasites Sebastiam ade-
15 mit, propter annalium narrationes nimis succinctas sciri nõ po-
test. Hoc tamen minime dissimulandum, Sebastiam fuisse pri-
mam Turcorũ in Asia sub Aladine regiam, sicut annales ab ini-
tione testantur, & Laonicus, qui progressos ex hac Turcos ait Asiã
subegisse totam, vsque ad Hellespontum. Quapropter si hoc tẽ-
20 pore superstites erant Aladinis posterì, vero simile est, eos Seba-
stia præfectum habuisse quemdam: cui ab æquitate summa in-
ditum nomen Casi Burchan, lingua Turcica iudicem Dei signi-
ficabat. Ad Sebastiam annales nostri a patre relictum fuisse tra-
dunt Emirem Soleimanem filium, qui tamen a Temire Chane
25 nusquam occisus legitur, sed imperasse post Isam fratrem a Mu-
sa necatum, totis septem annis. Laonicus autem Sebastia præfe-
ctum a patre memorat Orthobulẽ, qui captus ibidem a Temi-
re, ac post aliquot dies interfectus fuerit. Vnde Baiasites accepto
de morte filij nuntio, cuidam pastori tibia canenti dixerit: Cane
30 carmen, cuius argumentum sit: Nec Sebastiam, nec filium Or-
thobulem amittas. Equidem sæpe multumque cogitans de cõ-
ciliandis annalibus Turcicis cum Chalcocondylis & nostrorum
expositionibus, quorum illi maximum natu filium Baiasitis vnũ
faciunt Emirem Soleimanem, hic duos diuersos ceteris maiores

ponit, Orthobulem & Mulsumanem, nostris Cyriscelebim fictici-
 um ingerentibus: in eam denique sententiam veni, ut Cyris-
 celebi citra controuersiam excluso, veluti quem nec Turci, nec
 Græci agnoscant; reliquos duos, Orthobulē Mulsumanem-
 que, pro vno & eodem Baiafitis filio Soleimane statuam habē-
 dum, quem tamen interfectum a Temire, capta Sebastia, per er-
 rorem Græci crediderint. Eius opinionis meæ causam hanc ha-
 beo, quod nomen Orthobulis non Turcicum esse, sed Græcum
 arbitrer: & idem significare Græcis, quod Turcis Musulman.
 Quippe quum in Turcia versarer, interrogatū a me virum ma-
 gnificum & amplissimum, D. Bartholomæum Pezzenum, Cæ-
 sar. Mai. a consiliis, & nuper ad Portam Osmanicam cum munere
 Legati missum, quidnam vox Musulman Turcis significaret,
 respondere memini, vim illius eandem esse cum Orthodoxi no-
 mine Græco. Vixerat autem ille totos octo reipublicæ causa tūc 15
 annos inter barbaros, eorumque linguā norat. Quū igitur Græcis
 Orthodoxus sit, qui rectam sententiam tenet, idemque significet
 vocabulum Turcicum Musulman: sequitur, Orthobulis quoque
 nomen idem esse cum Musulmano, quando sic Græcis adpella-
 tur is, cuius rectum consilium, recta voluntas est. Hoc modo ma-
 nifesto paret, vnde Chalcocondylis error manarit, duos ex vno
 Baiafitis filios faciuntis: ex eo nimirū, quod vnum in duos distin-
 gueret, cui diuersis in linguis diuersum, sed vnius tamen signifi-
 cati, nomen erat. Nec mihi quisquā obiecerit, aliud esse Musul-
 man, & aliud Mulsuman. Quippe vocem Musulman a Græcis 25
 enuntiari Mulsuman, & in historiis, & aliis ipsorum libris sæpi-
 sime depræhendi. Quinetiam verbum Musulmanissare, de quo
 superius dictum numero 22, multis in locis apud Græcos ita mu-
 tatum reperi trāspōsitis litteris, ut Mulsumanissare legeretur. Ne
 hoc quidem tacendum, quæcumque Turci de Soleimane me-
 morant, a Laonico ad Musulmanem referri. Quis ergo fieri pos-
 se non existimet, ut nomen Mir Sulman ab exteris commutaretur
 in Musulman? Sic certe Mirchan alicubi scriptū legere me-
 mini, qui nomine integro diceretur Emir Chan. Quod vero
 necem

- necem Orthobulis adtinet, quæ recenſetur a Græcis, a Turcis ſilentio præteritur: nihil ea noſtris rationibus officit, quum vice verſa Turci Temiriano prælio Muſtapham Baiaſitis filium occubuiſſe memorent, quem Græcitam certo non periſſe credebant, vt alium quemdam mentientē hoc nomen, veluti ſuppoſiticiū, fratrem poſcenti Muchemeti dederenolent, mortuoq; Muchemetē contra Muratē II, Muchemetis filium, ſua cum perniciē fouerent. Præterea non abs re mirum alicui videatur, Laonicum dicere, necatum a Temire Baiaſitis filium Orthobulem: quum is auctori belli & iniuriarum, patri pepercerit; & expreſſe Laonicus idem poſtea ſcribat, (ſide licet dubia) Muſſumannem, Moſem, Ieſum, Mechmetem, & reliquos filios Baiaſitis in poteſtatem Temiris veniſſe. Quid optatius accidere Temiri poterat, quam præter ipſum patrem filios habere in poteſtate,
- 15 quibus occiſis, Oſmanidarum in Aſia regno, nemine repugnāte perpetuo frueretur? At tantum abſuit, vt id faceret, vt etiam diſſerte Laonicus initio libri 4 fateatur, Moſem a rege Temire annonas in caſtris habuiſſe, tandemque dimiſſum ex captiuitate, mari ad regionem patriam rediſſe. Qui plurimum, vel omnium
- 20 potius vitæ pepercit, cur in vnum ſæuiſſe credatur? Adde teſtimonium hoſtis. Nuſquam Turci ſcripſerunt in annalibus, interemtum a Temire Baiaſitis aliquem fuiſſe filium: ſed ſperaffe Temirem potius, quempiam filiorum Gilderunis ſe conuenturum, quod illi formidine non neceſſaria trepidi, omiſerint. Im-
- 25 mo ferociam potius, & iracundiam ſui Baiaſitis, vituperant; Temiris humanitatem ac modeſtiam laudant. Super eſt vnū, quod obici poſſit, de Ziche Orthobulis filio, quem Laonicus ait bellū intuliſſe Ioanni Comneno, Trapezuntino Imperatori. Sed heic mihi reſpondeat aliquis, vnde tandem Ziches ille poſt mortē
- 30 patris Orthobulis anno denique ſexageſimo primum in ſcenā prodiit? quoue modo ſaluus euasiſt e tot parricidiis & lanienis horum temporū in Oſmanidarum familia, ſub Muſā, Muchemetē I, Muratē II, Muchemetē II, qui omnes parricidæ fuerunt? Cur huic tam diu ſeuus ille Muchemetes II pepercit, qui vix mortuo

patre, sanguinem statim fraternum sivit? An huic credidit exercitum suspiciosissimus omnium tyrannus? Denique constat ex Turcicis annalibus, id temporis viciniae Trapezuntis præfectum a Muchemete fuisse maximum natu filium Mustapham, qui tantum decennio post illa cum Trapezuntinis bella, Parchis in Armeniam & Caramaniam infusus occurrit, eisque cæsis, Iusufzem begum ducem viuum cepit, & patri misit: quod argumentum est evidens, fuisse tum Mustapham virilis ætatis, nec Zichem Osmanidam in iis locis vel imperium aliquod, vel exercitum habuisse. Quæ quum ita sint, restat ut statuamus quatuor omnino nomina, Orthobulis & Mulsumanis, quæ Græci tradiderunt: Cyrisclebis, quod nostri; Soleimanis, quod Turci; tandem in unum conferenda Soleimanem Baiasitis germanum filium, natu maximum: cuius si Ziches ille filius non fuit, nusquam ne nomine quidem tenus Turcis notus; cum Orthobule ficticio patre, suppositicius filius Græcis defendendus relinquitur. Habet lectores eruditi rationes meas, quas vel ad probandi, vel confutandi, liberam eis potestatem facio. Neutrum tamen ex duobus illis a Laonico memoratis, in Osmanidarum omisi familia, ne quis nimis temeritatis arcessat: qui præter hos, necdum auditis aliorum iudiciis, pluribus etiam Baiasitis filiis, Iesu minori, Ali, Dufmi Mustaphæ, natalium controuersiam mouere non dubitauerim.

TECHRIN BEGVS, ERZINGAE

princeps. Diorryge.

60. Qui Turcis est Techrin begus, Erzingæ vel Erzinzanis princeps, a Laonico vocatur Scender, rex Arineniorum: cui Baiazitem illato bello, Erzingam ademisse, cum annalibus hisce consentiens, narrat. Postea tradit Tezetinem, virum regio sanguine ortum ab Erztiganis rege, puero Mustaphæ, Muratis H fratri, auxilio venisse. Hoc ego nomen, siue Tezetinis, siue Tazerinis, id esse puto cum Techrine nostrorum annalium Diorryges opidi nomen Græcū a fossis ab Euphrate perductis factum arbitror.

*QVI TVRCOMANI. SVLTANVS AL-
cairensis. Cair. Miszir. Mizraim.*

Turcomanos vocat auctor annalium Turcos omnes in Asia, ^{61.}
⁷ ceteris subiectos begis, extra Osmanidas. Sic Turquia Belua-
 censi regnum Iconiense dicitur, Aythono minor Asia. Prætor
 Græciæ noster subditos Iconiensi Sultano duplices facit, partim
 Musulmanos adpellans, partim Turcomanos. De Musulmano-
 rum nomine dictum antea, quod haud dubie tunc etiam paret
¹⁰ habitum velut honestius. Turcomanos ait esse gentem, quæ Per-
 sarum (sic Turcos Iconienses vocat, velut e Perside oriundos) ex-
 tremos fines insidebat, & implacabili odio Romanos (id est, Græ-
 eos) persequens, agendis prædis ex horum agris delectabatur,
 præsertim illo tempore, quo res Iconienses fluctuabant, mirifi-
¹⁵ ceque Tanchatorum impressionibus turbabantur. Ergo Tur-
 comani tunc erant infami vocabulo instar illorum prædonum,
 quos nunc Matelosos & Vscochos (vnde Scacchorum siue la-
 trunculorum nomen) vocamus. Prætor quidem tunc Michaë-
 lem Palæologum, ad Iathatinem Sultanium Musulmanorum
²⁰ se conferentem, ab his Turcomanis omni comitatu & supelle-
 ctile spoliatum fuisse narrat, nec quidquam suorum ab eis po-
 tuisse recipere, licet hinc inde dimissis mandatis, Sultanus impe-
 rasset: ut spoliato tam corpora, quam res ademptæ restituerentur.
 Alcairenses Sultanium annales more Turcico nominat Ægy-
²⁵ pti Syriæque Sultanium, ab aulæ siue regis loco. Cairum Laoni-
 cus antiquam Memphim facit. Al, ut articulus, additur. Vox ipsa
 significat urbem, excellentiæ causa: quod urbiū maxima sit. Ho-
 die Turcis & Arabibus incolis Miszir adpellatur, a vetustissimo
 tam Ægypti, quam Ægyptiorum nomine, Mizraim.

C H E M E S. M V E I G E.

Bealbec.

Ciuitas Syriæ Chemes, olim dicta fuit Emisa: Gregorio Emiseno ^{62.}

MM ij

alumno clara, cuius exstant octo libri de homine, qui nonnullis in exemplaribus non recte Gregorij Nysseni nostri nomē præferūt. Ortelius norauit, quod Turcis & Arabibus sit Hamfa. Sed heic Chemes legitur, quod aliorum scripturæ viciniū, quibus Hames vocatur. Fit eius apud Aythonum his verbis mentio: Ciuitas Syriæ Hames, quæ Camela hodie adpellatur a pluribus. vbi videndum, an non pro Camela, scribi debeat Camefa. Mueige Turcis est, qui Græcis historiis nominatur Moauia & Mauia. Curforem dixi, quē Turci Pecaut Peic, nostri lacqueium dicunt. Bealbec Syriæ caux ciuitas, Postello Balbec, priscis Helio-
polis fuit.

C A R A B A G. V N C R A.

63. Ad Carabagum hibernasse Temirem tradunt annales, urbē siue Parthiæ, siue Persiæ: quibus nominib⁹ indifferentē vīmur, 15 pro ea regione, quæ Turcis est Aiem, vel Aiem vilager, de qua superius dictum numero notarum secundo. Vox Carabag significat lingua Turcica vineam nigram. Chalcocondyles scripsit, Temirem solitū se recipere Cheriām: quod primum Sebastia, quod tūdem Chalēpia (sic interpretē scripsit) Dāmāstocoque capitis, fecerit. Ergo veri sit simile, Cheriā a Laonico dici, quæ heic Carabag nominatur, nonnihil mutato vel a Græcis vel Turcis vocabulo. Engurim supra, numero notarum 10, diximus Ancyrā esse. Tantum heic addendum putauimus. obiter, hanc etiā in edito Chalcocondyle Vncrā nominari: quod quum Græci 25 mollius enuntient Vngrā, propius accedit ad Turcicā adpellationem Enguri.

BVLCI FILIJS. DERVISLAR. MVSTAPHA mors. Græcorum de Baiaſitis filijs errores.

64. De Bulcis & Bulcouitzis prolixē tractauimus ad notarum numeros, 46, & 54. Heic tantum hoc moneamus, istum Bulcī filium (quī Turcis est Bulcogli) expresse nominari a Spādugino
Geor-

Georgium, Seruix Despotæ filium: cuius maiores & posteros continuato superius stemmate complexi sumus. Ac temporum sanè ratio Spandugini sententiæ nequaquam aduersatur. Deruissij seu Deruissari sunt illi quidem apud Turcos aliqua ex parte
 5 Calogeris Græcis, monachis nostris adfines, vti superius indicatum: sed aliis tamen de causis (modo Paulum Tomorreum, fratrem Georgium Vngariæ perniciem, & alios de nostris excipias) ea comparatio, quod vulgò solet dici, claudicat. Quippe quum vniuersa lex & religionis professio Mahumetana sanguinaria sit, speciem Turci quidem religiosæ pietatis in legis peritis
 10 ac Deruissis suis requirunt: at interim ab agendis eos rebus, tam pace, quam bello, præsertim contra Christianos, & hostes reipublicæ suæ, nequaquam arcent: sed magis etiam, quam ceteros, deuouere vitam suam pro religione, proque lege patria, suos illos religiosos volunt. Hinc aliquot in Vngariæ finibus captos a
 15 nostris recorder, viros ceteroquin alicuius auctoritatis & existimationis, qui Deruissaros se profitebantur. Hinc in vita Muchemetis primi seditionem Torlaci monachi Turcici, & in vita Baiafitis II, Scachoculis eremitæ sanguinarij pugnas, & cædes, &
 20 grassationes immanes, quibus multa millia hominum absumpta fuerunt; & in vita denique Soleimanis, ad annum Christianum, 1526, Calèderis Zelebis & Deruissariorum motus ac prælia legimus. Hac ergo de causa Seruianos illos fortissime pro Baiafite dimicantes Bulci milites, truculentos ac feroces Deruissios
 25 adpellabat Temir, qui se vitamque suam pro salute suorum animose deuouissent. Germanum vero Baiafitis filium Mustaphā hoc prælio periisse diximus ex fide horum annalium antehac aliquoties, idque licet Sultanus Muchemetes primus, itemque Murates II post mortem patris sæpius verum esse protestatētur:
 30 tamen vsque adeo Græcis impressa de hoc diuersa erat opinio, Mustapham vt alium, pro legitimo se venditantem, obuiis vlnis exciperent, & armis contra Muratem magna cum imprudētia, maloque suo, tuerentur: offerente amplissima quæque Murate, modo neutrius a partibus starent, ac ipsos inter se rem armis.

decernere paterentur. Consimilis huic Græcorum est error de Baiafitis filio, quem fidium (sic enim chordas interpres reddidit) opifex Prusæus incolumem Byzantium perduxerit: quum tamen nulla fiat in annalibus Alis cuiuspiam, Baiafitis filij, mētio; nec ab ipso quidem Laonico, quum alibi Baiafitis filios recenset. Notandum magis, quod etiam Mulsumane regnante narrat a Mose Iesueque fratribus occultatum fuisse Prusæ puerum Muchemetem apud illum ipsum opificem chordarum, a quo Muchemetes hoc opificium didicerit. Et factum id scilicet a Mose, omnium crudelissimo, vel ipso Laonico teste, ne ab aliis carus sibi puer occideretur. Muchemetē vero iam grandiusculū inde profugisse ad Alurim Caramanum, a quo adiutus, seruatori suo Mosei bellum intulerit: sed victum confugisse ad Alim fratrem, exsulem ac inopem, & quidem Constantinopolim: vbi nonnihil respirauerit, collectisque suorum reliquiis, denuo tentare belli fortunam decreuerit. Hæc Laonicus de puero Muchemete, chordarum opificis discipulo, pæne pueriliter, nec vero multas ob causas consentanea. Magis idonei rerum Turcicarum scriptores, ipsi Turci, tradunt; rebus Temiriano proelio desperatis, Bassas abduxisse secū, arrepta fuga, maximū natu Baiafitis filiū Soleimanem, veluti legitimum patris in imperio successorem: & illorum exemplo Muchemetem, non puerum, (vt Laonicus putauit) sed copiarum ex imperio paterno quarumdam ducem, suis itidem rebus vtī consuleret, Amasiam cum suis se cōtulisse: quo loco deinceps eum vixisse, non semel annales tradunt: & indidem cum exercitu contra Musam fratrem mouisse, postquam interfecto Soleimane, vindicem necis ipsius se professus esset. Quæ res, meo sane iudicio, dignæ sunt hominum historiarum studiosorum obseruatione: quum in publicatis hactenus scriptis historicis, nihil intricatius de Turcicis rebus reperiamus, quàm quæ de hoc ipso tempore summæ Turcorum infelicitatis, memoriæ prodita legimus.

SEMERCANI. BATHASITIS MORS.

Annorum ratio.

Regionis Zacatainæ, cuius incolæ id temporis imperio Te-
 miris parentes, Laonico Tzachataides nominantur, caput est
 5 vrbs Semercani, hodie mercium Indicarum emporio celeberrimo
 Septemtrionalibus etiam nota. Samarcanda plerumque
 vocatur, edito Laonico Samrachanta, litteris transpositis, pro Sa-
 marchanta. Sunt qui dictam putant a Sem, Nohæ filio, quorum
 opinioni Turcorum pronuntiatio Semercani adstipulatur. Ma-
 10 racandam Sogdianæ veteribus adpellatam existimant aliqui.
 Ceterum Bathasitem ex animi ægritudine doloreque mortuum
 scripsit Chalcocondyles, cui Turcicæ narrationes non aduersan-
 tur: sed addunt, hoc mœtore velut ad desperationem adactum,
 mortem sibi met ipsi consciuisse. Quod dilucidius exponens
 15 Theodorus Spanduginus, ait Bathasitem, spe libertatis amissa, cō-
 stituisse cum animo suo seipsum occidere. Sed quum nullū eius
 peragendæ rei modum inueniret, tam denique diu caput allis-
 sisse illi cauer de ferro factæ, qua tenebatur inclusus: donec præ-
 furorē fremens ac frendens, misere sibi mortem adferret, tyrann-
 20 nique vita, secundum poetam, indignata sub umbras fugeret.
 Interpretes Laonici pugnatum notat inter Bathasitem & Temirem
 anno Christiano 1397. Mortuum Bathasitem scribit Franciscus
 Sansouinus anno 1398, Geofræus anno 1400. quos equidem
 falli opinor. Quippe secundum rationes accuratas annalium de-
 25 præhēdimus, commissum fuisse prælium anno vel 1399, vel 1400.
 Gilderunem verò mortuum anno 1403. Similiter in annis regni
 huius erratum a Laonico, qui 25 numerat, pro solis 14: de quo
 vide supra, numero 47, notata.

CASTAMONI. CONGERI, CONGR.

30 Claudopolis ciuitas est Honoriadis, in Ponto prouincia, quā
 nou. Leonis Aug. metropolim facit, eiq; præter alios episcopos,

Heracliam quoque Ponticam subiicit Hanc Marius Niger recenti nomine dici putat Castamenam, siue Castamonam: sed fallitur, quum rectius Castromena sit Claudiopolis. Castamona vero sita longius est, versus Sinopen opidū Helenoponti, & Paphlagoniam. Tam Sinopes, quam Castamonæ nomina, cum ipsis opidis, supersunt: vti videre est in annalium supplemento nostro, ad annum Christianum 1584. Istic enim tūc Osman basila Vezirazemes contra Persas iturus, militem in hibernis habuit. Menauinus alicubi Castemolen nōminauit. Cedrinus in Michaële Stratiotico siue militari, Castamonem adpellat, & in Paphlagonia collocat his verbis: Castamonem in Paphlagonia sitam veniunt, quæ sane Castamon domiciliū erat Magistri [Officiorum] Isaacij Comneni. Prætor Græciæ noster Castamonā vocat in historia sua, de Michaële Palæologo, post victos a Tataris Iconienses, hæc commemorans: Michaël Comnenus, hoc prælii euentu, cum máximo Persicorum exercituum duce, quæ Peclarpacem Persæ (hoc est, Iconienses Turci) vocare solent, in viam sese dabat: adeoque pluribus vnā diebus iter faciebāt, quū hostem sibi à tergo in hærentem haberent, horisq; singulis cum eodimicarēt. Tandem festinabundi Castamonam perueniūt, iuxta quam domus indicati Peclarpacis erat. Hactenus Prætor. Quæ vero heic Congeri nominatur, eam ipsam esse puto, quam in Anatoliæ tabula Congi scriptam legimus, haud procul a Castamona distitam.

GENVINI BAIASITIS FILII SE-

cretia commenticius.

67. Quæ de Baiasitis liberis hoc loco non multis verbis exponuntur, diligenti consideratione memoriaque digna sunt. Quippe quum illi de Turcorum sententia, nō plures numero, quam sex omnino fuerint: quid aliud statuamus, quàm reliquos hactenus nobis obtrusos, velut in iudicio status ab ipsis Turcis cōdemnatos, pro genuinis deinceps agnoscere nō debere? Neque vero vel
vnum,

unum, vel alterum dumtaxat hoc iudicium tangit, sed reiiciendi omnino totidem veniunt, quot extra controuersiam legitimi censentur: nimirum hi sex, Orthobules, Mulsumanes, Cyriscelebis, Alis, Iesus minor, Mustaphas cognomento Dufmes: cum
 5 primi ex his Orthobulis filio Ziche, quem ipsum quoque Turci ceu cretum Osmanidarum sanguine non agnoscunt. Interim vero pro duobus explosis, duo succedunt hactenus quidem ignoti, sed a Turcis pro legitimis adgniti Gilderunis filij pro Dufme Mustapha, Mustaphas Zelebis, amissus in pugna contra Te-
 10 mirem: pro Iesu minore, Casanes Zelebis.

*A QVO NECATVS FVERIT ISA. CON-
 stantinus, pro Manuele Græcorum imperatore.*

- 15 Scripsit Laonicus, inter Mulsumanem Iesumque maiorem 68: gesta fuisse de imperio bella, quorum tamē annales hi non meminere, tandemque Iesum a Mulsumane peremtum. Eius par-
 ricidij culpa Mulsumanem, hoc est, Soleimanem profecto immerentem onerat, cuius auctorem Turci Musam produnt, qui-
 20 bus cum ipsa rerum gestarum series consentit. De nomine Cō-
 stantini, quo Turcos Græcorum imperatores omnes adpellasse, numero notarum sicut diximus, exemplum heic aliud habes. Is enim Græcus imperator, ad quem narratur Emir Soleimanes ob-
 sidum loco misisse sororem suam, fratremque natu minimum,
 25 non Constantini nomen habebat: sed Manuelis, ex Palæologi-
 na familia, cuius & superius facta mentio.

SEDES IMPERII TURCICI DIVERSAE.

- 30 Quanam cærimonia Sultani Turcici regnum auspiciari con- 69.
 fueverint, expositum a nobis est prolixè in annalium supplemē-
 to, initio regni Selimis II, quod incidit in annum Christianum
 1566. Solebat autem hoc in ea fieri ciuitate, quæ sedes esset im-
 perij. Principio Turcis ea fuit Prusa Bithyniæ, paullo ante mor-
 NN

tem Osmanis ab Vrethane filio capta : quæ licet honorem hunc non diu retinuit, ex pristina tamen prærogatiua meruit, vt longissimi temporis spatio Sultani Turcorum mortui paternis & auitis istic monumentis, etiam diu post captam Constantinopolim, sicut in vita Sultani Selimis I de Achmete Corcuteque fratribus ibidem sepultis videre licet, inferrentur. Postquam vero transuectis in Europam copiis, Murates I, Vrehanis F. Osmanis N. Hadrianopolim cepisset: eodem & regni sedes ex Asia commigrasse videtur, quod recte se facturos Sultani ducerent, si rebus Anatolicis iam tranquillioribus, præcipuum militiæ robur Hadrianopoli velut in excubiis haberent: vnde, momentis rerû ex vfu suo gerendarum animaduersis, progredi paulatim latius, & in Europæ viscera grassari possent. Sansouinus existimat, primum omnium Muchemetem, Gilderunis filium, huc impetij sui sedem transtulisse, quod vrbium Thraciæ facile caput esset Hadrianopolis. Sed ante Muchemetis etiam tempora certum siue regis, siue Portæ Osmanicæ locû, Sultanos priores Hadrianopoli constituisse: pluribus ex locis Laonici manifestum est. Quippe de Mulsu mane loquens: Profectus, inquit, Hadrianopolim, regni sedem, (hoc est, quæ regni sedes erat) regnum ordinauit. Et paullo ante de Mose: Hadrianopolim, ait, quæ regni sedes est, profectus; ibidem rex declaratur. Quam vero ad urbem translata tertium fuerit Porta, nemo non nouit.

GERLE. DOLAP. SOLEI-

MANIS MORES.

70. De Ifuendiarum dititione superius explicatum numero notatum 13, qua & Gerle compræhendebatur opidum. Id nota 19 diximus in tabulis Geographicis corrupte scriptum inueniri Gerle, pro Gerele. Narrât vero annales, Soleimanem castra propter Gerlen, ad ripam fluminis, locasse. Non exprimitur eius fluminis heic nomen, sed in Anatoliæ descriptione Dolap vocatur. Soleimanis indolem Chalcocondyles quoque ceu bonam:

nam prædicat, eique magnas virtutes tribuit: sed eadē cum Turcis de perpetuis eius potationibus & luxu commemorat, quæ homini minus rerum suarum prouido sollicitoque, tamdē exitium adtulerunt.

VALACHIA CARABOGDANIA. NB.

*mes(s)ij. Iſlach. Gallicia. Vainoda. Mur-
ze. Bogdan.*

- 10 Dacia quondam adpellabatur amplissima regio, quæ Trans- 71.
siluaniam cum vtraque Valachia continebat. Et cingunt ambæ
Valachiz Transsiluaniam, quarum vna maioris nomen habet,
altera minoris. Maior ad Euxinum mare se porrigit, & nostris
15 Moldauia, Turcis Carabogdania, quasi nigra Bogdania, siue
Bogdani regio, dicitur: a frumento nigro, cuius est ager ille fera-
cissimus. Gallicus, & alter Chalcocondylis interpres, Podoliam
perinscite faciunt, regionem iuris Polonici. Minor propter Da-
nubij ripas extenditur, & plerumq; Transalpina, Bonfinio Mô-
20 tana quoque, sicut & aliis, nominatur. Vlachiam vocauere
Græci, & incolas Vlachos: pro quibus interpretes Zonara, Ce-
drini, & aliorum historicorum reddidere Blachiam & Blachos,
contra molliorem pronuntiandi rationem Græcorum: quos i-
mitantes Turci, non Iblach, sed Iſlach, dicunt. Nomen Vala-
25 chorum non a Flaccis Romanis, origine fabulosa, quæ pluri-
bus tamen placuit, sed a Germanis nostris profectum arbitror.
Habuerūt enim vicinos Daci Germanos, puta Quados, Gothos,
Gepidas; in quorum agro, qui nunc Cepisiensis dicitur, incolæ
præsertim Casemarco vicini se Nemetassios hodieq; nomināt,
30 voce de Nemetis (sic Vngari Germanos adpellant, vt Venedæ
nationes Nemitzos) & Sassiis composita, quæ Sassiis siue Saxo-
nes Germanos significat. Germani vero pleriq; tā Italos, quam
Gallos, (qui Germanis sunt Walli, sicut Gilimer nomē Gothicū

est Wilmer. Et in Anglia quoque Wallorum nomen priscis incolis prouincialibus, ab Anglofaxonibus nostris inditum, manet) vocare solent Walchos & Walifchos: quorum linguæ prouinciali quum lingua Daciæ, quæ ipsa quoque Romanorū prouincia quondam fuit, adfinis esset: i dem a nostris Walchorum nomen accepere, quod enuntiatione molliori mutatum in Walchos. Suffragatur huic opinioni meæ vetus etiam Gallicæ nomen, frequens in antiquis Vngariæ regum titulis, quo Valachia significabatur, eadem cum Gallis & Italis vtens lingua, sicut & nunc ad finitatem aliquam cum eorum lingua prouinciali retinet. Vaiuodæ vero nomen generaliter significat præfectū militum, quem capitaneum vulgo vocant. Sed apud Vngaros vt olim, sic etiam hodie, duæ sunt adpellationes administrationum maximarum: vna Bani, de qua suo loco, nimirum capite 174, plenius dicturi sumus, altera Vaiuodæ. Banus est præses regius, in aliquo ex regnis Vngariæ adiunctis. Vaiuoda vero præses dicitur, loco regis administrationem habens in aliqua prouincia, puta Transsilvania, Valachia maiori, Valachia minori: sed ea legem tamen, vt gubernatore sit inferior. Vaiuodæ Valachi, postquā ab Vngariæ regum obædientia se subtraxissent, more Græcorū Despotæ, de qua dignitate superius numero notarum prolixè dictum, pro Vaiuodis audire maluerunt, quasi si principes essent absoluti: nec regibus subiecti, sed potius dignitate regibus proximi. Verum vsuuenit eis, quod Græcis accidisse cōstat, qui maximas ad angustias redactō imperio, titulos ampliores exco- gitarunt: vti nunc etiam apud Aufones nonnullos in ipso propemodum amittendæ libertatis articulo consimilia quædā adfectare, præter morem maiorum, videmus. Despotarum certe nunc illorum ea sub Turcica seruitute condicio est, mancipiorū vt nomine potius, quam principum, censendi veniant. Sed per- gendum ad alia. Valachorū ille Vaiuoda, quem annales hi Murzen vocant, Laonico Mirxes dicitur, Bonfinio Merches, hoc est, Marcus. Reperitur apud eundem Laonicum & Mirdan, Valachiz principis nomē, compositum ex hoc ipso Mirx & Dan siue Gdan.

Gdan. Nam & ipsa regio Bogdaniz nomen accepit a Bogdanis
 siue principibus suis, qui vocabulo sane pio dicuntur Bogdani;
 tamquam Dei munus, vel Theodosij, vel Theodori, vel Doro-
 thei. Meminit huius vocis & Cedrinus in Basilio Bulgaro octono,
 5 quum ait: Occurrit etiam imperatori Bogdanus, castrorum in-
 terioris regionis toparcha siue regulus.

SAMOBVNOGLI. AZAPI VEL AZEPI.

Laonici locus emendatus. Emir Halem.

10

Quem heic annales Samobunogli, siue filiū Samobunæ vo- 72.
 cant, infra Scheich Bedredin adpellatur, vbi de seditione per i-
 ipsum mota prolixæ sunt narrationes. Stipendiariorum nomine
 intelligunt Azapos vel Azepos. Laonicius alicubi peregrinos di-
 15 xit, more Græco, quibus Xeni vocantur, id est, peregrini, qui sti-
 pendiiis conducti militant, hoc est, qui sunt misthophori, sicut ii-
 dem adpellant. Idem alibi: Turcorū pedites, ait, quos Azapidas
 vocant. Et omnino militiam hi pedestrem obeunt, licet alio libri
 octauo loco legantur hæc verba in vita Muchemetis II tunc Bel-
 20 gradum oppugnantis: Azapides (quos Hussarones nostri vocāt)
 diripuerunt forum. Rex clamabat, vt eximerent eorum puellas.
 Heic primum lector obseruet, Azapidum nomine pedites Vn-
 gatorum ab auctore intelligi, qui regis siue Sultani Muchemetis
 forum, scilicet castræse rerum in exercitū venalium, diripuerint.
 25 Ergo quæ interiecta verba sunt, Quos Hussarones nostri vocāt,
 glossæ sunt interpretis imperiti, Azapidas pro Hussaronebus
 accipientis: quū Azapidæ pedites sint, Hussarones equites. De-
 inde puellas eximere dixit, quum Græci Laonici verba signifi-
 cent, oculorum coras siue pupulas aut pupillas eruere, vel effo-
 30 dere. quod paullo melius adiectis margini verbis redditum, Vt
 hostium oculos exsculperent. Præfectus autem signiferorum
 Turcis est Emir Halem, cuius supra, numero notarum 14, facta
 fuit mētio. Sane magnum huius officium est, & fructuosum, di-
 gnitateque proximum ab Aga Genizarorum. Sed Officiorum.

Portæ, tam eorum, quæ intra saraium, quam quæ foris ordinatæ sunt, expositio plena, locum poscit alium.

MYSÆ SIVE MOSIS CRVDELITAS.

Lazarus, pro Stephano Seruix Despota,

Lazari filio.

73. De Vidina dictum numero notarū 49, de Buruuada & Ma-
tera deinceps, loco magis idoneo, ad annum Christianū 1444,
dicitur. Musæ siue Mosi crudelitatem, & iracundiam, ac tyrannidem in suos, Laonicus etiam commemorat, partim his verbis: 10
Moses iræ imperare non poterat, sed præceptis in eam ferebatur,
quidquid illa dictasset, faciens: partim alio loco, verbis consimi-
libus: Optimus quisque indignabatur, ob Mosi violentiam &
tyrannidem. Causam vero, cur bello Seruix Despotam perse- 15
queretur, Laonicus exposuit: quum recitat, eum a Despota de-
sertum fuisse, Græcorum persuasionibus adducto, Mulsumanis
ut partibus semet adgregaret, quod Moses ægerrime tulerit. Et
Despotam hunc annales vocant Lazarum, quum tamen ex hi-
storia constet, hæc a Stephano gesta, Lazari filio, Georgij patre: 20
quod de superius numero notarum 54 tractauimus.

GEIUISE, GEBISE. LIBYSSA, LEBVSA.

Astacus. Sinus Astacenus. Intꝛu.

74. Geiuise opidulum est Bithyniæ, situm ad Nicomediensem, 25
vel Astacenum potius antiquitus dictum sinum, in ipsa via, qua
Constantinopoli, quæ hinc itinere bidui abest, Nicomediam i-
tur. Ea vero vltcrius a Geiuise distat vnus itinere diei. Geogra-
phica Natoliæ descriptio Abrahami Ortelij Geiecen habet, vo- 30
ce nōnihil mutata: Busbequius in itineralio Gebisen scribit, ad-
ditque putari, hanc olim fuisse Libyssam, Hannibalis sepulcro
celebrem. Ego pace tanti viri Geiuisen hanc, siue Gebisen, non
Libyssæ reliquias arbitror, sed Astaci. Nam Libysa lōgius a sinu
remota

remota est, versus Bithyniæ mediterranea, & urbem Niczam: hodieque vocabulo propius ad Libyssam accedente, Lebussa dicitur. Astacum vero propterea puto nunc esse Geiuisen, quod hæc in amœnissimum illum maris sinum prospectus pateat, quæ ab Astaco, quondam hoc loco sita, veteres adpellauerunt Astacenum: ut paullo ulterius idem, mutato nomine, Nicomediensis dicitur. Astacus ipsa, cum Astaceno sinu, sic ab astacorum copia, quæ cancrorum marinorum species est, nomine vulgo Græcis hodieque Constantinopoli noto, mihi quidem videtur adpellata. Quæ paullo post nominatur Intzua, pagus aut vicus est ignobilis, haud procul a Tzurulo situs in itinere, quo Constantinopoli Selybriam, & ulterius Hadrianopolim itur. Eius deinceps quoque fit mentio in extremo Selime I, qui correptus istis pestilenti morbo fuit, quo subito periit.

AKENZI, VEL ACANZII

Sine stipendio militant apud Turcos Akenzi, rusticum genus hominum, sicut apud Vngaros Haiduchi. Quidquid consequi prædæ possunt, sibi retinent: non totum tamen. Quippe non aliarum dumtaxat rerum suarum, quas possident, verum etiam omnium prædæ, tum lucri, quod in bellis percipiunt, decimas Sultano suo soluere coguntur. Itali genus hoc militum sua lingua Ventureros adpellant, priscis Volones dicti fuisse videntur: unde Callimachus Experiens non ineleganter nostros Cruce signatos, Volones nominavit.

MICHALOGLI. TOCAT.

Prima nominis Michalinorum, siue Michalogliorum, siue Michalidum mentio, in his quidem annalibus, hoc loco reperitur. De his dictum a nobis antea numero notarum 27. Urbs Tocat, quo relegatus fuisse dicitur Mechemetes Michaloglius, existimatur a pletisque, quos inter & Marius Niger est, respondere

veteri Neocæsariæ, quam in Cappadocia collocant, ipsam quoque provinciam Cappadociæ Toccatum adpellâre Pineto: quû Leonis Augusti Nouella de Thronis, Neocæsariam faciat metropolim Põti Polemoniaci. Tocatam hanc nostram Laonicus Tochatam scripsit, nec defunt, qui malinteam referre ad Armeniam. Bellonio certe Nisâr est Neocæsaria, nomine recentiori, quod paullo propius ad priscum illud videtur accedere. Pedites, quorum dux in Valachiam profugisse dicitur, paullo ante dicti fuere stipendiarij, Turcis Azepi, de quibus numero 72.

VARSAC, SIVE VERSAC. CONIÆ BEGVVS.

77. Opidum Caramaniæ siue Ciliciæ, quod annales Varfac & Versac adpellant, in Anatoliæ tabula Geographica Versageli scribitur. Coniæ princeps, siue begus Iconij, Caramaniæ princeps dicitur, ab aula siue regia Iconiensi. Et bello petiit hunc Muchemetes, propter societatem cum Musa: cuius adiuuâdi causa Prusam Caramanus obsederat, dum Muchemetes absens, in Europa rem contra ipsum Musam fratrem gereret.

SAMPSONIS OPIDVM.

78. Huius ciuitatis Cedrinus & alij meminere, tamquam in Põto provincia sitæ. Prætor Græciæ noster ait, in illa regni vel imperij Græci confusione, quæ a Flandris capta Cõstantinopoli existit, Sabam quemdam pro se hanc urbem Sampsonis occupasse cum tota vicinia, cui prius imperatoris Græci nomine præerat: statimque subiicit mentionem Cappadociæ siue regni Trapezuntij, velut huic vicini, quod in potestate Dauidis Comneni tunc fuerit.

ROMANIA. CVNVZA, CONOZVS. Tatarbasar. Tatargoi.

79. Quum Tatari dicuntur in Romaniam ex Asia migrare iussi, Romaniz

Romaniz nomine Thraciam accipito, cuius hoc annalium loco expressum castrum Cunuza, non procul abest ab vrbe Philippopoli, & Conozos Græcis nominatur. Castaldus in hodiernæ Græciæ tabula Geographica vocat Cognuzam, Italica Græcæque pronuntiatione. Nos in itinere nostro per hæc ipsa loca proficiscebamur, & in opidulo quodam pernoctantes, ibidem deprehendebamus ex ipso nomine loci, fuisse regionē hanc olim Tataris, huc velut in coloniam deductis, ad inhabitandum concessam. Nam opiduli nomen incolæ dicebant esse Tatarbasar, quæ vox emporium siue forum Tatarorum significat. Nec longius, quam sex aut septem horarum itinere, distat a Philippopoli. Ponitur ibidem a Castaldo Tartagi, prorsus vbi Tatarbasar viatoribus ab Hæmi iugis altissimis in plana Thraciæ descendētibz occurrit, in æquore spatiosissimo, longeque pulcherrimo sita: quod nomen a Tataris itidem videtur deriuatum, fortasse Tatargoi scribendum, quod Tatarorum est pagus, & idem scilicet cum Tatarbasar.

MANISSA. TORLAC.

- 20 Turci Manissam vocant urbem Asiaticam, quæ Græcis est 80: Magnisia, Latinis Magnesia. Sansouinus & alij non recte Mangresiam putant hodie nominari. Sunt autem in Asia minori ciuitates huius nominis duæ, quarum vna dicitur ad amnem Meandrum sita Magnesia. Hanc Ephesinæ metropoli nouella Leonis Augusti subiicit. Alteram ad Smyrnensem metropolim refert, amenissimo sitam versus Ægæum mare loco. Superest etiam nunc vtræque, sed posteriorem illam puta, quam Sultani Turcici filijs suis inhabitandam adsignare solent inueterata cōsuetudine: sicut ibidē diximus supra, iussu paterno iam Muchemetem, vnicum Sultani Muratis III filium, degere. Torlac, nomen est apud Turcos certi generis religiosorum, diuersa quædā a Calenderum & Deruifiorum professione sequentis instituta: de quibus omnibus suo dicendum aliquando loco. Et hic ille Torlaces monachus siue religiosus est, cuius obiter mentionem

supra fecimus numero notarum 64. De Serris antea dictum numero 43. Salonicam vulgo notum priscis dictam fuisse Thessalonicam.

SCHEICHE. SOPHI. PRIMA SOPHILARIORUM SEDITIO.

5

81. Sunt hæc quoque nomina siue sacerdotum, siue peritorum Mahumetanæ legis, & eiusdem interpretum. Scheiches apud Turcos pæne pro viris sanctis habentur, veluti qui animarum curam gerant. Ex horum numero quemdam sibi deligit etiam ipse Turcorum Sultanus, quem in omnibus, quæ ad salutem animæ suæ pertinere putat, consulit. Ceterum hoc loco prima notanda Sophilariorum in annalibus hisce mentio, de quibus infra suo dicturi loco sumus. Eorum nomen non a Græco Sophos, quod sapientem significat, sed a Sophi, voce Arabica deriuatum est, qua denotatur lana. Nam hi Sophi profitentur religionem ceteris Mahumetanis nouam, quæ præcipit inter alia, ne caput fastu quodam lineis spiris inuoluatur, quod Turci factitare solent: sed uti caput tegumenta dumtaxat humilitatis modestiæque declarandæ causa, de lana conficiantur. Plura de his, ubi deinceps ad Sophinorum mentionem peruentum fuerit, exposituri capite 188 sumus.

ANNI MUCHEMETIS. ISMYR IN ANATOLIA.

23

82. Redegimus supra, numero notarum 47, Sultanorum annos, quibus regnarunt, ad certos numeros. Ibi traditum inter alia, Muchemetem primum octo dumtaxat annis imperasse. Licet hoc colligere de Turcicis annalibus, qui principium regni Muchemetis ad annum Mahumetanum 816 referunt, anno Christiano 1414 respondentem: mortuum vero notant eundem Muchemetem anno suo 824, qui noster est 1422. Ergo dumtaxat annis octo rebus præfuit. Hoc ideo significandum putavi, quod loco

loco prius indicato scripserim ex Sansouino , regnasse Muchemetem annis 17, pro quibus 12 annos Chalcocondyles posuit: quum accuratior sit annalium Turcicorum computatio. Ciuitas Ismyr a Turcis dicitur, quæ Græcis est in Asiæ minoris Ionia
5 nobilis illa Smyrna.

MVSTAPHAS ALIENVS, IN OSMANIDARVM se familiam ingerit. Exemplum huic simile de Voldemaro Brandeburgico.

10 Nemirum aliquibus videatur, potuisse Dufmen Mustaphā, 83.
pro Mustapha Zelebi, dudum amisso Baiasitis filio, se tanto veditare artificio, vt eius patrociniū non Græcus dumtaxat imperator, sed etiam magni Turcorum principes, Smyrnæus ille
15 Chuseines begus, Aidinensis, Sarchaniensis, Mentelianus, Chemidenſis, susciperent: libet heic ex annalibus manuscriptis exemplum subiicere simillimum de quodam, qui 60 plus minus ante hos Dufmis Mustaphæ motus annis, se principem Brandeburgicum, Imperij Romani septemvitem, mentitus fuit. Et ipsis
20 hæc annalium verbis, e lingua Germanica Latine redditis, exponemus. Anno (inquiūt) 1348 Rudolphus Saxoniz Dux secū ipse dispiciebat, qua via Ludouicum Bauarum, Ludouici Augusti Bauari filium, principatu Brādeburgensi pellere posset: quod quidem parum abfuit, quin perficeret. Diuulgabat enim, Marchionem Voldemarum Brandeburgensem, qui antetriginta &
25 vnum annos amissus, peregrinationes varias priuati hominis habitu susceptas obiuisset, nunc tandem inuentum esse. Hoc modo productum in scenam molitorem quemdam, verum adferebat esse Voldemarum Marchionem Brandeburgicum.
30 Ille vero molitor in Saxonia secreto pluribus annis habitus, ea signa corporisque notas, quibuscumque fieri potuerat artibus & astu, acceperat: vt confidenter profiteretur, certis se probaturum documentis, vere se Marchionem Voldemarum esse. Mox ergo reperi denuo Voldemari Marchionis,

tot ab annis amissi, fama per omnes regiones didita fuit: eoque
 rumore permotis multorum animis, complura castella, cum ci-
 uitatibus & opidis, molitori deditionem faciebant. Si qui vero
 dedere se nollent, tam auxiliariis Karuli Bohemæ regis, & Im-
 peratoris Septemviriū quorundam suffragiis electi, qui Baua- 5
 ro infestus erat, quàm Saxonis Rudolphi copiis, ad accipiendum
 molitoris imperium, adigebantur: adeo quidem, minor ut Bran-
 deburgici principatus pars in potestate Bauari maneret. Tam-
 dem intellectum, molitorem esse, qui se pro Marchione Volde-
 maro gereret. Qua de causa Daniæ rex, & Ludouicus Roma- 10
 nus, alter imperatoris Ludouici Bauari filius, Ludouici Brande-
 burgici frater, itemque Cracouiæ rex, & Stetinensium Dux, ac
 plures Poloniæ Silesiæque tunc ad Poloniæ iura spectantis pro-
 ceres, cum Bauaro se coniungebant: quorum auxiliis adiutus,
 varias rerum difficultates utcumque superabat. Committeban- 15
 tur & diuersa proelia, nonnumquam vincentibus molitoris illius
 copiis, qui Marchionem se Voldemarum adferebat: ac vicissim
 Bauari militibus aliquando sua quoque tropæa statuentibus. V-
 na tamen in pugna quadam, dimicatum a Bauari partibus sane
 quam infelicitè, Ludouici Romani, qui Bauari frater erat, au- 20
 spiciis parum auspiciatis. Nam is vix saluè euasit, captusque ma-
 gna cum fictici Voldemari gloria fuit ex partibus Bauari, Dux
 Rudolphus Palatinus Rhenensis cum LXXIX nobilibus galea-
 tis: quos inter XL Poloni numerabantur, & in his XIII tum fra-
 tres, tum adgnati, qui easdem gestabant galeas, & gente Zetlizia 25
 nati erant. Ea clades tantum de Bauari opinione deminuit, ut a-
 liquot ab eo ciuitates deficerent, quæ prius ab ipso steterant. Hoc
 modo totum triennium durante bello, tranquilla principatus
 Brandeburgici possessione Bauarus potiri non potuit: donec tã-
 dem reductus in potestatem molitor ille, cômēticius princeps, 30
 & ad ignis supplicium damnatus exureretur. Non ouum ouo
 magis simile, quàm hic Voldemari molitoris motus, illi Musta-
 phæ suppositici conatui similis erat. Ac ne quis inæqualē Dus-
 mi fuisse Voldemarum, ratione potestatis & imperij, quod ad-
 fectabat,

festabat, suspicetur: vt nihil de labefactatis Osmanidarum viri-
 bus post calamitatem Baiaſitis dicam, ſaltem videamus exiſtis
 aliorum annalium manu exaratorum Latinis verbis, quam po-
 tenti principi molitor ille ſuccedere voluerit. Anno, inquit,
 1310 Voldemarus Brandeburgenſis Marchio, mortuis fratrueli-
 bus & patruis, diuiſum in multas partes totum ſolus illius ti-
 tulus obtinuit principatum: & glorians in fortitudine ac magni-
 tudine potentie ſue, curiam celebrem & famoſam indixit regi-
 bus & principibus, prope lógeque poſitis: habiturum ſe nuptias
 10 cum filia patruſui ſignificans, & omnes miſſis veredariis ad hu-
 ius ſollemnitatis gaudium inuitans. Eam tenuit in ciuitate ma-
 ritima Roſtochio, ſita maris ad portum, vnde verſus Daniam, Sue-
 tiam, Noruegiam, & ad partes alias nauigatur: in quem etiam
 nauigia mercium diuerſarum de diuerſis & remotis regionibus
 15 adpellunt. In hac curia fuit rex Daniæ, cum duobus ducibus,
 fratribus ſuis, & immenſa multitudine populi terræ ſue: Duces,
 Comites, Liberi Barones innumerabiles de Saxonia: Marchio-
 nes & magnates tam de illis, quàm de exteris partibus, quorum
 numerus vix poterat æſtimari. Marchio manibus regis Daniæ
 20 miles cum magno decore inſignitur. Mille ſeptingenti nobiles,
 in hoc tirocinio, nouæ militiæ cingulo per Marchionem cum
 pompa maxima decorantur. Ibi Dominarum de diuerſis parti-
 bus formoſarum, ſicut & militum, innuberabilis exſtitit copia.
 Tentoria per campos erecta, ſcarlato circumdata, cum opperi-
 25 mentis, ſubſelliis, & ſtratoriis, velut aurum micantia videbãtur.
 Putei pleni vino, cereuiſia, & medone, ad potandum: ſpecus re-
 pletæ carnibus, piſcibus, & frumento: naues onuſtæ ſpeciebus a-
 romaticis, ad corporales explendas delicias, habebantur. Quæ
 quidem gloria poſt hæc in fauillam breui eſt redaſta, propter
 30 nuptias illicitas, & faſtum gloriæ temporalis. Nam ipſe Volde-
 marus Marchio ſine hærede deceſſit, & ad Imperium totus ille
 principatus ampliffimus deuolutus fuit. Hactenus Annalium
 verba, quorum lectione Magnifico Domino Hieronymo Beck
 a Leopoldſtorf, vt alia plura, debemus. Ex his autem liquido

paret, non minoris fuisse momenti Voldemarianum hoc negotium, quàm illud Mustaphæum. Recenseamus & alia, quæ in comparationem utrimque venire possunt. A Mustapha stabat Imperator Græcus istic, a Voldemaro stabat Germanus Imperator heic: & tanto quidem potentior, quanto Græcum imperium id temporis Germanico debilius erat. Præter Imperatorem cum Mustapha coniuncti principes illic erant, heic Voldemarum quoque principes præpotentes fouebant. Debilitatam Muratis potentiam Græcus imperator, & Turcici volebant principes, quod a Murate sibi metuerent, suæque tueri pariter, & prius ab Osmanidis sibi per vim erepta recuperare niterentur: itidem volebat deminutas Bauari vires Karulus imperator Occidentis electus, quod illum velut æmulum, qui patrem habuisset imperatorem, non abs re sibi suisque rebus formidabilem putaret: volebat eundem ditione Brandenburgica pulsus Rudolphus Saxo, stirpe Anhaltinorum ex Alberti Vrsi posteris editus, ut aliquaratione principatum illum sibi suisque repeteret tandem aliquando posset, quem iure propinquitatis & adgnationis cum Brandenburgicis principibus extinctis, ad se pertinere putabat. Triennio toto Murates imperio potiri quieto non potuit, defendente se istic Mustapha, resque turbante Turcicas: heic triennio nec Bauarus uti frui Brandenburgica regione, nec vinci potuit Voldemarus. Mustaphæ tristis fuit illic exitus, heic infelicior molitoris Voldemari. Mustapham neci dedit istic laqueus, heic Voldemarum rogos absumsit. Hoc modo causas, consilia, personarum rationes, & rerum euenta fuisse consimilia, respondentibus etiam temporibus ipsis, videmus: ideoque tam sibi rebus omnibus gemina, tam illustria duo sæculi vnius exempla, iucunda lectu, consideratione digna, libenter heic ob oculos ponere studiosis historiarum voluimus.

VARDARIVM OPIDVM. VARDARIVS

amnis. Vardariota. Vardari. Verdari.

Quod legitur in annalibus Vardarium, Thessaliæ opidū est, 84.
est, ad Vardarium flumen, quod Axium priscos dixisse, Prætor
5 noster & alij notant, ad septimum a Thessalonica lapidem sitū:
licet fossæ Vardariæ 100 milliaribus Græcis absint a Thessaloni-
ca, de quibus alibi. Meminit Leo Sapiens Augustus in nouella
de Thronis episcopatus Vardariotarum, quæ metropoli Thessa-
lonicensi subiicit. Et hosce Vardariotas etiam Turcos nominat,
10 translatos aliunde scilicet huc, ad Vardarium fluuium. Scribi-
mus autem Vardarium, more Græco: quum alij Bardarium ma-
lint, contra pronuntiationem incolarum, quibus est Vardari, &
Verdari.

15 CHYSEIN BEG, GRAECIS ZVNAITES.

Quem Turcici annales Chuseinem begum, Ismyræ princi- 85.
pem nominant, Laonicus Zunaitem vocat Smyrnæum princi-
pem: quicum Dufme Mustapha captiuus a Græcis custoditus
20 fuerit in Epidauri arce, nunc Monemuasiasive Maluasias, & in
Imbro Lemnoq; insulis, quàm diu Sultanus Muchemetes vix-
rit, cui quidem hac in re gratificati sint. At Muchemete mor-
tuo, Mustaphas cum hoc liberatus, & Murati Muchemetis filio
fuit oppositus, præfenti cum rerum Græcarum discrimine, sicut
25 idem prolixè commemorat. Obiter hoc etiam adiicitor, Zuan-
item hunc dici Sansouino, non Zunaitem: per oscitantiam scri-
ptoris, ut puto,

30 VLVBAT. LOPADIVM. LVPADI.

Rhyndacus. Michalizi.

Monuimus supra, numero notarum 16, quod Turcis opidum 86
minoris Asiæ dicatur Vlubat, Laonico Lopadium esse, nunc
vulgo Lupadi nomen habere. Melienfis Antonius, Podota

noster, cuius supra meminimus numero notatum 24, Lapidum quoque dici volebat. Sed heic addendum, non opidum duntaxat esse Lopadium: sed etiam lacum Lopadium & profluentem e lacu Lopadium amnem, eodem conspici loco, & iisdem ad pelari nominibus. Licet hoc etiam perspicue de Laonici verbis intelligere, quum res easdem referens, ait: Eo tempore castra Muratæi metabatur prope Lopadium lacum, & regionem Michalicij vastabant: ubi lacus multis ambagibus per angustias in mare semet effundit, & ibidem pons est. Mustaphas autem accedens, castra locavit iuxta ostium fluuij, qui ex lacu promanat. Quibus 10 in verbis quæ Michalicij regio vocatur, nunc Michalizi, tam ab huius nominis fluuiio, quam ab opido dicitur: quod a Lapido siue Lopadio milliariibus Græcis 10 distat. Addendum & hoc, amnem Lopadium priscis dictum fuisse Rhyndacum.

Falso rumore didito, res magni momenti confecta.

13

- 87 Præter illud strategema, quo Mechemetes begus Michaloglius Mustaphæos proceres ac milites in partes Muratis adtraxit, aliud etiam a Laonico memoræ proditum est, quo singularis vafrieciei commeto res pariter ac spes omnes Mustaphæ funditus eueritæ corruerunt. Ait enim, missis ad Græcorum imperatorem ac proceres, tam a Murate, quam Mustapha legatis, Græcos tandem re deliberata Mustaphæis adsenfos, Muratorum postulata reieciisse. Tum vero Muratæos suorum in castra, maxima cum festinatione reuersos, mox falsum sparsisse rumorē, 25 quo Græcos adfirmabant Muratis partes amplexos. Eare per transfugas, vt sic, in hostium quoque castris didita, summo opere perturbatos Mustaphæos, quorum legati cum peroptato Græcorum responso necdum adpulerant, abiectis animis vel Muratiste gratiæ ac fidei permisisse, vel fuga salutis cōsuluisse: quod ab ipso quoque Mustapha factum, Zunaite patritum ad principatū se recipiente. Memorabile profecto exemplum, quo pacto nōnumquam in bellis res maximæ rumoribus vel prosperis, vel aduerfis, cum dextentate sparsis, perficiantur.

EVGA.

BVGA. GVBA, PRO BVGA.

Quo loco sita sit Buga, satis intelligi potest de notatis superius 88. ad numerum 24. A Lopadio non longe distat, habetque lacum, ex quo promanat amnis Buga, ciuitati cognominis. Recentioribus luba vel Guba scribitur, litteris transpositis. Amnis Buga, quem diximus, Lopadio flumini miscetur: quod itidem Græcos olim Rhyndacum adpellasse, paullo ante notauimus.

GENVENSES QUIDAM IN EVROPAM MV-

80 *ratis 11 copias trans Hellespontum, accepta mercedem maxima, transportant.*

Referunt Turci, Muratem, ut Mustapham fugientem oppri- 89.
meret, quum omnes ad Hellespontum propter Calliopolitanū
traiectum naues in terram ille subduxisset, mercatorum impos-
15 sitas nauigiis copias suas trans Hellespontum vehi curasse. Qui-
bus in verbis, quinam illi mercatores fuerint, nō exprimitur. Sed
Laonicus, rem disertius exponens: Præuerterat, inquit, Amura-
tem Mustaphas, Callipolim transfretando. Amurates vero na-
20 tus Ianuensium nauim maximam, quæ forte adpulerat, cum
gubernatore paciscitur, ut se cum Peregrinis & militibus Ianuæ,
(stipendiarios & Portæ milites vertere debuit interpres) reliquis-
que copiis, in Europam transfugeret. Mercedem gubernatori
soluit maximam, quantam pollicitus pecuniam fuerat, im-
25 pigre numerando. Hinc ergo iam cognoscitur, mercatores illos
fuisse Genuenses, quibus alij Muratem in singula transfuehen-
dorum capita ducatos singulos, alij binos soluisse memorant. Et
notandus hic locustam Laonici, quam annalium, propter no-
strorum alucinationes, quorum alij nauatani hanc Turcis aiunt
30 a Genuensibus operam tempore primæ Turcorum transfectio-
nis in Europam, in quibus est Nicolaidēs, de quo supra dictum
numero notarum 24: alij referunt ad id tempus, quo rescissis au-
thoritate Pontificis indutiis, quas Vladislaus Polonus Vngariæ
rex cum Murate pactus fuerat, Eugenius III Pontifex, & Ita-
PP

liae principes, Vngaro promiserunt, se triremibus obsecuros Hellespontum: quo minus ex Asia Murates, vbi bellum contra Caramanum gerebat, in Europam transmittere, conatusque Vladislai regis, Europa Turcos eiekturi, posset impedire. Quo sane tempore, si Genuenses transportandis Turcis operam Murati nauassent: ceu pessime de tota meriti republica Christiana, diris omnium deuoti fuissent. Sed hoc quidem eos Laonicus & annales hi crimine liberant, quum interim negari nequeat, hanc Genuensium, priuatorum tamen hominum operam, in hoc tempore contra Mustapham Murati praestitam, non leue Graecorum rebus adtulisse damnum, ac proinde ceteris etiam totius Europae populis Christianis fuisse noxiam. Bolairis & Ezeae planicie loca superius exposita sunt numero 25. Tantum heic obseruandum, nomine Boleri siue Bolairis, etiam opidum heic situm intelligi. Mortis genus, quo Mustapham Murates adfici iusserit, nimirum vt de pinna quadam murorum vrbis Hadrianopolitanae suspenderetur: a Chalcocondyle silentio praeteritum, a Turcis memoriae proditur.

LAZARI DVO, SERVIAE DESPOTAE,

20

simul.

90. His annis Bonfinius cum vno Georgio, Despota Roxianorum siue Razianorum, qui & Seruij, Muratem bella gessisse scripsit. Annales vero Turcici tradunt, anno Christiano 1427 Lazarum Despotam senem ditione sua prorsus exutum: nihiloque minus anno sequenti proximo Muratem, instaurato bello, Lazari regionem vniuersam populatum esse. Quibus ex verbis equidem colligo, nomine Lazari senis intelligi Stephanum, Lazari primi filium, quem Murates regno eiecerit: sed ab eius filio receptam mox ditionem, a Murate direptam anno proximo fuisse: Lazarum vero iuniorem hunc, Georgij nomen habuisse perspicit ex horum Despotarum stemmate lector, quod supra, numero notarum 54, dedimus.

IBRAHIM

IBRAHIM, PRAIMES, ET MPRAIMES.

Qui Turcis Ibrahim bassa, Chelilis bassæ pater dicitur, Lao- 91.
 nico Praimes est, Aliis filius: quo loco notauit ad libri marginē
 interpretes, hunc eundem esse cum Chaiambego. in quo sane falli-
 5 tur. Nam hic Chaiambegus interpretis, Laonico libro sexto Ca-
 rambes dicitur, Priami filius, Chelilis frater. Vbi nota, Priamum
 vocari nomine corrupto, loco Praimis, quem Græci Mpraimem
 scribunt, ob difficilem ipsis pronuntiationem litteræ nostræ
 B, pro qua M P ponunt: ut Mpaiafitēs, pro Baiafitēs: Romper-
 10 tus, pro Robertus: Mpiperius, pro Biberius, cognomine Tiberij:
 Mpaiulus, pro Baiulo: quæ posteriora duo reperiuntur apud Ce-
 drinum & Gregoram. Laonicus libro deinde octauo etiam Prei-
 mem, siue rectius Mpreimem dixit. Et Græcum Praimes siue
 Preimes, Turcicū Ibrahim, facta sunt ex Hebræo Abraham.

15 MYRATES SALONICAM EXPVGNAT.

Annales hi quidem non indicant, cuinam Murates Salonicā 92.
 siue Thessalonicam ademerit: sed res sic habet. Anno Christia-
 no 1423 Thessaliæ ciuitas Thessalonica vendita reipublicæ Ve-
 20 netæ fuit ab Andronico Palæologo, Manuelis Imperatoris Græ-
 corum antepenultimi filio, pænultimi Ioannis, & vltimi Con-
 stantini fratre: cui lege permutationis, annui redditus ciuitatis Tar-
 uisinz cesserunt. Sed mortuus fuit Andronicus in itinere, dum
 Venetias nauigaret. Nihilominus vrbe potiti Veneti, suos eò
 25 Rectores misere: quorum primus fuit Marinus Bondomerius,
 cum titulo Comitis Thessalonicæ. Vēditio propterea facta fuit,
 quod Græci nullo se modo Thessalonicam aduersus Turcorum
 vim posse tueri viderent: licet vrbs ipsa magnitudine insignis, co-
 piis locuples, Thermaici sinus portu nobilis, nec vlli Græcarum
 30 ciuitatum ceteris ornamentis inferior esset. Anno deinde 1431
 Sultanus Murates eam obsedit, ac multoties oppugnatā, Vene-
 tis tandem eripuit: cæcis defensoribus, ac præsidij Veneri reliquiis
 naues ingressis, quæ in portu stabant, earumque subsidio Tur-
 corum e manibus dilapsis.

93. Quæ Turci montana Zogæ vocant, Græci vel Toganû montem, vt Laonicus vel Tuganum, vt Prætor noster, dixerûnt. Laonicij locus hic est. Multaphas, inquit, tandem nusquam tutus, fugasse contulit in montem, quem incolæ Toganum vocât. Prætoris autem hæc verba sunt: Imperator etiam montem Toganû in potestatem redegit, & opidulum in eo condidit: quo Nicolaû Cotertzen ablegauit, vt excubias illic ageret, & Latinis intra Tzurulum degentibus negotia facesseret: quod quidem opidû Tzuruli non magno tempore interiecto Romanis a copiis occupatum fuit. Quibus e verbis intelligitur, Thraciæ môtē esse Tuganum vel Toganum, vicinum Tzurulo, de qua superius dictum, numero notatum 26. Zoga vero Turcicum, eam ad Toganum rationem haber, quod pronuntiationem adtinet, quam Ozman vel Osman, ad Othman.

ARBANIA. ALBANVM. ARNAVTLAR.

94. Quam Græci veteres Epirum dixere, nunc Arbaniam vocant, & Albaniam. Nomen Arbanix reperitur in libro Græca lingua vulgari scripto, cui nomen Portolanus. Albanum Prætor Græciæ noster hanc regionem indigetat. Incolæ Turcis Arnautlari nominantur, a quibus iam maiori ex parte Morea quoque, siue Peloponesus, inhabitatur.

HERZEC, HERZEGOVINA. BOZINA

duplex. Sandalis regio. Dux Sancti Saba.

95. Regia Bozinæ superioris, versus Iadram siue Zaram, & Epidaurum, nunc Ragusam se porrigentis, Herzeca Turcis adpellatur, a Castaldo, Chersec: ab aliis Orzega, a Bozinacis & Croatis Herzegovina: quod Ducis siue Principis sedes esset, quem Bozinaci Croatique, cum Vngaris, Germanico vocabulo nominant.

nominant Herzog. Quippe duplex erat olim Bozina, superior & inferior: quarum hæc regem habebat, quem Illyricorum regem nuncupat Chalcocondyles: illa principem siue Ducem, quem etiam Sancti Sabæ Ducem vocabant. Laonico Sandalis regio dicitur, & incolæ Cuduergi ab eodem adpellantur, haud scio an non corruptis vocabulis, vno ex Sanfaba, sicut Itali pronuntiant, altero ex Herzecoui. Sed plura de his infra, quum in Baiafitis II vita de Achmete bassa Cherseogli siue Chersecogli tractabimus, notarum 161 & 162 capitibus. In tabulis chorographicis pro Hercego ciuitate reperias alicubi scriptum Sercico, sed corrupte.

BULCI FILIA MVRATI NVPTA.

Nomine Bulci accipe Georgium Bulcouthium, Seruix Despotam, & vide notata superius ad numeros notarum 46 & 54. Filiam huius, Murati nuptam, plerique vocant Irenen, cognomento Cantacuzenam, in quibus est Geufræus, quem Reinecius sequitur. Sed hi quidem errant. Nam recte scripsit Spanduginus hanc Mariam fuisse dictam, quæ nata fuerit non Cantacuzino, sed Iurgo (sic Seruij Georgium vocant) Despota patre. Cantacuzina tamen Irene matre, quæ soror fuerit Georgij Cantacuzini. Georgius autem, quod Spanduginus non addidit, nepos erat imperatoris Ioannis Cantacuzini, ex Matthæo filio, Albanensium principe. Quapropter hæc etiam Maria neptis fuit eiusdem Ioannis Imperatoris Græci. Fallitur & Bonfinius, qui Despinam hanc Synderouia capta Turcorum in manus venisse scribit: quum ex annalibus his constet, illam urbem anno demum post initum hoc matrimonium tertio fuisse occupatam. Et notandum, hanc Murati nupsisse anno Christiano 1435, vel Mahumetano 838: post biennium verò, circumcisum fuisse Muchemetem Muratis filium. Hinc enim intelligitur, non fuisse natum ex Maria Despina Muchemetem, quod vulgo magnis etiam a viris memoræ proditur. Quippe bimuli apud Turcos circumcidi non solent Et tradunt annales, Muchemetem natum anno Mahumetano 833; circumcisum anno 841. vnde colligitur, o-

Atennem fuisse, quum circumcideretur. Adde testimonia Græcorum, Chalcocondylis & Spandugini; quorum ille Georgij Despotæ filiam, Muchemetis nouercam expresse vocat: hic vero Muratem ex Maria Despina nullam suscepisse subolem, disertis itidem verbis tradit. Habes etiam initio declarationis huius, prima statim nota, de hoc quædam a nobis exposita.

BVRVZ, BARAZ, CIBYRA.

97. Castrum (hoc nomine ciuitates etiam Turci vocant) Buruz, 10 in Anatoliæ tabula chorographica Baraz nominatur, & ad fluuium Madren collocatur, qui veteribus est Mxander. Olim Cibura dicebatur, vnde per aphæresin Buruz fecere barbari, quod verum huius nunc opidi nomen est, non Baraz. Græci veteres Cibyren nominarunt, & allui a Mxandro flumine scripserunt. 13 Leo sapiens imperator hanc primo loco refert inter episcopatus Strauropolitane metropoleos in Caria.

*RITVS PONENDI PRIMVM IN SACRIS
ædificiis lapidem.*

20

98. Interalia, quæ Græcorum imitatione Turcos facitare solitos, aliquoties monuimus: hoc etiam refertor, quod heic narratur, Muratem nouum templum Hadrianopoli cõditurum, quodam die Veneris (quo Turci festum suũ hebdomadariũ celebrant) 25 summo mane, primum templi lapidem manibus suis posuisse. Nam is quoque ritus a Græcis imperatoribus ad Turcos manauit. Recitabo dumtaxat vnum exemplum de omnium illustrissimo totius orbis ædificio templi Constantinopolitani sanctæ Dei sapientiæ, qui Christus est. Id quo conditum mo¹ do, quantis sumtibus, quot annis fuerit: expolitum a Græcis est libello quodam manu exarato. Leguntur autem in eo quædam huc pertinentia de Iustiniano Augusto, tanti operis auctore, quæ Latinis verbis fere totidem lectori dabimus. Quum ponendo, inquit,

inquit, fundamento principium daret imperator, Eutychium patriarcham aduocauit, qui preces ecclesiæ struendæ causa concepit. Imperator autem manibus ipse suis calcem testa præhendit, ac primus omnium in fundamentum proiecit. & cetera. Quibus sane verbis, quonam modo primus lapis in structuris talibus poni soleat, declaratur. Nam quum maxima fundamentis eiusmodi saxa sint adhibenda, quæ vix plures operarij simul, nedum vnus aliquis princeps, loco mouere possunt: amplissimus scilicet lapis ipso præsentē, manumque nonnihil admouente, ad inchoandum opus ab his suo loco ponitur: cui deinde primus imperator, aut princeps auctor ædificij, calcem iniicit: atque ita struendo ædificio principium dedisse intelligitur.

OPIDI SEMENDRIÆ DIVERSA NOMINA.

15 *Georgij Despotæ Seruiorum varij casus.*

Quod opidum Seruiæ, non procul a Belgrado ad ripam Danubij situm, Semender Turcis adpellatur, aut Semendre: diuersis est nominatum vocabulis ab historiarij scriptoribus. Syn-
 20 derouiam vocat Bonfinius, Spenderoben & Spenderouia Laonicus, Simandriam Busbequius, Iouius Samandrium, Smendroum Spanduginus: ex quo Laonici Spenderoben arbitror equidem mutandam in Smenderouen. Vngaris est Zendrew aut Sendrew, nomine a vulgo corrupto ex Sancto Andrea, cuius hoc cognomen habet & aliud castellum in Vngaria superiori, quod hodieq; nostri iuris est. Seruiana Semēdria siue Sendre-
 25 uia nunc Sangiacatus est, Budensi Beglerbego subditus. Obsessa tunc a Murate, defendebatur a Georgij Despotæ maiorib' natu filiis, Stephano (qui per errorem a Laonico iunior creditus fuit)
 30 & Georgio, sicut ait Bonfinius. Laonicus enim in eo quoq; fallitur, quod Stephanū id temporis in castris ad Semendriā Muratē fuisse scripsit, obsessumq; dūtaxat Georgiū, tamdē fecisse deditionē. Quippe fratres ambo deditione facta Muratis in potestatem venerūt, & eandem sustinere pœnam, oculis adhibito

candēti ferro visu spoliati propterea, quod patrem instigasse filij ad defectionem putarentur. Is autem cum filio minimo nato Lazaro profugerat ad Albertum II Imperatorem Austriae cum, & Vngariae Bohemiaeque regem, Sigismundi Augusti generum & successorem, ut ab eo contra Muratis vires auxilia postularet: quae quidem impetrata fuere, sed nihilominus succursus tardius, & interim dedita Murati Semendria. Quapropter Georgius cum Lazaro filio, suisque thesauris, qui ducatorum quinque centena millia continebant, ad Ragusam se recepit, & ibidem in exilio priuatus aliquamdiu vixit. Sed quum Murates non desineret agere cum Ragusis, ut ipsi dederetur, quo quidem nomine maxima quaeque Ragusis offerebat ac pollicebatur; praemonitus ab eis Despota, cum thesauris ad Alberti successorem Vladislauum Polonum, Vngariae regem, se contulit: eiusque tandem operis institutus in integrum fuit, uti deinceps suo loco dicetur.

ALBA GRAECA. BELGRADVM CHRISCH.

*Permutatio Georgij Despotae cum Alberto II
Augusto, nomine Belgradi.*

100. Huius etiam urbis varia nomina sunt, Alba Graeca, Nandor alba, Beligrada numero multitudinis Cedrino, Belgradum, quod Seruiorum lingua significat arcem albam, (Poloni Bialogrod dicunt) Geufraus denique Chrisch etiam dici vult, quod mutilatum est ex integro nomine Germanico, Griechisch Weissenburg; id est, arx alba Graeca. Priscis Taurunum fuit, uti Busbequius ex antiquis numismatibus recte docet. Propugnauit eam hoc tempore contra vim Muratis Ioannes Auranes. Obsidione, quae septem mensibus durauit, decadis II libro IIII descripsit Bonfinius. Erat tunc in Vngarorum potestate Belgradum, quorum rex Albertus Austriacus eam munitionem a Georgio Despota Seruiorum iure donationis, ut Lazius; lege permutationis, ut alij scripserunt; consequutus fuerat. In Austriacis genealogiis Lazianis haec legimus: Alberto II vix regni gubernacula ingressus, Amurates Serui Despotam adortus, Albam Graecam ad confluentes Danubij & Savi positam, natura & opere munitam, obsidione cingere

vingere cogitabat, omni genere adparatus terra & aqua instru-
 ctus. Quam vim ac potentiam hostis Despota considerans, quo
 in ceteris tuendis auxilio sibi rex Albertus esset, munimentum
 illud ei donauit. Ab hoc Huniades illi loco præficitur, ob eius
 5 singulare momentum: quippe qui ad trium fluminum cõfluen-
 tes litus, Sauo in Italiam, Histro in Austriam atque Germaniam,
 Tibisco denique in Transsiluaniam, Poloniam, & Morauiam,
 hosti potentissimò viam ostentaret. Aduentu Alberti cum co-
 piis, Albæ obsidio soluitur. Hactenus Laziana, quæ errore nō ca-
 10 rent, quum donatorem interuenisse, non permutationem, tra-
 dunt. Audiatur & Laonicum. Erat, inquit, huic in Pannonia
 non contemnenda regio, cum vrbibus multis & opulentis, quas
 permutatione facta cum Sigismundo, pro Belgrado Eleazarus
 acceperat. Hęc enim vrbs mire placebat regi, vt oppòrtuna, pro-
 15 pter portus commoditatem. Quippe Belgradum duobus cir-
 cumfluitur fluiuis. Ab vno Ister, ab altero latere Sauus fluit, qui
 istic in Istrum effunditur. Ergo Lazius ex Chalcocondyle corri-
 gendus, vt permutationem factam sciamus, non donationem:
 ac vicissim Chalcocondyles emendandus ex Lazio, pro Sigis-
 20 mundo vt Albertus, pro Eleazaro Georgius ponatur. Bonfinius
 etiam ipsa loca recenset, quæ pro Belgrado hac permutatione
 Georgius acceperit: castella nimirum hæc, Zalonkemen, (Sa-
 lankemen vocabant nostri comites. situm est supra Belgradum,
 ad ripam Danubij, e regione ipsius ostij Tibisci, qui se in Danu-
 25 bium heic exonerat) Bechien, Kelpen, (Vngari Kerpen dicunt)
 Vilagofuarum, Tocaium, Moncachum, (Vngari Muncazium
 nominant) Thaalliam, Regezum: opida vero hæc, Zathmarur,
 Bezermem, Debrezen, Thurum, Varfanum, & alia.

30

NOVA. NOVOGRAD.

Quæ Turcis & Croatis Noue dicitur, arcis nouæ significatio-
 nem habet, in Seruiæ finibus sita. Nunc ibidè sangiacus est Tur-
 101. cicus, Budæsi subiectus beglerbego, cum nomine Nouograden-

QQ

sis. Primus hanc Murates cepit, sed Christiani recuperarunt: & sub Muchemetē II rursus eam amiserunt: in cuius vita de hac quzdam adijciemus alia, capite notarum 132.

SCACH ABEDIN BASSA.

Sabatines.

102. Qui a Turcis heic nominatur Scach Abedin, Italis historicis Sciabadin, ex Bonfinio, Chalcocondyli Sabatines eunuchus est, quasi Sa Badines. Sic Busbequio Sagtamas Persarum rex est, 10 qui & nobis, & ipsis dicitur Scach Tamas, vel recti⁹ Scach Techmas: & idem Bagtamas eidem, qui nobis Beg Tamas, vel Techmas beg, id est, Dominus vel princeps Techmas. Sic & Tzanisa Philippo Bergomati est Scach Tzanorum. Edzis begi natales ad illum Edzem begum refero, qui sub Vrchane, Soleimani Vr- 19 chanis filio militavit: & propterea begos hos Edzeos ipsis etiam Eurenosis, & aliis nobilioribus Turcorum familiis, secundum Osmanidas, præferendos puto.

MESID BEG, INTERFECTVS. PANNODACIA. 20

Ardelium. Erdel, seu Ertel. Tosibinium.

Laonici Cudumidas.

103. Narrant annales Turcici, mandato Muratis Mesitem begum per Valachiam in Vngariam, cum exercitu, penetrasse: sed 25 mnibus ibi cum copiis fuisse cæsum. Heic primum notabit lector, Mesitem Laonico dici Mezetem, Europæ præfectum, hoc est, Romanix beglerbegum, Bonfinio Mezetum. Valachix vero nomine, Transalpinam heic intelligi, auctore Bonfinio, de qua superius numero 71 dictum. Quod aut iussum referant Me- 30 sitem ingredi Vngariam, accipiendum de Transsilvania: quam hoc loco, sicut alibi quoq, Pannodaciam Laonicus a Pannonibus siue Pxonibus, & Dacis, qui Valachigemini sunt, a quibus Transsilvania circūdatur, adpellat: Idem mox subjicit hæc verba: Panno-

Pannodaciz regio, Ardelium nominatur. Addit etiam, metropolim huius esse Tosibinium: quæ vox quomodo ab interprete corrupta sit ex Cibiño, quod nunc manet apud Vngaros nomen, & Germanis est Hermestadium, supra capite notarum 12 docuimus. Et sunt profecto corrupta mirifice in edito Laonico vocabula propria. Quis Cudunidâ cogitaret esse Culionidem, nisi valde peritus eorum temporum historiz? Bartholomæus is certe Collionus erat, nobilis dux Bergomas: cuius etiam gentiles finatos quis dicat ex familia de Collisionibus, quis diuinare mox posset, hos ortos familia nobilium Bergomatum, quibus nomen sit a Collionibus? Ita nimirum corrupta vox legitur in vita Karuli IIII Augusti, quam Reineccius noster publicauit. Ad annalium nostrorum seriem ut redeamus, erat id temporis Ardel j regio (nunc Vngaris Ertel dicitur) Iango Choniati commissâ creditaque, sicut Laonicus ait: id est, Ioanni Huniadi, longe illustrissimo duci, Matthiz regis Vngariz patri: quem Geufræus Iancû Banum adpellat, vocabulis infra declarandis. Hic Mesitem Romaniz beglerbegum, auctore Bonfinio, cum xxci Turcorum fudit, cæcidit, interemit.

20

SOPHIA. TIBISCA. SCOPIA. SARDACIA.

Sardica. Triaditza.

Satis notum est Sophiz nomen, opidi Bulgariz magni & populosi, licet nulla sit ex parte munitum. Ibi diem nos vnum & alterum hesisimus. Ad marginem Chalcocondylis hæc adscripsit interpretis verba: Sophia, nunc Scopia. manifestus hic error est, quum urbem Scopia diserte Laonicus in Macedonia collocet. Vide notata inferius capite 169. Marius Niger Sophiam veteribus adpellatam putat Tibiscam. Bonfinius ait, urbem a templo, quod magnifico sumtu Iustinianus extruxerit, nomen accepisse. Atqui nullum heic templum tale vel olim fuit, vel hodie saltem ex aliquibus ruinis agnosci potest: & a templo Constantinopolitano, quod Iustinianus Sanctæ Sophiz siue Dei sapientiæ

QQ ij

nomine splendidissimum condidit, hoc opidum, 14, vel 15 die-
rum iuicere diffitum a Constantinopoli, vocatum fuisse, quis
credat? Idem addit, Sardaciam hanc olim fuisse dictam, a Sardis
& Dacis: hoc est; a gentibus longissimo terrarum spatio, & ipso
quoque mari discretis. Subijcit deinde, celebratam ibi fuisse
quondam synhodom Sardaciensem vel Sardaicenssem. Hinc
vero tandem intelligitur, de Sardica loqui Bonfinium, vbi Sar-
dicensis habita synhodus fuit, sub imperio filiorum Constantini
Magni. Ea vero non heic querenda, nec hodie Sophia dicitur,
sed Triaditza: quod ei nomen etiam etate sua fuisse, Glycas no-
ster scripsit.

SCACHI ABEDINIS EXPEDITIO INFELIX.

Iancus Turcos cedit.

105. Quum heic dicatur ablegatus fuisse beglerbegus Romaniz,
hoc est Europæ, Scachus Abedines, cum vniuersis Romaniz co-
piis, & Acanziis, & Genizaris: haud dubie magnus illi a Murate
datus fuit exercitus, quem Bonfinius æstimatum fuisse scribit o-
ctuaginta Turcorum millibus: quod equidem annalium verba
considerans, vero consentaneum putô: quamuis adijciat Bonfi-
nius, id non facile fidem admittere. Caesarum certe numerus ei
fidem facere debebat, quum fateatur triginta Turcorum millia
fuisse tunc interfecta, capta quinque millia. Expeditioni causam
præbuit tum Mesitis bassæ calamitas, paullo ante cum suis ad in-
ternicionem deleti: tum vtriusque Valachiæ defectio, quæ au-
ctore Ioanne Huniade, Turcorum a fide discesserat. Hunc enim
annales intelligunt Ianci nomine, quo gentibus illis Ioannes di-
citur. Laonicus (vt indicatum) Iangum Choniatem, Spandug-
inus recte Iancum Vaiuodam adpellat, videlicet Erdelij siue
Transilvaniæ, Geufræus Iancū Banum: de quibus officiorum
ac dignitatum in Vngariæ regnô præcipuarum nominibus, par-
tim capite notarum 71 diximus, partim infra
diſturi sumus.

VLADISLAI REGIS VNGARIAE PRIMA

contra Turcos expeditio.

- Ante omnia declaremus heic positum in annalibus personarum aliquot nomina. Rex Vngarorū, expeditionis huius auctor Vladislāus erat, ex Poloniæ regum, Iagelloniæ stirpis, familia: quem Vngari plerique, deserto Ladislao Austriaco, Alberti et Augusti postumo regni administrationi præfecerant. Iancus qui nominatur, Ioannes est Huniades: Lazarogli, siue filius Lazari, Seruiæ Despotæ Georgius, Græcis & nostris Stephani filius, Lazari nepos. Casan vel Casam bassa Turcis scribitur, quæ Geufizus Carambegum nominat, & nigrum dominum siue ducem interpretatur: Philippus Callimachus magis corrupte Carambūm vocat, Laonicus Chasanem, sicut & Turci: quod verum ei nomen fuisse crediderim, & alterū cognomen, a nigredine: sicut & aliud Celepini cognomen eidem tribuit Bonfinius, a nobilitate. Turci tradunt, Romanicæ siue Græciæ beglerbegum hunc fuisse, Laonicus Europæ ducem, quod idem est Bonfinius vero Natoliæ facit beglerbegum, & copias huc e Natolia traduxisse memorat, quod verò non sit simile: Nam, ut nihil de consensu horum annalium cum Laonico dicam, sane credibilius est, hunc Græciæ vel Europæ beglerbegum fuisse, qui occiso ab Huniade Scacho Abedini Romanicæ beglerbego successerit, & e propinquo cum Europæ copiis hosti occurrerit: quum Anatoliæ beglerbegus ab hisce regionibus longius remotus esset, nec cum exercitu tam facili momento posset Hellepontum transmittere: ut interim taceam, quantum periculi rebus Anatoliæ creaturus fuisset beglerbegi discessus in Europam, necdum ab Osmanidis oppressa Caramani, hostis perpetui, & aliorum potentia. Quod cæsus fuisse cum suis Casanes in annalibus legitur, non sic accipiendum, ac si fuerit interfectus. Tradunt enim scriptores historiarum magno cōsensu, (præsertim Bonfinius, & Callimachus, qui aut tunc, aut non multo post vixit, & Poloniæ regibus, Ioan-

ni præsertim Alberto, familiaris fuit) hunc bassam non occisum fuisse, sed captum.

CLISYRAE ISLADINAE. SLADITZA, PRISCIS
Osmus fluuius. Capi Derbent.

107. Clisuras dixi, nomine Græcis historiis noto, vias siue transitus angustos admodum, per loca montuosa, quæ Latinis olim furcæ nominabantur, & fauces. Sic Iustiniano Rinotmito Cedrinus: in reditu eius obsederant Bulgari vias in angustia clisuræ. Exposuit & restituit alicubi vocem Cuiacius, Iureconsultus clarissimus, deriuatam a verbo Græco, quod occludendi significationem habet. Isladinas vero clisuras heic intelligunt Turci, quæ in Thraciam ex Bulgaria profecturis in Hæmo monte occurrunt eo loco, quo paruus amnis Sladitza subter clisuras Hæmi labitur. Nam ut Bonfinius scripsit, a Sophia duplex iter est, ad superandum Hæmum, in Thraciam & Macedoniam euntibus. Vnus aditus a Traiano plerisque putatur factus, ubi adhuc quadrato lapide porta maxima spectatur. Alter ad paruum est amnem, quem Sladitzam Bulgari vocant. Prius iter nos tenebamus, in quo portam illam reperimus, ad pagum Bulgaricum sitam. Et locum hunc Turci comites nostri nominabant Capi Derbent, hoc est, portam faucium vel angustiarum. Alter aditus est ille, de quo heic agimus, & quem Isladinum annales vocant, a Sladitza fluuiolo. Cedrinus heic amnem Osmum ponit, quem arbitror esse Sladitzam. Locus est in vita Constantini Monomachi siue Gladiatoris. Basilitzæ nomen apud Laonicum, in expositione cladis huius Turcorum, vitiose scriptum vix dubito: licet non ignorem, velle Geufræum, Basilitzen nouo vocabulo nunc Hæmum dici: cuius opinionis penes ipsum fides esto.

GEORGIUS DESPOTA CVM LAZARO
filiorestituus a Murate.

108. Lazarogli, siue Lazarides, Georgius scilicet Despota, post primam hæc expeditionem Vladislai regis, in gratiam rediisse cum Murate

Murate traditur heic in annalibus, idem & Laonico referente: sed addit hic, fuisse tunc restitutum cum patre Georgio Lazarum quoque minorem natu filium, cum tributi quotannis soluendi onere, quod erat definitum parte dimidia redituum totius Seruiani Despotatus. Hinc ergo Cureus Silesiorum chronographus refutatur, qui scripsit, Georgium post cladem Varnensem Amurati reconciliatum, sua recuperasse: hoc est, anno post hanc Vladislai victoriam tertio: quum omnino constet, ante Varnensem expeditionem inuitatum a Vladislao rege Despo-
 10 tam ad belli contra Muratem suscipiendi societatem, id nullo modo facere voluisse: regemque cum Huniade propterea sibi reddidisse infestum. Capita pacis inter Vladislaum & Muratem, post cæsos ad Isladinas fauces Turcos, apud Laonicum, Bonfinium, & alios, leguntur.

15

CHELILIS BASSAE NOMEN

corruptum.

Adtigimus de hoc quædam numero notarum 29, & rursum 109.
 91. Apud editum certe Laonicum tam filij Chelilis, quam patris
 20 Ibraimis heic corrupta leguntur nomina. Sunt enim hæc eius verba: Potentiam maximam tenebat Chatites Priami filius, quo in ianuis regis vir prudentior non erat. Primum in his Chatites, mutandum in Chaliles, & Priamus in Praimem vel Mpraimem: quibus litteris Mp Græci nostrum B conantur exprimere, sicuti
 25 cap. 91 dictum: prorsus vt Mpraimes sit Braim vel Ibraim. Geufræus etiam nomen eius corrumpit, cui Chaly bacha scribitur, & Haly bacha, pro Chalil vel Chelil bassi. Laonico sane Chaliles, & Alies, vel Halies, (qui Turcis Ali) diuersa nomina sunt.

30

EXPEDITIO SECUNDA VLADISLAI REGIS,

post violatas decennales indutias.

Causas expeditionis secundæ Vladislai regis annales hi Tur- 110.
 corum nō exposuerunt, sed apud nostros, Laonicum, Callimachum, Bonfinium, plene cōmemoratas legimus. Tradunt enim,

Eugenium III Pontificem, ubi decennales Muratem inducias cum Vladislao rege pactū accepisset: tantum opera Iuliani Cardinalis Cæsarini legati a latere, apud iuuenem & audum gloriæ regem, aduersantibus interim magnis viris, qui religionem pacis ac fœderis, interuenientibus sanctissimis iurisiurandi vinculis iñti, minime violandam adfererent, perficere potuisse: tandem ut auctoritate pontificia rescissis induciarum pactis, arma contra Muratem, rursus capiēda decerneretur. Aiebat enim Pontifex, initam cum infidelibus pacem, non consulta prius Apostolica sede, ratam haberi non posse: præsertim, quod ea videretur in perniciem ac detrimentum reipublicæ Christianæ facta. Sic reintegratum temere fuit bellum, de cuius exitu plerique viri sapientes male tunc etiam ominabantur. Quippe Murates bona fide præstiterat, quæcumq; mutæ pacis tabulis ad se pertinetia continebantur, & præstiturum se fuerat pollicitus: nihil minus fore veritus, quam ut Christianus rex, tantæ virtutis ac fidei, cum Huniade, ceterisque præstantibus viris, tam infami perfidiæ scelere semet obstringeret. Sedenim lectorem ad eos, quos dixi, Callimachum præsertim, ac Bonfinium, remitto.

MATERA. SCHVLI. NIGEBOLIS. BURUAD.

- III. Pro Matera Callimachus & Bonfinius nominant Pezechiiū, pro Schulio Callimachus Sumium, Bonfinius Sunium: quæ Sulio respondere arbitror, molliori pronuntiatione, verioriq; scriptura. Bonfinio Mactropolis etiā recitatur, quæ Matera sit, necne, videāt alij. Vi quidem capta fuisse Pezechium & Sulium, annales innuunt, Callimachus & Bonfinius adfirmant: quumque neminis vitæ parceretur, interfecta Turcorum ibidem quinque millia periisse. Nigebolim supra diximus capite notarū Turcis esse dictam, quam nos vocamus Nicopolim. Buruadam annales occupatam, præsidium accepisse narrant. Ergo illa sponte se dedit, nec vastata fuit. Vnde colligitur a Turcis Buruadam vocari.

vocari, quam Callimachus Tauarnam, Bonfinius Cauarnam dixit. Hanc enim ultro deditionem fecisse commemorant, exemplo Pezechij Sulijque territam.

5 *DIVERSAE DE ALTERA MVRATIS
in Europam transiectione cum exercitu
opiniones.*

- Diximus supra, numero notarum 89, Muratem bello contra 112.
10 Mustapham suppositicium fratrem, Genuensium quorundam opera, numerato his maximo pretio, trans Hellepontum peruenisse cum copiis: idque verum esse, testimonio Laonici docuimus. A quibus autem hoc bello contra Vladislaum Vngariæ regem, Muratis exercitus in Europam transuectus fuerit, equidem 15 hætenus intelligere non potui. Non ausos id tunc facere Genuenses, facile crediderim, propter Italiæ totius consensum: quæ maxima Turcorum ex Europa pellendorum, ac radicitus extirpandorum spe concepta, classem ad angustias Helleponti miserat: qua latentur ipsi Turcorum annales impeditum fuisse 20 Muratem, quo minus in Europam transijcere cum suis per Hellepontum posset. Nec dissimulaturus tanti sceleris auctores erat Cardinalis Florentinus, Italiæ classis præfectus: siquidem illius ad fines esse culpæ Genuenses, constitisset: minus eis paturus Eugenius, Papa Venetus, exitiali Genuatibus odio cum aliis 25 Venetis infestus. Dumtaxat in litteris suis, quarum Bonfinius meminit, Muratem Cardinalis scribit, elusis astu vel largitione speculatoribus, ad Calliopolim transieciisse. Quæ verba quonam modo cum verbis annalium concilianda sint, aut aliter intelligi possint, quam cum ipsius Cardinalis ignominia, negligentia semet arguentis, equidem non video. Cur enim Italiæ classi præfectus, non impediebat, quo minus vel ad Calliopolim, vel alium 30 Helleponti locum ille transijceret? cur in se culpam tacite confert? cur oscitantia semetipsum accusat? Ait enim, ad Calliopolim transinisse Muratem, a quo transiectu ipse Muratem arcere

iussus fuerat. Ex aduerso scribunt Turci, classem Italicam in tempore Calliopolim adpulisse, Muratemque præpediisse, quo minus illic transmittere potuerit. Audiamus & Laonicum, qui per otium traiecisse Muratem narrat, quum aduerso vento diebus aliquot durante, impedirentur Itali, quo minus ex Propontide in Hellespontum contra Muratem venire possent. Interea vero Muratem ad turrim sacram, quæ in Asiatico litore sita sit ad angustissimū in Propontide locum, transmisisse. Excusat hic quoque Cardinalem classis præfectum, & ubi transiecerit, sua quidem opinione, Murates, indicat: nisi quod per errorem scribit interpres, factum hoc ad angustissimum in Propontide locum: pro quo, in Hellesponto, dicere debebat. Bosporus enim angustias habet, commodas ad transijciendum: Propontis vero nullas, nisi quæ in Ægæum mare per Hellespontum erumpens, a Calliopolivæque ad arces, quas Dardanellos vocant, spatio 27 milliarum, in artum cogitur, ut antea capite notarum 24 diximus. In hac ergo narrationum diuersitate, nihil inuenio probabilius, quam quod annalibus his memoriæ proditur: Muratem scilicet ab Italis impeditum ad Calliopolim, ea relicta, sursum (non deorsum, ubi fitum erat illud Dianæ sanum vel Hieron, quod male turrim sacram reddidit interpres) cum exercitu per Bithyniam profectū, e regione illius loci, quo loco nunc arcis nouæ structura cernatur, mercatorum nauigiis in Romaniam siue Thraciam transieciisse. Nam hinc manifesto paret, eum nec ad Calliopolim, nec ad Dardanellos, nec ad vllas alias Hellesponti angustias transieciisse: sed supra Constantinopolim, versus Pontum Euxinum, in ea Bospori parte, qua is artissimus est inter Asiam & Europam, & ubi propterea nouam arcem (Neocastion Græci vocant, ut paullo post dicitur capite 128, ad vnum supra Constantinopolim milliare Germanicum) Muratis filius Muchemetes extruxit, ut heic ex Asia in Europam, vel vicissim ex Europa in Asiam, transiectu facili ac breui, quoties libuisset, nemine prohibente, cum exercitu posset transmittere. Quidquid dicat Laonicus, quidquid scripsisse Cardinalem, male fortassis ab
explo-

exploratoribus instructum, Bonfinius adserat; hæc potius ego vera puto.

VARNA. STAGNVM VARNENSE.

Caliacra.

- 5 Ciuitas est ad Pontum Euxinum Varna, quam Ortelius O-
 deſſum priſcis, vel Odyſſum dictam tradit, alij Dionyſopolim 112.
 faciunt. Anchialus eſſe de Curei ſententia nequit, quum ea ſu-
 perſtes Achelo nunc dicatur, nomine non admodum recenti.
 10 Nam & Cedrino Acheloum vocatur, & apud Symeonem ma-
 giſtrum Officiorum in hiſtoria necdum edita legitur, Anchia-
 lum recentiori vocabulo nominari Achelo. Barnam ſcribunt
 Chalcocondylis interpretes, & apud Cedrinum tum Barnam,
 15 tum Barnas numero multitudinis, doctiſſimus Xylander, no-
 bis, dum viueret, amiſſiſſimus. Ad Varnas, ait Cedrinus, caſtra
 Bulgari poſuerunt. Item, Catacalo (inquit idem Cedrinus) ſita-
 rum ad Iſtrum vrbium locorumque præſes, quum Roſſis occur-
 riſſet iuxta litus Varnæ, quam ita vocant, manumque conſeruif-
 ſet: eos in fugam egit. Heic litoris Varnenſis fit mentio, Callima-
 20 chus etiam ſinum maris, & ſtagnum, Bonfinius paludem nomi-
 nat. Hæc paſſionibus regi Vladislao dedita fuit, vt ſcripſit Lao-
 nicus: Caliacra vero vi capta, cuius heic in annalibus nulla men-
 tio. Bonfinius tamen eam ſilentio non præteriit, & male Calla-
 crium ſcripſit: nomen hoc addens opido datum, a Gallis ex Aſia,
 25 re inſeliciter geſta, reuerſis: vt Callacrium quaſi Gallactrium di-
 ceretur. Atqui Caliacra ſignificat Græcis bonum vel elegans
 promontorium. Mario Nigro, hodiernam Græcorum pronun-
 tiationem ſequuto, Chaliacra vocatur.

30

PVGNA VARNENSIS. CARA

Michail.

Hoc prælio Vladislauſ rex pugnaſſe dicitur ab vnolatore, vel 114.
 ſecundū Laonicum, in dextro cornu: Cara ſiue Niger Michaël

RR ij

in sinistro, de quo tamen aliud præterea nihil memoria proditum reperio. Bonfinius eadem de Nigro Michaelē commemorat, ac diserte proficitur, ex Turcorum se narrationibus illa repetere: ne verbulo quidem adtingēs quis fuerit iste Michael. Laonicus ait Dacos in sinistro curasse cornu, quibus fortasse Michael Zilagus præerat, cuius sororem Huniades habebat in matrimonio. Equidem alium diuinare Michaelē, id temporis apud Vngaros celebrem, non possum.

LAONICI LOCVS EMENDATVS ET EXPOSITVS. Chazilar. Vitezzi. 10

115. In primo conflictu cæsus fuisse refertur ex parte *Muratis Anatoliæ* beglerbegus. Hanc interemti Anatoliæ beglerbegi gloriam Laonicus Huniadi, fortissimo duci, tribuit. Hoc autem loco facturum me pretium operæ spero, si verba quædam Laonici partim corrupta, partim obscura, restituero & illustraui. Ea vero tam apud Latinum, quam Gallicum interpretem, huiusmodi sunt: Ioannes Choniates habēs Phazen, id est eos, qui Bitaxides vocantur, ibat in Asiæ ducem. Opinor aliis hæc legentibus idem accidere, quod initio mihi contigisse memini. Nimirum monstrum quoddam arbitrabare esse Phazen, ex quo vno mox plures nescio qui Bitaxides, velut ex equo Troiano, prodierint. Ne diutius auidum lectoris animum detineam, dico sic ista legenda: Ioannes Choniates habens secum Chazes, id est eos, qui Vitezides vocantur, ibat in Asiæ ducem. Quæ verba lector vt intelligat, Turcis Chazi norit significare strenuum militem, quæ vox numero multitudinis Chazilar eis effertur, Græcis Chazes, hoc est, strenui milites. Idem vero lingua Vngarica dicuntur Vitez, vt Germanica *Rittersleut*. Ex hoc autem Vitez, Chalcocondyles more Græco formauit Vitezides. Hoc modo nihil in Laonici verbis obscuri restat. Gallicus interpres Vngaricarum rerum imperitus, alio loco Bitezides cum Hussaris confundit, qui leuis apud Vngaros armaturæ sunt equites. Solent autem

autem huiusmodi Chazilari & Vitezi tam apud Turcos, quam Vngaros, habere certas quasdam notas, quibus ipsi præ ceteris militibus cōspicui sunt: & in primis tot gestant ardearum in capite pennas, quot hostes vel in præliis, vel duellis, quæ utrique genti frequentissima sunt, occiderunt. His ergo militibus strenuis stipatus Huniades, Anatoliæ beglerbegum inuasit, & cum suis occidit.

PRECIBVS MVRATIS MVTATA PROELII

facies. Inauditum pignus fidei causa Murati datum.

10

Non a Turcistantummodo memoriæ proditum est, constitutum in maximo discrimine Muratem auxiliū cælicus implorasse: verumetiam ab historicis Christianis idem relatum in litteras, quorum aliqui rem non temere silentio prætereundam produnt. Quippe comune morant, poscente Murate certum aliquod a Vladislao rege pacis inuiolabiliter obseruanda documentum, pro ino quorundam consilio traditam ei fuisse hostiam, ecclesiastico ritu consecratam: ne scilicet vllō modo de fide voluntateque regis, accepto tam augustō pignore, dubitaret. Postea vero perturbatis (vt dictum) indutiis, quum ad arma deductæ res esset, ac prælio Varnensi cæsis in utroque cornu Muraræ, in extremo res Turcorum discrimine versarentur: Muratem e sinu prolata Christianorum hostia, & erectis ad cælum oculis, in huiusmodi quædam prorupisse verba: Christe, si Deus es, vt Christiani tui de te perhibent, vindica perfidiam tuorum, quite mihi dedere pignori, nihiloque minus adeo religiose sanctam pacem per summum scelus violarunt. Quibus in hunc modum ab ipso prolatis, ea scilicet euenerint, quæ tam ab hostibus, quam a nostris recitantur. Philippus tamen Callimachus hanc rem tam secreto referre videtur actam, nihil vt certi de tradito tali pignore vulgo constaret.

RR iij

CHESER, ET CHETER BEG, IDEM.

Vladislao regi caput amputat. Elpiorum familia.

117. Narrant annales ei, qui Vladislao regi prostrato caput amputavit, & Murati obtulerit, nomen fuisse Cheser beg, eundemque natum ex Elpia fuisse familia. Chalcocondyles autem scripsit, nomen peregrino, qui Murati caput interemti Pannonum regis adtulerit, fuisse Therizes: qui virtutis insigne præmium a rege consequutus sit. Heic inter se diuersa duo recitari videmus. Primum est, peregrinum Laonico fuisse, qui caput regis adtulerit, hoc est Azepum siue peditem stipendiarium, pro quo begum posuerunt annales. Et begorum nomine procures apud Turcos adpellantur. Alterum, nominis ipsius discrepantia, quum ille Therizem dictum fuisse velit: Turci vero Cheserem nominent. Quod prius adtinet, potius equidem Turcis habendam fidem arbitror, ut ex procerum numero fuisse credatur, qui Elpiorum familia natus erat. Hanc enim initio declarationis huius videri eandem esse cum Oguzia, monuimus. Is ergo regi caput amputauit, quum alius quidam ex Azeporum siue peditum numero, incisis equi regij tendinibus, cum cum ipso rege humi prostrauisset, ut Turci referunt. In nomine non magna diuersitas est, nisi quod Laonicus vulgo notum & mutilatum posuit. Quippe Cheser elegantius apud Turcos loquentibus idem est cum eo, qui a vulgo pronuntiatur Cheter, ex quo Cheteris nomen Laonicus sub finem octauæ libri fecit: heic Therizem mutilate scripsit, pro Cheterize. De ipso Vladislai regis amputato capite quid factum postea fuerit, paucis Thomas Ebendorfus in Austriacis suis exposuit. Caput, inquit, Vladislai, cum armis, & dextra, fertur pro iocalibus (id est, cimeliorum loco) regi Tatarorum oblatum. Nimirum in vindictam perfidie dextra quoque mortuo præcisa fuit, qua fidem dederat.

INTER-

INTEREMTORVM VTRIMQVE PROELIO

Varnensinumerus, & alia.

5 Dies ille, quo pugnatum ad Varnam, traditura nostris fuisse 118.
decimus mēsis Nouembris, anno 1444. Geufræus vndecimum
statuit. Bonfinius cæsa prodidit Christianorum ad xcic, Turco-
rum ad xxxcic. Numerus militum, qui regis in exercitu fuerit, a
Bonfinio positus plurimum discrepat ab eo, quem Turci memo-
10 rant. Nam hi de lxxxccic loquuntur, ille tantūmodo de xvicic.

CHADVM BASSA. SEMISSE ASPRI AV-

Etum Genizarorum stipendium.

15 Quem heic annales nostri Chadumem bassam vocant, Lao- 119.
nico Phatumes est, regis domus iudex. Hoc ideo duxi notan-
dum, quia confirmat id, quod paullo ante scripsi numero 115,
Phazen alibi mutandum in Chazes, vt heic Phatumes in Cha-
tumes, quod idem est cum Chadumes. Id vero nomen Cha-
20 dum vel Hadum, castratum vel eunuchū significat. Inde quod
dicitur, adiecisse Muchemetem stipendio Genizarorum semis-
sem aspri: ex more Turcorum intelligi debet, qui a Sultano suo
diurnas annonas accipiunt: non menstrua, nec annua salaria,
quæ principes nostri dare solent. Causas reuocati a bassis ad gu-
25 bernationem Muratis, Chalcocondyles exposuit.

MOREAS. GEREME. TZACONIA.

Moreas, genere masculino, dicitur a Græcis hodie, quæ Pelo- 120.
30 ponesus olim vocabatur. Nomen ipsum, quod apud Damasce-
num Studitam reperitur, deriuant Græci nunc ab arbore mo-
ro, quod tota regione scilicet arbor hæc frequens sit. Heic expu-
gnatam a Murate Geremen, excidioque datam, tradunt anna-
les: quam arbitror esse veterem Gereniam Peleponesi, quod o-

pidum Ptolemæus in ea Peloponensi parte collocat, quæ Laconia dicebatur olim, nunc Tzaconia, non Sacania, sicut Oite-
lius prauè scripsit.

IBANIS SEV IOANNIS DITIO. COTZIA.

cum, siue Getia. Iscodar, Scodra, Scutarium.

Ischender beg.

121. Annales hi ditionem Ioannis vocât, quam Ibanis regionē dixit Laonicus. Iuanē vero scribere debuit interpres. Erenim Ser-
uianis Iwan, vt hodie Rossis quoq; Ioannes vocatur. Intelligitur
aut Ioannes Castriotus vel Castriotus, partis Albanix princeps,
pater Georgij Castrioris, qui nominabatur a Turcis Ischender
beg, id est dominus Alexander, ex quo Schanderbogum fece-
runt alij, magnumque Alexandrum non recte interpretati sunt. 15
Corruptius eundē Bonfinius Sandorobechum adpellauit. La-
onicus Scenderem scripsit, qui puer in ianuas regis venerit, hoc
est, ad Portam Osmanidæ principis: & hoc tempore Muratem
ei bellum fecisse commemorat. Chalcocondylis interpres hoc
loco margini Calcioli nomen adscripsit, pro nomine Castrioti. 20
Corziacum in huius belli narratione, libro vii Laonici, Getia
vocatur: vicina Cruz, (Croiam nostri dicunt, de qua plura paul-
lo post) quam post Getiam, licet frustra, Murates adortus fuit.
Iscodar beg Turcis est Scodra dominus siue princeps, videlicet
hic ipse Georgius Castriotus, de quo dictum. Scodra vero Græ- 25
cis est integra voce Scutarium. Plinius tamen alicubi Scodram
vocat, & in nouella Leonis Augusti de Thronis etiam Scodra-
rum episcopatus sub Dyrrachina metropoli reperitur, qui sane
non diuersus est ab eius ciuitatis episcopatu, cuius heic fit men-
tio. Fallitur Barletius, quum Turcis Scandriam dici putat, 30
quasi Alexandriam. Nam Iscodar non est Scan-
dria, nec Alexandria vocatur eis Scan-
dria, sed Ischendrie.

SAXONES IN HVNIADIS EXERCITV.

Sazij. Sazij. Sazsia.

- 5 Mirum alicui videatur, cur annales mentionem Saxonū heic 112.
 fecerunt faciant, quum statim in genere Germanorum nomen
 subiiciant, quo Saxones etiam continentur. Eius eximendi scru-
 puli causa dico, non heic nostros in Germania Saxones intelli-
 gi: sed Saxones Transilvaniae, vel Erdelij, vel Septemcastrensis
 10 in Vngaria regionis incolas, qui Sassiōs siue Saxones hodieque
 se profitentur, & a Ceculis, eiusdem regionis incolis, tam lin-
 gua, quam aliis rebus omnibus, differunt. Hinc Bonfinius in
 Transilvania sitae Saxobaniae mentionem facit, pagina 612 po-
 stremae Francofurtensis editionis, quam Sambuco nostro cla-
 15 rissimo debemus: cuius equidem mottui memoriam cum bene-
 uolentia vsurpo, & praeter meritum a quodam excellentis inge-
 nij doctrinaeque viro, nobis itidem amico, mox a morte paullo
 tactam inclementius, doleo. Et ibidem Sambucus margini no-
 men Saz, ad Saxobaniam adscripsit: quo significare voluit, hanc
 20 a Saziis siue Sazsiis sic dictam. Notum vero, Saxones a Germa-
 nis, quos superiores vocant, ita nominari: quum ipsi patriam
 suam Sassiā, seque Sassiōs indigerent. His coniūge, quae supra
 de Nemetsalliis capite 71 exposuimus. An autem victi Saxones
 nostri a Karulo magno Augusto, quemadmodū in Flandriam,
 25 sic etiam in hac Erdelij loca translati fuerint, quod aliquibus
 persuasum video: non huius est loci, prolixius discutere. Mihi
 quidem vix vero sit simile, qui sciam non vno saeculo Saxones
 ante Karulum magnum in Pannonia cum ipsis fuisse ciuibus
 suis Longobardis; vt omittam alia, quae sane plurima possent in
 30 medium adferri. Copiae nostrorum, quas Turci maximas
 fuisse dicunt, hominum viginti duo millia conti-
 nebant: praeter Valachos tamen, vt Bon-
 finius meminit.

*VALACHI A TVRCIS CAESI. IVSTO IVDI-
cio vindicatum in transfugas.*

123. Atiunt annales, cæſos a limitotrophis aliquot proceribus Tur-
cicis fuiſſe Valachos ante cõmiſſum in planicie Coſouana præ-
lium. Chalcocondyles vero tradit, Valachos ab Vngaris, & cete-
ris Chriſtianis, ad Muratem ſub ipſam deſeciſſe Coſouanam di-
micationem: deque ſententia Muratis arma ponere iuſſos, in ex-
ercitus vtriuſque conſpectu, ſumma cum omnium admiratione,
ceu perfidos transfugas ac deſertores, trucidatos fuiſſe. Quod
equidem exemplum ſingularis in Murate ſeueritatis ac iuſticiæ,
præteritum a Turcis eſſe ſilentio, non abs re miror.

*ANNVS PROELII COSAVANI. NVMERVS
virimque caſorum. An Morava fluvius idem
cum Schitniza.*

124. Notauimus in margine libri annum Mahumetanum 853,
quo pugnatum in Coſouana planicie, reſpondere Chriſtiano
1448: quo Bonfinius etiam dimicatum ſcripſit. Idem addit, pe-
riiſſe continuis hiſce conſlictibus Turcorum ad xxxiiii ciu-
Chriſtianorum vero dumtaxat viii ciu, quemadmodum Mu-
rates ipſe ſuis in litteris ad Corinthios faſſus fuerit. Ceterum hoc
loco præterire ſilentio non poſſum, me ſuperius numero nota-
rum 48 policitum explicationem quæſtionis, an Schitniza flu-
uius idem ſit cum Morava. Sic enim hunc cum incolis voco, qui
Chalcocondylis interpreti Morabas ſcribitur. Cedrinus alicubi
Morauen tam fluium, quam caſtellum ad eius ripam poſitum,
non procula Beligradis, nominare videtur. Peruenit, inquit, vſ-
que ad Morauen & Belegrada, quæ caſtra ſunt Pannoniæ, in
Tranſiſtriana regione ſita, & Crali Turciæ vicina. Quibus ver-
bis vltimis Crates Turciæ ſignificat Vngariæ regem. Sæpius e-
nim repetit Cedrinus, Vnnos & Vngros dici Turcos. Idem hos
in Pannoniæ Turcos occidentales diſcernit a poſitis in viciniâ
Perſa-

Perfarum Turcis orientalibus. Et Turci a Persis hodieque dicuntur Mogores, quod nomen genti suæ nunc etiam tribuunt Vngari, sicut Eginhartus quoque Karuli magni tempore scripsit, Vgros vel Vngros & Magores eisdem esse. Nota vox Vngarorum, Maggior mudra. Sed redeamus ad Morauam. Geufrazus Morauam olim Moschum fuisse nominatum putat. Meminit autem Laonicus, sepultos fuisse Turcos, hoc prælio cæsos, ad ripam Morauæ fluminis. Bonfinius vero procures ait ibidem sepultos, gregarios in profluentem Schitnizam coniectos. Hinc
 10 parere videtur, idem esse flumen, Schitnizam & Morauam. Sed quum equidem recordari videar, comites nostros istuc vnum Morauam nominasse: restat ut concludamus, Schitnizam hactenus conseruato nomine, postquam se Morauæ miscuit, amisso priori vocabulo deinceps solo Morauæ nomine censerì, donec ita coniunctus vterque fluuius in Danubium labatur. Memini vado nostransire Morauam, magna mensium aliquot siccitate plurimum deminutis eius aquis: sed nusquam ab incolis Schitniza, ubique Moraua nominabatur, contra interpretis Gallici opinionem.

20

*FERIS BEG. GERGONI SIVE CHRYSONI-
cum. Anatolia montana.*

Nomen beglerbegi Romanicæ, qui Gergonim arcem vel opidum
 25 instaurare iussu Muratis debebat, annales ipsi non expresserunt. Bonfinius autem scripsit, hunc adpellatum fuisse Frigibechum, quod Italica pronuntiatione tantumdem valet, ac Frisibeg. Turci Ferisi beg, aut Feris beg enuntiant. Reperitur enim superius tale begi cuiusdam alterius nomen, initio vitæ Baiasitis
 30 primi, qui progressus cum copiis ad Danubium usque, primus istuc Vidinam occupasse traditur. Opidum Gergoni Turcis dictum, Bonfinius Chrysonicum nominat. Situm est in Roxiana siue Rasciana Scruianaue regione, ad Morauam fluuium. Anatolicæ montana Turci vocant hoc loco, sicut alibi quoque sæpius,

montem Olympum, siue Calogeronum, in Bithynia, prope ciuitatem Prusam; de quo dictum antea, capite notarum 17.

BELIGRADVM ALBANIAE. CRVA, CROA,

Croa, Croia. Principum Croianorum in

Belgio familia.

126. Idem cum superiori, ad Savi Danubijque confluentes sito Belgrado Seruix, nomen habet hoc Albanix vel Arbanix (sicut vulgus Græcorum vocat) Beligradum, hoc est arx alba. Quippe coniuncta cum opido arx est, quæ a Valona, celeberrima nunc etiam Epitri ciuitate, (Leo Imperator Auloniam, veteres Aulonem dixerunt) vnius itinere dici distat. Ceterum dissimulare nō debeo, nullam obsessi a Murate paullo ante mortem Beligradi mentionem reperiri vel apud Martinum Barletium Scodrensem, rerum a Scanderbegogestarum scriptorem, vel apud Bonfinium, vel Geufraum: sed obsidium Croix dumtaxat ab his exponi, quam prius etiam capto. Corziaco siue Getia, quatuor ante hoc tempus annis, irrito conatu tentauerat: vscripsit Laonicus, qui Cruam nominat, urbem Albanorum primariam. Nouella Leonis Augusti, quam toties citamus, velut alteram quamdam imperij Constantinopolitani Nouiciam, numero multitudinis Croas adpellat, & harum episcopum Dyrrachino subijcit. Idem ei nomen est apud Prætores Græciæ nostrum. Barletius Croiam vocat, idque nomen Epirotatum lingua fontem significare dicit: quod intra munitionem iugis aquæ fontes sint. Primus hanc Murates bis obsedit, quo de nunc agimus: & quum ea positi secunda oppugnatione non posset, in morbum letalem præ indignatione lapsus, rabidam exhalauit animam. Imitatus est patrem persequendo Castriote, vexandaque Croia, Muchemetes et filius: qui continuis munitionibus vndique circumdaram, & artissime clausam, capere tamen non potuit. Scanderbegus tandem sponte Venetis eam donauit ante mortem, ne tantæ reipublicæ destituta præsidio, Turcorum in manus mox a morte

morte defensoris veniret. Obiter hoc adjicitor, ab hac Croia nomen tulisse nobilissimos Belgij procures Croianos, qui Croiam aliquando possedisse traduntur: sicut in iisdem Albania locis & Karloutzij principes, origine Galli, de quibus dictum cap. 46, Dyrrachium suo cum agro tenuerunt: & Achaia principes in eadem vicinia rerum aliquando fuerunt potiti, Sabaudosaxonica nati familia. Ex Croianis regulis summæ fuit auctoritatis apud Karulum V Augustum Hadrianus, Chiurij dominus. Eadem editus gente fuit Antonius Princeps Portianus in Gallia.

10 Nunc apud Belgas superstites sunt duo fratres, Dux Arescotanus, & Haurechius Marchio, cum principe Chimæo, Arescotani filio.

GALATA. CERAS. SINVS CERATINVS. PE-

ra. Sycæ. Scala Sycenæ.

15 Vrbs Galata vulgo etiam nota est, e regione Constantinopoleos sita, trans sinum, quem Ceras siue Cornu, & Ceratinum siue Cornutum, veteres etiam vocarunt: quod instar cornu cervini sparsim tamis quasi quibusdam litus utrumque amplectatur.

20 Patet in ambitu totus hic sinus milliariibus Græcis 20. Galatas hodie masculo genere Græcis effertur, sicut & Prætori Græciæ nostro, qui Phrurion siue castellum vocat. Eadem & Pera dicitur, & Peræa Nicetæ historico, quod ultra sinum posita sit. Veteres ab arborum ficos ferentium copia Sycas nominabant,

25 quæ vox apud Zosimum quoque nostrum legitur. Xylander apud Cedrinum Ficus interpretatur, & suburbium esse dicit Byzantij: quum tamen intermedio mari ab vrbe disjungatur. Quæ Constantinopoli Galatam transijcitur, Scalam Sycenam ponit vetus vrbs Constantinopolitanæ descriptio, quæ libro Noticiæ viriusque imperij adiecta est. Et scalam in Portolano suo Græci hodieque dicunt eum locum, quo naues adpellunt, & ubi exscenditur. Vtus est hac voce Cedrinus in Copronymo, quum

30 narrat, vnum glaciei fragmentum cum impetu delatum & impactum in Scalam Acropoleos, (id est, arcis Byzantinæ, de qua

capite 139) eam comminuisse. Latitudo sinus inter hanc scalam & opidum Galatam, vel inter ambas potius scalas, e regione positas, ad passus 300 patet. Galata Genuensium colonia est, etiam hodie maiori ex parte a Christianis inhabitata, præsertim mercatoribus.

NEOCASTRON, RUMELI CHISAR. ANATOLI

Chisar. Castellum Lethes. Turres nigrae. Hermann promontorium.

Lemus. Lemocopia. Bogazi. Bogazi Chisar. Bosphorus. Brachium S.

Georgij. Loca Bosphorana tam Europæ, quam Asiatici litoris, a Con-

stantinopoli usque ad Euxini maris ostium. Cyanea. Symplegades.

Plancta.

128. Arcem munitissimam, quam a tergo Galatæ Muchemetes II. ad mare, id est, ad Bosphorum e mari Euxino profluentem, cōdidisse narratur; Græci Neocastron, hoc est, castrum novum vo- 15
carunt, ut & Turci Geni Chisar, cuius & supra mentio facta capite notatum 112. Idem tamen nobis etiam Rumeli Chisar appellari dicebant, quum hac præterueheremur ad Pontum Euxinum, quod arcem Romanicæ vel Europæ significat: sicut alteram huic oppositam in Asiatico litore, nunc ruinofam, Anadoli Chisar, id est arcem Anatoliæ vel Asiæ nuncupabant. Neocastron vulgus occidentalium Christianorum, præsertimque Germani, Turres nigras dicunt. Abest a Constantinopoli ad vnum milliare maius Germanicum, locus sane munitus, & formidabilis admodum miseris captiuis, præsertim lautioris fortunæ: qui hos intra 25
carceres conclusi, numquam fere libertatem recipiunt: eaq; de causa castellum hoc Lethes vel obliuionis olim quoque vocatum fuisse puto, cuius in Bosporo positi Gregoras meminit, ab eo dicti, quod perpetuos ad carceres damnatorum nulla exstet amplius memoria. Cōstat autem, fuisse istic etiam ante Muchemetem II. illa, quæ diximus, in utroque litore castella: sed imperatorum Græcorum incuria sic neglecta, nulli ut vsui seruirent alij, quam custodiendis captiuis. Causas condendi Neocastri Muchemetes habuit, ut transjicere tam in Asiam, quam Euro- 30
pam,

pam libere posset: ne Christiani nauibus suis transuectionem ex-
 ercitus prohiberent: vt denique Constantinopoli capiendæ ser-
 uiret. Laonicus arcem ita descripsit, vt hodie cōspicitur. Ait eam
 constare tribus turribus magnis, quatum vna superior in accli-
 uis colle prominet: reliquæ duæ consistunt inferius ad ipsum li-
 rus Bospori: quo videlicet hinc in naues præterlegentes impetus
 fieri possit. Harum duarum vna maxima est. Tecta sunt plum-
 bea. Murus ambit arcem crassus pedes xxii. Turrium crassities
 ad xxx pedes extenditur. Petrus Gyllius, illustrator vrbis & Bo-
 10 spori diligens, antiquis Hermæum hoc loco promontorium fu-
 isse statuit. Bosporo datum nomen est a transnato bouis, aut
 buculæ vel iuuençæ porius, videlicet Iûs, Inachi regis Argiuorū
 filiz, de qua est in fabulis historicis. Ita nimirum in Originibus
 Byzantij Græcis manuscriptis legimus. Nullibi Bosporus angu-
 15 stior est, quam inter Neocastrum & Anatoli Chisar. Idem Gyl-
 lius auctor est, Bosporum Græcis vocari Læmon, Turcis Boga-
 zi, quæ nostris sunt fauces, vel angustiz maris, vt etiam in homi-
 ne fauces adpellantur Læmos. Hinc Læmocopiam Laonicus
 hoc loco posuit. Nostri Bosporum etiam S. Georgij brachium
 20 nominarunt, velut angustum maris meatum, propter monaste-
 rium & ædem S. Georgij Manganorum dictam Propontidi se
 miscntis. Id propterea notandum, quia complures in hoc alu-
 cinantur, dum S. Georgij brachium ad Sestum & Abydum col-
 locant: vt Volaterranus, quem citat Ortelius in voce Helleston-
 25 tus, vt Geufræus, vt Thomas Porcacchius, vt alij. Saltem rectius
 hoc vel ex hisce Vincentij Beluacensis verbis didicissent: Hoc
 est mare magnum, (id est Pontus Euxinus, nunc etiam Italis ma-
 re maius) de quo brachiū S. Georgij exit, (id est Bosporus) quod
 in Constantinopolim vadit. Ergo S. Georgij brachium est supra
 30 Constantinopolim, ad cuius orientalem angulum, subter ipsam
 Sultanorum arcem, in Propontidem Bosporus illabitur. Adeo-
 que a S. Georgij brachio siue Bosporo, per Propontidem & Hel-
 lespontum, Sestum & Abydum vsque, 180 milliarium Græco-
 rum est iter. Gallicus interpres Laonici mirifice profecto cæcu-

tit, ac sibi metipſi contradicens, ait: Mœchemetes arcem Læmocopiz condere cepit in ora Propontidis, ex parte Europæ, in eo proprie loco, qui Boſporus adpellatur. Et adſcripſit margini, verbis his locum ſignificari, quo Seſtus olim ſita fuerit: eumque Turcica lingua dici Bagazaſar, ſive præciſionem faucium. Quid ſ magis abſurde dici potuiſſet, quam conditam ad Boſporum arcem, intelligi debere ſitam eodem loco, quo Seſtus olim exſtiterit: Certe Neocaſtrum hoc Muchemetis a Seſti veteris loco prope ducentis milliâtibz Græcis diſtat, totumque Propontidis & Hellespontis ſpatium his interiectum eſt. Quod autem dicit, eum ¹⁰ locum lingua Turcica vocari Bagazaſar, ſive præciſionem faucium: in eo quoq; fallitur, & vocabulum corruptum ponit. Nam ſcribere debuit Bogazi Chiſar, & interpretari arcem faucium. Læmocopiz quidem Græca vox, qua Laonicus vtitur, inciſuram faucium ſignificat, hoc eſt locum, vbi finis eſt harum Boſ- ¹³ poris faucium, qui deinceps in multo capaciorem Propontidis ſinum magna cum vndarum violentia ſemet effundit. Quum autem ſuperius capite notarum ²⁶ loca totius Hellespontis & Propontidis, inde uſque a Dardanellis vel arcibus, hoc eſt, a cadaueribus Seſti & Abydi, ad urbem Conſtantinopolim, & ad ipſum adeo Sultani ſaraium, vbi Boſporus in Propontidem præcipiti maxime curſu illabitur, enumerauerimus: libet a ſaraiio Sultani rurfus incipiēdo, ſuſſum quaſi mentis nauigatione quadam ad ipſum uſque matis Euxini oſtium progredi, & vtrimque ſita loca, quum ad dextram in Aſiatico litore, tum ad ſiniſtram ²⁵ in Europæo, nominibus partim præſeis, partim nunc uſitatis, ordine recensere: ſic tamen, vt nimis ſcrupuloſe, more Gylliano, vetuſta, cognitū parum neceſſaria, non inferamus.

Igitur angulo Sultanini ſaraii reſpondet e regione Scutarium in Aſia, diſiunctis a ſe inuicem locis hiſce dumtaxat vno milliari ³¹ Græco. Ante vero, quam traiectus hic ſuperetur, occurrit in ipſis aquis exſtructa quadam arx parua, quam Tutrim Scutarinam Græci vocant, Turci Kiſculam, hoc eſt arcem virginis, ex cauſa quadam alibi exponenda. De hac arce ſunt intelligenda Nicetę verba,

- verba, libro quarto, quum ait: Ab hoc imperatore Manuele turris illa (potuisset arcem vertere) non procul a continente in mari exstructa est, quæ Damalis pridem, nunc Arcula dicitur: & altera turris e regione, iuxta Manganium monasterium, (scilicet S. Georgij) eo consilio, vt ferrea cathena vtriusque extenta, barbaris nauibus aditus in loca vrbis atque vicina, & tractum illum omnem, vsque ad Blacherniam regiam, intercluderetur. Quibus in verbis Arculæ nomen significare puto paruum arcem. Idem post inquit: Imperator in palatio ad Damalim, quod
- 10 Scutarium dicitur, versabatur. Distata continenti Asiana Scutarium centum passibus. Nomen opido vicino dedit, vt Græcis hodie Scutarium, Turcis Iskodar dicatur: olim non Chalcedon, vi Iouius, Peucerus, Busbequius, alijque magni viri putarunt, (Chalcedonis enim rudera 100 milliaribus ab angulo Sultani
- 15 saraj versus Astacenū sinum, ad promontorium Damalicum, iuxta portum Eutropij, sita sunt:) sed Chrysopolis. Id autem opido nomen inditum aliqui putant, vt auri ciuitas diceretur, ab auro, quod olim antiquissimis temporibus pro Persarum regibus heic tributi nomine congeri ex Asia tota solitum fuerit. Sed
- 20 Origines vrbis Byzantinæ aliam nominis rationem, verbis Græcis, in hanc fere sententiam, referunt. Conspecta (inquiunt) confestim aquila, cor victimæ rapit, & in promontorium Bosporij litoris defert, e regione Chrysopoleos, cui Chryses Agamemnonis ex Chryseidæ filius, post necem patris, Clytæmnestræ fugiēs
- 25 insidias, & ad quærendum Iphigeniam properans, nomen hoc apud incolas reliquit, sepulturæ suæ monumentum, quum istic viuendi finem fecisset. Quibus in verbis promontorium Bosporij litoris, illud ipsum intelligitur, in quo nunc saraium Sultani-
num orientale situm est.
- 30 A Chrysopoli siue Scutario, litus Asiaticum legentibus, occurrit primū pagus, qui Stauros Græcis dicitur, ab aurea cruce, quam in templi ab se ibidem conditi vertice Constantinus magnus insigniter ornatam constituisse perhibetur. Sic enim audire de Theodosio Zygomala, patriarchali Protonotario, valde

do **do** viro, memini. Et ipsius tēpli ruinas amplissimas aliquando cum admiratione, comitibus Hieronymo Arconato, & Paulo Rosa, ex eo tempore pie mortuo, viris optimis & amicissimis, inspexi: quum nauigio trāsuecti Chalcedonem, in Eutropij portum, terra deinde promontorium Damalicum pedibus emetermur, in quo rudera templi S. Euphemiz, concilio Chalcedonensi nobilis, in horto quodam superant: & ad hunc deinde pagum Stauro, aliaque loca, progredieremur.

A Stauro, locus in Anaplo (sic enim frequēter historici Græci vocant hæc ab utroque latere loca, quæ sursum ad Euxinum mare 10 naugantibus conspiciuntur) proximus est in eodem Asiatico litore, monasterio quondam insigni celebris, qui nunc Akimitos Græcis dicitur. Olim Akimiti vocabantur, hoc est, monachi peruiigiles, totasque noctes sine somno, precibus & hymnis dicendis, exigentes. 15

Ab Akimito pergitur ad Chrysokerama, locum ab æde sacra dictum, tegulis olim inauratis ornata.

Chrysokeramis vicinum est Anatolis Castellum. Sic Græci nunc mutile vocant, quod integre diceretur Anatolis (hoc est Afiz) Castellum. Et paullo ante meminimus, idem Turcis eodem significatu vocari Anadoli Chisar. 20

Ultra Castellum Anatolis, est Megalocarya, magnis a nucibus auellanis dicta: quam rectius Græci volunt ad sanctos Angelos nominari.

Supra Megalocaryam conspicitur vetus Hieron, (sic & Turci cum Græcis vocant) id est Fanum siue templum, a Constantino Magno conditum: quo tempore confecto bello Gothico, reuersus fuit, ut Græci nunc aiunt. Cōstat tamen, hoc olim quoque loco fuisse temporibus antiquissimis templum Argonautarum, quod adpellatum fuit Hieron siue sanū Iouis Vrij, hoc est, 30 largientis ventos secundos. Et notum est, solitos imperatores Christianos mutare templa paganorum in nostri ritus ecclesias.

Uterius castellum Argyron situm est, quod Castaldus etiam posuit, Algyrum vocans.

Haec

Haftenus in Asiatico, siue dextro Anapli latere, sita loca numerauimus. Nunc idem iter ab imo repetituri, litus Europæum legamus ad Ixuum, donec itidem ad ostium Ponti Euxini perueniamus.

- 5 Itaque Galatæ Ceratinum ad sinum relicta, transeundum primo promontorium, saraio Sultanino, e regione trans sinum cornutum sito, respiciens: & mox offeret sese Carauoli, locus omni variorum ædificiorum & hortorum cultura, ne templis quidem Turcicis deficientibus, amenissimus: vbi diuersorium Anglicanæ reginæ legato assignatum erat, quum nos istic essemus. Ibi dem Iuliz Pescenniz marmor Græcum est elegantissimum, cuius inscriptionem habemus.

- 15 Carauoli proximus est locus a S. Phocæ templo Christianis appellatus, Ortachioi Turcis. Archion prisca dictum refert Gyllius.

- Ultra S. Phocam, Archangelus est, locus sic ab Archangelo Michaële dictus. Veteres Cataſcepen nominasse, pater ex his Nicetæ verbis: Monasterium in Ponti faucibus loco, qui Cataſcepe dicitur, extruxit archiducis Michaëlis nomine. Vocant nunc etiam Græci Afomaton, propterea quod angeli corporis expertes sint.

- 25 Inde peruenitur ad Diplokionion, sic dictum a geminis columnis, quod Turci Besiktas, veluti lapidem cunarum vocant. Ibi monumentum est sepulturæ Chairadinis bassæ, cui ab Italis nomen Barbarossæ datum fuit. Meminit heic eum sepultum liber ipse annalium, ad annum Christianum 1547. Diplokionion prisca dictum erat Iasonium. Ortelius non recte Diplociana scripsit, pro Diplokionio: & Bisiktas, pro Besiktas.

- 30 Ultra Diplokionion est id, de quo prolixè nunc egimus, Neocastron.

Hinc itur ad locum, Stenia nunc dictum, nomine corrupto de Sosthenio, ni fallor. Aut hoc illud est Stenon, Cedrino & aliis frequenter nominatum:

Sequitur Neochori, quod sic enuntiatur a Græcis hodie, quum

fit Neophorion. Significat autem locum vel agrum prædium-
ue nouum.

Supra Neophorion pagus est Pharapia. Sic enim a Græcis ef-
fertur, a nostris Therapia.

Peruenitur hinc ad Panagian sto mauro molo, id est ad san-
ctissimam Deiperam virginem, sitam ad nigram molem por-
tus. Quidam e vulgo nominant, ad sanctissimam Deiperam die
xv Augusti.

Vltima Turris est, ad ipsum Ponti ostium, cum pago a Græ-
cis inhabitato, sita: sicut & hætenus indicatorum vtriusque lito-
ris locorum incolæ fere Græci sunt. Eam turrim Busbequius
Pharum vocabulo veteri nominat, sed accole Phanarion adpel-
lant, a Græco verbo deriuata voce, quod lucēdi significationem
habet. Quippe noctu facēs accenduntur in suprema turris par-
te, quam animi causa conscendimus, vt ad ostium Ponti nau-
gantium incolumitati consulatur. A Constantinopoli distat hoc
ostium maris Euxini milliaribus Græcis plus minus 35. Scopuli
saxo viuo siti duo sunt ante Ponti ostium, quo in Bosporum ma-
gna vis semet exonerat. Hæ scilicet illæ Cyaneæ siue Symplega-
des, siue Planctæ sunt, quas ipse Busbequius pæne putauit fabu-
losas; aut inuenire se saltim, velut alio deuolutas, potuisse nega-
uit. Insulæ priscis hæ dicebantur, non quod sint magnæ, sed quod
vndique mari velut insulillæ vel nifidia, sicut Græci vocant, al-
luantur: Cyaneæ, quod ex interuallo magno adnauigantibus cæ-
ruleum de se colorem præbeant: Symplegades & Planctæ, a cō-
quassatione mutua, qua spectantibus ex remoto spatio non tan-
gere se tantum existimantur, verum etiam loco moueri, & ita coi-
re: dumtaxat vnus vt esse scopulus, vnum nifidion, videantur.
Hæc opinionem de Cyaneis meatu Gregoræ verba hæc, e libro
historiarum IIII, cōfirmant: Promontorium, inquit, templi Ar-
gonautatum, quod Os Ponti adpellatur: vbi Cyaneas & Plan-
ctas esse Græci quondam dixerunt: nimirum in ipso Ponti ostio.
Hæc omnia sane diligenter inspicere bis memini, præsentē Hie-
ronymo Arconato, præstātis ingēnij viro: qui rem memoria di-

gnam heic mihi primus suggererat. Altera Symplegadū, quam simpliciter saxum Busbequius adpellauit, habet columnam vterem ex albo marmore, quam vulgus istic Pompeij columnam falso vocat. In hac præter alia, quæ Gyllius diligenter obseruauit & descripsit, Augusti Sphingem mihi monstrabat Arconatus, a Gyllio non animaduersam. Sphingi respondet inscriptio, quam ab aliis omissam ponere libuit.

DIVO CÆSARI AVGVSTO

10

L. CLANNIDIVS

L. F. CLA. . PONTO.

Nec tamen defuerunt heic olim etiam Cn. Pompeij monumenta, relicta in his locis inde ab illis vsque temporibus, quum
 15 imperator Populi Romani, contra Michradarem, Ponti regem, bellum gereret. Exstat vnum adhuc liberti cuiusdam Pompeiani marmor, quod non procul a Casanis bassæ messita, (quondam illustri S. Theodosiæ templo) supra nauale Sultanicum sita, conspicitur. Id pulcherrimis exaratum litteris Romanis, hæc verba
 20 continet.

V. CN. POMPEIVS. PHILINVS.

POMPEIAE. PHILVMENAE

FILIAE

ET SIBI

25 Habet lector vno compræhensa capite non pauca, quibus tam prolixè recensendis si præter officium & institutum alicui fecisse videbor: excusabit apud æquos me iudices infixū animo feruens explicandi res Græcas & Turcicas studium, cum rerum ipsarum varietate tam vtili, quam minime tædiosa.

30

TEMPVS CERTVM CAPTAE

Constantinopolcos.

Certum est, captam Constantinopolim a Muchemete II, die 129.
 29, mensis Maij, quem IIII kal. Iunias vocamus, anno Christia-

TT iij

no 1453, non 1452, quemadmodum apud Æneam Silium per errorem librarij fortasse scriptum legitur. Potest hoc etiam ex collatione Mahumetanorum annorum ad Christianos colligi. Cetera de vrbis tam obsidione, quam occupatione, licet paucis exposita sint verbis, vt in annalibus fieri solet; iis tamen consentanea sunt, quæ Chalcocondyles prolixius, vt in historia, memoriæ prodidit.

ARMINDAN. COLUMNA SERPENTINA.

Statuarum stichioses.

10

130. Armindan significat Turcis eum Constantinopoli locum, quem ab equorum cursu Græci dixerunt Hippodromum. Nam si verbum verbo reddas, At & Mindan, significant equorum locum capacem & amplum. Columna serpentina nunc etiam superest, ex ære facta, sic ab imo conuolutis inter se spiris serpentis triplicis, vt in parte superiori tandem sese tres ceruices, triaque serpentina capita, diuidant ac separent in formam triquetram: quibus quondam accepimus impositum ab vrbis conditore Constantino magno fuisse plurium scriptis celebratum illum tripodem Apollinis Delphicum. Quod ait, effectum fuisse per hoc simulacrum, vt eo durante nullus esset in vrbe serpens: ex opinionibus Græcorum Muchemeti relatum fuit: quorum in libro manuscripto de vrbis ædificiis, quem habemus, Stichioses eiusmodi (sic enim adpellant) statuarum varietate leguntur, & quidem ab Apollonio Tyaneo profectæ, si quidem vera narrat. Certe quod statim sequitur de statua equestri ahenea destructa, qua pesti præclusus fuerit in urbem aditus: superstitionis videri posset aliquam mereri fidem, quum singulis annis ea nunc fœde mensibus æstiuis calidioribus grassetur. Qua nos istuc æstate venimus, absumisse credebatur intra quatuor menses hominum ad CICID. Nec anno sequenti pauciores interierunt.

30

SIVRI.

SIVRIGE. SPHETIGRADVM.

Sphetia.

Duxit in Albaniam copias Muchemetes aduersus Ischende- 131.
 5 rem begum, siue Georgium Castriotem. Siurige lingua Turcica
 significat arcem acutam. Græci dicerent Oxypyrgion. Laoni-
 cus Sphetiam vocat, adpellatam a Barletio Sphetigradum, lin-
 gua Slauonica, quam idem a Croia distare 58 milliaribus ait.

10 NOVE. NOVA. NOVOGRAD. NOVVS MONS

Rascia. Neopyrgium.

Noue Croatis & Seruianis dicitur, quæ heic noua nomina- 132.
 tur, opidum Seruiæ, cuius tunc Despota Georgius adhuc super-
 15 stes erat: sed non multo post moritur, impetrata pace a Sultano
 Muchemete, filioque minimo natu Lazaro, successore post se
 relicto. Notauimus supra, capite 101, Nouogradum nunc vul-
 go dici, quod arcem nouam significat, non nouum montem, vt
 Bonfinius interpretatur, dum Nouum montem Rasciæ vocat.
 20 Apud Laonicum Nouopyrgum legimus, pro quo Neopyrgum
 reponemus, nomen id Græcis sonās, quod Venedis Nouograd.
 Ibidem margini adscriptum Nouobardum, mutabimus in No-
 uogardum, vel potius Nouogradum. Ait heic Laonicus magnū
 esse metalli prouentum, & alluentem opidum Morauam, litro
 25 misceri. Sangiaci nunc sedes est, Budæ beglerbego subditi.

BELGRADI VEL ALBAE GRAECAE

secunda obsidio.

30 De Belgrado, & Muratis obsidione, dictū antea numero 100. 133.
 Nunc iterū obfessa fuit a Muchemete Muratis filio, qui eam re-
 petebat ab Vngaris, vt membrum Seruiæ nunc sui iuris effectæ,
 de quo prolixè tractatum indicato capite. De hac obsidione se-
 cunda Thomas Ebendorfus, in Austriacis annalibus suis, hæc

retulit. Anno 1455, Turcus Machumet secundis elatus fortunis, Despotam Georgium, Ratzix principem, in suis terris hostiliter inuasit, & plura hominū millia crudeliter abduxit. Hinc & Despotā versūs Vngariam, ad Albam Græcam, cum suis secretis se contulit, terramque suam gubernandam Ioanni de Huniad, Vngariæ Gubernatori, dum Viennam (ad Fridericum III Imperatorem) pergeret, commēdauit. Inde Nandoralba, ianua & clausura regni Vngariæ, obsidetur a Machumeto, anno 1456, oppugnatione acerrima facta die 21 Iulij: quum prius hoc in itinere castrū etiam S. Andreæ, (Nota margini adscriptum nomen Sen- 10 derouix) quod erat Georgij Despotæ, adgressus incaustum fuisset. Soluta obsidione, mortuus Ioānes de Huniad, Comes Bistricensis, xi die Augusti. Eum deplorauit Fr. Ioannes de Capistrano, Huniadis commilito: Salue aureola cæli, quæ cecidisti, corona. Regni extincta es lucerna. Orbis corruptum es speculum, in 15 quo nos diutius inspicere sperabamus, & alij. Nunc tu deuicto inimico triumphas coram Deo & angelis, o bone Ioannes. Sane quam fortiter, & immortalī cum laude sua, hi duo se gesserunt, hoc propugnaculo Christianorum defendendo, Huniades & Capistranus, monachus ordinis prædicatorum, clarus in histo- 20 riis Volonum cruce signatorum dux, qui mortuum Huniadem paucos intra dies sequutus fuit. Muchemetes in oppugnatione diei 21 Iulij, cuius Ebendorfus meminit, letali accepto vulnere, vix incolumis euasit. Obsidio soluta fuit die 6. Augusti, quæ Calixtus III Pontifex haberi festum ex eotēpore voluit, sub nomi- 25 ne Transfigurationis Christi: quod tamen festum illo die, multis ante sæculis, Græci celebrare consueuerant, adpellantes id Sacram sanctam metamorphosin Domini & Dei, Seruatorisq; nostri, Iesu Christi.

DAI CARATZE BASSA. BONFINIVS ET
Chalcocondyles emendati.

30

134. Hic Bassa Bonfinio Caracia vocatur, Chalcocondyli Caratzies. Europæ ne beglerbegus fuerit, an Anatoliæ, nō exprimitur in an-

in annalibus. Laonicus tamen diserte Ducem Europæ nominat, ex quo corrigendus Bonfinius, qui Asiæ ducem fecit; errore consimili cum eo, quem supra numero 106 de Chasane basanotauimus. Verba Laonici hæc sunt: Europæ dux Caratzies, qui gloria & virtute excelebat omnes, qui regis in ianuis militabant, ab opidanis bombardæ globo ictus occubuit. Eum rex (Muchemetes) multum lugebat. His verbis etiam mortis genus indicatur, quo periit. In obsidione vero Constantinopolitana corrupte nomen huius Saratzies legitur, pro quo reponendum, Caratzies. Huc etiam pertinet ille Laonici locus de oppugnatione Belgradi, excerptus & emendatus supra, capite 72.

REX BOZINAE STEPHANVS.

De Semendria diximus capite 99. Bozinæcorum origo declarata legitur capite 49. Duplicem esse Bozinam, docuimus capite 95. Qui Bozinæ rex heic memoratur, Stephanus erat, de quo plura non multo post. Is sponte sua deditionem Semendriæ fecisse narratur, quam a morte soceri occupauerat. Erat autem vxor huic, Lazari Bulcouitzij filia, Georgij Despotæ neptis, quæ admodum in genealogia Bulcouitziorum, capite 54, indicaui-
mus. Et adparet hinc, Lazarum Seruiz Despotam, Georgio patri, qui diutissime regnavit, non diu superstitem fuisse.

TARABOSANIS IMPERATOR A M V.

chemete II victus.

De Castamonæ dictum capite 66. Sinopes etiam frequens hætenus facta mentio. Nouella Leonis imperatoris, cognomine Sapiensis, episcopatum Sinopensem Amasianæ metropoli subijcit in Helenoponto. Pordapam dici tradit Laonicus, nouo vocabulo, licet heic in annalibus parum mutato veteri, Sinap scribatur. Tarabosan Turcis est Trapezus, nota sedes Comnenorum principum, qui audire volebant imperatores. Vltimus eius gentis, a Muchemete victus, fuit Dauides Comnenus.

DRACOL WEIDA. BLADVS. VLADA.

Matthias Vngariarex.

137. Hic Valachiz Vaiuoda, qui Turcis Dracol nominatur, Laonico Bladus dicitur, Draculæ filius, ex immanitate celebris, de quo plurima commemorantur, huc non pertinentia. Bladi nomen ex ratione pronuntiandi Græcis familiari, Vladum scribere debuerat interpretes. Vladam Bonfinius adpellat, & post etiam Draculam, paterno nomine. Callimachus integre Vladislaum Draculam scripsit. Hunc qui coniecisse dicitur in carcerem rex Vngarus, Matthias Huniades fuit, Ioannis filius, Austriaci Ladislai, Pragæ subito extincti, Vngarico in regno successor. Muchemetes, hoc ab Vngaris capto, Valachiam sibi subieciisse narratur. Id vero factum potius existimandum a Dracula iuniore, Vladislai fratre: qui tamen postea se, cum ipsa regione, Muchemetis imperio summisit, accepta soluendi annui tributi conditione: nihiloque minus a Matthia rege confirmatus in principatu, teste Bonfinio, fuit; tamquam ab Vngariæ rege, directo Valachicæ ditionis domino. Sic nimirum prius etiam conuenerat inter Muratem II & Vladislaum regem anno Christiano 1441, post victos ad Illadinas fauces Turcos: ut Valachi Turcorum quidem essent tributarij, sed nihilo minus ad Vngariæ regnum, velut antea, pertinerent.

MITYLIN. CATALVSII, VEL CATELVSII,

Lesbi principes, origine Genuenses.

138. Mitylin, pronuntiatione Græca, quæ Mitylene nostris est, vocatur a Turcis insula Lesbos, ipsis etiam Græcis hanc ita narrantibus. Cedrinus certe Lesbum alicubi Mitylenen dixit, ab urbetotius insulæ primaria. Vulgus Italicorum nautarum Metellino nunc adpellat. Habebat insula, quum oppugnaretur a Muchemete, principem Dominicum Catalusium vel Catehusium, quem Græci Kyriakon vocabant. Interpretes Laonici Nicolaum Catehusium, pro Dominico, laud scio cuius auctoritate fretus.

fretus ex historicis antiquioribus margini adscripsit. Nam Geu-
 fræus, qui nomen idem habet, recentior est, & alios sequens falli
 potuit. Ipsa Catelufiorum gens origine Genuensis erat. Oriun-
 dus ex ea Franciscus Catelufius, quum Ioannem Palæologum
 5 Imperatorem, a bonitate Caloioannem vulgo dictum, Andro-
 nici II filium, Michaëlis II nepotem, Andronici I pronepotem,
 Michaëlis primi, qui Flandris Constantinopolim eripuit, abne-
 potem bello contra Ioannem Cantacuzenum, tutorem & socer-
 um, & usurpatorem imperij, iuuisset: insula Lesbo donatus, et-
 10 iam Caloioannis sororem in matrimonium accipere prome-
 ruit. Acciderunt hæc anno 1355. De quo colligitur, non totos
 100 annos in eorum potestate Lesbū fuisse. Lucij Catelufij, qui
 Æni princeps in Thracia fuerit, apud Laonicum fit mētio: sicut
 obiter etiam principes Æni supra memorantur, capite notarum
 15 32. Idem Chalcocondyles Dominici fratrem facit Luciū, quem
 rectius a Sansouino Turcicis in annalibus Dominici huius pro-
 pinquum vel adgnatum nominari arbitror.

*MVCHEMETIS AEDIFICIA CONSTANTINO-
 politana. Genisara. Eskisara. Iedacula.*

20

Non exprimunt annales, quænam ædificia Constantinopoli 139.
 Muchemetes exstruxerit. Ideo lubet hæc de Laonico & alijs
 promere. Statim enim proxima post Lesbum captā hieme, nar-
 rat eum quicuisse Læonicus, intentum ædificijs vrbis, templis,
 25 nauali, arce Byzantina, quam condidit iuxta portam a Græcis
 Auream vocatam, vbi & turres maximas excitauit, spectatuque
 dignas, & ipsam regiam interius eleganter ornauit. Hactenus
 Chalcocondyles paullo commodius redditus, in cuius verbis
 notandum, intelligi templorum structuram, de cōmutato Chri-
 30 sti Dei sapientiæ templo Iustiniano in messiam Mahumeta-
 nam, deque diruto antiquissimo Christianorum templo, quod
 ædificatum a Cōstantino magno Sanctorum Apostolorum no-
 men habebat, cuius ipse loco suam struxit cum imareto messi-
 tam, Turcicarum omnium in vrbe primam, & operis magnifici,

quemadmodum hodieque conspicitur. Nauale Christianis ab imperatoribus neglectū instaurauit, ornatum & extensum a posteris ea cura, nunc ut amplissimum sit. Supra Galatam situm est in sinu cornuto, versus aquas dulces, vbi nimirū celebrati a priscis fluuioli, Cydarus nunc Machleua, & Barbyfes, nunc Char-
 taricon, & a vico vicino Pectinachorion dictus, in sinum hunc influunt. Continet iam nauale loca concamerata 187, exportrecta longa ferie, magniq; triremium numeri capax est: licet aliud Sansouinus ex antiqua relatione quadam Veneta, parum præ-
 senti rerum formæ consentaneum tradat. Fuit & illo quondam
 loco regia, quo loco dicit Laonicus eum struxisse Byzantinā ar-
 cem, propter Auream portam, quæ ab vna parte meridie ac Propontidem, ab altera solem occidentē respicit. Hæc ædificia Muchemerem cōdidisse, Laonicus scripsit. Menauinus aut, sicut &
 alij, tres ait arces a Muchemete Constantinopoli structas: Geni-
 faraiū, Eskifaraiū, & Iadiculam. Ad orientem solem, e regione Scutarij, siue Damalici promontorij, situm est Genifaraiū,
 (sic dictum, quod nouū sit) in extremo vrbis angulo, qui a templo vicino, sancti Demetrii vocatur: vbi Bosporus impetu maxi-
 mo, ad ipsam crepidinem collis, in quo faraiū vel arx posita est, in
 Propontidem irruit. Olim Palatium Byzantinum, & Acropolis
 Byzantina dicebatur, velut arx in vno de tribus extremis angulis
 vrbis sita, quo loco Byzas initio Byzantium cōdere cepit. Hæc
 Sultanorum Osmanidarum sedes, hoc dōmicilium & aula est,
 quam Capi siue Portam Osmanicam vocant. Vndiq; muris (de
 quibus infra, capite 149) ac turribus inclusa, tribus in circuitum
 milliaribus Græcis patet. Voluit huius faraij noui nomine Muchemetes
 posteros & successores in imperio suos obligatos esse soluendis messitæ suæ nouæ, singulos indies, aspris mille: quæ
 summa, computatis pro vno talero Germanico aspris quadra-
 ginta, cottidie ad 25 taleros excrescit: in annos vero singulos, supra
 nouies mille, centum taleros efficit. quibus alios annuos redditus
 ad summam CLC10 ducatorum, adiecit. Eskifaraiū, voce
 significante faraiū vetus, in vrbis meditullio situm est: sicut
 & olim

& olim ibidem in vr̄bis omphalo vel vmbilico, pr̄schorum erat
 imperatorum regia. Vasilia ta megala Gr̄eci quondam nomina-
 bant. Nunc illa gyn̄æconitidi Sultaninæ præcipue seruit, spatio
 faraij, ratione circuitus, ad duo passuum millia exportecto: ladi-
 5 cula deniq; Propontidis in litore condita est, ad meridionalem
 & occidentālē partim vr̄bis angulum, versus Auream portam,
 nunc quidem superstitem, sed obstructā tamen, ac versus vr̄bis
 terrestres muros: qua in Thraciam, Macedoniā, vniuersam de-
 niq; Gr̄eciam, itur. Sic autem adpellata Turcis est a ledi & Cula,
 10 quorū illud est septem, hoc turrium significationem habet. Gr̄eci
 nunc Heptapyrgion dicunt, aut Heptapyrgon, puro puto vo-
 cabulo Gr̄eco: semiturcico, vel hybride potius, Heptagulades:
 ex quo etiā obiter intelligi potest, quod Aphricanæ Guletæ sit
 etymon siue notio. Ipsa quidem arx custodiæ regiorum thesau-
 15 rorum est assignata, perpetuasque militum excubias habet, qui
 feruntur esse numero quingenti, de quibus alio loco.

MACHMUT BASSA. VARIA SCRIPTV-

ra vocis vnius.

20 De hoc Machmute Laonicus hæc: Mechumetes, inquit, regij 140.
 palatij dux, (postea ducem ianuarū vocat) & Europæ præfectus,
 filius Michaëlis, Gr̄ecus. Et addit, Gr̄ecos pueros (Gr̄ecorū fi-
 lios dicere debuit interpres, id est Gr̄ecos) qui abducti Byzantio,
 cum rege cōmorabantur, magnam potentiā sibi peperisse. No-
 25 minis scripturam, tam in hoc, quam aliis locis, ab interprete Cæ-
 saris acceptā Galderio, retinui. Triplicem sane reperi, nostris his
 in annalibus: Muchemet, Mechemet, Machmut Historiæ Gr̄e-
 corum & nostrorū hominum præterea diuersitates alias habet,
 vt Muchumer, Mahumer, Michomet, Mahomet, Mohamed,
 30 quod Moamed Gr̄ecis est, absq; aspiratione. Stephanus Vnga-
 rus, sane peritus interpres linguarum plurium, Turcicæ, Arabi-
 cæ, Persicæ, quem nobis impetrante magnifico domino Hiero-
 nymo Beck a Leopoldstorf, consulere de multis licuit, recte pu-
 tabat in genere tum scribi, tum enuntiari, Mohummet.

FINIS REGNI BOZINENSIS. OBSERVANDA

diuersitatis annorum ratio. Stephani regis excoriati calamitas. Matthias Vngarie rex Bozinam recipit.

& Muchemetem fama sola fugat.

Conadza.

5

141. Bellum hoc, quod Bozinē tam regno, quam ducatu finem adtulit, Bonfinius refert ad annum Christianū 1463. Turci vero tradunt, hoc annis xi post captam Constantinopolim fuisse gestum. De quo sequitur, ad annum Christianum 1464 referendū 10
esse. Solet etiam vsuuenire plerumque, vt nostri numeros annorum ad initia bellorum referant. Annales vero Turcici finem rerum gestarum respiciunt, ideoque fere iam rebus ipsis expositis, annorum numeros adiiciunt. Hoc diligenter obseruare lectorem velim, ne me putet alicubi temere mutasse numeros ab 15
aliis positos. Hertzegouinæ sub iugum missæ nomine, Ducatus Bozinensis intelligitur, alius a regno: cuius interitum deinceps numero notarum 162 exponemus. Quod autem dicitur, Muchemetem Bozinæ regem captum occidisse: paullo explicandū latius, vt plenum tam barbaræ perfidiæ Muchemetis, quam im- 20
manitatis horrendæ facinus cognoscatur. Stephanus ergo rex Bozinensis, & vxorio iure (ceu dictum paullo ante) Seruiæ Rasciæ Despota, bello petitus a Sultano Muchemete II, & obfusus Iaitæ, blanditiis tyranni per quosdam de industria subornatos e castello Iaitzano euocatur, & ad colloquium arcessitur. 25
Quum barbaro temere fidem habuisset, manuque capita pacis inter se ac Muchemetem initæ gestās, in castra venisset, capitur: cure, iussu Muchemetis, viuus exuitur: iusto denique Dei iudicio cum vita regnū, quo fraude patrem filius sceleratus excusserat, amittit. Hoc modo tum Bozina, Rascia, Seruiæ magna pars, 30
Turcorum in potestatem venit. Matthias tamen rex Vngarus Iaitzam, cum xxvi Bozinæ opidis, recepit: quam militum corona deinde rursus Muchemetes circumdedit, & oppugnauit: irritoque conatu, fama dumtaxat aduentantis Matthiæ territus,
ab ob-

ab obsidione, Bozinæque finibus, discessit. De opido Hertzego-
uina dictum superius, capite 95. Couadzam Turci cum Bozi-
nacis & Croatis adpellant, quæ Iaitza Bonfinio, Chalcocondy-
li Gaitia, paulloque rectius Gaitza nominatur.

5 *PLURES IN ALBANIA PRINCIPVM DI-
tiones. Giolchisar. Egripos.*

- Erant in Albania plures reguli, qui suas singuli ditiones habebant. Inter has erat Ibanis, siue Ioannis Castriotæ regio, de qua
10 superius dictum capite 121. Hanc armis nunc imperio Muchemetis
cessisse referunt annales, quod alij factum deditioe nar-
rant. Laonicus hac serie ditiones enumerat. Primum ait Sanda-
lis in Epiri vicinia sitam esse regionem, cui finitimæ sint Vene-
15 torum aliquot vrbes, Albanix proximæ. Ioannis inde Castriotis
agrum succedere, cui sit adnexa regio Comneniadarum. Hinc
sitam vltcrius Arianitæ, Comneni filij, ditionem asperâ & mon-
tuosam. Eius regiam vocabulo nunc etiam noto, Cannina dice-
bant, numero multitudinis: quæ supra Valonam vel Auloniam
20 in sublimi posita conspicitur. Arx Caramanix Giolchisar, cuius
paullo post mentio fit, in Anatoliz tabula chorographica scribi-
tur Culchisar. Egripos insula Turcis dicitur, quâ vulgo iam Ne-
gropontum adpellât, sicut & primariam insulæ ciuitatem: quæ
ponte, cui castellum adiunctum est, cum Achaiz cõtinenti co-
25 hæret. Vrbi nomen apud priscos erat Chalcis, insulæ vero, Eu-
bœa: quam Euripi fluxus nobilitauit, vt Euripum princeps ille
philosophorum Aristoteles. Nam si vera sunt, quæ de ipso, cau-
sas motus Euripi peruestigante, referuntur: quum tandem Ari-
stoteles Euripum capere non posset, cepit Euripus Aristotelem.
30 Erat Eubœa, quum a Muchemete bello peteretur, Venetorum
in potestate. Defendebant eam contra Turcos acriter nomine
reipublicæ, Ludouicus Calbus, & Paulus Erizzus, vel Ericcius,
prætor Chalcidis, quem Potestatum Veneti nominât. Sed classe
Veneta suis succurrere non ausa, tandem opido per vim potitū

fuere Turci. Filia Pauli Prætoris, vrbe capta, propter insignem formæ venustatem ad Sultanum Muchemetem deducta, memorabili exemplo pudicitiz mori maluit, quam eius se libidini prostituere.

KSVN CHASAN. IYSVFZE. BEG. MVSTA-
pham filium Muchemetes strangulari iussit.

143. De huius Chasanis origine Reineccius exquisitè differit. Vñ a Turcis ob staturam corporis eximiam dicebatur. Nam Vñ eis significat longum siue procerum, qui Persica lingua Diras 10 diceretur. Lapnicus quoque Chasanem Longum adpellat. Ioachimus Cureus, Silesiorum historicus, nominat Hussancanum, vel corrupta voce, vel in Hassan Chan mutanda, quod esset Hispanico more, Don Hasan vel Chasan. Sed ipsos Persicos reges eo nomine vsos non memini vel legere, vel audire: quod tamen 15 proceribus eidem regi subditi tribui scio, & antea notasse recorder. Iusufze vel Iusufge nomen itidem factum est a statura, forma deminuta. Significat enim Iosephulum. Iouius simpliciter Iosephum nominat. De Tocata superius quædam habes capite 75. Quum dicitur a patre Mustaphas fuisse præfectus iis locis, intelligitur Amasia: de qua dictum initio declarationis, cap. nota- 20 rum 6. Mustaphas hic ante patrem extinctus fuit, aliis venationi causam mortis adscribentibus, aliis nimiz Veneri. Nobis ea lubet interpretando adijcere; quæ digna memoratu de ipsius interitu prodidit Spanduginus. Ait enim, Achmetem bassam, cognomento Bidicem, de quo statim plura dicturi sumus, habuisse 25 feminam formæ præstantem, cuius amore captus fuerit Mustaphas hic, Muchemetis filius: quum aliquando in aulam, officij causa, manum patris exosculaturus, venisset. Inde factum, vt illa quodam tempore balineum (pro more Turcico) ingressa, 30 Mustaphas eodem se conferret, & nudati (vt erat) nulla pudoris habita ratione, violaret. Indignum hoc facinus quum Achmetes ad Sultanum Muchemetem deferret, laceratisq; vestibus actulipanto, de tam graui quæretur iniuria, vindictam sceleris exposcens:

poscens: respondisse Muchemetem, cur iis querelis vteretur? an
nesciret, Sultani se mancipium esse? Si maxime filius, inquit,
meus Mustaphas in vxoris tuæ complexus venit, an non meo
cum mancipio rem habuit? Nihil tamen minus patrem de tali
1 patrato facinore filium secreto quam acerrime increpasse, iussis-
seque, suo vte conspectu ilico discederet. Et quia deesse non so-
leret officio, in obseruatione iuris & æqui, si quidem ita libitum
ei fuisset: misisse post triduum quemdam e suis, qui Mustaphæ
neruo infecto fauces iussu patris eliserit. Hæc Spanduginus. quæ
10 sane si vera sunt, vt pluribus ex causis esse videntur: memorabile
nobis exemplum paterni rigoris erga filium, ceteroquæ præstan-
tem virum, in e agente præbent: cuius Sultani suos in subditos,
velut in vilissima mancipia, ne maxima quidem dignitate viris
secundû ipsos principes repugnantibus, quiduis sibi licere putât.

25

CARACHISAR. CHAS MYRAT.

.ope

Clauserus in Chalcocondylis conuersione sua nomen vrbis, 144.
quam Muchemetes in Chafanis regionem pergens occuparit,
non repertum (vt arbitror) in suo codice, omisit. Adscriptum ta-
20 men est margini de libro Gundeliano Coryci nomen, ac rectè
quidem. Nam Corycum cepit, quam Turci suam ad linguam
nonnihil accommodarunt, & Charachisar dixerunt. Monuimus
enim supra, cap. 15, Turcis esse in more, sic antiqua mutare no-
25 mina ciuitatum, castrorum, stagnorum, fluminum, regionum:
vt priscorum adfinitatem reuinentia, nihilominus in sua lingua
quiddam significant. Ita de Coryco factum Carachisar, quod
Turcice sonat arcem nigram. Apud Ortelium in Synonymia
Geographica Curcu Nigri, & Corcos ex itineralio Beniaminis,
30 admitto: Mercatoris vero Chutam, cum Chuteo Iosephi Barba-
ni, nihil ad Corycum pertinere puto. Murates ille, Romaniz vel
Europæ beglerbegus, cuius nomen heic subiicitur, co-
gnominatus fuit Chas, hoc est, elegans
aut venustus.

*SYMCHASANIS FILIUS ZEINELI CAESARIS
sui in praelio contra Muchemetem.*

145. Qui hoc praelio fuit interfectus Chasanis Longi filius, nulum hie in annalibus nomen habet. Secretarius aut Sigismundi Malatestæ, reguli Ariminensis, qui tunc vixit, & plerisque rebus id temporis in Græcia & Anatolia gestis cum hero suo, magnæ virtutis, & nominis elari duce, interfuit: Zenialem vocat, qui Iovio Zeynal dicitur. Is vero Turcis est Zeineli, vocabulo significante hominem, cui dentes aut maxillæ prægrandes sunt. Illum Latini Dentatum vocarunt, hunc Græci Gnathonem, opinor: qui an Latine Maxillatus dici possit, alij viderint.

*MOLDAVIAE VAIVODA TURCOS
ingenti clade adficit.*

146. Moldaviæ Vaiuodam quum dicimus, semper illum intelligimus, quem a Turcis principem Carabogdanix nominari, monuimus supra, cap. 7 r. Qui vero eadem hanc Turcorum insignem edidit, appellatur a Bösinio & Cureo Stephanus, magnus sane vir, & bello felix: qui non Tureos modo cecidit, verum etiam illustri de Tataris potitus est victoria. Quæ Turcis Iscodara sit, explicatum ante, numero 121.

*GEDUC, ACHMETIS BASSAE COGNOMEN,
varie corruptum. Achmetis fortuna, non
minus varia.*

147. Magni nominis vir fuit Achmetes hic bassa, tam apud Sultannum Muchemetem II patrem, quam apud Baiasitem filium: de cuius origine Geufrazus errat, quum tradit, eum fuisse filium Stephani, non regis, sed Despotæ Bozinensis. Nam Bozinæ Ducis filius fuit alius ab hoc Achmetes bassa, cui cognomen erat non Geduc, sed Cherseogles, ut eum nostri vocant, de quo infra, suo loco, dicitur. Hic autem Achmetes, Albanensis erat origine, vel Epirota. Sigismundi Malatestæ secretarius scripsit,

eum fuisse virtute militari parem antiquis ducibus: adeo quidem, vt sola nominis sui fama, quocumque se conferret, omnibus formidinem ac trepidationem inijceret. Addit, cognominatum vulgo Ghendich propterea, quod ei dens vnus deesset.

- 5 Quam vero a tenui fortuna maximam ad dignitatem subito peruenerit, Spanduginus his propemodum verbis exposuit. Erat, inquit, Sultano Muchemeti satelles, (Solacos Turci vocant) qui Bidic Acmat ex eo nominabatur, quod in oris antica dentium serie, dentem vnum amisisset. Hic quum aliquando cum
- 10 principe suo colloqueretur, vt fieri nonnumquam solet, adferebat inter alia: non posse principem reuera se magnum prædicare, si non ex paruo magnum, & vicissim ex magno paruum facere posset. Hæc eius verba tantum in animo Muchemetis habuerunt efficaciz, vt Achmetes hætenus satelles, ab ipso supremum ad primarij bassæ gradum prouheretur. Quid ei post hæc euenerit, quum ipsius vxori a Mustapha, Muchemetis filio, stuprum inferretur: paullo ante narratum, capite 143. Mortis genus, consentaneum fortunæ subitæ, nimiumque blandienti, suo loco deinceps commemorabitur, numero notarum 156. Nunc
- 20 diuersitas indicanda cognominis, & verum cognomen ostendendum. Diximus eum a Spandugino vocari Bidic, & alibi Vidich, a secretario Malatestæ Ghendich: quam scripturam Geufraus retinet. Nominis notionem priores duo pæne rectam adtingunt, quum ita fuisse vocatum ab amisso dente referunt: Geufraus in expositione vocis fallitur, quum sic ait ipsum a magno dente nominatum. Scriptura hoc modo mutanda, vt apud Spanduginum pro Bidic & Vidich, legatur Gidic: apud reliquos duos pro Ghendich, Gedic: quod idem est cum Geduc. Peritiores Arabicæ linguæ Gutuc enuntiant per V Gallicum, quod parum
- 30 abest a Gidic siue Gitic. Significat autem vocabulum hoc truncum alicuius rei fractæ. de quo animaduertitur, hoc ei datum fuisse cognomen a trunco dentis, qui adhuc in ore scilicet reliquus haberet.

MARE NIGRVM, ET MARE
maius. *Cosé.*

148. Pontus olim dictus Euxinus vel hospitalis, per contrarium sensum, velut Axenos & inhospitalis, nunc a Turcis Caradenizi vocatur, a Græcis Maura thalassa, idem utroque nomine significante, videlicet mare nigrum. Vt est hac adpellatione Damascenus Studites in thesauro concionum suarum, scripto lingua Græca vulgari. Nomen hoc ei datum perhibent, non quod aquas habeat nigras, quæ profecto limpidissimæ sunt: sed a subitis frædisque tempestatibus, quæ prius placidum ac serenum, paullo momento nigris tenebris inuoluunt. Ediuerſo mediterraneum mare, non tantis obnoxium mutationibus, sed longe serenius, illis Aedenizi dicitur, his Aspra thalassa, id est album mare. Itali dissentiunt ab utrisque, ac a nobis etiam Germanis, qui hos sequentes & ipsi nigrum mare nominamus. Etenim adpellare solet mare maius, quod idem est cum mari magno. Id ei nomen dat Vincentius Beluacensis, vti supra notatum capite 128. Cosé Turcis scribitur, quæ Capha nostris est, in Taurica Chersoneso trans mare nigrum sita, Genuensium quondam colonia. Notum est, olim dictam fuisse Theodosiam. De Kerimis, Crimiis, Keraiis, (sic diuersis iidem nominibus adpellantur) Destensibusque Tataris, dictum superius, numero notatum 45.

MVCHEMETES OBSESSÆ SEMENDRIÆ
succurrit.

149. Obscuriuscule quædam heic dicuntur, quæ sic intelligenda. Muchemetes ad Morauam fluvium profectus est, hoc est, in Seruiam siue Rasciam, ad metropolim eius regionis Semendriam, vel Senderouiam, obsidione liberandam. Quippe Matthias Vngarix rex, vti Bonfinius refert, hieme anni 1476, ad Semendriam, vndique militibus cinctam, exstrui castella tria curauerat: vt artissime clausam in potestatem redigeret. his vero castellis

castellis potius Muchemetes, obsidionem soluit. Obiter heic lector obseruet, a Turcis etiam Morauæ nomen retineri, non Schitnizam cum Moraua confundi, de quo superius actum, capite 124. Quum deinde muro nouam arcem cinxisse dicitur, 5 intelligendum illud Genisaraum, in vrbs orientali angulo conditum, de quo paullo ante, numero 139. Præterea nomen Soleimanis Romaniz beglerbegi, quod statim subiicitur, Bonfinius ignorauit, Basseum modo vocans.

10

INSIGNIS TVRCORVM CLADES

in Vngaria.

Bonfinius vnum hac expeditione Turcorum ducem nominauit Halibechum, qui annalibus est Ali beg Michalogli: de reliquis duobus, Isa bego Chuseinogli, & Bali bego Malcozogli, 15 nihil compertum habuit. Turcorum exercitum LXCIO æstimat, Vngarorum duces fuere, Stephanus Batorius, Vaiuoda Transiluanienfis, & Paulus Kinisius, Comes Temesuarensis. Numerum cæsorum Bonfinius idem in litteras retulit, Turcorum xxxcio, Vngarorum viiiicio dumtaxat. Annum quoque posuit 20 1480. Vnde corrigendi captæ superiori anno Scodrz numeri apud secretarium Malatestæ, proque 1477, reponendi 1479.

RHODVS A TVRCIS PRIMVM OBSE-

*tur. Amadeus cognomento Viridis, Comes**Sabaudie.*

25

Sæpenumero quidē tentata fuerat hætenus, & obfessa Rhodus a Saracenis, etiam ab illo tempore, quo ab equitibus Hierosolymitanis S. Ioannis Baptistæ (Frerios vocari scribit Nicetas, 30 Gallica nimirum voce, significante fratres) possidebatur: & ante hanc obsidione proxima liberauerat eam Comes Sabaudus Amadeus, cognomento Viridis, immortalis cum laude sui nominis. Ideoque cum alba cruce, in campo rubro defixa, quæ ipsius ordinis equitum Rhodiorum insignia sunt, perpetuum

ea familia symbolum FER huius Amadei virtute promeruit. Nam ex litterarum plenius explicatarum significant, Fortitudinem Eius Rhodum Tenuisse. Sed Turci nihil ad hoc usque tempus in eam moliri fuerant ausi, licet Asia quietam prope possessionem inturburari ab equitibus illis Rhodiis, ægerrime ferrent. Nunc tandem Rhodum iussu Muchemetis adgressus est Mesites vezir bassa, gente Palæologa natus. Erat tunc princeps ordinis, quem Græci Megalon Mastora vocabant, nostri Magnum Magistrum, Petrus Albussionius, natione Gallus, qui postea Cardinalis ecclesiæ Romanæ creatus fuisse traditur. Is tam fortiter hac obsidione cum suis se gessit, ut non solum infecta re, verum etiam damnis acceptis grauissimis, inde discedere Mesites cogeretur. Quippe non reuocatis ad calculum detrimentis ceteris, cæsa periere Turcorum xxxc. id, ut quidam aiunt, Geuzo longe minorem ponente numerum.

OTRANTVM A TVRCIS CAPTVM, ET

Christianis receptum.

152. Otrantum Turcis & Italis dicitur extremo in angulo Apulix sita ciuitas, e regione Albanix vel Epiri: cuius ab opido Velona siue Valona, quondam Aulonia, sexaginta dumtaxat interiecto mari milliariibus Græcis distat. Imperator Leo metropolim facit, & Hydruntem vocat, vnde corruptum nomen Otranti. Leone quidem regnante pars ut isthæc Italix, cum Calabria, Byzantino parebat imperatori: sic & metropoles Romæ Nouæ patriarcham, non veteris Papam agnoscebant. Inter alia post captam Hydruntem a barbaris edita crudelitatis exempla, refertur & illud, quod vrbis archiepiscopum ad aram serra dissecuerint. Nos e Corcyra soluentes, deficientibus idoneis ventis, heic subsistere coacti fuimus, in non exiguo, propter immanes piratas Turcicos, discrimine constituti: qui ob interfectam cum familia non ita dudum Ramadanis bassæ Tripolitani coniugem, ut in supplemento annalium narrauimus, in Venetis ra-

biole

bioſe graſſabantur. Nec Hiſpanus gubernator Hydruntinus mi-
 nori uſus eſt erga nos barbarie, qui per nauclerum cum pericu-
 lo ablegatum rogantibus, ut aliquanto propius ad portum acce-
 dendi poteſtatem faceret: quo portus & urbis uicinia tutiores a
 5 piratarum iniuriis eſſemus, non ſolum id negauit: uerumetiam
 denuntiari iuſſit, ſe nos omni genere tormentorum bellicorum
 ex arce, ſi propius accederemus, excepturum. Id fiebat propter
 ea, quod Conſtantinopoli ueniremus: ubi ſuperiori æſtate, ve-
 luti paullo ante dictum, grauiffime morbus peſtilens ſæuierat.
 10 Amplius tamen quinque menſibus, ante noſtrum diſceſſum, ea
 graſſari deſierat: ac nos quarto iam menſe a Conſtantinopoli
 aberamus. Ita nimirum exuere quaſdam belluas omnem non
 dico caritatis Chriſtianæ, quæ fruſtra in eis quæritur, ſed huma-
 nitatis ſenſum uidemus, de hac uita quam diutiſſime conſeruan-
 15 da ſollicitos, quum æternam & cæleſtem nullam exſpectent.
 Hydruntem a morte Muchemetis, quum Baiaſites patris in im-
 perio ſucceſſor, bello contra Zemem fratrem implicatus, Ach-
 metem Geducem baſſam ad ſe anno proximo (ſicut in annali-
 bus paullo poſt ſequitur) reuocaſſet; Neapolitani reges obſeſ-
 20 ſam & expugnatam recuperarunt, ab Vngaro rege Matthia co-
 piis auxiliariſibus impetratis: quæ pugnis aduerſus uicinos Tur-
 cos aduerſæ, præcipuam hoc bello, ſuperandis barbaris, ope-
 ram nauaſſe prædicantur.

25 MORS SVLTANI MVCHEMETIS II.

*Teggiur Zair. Clyſomene. Nym-
 phaum.*

Commode mors conſilia Muchemetis interruptit, futura rei-
 30 publicæ Chriſtianæ pernicioſa. Nam Otranto capta, progreſſu-
 rus erat haud dubie: præſertim quum Roma Noua potitus, et-
 iam de Roma ueteri ſubijcienda perpetuo neſcio quid ſomnia-
 ret. In Aſiam tranſmiſiſſe cum exercitu dicitur, inuaſurus Ægy-
 pti Sultani, tum quod legatos ſuos, ab Uſumchaſane Perſarum

rege cum muneribus reuertentes, violasset: tum etiam, quod
 pedaneum vectigal a Turcis, Mechien, per imperij sui fines, re-
 ligionis ergo proficiscentibus, exigeret. Exstinctum tradit Bon-
 finius anno Christiano 1481. v Non. Maias. Addunt annales,
 in Teggiurum prato mortuum. Hoc loci nomen Turcis Teg-
 giur Zair effertur. Et exposita superius est causa, numero nota-
 rum 56, quamobrem Turci Græcorum Imperatores nomina-
 uerint Teggiures. Secretarius Malatestæ refert, Mucheme-
 tem cum exercitu transiecisse Scutarium, indeque profectum
 ad Chisiuichen, cuius planicies ab vna parte ad mare pertineat, 10
 in morbum incidisse. Quibus in verbis pro Chisiuiche puta-
 rim equidem aliud nomen reponendum, adeoque Geiuisen il-
 lam, de qua dictum capite notarum 74. Quippe fatentur o-
 mnes historici, Muchemetem iter hoc Nicomediam versus te-
 nuisse: a qua non longe cum abesset, mortuus fuerit. Notatum 15
 vero supra, Geiuisen vnus itinere diei non magno distitum a
 Nicomedia. Dictum ibidem, maris istic esse sinum, quem ve-
 teres Astacenum vocarint. Eum secretarius etiam Malatesta-
 nus ipse digito quasi demonstrat. Prætor Græciæ noster cu-
 iusdam regij vel imperatorij palatij meminit, cui nomen dat 20
 Nymphæum. Ab eo non procul distitum describit locum, ta-
 li Teggiurum vel Imperatorum prato rebus omnibus similli-
 mum. Alicubi de Nymphæo: Michaël, ait, Palæologus im-
 perator Nymphæum peruenerat, quo loco recreare se solebant
 imperatores, postquam Constantinopoli (a Flandris) in exsi- 25
 lium eiecti fuerant. Alibi vero planiciem vel pratum ipsum de-
 scribit his verbis: Quum dies aliquot (imperator Ioannes scili-
 cet Ducas Vatatzes) Phlebiis exegisset, Clyzomenen profectus,
 (hoc loco nomen est) ibidem tentoria figi iussit. Nam istic impe-
 ratōres e Nymphæo digressi, cōmorari solent, maioremq; veris 30
 partem trāfigere. Quippe totus ille locus mera planicies est, quæ
 graminis copiam, compluribus equis sufficientem, producit. A-
 quis etiā irrigatur, ac in propinquo multos pagos & ciuitates ha-
 bet, a quibus ad victum necessariæ res copiose subministrantur.

Hactē

Haſſenus Prætor, qui Nicæa profectum ad hanc Clyzomenen ſcribit imperatorem. Ea vero ſi non eſt illud Teggiurum vel Imperatorum pratum, in quo mortuus, de annalium ſententia, fuit Muchemetes: equidem alium, quem indicem, ſic adpellatum ſ locum, nullum inuenio.

SVLTANI ZEMIS, ALTERIVS FILII

Muchemetis hiſtoria.

- 10 Principio monendus lector, huic apud Turcos nomen eſſe, 154-
Sultan Zemi, vel Gemi, *punctatione Italica*. Geuſſus, & alij, nō recte Zizimum & Zizimen adpellant: peius etiam Bonfinius Czaliabum, quod ex Zelebi corruptum arbitror, de quo vocabulo dictum initio declarationis huius. Vtriusque pugnae narratio, qua bis Achmetis Geducis baſſæ ductu ſuperatus a fratre fuit, heic in annalibus exſtat. Reliquæ poſt fugam vitæ fortuna breuiter e noſtris exponitor, quando Turcicam, vt parum ſibi cognitam, in litteras referre non potuerunt. Igitur altero prælio victus, deſperatis rebus ſuis, in Rhodum profugit: ſequē magno equitum Rhodiorū Magiſtro, qui tunc erat Petrus Albuſſonius Gallus, tradidit. Agebat tunc ætatis annum vigefimum octauū. Id vbi Baiasites accepiſſet, ampliffimis Magnum Magiſtrum, cuiusque conſiliarios, muneribus demulcens, vt diligenter adſeruaretur, petiit: ſimul ad eius alimenta ſe quadraginta millia ducatorum ſingulis annis, quam quidem diu frater ſuperſtes futurus eſſet, numeraturum promiſit: pacem denique cum Chriſtianis perpetuam culturum ſpondit. Accepit eas condiciones magnus Magiſter, quas quidem bona fide Baiasites impleuit. Zemes vero, tum plenioris, ſecuritatis cauſa, tum vt Baiasites
30 tanto magis in metu perpetuo contineretur, in Galliam fuit abductus: vbi diu vixit in quadam Rhodiorum equitum arce, cui nomen Burgonouo. Deductus inde Romam fuit, ad Innocentium eius nominis VIII, Pontificem. Ibi, quam diu vixit Innocētius, ac poſt mortem illius, ſub Alexandri VI Pontificatu, manſit:

donec occupaturus regnum Neapolitanum Karulus VIII Gal-
liæ rex, Romam venisset. Nam is Zemen ab Alexandro impe-
trauit, vsurus eo, quemadmodum quidem aiebat, ad recuperân-
dum imperium Constantinopolitanum. Pontifex autem Ze-
mi venenum propinasse lentum traditur, quo certum ad termi-
num paullatim cōfectus expiraret. Itaque post aliquot dies Ter-
racinam perductus, ibidem rebus humanis excessit.

MEKIE. MEDINA ALNABI. FILII
nepotumque Zemis historia.

10

- 155 Victus priori prælio Zemes, dicis causa, quod aiunt, quasi vo-
tireus, Mekien se contulit. Ea nostris Mecha est, Achmetioni-
rocritæ Mecca, Saracenis Medina Alnabi, hoc est, ciuitas pro-
phetæ. Reapse vero ad Alcairensem Sultanum confugit, a quo
Geufræus eum copiis & pecuniis adiutum scribit: sed negat hoc
Malatestæ secretarius, tantūmodo referens Zemen Sultani Al-
cairensis fidei vxorem cum filio commendasse. De hoc eius fi-
lio quid factum fuerit, paucis Spāduginus exposuit. Quippe nar-
rat eum, quum in Rhodum insulam peruenisset, amplexum re-
ligionem Christianam, & baptissatum. Ibidem, susceptis ex cō-
iuge quatuor liberis, duobus masculis, totidemque femillis, ve-
lut in latebris vixisse: donec Rhodo capta, percunctāti de eo sol-
licite Soleimani proditus, quum religionem Christianam desec-
teturum se constanter negasset, duobus cum filiis occideretur: iu-
bente Soleimane, vt filiz Constantinopolim auherentur.

MORS GEDVCIS ACHMETIS BASSAE.

156. Quia condicione humillima subito supremam ad dignitatē
& opes emerferat, & imperatoriis tamen artibus præstans, ma-
gnas pro Sultanis suis, Muchemete Baiafiteque, res gesserat, in-
signi sua cum gloria: quam indigna tandem morte vitam hanc
clauserit, annales hoc loco paucis commemorant. Causas tamē
nullas

nullas adiiciunt, cur ita subito peremptus fuerit, iussu Baiafitis, vt
 Geufrazus; ipsius manu Baiafitis, vt Malatestæ secretarius scrip-
 sit. Geufrazus ait, testatum fuisse Baiafitem, nimiam serui ma-
 gnitudinem ac virtutem domino formidinem incutere. Mala-
 testæ vero secretarius huiusmodi quædam paullo prodidit ex-
 plicatius, quæ cōmutatis verbis ipsius Italicis cum Latinis, heic
 inseremus. Erant, inquit, pertinaces animi Genizarorum, quos
 sane nonnumquam dicere non est veritum, quando Baiafite do-
 mino parum propitio vteretur, arcessituros se Sultanū Zemem,
 10 qui eis imperaret. Quinetiam armati aliquando, magna cum ra-
 bie ad ipsas Sultanini palatij portas adcurrerunt. Tum vero Ba-
 iafites lenibus eos verbis mitigare, cunctisque postulatis ipso-
 rum sane quam indulgenter adnuere. Sopitis autem furentium iris,
 auctores seditionis e medio sustulit. Et quia sæpenumero Geni-
 15 zari ad Achmetis Chendicis veziris bassæ domum itabant, Ba-
 iafites Hadrianopoli tandem, qua in vrbe tunc agebat, ad con-
 uiuium Vezires suos omnes inuitauit: ibique Achmetem bassæ
 manu propria confecit. Hæc ille, quibus Arateum hoc epi-
 phonema rectissime quis adiecerit: eiusmodi scilicet amoris ac
 20 beneuolentiæ tyrannorum esse præmia.

FAMILIA CARAMANIAE PRINCIPVM

*exstincta. Pirametus, pro Ibrahim. Caramania
 in formam beglerbegatus redacta.*

25 Vltimus est Cafanes ille, cuius heic nomen prodiderunt an- 157.
 nales, qui de Caramanorum familia principum in historiis re-
 peritur. Nam Geufrazum errare videmus, qui tradit exstinctam
 horum familiam sub Muchemetis imperio, duodecim vel tre-
 30 decim ante hoc tempus annis: & aliud vltimo dat nomē, Abra-
 hamum vocans. Ait enim, Muchemetem liberatum. Vsum cha-
 fane (Assambegum ipse nominat) aduersario, post obitum Pira-
 meti Caramani reuersum in Caramaniam, Abrahamo filio e-
 ius imposuisse necessitatem implorandi auxilia Christianorum,

maxime Pij II Pontificis: qui profectio in Caramaniam cō-
stituta, Anconam, vbi classem adornari curauerat, profectus; i-
bidem mortuus sit, dum aduentum Venetorum sociorum ex-
spectaret. Hinc euenisse, vt classe diuisa, & occupatis Vngarico
bello Germanis, Caramanus minime ad resistēdum Turcis suf-
ficiens, interfectus fuerit: atque ita familiam Caramanicam de-
fecisse, cuius ditio cesserit Osmanidis. Non temporibus hæc dū-
taxat, sed rebus etiam confusa sunt. Ait occisum Abrahamum,
Pirameti filium, in ea familia postremum, post Vsumchasaniciū
bellum, quod pertinet ad annum Christianum 1474. Voluisse 10
vero Pium II Pontificem huic opem ferre paullo ante, quā im-
pse vitam cum morte commutaret, & alter a Turcis opprime-
retur. Atqui decem plus minus ante hoc tempus annis, Pium Pa-
pam mortuum fuisse constat. Præterea tradunt annales, a Mu-
chemete I Iereptam Caramano Giolchisarem, anno Christia- 15
no 1469. nec tamen ipsum principem, qui tunc Ibrahimes erat,
interfectum fuisse. Quem etiam dicit Abrahamum, Pirameti fi-
lium, bella cum Muchemetegessisse; Bonfinius Pirametum ad-
pellat, Turci nominant Ibrahimem, qui scilicet idem est cum
Abrahamo. De quo equidem colligo, quodnam sit illud Pira- 10
meti nomen. Arbitror enim, litterarum metathesi Pirametum
eundem esse cum Praiteto vel Praime, siue Turcico Ibraime.
Sic & supra notauimus, ex eadem voce Praime factum apud
Chalcocondylem Priamum, trāspōsitis itidem litteris. Ibraimis
vero filius Casanes, quum in Baiasitis Porta educaretur, anno 15
tamdem Christiano vel 1483, vel sequenti mortuus, Caramani-
darum familiæ finem imposuit: ex quo tempore Caramania be-
glerbegatus Osmanidarum esse cepit.

IMARETVM BAIASITIS, AD FLVMEN

Hadrianopoli conditum.

30

158. Sunt Hadrianopoli trium confluentes amnium, Hebri siue
Marizæ, Tunsæ siue Tænari, & Hardæ, de quibus antedictum.
capite:

capite 30. Postquam hi fluuij coiere, Marizæ nomen superat, in cuius ripa scilicet imaretum suum Baiaſites exſtruere cepiſſe dicitur.

KILI. GILIVM. CELIVM. CHELIA. ACHIL-

lea. Neſtoralba. Beſſarabia. Kermen, Aherman.

Moncaſtrum. Stephanus Vainoda

Carabogdania.

Quæ heic de arce Kili capta leguntur, huiuſmodi fere verbis 159.

- 10 a ſecretario Malateſtæ ſunt expoſita, quæ vertendo adſcribere libuit. Baiaſites, ait, in otio triennium exegit, poſt ſuperatum videlicet, expulſumque fratrem Zemem: ac deinde Tataris in ſocietatem adſcitis, claſſem 350 nauium, cum magnis terreſtribus copiis inſtruxit: vt bello Carabogdaniz Vaiuodam inuaderet, 15 eiufque vires euertetet. Regionem huius ingreſſus, omnia flammis & ferro vaſtauit, ciuitatemque Chilium cepit, etiam arcem dedêre Mamalacco Caſtellano, patriæ proditore. Proſecti ſunt deinde Turci Tatarique maximo cum exercitu ad opidum Mōcaſtrum. Quumque ſibi eam quoque ciuitatem dedi poſtulaf-
- 20 ſent, ac interueniente pacto relinquendi cum vita facultates incolis ſaluas, voti compotes facti fuiſſent: niſiul eorum, quæ promiſerant, præſtiterunt. Baiaſites etiam familias plus minusue quingentas eorum ciuium Conſtantinopolim abduci iuſſit. Bōfinius eodem tempore geſtas ibidem res commemorans, Achil-
- 25 leam ait, nunc Cheliam, & Neſtoralbā, ad Iſtri oſtia ſitas, a Turcis tunc obſeſſas fuiſſe. Stephanum vero Myſiæ inferioris (Moldauiam dicere vult) principem, ab Vngaro rege Matthia petiſſe opem ex ſœderis ſocietatiſque lege. Sed ante miſſa ſubſidia, ciuitates illas in hoſtium poteltatem veniſſe. Conferamus hæc in-
- 30 ter ſe, Turciciſque cum annalibus. Primus ait, a Baiaſite capta fuiſſe cum arcibus opida, Chilium & Mōcaſtrum: alter, Cheliam & Neſtoralbam: annales denique, Kilim & Chermen. Conſentiunt igitur omnes, de capto priori opido, niſi quod eſt quædam in nomine diuerſitas: ſicut idem a Laonico Celium quoque di-

citur, a Cureo Cilium. Iouius, per errorem puto, Lithostomum
 adpellat, in ripa Danubij, vel ad ostium Danubij potius. In alte-
 rius autem ciuitatis vocabulo dissentire videntur, primo nomi-
 nante Moncastrum, altero Nestoralbam, tertiis denique Cher-
 men. Secretarij Moncastrum, & Chermen Turcorum, idem esse
 puto: diuersam ab vtraque Nestoralbam. Quippe Kermen
 seu Chermen situm est in Moldauiz Tatarizque finibus, versus
 Pontum Euxinum, vbi scilicet in hunc se Danubius effundit. Et
 Sangiacatus est hodieque Chermen vel Aherman, Beglerbego
 Romaniz siue Græciz subiectus. Bonfinij vero Nestoralba, nō
 Moncastrum, aut Chermen, sed vrbs est hodie Bialogrod dicta,
 quod arcem albam significat, ad profluentis in Euxinum, non
 Istri, sicut Bōfinius scripsit, sed Nesteris amnis ostium sita. Qua-
 propter non Nestoralba, sed Nesteralba scribi debuit. Et Nester
 priscis vocatus fuit Tyras fluuius. Historici Græci recentiores ab
 annis 500 Danastrin adpellarunt, vti Neperem vicinum, Dana-
 prin: qui mihi quidē non est Borysthenes ante, quā Berisnam
 a Rosliæ vel Russiæ finibus venientem recipiat, ad quam Bory-
 sthenis etiam vetus nomē propius accedit. Cureus scripsit, hoc
 ipso anno Christiano 1485, Stephanum Valachū, de quo disce-
 ptabant inter se reges, Vngarus Matthias, & Casimirus Polonus,
 vtrius esset cliens, tandem in verba Casimiri regis in castris iu-
 rasse: nihiloque minus desertum a Polonis, amisisse Bessarabiā.
 Hæc nimirum est illa regio extrema in ora Valachiz, Nigrū ad
 mare sita, quæ Kilim & Chermen, siue Moncastrum, opida con-
 tinet, sic a Bessis Thracibus adpellata. Noui aliquādo in aula Ma-
 ximiliani II Augusti, Spiræ comitia celebrantis, Nicolaum, pa-
 tre Bessarabiz principe natum, vti quidem credebatur: docu-
 mentis quibusdam, ac testimoniis, præsertim Venetorum plum-
 beis bullis, hanc eius originem adprobantibus.

*BELLYM INTER SVLTANOS, CAIRENSEM ET
 Osmanidam. Vsun Vsbeg. Tersis.*

160.

Huius belli causæ referendæ veniunt ad superiorum tempo-
 rum

rum offensas. Diximus enim, Muchemetem II, Baiaſitis patrē,
 paullo ante mortem in Aſiam tranſiniſſe, bellum vt faceret Al
 cairenſi Sultano, qui hoſtes eius iuuerat, præſertim Caramanū:
 & alioqui ſe gerebat erga Turcos inſolenter, vt dictum capite
 5. 153. Proſequitur ergo bellum a patre inchoatum Baiaſites, ſiouis
 inſuper iritatus iniuriis, quod Zemis partibus Sultanus Alcai
 renſis fauiſſet. Is a Iouio, Geuſrazo, ceteris, Caitheus non recte no
 minatur; melius a Petro Martyre Mediolanenſi Caitheus, quaſi
 Caitbegus, Sultani Mahumetis pater, dicitur. Vide caput 237.
 10 Ab eodem Zemis vxorem & filium tradi ſibi Baiaſites' poſtula
 bat. Quis autem fuerit inter ceteros hoc bello ſocius Sultani Al
 cairenſis Vſun Vſbeg, non exprimitur. Nomen Vſun, longum
 ſignificat: Vſ, callidum & aſtutum. Amicus meus Nicolaus Hau
 noltus, ait Vſbeg Han vocari regem quemdam Tatarum, lon
 15 gius etiam diſſitum quam ſit Chitainus. Adanorū ciuitas in Ci
 licia ſatis eſt nota, de Græcorum etiam, Zonaræ, Cedrinique hi
 ſtoriis. Terſis eſt illa diui Pauli patria Tarſus, quam Stephanus,
 vrbium Nomenclatoris auctor, Græcis etiam vult adpellatam
 fuiſſe Terſum & Terſiā. Bellonio nunc Hama putatur, & Ham
 20 ſa dici, per errorem: quum ea ſit Emiſſa Phœnicum. Tam Ada
 na, quàm Tarſum fluuius alluit, qui priſcis Cydnus erat, iam Ca
 raſu dicitur, ab aquæ profundæ nigro admodum colore.

NON SEMEL, SED BIS PVGNATVM INTER SVL
 25 taninos & Oſmanicos. Diuerſa nomina, Cheſerogli, Cher
 ſeogli, Herceogli, Herzecogli, Cherezecogli.

Ceperunt hæcenus a Muratis vſque ſecundi temporibus, a 161.
 Turcis memoriæ prodita, non nihil habere pluribus in explicā
 30 dis rebus geſtis plenius, q̃ noſtris in hiſtoriis reperiri videamus.
 Indici o eſt, plerorūq; noſtrorū error. de prælio, quod vnū tradūt
 inter Sultanos & Oſmanicos longe grauiffimum fuiſſe com
 miſſum, tanta cum Turcorum ſtrage, quantam ab alia natione
 orbis vnquam perpeſſi fuerint. In his eſt Geuſrazus, qui tum

nomina ducum, tum geminam pugnam confundens, exercitu Turcico in fugam conuerso, Cherseolum generum Baiafitis captum, Alcairum ad Sultanum Caitheum fuisse deductum ait. Annales autem Turcici duces expeditionis primæ faciunt, Ferhatem begum, Baiafitis generum: Caragosamque, beglerbegum Caramaniæ: quibus e duobus alter fuerit cæsus, nimirum Ferhates Baiafitis gener. Expeditioni vero secundæ præfectos fuisse memorant, Muchemetem Cherseoglim, & Achmetem Ducis filium, Romanæ beglerbegum. Nesciuit ergo Geuftræus, cæsum priori prælio Ferhatem, Baiafitis generum: nesciuit altero prælio duos fuisse duces, Cherseoglim & Herzecoglim. Itaque non pugnas modo duas in vnam confundit, verum etiam e tribus, Ferhate Baiafitis genero, Cherseogli, ac Herzecogli, qui & ipse Baiafitis gener fuit, vnum quasi constat Cherseolum suum. Eius vero nomen hoc haud dubie corruptum est ex Cherseogli, 15 qui Cherseis est filius, de quo Cherse bego, Elpia familia nato, tractatum superius capite 117. Non tamen hic Cherseogli Baiafitis gener, aut captus secundo prælio fuit, sed Herzecogli siue Ducis filius, Achmetes bassa: quem antea quoque Geuftræus confudit cum Achmete Geduce, sicut expositum supra, numero notarum 147. Nomen habuit Herzecogli Turcogermanum. Nam supra notatum capite 95, plures populos Ducem nominare vocabulo a Germanis accepto, Hertzog. Indidem lector intelligit, Bozinam duplicem, duos habuisse principes: quorum vnus regium, alter Ducis titulum habuerit. Ex vltimo Bozinensi Duce 25 natus fuit hic Ducis filius, vel Herzecogli, cuius nomē hoc varie scriptum legitur apud historiarum auctores. Spanduginus habet vocabulum Cherzecogli, quod idē est cum voce recte scripta Herzecogli. Sed errat idem, quum Anatoliæ beglerbegum facit, qui Turcis auctoribus Romanæ beglerbegus fuerit. Apud 30 Ma aetæz secretarium Herceogle reperitur, apud Iouium Cherseogle. Sed hæc omnia deprauata sunt ex illo Turcogermano, quod diximus.

FINIS DVCATVS BOZINENSIS, VEL HERZEGOVINA, vel Herzega, vel Orzega, vel S. Saba, vel Montis Nigri. Achmetis Herzecoglibassa historia.

- Recensuimus supra, capite notarum 141, regni Bozinensis interitum: nunc qui Ducatus Bozinensis exitus fuerit, itidem commemoremus; ita promisso nostro, & huius Ducis filij, vel Herzecoglis historia poscente: Nam annales aiunt, Achmetem bassam Herzecoglim, prælio contra Sultaninos secundo, cum equo prolapsus, in Sultaninorum manus venisse, deductumq; fuisse ad Vsbegum, & custodiæ traditum. Secretarius autem Malatestanus, eadem narrans: Basasites, inquit, nuntio cladis suorum accepto, indignatione nimium quâta succensus, denuo præpotentem instruxit exercitum, eique supremo cum imperio præfecit Herceoglim, Stephani quondam S. Saux Ducis filium: qui aduersa quadam fortuna superatus, & vniuersis cum copiis cæsus fuit, etiam tribus ei dextræ manus digitis amputatis. Videamus ergo, quæ fuerit huius tam origo, quàm familia: quæ ad
- 10 Turcos deficiendi occasio: qui denique totius gentis, e qua natus erat, interitus. Diuersa verò referuntur a duobus auctoribus, Spandugino & Iouio: quos quidem ambos, & primo Græcum illum, audiamus. Narrat is, ante hæc tempora Sultanum Muchemetem II decreuisse cum animo suo, subiugum mittere Ducatum Bozinensem, cuius princeps Stephanus, S. Saux Dux, & Herzechus (animaduertit lector Germanicam vocē Hertzog) vulgo fuerit adpellatus. Ipsam regionem Raguzæ esse finitimā, inter quos, & principem Stephanum, similitates interceslerint, ex causa quadam huiusmodi. Erat Duci legitima coniux, e qua
- 30 tres liberos mares susceperat: Ladislaum natu maximum, cui nupsit Anna Cantacuzena: Stephanū, secundogenitum: & vltimum, Vaticum. Accidit autem, vt Florentina quædam mulier, excellentis formæ, sed nimium corporis sui prodiga, sese in hanc Ducatus Bozinensis regionem, relicta patria, conferret. Dux

Stephanus, qui sæpius accepiſſet ex aliorum ſermonibus, mulieres Florentinas ob formæ venuſtatem, animique indolē, & morum elegantiam, facile primas inter alias omnes Italix feminas ferre: quum primum de huius adueñtu intellexiſſet, eius videntæ cupidus, miſit qui ad ſe mulierem arceſſerent. Conſpectam 5
 mox adamare cepit, adeo quidem, nihili ſuam vti legitimam cōiugem faceret, cuius eum ceperat ſatietas. Vxor verò principis, eam quum ferre diutius non poſſet iniuriam, Raguſam cum filio natu maximo fuga ſecreta ſe contulit. Maritus miſſis ad eam certis internuntiis, vti domum rediret, orabat: neue diſceſſu & 10
 abſentia ſua cauſam præberet, vnde ſua diuulgaretur infamia. Viciffim illa reſpondebat, ſe redituram, ſi Florentinam ab ſe dimiſſet. Dux Stephanus id vti faceret; imperare non poterat animo ſuo. Nihilo minus ſuis ad Raguſæos hominibus ablegatis, vxorem cum filio repetebat. Illis voluntati principis non obſtā- 15
 perantibus, bellum inferitur. Raguſæi viciffim ſe deſenſuri, copiis ſuis Stephani filium Ladiflau cum imperio præficiunt, eumque rebus omnibus adiuuant. Filius prælio cum patre congreſſus, victoria potitus eſt, ac patrem fuga ſibi conſulere coëgit: magno paternorum militum numero interfecto. Tum vero fugiti- 20
 uus Dux Stephanus ad Sultānum Muchemetem mittit, qui eius opem & auxiliares copias aduerſus filium ſuppliciter implorarent. Simul obſidem Muchemeti filium ſecūdogenitum offert. Iſ erat Stephanus, qui deinceps muſulmaniſſauit. Muchemetes non poſtulat ſiſ dumtaxat adnuit, verum etiam propriis auſpiciis 25
 id bellum ſe geſturum promiſit. Aduentante vero cum exercitu Muchemete, moritur pater: Ladiflaus, filius primigena, Venetias cum vxore ac liberis ſe confert: indeque profugiens in Vngariam, rebus ibidem excedit humanis. Muchemetes occupata regione, quoddam tertio filio Ducis Stephani Vatico reliquit o- 30
 pidum, cui nomen Valacca, cum Caſtello Dalmatiæ Nouo, & aliis locis, vnde viſitaret: viciffimque Vaticus pro domino ſiue patrono, Muchemetem adnoſcebat. Mortuo vero Muchemete, Baiasites huius Vatici, Stephani S. Sabæ Ducis filij, regionem
 in

- in potestatem redegit: qui non multo post Arbæ mortuus fuit. Id opidulum est insulæ cognominis, in Hadriatico sinu propter Dalmatinum litus secundæ post Veghiam, quam Ortelius non recte Vechiam scripsit, & peius interpretatus est Vetulam, quâ
- 5 Vegla seu Vigla dicenda sit, & a Bonfinio Corycia veteribus vocata putetur. Hæc de fine Ducatus Bozinenfis, & ipsorum Ducum familiæ, Spanduginus memoriæ prodidit. Iouius autem refert ex Iani Lascaris sermonibus, hominis apud Græcos illustri familia nati, cui notissimus Achmetes bassa fuerit, Cherseoglîm
- 10 glîm matura iam, & virili ætate, religionem Christianam deseruisse: sicutamen, ut in pectoris sinu veræ fidei non obliuisceretur. Fuisse vero filium Chersecchij, Nigri Montis in Slaunonia reguli: cui quum data esset in matrimonium, iamque domum ad celebrandas nuptias deduceretur, puella nata de stirpe Despotica
- 15 Seruiana: sceleratum patrem, motum admirabili nurus elegantia, coniectis in eam oculis, amore correptum fuisse: quumque luxuria pudorem omnem vinceret, sibi eam accepisse vxorem, contra voluntatem cognatorum, qui repræhenderent facinus, filio contumeliosum, infame patri. Commotum dedeco-
- 20 retantæ iuuenem iniuriæ, præcipitiq; nimis impulsus desperatione, Constantinopolim se contulisse: quumque Sultano Baiafiti fœdum patris facinus dolenter exposuisset, eius se fidei totum, & clientelæ tradidisse. Baiafitem, auditis Stephani querelis, bono ut esset animo, iussisse. Virtutem ipsius maiora fortunis pa-
- 25 ternis promereri. Habiturum loco ereptæ sponsæ, quæ cognata sit exsulis reguli, filiam maximi Sultani, rara formæ venustate præditam. Secundum hæc eum, deserta religione Christiana, Stephaniq; nomine posito, vocatum fuisse Achmetem & Cherseoglîm, nuptiasque filiz Baiafitis impetrasse: cui fidus perpetuo
- 30 manserit, adeo quidem ut insidianti deinceps imperio paterno Selimi summopere sit aduersatus. Hæc Iouiana de Cherseogle narratio num præferēda Spandugineæ veniat, equidem aliis diiudicandum relinquo. Solum hoc, quod de morte Stephani patris Spanduginus tradit, sub aduentum Muchemetis (ut ait) ex-

stincti, scrupulum quemdam nobis iniicit. Referūt annales Turcici, Muchemetem Herzegouinam, siue Bozinēsem Ducatum, occupasse anno Christiano 1464, a quo tempore vixit ipse quatuordecim adhuc annis, & fortasse superstes etiam Dux Stephanus mansit. Non enim legitur in Annalibus, hunc id temporis a Muchemete cum filiis e medio sublatum, vel omnino ditione sua spoliatum, quemadmodum de Bozinenſi rege dicto loco proditum videmus expresse: sed tantum a Muchemete sub iugū fuisse missam Herzegouinam, quæ Bozina superior est, & S. Sa-
uæ (sicuti Malatestanus actuarius ille Græca pronuntiatione scripsit) vel Sabæ ducatus. Hoc modo si diutius superstes Dux Stephanus pater, & Turcis subditus, eisque tributum pendens, non modo Florentinæ mulieris adulterio se polluit, verum etiā deinceps sub Baiaſitis imperio sponſam Stephano filio secundogenito per scelus eripuit: non mirum est, adaucto plenam ad mensuram flagitiorum cumulo, finem Bozinenſi ducatu numen iratum imposuisse. Solent enim vel in primis eiusmodi principū vagæ libidines excidia regnis eorum arcescere.

DVLGADIR ET ALADEVLE. DAUD

bassa. Turgus regio.

163. Prouincia siue regio Dulgadir, aut Dulcadir, a nostris partim Anadoule, & Alalulic, non recte dicitur, partim Aladoule. Turcici vero annales Dulgadiris nomen regionis tribuunt, cuius princeps ab eis dicitur Aladeule, vocabulo tetrasyllabo. Limites ditionis, Cappadociæ mōtibus inclusæ, quos Munzari voce Cedrinus in Paralipomenis nostris complectitur, tunc temporis erant hi: versus Syriam Sultano Cairensi parentem, Berrhœa, nunc Chalep vel Halep Turcis, nostris Halepo: versus imperiū Persici vel Sophini regis, Armenia minor: versus imperium Osmanidæ principis, Amasia: versus Caramaniā, Adana & Tarſus. Aladeules ipse Turcomanus erat princeps, nō Christianus: ut etiam Malatestanus actuarius testatur reliquit. Daudis no-

men

men Turcis idem est, quod Hebræis Dauid. Nicolaides deprauate scribit Daar. Magnus & celebris apud suos fuit, qui Constantinopoli messitam, hodieque sartam tectam, struxit: & filio suo Sultani Baiasitis filix nuptias promeruit. De Varsaco Caramanix dictum capite notarum 77. Erat illa tunc quidem, post obitum Casanis begi, quem supra capite 157, diximus e Caramanidarum familia fuisse postremum, in formam redacta prouincię vel beglerbegatus, vt Turci vocant, qui primum Caramanix beglerbegum Caragofam hoc ipso bello nominant: sed habebat quosdam adhuc minorum gentium procures, quibus haud dubie necdum Osmanidarum placebat imperium, licet eiusdę nationis essent, eiusdemque sectę. Turgutensem regionem a Turcis nominari Phrygiam maiorem, qua versus Ciliciam pertinet, ex Laonico parer: qui primi Baiasitis vitam describens, Turgetum Phrygię Ducem nominat, & postea Turgaturij de gente principem. Rursus autem in Murate secundo: Caramanus, inquit, vicinus est Turgutę. Turgutes autem Phrygię imperat, & Cappadociam Armeniamq; regio eius attingit. Quibus in verbis, nisi Turgut a Dulgadir, ab ipsis etiam Turcis distingueretur, propemodum quis eiraret, nullum esse discriminę inter Turgaturij nomen, & Dulgadir. Sed suspendenda scilicet sententia, donec correctior se nobis Laonici codex offerat. Nota quidem est permutatio litterarũ R & L frequens, vt quum phulkizin Gręci pro phurkizin dicunt, id est, in furcam agere.

LACHOSCHICIVS: LACHSOGLI.

Quem nos, interpretę Cęsarıs Ferdinandi Spiglium sequuti, 164. Iachoschitzium diximus, eum in ipso annaliũ archetypo Iachfoglin nominari, minime dissimulandum duximus. Nusquam sane nomen hoc, nec ipsum licet memorabile facinus, apud Vngarorum historicum Bonfinium reperitur, nec legationis huius a Matthia rege, qui tunc Vngaris suis imperabat, ad Sultanium Baiasitem missę sit mentio. Significat autem Iachfogli, filium.

Iachsi, vel Iachsidem. Et Iachs Turcica lingua significat hominem rebus omnibus elegantem & aulicum, quod a Turcis ei fortasse cognomen tunc, obita cum laude legatione, fuit indictum. Fieri tamen etiam potest, ut potius hoc Iachschitz originis sit Vngaricæ.

ARAB. ARABIA, PRO IMPERIO SVLTANI CAI-
rensis. *Isingi. Singani. Zingani. Sultanus Aethio-
pum Pachymerio.*

165. Quum annales exercitum a Baialite missum aiunt versus Arabiam, intelligēdi sunt fines aut limites imperij Sultanici, quod 10
Syriam Caramanix conterminam, quæ tunc in Osmanidarum potestatem venerat, & Ægyptum Arabiamq; complectebatur. Sic in iis, quæ sequuntur, initio regni Selimis, Sultanus Achmetes, eius frater, ad fines Arabicos profugisse narratur, hoc est, ad limites imperij Sultanini, Ægyptiaci Syriacique. Rursus in eodē 15
Selime traduntur Arabes, qui & Æthiopes sint, itinera fugienti Sultano Tummambai præclusisse. Quo Arabum Æthiopumq; siue Maurotum, hoc est nigrorum Sultano. Cairensi parentium nomine, lector alios non accipiat, quàm ipsos Ægyptios, qui & Arabes, & nunc etiam Æthiopes a colore vocantur, & Isingi 20
Turcis, nostris Singani vel Zingani, vocabulo tam Arabibus, q̄ Ægyptiis communi. Non enim hi Zigeuni dicendi, nec Ciani-
ganij Tatari, quod Reineccius putauit. Idem Pachymerium temere arguit erroris, quod in tertio Bendecarem Cairensē vocarēt Æthiopum Soldanum. Addit enim, hoc ab eo factum per- 25
peram. Immo recte loquutus est Pachymerius, quum Ægyptios vocat Æthiopas, qui reuera facie colorata sunt. Cepit enim nomen Æthiopum veteris linguæ Græcæ lata significatione, sicut hodie Græci Mauros, vnde Mori nostri, nigros in genere dicūt, siue sint Arabes, vel Ægyptij, vel Aphri, vel Æthiopes illi pro- 30
prie sic adpellati. Denique doctissimus Eustathius, & antiquior hoc Stephanus, vrbium Nomenclatoris auctor, Ægyptum perhibent Æthiopiam vocatam, propter habitantes in ea nigros homines.

GENERI

GENERI BAIASITIS TRES SIMVL FACTI.

Diximus capite notarum 161 de duobus generis Sultani Ba- 166.
iasitis, de Ferhate a Mamelucis occiso, & Herzecogli ab iisdem
capto. Nunc tres alij commemorantur, eiusdem filiarum nuptias
5 consequuti. Primus horum filius Vsumchafanis adpellatur, &
paullo post, Iacupes begus: qui expeditione anni proximi con-
tra eosdem Mamelucos perijt. Alter, Vsgurlis ex filio nepos. For-
tassis autē Vsgurles hic idem est cum Vsgure bego, cuius supra
mentio fit, ante proelium Cosouanum secundum, sub annum
10 Christianū 1448. Tertius, Daudis fuit bassæ filius, de quo Daude
paullo ante dictum, capite 163. Ceterum obiter hoc quoque no-
tandū, necessario fuisse duos Vsumchafani filios Iacupes: quo-
rum alter Baiafitis gener, a Mamelucis cæsus fuisse narratur: al-
ter in regno patri successit, vt adparebit ex iis, quæ capite 188 se-
15 quentur.

LARENDE CARAMANIAE, SIVE LARANDA.

Quæ capta fuit a Mamelucis Larendæ, Chalcocondyli Larā- 167:
da scribitur, quum ait: Muratem secundū bello petiisse Cara-
20 manum Aliderium, Cariæ Ducem, cuius duæ sint vrbes, Laran-
da & Toconeium, pro quo Iconium reponendum docuimus.
Leo Sapiens Augustus in nouella de Thronis, Larandorum (sic
enim vocat numero multitudinis) episcopatū non in Caria col-
locat, sed in Lycaonia, sub metropolitano Iconiensi, quod equi-
25 dem magis probo. Nunc quoque Laranda nominatur, & in Na-
roliz tabula non procul a Cogna conspicitur, in Caramaniz si-
ue Ciliciz mediterraneis. De Gumulzina capite 43, de Ypsala
31, dictum.

30 *PAX INTER SVLTANINOS ET OSMANIDAS.**Matthiæ regis Vngarimors.*

Quod Sultanus Alcairensis in transactione Baiafiti Tar- 168.
sum & Adana restituisse dicitur, verius esse puto; quàm quod

Malatestæ secretarius ait, Baiasitem Soldano Adana Tersumq; reddidisse. Nam hæc opida Ciliciæ sunt, siue Caramaniæ, quam Caramanidarum extincta familia Baiasites, vt antea dictum, sibi vindicauerat. Postremos etiam Sultanos Adana cepisse, paullo ante legimus. Itaque reddita potius ab his ciuitas Baiasiti fuit, qui eam cum Tarso, ceu Caramaniæ membra, repetebat. Nomine deinde mortui regis Vngariæ, Matthias intelligitur, Ioannis Huniadis filius: successoris autem, Vladislaus Polonus, Casimiri Iagelloniæ Polonorum regis filius, pater eius Ludouici regis, qui ad Mohatzium cæsus a Sultano Solcimane, iuuenis admodum periit.

BAIASITES VNGARIAM NON AVDET INGRESI,

Vscopia. Manastir, Monestir.

169. Hæc devano Baiasitis conatu inuadendæ Vngariæ narratetiam Bonfinius, & accidisse refert a morte Matthiæ regis, Turcorum terroris, sub initium regni Vladislai, anno Christiano 1492. De Scopiorum vrbe non nihil adtigimus supra, notarum capite 104. Videt autem lector ex hoc ipso annalium loco, recte me monuisse, diuersas esse voces opidorum, Sophiam & Scopia. Nam prior heic Sophia nominatur, altera more Turcorum Vscopia. Solent enim vocabulis a gemina consonante incipientibus præponere vel I vel V Gallicum, vt alibi quoque notauimus. Laonicus Scopia collocat in Macedonia, facitque regiam prisce regni Bulgarici, quod in ipsam pertinebat late Macedoniam & Epirum: ideoque Cedrinus etiam Scupia (reponendum Scopia) metropolim Bulgaricæ nominat. Disertus interpres aliquot historicorum Græciæ recentium, Hieronymus Wolfius, alicubi pro euerfione Scopiorum dixit euerfas speculas. Recentioribus geographis Scopi scribitur. Manastiri nomine non heic intelligitur locus ille, de quo supra dictum capite 44, situs in confiniis Thraciæ, Thessaliæque: sed Monasterium penitioris Macedoniae, versus Epirum vel Albaniam, quod Monestir a Castaldo adpellatur. Huius

in Albaniā expeditionis Baiafiticæ meminit & Bonfinius, qui dicit eum profectum contra montanos Albanenses, quos Spanduginus Cimariotas dixit, ab opido monteque Chimara de quo deinceps latius in vita Sultani Soleimanis.

BALASITES A MONACHO TVRCICO

pene fuit occisus.

- Quod heic de periculo Baiafitis, propemodum a Deruifio 170.
- 10 quodam siue monacho Turcico interfecti, narratur: fere totidem verbis a Spandugino quoque memoriz proditum legitur, quæ interpretari lubet, vt expolitionis consensus adpareat. Torlaces, ait, quidam in Baiafitem irruit, simulans eleemosynam ab eo se petere. Solent autem hanc Dei nomine petentes, Allahitschi dicere. Quum acinacem strinxisset, quem sub filtro gestabat, exterruit equum, cui Baiafites insidebat. Ideoque cedente retro Baiafitis equo, non nihil euitatus fuit ictus hominis: ac nihilo tamen minus Baiafites vulnus accepit. Tum vero bassa quidam, cui nomen erat Schender, massam ferream, quam busdoganum vocant, eo cum impetu capiti hominis impegit: vt cranio perfracto, cerebrum emanaret. Indignatus huius facinoris causa Baiafites, edicto proposito, Torlaces vniuersos proseripfit, & extra Constantinopolim & imperij sui fines eiecit. Animaduertit lector eadem narrari, nisi quod annales aiunt, deruifium
- 25 hunc, & Calenderem fuisse: Spanduginus, Torlaccem: de quibus iam vocabulis hominum, supersticiosos quosdam ordines vel instituta sectantium apud Turcos, quàm fieri breuissime poterit, explicandum.
- 30

AAA

*ORDINES MONACHORVM SEV RELIGIOSO-
rum quorundam apud Turcos. Deruisslar. Calenderlar. Huggie-
mallar. Torlaclar. Muchemetes bassa Vezirazesmes a Deruisslaro
publice confoditur. Quid Turcis Diuanum.*

171. Nomen Deruissiorum, quos ipsi numero multitudinis Deruisslar adpellant, ex hac ipsa narratione nostrorum annaliū perspicitur esse quasi generale: quo scilicet ordines & sectæ religionis ceteræ comprehendantur, sicut apud nos in genere monachi dicuntur, qui tamen inter se diuersis distincti sunt ordinibus. Vocant autem annales hunc initio Deruissium, statimque subiiciunt, eum fuisse sectatorem instituti vel ordinis Calenderum, & auribus, collo, brachiis ad pensos gestasse ferreos anulos. Id in more Calenderum ordini esse, mox adparebit. Qui vero ceteroquin apud Turcos Deruisslar adpellantur, nullos in capite pilos, nullas comas habent, vbiq; tonsi. Conspiciuntur in eorū frontibus & temporibus cauteria, vel ignito ferro, vel accensa spongia, vel linea fascia quadam, inusta. Aures perforatæ sunt, quibus iaspidium gestant enotidas, & anulos sane non paruos. Amictus, ouillæ vel caprinæ pelles. his ita corpus cingunt, ut pel-
lis vna partem anticam, altera posticam tegat. cetera nudi sunt, tam æstiuo, quàm hiberno tempore. Passim in suburbanis & in pagis habitant. Vernis & æstiuis mensibus peruagantur quasuis regiones, ac prætextu religiosæ vitæ perpetrant infinita flagitia. Fures sunt, adulteri, prædones, latrunculi: nec horum scelerum
vlla tangit eos conscientia. Quas quidem ob causas cauendum ab eis, præsertim in itineribus. Quippe nemini parcunt, cuiuscu-
iusmodi tandem sit nationis aut religionis, si superiores se fore confidant. Præterea sunt infames cœu fœdi prædicones, eoque
flagitio se mutuo polluant, ne quidem a iumentis abstinentes. Nequitias ut suas tegant, ac sanctiores videantur, mastraco & opio vescuntur. Hinc enim quasi phrenetici redduntur, isq; dum durat furor, ipsimet vel forfice, vel cultello se vulnerant, in collo, pectore, brachiis, lateribus: donec vulneribus & cruore de-
formati

formati conspiciantur. His deinde vulneribus tam diu spongiā accensam imponunt, donec in cineres redacta tandem exstinguatur. Eum dolorem patienter se tolerare simulant. Hinc illis & honos a dementato vulgo, & veneratio non levis exhibetur, quod Deo cari existimentur: hinc & largiores eleemosynas impetrant, e quibus victitare solent. Habent in Anatolia quemdā ordinis sui priorem siue præsidem, quem non Assam baba, sicuti Nicolaides scripsit, sed Azem baba nominant: voce non proprie patrem patrum significante, sed patrem supremum, vel Protopapam, ut Græcos adpellasse, de Cedrino paret: vnde Moschouij suos etiam Protopoppos fecerunt. Et imitatos esse Turcos Græcorum ordines ecclesiasticos, ordinumque gradus, satis adparet ex iis, quæ capite 34 exposuimus.

Calenderes continentiar præcipuam sibi laudem vindicant, insignem præ se ferentes sanctimoniam. Sacella quædam inhabitant admodum exigua. Tunicas gestant strictas & curtas, absque manicis, instar saccorum; tum e lana, tum pilis equorum contextas. Crines penitus abradunt. Pilei sunt ex albo filcro, similes iis, quos Græcorum sacerdotes & episcopi nigros & latos admodum gestant: nisi quod oris adfixi dependent vndique longiusculi crines equini. Ferreos satis crassos anulos auribus, collo, brachiis gestant. Etiam cuti penis perforatæ ferreus vel æteus anulus inferitur, ne coire, vel si maximopere cupiant, possint. Atque hoc vltimum in vno tantum Calendere vidisse nos recordor, qui Sophiæ propter imaretum, in quo nos ad biduum hærebamus, vnam ex pluribus cellulam incolebat.

Huggiemales plerique iuuenes, robusti, diuites, Aphricam, Egyptum, Arabiam, Persiam, Turciam omnem, alieno sumtu, sub prætextu religionis peruagantur: regionum & urbium situs & interualla notant, cum iis, quæ ipsis in itineribus occurrunt. Amictus, stricta quædam, usque ad genua pertinens, tunicula. Zona lata cinguntur, cuius oras auro & serico exornant. Eidem cimbala quædam adpendunt, cuiusmodi & subter genua gestant alligata. Supra tuniculam vel leonis vel pardalidis pellem

iniiciunt, vngulis ab antica parte colligatam. cetera nudi sunt, nisi quod etiam calceos funiculis constrictos gestant. Inaures argentæ sunt, vel æræ, vel alio quouis ex metallo. Capillos in humeros vsque promittunt, & oleis quibusdam, vt terebinthino, vt iuniperino, perungunt: quo magis scilicet crescant. Manulibrū tenent. Amatorias quasdam odas, quibus mirifice Turci, Arabica, Persica, sua lingua compositis delectantur, cantillant. Si venustus aliquis puer occurrat, medium mox amplectuntur, cantando saltandoque cymbala pulsant. Hinc concursus hominū, a quibus deinde munusculum aliquod petunt. Hi quoque prætextu religionis non formineos dumtaxat, sed magis etiam masculos amores consecretantur: quibus sane spurca gens nimium quantum est dedita.

Torlaces ouillis caprinisque pellibus, perinde ac deruissij, se vestiunt. His vrsinam, pilis extrinsecus versis, vnguibus ad pedus colligatam, iniiciunt: eaque pallij loco semet inuoluunt. Arcuminato pileo præalto, plures habente plicas, ex albo filtro, vtuntur. cetera nudi prorsus incedunt. Adhibent & ipsi temporibus cauteria. Litterarum plane rudes sunt. Plerumque conspiciuntur ad tabernas, fora publica, balinea: quibus scilicet locis multi conueniunt, a quibus aliquid petere possint. Veniebant ad nos Constantinopolim ex Ægypto, Sebastianus ab Haunsperg, & Ioannes a Salagasto, viri nobiles. Horum alter Salagastius nobis narrabat Alexandriæ, quum istic ipse degeret, huiusmodi quemdam sanctum virum opinione Mahumetanorum, quum præ foribus balinei muliebris stans, exeuntem e balineo feminam quamdam attentius intuitus esset: in eam furore quasi quodam correptū inuolasse, ac protinus humi prostratam, nec admodum fortasse repugnantem, in oculis omnium compressisse. Maritum eo facto se beatum duxisse, quod vir sanctus, impulsu diuino, præ aliis cum vxore sua coiuisset. Vide cæcitatem gentis, ac præsertim Ægyptiorum. Nam alibi vix aliquid eiusmodi factum, nobis illic degentibus, comperi. Sunt æque rapaces in itineribus & viis publicis, ac Deruissios esse diximus.

Plebe

Plebeculæ, præsertim rusticæ, se chiromantices gnaros esse persuadent. Hinc ingens ad impostores hominum concursus, qui pro vatibus eos habent, præsertim mulierculæ. Hinc ad eos omnis generis cibi, cum aliis rebus necessariis, adferuntur. Interdum senem ex suis aliquem circumducunt, quem pæne diuinis honoribus adorabundi adficiunt. Cum hoc vel opidum, vel pagum ingressi, præcipuum in aliquod hospitium, vel carauansaraium, vel imaretum diuertunt: illumque non tam annis, quàm malitia vetulum, magna, sed simulata humilitate circumstantes
 10 obseruant. Is nescio quos entusiasmos præ se fert, ac subinde quædam, veluti diuinitus sibi reuelata, serio maxime vultu profert: nunc instar mortui iacet, nunc oculos vicissim aperit, & ad se redire simulat. Inde conuersus ad ficticios & subornatos discipulos: Corripite me, inquit, filij carissimi, & extra locum hunc
 15 deportate. Nam reuelatum mihi diuinitus est, quæ pœnæ his hominibus immineant. Quibus auditis, obsecrant impostorem nebulones, Deum velut auerruncando deprecetur, ne pœnas illas exigat. Ille se simulat adsentiri, preces ad Deum concipit, ut iram suam expiari, seque placari propitius patiatur, orat. Hac iræ diuinæ comminatione misella plebecula, mirum in modum expauescens, trepidat. Postea vero consolationis aliquid ex huius intercessione vicissim hauriens, turmatim ad impostorem nequissimum adcurrit. Omnes eam rem prodigij loco ducunt, seque diuinitus moneri putant. Simul animis deuotis, & accepti beneficij causa gratis, tot eleemosynas ad planos hosce deferunt: ut eis onusti suas ad speluncas reuertantur, hominesque superstitiosos ac stolidè simplices irrideant, qui tam fœde sibi patiantur imponi. Vescuntur & hi maslaco, vel oppio; & humi cubantes, libidinibus abominandis mutuo se polluant. Hæc de
 30 nefandis horum apud Turcos specie tenus religiosorum institutis breuiter exponenda duximus, licet ab aliis quoque prodita, tum ad illustrandam annalium historiam, tum uti secum lector ipse perpendat quanto nunc illos necesse sit esse factos deteriores, quàm ante centum plus minus annos vnus ex eis necem Sul-

tano suo, totius in oculis exercitus, intentare fuerit ausus. Nostro quidem tempore, nimirum anno Christiano 1579, confimile quoddam huic facinus accidit, saneque memorabile. Nam deruisio cuidam concepta cædes animo, pari ausu tentata, successu feliciore perpetrata fuit. Multa sunt a nobis in annalium 5 supplemento commemorata de Mechemete bassa vezirazeme, Selimis II genero, summæ secundum Sultanum apud Turcos auctoritatis viro. Is quum pro more domi suæ ius dicturus, adeundi se copiam faceret vniuersis, in synhedrio, vel confessu, vel consilio, vel audientia publica: (diuanum Turci dicunt, quā 10 vocem Beluacensis libro 31, cap. 145, Douaniam corrupte scripsit, horridiuscule typhanum Porcius) ingrediētem ad se magno nisu, per mediam hominum turbā, notum sibi deruisum quēdam conspicatus, manum exporrigit, eleemosynam scilicet homini daturus. Itaque ab aliis ei ceditur, vt adire bassam posset ad 15 quem vbi propius accessisset, sicam e sinu profert, & ea vi Mechemetis in pectus adigit, vt illico letale vulnus acciperet, quo exspirauit: ipso mox etiam deruisio ab astantibus in frustra conciso. Vide quam a decessoribus suis homines scelerati necdum degenerarint.

20

SCARAMANGIVM, GIAMVRLIKION, GEPENEC.

Seife, Kilitfeh, acinax, copis. Zausij. Pusdigan.

25

172. Quod Spanduginus filtrum dixit, annalibus est gepenecū. Sic & Vngari vestem militarem adpellant, quæ tunicis, pænulis, aliisque vestibus superiniici, pluuio præsertim cælo, solet. Vultus hanc gestat e filtro factam, ideoque materix nomen ei Spanduginus dedit, quam equidem quo Latino vocabulo debeam 30 exprimere, non video. Slauina dici non potest, minus gauſape, cum Reineccio: propter diuersitatem tum materix, tum formæ. Reperitur apud Cedrinum, & Symeonem Magistrum Officiorum, & Achmetem onirocriten, Scaramangij vox: de cuius signifi-

significato consultus a me Theodosius Zygomalas Nauplien-
 sis e Peloponeso, patriarchalis Protonotarius, aiebat in vsu Græcis
 esse nunc Agarenicam vocem Giamurlikion, qua vestis ea si-
 gnificetur, quam viri militares gestent supra vestes alias interio-
 res, ad arcendas pluuias, niues, gelu, cetera denique aëris incom-
 moda. Persas autem inuentores, ei nomen dedisse scaramangij,
 quod ab eis ad Græcos deinde cum ipso vestis vsu manauerit.
 Hoc igitur est id, de quo nunc loquimur, gepenecum. De Sca-
 ramangio locum etiam capitis 199 consule. Arabibus Seife,
 10 Kilisch Turcis dicitur is gladius, quem nos acinacem reddidi-
 mus. Leuiter est incuruus, & quia non pungit, sed cæsim ferit, a-
 pud Xenophontem, Græcosque ceteros, Persica tractantes, no-
 men Copidis inuenit. Et constat ex eodem Xenophonte no-
 stro, genus hoc gladiatorum a Persis alias itidem nationes, præfer-
 tim Asiaticas, accepisse. Zausij, sicut antea quoque diximus obi-
 ter in supplemento annalium, comparandi veniunt cum nostris
 15 nobilibus aulicis, iisque præsertim, quorum opera principes v-
 tuntur in expediendis variis negotiis, quas commissiones voca-
 re consueuimus. Habent hi præfectum, quem Zausiorum bas-
 20 sam adpellant. Ab eo nos excipiebamur, obuiam nobis ad pri-
 mum lapidem extra Constantinopolim, insigni cum comitatu
 Zausiorum progresso, & longissimo tractu per urbem ad cara-
 uansaraium, legatis Cæsareis adsignati, deducebamur. Inter di-
 gnitates Palatij Græcorum imperatorum recentiores, inuenitur
 25 etiam Megas siue magnus Tzausius, quod officium vel mutua-
 ti sunt ab Agatenis Græci, vel a Græcis Agareni acceperunt, &
 idem est haud dubie cum Zausiorum bassa. Numerus Zausio-
 rum fere nunc apud Osmanidas ad septingentos excreuit. Pus-
 digani denique nomen Agarenicum retinui, sicut & superius in
 30 narratione de capta Constantinopoli, quo claua massaue ferrea,
 Turcis vsitata significatur. Græci recentiores hanc vo-
 cem vluceperunt, ac suam reddiderunt:
 quum olim Κορυμνι dicere
 soliti fuerint.

*CLADES VNGARORVM, AB IACVPE AGA
caforum. Frangepani. Agalari. Turci Gracos in multis i-
mitati. Sceptra sine baculi Gracorum. Drum-
carij. Drunci. Banda. Ban-
dophori.*

173. Iacupis Agæ nomen in historia Bonfinij desideratur. Iouio Cadum bassa dicitur. Idem nomen habet Wolfgangus Dresslerus. Verum hoc ei non erat proprium, sed ab accidente inditum. quippe Chadum vel Hadum significat euiratum, cui testes scilicet exsecti. Huic Vngarorum cladi causam præbuit Ioannes Frangepanus, ex illustri & Romæ quondam clara Frangepanorum familia natus, quibus in Croatiam Dalmatiamque commigrantibus datum hoc erat ab incolis nomen, ut Franci dicerentur, hoc est domini Franci. Defecerat autem Frangepanus post Matthiæ regis obitum, a rege Vladislao, & Duce Ioanne Coruino, Matthiæ regis filio notho, qui ad Iaitzam Banus earum regionum erat. Quumque in arce Breuia ceu rebellis obsideretur, proximi bassæ auxilium implorauerat. Ingressus est Vngariæ fines Iacupes Aga cum octo vel nouem millibus equis, uti Bonfinius scripsit. Agatum vel Agalariorum nomen apud Turcos a baculo deductum est, qui scilicet magistratus est symbolum: sicut etiam ante Turcos Græcorum imperatorum officiales sua quædam gestabant sceptra, quæ nihil erant aliud, quam baculi. Et quidem in more Græcis erat, ut quoties nouus fieret imperator, omnes officiales sceptra seu baculos suos deponerent, nec nisi iubente nouo imperatore resumerent in manus: quo ritu significabatur, eos in officiis suis ab ipso confirmari. Meminit eius moris antiqui, Symeonis Magistri Officiorum historia manuscripta, cuius verba reperies capite 199, memin- runt & alij quidam: isque nunc etiam retinetur a Turcis, quos imitatores esse Græcorum, præsertim in rebus ad imperij formam ritusque publicos spectantibus, iam sæpenumero diximus. Quamquam alij putant, ab ipsis pleraque profecta Saracenis: qui

- qui post defectionem a Romanis, eorum nihilo minus tam ciuilem, quam militarem imperij gubernationem fuerint æmulati. Sic igitur & Agalarij dicti sunt ab aga, quod baculum significat. Adeoque propius ut ostendam similitudinem Officiorum
- 5 Palatij atque imperij Græci, cum Officiis Portæ Osmanicæ: dico, Turcis Agalarios esse sua lingua, qui Græcis erant vel Drungarij, vel Druncarij potius. Eos Leo Sapiens Augustus in libro suo de adparatibus bellicis olim dictos fuisse tradit Chiliarchos, quod militibus mille præfessent; & Druncum, Chiliarchiam. La
- 10 tini Chiliarchos vocabant Tribunos, qui nunc Colonelli sunt. Druncum (sic enim pronuntiabat Zygomas, & Druncarium: non Drungum, vel Drungarium, quod vulgo fieri solet) sic adpellatum arbitror a trunco, siue baculo, siue sceptro; quemadmodum hodieque regimentum vocamus tam ipsius tribuni ba-
- 15 culum, (vitem dixere puto Romani) quem ceu magistratus insignegestat, quàm illum signorum militumque numerum, qui ad constituendum regimentum requiritur. Ideoque Druncus est regimentum militum, cuius caput est Druncarius, olim Tribunus, nunc Colonellus aut regimenti præfectus. Conueniunt &
- 20 alia militiæ nostræ cum illis, quæ Leo tradit Imperator. Vandon adpellat signum equitum vel peditū, ut nostri Vanen & Vandlin, aut Vændlin: Vandophoron, qui vexillum Vandigestat, & nostris est Vandrich. Addit, Vandum constare militibus 300, aut saltem non paucioribus, quàm 200: nec pluribus, quàm 400.
- 25 Sic & Druncum siue regimentum habere vult non pauciores mille, non plures tribus millibus. Ceterorum apud Leonem collatio cum nostris, alterius loci fuerit, ac fortassis in hoc genere non nihil aliquando moliemur: quum aliquam non antiquæ dumtaxat militiæ noticiam, verum etiam præsentis usum adse-
- 30 quuti videamur. Itidem de Viglæ Stoliq̃ue magnis Druncariis alibi. Plurimum certe faciunt hæc ad illustrandas Græcorum recentiores historias. Ad Druncariorum ergo similitudinem Turcis sunt Agalari, velut tribuni, puta, Genizar Aga, Capi-

zilar Aga, Spahoglan Aga, Silichtar Aga: de quibus omnibus conuenienti loco tractabitur.

BANI REGNORVM APVD VNGA-

ros. Chrobata. Choruate. Di-
rensil Ban.

174. Promissimus supra capite septuagesimo primo, nos de Bannis & Banatibus in regnis Vngariæ adiunctis aliquid dicturos plenius. Id igitur ut hoc præstem loco, quo Bani Vngarici mentio fit: dico, Banum apud Vngaros vocari, non gubernatorem, vel Locumtenentem (*παρτίτης* Græcis, & *ἑταῖρος*, unde nomen Exarchorum Italiæ Rauennatium) siue Vicarium regis in ipsa Vngaria: sed alicuius ad Vngariæ iura spectantis regni præsidem. Pertinent verò partim antiquitus, partim etiam nunc, hæc ad Vngariam regna: Dalmatia, Croatia, Slauonia, (id est, Illyricum) Ramia vel Rama, (quo nomine in Vngarorum regum titulis intelligitur Bozina) Seruia, Gallicia siue Valachia, Lodomeria, Comania, Bulgaria. Præter hos Banos, mentio fit in historiis Banatuum, Machouiensis, & Zeuerinensis, (Sue-
rinum iam vulgo vocant in Transalpina Valachia propter Da-
nubium, a Seuero Augusto ædificatum opidum) & Erdelij, Turcicis in historiis: quæ Ioannem de Zapolia, Comitem Cepiensem, regni usurpatorem, & patriæ pestem, Ertel Ban adpellant: licet a nostris Erdelij siue Transiluanie Vaiuoda tantummodo nominaretur. Ipsimet Vngari Banum seu Wanum vocare se dicunt eum, qui vexillo aliis præit. unde parer, discrimen hoc inter Gubernatorem & Banum esse: quod illi tam pace, quàm bello, cura regni omnis incumbat: hic bellicistarum negotiis præsit. Ipsum etiam nomen a Bando factum perspicitur, quod regiis ipsorum constitutionibus dicitur Banderium: estque Banus Græcis Flamularis, *φλαμυνοῦχος*, Sanzaebeg seu Flambular, Turcis. Nunc ad annales ut redeamus, quem
hic

- heic Vngaricum Banum generaliter adpellâr, Bonfinius Croatia tantummodo Banum fuisse tradit, regni videlicet Vngariæ regno adiuncti. Croatarum vero nomen hodieque notissimum. Gensest pertinax in retinenda religione sua Christiana. Propterea Turcis esse subdita cum eius amittendæ periculo recusans, ad vicinos migrat: magnamque nunc Austriæ Morauizque partem, agris colendis dedita, complet. Cedrinus in Basilio Bulgaro octono, Choruatas adpellans: Finitimi sunt, inquit, Bulgari Choruatarum populi. quod nomen Choruat, vel Horuat, aspiratione forti, nunc eis est etiam in vsu. Ceteri Græci Chrobatas siue Chrouatas nominant. Et alicubi scriptum apud ipsos legere memini, Seruios & Chrouatas eodem esse respectu nimirum eiusdem originis & linguæ Venedæ: quam in Seruiis demonstrauius capite trigesimo quinto.
- 15 Rursus ab annalibus his Banus Vngaricus etiam Drenzil Ban nominatur, veluti Drenz Cili Ban: hoc est, Drenzius Ciliæ Banus. Quippe celeberrimus Ciliæ Comitatus ad Croatia Banatum antiquitus pertinebat. Et Bonfinius expresse tradit, Basam (quo nomine Iacupem Agam intelligit) primum omnium
- 20 hoc bello Cilianum agrum populatione deformasse. Bani proprium nomen apud eum legitur, Emericus Drenzenus, vir (ut ipse fatetur) summæ tam industriæ, quàm consilij: qui suffectus in locum Ioannis Coruini Ducis a Vladislao rege fuerat. Habuit, auctore Bonfinio, secum Banus septem militum tantummodo millia: reliqui rusticæ plebis inconditæ, nec armis adfuerat, cohortibus constabant. Accidit aliud etiam malum, quod Drenzenus cõtra sententiam animi sui coactus a Bernardino Frangepano, pugnavit: qui tamen e prælio fuga se subduxit. Hæc scilicet erat illa tum discordia, tum fuga, quam in-
- 30 nuere volunt annales, quum aiunt; Vngaros ipsos inter se dissentientes, fugisse. Bernardinus pater erat Ioannis illius Frangepani, quem obsessum fuisse Breuiz diximus. Filius, vir fortis, hostis antea, vel rebellis potius, hæc pugna cæsus occubuit.

OCCASIO, ET CAUSA BELLI BAIASITIS AD-
uersus Venetos in Peloponeso. Ludouicus Maurus, Dux Medio-
lanensis Turcum in Venetos concitat. Inebechsi
a Turcis obfessa.

175. Naupactus Achaiae maritima ciuitas est, opinione quorum-
 dam, Aetoliae Leoni Augusto, ad sinum quondam Corinthia-
 cum vocatum sita. Nautis vulgo iam Lepanto dicitur, Inebechsi
 Turcis, quod a Nepanto Marij Nigri non procul recedit: Achaia,
 Liuada: Aetolia, Despotatus: sinus Corinthiacus, Colpo siue ¹⁰
 Golfo di Lepanto. Erat hoc tempore, nimirum anno Christia-
 no 1498, Naupactus in potestate Venetorum a 70, plus minus,
 annis: qui misso ad Baiasitem Andrea Zantano, legato suo, pa-
 cem in annos 25 cum eo fecerat, cuius tabulas Baiasites scriptu-
 ra manus suae, pro more confirmarat. Nihilominus vix adpelle- ¹⁵
 re Venetias legatus potuit, quum datam Venetis fidem Baiasites
 violat. Quippe sibi lege sua Mahumetana permitti volunt Aga-
 reni & Osmanidae, vt in rebus ad imperium spectantibus, ex vsu
 suo fidem datam flocci faciant, nec vllam promissorum Chri-
 stianis factorum rationem habeant. Bellum igitur in eos moli- ²⁰
 tur, & praetextus causa cupide occasiunculam arripit, quod Ve-
 neti protegendum suscepissent Comitem Ioannem Cernoui-
 chium, (Cernouitzios dicendos ostendimus supra, capite 46, &
 hunc alij Georgium vocant) vicinae Cataro ditionis regulum,
 cui pleraque Baiasites ademerat. Sed alia reapse suberat causa, ²⁵
 quae pene certa ei spem faciebat eiiciendi Venetos e Morea siue
 Peloponeso, in qua multas sane magnas & munitas vrbes arces-
 que possidebat. Etenim Galliae rex Ludouicus XII, Ludouicu
 Sphortiam, cognomento Maurum, a nigredine vultus, Ducatu
 Mediolanensi spoliaturus, quem sui iuris adseribat, foedus con- ³⁰
 tra Sphortiam cum republica Veneta percusserat. Ea Gallorum
 cum Venetis coniunctione territus Sphortia, legatum ad Baia-
 sitem mittit, qui tum muneribus ei, tum variis rationibus per-
 suaderet, vt bellum Venetis inferret. Quippe futurum aiebat, vt

occupatis Italico bello Venetis, ipse nullo negotio Græcis vrbi-
 bus, & castris, & insulis eos exueret. Hac illectus spe Baiafites, a
 pace cum Venetis sancita discessit. Ac fuit profecto noxium Ve-
 netis id Mauri facinus, sed tandem hæc in ipsum, quod dici so-
 5 lei, cula faba iusto Dei iudicio fuit. Nam & ambitionis, & iniu-
 riarum multiplicium erga Ioannem Galeacium fratris filium, &
 funestorum patriæ consiliorum, quibus Gallos aduersus Neo-
 politanos reges, Turcos aduersus Venetos commouit, acerbis
 denique poenas luit. Quod quidem ei subtilis & arguti vir inge-
 10 nij, legatus Florentinæ reipublicæ, futurum aliquando prædixe-
 rat. Quippe quum huic ad se misso suas arroganter ostentaret,
 vti plerumque solebat, & opes, & ingenij vires: inter alia quodā
 in conclauidepictum ei monstrat simulacrum mulieris amictu
 15 pulcherrimo vestitæ, in quo expressa mirifico artificio tota cō-
 spiciebatur Italia. Propter hanc mulierē adstabat Æthiops cum
 peniculo, quo se ipsum innuere volebat, qui & Maurus vulgo
 vel Æthiops audiret, & emblematum loco soleret vti vel peni-
 culo, cum inscriptione Latina, ET MERITO ET TEMPO-
 20 RE, vel ramusculo tres complexorosas, cum inscriptione Ger-
 manica, MIT ZEIT, id est, CVM TEMPORE. quæ quidem
 ipsius emblemata symbolaque passim in parietibus & aulæis
 Mediolani, Ticini, Taurini, apud doctissimum & illustrem eius
 vrbis archiepiscopum, Hieronymum Rouereum, & aliis in lo-
 cis videre memini. Erat hic Æthiops ita pictus, vt peniculo mu-
 25 lieris e veste puluerem cum sordibus aliis extergeret. Ea pictu-
 ra legato monstrata, quid ipsi de hac videretur, interrogat. Tum
 is: Vt mihi quidem videtur, inquit, hic Æthiops puluerem o-
 mnem in seipsum conuerterit. Quod hominis acuti
 de Ludouico Mauro vaticinium de-
 30 inceptu euentu comproba-
 tum fuit.

176. Quæ de infelici conatu remouendi Baiafis ab obsidione Nau-
 pacti narrant annales, paullo dilucidius his fere verbis Spandu-
 ginus exposuit. Anno, inquit, millesimo quadringentesimo no-
 nagesimo nono, Ferdinandus rex Hispanus, occupatis Naupa-
 ctio bello Venetis, ex lege fœderis subsidia misit; auspiciis Con-
 salui sui, quem Magnū capitaneum vocabant. Is adiunctus classi
 Venetæ, Cephalleniam insulam Turcis ereptam recuperavit,
 cum S. Maura: quod opidum in insula cognomine, (prisci Leu-
 cadem vocarunt) non procul a Naupacto Patrisque situm, ab
 Augusto post Adriacæ victoriam, Nicopolis dictum fuit. Ad-
 aucta quoque tunc Venetæ classis fuit auxiliariis nauigiis a
 confederato rege Francorum Ludouico XII ductū reguli
 Rauestani, Philippi Cliuentis, qui Genuam pro rege tunc ad-
 ministrabat. Is prælio cum Turcis congressus, quum Vene-
 torum triremes nullum nauigiis suis ferre subsidium vidisset:
 indignatus, vela ventis dedit, & inde discedens, Massiliam re-
 uersus est. Erat autem Venetæ classis imperator Antonius
 Grimanus, qui propterea, quod pugnanti Rauestano non suc-
 currerat, & alioquin etiam segesserat segniter, ferreis in com-
 pedibus Venetias missus fuit. Nihilo tamen minus idem post-
 ea Ducis dignitatem obtinuit.

METHONE CORONE 2VE

Baiafis in potestatem veniunt.

177. Nobiles in primis Peloponesi sunt vrbes in Messenia mari-
 timæ, Methone & Corone, quæ vulgo nunc Modon & Co-
 ron adpellantur. Vtramque non sine periculo vidimus. Me-
 thonen Nicolaides per errorem scripsit olim dictam fuisse
 Manti-

Mantineam. Quippe vetus Methonæ nomen est, & ipsa ciuitas a duplici Mantinea, tam sinus Argolici, (nunc Mandigna) quàm Arcadiæ, (nunc Mandi) longe diuersa. Leonis Augusti nouella de Thronis, Methonen & Coronen facit episcopatus, eosque Patrensi metropolitano in Peloponeso subiicit. Ceterum paullo aliter a Iouio narratur a Turcis occupata Methone, quàm heic in annalibus. Quippe tradit eam incuria præfidiariorum in hostis potestatem venisse, qui rumore de subsidiis quatuor aut sex triremibus aduectis per urbem didi-
 10 to, relictis stationibus suis ad portum concurrerint. Id vero conspicatos hostes, spe prædæ commotos, accedente Baia-
 sitis incitatione, cum variis præmiorum promissis, in urbem de-
 fertasque stationes irrupisse, captamque diripuisse. Quod
 deinde subiicitur, a Turcis præces in urbem capta fuisse conce-
 15 ptas, quæ die Veneris haberi soleant: his a Spandugino verbis
 itidem narratur, quæ reddita lubuit inferere. Memoriz pro-
 ditum est, inquit, postridie quàm capta fuisset Methone, Baia-
 sitem omnino voluisse urbem ingredi ad agendas Deo gratias
 in ipso Christianorum templo. Quumque iam peruenisset in
 20 pontem, quo transeundæ urbis erant fossæ, conspicatum fos-
 sarum altitudinem, dixisse: Tam munitam ciuitatem mihi Tan-
 gri Vereris per virtutem Sinanis bassæ, beglerbegi mei, vio-
 lentamque Genizarorum meorum expugnationem, concessit.
 Quibus in verbis illa Turcica, Tangri Vereris, aut Vereris po-
 25 tius, Deum propitium significant. Sinan vero bassa, cuius
 heic mentio sic, initio expugnati Catri ductu Seli-
 mis, Baia sitis filij, cæsus a Mamelucis oc-
 cubuit, vt in annalibus suo
 loco sequetur.

MITTL-

MITYLINÆ A VENETIS ET CONFOEDERATIS, irrito conatu, tentata. Philippi Rauestani reguli naufragium.

178. Annales Turciei dumtaxat Hispanicorum auxiliorum meminere, quæ scilicet a Ferdinando Aragonum & Castellæ rege, Karuli V Cæsaris auo materno, suppeditata fuere Venetis, Duce Consaluo, de quo diximus. Sed constat hoc etiam bello Gallica Venetis a rege Ludouico venisse subsidia, duce Philippo regulo Rauestano, Cliuensium in Germania principum familia nato, qui hac expeditione secum adduxerat Albanæ Ducem Scorum, quem Albignium vel Obignium historiæ vocant, & Infantem Nauarrenum, (sic Hispano more secundogeniti regû filij nominantur) cum magno aliorum nobilium & Gallianumero. Tota classis hominum bello idoneorum ad XCIS continebat, ut Spanduginus refert. Ab his obsessa fuit vrbs Lesbî Mityline, captisque suburbiis oppugnati terribilem in modum muri, sed frustra. Regulus Rauestanus, postquam obsidione soluta discessum ex insula, Magnum Rhodi Magistrû cum XCIX nauigiis exspectare nolens, naufragium propter insulam Cerigum, quam veteres Citheram dixerunt, fecit: adeoque pauci ex iis, qui nauibus hisce vehabantur, incolumes euaserunt. Ad ea, quæ tradunt annales de placato a Venetis, impetrandæ pacis causa, muneribus Baiasitis animo: addendum, eos per Andream Grittum, post hæc ipsorum Ducem, Baiasiti S. Mauram quoque restituisse, locum hodieque Turcorum in potestate constitutum, longeque munitissimum. Leucadem alij priscis dictam volunt, alij Neritum. Sententiam priorum ex Prætoris Græciæ nostro probare licet quid licet.

SECUNDVS SOPHILARIORVM MOTVS ADVER-

*sus Osmanicos. Scach Culi. Scitan**Culi. Kifel bassa.*

- De regione Tekie siue Teke dictum superius, capite 57. Alte- 179.
 5 ra fuit hæc aduersus Osmanidas, & sectam Osmanicorum sedi-
 tio, ab iis excitata, quos Sophilarios & Kiseles bassas dixerunt.
 Quippe de prima superius indicatum capite 81. Iouius auctorem
 seditionis adpellat Techellem, a patria, puto: Dreslerus cum a-
 liis Eliam, nulla ratione: Turcorum annalibus Scach Culi nomi-
 10 natus fuisse refertur, voce significante Scachi seruum. Et Scachi
 adpellatione intelligitur Scach Ismail, recens Persarum regno po-
 titus, de quo paullo post exposituri prolixè sumus. Ait Iouius, eum
 fuisse discipulum Arduelis, de quo itidem mox dicendum: post
 cuius cædem, Euphrate transmissa, venerit in Armeniam mino-
 15 rem, & in spelunca quadam ad radices Antitauri montis habi-
 tauerit. Eaparum vero videntur consentanea, tum quod Teke
 regio minime sit Armenia minor, sed Phrygia maior, ut aperte
 lector ex ipsis annalium verbis numero 57 notatis perspicit: tum
 etiam, quod e Persia venienti minime Baiasites munera quotian-
 20 nis missurus fuerit. Vtut sese res habeat, Scachi quidem Ismailis
 partes amplexus fuit, ideoque Scach Culi nominatus: ex quo
 Turci, partibus Osmanidarum adhærentes, fecere Scitan Culi,
 voce significante Satanæ vel Diaboli seruum mancipiumue.
 Geufræus alicubi pro Culi scripsit Couillet. Spanduginus ei sup-
 25 peditata fuisse tradit ab Ismaile Scacho xxv hominum, quod
 equidem verum non arbitror, ex iis, quæ heic in annalibus se-
 quuntur. Magis est vero consentaneum, quod Iouius ait, per in-
 ternuntios ab Ismaile confirmatum in proposito fuisse. Kifel
 30 bassa significat rubrum caput. Id nomen Osmanici dede-
 runt hoc ipso tempore sectatoribus Ismailis Scachi
 Persarum, a rubro capitis tegumento:
 quo de plenius agendum
 paullo post.

*ANTALI, CIVITAS ANATOLIAE. GRAECORVM
anni a mundo condito, quoniam modo cum nostris conue-
niant. Nomina quaedam vetusta cum recen-
tioribus collata.*

180. Quæ Turcis heic Antali vocatur, priscis erat Attalia, quon-
dam ab Attalo rege, vno de successoribus Alexandri magni, cō-
dita. Leonis Imperatoris nouella de Thronis eam collocat in
Pamphylia secunda, sub metropoli Sylzo siue Perga. Græci po-
steriores adnotant, factam metropolim anno mundi 6592, sub
Eustratio sanctissimo patriarcha, imperatoris Alexij Comneni 10
auctoritate. Quod quidem accidisse constabit anno Christiano
1084, si de sententia Græcorum anni a condito mundo 5508
statuantur vsque ad Christum natum elapsi, secundum editio-
nem LXXII interpretum. Aythonus Nataliam, transpositis ali-
brario primis litteris adpellat, pro Antalia: quo loco Reineccius 15
notat, scribendum pro Natalia Nacoliā. Atqui Nacolia longe
distat ab Antalia, Phrygiæ nimirum maioris in mediterranea ciui-
tas, ad Sangarium flumen sita: quum de Antalia sua statim sub-
iiciat Aythonus, eam supra mare Græciæ (Gallice loquitur, pro,
ad mare) sitam. Et maris Græciæ vocabulo intelligitur Ægæum 20
mare, vel Archipelagus. Addit enim, quod hæc ciuitas respiciat
regnum Cypri. Quippe verum hoc est, & ab Attalia, quam Set-
teliam modo vocant, totus ille sinus obiectus Cypri, nunc Gol-
fo di Settelia nominatur. Beluacensis Satteliā scripsit, eidemq;
sinus ille maris adpellatur Gaufra Sattelæ, vocabulo Gallico 25
Goufre, quod hodie Græcis est Corpho, priscis Κόρπος, Italis Gol-
fo, Latinis sinus. Quia vero in hunc Aythoni locum incidimus,
explicemus obiter & alia quædam ibidem posita regionum &
ciuitatum nomina. Primam Turquæ (Sultanorum Iconij re-
gnum, vel Asiam minorem intelligit) prouinciā initio vocat 30
Lygoniam, deinde rectius Lyquoniam (pronuntiatione Gallo-
rum effertur Lyconia, id est Lycaonia) quæ famosam ciuitatem
habeat Coni, hoc est Iconium. Rectius hanc collocat in Lycao-
nia, quàm Laonicus in Caria; de quo supra, numero 12, dictum.
Addit,

- Addit, hanc esse maiorem totius Turquiae regni, hoc est metropolim. Briquiam Reineccius interpretatur Lyciam, quum Briquia seu Bryquia sit Phrygia. Facit autem Bryquiae metropolim Aythonus Zichiam Graeciae. Sic enim scripsit, nomine Graeciae
- 5 Romaniam intelligens Asiaticam, de qua dictum capite 6. Zichiam hanc Reineccius interpretatur Cydnam. Atqui Zicchia Cedrinus quoque mentionem fecit velut ciuitatis in Asia minori sitae: quum in Copronymo frigus inauditum memoriae prodit, quo congelatis amnibus & ipso mari, potuisse narrat itinere
- 10 pedestri a Zicchia transiri mare ad ipsum vsque Danubium, id est ad ostia Danubij, quae in Thracia sunt. Bithyniae metropolis apud Aythonum scribitur esse Nichor, quam Nicæam puto, Turcis İsnic; non Nicomediam, quae Turcis est İsmid: quum Reineccius ex Nichor faciat Nicomediam. Nec apud Leonem
- 15 Augustum minus est metropolis Bithyniae Nicæa quam Nicomedia. Genech Aythoni Reineccius interpretatur Pontum, quum magis proprie sic dicatur, quae olim Colchis erat, postea Lazorum adpellata regio, siue Lazice: cuius metropolis est Leoni Augusto Trapezus, quam in Genech ponit Aythonus. Paphlagoniae ciuitatem vocat Aythonus Ginapolim, ex qua Reineccius fecit Germanopolim. Atqui Ginapolis Aythoni, vel Ginopolis potius, ad Pontum Euxinum sita, hodieque Ginopoli nominatur. Apud Leonem Augustum Innopolis dicitur, & episcopatus eius ad Gangram Paphlagoniae refertur. Sed desino
- 25 plura.

G A R A G O S B A S S A, B E G L E R-
*begus Anatolia, viuum palo
 transfigitur.*

- 30 Habes heic insigne crudelitatis exemplum in religiosis Turcorum, cuius obiter mentionem supra fecimus, cap. 64. Transfixus a Scachoculi palo fuit Anatoliae beglerbegus, vt annales referunt. Ei nomen dant Turci Caragos, vt nostro quoque
- CCC ij

tempore celebris fuit Caragos Rais, quem in Supplementi narratione de bello Cyprio commemorauimus. vulgo nostri Caracoslam dixere. Iouio Cargius bassa nominatur, & eidem alibi Caraius est. Dissentit etiam in expositione historiarum nonnihil ab annalibus, qui Caragoslam captum fuisse narrant, & Cutaigen adductum, & suis in opido monstratum: quumque dedicationem opidani facere nollent, in eorum conspectu palo transfixum. Iouius autem prope dicit abfuisse, ut caperetur: sed subtractum a suis, Cutaicam euasisse: qua deinceps a seditionis expugnata, etiam ipse hostium in manus venerit. Postea vero ad Caracassar, (Carachisar scribere debuit) in media via, qua transeundum erat Ali bassar, cum exercitu rebelles persequenti, viuum ab eis palo transfixum: ut a tergo sequentibus tam foedo tanti viri supplicio formidinem & horrorem incuterent. De Curahige supra dictum, capite 40. 15

CORCVT A SEDITIOSIS VINCITVR.

*Diuerse Turcorum narrationes
a nostris.*

20

182. Corcutem in Osmanidarum genealogia quintum ordine Baiafitis filium fecimus, & germanum Selimis fratrem, qui deinceps imperauit. Etenim eandem cum Selime matrem habuit. Hunc referunt annales a rebellibus in pugna fuisse superatum. Iouius vero pugnatum ait in hos aduerso prelio duobus a nepotibus Baiafitis, Muchemete Sciemscaj, (Sinan Scach rectius adpellatur) & Orcane Alempfaci, filiis: (pater Alem vel Allama Scach, filius Vrchan nobis est in genealogia) Corcutem expresse tradit, non ausum fuisse cum Techelle congredi. Quæ sane vera sint, nec ne, mihi quidem disceptare non lubet: indicanda tamen putauimus, ceu suspecta propter ætatem nepotum. Quæ ditio sit Aidinensis, ostensum numero 13. Ducis filius est Hercogli bassa, de quo dictum capite 161, & 162. 25 30

ALIS

ALIS BASSAE CONTRA

rebelles expeditio,

Quantopere creuerint perduellium vires, vel ex eo colligi 183.
 potest: quod in hos proficiscentem Alim bassam duxisse Span-
 5 duginus ait equitum ex Anatolia XL CIO, quibus Genizarorum
 1111 CIO Baiasites adiunxerit. Nihiloque minus Achmetem
 quoque Baiasitis filium, ex Amasiana sua prouincia collectis
 copiis, ei subsidio venisse.

10 *CHEIDER BASSA CVM ZINDI KEMALE SAN-*
giacbeo, victus & occisus a seditiosis.

Zonchium. Nauarinum

Cheider bassa, Caramanix beglerbegus, a Spandugino Cai. 184.
 15 dir adpellatur, & domicilium in vrbe Cogno, vel Iconij habui-
 sedicitur. Zindi Kemal beg eidem Camali nominatur, & vir
 admodum militaris fuisse prædicatur. Tradit enim Spandugi-
 nus, hunc bello Baiasitis contra Venetos cepisse castellum Mo-
 reæ siue Peloponesi maritimum, hodieque munitissimum, nec
 20 procul a Methone dissitū, 15 videlicet milliaribus Græcis, quod
 a nautis Italis Zonchium, Spandugino Gionchium, Græcis no-
 stritemporis Nauarinum vocatur, priscis Coryphasium Messē-
 niæ fuisse creditur: Iouio tamen Pylum, regna Nestoris, adpellā-
 te. Neq; castellum hoc Kemales seu Camales dumtaxat expu-
 25 gnauit, verum etiam oppressas inopinato quatuor triremes Ve-
 netas, cum ipsis militibus & sociis naualibus, ibidem in potesta-
 tem redegit.

PLANICIÈS ZIBVC, ET SIVAC, EADEM.

30 Quam heic annales planiciem Zibuc vocant, Spanduginus 185.
 adpellat campum Siuac, tametsi corrupte legatur in edito, Cam-
 pagna detta Siuas. Quippe ciuitas quidem est Siuas, de qua di-
 ctum capite 5: sed hoc nomine campus aut planicies nobilis in
 Anatolia, quod equidē sciam, nulla. Quapropter ex Annalibus
 CCC ij

Siuac reponendum, quod idem est fere cum Zibuc. Iouius hæc ad Galatiæ campos retulit, vbi sitam ait Caraëssar. Ea Turcis est Carachissar, hoc est arx nigra, quæ in beglerbegatibus collocatur in Amasiæ Tocatique prouincia, complectente Paphlagoniam, Galatiam, & Cappadociam: vbi sangiacatus hi coniunguntur, Carachissar, (vide caput 144, & eodem numero textum analium, hanc a Muchemere h captam referentium, quum aduersus Vsumchasanem pergeret) Sasum, (prisca Sasima, de Nazianzeni nostri libris nota) Tarabosan siue Trapezus. Addit Iouius hoc loco mentionem montis, cui nomen dat Olinga, nec 10 cum magno ab Ancyra distare tradit interuallo.

KIHAIA. PROTOGEROS. PRIMIKIRIOS.

*Vlofedzi. Vlese. Timarion. Timario-
ta. Ramasan.*

15

186. Qui præfectus Vlofeziorum heic dicitur, vocabulo Turcico Kihaiia nominatur. Id proprie vicarium seu locumtenentem, seu legatum, atque etiam præfectum aulae significat. Ideoque Kihaiia Vlofeziorum est vicarius seu legatus illius, quem Vlofeziōrū 20 bassam adpellant. Græci Ptotogeron nunc dicunt, qui catalogo dignitatum vel officiorum Palatij ~~πρωτογενος~~ ipsius est, nostris primicerius, adpellatione vetusta. Ex Protogero Geufræus Pro- tortz corruptum ponit, & superintendentem interpretatur. No- men Vlofeziorum significat stipendiarios, quibus Vlese vel V- 25 lese numeratur. Sunt enim duo stipendiorum apud Turcos genera, quorum vnum vocatur Vlese, Timar alterum. Vlese stipendium est, quod more nostro militibus vel aulicis soluitur a rationalibus vel quæstoribus: apud nos menstruum vel annuū, apud Turcos in singulos dies. Hoc qui fruuntur, Vlofedziorum 30 nomen habent. Geufræo & Sansouino sunt Olophagi. Timar est pensio, vel stipendium, vel redditus assignatus in prædiis, & possessionibus castrorum, opidorum, pagorum, agrorum: vel in percipiendis decumis, aliisue fructibus. Græci timarion adpellant,

lant, a quibus ad Turcos manasse vocem hanc arbitror. Reperitur apud Damascenum Studitam in martyrio Theodori tribuni militum, cui virtutis & rerum fortiter gestarum nomine narrata Licinio Augusto datum fuisse pro timario castrum Heraclæ. Videturque vox a Græca *τιμή*, qua significatur honor, derivata: quod huiusmodi timaria, velut honoraria, siue beneficia, siue redditus, siue pensiones, honoratis beneque de republica meritis concederentur. Timariis donati vocantur Timariotæ, vel Timarati, etiam apud Chalcocondylem. Caramuses significat nigrum Mosem Ramasanis nomen idem est cum Ramadane: sicut Otman, vel Odman idem cum Osmane.

TEBRISIVM, TAVRISIVM. CARAVANA.

- 15 Tebrissium, nunc Tauris, admodum his annis innotuit, etiam 187. vulgo, Turcorum stragibus aliquot nobilitatum inde usque a Sultani Soleimanis I temporibus. Qui Ecbatana Mediæ vocat, errare puto: quum Cedrinus eam Taurezium adpellans, in Persarmenia collocet, quam hodieque maiorem dicunt Armeniam.
- 20 In huius mediterraneo Tebrissium recte Iouius ponit, ut male Chalcocondyles urbem fecit Assyriorum: cuius interpretes Tabrezen, ut Cedrinianus Tabrezium, scripsit. Iouis sententiam hæc Aythoni verba confirmant. In Armenia maiore ciuitas Taurisij famosior est, & plus aliis opulenta. Vide quædam alia de hac infra, capite 204 notata. Carauanæ Turcis & aliis orientibus populis sunt hominum agmina nonnumquam maxima, propter itinerum discrimina se coniungentium. Neque tantum hoc fieri solet ab iis, qui mercium vel distrahendarum causa, vel comparandarum, aliò profisciscuntur: verum etiam ab illis, qui per solitudines Arabum, ad visitandam voti vel religionis ergo Meecham peregrinantur. Excresecunt hæc agmina, pro magnitudine periculi, nonnumquam ad 20 vel 30 hominum millia: iustus ut exercitus esse, præsertim ob camelorum multitudinem, & aliorum iumentorum, quæ sagmaria sagmatariaque Græci vocat, videatur.

SCACH SIVE REX PESRARVM ISMAIL, COGNOMEN-
to Sophinum. Sophilar. Enasserlar. Kefil bassa. An hoc
primum tempore secta Sophilariorum
extiterit.

183. Licet in annalium adpendice nostra, de discidiis sectarum Mahumetanarū, Osmanicæ Sophinæque, decennalis initio belli, quod inter eos geritur, quædam rara, nec ab aliis ante nos memoria prodita complexi sumus: hoc tamen loco, quo primā Ismailis Sophini mentionem annales faciunt, paucis ea consignare libet, quæ ad ipsius Ismailis originē, principatus initia, progressus, res gestas illustrandas pertinere putabimus. Pater Ismailis Sophini fuit Erdebil, quē Iovius & alij vocāt Arduelem vel Har duellem. Hoc illi cognomen faciunt a loco quodā Persiæ, cuius dominus aut regulus fuerit: ipsum vero nomen eius tradūt fuisse Secaider. Aiunt præterea sectarum vitam religiosam, instar eremitarum vel monachorum nostrorum. Ideoque Sec interpretatur Spanduginus nūc abbatem, nunc plebanum siue curatum, ut vulgo loquuntur, hoc est, animarum curam gerentem. Ego vero in opinione mea persisto, quam initio belli Persici superius in Supplemēto annalium exposui, & cuius auctorē habeo Matthiam de Faro, Cæsareum Constantinopoli ad Portam Osmanicam Dragomanū vel interpreiē: diuersa scilicet hæc esse nomina diuersarum personarum, quorū vnus fuerit Erdebil pater Ismailis, familia natus apud Persas illustri, ditionisque cuiusdam regulus: alter Scheich Haidar, non princeps aut regulus, sed reuera id, quod audiebat; nimirum Scheiche, vel Imām: quorum illud hominem religiosum gentibus illis significat, ab innocentia sanctimoniaque vitæ: hoc vero, Doctorem. Etenim ex opinione vitæ religiose ac duriter actæ, consequutus aliquid apud vulgum auctoritatis; tribus Mahumetis Prophetæ sociis, Ebubekire, Omere, Osmaneque reiectis, Alim quartum Prophetæ socium, eiusdemque consanguineum & generum sequendum in omnia adfirmabat, si salui esse vellent. Docebat

Docebat aut hæc, & alia, quodā in opido Persarum, cui nomen Reza. Fama noui doctoris, nouæque disciplinæ, longe lateq; didita, confluit ad Scheichem vel Imamum Haidarem ingens e Persia vicinisque regionibus hominum multitudo. Primus autem ex magnatibus & regulis Erdebil non hanc dumtaxat Haidaris sententiam doctrinamque probauit, verum etiam ex eius præscripto se gerens, patrocinium causæ suscepit, eaque re multitudinis animos sibi mirifice deuinxit. Ita nimirum aliàs quoq; constat homines ingeniosos, nouæ religionis vsos prætextu, insignem ad potentiam peruenisse. Tantopere quidem Erdebil, ceteroqui non magni nominis opumue regulus, hac noui dogmatis professione creuit: vt ei filiam suam rex Persarum Chafanes, quem a proceritate staturæ nominatum Vsun Chafan superius indicauimus, matrimonio legitimo copularet. Quippe filiam Martham ex Æcaterina Comnenia susceperat, quam Camit de Cami fuisse dictam, non recte scriptum apud Spanduginum legitur. Etenim gentibus iis Carum de Comnini vocabatur: priore nomine corrupto de Græco Æcaterine, altero vero familiæ. Nam Caloioannis Comneni, penultimi Trapezuntiorum imperatoris, erat filia: quā Caloioanne mortuo, frater Caloioannis Daud, vltimus imperator Trapezuntius, Vsumchafani dedit vxorem, vt eius præsidio contra nimium vicinas & infestas sibi vires Sultani Muchemetis paullo tutior esset. Ex hac Vsumchafanis filia Martha, natus fuit Erdebili filius Ismail, de quo nūc agimus. Habuit in regno successorem mortuus Vsumchafanes lacupem filium, qui vulgo ab historicis Iacobbeg, ab annalibus hisce Sultan Iacup deinceps in vita Sultani Solcimanis nominatur. Is protectorem nouæ sectæ sororium suum Erdebilem, mirifice sibi suspectum, quod vereretur, ne regius adfinis, & tantæ multitudinis deuotione fretus, sibi regnum eriperet, interfici curauit. Euasit crudelis auunculi manus Ismail admodum adulescens, octodecim (vt pleriq; tradunt) id temporis natus annos: seque, Martha matre comite, contulit ad amicum paternum Pircalem, regulum ditionis & castellorum quorundam

ad mare Caspium, nunc Culzum Denizi Turcis, Beher Culzum Arabibus adpellatum, quo clausum mare significatur. Istic educatus Ismail ex præscripto religionis paternæ, tandem extincto per venenum a coniuge datum Sultano lacupe auunculo, domum reuerti, paternæque ditionis hereditatem, cum opidis & prædiis maternæ dotis nomine sibi debitis, adire statuit. Dominio paterno potitus, mox vltius progreditur: & ccc tantummodo stipatus militibus, Somakiam pæne prodigiosum in modum occupat. Ea ciuitas est Mediz, quam modo Siruanum vocant, ac versus Armeniæ maioris fines sese porrigit, & Laonico Samachia, Spandugino Sumachies adpellatur: tanti quidem momenti, vt anno Christiano 1583 ei captæ beglerbegum Osman bassa præfererit. Hinc copiis non parum adauctis & instructis, Tebrisiū, extimam Persarum regiam, sese confert: eamque superato rege Aluante, Sultani Iacupis filio & successore, victor in potestatem redigit. Iterum cum Aluante congressus, non modo superior euadit: verum etiā ipsum, cum exercitus maiori parte, trucidat. Inde Muratem Chanem, (Morat Chan, & Morat beg, aliis nominatur: Augustino Curioni nostro Marabeg, quod longius ab origine recedit) Aluantis occisi fratrem persequutus, pari prosperitate superat. Is victus ab Ismaile, Bagadatim versus aufugit, hodiernam scilicet Babylonem, propter ruinas prisce Babylonis sitam. Victor urbem Sciras, armorum omnis generis officinam, a Tebrisi xx dierum itinere distantem, cum victoribus copiis adit & occupat. Ibi demum insigniter suum armavit exercitum. Postea negotium ei fuit cum Vlu Chane Tatarorum Sicheco, quem instructum exercitu trecentorum millium equitum, adgredi prælio nō dubitauit: quo singulari virtute fortunaque victor euasit, hoste cæso, vel in turba (quod alij tradunt) a suis oppresso, suffocatoque. Tandem ad tot illustres de pluribus partas victorias, is felicitatis eximie cumulus accessit: vt moriente in exilio Murate Chane, Iacupis filio, & vltimo herede, non modo Persici regni possessione, sublati æmulis, quieti potiretur; verum etiā vicinos quosdā populos, ac præsertim Bagadati-

gadatinos, in deditiōem acciperet. Hæc de Ismailis Sophini o-
 rigine, prosperoque rerum successu, quo sibi suisque regnum
 Persicum peperit & cōstabiliuit, hætenus heic exponenda du-
 ximus. Nam bella deinceps cum Osmanidis, ac Selime præser-
 tim gesta, suo loco nobis annales ipsi dabunt. Ab Osmanidis ei
 Sophi cognomentum, & Kiselis bassæ, per ignominiam fuit in-
 ditum. Prioris notionem adtigimus supra, capite 81. Nō a Græ-
 co Sophos deductum est, quod tamen existimare quosdam vi-
 deo, qui a Persarum Magis & Sophis antiquissimis sumtum no-
 10 men vīsurpasse Sophinos volunt: sed a Sophi, Arabica voce, quæ
 lanam significat. Quippe quum Mahumetani, & præsertim Of-
 manici, more veteri, tulipanto lineo subtilissimi operis caput
 inuoluant, noua isthæc Sophilariorum religio præcipit inter a-
 lia, ne caput fastu quodam lineis eiusmodi spiris ornatur: sed vt
 15 tegumenta capitum e lana, non magni repretij, conficiantur. Et
 quia lancum hoc tegumentum capitis, quo præter aliorum Ma-
 humetanorū morem hi nunc vtuntur, plicas habet duodecim,
 & Arabica vox Enasser, duodecim significat: etiam aliud nomen
 Enasserlariorum consequuti sunt, ac si Græco vocabulo dicas
 20 Dodecapychos, aut Latino Duodecim plices. Quum denique
 tegmen eiusmodi rubro dumtaxat colore tinctum gestare so-
 leant, Kiselbassilarij quoque dicti sunt, veluti capita rubra. Sole-
 bant autem ante hæc vocari tempora Persæ Turcis Aiemini vel
 Azemini, sicut & ipsa regio Persarum iisdem est Aiem, quod su-
 25 pra notatum capite secundo. Scachus igitur Ismail ab æmulis
 Osmanicis, aliisque Mahumetanis, velut horum antesignanus,
 tam Sophi, quam Kiselbassa vocatus fuit: ac mansit etiam apud
 nos in hodiernum vsque diem nomen hoc posteris ipsius, vt So-
 phini adpellentur. Nec tamen in ea sum opinione cum aliis, vt
 30 tunc primum natum hoc Sophilariorum vocabulum putem.
 Quippe vetustius esse temporibus Ismailis, ex annalibus Turci-
 cis patet: qui regnante Muchemete primo, Baiasitis proauo, no-
 naginta scilicet annis ante Scachoculis seditionem, & Ismailis
 imperium, Sophilarios iidem tumultuatos cōmemorant. Itaq;

vero est simile, Scheichem Haidarem nō noui dogmatis auctorem fuisse, sed reliquas potius ex incendio veteri, quasque sopitas haecenus scintillas, denuo suscitasse: prorsusque similitudine Scachum Ismailem Sophi nomen ab inimicis tulisse, frequēs antea plebeis, sed ante ipsum nulli datum regi.

*QVI CORIZZI VEL CORIDSCHI, QVI TUR-
comani Persici. Supplicium Scachoculis.*

189. Tria sunt apud Persas genera militantium. Primi vocantur ab eis Turcomani, quorum ea condicio est, quæ vasallorum apud nos, quos feudatarios adpellamus. Et sunt apud eos feuda perpetua, quæ a parentibus ad liberos & posteros deuoluuntur, sequius ac Turcis est in usu. Quoties igitur hi iussu regis euocantur, cum equitum numero se regi sistunt, quem ratione feudorum adducere tenentur. Alteri dicuntur Corizzi vel Coridschi, qui stipendiis militant. Et alia stipendia reapse non sunt apud Persas, quam quæ Græcis *εὐνομῖα*, Romanis annonæ militares nominabantur: res nimirum ad alimenta pertinentes, cum equis, vestibus, armis, tentoriis, ceteris. Tertij constant e copiis auxilioribus confœderatarum finitimarumque gentium, Armeniorum videlicet, ac Georgianorum: qui religionem Christianam profitentur, in Persas propensi, Turcis infesti. Vulgus igitur istorum, qui Scachoculim sequuti ducem, tam crudeliter hæcenus grassati passim fuerant, Scachus Ismail ceu mancipia distribuit inter procures suos, quo nomine Sultani, Chanes, Turcomani Persis veniunt: capita vero seditioforum trucidanda Corizzis, hoc est, stipendiariis militibus suis, obiecit. Hoc memorabile, quod apud Spanduginum legitur, auctorem tam fœdæ tragediæ, qui se Scachoculim, velut Scachi mancipium adpellauerat, ab aliis vero nominatus ob immanitatem fuerat Sciran Culi, siue Satanæ mancipium, laudabili seueritatis exemplo viuum, de sententia regis Ismailis, in flammis coniectum, & exustum fuisse.

MOTVS SELIMIS ADVERSVS PATREM BAIASSEM. Precopij Tatari. Chan Precopiorum Polonia regnum ambit. Beligrad ad amnem Nesterem. Seguan bassa.

5

Deiecturus imperio patrem Selimes, non Trapezunte per 190.

Asiam minorem profectus fuit, quod futurum videret, ut a fratribus, Achmete Corcuteque, hoc in itinere impediretur: sed Cosen, quæ nostris est Capha, ceu dictum capite 148, trans mare nigrum nauigauit: quo loco tunc Mechemetis Tatarorum Chanis filiam non duxit uxorem, ut Geufræus scripsit, quum ex ea filium Soleimanem, hoc ipso tempore 19 plus minus annos natum, haberet: sed auxiliares a socero copias impetrauit, quibus Mechemet Tatar Chan pater filium præfecit, Chanoglim
 15 ab historicis adpellatū, hoc est, Chanis siue regis Tatari filium. Hi vero Tatari peculiari adpellatione Precopij nominantur, a voce Precop, significāte fossam. Quippe ductis in Isthmo a mari ad mare fossis, a continenti Tauricam Chersonesum velut abscindere conati sunt. Qui nunc Precopiis imperat Chan, nuper
 20 ad comitia Polonicorum ordinum, creando rege post obitum Stephani regis indicta, suos & ipse legatos misit, qui regnum suum nomine ambirent. His in mandatis dederat, primum ut potentiam suam Polonis ostenderent, qui myriades aliquot equitum suis e terris posset ad Poloniæ defensionem educere. Deinde
 25 proponi iussit, frugalem habituros regem, qui spretis aliis sumtuosis epulis, ad sedandam famem dumtaxat equinam æqui bonique faciat. Quod denique religionem adtineret: Pontifex (inquit) tuus, Pontifex meus: Lutherus tuus, Lutherus meus esto. Quæ legatio magno cum risu fuit excepta. Sed ad Selimem ut
 30 redeamus, is Capha discedens, Chilim adiit, de qua dictum capite 159: hinc Beligradum venit. Hæc vero non est Vngarica Nandor Alba, vel Beligradum, quæ necdum hoc tempore Turcorum in potestatem venerat, ab Soleimane primum, Selimis filio, nouem decemue post annis occupata: sed illa Nester alba,

quam Nestoris ad amnis ostium sitam Goreccius Polonice Biaglogrod indigetat, vti prolixius expositum indicato capite 159. Seguan bassa Turcis est præfectus iumentorum sagmatariorum in exercitu maximus, quorum aliquoties facta iam mentio.

CVR SEMENDRIÆ SANGIACATVM SELIMI filio Baiasites obtulerit.

191. Causa, cur pater Semendriæ sangiacatū concesserit filio, non est in annalibus expressa. Nimirum impedire Selimem volebat, ne progrediretur ulterius, & ad Portam veniens, Genizarorum animos fluctuantes & alienos a patre, mox ad se transferret. Vfus enim fuerat astute captato prætextu filius ad palliandum hociter suum, quod hinc inde publicarat, adire se patrem, eius honorandi causa, quod Turci quoque vocant osculari manum: 15 indeq; mox arma conuersurum in Christianos, præsertim Vngaros. Id vero plausibile futurum erat apud Genizaros, & alios Portæ milites, qui mox Selimi, ceu propagandi regni cupido, se totos haud dubie daturi erant. Itaque Semendriam ei pater offert, Vngaris proximam, quasi si diceret: Non est, quod ad Portam progrediare. Contra Christianos pugnare vis? Do tibi vicinam Vngaris Semendriam. Heic Rhodus, heic salta. Dictum vero superius de Semendria, capite 99. Perrexit inde Zagoram Selimes, quam capite 33 diximus sexagesimo ab Hadrianopoli distare milliario Græco. Heic eum Malcozoglīs, & alij quidam 25 adierunt, excitati rumore per ipsum sparso, de bello Christianis inferendo, suamque Selimi operam obtulerunt. Is vero secretas vt animi sui cogitationes non nihil eis aperiret, grata sibi respondit ipsorum esse studia. Siquidem ad imperium peruenisset, non modo fines Osmanici regni prolataturum: verum ipsos etiam 30 vniuersos maximis beaturum dignitatibus & opibus. Hac varfricie sibi animose eorum conciliabat, qui ceteroqui more hominum mallent orientem adorare solem, quam occidentem.

*CVR BAIASITES CONSTANTINOPO-
lim properarit.*

Putat ea de causa Spanduginus Baiasitem, intellecto Selimis
5 aduentu, Hadrianopoli relicta, Constantinopolim properasse:
ne filius præceptis regiis thesauris, quos capite 139 Constanti-
nopoly custodiri diximus in arce Iedricula vel Heptapyrgio, ner-
uis scilicet belli gerendarumque rerum potitus, regno patrem
exueret. Ad hanc causam accedit & illa, quod amissa imperij se-
10 de, de suis rebus actum Baiasites esse videbat.

*LOCVS, VBI PROELIO CONGRESSVS EST
cum patre Selimes. Zorli. Saranta Ecclesiis. Kirc Clisse.
Carabulyc, Selimis equus.*

15 Narrant annales, & alij, non procul a Zorlo concurrisse pa- 193.
tris, qui podagra laborans curtu vhebatur, & filij copias. Zorli
vero Turcis est opidum vetus Tzurulloë vel Tzurulus, de quo
dictum cap. 26. Iouius ait, ab hac memorabili pugna pagū hunc,
prius obscurū & ignobilem, (id supra dicto capite refutauimus)
20 nomen aliquod, & splendorem fuisse consequutum. Spandugi-
nus addit, eundem locum pertinere versus Quadraginta eccle-
sias. Id etiam opidum est Thraciæ, nunc Græcis Saranta eccle-
sies adpellatum, (prisci *παραίοντα ἐκκλησίαις* dixissent) Kirc Clisse
Turcis, eodem significato: vbi sangiaci Kircclissiensis hodie se-
25 des est, Rumeliæ siue Græciæ beglerbego subditi. Selimes deni-
que proelio victus, equi beneficio saluus euasit: cuius si nomen e-
tiam sciri refert, ut illius Alexandrei Bucephali, notandū e Buf-
bequio, dictum fuisse Carabulyc, voce nubem nigram signifi-
cante.

30 *SELIMES VICTVS COFEN AVFVGIT. MID-
gepagus. Nischanzibassa.*

Pagi Migdæ nomen annales soli referunt, ceteris ad Nigrum 194.
mare Selimem profugisse narrantibus. Migdæ vero situs ex eo

colligitur, pagi ceteroquin ignoti, & nusquam proditi, quod Spanduginus ait, Selimem per Thraciam fugiēdo Varnam ver-
sus, Euxinum petiisse. Quapropter Midge non procul aberit a
Varna, de qua superius dictum, capite 113. Quod paullo post se-
quitur Cadilescheri nomen, declaratū supra, cap. 29. Nischan-
zibassa dicitur apud Turcos is, qui litteras omnes, & instrumen-
ta, quotquot apud Portam expediuntur, obsignat: adeoq; gerit
officium, supremi Cancellarij nostris in aulis officio simile.

ACHMETIS AMBIENTIS ET INVADENTIS 10
imperium duricies erga Genizaros, crudelitas in legatos.
Corcutes fratrum competitor.

195. Ostēdimus in Osmanidarum genealogia, Sinanem Scachū,
& Allamam Scachum, primogenitos Baiasitis filios, ante patre 15
extinctos fuisse: quorum vnus, maioris scilicet natu, Sinanis o-
bitum peracerbe pater ac diu luxit. Tertius e filijs erat Achme-
tes, Amasix præfectus; qui accepta motus Selimiani fama cum
xxcix armatorum per Asiam minorem Scutarium, e regione
Constantinopoli situm, contendit: & audita Genizarorum le- 20
gatione, qui se accepturos ipsius imperium nuntiabant, si maio-
res annonas policeri vellet: durius respondit, nolle se, iam desi-
gnatum a patre successorem, ab ipsis imperium pretio redimere,
quibus vel inuitis eo sit potiturus. His verbis animos Genizaro-
rum ab se prorsus alienauit, & imprudens æmulo Selimi adiun- 25
xit. Quod vbi pater animaduerneret, iisdem Achmeti reconci-
liandis Lcix Sultaninorum, filij nomine, promisit. Hæc scilicet il-
la pecunia fuit, quam annales Achmetem patri misisse referunt.
Hinc Asiam vi subacturus Achmetes, mortui fratris sui primo-
geniti Sinanis filios, Muchemetem & Aladinem, Larendæ, Ca- 30
ramanix opido, de quo capite 167 dictum, obsedit & cepit. Eius
rei causa quum grauitur a patre per legatos obiurgaretur, lega-
tionis principem capite truncari iussit, ceteris nares & aures præ-
cidit. Id facinus omnium odia mirifice in Achmetem accendit.

Ac videamus obsecro, quæ rerum id temporis confusio fuerit in Osmanico imperio. Quintus ordine nascendi filius Baiaſitis, raro in Osmanidarum familia exemplo Selimis ex utroque parente frater, Corcutes erat. Quartus enim Muchemetes, ante hoc
 5 tempus a ſuſpicaci patre, quum incognitus & patrem, & fratres ſuos adiſſet, metu motus alicuius ſecreti veneno ſublatus e medio fuerat. Is Corcutes, moriente auo Muchemete ſecundo, ab amicis paternis, abſente patre, collocatus in regium fuerat ſolium: ne frater Baiaſitis Zemes, prior inauguratus, Baiaſiti regnũ
 10 præriperet. Adueniēti deinde Conſtantinopolim patri, & abdicatione filio, imperium in ſe transferenti, ceſſerat tenero quodam amore pietateque motus Corcutes: quum hoc nomine viciffim pater illi promiſſiſſet, ſe rationem iplius, in conſtituendo ſucceſſore, ſupra filios ceteros habiturum. Eidem Caſtamonam poſt
 15 obtinenti, de qua dictum capite 66, a morte fratris Muchemetis prouinciā Magnēſiam adtribuerat, non exigua Lyciæ Carizque parte adauctā. Hic ergo Corcutes, ceteroqui ſtudiis Mahumetanorum philoſophicis, & quieti deditus, ſeditiones fraternas conſpicatus, & ipſe ſtimulos ambitionis, alienos a profeſſione philoſophi, ſenſit: quod iure ſibi putaret imperium deberi,
 20 cui fuiſſet ante patrem inauguratus. Quid autem effecerit, ab iplis expoſitum legitur annalibus.

ZECME MINOR. RHEGIUM SIVE ^{ῥηγίον}, *MA-*

25 *ius & minus. Melanias & Melitias. Athyras fluiuius.*
Glykynero. Votum Soleimanis. Athyrorum episcopatus.

Nomen Zecme ſignificationem in lingua Turcica nullam
 30 habet. Quapropter a Græcis ad Turcos velut uſuſcapione quadam perueniſſe arbitror, a Zeugma vel Zeugmin deriuatum: id eſt, a iuncturis pontium, quibus elegantes duo Propontidis ſinus illic ſternũtur, in quorum alterum ad Zecmen minorem ſe fluuius Athyras effundit. Eſt enim Zecme minor, vel comeopolich-

nion, vel opidulum illud, multis cinctum mœnibus; cui nunc Ponto piccolo nomen est Italicum, a minori ponte. Facta fuit eius mentio supra, capite 26. Minor autem Zecme, sicut & pons minor, ad discrimen maioris dicitur, longius ab vrbe versus Siliuriam distantis. Theodosius Zygomalas putabat antiquis temporibus dictum fuisse ^{ῥηγίον} siue Rhegium; maius & minus: & utrumque Constantini Magni opus fuisse. Quod si verum est, ut equidem non dubito, intelligetur Rhegij nomine Parui Pontis opidulum, siue Zecmę minoris, in historia Græca manuscripta, titulo carente, cuius obiter meminimus capite 10: quum narrat, 10 imperante Iustiniano primo, graui terrę motu non urbem modo deformatam, sed ipsa quoque suburbia cum Rhegio subuersa & abolita fuisse. Non enim alia suburbia Cōstantinopolis habuit, aut habere potuit: quam quę versus duplex hoc Rhegium, pontem minorem & maiorem pertinuerunt, ut hodieq; testantur ædificiorum suburbanorum maximę vel ruinę, vel rudera. Græcus etiam scriptor historię Agathias noster, libro 5 mentionem Rhegij facit, in descriptione terrę motus eiusdem, ubi Rhegium addit ^{ῥηγίον} vrbis esse, id est opidum suburbanum, quod stationem pro nauibus habet. Apud Cosmographorum 23 principem Ortelium ex Procopio Suidaue reperitur Melantias & Melitias, pagi nomen in Thracia, 102 stadiis a Byzantio distiti, quę Athyras amnis alluat. Prorsus hoc de Zecme vel Pōte minori accipiendum, a Cōstantinopoli 15 milliaribus Græcis distincto; quę a 102 stadiis nihil, aut parum absunt. Athyrę 23 fluuij nomen heic in Aqua dulce nunc Italis est mutatum, Græcis in Glyky neró. Pontes ambos, tam maiorem, quam minorem, milliaribus 10 ab se inuicem distitos, Sultanus Soleimanes, auus huius Muratis III, maximo sumtu refecit: cuius quidē memorabile votum fuit, quo tria sibi concedi diuinitus optabat, ut 30 ante mortem perficeret. Primum instaurationem aquę ductus maximi, quem ab auctore Valentem, aut Valentianum, nō Valentinianum, ut vulgo corruptis in libris legitur, historici dixerunt: deinde horum pontium in utroque sinu maris, sane quam

Iato, refectionem: vrbis denique Viennensis Austriacæ occupa-
 tionem, quam maximis duabus expeditionibus ab se frustra ten-
 tatam, summa cum indignatione recordari solebat. Prioris v-
 triusque voti factus est compos, regio prorsus opere per xx plus
 5 minus milliaria deductis in urbem ex ipso Danubio copiosis a-
 quis, & ambobus exstructis pontibus: tertio numen Christianis
 propitium, ne tyrannus in intima Germaniæ viscera penetraret,
 fauere noluit. Athyrorum quoque meminit episcopi Leo Sa-
 piens imperator in nouella de thronis, eumque subijcit Herä-
 10 cliensi metropolitano in Thracia. Quæ quidem Athyra diuersa
 non sunt ab hisce duobus opidis, quæ diximus. Et Zygomas
 dicta, velut ἄπυλα, volebat ex eo; quod vt nunc, ita superio-
 ribus etiam sæculis, opida fuerint nullis portis clausa, nec mœ-
 nibus cincta. Vulgo denique Græcorum illud, πύρις μέγας: hoc,
 15 πύρις μικρός, adpellatur: vt paullo peritioribus πύρις μεγάλη, & πύρις
 μικρά.

*PRATVM GENIBAXEVM. GENIZARORVM DO-
 micilium. Excubita. Excubitoria. Loca certa pascendis felibus, ex
 Turcorum instituto, Cusluc & Ikindi, statæ pascen-
 dis iisdem hora.*

20

Diuertisse traditur Selimes, haud dubie magno cum comi- 197.
 ratu, in locum vrbis, ab annalibus Genibaxe vel Genibacze no-
 minatum, id est in hortum nouum; cuius in prato, multorum
 25 tentoriorum capaci, Turcico more commorati sub dio poterat.
 Idem nomen & Spanduginus memoriæ prodidit, Selimem re-
 ferens hospitium cepisse in loco, cui nomen sit Ianibacza, non
 procul a Genizarorum domicilio. Dictum paullo ante, Corcu-
 tem quoque Constantinopolim ingressum, haud procul a do-
 30 micilio Genizarorum delegisse sibi locum hospitij: quod sane
 quo factum consilio fuerit, nemo non animaduertit. Hoc Geni-
 zarorum domicilium messitæ proximum est, quam memoriæ
 carissimi sibi filij Muchemetis Soleimanes secundus exstruxit.
 Is natus ex Rossa coniuge, ceu dictum in annalium supplemen-

to, Selimis II frater natu maior, haud dubie patri successurus orat, si superstes ei fuisset. Nec item procul abest a messita Turcorum prima Constantinopoli, quam in locum ædis sanctorum Apostolorum Muchemetes II, vrbe capta, condidit. Ipsum hoc ædificium pro Genizaris exstructum arbitror ad imitationem veteris tam in vrbe prisca, quam noua, Prætorianarum cohortium excubitorij, quod historici Græci recentiores Excubitum & Excubita dixerunt. Erant enim vt in vrbe veteri, sic etiã in noua Constantiniana, Cohortium Prætorianarum, quibus Genizari successerunt, itemque Cohortium vrbanaarum, & Vigilum excubitoria. Nec locum equidem excubitorij Prætorianorum veteris mutatum arbitror, ob commoditatem situs; quem norunt, qui Constantinopolim vident. Sunt ibidem hortilongè amplissimi, circumdati muris, in quos insilire feles solent, quoties alimenta statis horis a prætereuntibus Turcis expectant.¹⁵ Quippe sibi persuadent homines supersticiosi ac barbari, se nescio quid apud Deum promereri gratiæ, si brutas etiam in animantes, feles, canes, pisces, auiculas, eleemosynam conferant. Itaque volucres eis necare captas ad victum religio est, easque pretio potius suo redemptas libertati naturali restitunt: piscibus²⁰ deuoranda frustula panis obijciunt: canes & feles in plateis publicis, ad certa loca cottidie, statis horis gregatim conuenientes, pane, carnibus, cibis ceteris pascunt. Et obseruari a felibus in his ipsis muris hortorū, de quibus loquimur, horas statas tam Cusluci, quod medium est inter exortum solis & meridiem tempo-²⁵ ris interuallum, quàm Ikindi, quod meridiem ab occasu solis æquo spatio diuidit, equidem frequenter illac ad patriarchium, vilitandi Zygomalæ nostri causa transiens, animaduerti: coramque vidi mulierculas humilioris staturæ, carnes assas, ex opopoliis proximis emtas, & perticis oblongis adfixas, felibus hosce³⁰ muros insidentibus porrigere, quum nescio quid precularum admurmurarent. In hos igitur hortos, Excubitorio Genizarorum proximos, Sultanus Selimes diuertit.

DE MUSTAPHA BASSA, BAIASITIS VE-
zirazeme, Ducaginogli Bostangi bassa,
Aigas Agà.

- 5 Erat hic Mustaphas natus in vrbe Serrensi, propter Amphi- 198.
 polim sita, de quibus ambabus dictum capite 43 & 53. Patrem
 habuit sacerdotem Christiani ritus Græcum. Et Græcos sacer-
 dotes in coniugio viuere nemo non nouit. Fuit hic Mustaphas
 vir astutus, malitiosus, vindictæ tenax. Statim post mortem Ba-
 10 iasitis a Sultano Selime fuit interfectus, vti non multo post in
 annalibus sequitur. Iouius Selimem non huius dumtaxat vsum
 opera scribit in opprimendo patre, sed etiam Ducaginoglis Bo-
 stangis bassæ, siue hortulanorum præfecti, cui secreto Selimes
 pro perfidiæ præmio filiam nubilem promisit & dedit; & Aiæcis
 15 Genizarorum Agæ, quod Turci nomen non Aiæx, sed Aigas e-
 nuntiant. De Ducaginogli paullo post dicetur, capite 206.

- CVR DIMOTVCVM SECEDERE BAIASITES,
 imperio dimisso, voluerit. Inaugurandi Sultani carimonia. Imperato-
 20 rum insignia vel symbola. Coronandi alterius imperatoris ritus
 apud Græcos, priori superstite. Παρασκευασται. Scaraman-
 gium. Tzohadari. αὐβωὶ. Δικηνοῖον.
 Tzankia.

- 25 Dimotucum a Turcis vocari ciuitatem, quæ Græcis Didy- 199.
 motichon dicatur, indicatum supra, capite 28, nonnullis ibidem
 adiectis, ad hanc quæ pertinent. Voluit autem eò se cōferre Ba-
 iasites, abdicato imperio, quod eius esset patria. Quippe natus il-
 lic fuerat. Et nemo non occulto quodam instinctu naturæ dele-
 30 ctatur iis præcipue locis, in quibus existendi principium habuit.
 Ea quoque de causa Baiasites, quum ante triennium, videlicet an-
 no Christiano 1509, terræmotus horribilis, de quo paullo ante
 legimus, in his annalibus, Cōstantinopolim & Didymotichum
 pæne totas diruisset: non Constantinopolim modo refecit, ve-
 EEE iij.

rumetiam decem sarchorum, id est mercenariorum & opificum millia, Didymotichum misit: qui patriæ suæ mœnia colapsa, cum ædificiis instaurarent, uti Spanduginus memoriz prodidit. Quo autem ritu Sultani Osmanidæ, mortuis patribus, imperium auspicari soleant: expositum in supplemento annalium nostro, ad annum Christianū 1566. Heic quibus cærimoniis superstes pater filium sibi substituerit, indicatur. Quippe filio tradi cistas iussit, quibus imperatorij thesauri continebantur. Eorum vero nomine non illi veniunt, quos adseruari diximus in ledicula: sed quæ Græci vocabant imperatoria, vel *αἰνία*, 10 vel *ἀνίστα*, vel *στέφανος*. Sic Græciæ Prætor ait, venisse capta Constantinopoli Græcorum in manus imperatoria Balduini II symbola, quæ quidem hæc fuerint: Calyptra, formæ Latinis virgata, (Latinos Græci vocabant populos ad imperium Romæ veteris pertinentes, quum sibi Romanorum adpellationem adrogarent) & vnionibus distincta, cum lapillo rubri coloris in vertice capitis: calceamenta, cocco tincta: gladius vagina, de coccinei coloris serico facta, vestitus. Inde patrem Selimes adiit, eiq; manum, ut annalium liber; pedes, ut Iouius narrat, osculatus est. Idem addit, hoc ab eo factum maxima, sed simulata cum summissione; quum temeritatis obiter suæ veniam posceret. Mox ei pater adsurgens gladio latus cinxit, ut Iouius memorat: ut annales, folio sedere suo iussit. Calyptram ei nullam imposuit, quod ea Turcorum Sultanis in vſu non sit, tulipantodumtaxat caput inuoluentibus: uti ne Sultana quidem ipsorum calyptra coronaue regibus nostris vſitata, caput ornant: sed vera tænia, siue fascia, siue diademate, variis & exquisiti pretij gemmis distincta, quod ad sinciput colligatur. Eiusmodi diadema cōficiebat Germanus aurifaber in opido Galata, Ioānes Saxo, natus apud Hofatos, huic Sultanae, Muratis III coniugi, quum filius Muchemetes circumcidendus esset. Addere libet hoc loco ritum coronandi apud Græcos imperatoris, priori adhuc superstite, quem de Græco historiæ libro manu exarato Symeonis Magistri Officiorū exscribemus. Loquitur autem Symeon de Michaële, Theo-
phil

phili F. Augusto, quem temulentum siue *μεθύων* vocant historie,
post Bardæ Cæsaris auunculi cædē, Basilium Macedonē ad im-
perij societate cooptante. Verba sunt huiusmodi. Quum impe-
rator, ait, in processione prodiret, sequebatur a tergo Basilus, ge-
5 stans imperatoris scaramangium, quod pro more *παρακαταμύμναι*
faciunt. Ad augustales autem fores ubi peruenisset imperator,
coronam pro imperatorum consuetudine non deposuit: sed in-
tra ianuas sacras cum ea Michaël ingressus est. Et corpore con-
uerso, tres gradus ambonis coronatus adscendit, stante inferius
10 Basilio Parakimomeno. Infra Basilium stabat Leo Castor, qui a
secretis erat, sententiam scriptam (tomum Græci vocant) manu
tenens, & Michaël Anurius Præpositus, & tribunus plebis, vna
cum tribulibus. Cepit ergo secretarius hæc ex imperatoris de-
creto verba legere: Bardas Cæsar aduersum me conspirauit, vt
15 vitam mihi adimeret: eaque de causa extra urbem me abduxit.
Quod nisi Symbatus ac Basilus iudiciū eius rei mihi fecissent,
equidem non amplius in numero viuorum existerem. Ac per-
iit ille sua sane culpa. Basilium vero Parakimomenon, ceu fidum
mihi, meique seruatore[m] imperij, quique me liberauit ab hoste,
20 ac singulari adfectu complectitur, esse volo custodem & curato-
rem imperij mei; faustisque, velut imperatorem, adclamationi-
bus salutari. Tum vero Basilus oppleri lacrimis. Et imperator
demtam e capite suo coronam Photio patriarchæ porrexit: qui
ea sacram ad mensam deportata, preces super illam concepit.
25 Inde paludamentum adtulere præpositi, & calceamentis Basi-
lium induerunt. Is abiecta chlamyde, ad imperatoris pedes pro-
cidit. Mox autem egressus Patriarcha, demtam prius e capite
imperatoris coronam, ipsimet imperatori reddidit. Quumque
sceptra, demore, humi procidissent: coronauit Basilium Michael,
30 omnibus fausta voce adclamantibus: MICHAELI ET BA-
SILIO AVGVSTIS, MVLTIS ANNI. Hæc non abs re pu-
tauimus exponēda, quo studiosis antiquorum rituum rem gra-
tam faceremus. Adjiciamus & difficilium intellectu quorum-
dam explicationem. Scaramangium, quid sit, indicatum capi-

te 172. Παράκλιμαίμωνες sunt intimi cubicularij, qui augustalibus in cubiculis & ipsi propter imperatores dormiebant, vti Symeon hic noster haud multo post declarat in descriptione cædis Michaëlis Augusti. Tale nunc officium est apud Turcorum Sultani-
 num eius cubicularij, qui Chiohadar aut Tzohadar adpellatur. Is enim & intra Sultani cubiculum noctu excubias agit, & plu-
 uiam Sultani vestem gestat, vt Parakimomenos, quæ scaraman-
 gium heic vocatur. Ac norunt omnes, qui Portam viderunt Of-
 manicam, non Sultani modo comitari cubicularium, qui se-
 reno quoque cælo scaramangium eius gestat: sed omnes etiam
 cotidie baias ac begos, quotiescumque per urbem ad Portam
 equitat, habere pedisequum vnum, qui vestem huiusmodi por-
 tat, ceteris superiniijciendam vestimentis, si aëre mutato forte
 pluat. Ambonis nomen in templis Græcorum ab ascendendo
 factum est, quod gradus complures habeat. Et extra seceretum a
 reliquo templo sacrarium vel θυσαστήριον est, quo mensæ sacra cō-
 tinetur, sacerdoti dumtaxat adeunda. Quod paludamentum di-
 xi, Symeoni δικητήριον adpellatur. Sciopaludamētum esse vestem
 imperatorum castrensem, quæ exprimendo Dikitesio non sa-
 tisfaciat: sed quum aliud inuenire nomen non possem, hoc vti
 libuit. Δικητήριον vero sic mihi sunt interpretati Græci, vteo signi-
 ficari dicerent ὑπὲρ μανδύον, siue supramantellum, (adhibeamus e-
 nim voces barbaras, vt intelligamur) quale superiniijci Patriar-
 chis in solium pontificale collocandis solet: vt intelligatur, hoc
 indutos, iam factos esse Pontifices. Casiolam memoriæ prodi-
 dit Isidorus, quæ huc puto quadrat. Tali vestimenti genere no-
 stros etiam imperatores indui, quum inaugurantur, ipsimet vi-
 dimus. Estque notabilis apud Zozimum nostrum locus, vbitra-
 dit hoc propterea factum apud Romanos, vt intelligeretur, im-
 peratores etiam esse Pontifices Maximos: quemadmodum in
 nummi (matris quoq; se nominabant. Calceos siue calceamenta,
 Tzankia dixit Symeon: quibus imperatores vti coccinei coloris
 solebant. Præpositi simpliciter heic vocantur, quos apud anti-
 quiores sacrorum vel augustalium cubiculorum præpositos dici
 vide-

videmus in Iustiniani codicis, & historiarum libris. Sceptra sunt baculi, magistratus symbola. Nec intelliguntur heic ipsius imperatoris sceptrum, sed officialium: quæ apud Græcos deponi solita, quum nouus imperator inauguraretur, superius cap. 173 monuimus: idemque mos apud Turcos hodie retinetur, quorum Genizari, & alij officiales, quum nouus Sultanus Portæ sacra ingrediens, regnum suum auspicatur; baculos suos deponunt ex causa, quam indicato capite declarauimus.

10 *PORTAE XXIII VRBIS CONSTANTINOPOLITANÆ, cum multis memorabilibus, & ad historias intelligendas necessariis.*

Quia non tantum heic Hadrianopolitanæ portæ, sed aliarum 100. quoque deinceps, in vita Soleimanis II, fit mentio: placet vno loco simul enumerare portas vrbis omnes, ac singulas velut ob oculos ordine collocare: quod operæ pretium nos his exponendis facturos existimemus, qui sæpenumero legēdis historiis, ob harum tam adpellationum, quam situs ignorationem, mirifice nos torqueri meminimus. Nec ipsum Gyllium recensendis his omnibus, & recte adpellandis, vel ex semisse lectori fecisse satis; fatebuntur ij, qui nostra cum Gyllianis conferre voluerint. Incipiemus autem ab angulo vrbis orientali, in quo situm esse Genisaraum, siue palatium, arcemue Sultanicam, superius 139 capite ostendimus: & in litore sinus Ceratini, Constantinopolim a Galata interfecantis, de quo dictum cap. 127, propter vrbis orientale partim, partim septentrionale latus progrediendo, pergemus ad angulum Pentapyrgij, qui recta versus aquilonem spectat, & a quo muri portæque terrestres incipientes, ad angulum tertium porrigunt, arcis Heptapyrgij vel Iediculæ structuras complexum: vnde versus angulum primum in litore Propontidis reflectendo, totam scilicet urbem circumibimus, portisque suis includemus.

Est igitur prima secundum radices promontorii arcis Sulta- *Porta I.*

ninx porta, quæ Græcis, quotquot videri petitiorez volunt, Porta Horza, (ὥρτζα) vulgo Heurza dicitur. Illud a pulchritudine factum nomen est, hoc a vicis & ædificiis Hebræorum, huic portæ proximis. Neutrum tamen verum eius est nomen, quæ Porta Neorij sit adpellanda: quod istic *νεορτζα* siue nauale quondā fuerit, vti Gyllius etiam probat. Leonardus Chienfis Imperialem portam vocat in obsidionis vltimæ historia, velut arcis Augustali proximam. Iuxta portam hanc est scala Sydena, traiectusq; Sydenus, vel Galatz perama, sicut Græci vocant. In toto sinu multa nauicularum millia reperiuntur, & plura quidem opinione quorundam, quam Gundularum Venetiis: quibus ingens hominum multitudo singulis momentis trans sinum Ceratinum, & trans Bosporum ab vrbe vehitur, ac in urbem reuehitur. Ipsæ nauiculæ tam Turcis, quam Græcis & aliis, ab vsu, quem in trafijciendo præstant, Peramæ vulgo nominantur.

- II. Secunda Turcis Baluebazar vocatur, a foro piscario. Græci, licet altera dictione vulgo nunc vtantur, & Pazariou siue Pazari forum adpellent, voce Damasceno Studitz familiari: tamen nomine magis originem Græcam sapiente, *παζαριον* quoque nuncupant, a distractione piscium. Quippe *παζα* pisces ad-

- III. Tertia Gemiscle vulgo, Gyllio Gemicapi nominatur, nō recte tamen. Nam Gemisi Schele, quasi scala fructuum, dici debebat. Et scalam diximus adpellari locū, vbi de nauigiis exscenditur. Adpellunt autem heic naues onustæ omnis generis fructibus, prout anni tempora ferunt: vuis scilicet, pomis, piris, ficis, d-riza, ceteris. Gyllij Gemicapi mutatum in Gemisi Capi, significat portam fructuum. Græci quoque Carauiorum portam vocant, quibus *καριβι* sunt naues, vocabulo Basilicorum etiam epitomæ nostræ vsitato, præsertim ad legem Rhodiam de iactu.

- IV. Quarta Turcis est vel Ontuncapisi, vel Ontum schele: quorum illud denotat lignorum portam, hoc lignoū scalam. Græci vel *ξύλων πύργος* disijuncte, vel *ξύλοπύργος* cōposite vocant. Dicta vero fuit hæc lignorum siue porta, siue scala, non quod ipsa sit lignea, quam

quam reliquis similem per omnia vidimus, id est, lapideam: sed quod huc nauigia lignis onusta soleant adpellere. Quo nobis ineptior videri debet interpretis Laonici Gallicus, qui non modo portam, sed etiam palatium ligneum in illa quondam marmorea Constantinopoli fingere fuit ausus. Quodnam vero palatium illud Xyloportæ fuerit, de quo Laonicus loquitur: in vndecima porta declarabimus.

Quinta Turcis dicitur Vnkabani, quod Græci scribunt Vn-
kampani, eadem tamen cum Turcis pronuntiatione. Λ' αουρω-
πο λ' αουρ quoque Græcis sua lingua vocatur, quod ibi farinx vendan-
tur. Gyllio scribitur Vmcapī.

Sexta nominatur a Turcis Tzubali Capisi, quod Græcis scribitur Tzumpali capisi, nec tamen aliter, quam a Turcis enuntiatur; ob difficilem ipsis prolationem litteræ B, de qua dictum
 15 capite 91. Gyllio adpellatur Iubalica, pro Iubali Capi, enuntiatione Gallica; quæ Italicæ Chiubali vel Ziubali respondet, modo tribus syllabis efferatur. Ipsa vox significat portam vitriariam. Quippe vidimus istic officinas, in quibus vitra cōficiuntur. Fuit in vrbe Roma veteri vicus vitriarius, vbi scilicet tabernæ vitriariorum erant: vt ex vrbis antiqua descriptione paret. Talis vicus
 20 adhuc Constantinopoli quoque superest, cuius infra mentio fit in illo magno sub Soleimane incendio, quod accidit anno Christiano 1540. Sed vero est simile, vitriarias officinas Constantinopoli fuisse constitutas ob incendiorum metum extra urbem, & hoc præcipue loco: qui ad sinum Ceratinum positus, abundat
 25 aquis ad extinguenda, si quæ forte oriantur, incendia.

Septima vocatur Hagia capisi, quod hybride voce Turco-
græca significat portam sanctam. Egotamen in ea sum opinio-
ne, ut existimem rectius adpellari *αγια κατηχη*, hoc est, portam san-
ctæ, videlicet Theodosiæ: cuius templum e regione trans sinum
vidi, vetus & elegantis structuræ, nunc commutatum in messit-
tam, quæ Casanis bassæ dicitur, ut supra expositum capite 128.
Per hanc enim portam ingrediuntur urbem, qui a S. Theodosia
veniunt, ubi frequentia cum vicis ædificia sunt.

- II. *O*ctava dicitur Phanatij porta, vel simpliciter Phanarion: cuius vocis notionem supra, 128 capite, sub finem, ostendimus.
- IX. *N*ona Diplophanarion adpellatur, & uti geminas (a quibus nomen accepit) turres, sic etiam portas duas habet.
- X. *D*ecima vulgo Græcis Porta *Κυνίγι* siue Kynigi, sed rectius porta *Κυνίγι* vocatur. Et *Κυνίγι* in Basilicis suis Græci verterunt eum locum urbis, qui Romanis temporibus Arena dicebatur: ubi videlicet vel homines cum feris, vel inter se feræ committebantur. Kynigion ad Vlachernas refertur, locus scilicet depresso & cōcauus, ubi Patriarchion erat mea peregrinationis tempore, quod hoc anno 1587 pecunia redemit a Græcis Sultanus Murates III, ut istic messitam, sui nominis monumētum, condidat. Id hætenus sæpe tentatum, impediuit Turcorum *Muphtis*, qui debere Muratem diceret prius ex ereptis Scacho tetrarum terris annuos messitæ struendæ redditus constituere. Græcis ruinofum Constantini palatium vicissim concessit ædificandum in usum tam patriarchij, quam patriarchalis ecclesiæ, de quo mox aliquid indicabimus.
- XI. *V*ndecima nominatur veteribus Xylokerkos, causa paullo post exponenda, nunc autem Hagiobazari porta, per quam scilicet ingrediūtur urbem Hagiobazariotæ, trans sinum habitantes, e regione huius portæ. Nomen Hagiobazari significat vel sancti, vel sanctum emporium. Et emporij voce Symeon quoque Magister cum aliis Græcis utitur pro nullis clauso portis, aut nullis cincto muris opidulo. Sancti potius existimem dicendum emporium, ut intelligatur emporium sancti Mamantis, quod olim monasterium insigne, palatium augustale celeberrimum in historiis, pontem denique non minus nobilem, S. Mamantis adpellatum habuit. Heic enim effundunt sese in extremū Ceratinum sinū celebres illi priscais fluuioli Cydatus & Barbytes, nūc Machleua & Chartaricon, ut indicatum supra, cap. 139, qui quidem ad S. Mamantem ponte iunguntur. Hagiobazariotarum vox denotat incolas emporij S. Mamantis. Ceterum ad hanc portam Hagiobazari secundus est urbis angulus versus tetram cōtinentem,

rem, vbi scilicet incipiunt portæ murique terrestres: sic dicti
 quod nec a sinu Ceratino, nec a Propontide alluantur, sed ver-
 sus Thraciam porrecti sint. Veteres heic alteram posuerunt vr-
 bis Acropolim, velut in eius extremitate sitam secunda, respe-
 ctu primæ, quæ Byzantis arcem continet, vt ostensum cap. 139.
 Et habebat hic angulus olim arcem, dictâ Pentepyrigion, a quin-
 que turribus, vel Magnauram, vel τῆς ἑυκτάρας, & palatium Xyli-
 næ portæ apud Chalcocondylem, cuius interpretes vitiose scrip-
 serunt Xyllæ palatium, & peius interpretati sunt ligneum. Hæc
 10 autem nomina frequenter in historiis Græcorum, Zonaræ, ce-
 drini, aliorum, occurrunt. Explicatio prolixior alterius loci fue-
 rit. Apud Leonardum archiepiscopum Chiensem leguntur in
 epistola, de capta Constantinopoli, turres Aueniades: de quibus
 interrogatus a me Zygomalas, quænam scilicet essent: respon-
 15 debat, dicendas esse non Aueniadas, sed turres Anemanis, cuius
 est in historiis Græcorum mentio: planeq; volebat, has illas esse
 quinque turres, in altera vrbis acropoli, quas diximus Pentepyr-
 gij nomen habere. Id autem verum esse, vel ex hoc intelligitur,
 quod Chienensis turribus adiungit Xyloportam, quæ a Xylopor-
 20 ta priori diuersa, veteribus ἑυκτάρας dicta fuit propterea, quod ar-
 tifices eam struentes, magna in fundamento aquæ reperta co-
 pia, tignis plurimis ac palis in aqua defixis iniecerint, atq;
 ita demum ædificij fundamentum firmum effecerint, vt est in
 libro de ædificiis vrbis. Nec abs re quis dixerit, videri palatium
 25 Xyloportæ potius scribendum Xylokerki palatium: scriptore
 librario vocem obscuriorem hæc, cum notiori Xyloportæ com-
 mutante.

Duodecima Turcis est Egri capi, quæ vox obliquam portam xii.
 significat. Et reapse sic exstructam vidimus, vt in eam non dire-
 30 ctò, sed ex obliquo pateat aditus. Leonardi Chienensis epistola,
 quam diximus, Caligateam vocat: Græci, Caligariorum. Sic aut
 a Caligariis siue sutoribus est adpellata, qui calceamenta faciunt,
 a Turcis nominata Passumaggia. Inter hanc & proxime sequen-
 tem portam, situm est ad ipsos muros, alto loco, palatium vetus

Blachernianum, quod Constantini iam vulgo vocant, vbi solebant elephanti hæcenus ali. Hoc iam præterito anno Murates III Græcis loco patriarchij cōcessit, vt paullo ante diximus. Ceterum reperitur in Græcis historiis huius portæ Caligariorū nomen antiquius, Porta *Καρία*, siue obliqua: quod interpretati Turci videntur per Egri capi. Urbis tamen ædificiorum liber Charisæ portam voluit dictam, ab auctore vel conditore Charisæ, qui videntis colore Veneto factionis fuerit. Nam factiones olim quatuor erant in hippodromo decertantium equis, quos *αἰσώας* Pindarus dixit, singulis bigis, trigis, quadrigis; ita distinctæ coloribus, vt *βόρειοι* vel cærulei, *ασπράδοι* vel albi, *οπαῖες* seu virides, *πυρροὶ* seu rubri, dicerentur.

- xiii. Decimatertia est illa, cuius hoc annaliū loco fit mentio, quæque nobis occasionem primam recēsendi portas urbis præbuit. Vocatur autem Hadrianopolitana, quod Hadrianopoli recta *τῇ* venientes, urbem ingredi per eam soleāt. In hac porta perit oppressus in hominum turba Cōstantinus Dragafes, vltimus Græcorum imperator.
- xiv. Sequitur decimaquarta, recenti vocabulo Turcico dicta *Top* capisi, quo significatur porta bombardaria, siue tormentorum *το* bellicorū. Græci ante captam a barbaris urbem nominabant S. Romani portam, sicut & Leonardus Chienfis, & Chalcocōdyles testantur: cuius ramen interpres Gallicus ex S. Romani porta facere portam Romanam fuit ausus. A bombardis eam Turcos arbitrator adpellasse, quod obsidionis tempore tormenta bellica præcipue fuerint huic opposita.
- xv. Proxima secundum hanc est decimaquinta, Turcis Genicapi, Græcis *Γενική*, quod portam nouam significat.
- xvi. Inde peruenitur ad decimam sextā, videlicet Silyuriæ vel Selybriæ portam, quæ a priscis *Χρυσῆν πύλιν*, vel aurea porta nominabatur, & porta fontis. Nam extra portam hanc est hodieque fons, qui *Χρυσὴ πηγὴ* vel aureus fons a Græcis antiquo nomine dicitur, celebris in eorum historiis, quæ sæpenumero palatij *πηγῆς* siue fontis mentionem faciunt, & templi Deiperæ virginis ad *πηγὴν* siue

sive fontem. Interpres Cedrini plerumque Pegen, & in Pege red-
didit. *Ædificia* nunc diruta sunt, fundamentis adhuc exstanti-
bus, & ipso fonte: quem hodieque Græcorum vulgus *χρυσον πηλη*
adpellat, & inuisere magno concursu, certo anni tempore, velu-
5 ti si Deiperæ templum adhuc incolume staret, consuevit. Aurea
porta nunc etiam reliqua conspicitur, sed obstructa, nec id quod
audit, aurea: satis elegans tamen, expressos e marmore continēs
agonas sive labores Herculis, artificio non vulgari.

Hoc iam loco peruentum est, ab angulo urbis secundo, pro-
10 pter muros urbis terrestres circumambulando, ad oppositum
huic angulum urbis tertium: qui, sicut secundus ille ad sinum Ce-
ratinum extremum situs est, ita & ipse pertinet ad Propontidem:
vbi deinceps latus urbis reliquum mari alluitur, vsque ad promon-
torium Byzantis, vel urbis angulum primum. Ab hoc enim an-
15 gulo primo latus urbis vnum, videlicet aquilonale, a mari Cera-
tini sinus efficitur, vsque ad angulum secundum Pentepyrgia-
num: rursus ab altera parte mare Propontidis secundum latus
urbis, & meridionale quidem efficit, vsque ad tertium urbis an-
gulum Heptapyrgianum: occidentale vero tertium latus ab o-
20 mnibus aquis immune, terrestri muro claudit urbem, qui iuxta
sinum Ceratinum a Pentepyrgio incipiens, ad Heptapyrgium
iuxta Propontidem definit.

Igitur Heptapyrgianum iam angulum nauigio circumuectis, XVII.
prima propter arcem in latere meridionali porta se nobis offert,
25 ceteroqui numero decima septima, quam ab arce vicina portam
ἑπτά πύργων, id est, septem turrium, voce mixta barbarâ nomi-
nant. Obseruauimus in hac Græcâ inscriptionem, quam da-
bimus alibi.

Secundum hanc proxima sequitur octaua decima porta, Tur- XIII.
30 cico vocabulo Narli capi dicta: quo nimirum adpellunt ex insu-
lis nauigia malis aureis, seu granatis, (*πικρία* nunc Græci vocant)
onusta.

Decimanona vocatur Psomatorū porta. Liber exstat apud XIX.
Græcos manuscriptus, de ædificiis urbis, quem habemus. In co-

nomen portæ Psamatij reperitur, & Palatium Psamatij, & *ῥωμαίων* Psamatij, quo domus significatur exstructa curâdis & alendis senibus. Originem vero nominis Psamatij legimus hanc in eodem libro, steuisse scilicet olim hoc in loco Psamatij, quoddam simulacrum, quod deastrorum cultor quispiam ceu deum coluerit. Christianos vero frequenter hominem ab eo colendo dehortantes, adpellasse simulacrum illud, quod ipse veneraretur, deum *ψευδαιμον*, id est, falsum & fictitium, quique nomen illud mentiretur. Ab hoc igitur idolo dei fictici volunt ipsi loco nomen inditū, ut Psamatij diceretur, id est fictici dei locus: vulgo Psama dicente, pro *ψευδα*, quod est mendacium. Propter hanc vero portam Psamatij quondam & palatiū erat, & *ῥωμαίων*, ut diximus: utrumque Psamatij nomen ob viciniam habens, & ab Helena Augusta, matre Constantini magni, urbis conditoris, exstructum. Christianorum vulgus hanc portam nunc etiam San-
Matthia vocat, nomine corrupto ex Psamatia.

- xx. Vigesima Græcis Contoscalij porta dicitur. In libro de urbis ædificiis locus hic Contoscalinon adpellatur, & causa nominis adjicitur. Etenim ipsa porta velut intra sinum quemdam abscedit versus urbem, & ab altera parte proximum sibi portū habet pro triremibus, in mare se porrigentem, & muro circumdatum. Is portus olim quum pararetur, præfectum fuisse tradunt operis, velut *ἱπποδιδάκτωρ*, Agallianum Turmarchum, (id Turmæ ducem significat, hoc est legionis, sex hominum millia complectentis, ut est apud Leonem Augustum in libro de bellicis adparatibus) qui cognomen Contoscelis habuerit, a breuibus tibiis. Gambacurtam Itali dicerent. Ab hoc adpellatam aiunt portam Contoscalinam, veluti contoscelinam. Ego vero pace Græcorum dixerim potius Contoscalinam vel Contoscalij vocatam a contra scala. *Κοινὸς* enim Græcis nunc parvus, uti quum Cedrinus ait, quemdam fuisse nominatum ab exiguitate staturæ *κοινὸς* prætorem Cephalleniz, & alium *κοινὸς*, ceu Leonem paruum, & Stephanum paruum. Scalæ nomen iam ante declaratum.

- xxi. Vigesima prima Catergolimenis porta nuncupatur, a portu trire-

triremium, quæ vulgo sunt Græcis *Κάτρυα*, sicut & *Κατρυάδαι*; nunc adpellantur classarij vel nauales socij triremium.

Vigesima secunda vulgo nunc Græcis est *πύργος τῆς ἀφυσίδος*; id xxii. est, vel vrsarum, vel vrsina, Turcis Tschatlacapsi, a mactatione pecudum. Sunt qui nouam litoris portam nominant. Equidem crediderim esse antiquam. Aedificium rotundum extra muros in ipso mari; vicinum ac vetus habet, vndique circumfluum, nisi qua tetræ iungitur; in quo mactantur, excoriantur, & exenterantur pecudes: itemque fenestras habet hæc porta marmoreas
10 a latere, cuiusdam ædificij vel palatij veteris, quod ipsis muris vrbis incumbit. Hæc aliquando pæne naufragium fecisse recordor, quum animi gratia Wolfius Vngnadius Baro Sonneckianus, & Hieronymus Arconatus, & ego, Saraium Sultaninū, e Ceratino sinu profecti, cælo primum sereno, marique placido,
15 circumnauigaremus: & oborta subito tempestate, non sine periculo huc reijceremur.

Vigesima tertia & vltima porta vocabulo Turcico nominatur Achur capisi, quod Achurij portam significat. Achurium vero Turcis est ædificium capax, aream habēs in medio, cuiusmodi solent esse stabula pro regiis equis. Et arbitror esse Græcam origine vocem, vsucaptam a Turcis. Etenim *ἄχουριον* vocāt Græci stabulum, a reponendis scilicet paleis. Sic Emir Achur, stabuli præfectus est in aula Sultanina, veluti capite 14 diximus. Itaque propterea nomen hoc isti portæ datū, quod per eam saraiio Sultanino contiguam, inuehantur omnia curandis & pascendis equis ac iumentis Sultani necessaria, quotquot intra saraium scilicet aluntur. Ab hac vltima porta, saraii Sultanini murus trium in ambitu milliarium Græcorum incipit, iuxta quem ab altero saraii latere primam quoque portam vrbis collocauimus. Nec
25 inter Achurij portam, & Horæam illam primam, vlla reperitur alia, quam qua secreto soli Sultano licet e saraii septis ad angulū S. Demetrii prodire quoties ei sic visum est. Ac solet hoc facere multoties, quum eleganter ornatam marmoreis columnis domunculam ibidem habeat, intra quam velis obductam sedens,
30

tame sinu Ceratino, quam secundo Bospori fluxu in Propontidem præternauigantes intueri cum voluptate potest, ipse conspectus a nemine.

Sedenim ante, quam hanc portarum enumerationem claudamus, libet ex allegato sæpius libro, de ædificiis vrbis, ordine recensere veteres portas vrbis terrestres, quæ illic solæ leguntur ceteris ad sinum Ceratinum Propontidemque sitis, silentio præteritis. Recitantur autem dumtaxat hæ quinque, sumto ab extremitate Pentepyrghiana initio.

Prima vocatur *ἑυάεσπας*, ob eius fundamentum, defixis in imo palis factum. Nunc Hagiobazari portam dici notauimus.

Altera Charisæ, qui scilicet ei condendæ præfuit. Turcis est Egri capi, siue porta obliqua.

Tertia *μυρίαδος*, ab hominum multitudine dicta. Quippe traditum in historiis legimus, & in hoc ipso de ædificiis vrbis libro, 15 Theodosium minorem Augustum terræmotu collapsos vrbis muros terrestres curasse per Cyrum præfectum vrbis instaurari: cuius quidem ea fuerit in opere maturando & vrgendo sedulitas, vt intra sexagesimum diem absolutum fuerit. Hoc autem in opere, quum vna populi pars ab angulo Pentepyrghiano, altera vero ab angulo aduerso Heptapyrgiano muros condere cepisset: ad hanc demum portam pars vtraque suis perfectis operis conuenit, eaq; de causa Porta *μυρίαδος*, adpellata fuit, ab hominum multitudine, qui tunc istic cōuenerunt. Nunc Hadrianopolitanam vocari diximus. Et est illius is profecto situs, vt 25 medium in muro terrestri locum occupet, id quod equidem diligenter obseruauimus. Nam quum ab acropoli Pentepyrghiana, propter fossas muri terrestris, ad angulum vel acropolim Heptapyrgianam ituro, necesse sit vnus horæ spatium impendere: tantumdem temporis a Pentepyrghio requiritur ad portam Hadrianopolitanam, quantum ab eadem ad portam Heptapyrgianam proximam. Apud Leonardum Chiensem reperitur hæc ipsa in vrbis ac murorum parte locus arduus (vt adpellat) Miliandri. Non alibi quærat hunc lector, quam ad portam Hadrianopolitanam: 30

tanam vel *παύανδρος*, correcto tamen prius vel enuntiationis, vel scripturæ vitio. Nam pro Miliandro equidem minime dubito reponendum *μυρίανδρος*, quod idem est cum *παύανδρος*: siue adeo per inscitiam vulgi factam fuisse dicamus Miliandron ex Myriandro, siue per oscitantiam scriptoris librarij corruptum nomen existimemus.

Quarta *κατωγάια*, siue subterranea; cuius tamen nominis ratio nulla redditur. Responderetiam Topcapisi vel bombardarię portę, quondam S. Romani.

- 10 Quinta Gręcis *πύλη* fuisse dicta narratur, quod numero quinta scilicet inter portas esset terrestres. Olim auream portam vocauere, nunc Silyurianam adpellari ostendimus. Quod autem Geni capi siue noua porta non commemoratur, inter portas S. Romani & auream sita, propterea fit: quod nulla tunc fuerit, posterioribus scilicet exstructa temporibus, vt ipsum quoque nomen innuit.

- Habes iam, benigne lector, insignem non portarum dumtaxat vrbis explicationem: verumetiam multarum præterea rerum declarationem, quę mihi quidem aliquando Gręcas & 20 Turcicas historias lætítanti visę fuere difficiles intellectu, ac perobscurę. Tibi sane, remotis non paucis iam quasi salebris, iter idem ingressuro, minus pleraque tædij paritura confido. Vel ipsi tam a Turcis obsessę, quam expugnataę Constantino-
poleos historię Chalcocondylis & Leonardi Chienlis, mirum 25 quantum hæc expositio nostra lucis adferet.

MORS SVLTANI BAIASITIS, A FILIO

Selime veneno sublato.

- 30 Non meminerunt annales dati a filio Selime Baiasiti per a- 201.
lios veneni, quod a nostris constanter adfirmatur: ipsis tamen expositionibus horum inter se non parum dissidentibus. Nos plerorumque narrationes sic recitabimus, vt integrum tamen lectori iudicium relinquamus. Spanduginus ait, Selimem patri

adiunxisse Ionuzem bassam, qui curam eius gereret, omnesque res patris administraret. Interim tamen secreto cum Ionuze transigisse, venenum ut patri propinaretur. Itaque Baiasitem prius, quam Dimotucum peruenisset, ut veneni dati extinctum fuisse. Iouius addit, venenum ei præbitum ab Hamone Iudæo medico. Alij commemorant, Selimem metuentem, ne se bello in Anatolia contra fratres, Achmetem & Corcutem, occupato, rursus imperium sibi vindicaret pater: corripisse medicum patris Vstarabim, promissis ei singulos in dies annonis asprorum mille, qui reditus esset annuus 9000 talerorum, aspris 40 pro vno talero computatis. Itaque recepisse medicum, se Baiasiti venenum pharmaco mistum propinaturum. Ac tradidere quidam, venenum hoc fuisse comminutum pulveris instar adamantem. Vstarabim in opido Tzurulo Baiasiti auctorem fuisse sumendi pharmaci, quo mirificus seni vigor totius corporis & animi rediturus esset. Adnuente Baiasite, medicum altero mane Sultaninum ad cubiculum venisse: quumque dormientem adhuc reperisset, expectabundum ibidem hæsisse, donec euigilaret. Elapso temporis aliquo spatio, quum non expergisceretur: excitari iussisse, iamque expectatum interrogasse, pharmacone uti vellet. Illo adsentiente, Vstarabim antipharmacis multo ante munitum, prægustatam ab se medicinam Baiasiti præbuisse hauriendam: simul cubiculariis mandasse, ne quid ei potus subministrarent prius, quam bene cooperto corpore sudasset. Inde medicum se Constantinopolim ad Selimem contulisse, qui promissi præmij loco iusserit ei caput amputari: quod diceret, hominem sceleratum ac infidum Sultano patri, eadem usurum erga se quoque perfidia, siquidem hoc uti faceret, ab alio quoque compellaturus esset.

CRVENTVM ET PARICIDIALE

Selimis imperium.

Sublato de medio patre, progressus est Selimes ad immanem
 5 sæuiciam, fœdaque paricidia, solus vt rerum potiri posset. Fra-
 ter eius natus maior Achmetes ad Arabicos fines profugisse dici-
 tur, hoc est in Caramaniam, regno Sultani Cairensis finitimam.
 Quippe non multo post sequitur, cum suis tandem e latebris
 cum milite Caramano contra Selimem prodiiisse. Arabes etiam
 10 vocari Ægyptios, & Ægyptiorum Sultano subiectos, indicaui-
 mus capite 165. Mustaphæ bassæ mentionem paullo ante feci-
 mus cap. 198. Fuit interfectus propterea, quod Achmetis cum
 filios, Muratem & Aladinem, de imminente sibi a patruo Selim-
 e periculo, monuisse per celeres internuntios compertum fu-
 15 isset. Meritas luit poenas, ob perfidiam erga Sultanum Baiafitem,
 herum suum, contra quem Selimi filio studuerat. Fratrum filij,
 quos Selimes strangulari iussisse traditur, more Osmanidis re-
 cepto, qui nefas esse putant, Osmanidarum sanguine terrâ con-
 20 spergi, numero fuere quinque: Muchemetes & Aladines, Sina-
 nis Scachi filij: cum tribus filiis Sultani Muchemetis, vt est vide-
 re nostra in Osmanidarum genealogia. De Tekienfi prouincia
 dictum capite 57. Qui primus e ianitoribus regiis, & Azem Aga
 vocatur in annalibus, integre dicendus est Capizilar Azem Aga.
 Nomina iam aliquoties exposita sunt, & suo loco de Capizilariis
 25 agemus, qui Sultani Osmanidæ ianitores sunt. His præfecti so-
 lent esse vel quatuor, vel sex, prout ipsi visum Sultano. Vocan-
 tur autem vel Capizilar Bassi, vel Capizilar Aga. De vocabulo
 Bassa, capite 14: de Aga, 173 diximus. Qui primus aut supremus
 inter hos est, Capizilar Azem Aga nominatur. Etenim Azem
 30 supremum significat. Notandum hæc Casanis Azenis Capizi-
 larium Agæ nomen. Quippe Geufræus ait, Corcutem inci-
 disse in manus Bostangis bassæ, qui Selimis gener fuerit. Osten-
 dimus autem supra, capite 198, Bostangim bassam, Selimis filix
 nuptias cōsequutum in præmium perfidiæ, cognomen habuisse

Ducaginoglis, ex causa paullo post aperiēda. Nomen vero proprium huius Ducaginoglis erat, non Casam vel Casan, sed Achmet, quemadmodum ex ipsis annalibus deinceps adparebit. Et omnino Capizilar Aga diuersus est a Bostangi bassa. Quapropter in his Geufrazus errauit. Opidum Egrigos Bellonio Grigos est, ad mare situm, versus sinum Aiasficū, qui priscis erat Issicus.

*SELMIS STATVRA. PROELIO VICTVS ET
occisus Achmetes, eiusque filiorum exsilia.*

103. Quod pumilionis Selimi nomen tribuitur, sic de sententia Spandugini est accipiendum: vt intelligamus, eum reliquo corpore fuisse oblongo, sed tibias habuisse breues. Eaque de causa spectabilior erat in equo, quam si pedes incederet. Neapolis Caramanix Turcis sua lingua vocatur Genischeher. Et annalium¹⁵ heic notanda verba sunt, quæ sæpius repetunt, has res in Caramania fuisse gestas, quo se contulerat Achmetes, vt auxiliis Sultani Ægyptij siue Cairensis e propinquo cōtra Selimem vt posset. Leonis quidem Augusti nouella de thronis Neapoleos meminit, episcopatus metropoli Stauropolitane in Caria subditi.²⁰ Hinc adparet, errare Iouium, qui pugnatum ait prope Prusam in amplissima planicie, quæ nouæ terræ, Cliugua Italica, vel nouæ ciuitatis adpelleretur. Et proficiscitur hæc eius inde alucinatio, quod alia sit haud procul a Prusa, vel Nicæa potius Neapolis siue Genischeher, de qua superius capite 17 & 23 dictum. Eata²⁵ men procul admodum distat a Neapoli Caramanix. Nec video, quo possit esse loco tanta planicies, actātorum exercituum capax, in vicinia vel Prusæ, vel Nicææ, vel Genischeheris siue Neapoleos, huic proximæ: quum istic perpetua vel iuga sint, vel cliui saltim montis Olympi. Taceo, superius aliquoties in anna-³⁰ libus hisce reperiri, Caramanix begos cum Osmanidis bella gerentes, si hostibus impares se viderent, in montuosa regionis suæ loca se recepisse: quæ quidem illæ ipsæ latebræ sunt, in quas se cum milite suo Sultanus Achmetes, Selimi fratri copiis impar, abdidit

abdedit; & quales in vicinia Prusæ nullas habere potuisset. Ideoque non abs re dicitur Achmetes ab initio belli, transeunte cum copiis in Asiam Selime, veluti fratre debilior ad Arabicos profugisse limites, hoc est, in Caramaniam: vnde nusquam hætenus prodiisse legitur, multoque minus præsentem cum discrimine rerum suarum in Bithyniam fratri subditam se contulisse. Filiorum, quos duos reliquit superstites, Muratem & Aladinem, in his quidem annalibus nulla exstat mentio: sed ab aliis, præsertim Menauino, teste oculato, commemorantur. Aladinem euasisse fugam, narrat Iouius; & in itinere, quo se conferebat ad Ægypti Syriæque Sultatum, amicum paternum, febri extinctum. Muratem vero referunt omnes ad Ismailem Sophinum, Scachum Persarum, se recepisse: qui filiam ei suam dederit uxorem. Quippe constat, vtrumque principem tam Achmeti patri, quam filiis, aduersus Selimem fauisse: quod esse sibi prope modum ante fores cernerent formidabilem illam Osmanidarum potentiam, quam bellis ciuilibus debilitatam cupiebant, ne cum vtriusque detrimento longius serperet: vti sane mox ab hisce motibus Sultanos Ægyptios cum Mamelucis suis ad internicionem deleuit, Sophinos tum primum exortos grauitè afflixit: tamen si nihil hætenus in hos, arcano quodam Dei iudicio, summis licet vsi vitibus, efficere potuerint Osmanidæ, quod spem eis opprimendi regni Persici certam præbere queat. Id eo maiori dignum admiratione, quod insolentiores peperit hætenus, & infinitis prope contra quosuis populos facti victoriis, nihil non vi sola præpotentis imperij tum prostrernere, tum diruere se posse iactitant. Ergo Romani tandem illius Pindari verum esse, suo cum interitu, discant oraculum:

30

Vis consili expers mole ruit sua.

Vim temperatam Dij quoque prouehunt

In maius: iidem odere vires

Omne nefas animo mouentes.

*SELIMIS ADVERSVS ISMAILEM SOPHINVM
expeditio. Prælium in planicie Zalderana. Iouius emendatus.
Ordu. Orda. Fossatum. Tuldum. Tebris. Sul-
tania. Kemach.*

204. Huius belli causæ intelliguntur ex indicatis capite præcedenti, de recepto præsertim hospitio Murate, Achmetis F. Iouius exercitum Selimis habuisse tradit hominum ducenta millia, duplo maiorem numerum faciunt annales. Idem vocat Ismailis primum ducem Vstaoglim, qui nostris annalibus Vstazeluogli, vel Vstazeluogli, rectius quidem haud dubie, nominatur. Id filium Vstazeluogli significat. Quis autem fuerit hic Vstazeluoglus, non exprimitur in annalibus. Iouius statim post expositum prælium Selimis contra Persas, & occupatum Taurisium, narrationem belli Turcorum aduersus Costazeluem Aladuliorum principem subiicit. Idem bellum Turci quoque mox gestum referunt, sed aduersus Aladeulem Dulgadiris provincie Ducem. Ergo iam animaduertisse videmur, huius Dulgadirensis regionis principes habuisse nomen Aladeulis in genere, cuius supra facta mentio capite 163, sed singulis tamen præterea peculiare quoddam fuisse nomen; adeoque deuietum hunc ab exercitu Selimis Vstazeluem fuisse vocatum, cuius filius fuerit Vstazeluogli, supremus belli dux apud Ismailem Sophinum, qui Zalderanis in campis occubuit. Hinc igitur emendandus Iouius, & pro Vstaogli reponendus Vstazeluogli: rursumque pro Costazelu, scribendus Vstazelu. Planicies Zalderan legitur in annalibus, qui Iouio sunt campi Calderani. Situs horum ex eo percipitur, quod diuicatum tradit idem non procul a ciuitate Choi, quæ præcis Artaxata fuerit dicta. Malcozoglisis siue Malcozides prior, Turcis est Thur Ali beg, Iouio Thurabeus, vocabulo hinc itidem corrigendo: alter Mahomet, quem annales non nominant. Turci vulnus inflatum fuisse Scacho tradunt a Malcozide, Iouius ictu sclopeti læsum ait sub humero sinistro, non grauius tamen, & incerto vulneris auctore. Orda Turcis est Ordu.

Proprie

Proprie quidem hoc vti vocabulo solent pro foro castrensi rerum venalium, sed interim generaliter etiam pro castris seu fossato potius, ut adpellat Leo Sapiens Augustus, accipitur: itemque pro tuldo, quæ Græcis vox in historiis reperitur, & in Leonis Augusti libro de bellicis adparatibus sic definitur, ut impedimenta vasaque militum, & omnes res necessarias complectatur; nimirum famulicia siue pueros, & iumenta, siue sagmaria, reliquaque animalia, & si quid præterea rei ad vsum fossati milites secum vehunt, trahunt. Germani Trossum adpellant. Hæc proprie vox hoc in loco Turcicæ Ordu respondet. Notum, apud Tataros aulam, seu castra, seu comitatum Chanum siue regum adpellari ordam. Apud Beluacensem Ioannes de Plano Carpi, legatus Pontificis ad Tataros, curiam regis interpretatur, & stationem imperatoris ac principum, itemque tentorium ducis. Sed heic, ut diximus, tuldum Persici regis in prædam cessisse Turcis intelligitur: uti mox etiam sequitur, vnam ex Ismailis vxoribus in orda fuisse captam. Solent enim mulieres, si quæ sequuntur castra, tuldi pars esse. De Tebrisis supra quædam exposuimus cap. 187. Ptolemæi Teruam esse, plerique putant, & transpositis fortasse litteris Teure scribetur rectius: Hebræorum Susam, Iouius autumat. Id quidem hoc loco minime silentio prætereundum, quod a Choi propter quam urbem pugnatum fuisse diximus, 80 milliæribus Asiaticis vel Romanis Taurisium distet. Addendum & hoc, commissum fuisse proelium die 26 mensis Augusti, anno Christiano 1514. Sultaniam denique Iouius idem fuisse putat exstructam e ruinis Tigranocertæ. Fiet eius infra quoque mentio, in expeditione prima Sultani Soleimanis aduersus Persas: De Carabago explicatum capite 63, de Amasia capite 6. Ciuitas hodie dicta Kemach in Armenia, quondam metropolis erat Armeniæ Camachus, ut eam Leonis Augusti nouella de thronis adpellat, & indicatum a nobis est superius capite 5. Peucerus corrupto vocabulo Ciamaßum nominauit. Sansouinus quoque Iamacam vitiose, pro Camaca vel Camaco, scripsit: errorem Laoniceni sequutus interpretis.

BELLVM DVLGADIRENSE. MORS DVCIS

Vstazeluis vel Aladenlis.

205. De Dulgadiris prouinciæ finibus dictum supra, capite 163. Duces eius, siue reguli, Turcomani erant, non Christiani: regio ipsa tota montuosa, Tauro & Antitauro inclusa. Dresserus simpliciter Cappadociam vocat, sed non recte. Bello causam præbuit, quod huius regionis Ducis Vstazeluis filius, ut dictum, hosti Selimis & Osmanidarum Ismaili Sophino militasset: quodq; pater, occiso Calderanis in campis filio, Taurisio proficiscentem versus Amasiam Selimis exercitum, in elisuris montium, & impeditis itinerum angustis, fluminumque transectionibus, adlixisset. Sinanis bassæ meminimus supra, capite 177. Vstazeluis a Sinane capti, eiusque iussu necati caput, a Selime Venetias, pro Turcorum more, missum fuit. Substitutus huic Alis begus, intra nominatur Scachi Suarenis filius, initio regni Soleimanis, ad annum Christianum 1522, ubi plura de hoc exponemus, capite 219.

SELIMIS IN BASSAS SVOS SÆVICIA.

Ducaginogli. Ducagini reguli. Catalogus paricidarum & cadum Selimis.

10

206. Piri bassa Turcis est is, quem historia belli Rhodij Pyrrhum Græco nomine vocat, ut Aiacem Iouius itidem adpellatione Græca dicit, qui Turcis est Aigas. Ducagini filius Turcis est Achmet bassa Ducaginogli, cuius obiter facta mentio, capite 198. Natus fuit Ducagina familia, quam Iouius ait illustrem fuisse in regione Naupactia siue Lepantina, sicutiam dicitur. Ego vero hanc fuisse celebrem inuenio apud Epirotas vel Albanenses, in quorum regione Barletius Ducagini meminit, loci vel opidi cuiusdam, cui cum imperio præfuerunt olim, & a quo familiæ nomen hoc inditum fuit. Annales Venetorum tradunt, anno Christiano 1444 Paulum & Leccam Ducaginos fratres, Tamusij filios, cum ditionibus suis in Albania, Venetæ se reipublicæ fidei permisisse. Iouius hunc Ducaginoglim ait infamem fuisse pluribus

ribus vitiis, avaricia, ambitione, perfidia. Filio Selimi patrē Baia-
 sitem prodendo, nuptias filię ipsius impetrauit, vt ante diximus.
 Causa mortis heic verius est exposita, quam ab aliis, qui necatū
 volunt ob expilatas prouincias, quibus pręfuisset. Atqui Vezi-
 5 razem bassā, quo munere dicunt annales functum fuisse Duca-
 ginoglim, quum occideretur, nō prouinciam quamdam admi-
 nistrat: sed ad Portam suprema cum potestate, velut ad clauum
 totius Osmanidarum imperij sedet, nec nisi grauissimis de cau-
 sis aliō solet ablegari: quod in Sinane prius, deinceps accidisse
 10 meminimus in Osmane Vezirazeme contra Persas misso, cuius
 loco tunc Prouezirazemes ad Portā cōstitutus fuit Mesites bas-
 sa, spado vetulus, nunc saluis annonis rude donatus. Oturaziacū
 Turci dicunt. Pręter Ducaginoglim, referūt annales ab Selime
 necatū Ischenderē bassā, qui & ipse gener ipsius erat, & Tazi-
 15 sadem Cadilescherū, & Seguanem bassā, (officij vocabulū est,
 explicatū cap. 190) qui nomen habuerit Bal Gemes. Id hominē
 significat melle non vscientem. Hęc de procerū Selimis cædi-
 bus hoc tantum loco memorantur. Addamus & alias, aliis tem-
 poribus ac locis perpetratas. Mustaphę necē prodidimus supra,
 20 cap. 202. Chendenū bassā Iouius trucidatū refert ante, quam
 contra Sophinū Ismailem in Persiam progredereetur: quod vīr
 magno rerū vsu pręditus, iter hoc grauib; de causis ei dissuasif-
 set. Chuseinem bassā, Vezirē suū, simili de causa deinceps iussit
 interfici, quod ei per solitudines Arabię Cairū petitulo cum ma-
 25 ximis copiis, auctor esset, ne temere tāto cū exercitu tam pericu-
 losū iter ingrederetur, vt in annalib; expositū legimus. Ægypto
 potitus, Ionuzem bassā, (Iānū male Geufræus & alij vocant) a
 Cheise bego per calumniā delatū, seu furore quodā impulsus, e
 medio sustulit, vt est in annalib; Colligamus immanis iam bellū
 30 diritatis inauditę facinora. Primū octo paricidia, prorsus enor-
 mia, quibus patrē veneno peremit, Achmeti Corcutiq; fratribus
 2, & 5 fratrū filiū laqueo fauces elisit: procerū deinde maximorū
 cædestotidē, Mustaphę bassę Vezirazemis, Cheudeni bassę, Du-
 caginoglis Vezirazemis bassę generi sui, Ischenderis itidē bassę

generi, Tazifadis Cadilefcheri, Balis Gemis Seguanis bassæ, Chuseinis bassæ Veziris, & Ionuzis bassæ: quæ sane omnia quoniam modo legatus Venetus, Aloysius Mocenicus, vsque adeo eleuare potuerit, vt nihil fuisse barbarum in hoc tyranno dicere sit ausus, mihi quidem mirari subit.

*SELMIS ADVERSVS AEGYPTI SYRIÆQUE
Sultanum expeditio. Cansau Gauri. Mameluci. Circassi, sine Quinquemontani.*

207. Simulasse dicitur Selimes, alteram aduersus Ismailem Sophinum expeditionem se suscepturum, quum reapse Sultanū Cairensē inuasurus esset. Id astu fecit, ne præpotentes duos hostes simul in se concitaret: qui quidem inter se reconciliati fuerant, animaduerso Selimis instituto, non minus Ægyptij, quam Persæ interitum quærētis. Præterea stimulos addebat Selimi Cheir begus Halepi, (Iouius & alij Caiarbeium non recte vocant) qui suo cum Sultano inimicitias exercens, defecturum ab eo senuntiabat, si propius ad Halepum cum exercitu Selimes accessisset. Cansau Gauri nomen est Sultani Cairensis in annalibus hisce Turcicis, qui nostris corrupta voce nominatur Campson Gaurius. Hūc Selimes prælio vicit, in quo Sultanus ipse cæsus occubuit. Cairbeium quoque, vel Cheirem begum, hoc prælio cecidisse, Geufreus tradidit: cui tamen deinceps Ægypto capta Selimem commendasse Cairum, in his annalibus expresse legitur. De Mamelucis abunde Iouius & alij scripsere, quæ paucis dumtaxat adtingamus. Cepere sub Friderico II Augusto. Durauit eorum societas vel ordo cum imperio ccc plus minus annis. Nomen ipsum significat militem, qui stipendia facit. Et militabant Sultano, perpetuisque bellis exercebantur, equestris rei præsertim peritissimi. Moriente Sultano deligebant alium e corpore siue collegio suo, liberis suffragiis. Plerumq; tamen Emirū maiorum, qui numero quatuor erant, auctoritate dignitateq; Sultano proximi, ratio haberi solebat. Electus cuique Mameluco
- centum

centum Seraphinos pro felicibus auspiciis imperij donabat. Omnes necessario vel Christiani erant, vel ex Christianis parentibus nati; nec in ordinem suum vel Arabes, vel Saracenos, siue Mauros, vel Hebræos, vel Turcos admittebant. Maior eorum pars e Circassis constabat, in pueritia captis, aut pretio distractis. Eam ob causam Zercas siue Cercas quoque vocantur a Turcis, ob Circassorum inter Mamelucos præcipuum numerum: quæ natio nomen Quinquemontanorum habet, Iberis siue Georgianis vicina.

10 *TOMMANBAI, SVLTANVS VLTIMVS Ægypti. Vlu Duueidar. Emir Quibir.*

Quem nostrorum historiarum Tomumbeium vocant, Turcis 208. est Tommanbai, nomine non vitiatum. Quod officium, quæque dignitas fuerit eius, qui dicitur heic Vlu Duueidar, ex ipso animalium contextu intelligitur. Initio commentationis huius, capite tertio, Vlu significare notauimus excelsum. Petro Martyri Mediolanensi in descriptione legationis Babyloniarum, non Vlu Duueidar, sed Emir Chebir adpellatur, quod Arabibus est Emir 20 Quibir, id est, magnus Emir. Ea vox a nobis capite primo & 14 superius est explicata. Martyr adijcit, Emir Quibir esse magistratum primum post Soldanum, idque propterea, quod exercitibus præsit. Ergo Sansouinus & alij falluntur, qui huius in historiarum narrationibus ex Tommanbai Vlu Duueidare, vel Emire 25 Quibire, fecerunt Admiralium Alexandriæ. Reperitur etiam apud Geufræum Derdar Quibir, ut apud Andreæ Cambrynium Florentinum, & alios, Magnus Diadarrus. Verumque mutilatum ex Duueidare. Nec Geufræus sibi constare in hoc explicando, quum modo magnum Mariscallum, modo Præfectum vel Admiralium, modo magnum stabuli comitem interpretatur, qui Græcorum in aulis erat ὁ μέγας Κοροσάβλος. Si Petro Martyri, ut oculato testi, fides habenda, qui hunc præfuisse dicit exercitibus: fuerit scilicet is apud Ægyptios Vlu Duueidar, qui Serasker nunc apud Turcos est, aut qui μέγας δουξ apud Græ-

cos imperatores olim dicebatur. Nam *μὴν ὁππότε* esse non potest, quem Prætor Græciæ noster cum Beglerbego cōparat. Eius verba superius exscripta leguntur, capite 66.

MELICVL VMERA. ZAMBERDI GASALI. GA-

za. Zosimus Gazæus. Remle. Rama.

Rammola.

209. Vocabulum Melicul Vmera, nomen eius Officij siue dignitatis denotat Arabica lingua, quondam Mamelucis vñitata. quæ 10 apud Turcos est vel Beglarbegi, vel (vti vulgo pronūtiatur) Beglerbegi, hoc est, domini dominorū, qui sangiacos scilicet, aliosq; begos sub se habet. Vide prolixius explicata cap. 14. Zamberdi Gasali, nostris est Iamburdus Gazzelles. Equidē hactenus operā dedi, vt minime corrupta nomina, præsertim propria, singulis 15 in linguis ederem. Gaza, cuius in his annalibus paullo ante mentio fit, nota est Palæstinæ ciuitas, quæ viros illustres aliquot dedit: & inter alios, Zosimum Gazæum, oratorem eloquentem, licet paganum, qui necatus ab imperatore Zenone fuit, homine crudeli & malitioso. Is est editus a nobis auctor historiz Zosi- 20 mus Comes, & *ὁππότε* *ἡμεῖς*, quod nomen illum significat, qui fisci aliquando fuit aduocatus. Eum Karulus Sigonius V. C. singulis septimanis pagellatim, quum ederetur, a me per veredariorum, opera Petri Pernæ Boloniani Basilæa missum, historiz suæ de imperio occidentis inseruit, nulla beneficii mei vel vnico ver- 25 bo mentione facta: cui tamen anno 1581 se Boloniæ inuisendi, quum ex Sabaudi Ducis aula discedens, ad Ferrariensem cum Ducis Augusti Septemviri Saxonis legato, Andrea Paullo, viro amplissimo, & amico singulari, comitandi eius causa proficisceretur, magnas sane gratias agebat, ingenuè fatendo, minime se suū illud opus absq; mea communicatione Zosimi, cum laude publicaturum fuisse. Nec dissimulabat se, quum in sepulcrum suū (sic enim adpellabat bibliothecam) me deduceret, Romam profectum petiisse copiam sibi fieri pellegendi Zosimi, qui esse fe- 30 rebatur

rebat in Vaticana: nec tamen id a Gregorio XIII P. M. licet
 adhibitis intercessoribus illustrissimis ac primi nominis & loci
 Cardinalibus, Farnesio & Estensi, certis de causis impetrare po-
 tuisset. Quo plus, ore tunc quidem rotundo, mihi se debere pro-
 y fitebatur. Sedenim ad annales ut redeamus, quod heic memo-
 ratur Remle, opidū Palæstinæ, varias adpellationes habet. Nam
 & Remle, sicut heic, & Ramma, & Rama, & Rammola Mau-
 ris, qui Arabes sunt, ac finitimis nominatur: quod vocabulum
 terram arenosam significat, & a Turcis est mutatum in Remle.
 10 Distat x, vel xii, plus minus, milliaribus Asiaticis a Giaffa, quæ
 sacris est litteris Ioppe, sic ab Iapeto vel Iapheto dicta, quod ver-
 sus Europam, ab Iapheti filiis inhabitatam, portus eius celeberrimus spectet.

15 *CVDSIMVBAREC. IKINDI. MESSIT AXA.*
Iadfunamasi. Cubei Sahara. Cuba. Trulla.
Naos dromicos.

20 Selimes in Ægyptum cum exercitu profecturus, quum ab Hierosolymis non procul abesset, morem tyrannorum sequutus, quibus in ore preces hæ perpetuo sunt,

25 *Da mihi fallere, da iustum sanctumq; videri*, ciuitatē Musulmanorū etiam opinione sacram sanctam inuisere voluit. Hæret enim hodieq; Turcorū in animis ea siue religio, siue superstitio: ut voti rei, Meecha sua visitata, non se legitime soluisse votum arbitrentur, nisi Bethlehemam quoque, Christi cunis nobilem, & Hierusalemam adierint. Vocant autem Hierosolyma, vel Hierusalemam, lingua sua Cudsimabarec, quod nomen significat locum benedictum vel inclytum. Vespertinæ preces Turcis sunt Ikindi nemas, quæ nimirum medio concipiuntur inter meridiē & occasum solis spatio. Concepit has in messit axa, id est in alba messita, siue templo Turcico. Nocturnas, quæ Iadfunamasi Turcis adpellantur, & interuallo medio dici solent inter occasum

solis & mediâ noctem, peregit in Cubei Sahara, siue Sehara: vocabulo denotante templum in spatiosa situm area, & cui fastigiû impositum est formæ rotundæ. Tale fastigium Euagrio, scriptori ecclesiasticæ historiæ, ⁹⁰¹⁰ *ῥῶλος* dicitur: Græci recentiores, vt Zonaras, Cedrinus, alij, Trullum & Trullam nominant: vt quum Cedrinus ait alicubi, Trullam sanctæ maioris ecclesiæ furnicam corruisse: quibus in verbis furnica significat habentem formam furni, hoc est rotundam, non in longum porrectam, cuiusmodi testis cooperta templa Græcis *ταῖς ἀποκρύφαις* vocantur. Vox Cubei ne Italis quidem est ignota, veluti quum Venetorum in annalibus legitur, anno 1416 ignem exussisse cubas templi S. Marci, plumbo testas. Intelligitur autem hoc annalium loco per Cubei Sahara, templum Solomonium hodiernû Hierosolymis, quod & cubam habet eiusmodi, Turcicis templis familiarem, & amplissimam circa se complectitur aream. 19

*RVRSVS ÆTHIOPIES SIVE MAVRI, PRO
Ægyptiis & Arabibus.*

211. Cur Ægyptij & Arabes, olim Sultani Cairensis subditi, nominentur Æthiopes ac Mauri, a nigro colore corporum, diximus supra, capite 165. Sansouinus expresse hac in historia, Cairi siue Misziris (vt nunc adpellari, capite 61 notauimus) incolas Mauros vocat, vulgari consuetudine. Paulo etiam post sequitur heic in annalibus, interceptum ab Arabibus & Æthiopibus Tom-²⁵ manbain, Selimi fuisse proditum. Ceterum transfugæ dumtaxat heic vnus meminerunt annales Turcici, sed historici nostri duorum, qui Mameluci fuerint, natione Albanenses vel Epirotæ. Fecisse tradunt hos transfugium ad ciuem popularemque suum, Sinanem bassam, ciq; consilia Sultani Ægyptij cum insidiis detexisse.

REGIO SAIT, ÆGYPTI PARS.

Aythonus emendatus.

Quod urbem Cairum ingressi dicuntur Selimiani milites, id 212.
 5 factum aiunt alij per eam portam, quam nostri Bassuetellam vo-
 cant, & de qua paullo post amplius agemus. Regio Sahid Ioanni
 Leoni Aphricano superior Ægyptus est, quam Thebaidis pro-
 uinciã dixere veteres. Aythonus cap. 54, vt etiam annales hi Tur-
 cici, non Sahid, sed Sait, hanc adpellat; & primam ac maiorem
 10 (id est maximam) Ægypti prouinciam facit: quo loco notandũ
 obiter, secundam prouinciam eiusdem Ægypti vitiose scriptam
 Demesor, pro quo reponendum sine dubio diuisis vocibus, De
 Meser: quod Gallica phrasi denotat prouinciam Meserensem,
 hoc est vicinam vrbi Meser, quam rectius capite præcedenti di-
 15 ximus nominari Miszir, aut Missir. Ibidẽ quinta prouincia cum
 vrbe Damiatra, non est Æliopolis, ab Ælio Pertinace Augusto sic
 vocata, quod auctori Platinæ credidit Reineccius: sed Heliopo-
 lis, quasi solis ciuitas, vt in eadem Ægypto quondam erat Her-
 mopolis, Mercurij ciuitas; Panopolis, Panis ciuitas: & aliis a Diis
 20 aliz nominatz reperiuntur, etiam a ridiculis illis Ægyptiorum
 numinibus quædam, vt a canibus Cynopolis: a lupis, Lycopolis:
 a felibus, Æluropolis. Plures Elias noster Cretensis in Nazian-
 zenum, quodam loco recitat. Corrigitor hoc etiam in illo ipso
 Aythoni capite, quũ dicit, haberi carnes crastinas, hædinas, gal-
 25 linaceas: vt lector malit carnes castronias, id est, veruecinas,
 quam crastinas.

MESSITA DICTA CHASANIS ZAMI.

30 Auctorem huius messitæ siue tẽpli Cairensis Chasanem vo- 213.
 cant annales hi Turcici, rectius proculdubio, quàm vel Ioannes
 Fraxineus, apud quem Hesselin legitur, vel Helfserichus
 in itineralio, cui scribitur Hessen,
 pro Chasan.

*TOMMANBAIS SVSPENDITVR. FINIS REGNI
Sultanini & Mamelcorum. Bab Surveile.*

214. Memorabilis est fœdus hic Tommanbais interitus, & Egypti Syriæq; Sultanorū regni finis. Suspēsus fuit Tommanbais xi die mensis Aprilis, anno Christiano 1517, vt Sansouinus adnotauit. Sumtum hoc de ipso supplicium ad portam Bassuellam, vt idem retulit, quum prius ignominie causa laqueo ad collū adpenso, per urbem mulo insidens circumductus fuisset. Peucerus Basuelam Syrię portam nominat. Sed melius annales indicauerelocum in vrbis vmbilico, cui nomen Bab Subeile vel Suveile, quorum illud significat portam, hoc plateam.

MORBVS ET MORS SELIMIS, IN LOCO Fatali. Dephterdarlar. Bairam Maius & minus.

215. De pago Inzua dictum superius, numero 74. Non procul abest a Zorlo, siue Zurulo, siue Ciurlo Iouij, de quo dictum itidem cap. 26 & 193. Nec longe a Zurulo distat is locus, qui Selimifatalis propter impietatem erga patrem bis exercitam, prælio committendo, venenoq; præbibendo, de quo dictum cap. 201, fuit. Et bis hoc loco Turci quoq; fatentur annales, fatali Selimē loco diem suum obiisse. Causam mortis adtulit ei pustula siue carbunculus pestilens, vt Turci memorie produnt. Sansouinus ex aliis refert, plagam fuisse corrosiuam, instar gangræne: quod quidem non puto, propter interitum Selimis subitum, quū gangræna tardiores plerumque progressus faciat. Dephterdari siue Dephterdarlari, sunt vel Rationales, vel quæstores, vel (vti nunc adpellamus) præsides & consiliarij cameræ. Bairam, maximum Turcis festum est, instar paschatis nostri, quod mense Ramazane celebrant, quo & ieiunium suum seruant, integro mense 30 dierum, a crepusculo matutino, vsq; ad solis occasum, nihil cibi potusue sumentes: & absoluto ieiunio, suū hoc Bairam, paschatis in morem, peragunt. Duplex aut Bairam Turcis in vsu est. Vnum, mense Ramazane, de quo nunc agimus; & quod Buiue, siue

5 *flue maius, aut mghum adpellant. Eius supra meminimus, cap.*
11 & 33. Alterū, sexaginta plus minus ab hoc diebus celebratur,
& Chaziliorum Bairam dicitur, hoc est religiosorum, qui pe-
grinationem voti ergo suscipiunt, ad visitandum Mahumetis
Prophetæ sui sepulcrum Mecchanum, ut indulgentias peccato-
rum suorum istic impetrent. Quippe ceteri ad huius observa-
tionem Bairani non tenentur. Ideoq; Curzug Bairam ab eis ad-
pellatur, uti festū minus, aut paruum. Neq; vero sibi quidquam
 10 *ad impetrandum veniam admissorum facinorum, prodesse pu-*
tant solam Mecchani templi visitationem: in Bethlehemā quo-
que, cum Hierosolymis adeant, uti paullo ante significabamus.
Hinc vero certum mortis Sultani Selimis tēpus colligitur alio-
qui controuersum. Quippe legitur apud Iouium, extinctū Seli-
 15 *mem anno Christiano 1519, die 14 mensis Februarij: quū San-*
fovinus, & alij, verius omnino tradāt, id accidisse mēse Septem-
bri, anno 1520. Quippe Buiuc Bairam tunc instabat, quod Se-
limes celebraturus erat Hadrianopoli, si superstes fuisset.

SOLEIMANES INITIO REGNI BELGRADVM

20 *obsidet. Burgurdelen cum ea capit. Sa-*
bacz. Sabatia.

25 *Causa, cur regnum auspicatus Soleimanes, Vngaris mox bel-*
lum inferret, non erat alia reapse, quam certa spes occupandi
Belgradi, cum ceteris eius regni provinciis & opidis, rege Ludo-
 30 *uico, Vladislai F. necdum per ætatem ad gubernandum idoneo,*
& procerum suorum, tam sæcularium, quam ecclesiasticorum
contemtui exposito: qui posthabita dignitate regis, & salute rei-
publicæ, suis dumtaxat commodis, ambitioni, luxui, fastuiq; ab
 35 *hominum memoria inaudito, studebant. Occasionem vero pa-*
cis abruptendæ, Spanduginus hanc exposuit: quod legatus So-
leimani, ad denuntiandum Vngaris bellum missus, ni tributum
Soleimani soluissent; non modo non exceptus ab eis honorifi-
ce, verumetiam tractatus præter legatorum ius fuerat: idq; pro-
pterea, quod vindicare se de Sultano Turcico vellent, obigno-

miniose ac insolenter habitos a Selime prius legatos suos. Borgurdelen vero Soleimanes præciendam putavit, ne qua Sauo secundo Belgradē sibus obsessis, ad quorum is moenia Danubio iungitur, venire subsidia possent. Quippe Borgurdelen Turci vocāt illud in ripa Sauī fluminis opidum, quod Vngaris Sabacz s adpellatur, cinctum vndique Sauo, in quem Drinus ibidem, ac Baconsius amnes, influunt. Bonfinius refert, anno Christiano 1470 initam fuisse vel acceptā edificari molem Sabaz, cui nomen Turcus indiderit, vti Sabaz vocaretur, quod Turcica lingua mirabile quid significet. Intelligit autem Turci nomine Sultanum Muchemetem, Baiafitis patrem, Selimis auum, Soleimanis proauum. Quippe Muchemetes, a Belgradi obsidione, anno Christiano 1456, inuicti ducis Huniadis virtute turpiter reiectus, hanc exstruere 14 post annis arcem voluit ad Sauum, eregione Sirmienſis agri: vt inde fines Vngaricos inuadere prohibitu posset. Hinc nouæ munitioni superbum nomen datū Bonfinius putavit. Sed postea tamen Sabatiam, veluti Sauatiā, a Sauo flumine potius dictam fatetur. Rex autem Matthias, Huniadis filius, anno Christiano 1475, Muchemete adhuc superſtite, Sabatiam vi expugnatam recepit: a quo tempore nostrorum in potestate mansit ad hoc vsq; bellum Soleimanicum. Alba Græca potitos Turcos notauere nostri anno 1521, die 24 Iunij.

RHODI OBSIDIO. MERMERE. MARMORA.

Portus Phisicus.

25

217. De Mentefiana ditione dictum supra, cap. 13. Videnda quoque Natoliæ tabula Geographorum principis Ortelij. Mermere Turcis adpellatur opidum Anatoliæ maritimum, a cuius portu distat interuallo non magno Rhodus. Opidi nomen Græcis est Marmora, portus autem, Phisico, pro quo legitur in Ortelij Natolia Fischio, non recte tamen, quādo Phiscus etiam Sophiano scribitur. Situs est e regione portus Rhodij, qui ab hoc dumtaxat xvii milliaribus Græcis disiungitur.

MEGA-

MEGALO MASTOR RHODI.

Stankoi. Bedrum.

Græca voce Turci quoque *μαγάλη μάστορ* vocant magnū Rhodi 218.
 di Magistrum, vel ordinis equitum Rhodiorum principem. Is
 erat id temporis Philippus Villerius Liladamus, natione Gallus;
 qui Fabricio de Caretto nato e familia Marchionum Finarien-
 sium in Liguria Saxonicæ stirpis, necita dudum mortuo, succes-
 serat. Deditio Rhodi facta fuit anno Christiano 1522, die 25
 10 mensis Decembris, videlicet natalicio Christi, quo etiam Solei-
 manes urbem ingredi voluit. Erat in potestate Rhodiorum e-
 quitum nobilis quoque Cos insula, Hippocratis medici patria,
 quam Itali nautæ Lango nominant, Græci *τὴν Κω*, velot *τὴν Κω*,
 Turci Stankoi. Hæc itidem Soleimanis in manus, amissa Rho-
 15 do, venit. Arcem quoque Bedrum sequuram mox aiunt anna-
 les horum exemplum. Eam Marius Niger existimauit esse Bran-
 chidas Cariæ Strabonis, & Petrum vocat. Idem Halicarnasum
 veterem putat respondere Castello S. Petri, quo de nunc anna-
 les hî loquuntur. Notus quidem est sinus S. Petri, sic a Castello
 20 S. Petri dictus: sed utrum referendus sit ad Halicarnasum, an
 ad Iasum Cariæ; sinus vt Iasus ille Plinianus sit, equidem aliis
 definiendum relinquo.

FINIS DVCATVS DVLGADIRENSIS. SCACH

25

Suvuar. Zuiria. Tzanifas.

Quemadmodum antea, capite 157, quosdam ostendimus an- 219.
 ticipasse finem regni familiæque Caramanicæ: sic etiam factum
 in Aladeuliorum familia, sineque principatus Dulgadirensis,
 30 videmus. Quippe nostri volunt, eam defuisse sub imperio Sel-
 mis, anno Christiano 1514, quo tempore captus & occisus fuit
 Vstezalues, vt supra declaratum. Turci vero tradunt illi fuisse
 substitutum a Selime fratris filium, Aliḡ begum, qui Scha-
 chi Suarenfis filius heic adpellatur. Is septem annis a morte

patrui potitus imperio, nunc tandem sub Soleimane sceleratis insidiis e medio tollitur. Scachi nomen iis gentibus est familiare, de quo commentationis huius initio diximus. Sic in adpendice Reineccij ad caput 8 Aythoni, Siruansa non pro alio debet accipi, quam pro Scacho Siruani, qui Medix Scachus siuerex est: sic & Philippo Bergomati quidam nominatur Tzanis, vocabulo corrupto ex Tzani Scach, qui Tzanorum Scachus est, gentis itidem Ponticæ, sicut & Suarenfes ad Pontum Colchidemue pertinent, vel Lazi, vel eis proximi. Ac sunt iidem hi Suarenfes, quorum regionem Ortelius ex Alphōso Hadriano Zuri-
riam nominauit.

*AIGAS BASSA. CHASNADAR BASSI. APO-
chrysiarius Bonfinij. Apocrisiarius.*

220. Habet heic lector illum Aigasem bassam, quem supra indi-
cauimus a Iouio voce Græca nominari Aiace. Oriundus er-
at Citera, non procula Corcyra, trans sinum sira, quam Leo Sa-
piens Augustus Chimaram in nouella de thronis adpellat, &
cum Buthroto, ibidem ad quintum a Corcyræ opido & arcibus
miliare sito, Naupacti metropolitano subijcit. Supremus the-
saurarius in Officiis Portæ Otmanicæ Chasnadar bassi dicitur.
Eorū explicatio suum, non multo post, locum inueniet. Et sunt
in omnibus regnis Thesaurarij, quos Bonfinius dici Romanus
Quæstores, Græcis Apochrysiarios existimans, fallitur. Non e-
nim apud hos Apochrysiarij reperiuntur vsquam, sed Apocrisia-
rij. longe diuersi nomen officij, quo fungentes, a responsis aliqui
Latine vocarunt. Græci hodie sic internuntios & legatos adpel-
lant.

PETROVAR. SIRMIVM. FRANCOCHORION.

*Interitus Ludouici regis Vngariæ prædi-
ctus a spectro.*

221. Quod Varadinum Petri dicitur, Vngari Petrouar adpellant,
hoc est, ciuitatem Petri, vel *petrion*, Sitam in libero colle vidimus

- ad Danubium, in ea parte regni Vngariæ, quæ a Salankemene, Tibisci ostiis obuerfa, (dictum de hac capite 100) vsque ad Varadinum hoc Petri. Sirmium vocatur. Græci, Francorum a cæde, *επαρχομας* recentioribus in historiis dixere. Quod annales aũt, pugnatum inter Soleimanem & Ludouicũ circa tempus Ikindi, de notatis capite 210 lector intelligit. Etenim quod Christianis vespertinarum precum tempus est, hora nimirum tertia post meridiem: Turcis Ikindi nemas adpellari notauimus. Stêphanus Broderithus in historia de hac Ludouici regis Vngariæ clade, 10 dimicari ceptum refert hora post meridiem fere tertia, quæ scilicet a Turcis etiam memoratur. Hic autem Ludouicus, eius nominis apud Vngaros secundus, Vngariæ Bohemiæque rex, ad opidum Mohatzium, (Mugacium libuit aliis nominare) prostratis vndique copiis suis, prælio semet eripiens, in vicina palude, quum in altiore pauloripam euadere cõnaretur, & equus 15 regius posterioribus pedibus insistens, frustra que saltum in ripam aduersam molens, in dorsum vna cum vectore corrueret: ita vt erat armatus, sesquipalmis in aquæ lutulento gurgite depressus & suffocatus interiit, anno Christiano 1526, die mensis 20 Sexuilis 29, Ioannis Baptistæ decollationis memoriæ dicato, pro quo natalem alij non recte ponunt, id est 24 Iunij. Filius erat Vladislai Jagellonij, Casimiri Poloniæ regis nepos. Matrem habuit Annam Candalensem, regiæ Nauarrenæ stirpis apud Vascones, in Gallia; quæ nulla cute vel pelle tectum in lucem edidit, quam postea medicis arte naturam iuuantibus, est consequutus. Habitum hoc infelicitis ominis loco. Pater baptissando 25 pro more Christiano, Iulij nomen inderẽ decreuerat: sed aliud suadente matre, Ludouicus fuit adpellatus. Hoc itidem ominosum plerisque visum, quod vnus hoc nomine rex quondam apud Vngaros pariter & Polonos rerum potitus fuisset, Sigisimundus regis, & post Imperatoris socer, e Gallica familia regum Neapolitanorum ortus, ideoque Loïsus vulgo dictus, qui moriens masculum heredem post se nullum reliquerat. Narrantur & alia, quæ infelici iuueni (quippe vigesimum primum ætatis age-

bat annum, quum interiret) tristissima quæque portendere credebantur. Retulit aliquando mihi generosus & illustris Baro Kitlitzianus Ioannes, quæ honoris causa nomino, sibi notam fuisse matronam honestissimam, gente Bocciana nobili cum primis apud Sileios editam, & equiti Sueuo Stainanz familiz nuptam. Eaiu uenula missa fuerat in aulam Ludouici regis, ut esset in gynæcio reginz Mariz, Karuli V & Ferdinandi Augg. fororis, Ludouici coniugis: & quidem a morte regis omnium consternatis animis, & ob metum aduentantium barbarorum trepide gynæcio præsertim fugiente. coronam regiam, ab aliis ¹⁰ præformidine neglectam, conseruasse dicitur. Commemorabat hanc Baro noster recitare solitam, non multo anteregis interitum, quum Budæ rex ageret, ac pro more clausis arcibus pranderet: (misere quidem certe victitasse regem hunc, defraudatum & contemptum habitum a proceribus Vngaris, regio interim luxu diffluentibus, testis oculatus Herberstainus Baro memoriz prodidit) accessisse ad arcis portam spectrum quoddam, ut euentus docuit, in forma hominis fœdum in modum distorti & claudicantis: atque voce flagitasse colloquium regis, cui necessario quædam indicaturus esset, ad regiam regniq; ¹⁰ litem pertinentia. Quumque neglectus initio, quod in aulis fieri solet, nunc altiori clamore, nunc ciulatu adhibito, id uti quamprimum regi significaretur, peteret: tandem hominis importunitate commotos quidam, quum extra regem ipsum nemini secretum hoc se patefacturum diceret, rem ad regem detulisse: ²¹ qui mox abire quemdam e splendidioribus aulicis, & simulata persona regia, quid istuc arcani esset, quærere iusserit. Tum vero claudum illum de arcano reuelando velut a rege præsentem appellatum, negasse primum, hunc esse regem: deinde subiectisse, regem, qui se audire nollet, breui periturum: atque his prolatis, ¹¹ in oculis omnium euanuisse. Memorabilis sane plures ob causas historiz, quam equidem loco tam idoneo, minime putaui, silentio prætereundam.

NOVVS DERVISLARIORVM MOTVS.

Qui Calenderes Turcis dicantur, qui Deruissarij, declaratum ^{222.}
superius capite 171. Deruissarios quidem esse nomen generale,
quo Calenderes & alij capite dicto recensiti comprehendantur,
5 tur, vel hoc etiam ex loco perspicitur. Calender autem Zelebi,
significat Calenderem siue religiosum nobilem, ex causa in ipsis
annalibus exposita, quod originem generis scilicet ad Chazim
Bectasem referret; cuius, vt auctoritatis olim summæ viri, men-
tio facta fuit in vita Vrchanis Gasis, Osmanis filij, non procul
10 ab annalium initio.

2 **BANVM ERDELII SOLEIMANES VNGARIAE RE-**
gem creat. Cause progressum, quos Turci
fecerunt in Vngaria.

15 De Banis dignitate tractauimus capite 174, de Ardelio vel Er- ^{223.}
delio, capite 103. Banum heic Erdelij vocant annales, quem no-
stri non Banum, sed Vaiuodam Erdelij siue Transsiluaniz, per-
petuo dixerunt. Istunc temporis erat Ioannes de Zapolia, Co-
20 mes Cepitensis, Vngariz pestis: qui ante prelium de industria
tardius ad Ludouicum regem copias auxiliares duicens; regem
cum suis in extremum illud discrimen cōiecissee creditur, vt ambi-
tu nefatio peruenire, cæso Ludouico, genuinus scilicet Vnga-
rus, ad regnum posset. Eam ob causam dudum quoque Ludoui-
25 ci sororem Annam, Ferdinando, magni Maximiliani Cæsaris
nepoti desponsam a Vladislao patre paullo ante, quam e viuis ex-
cederet, frustra licet ambiuerat: vt eo plus iuris ad regnum, siqui-
dem sororius regis fuisset factus, haberet. Ipsius autem Ioannis
Zapoliensis sororem primo sibi matrimonio iunxit Sigismun-
30 dus Poloniae rex, e qua tamē nullos suscepit liberos mares. Post-
ea suam Ioanni filiam Isabellam, ex altero coniugio natam, Si-
gismundus vxorem dedit, vt infra dicturi prolixius sumus. Cre-
datur Ioannis causæ fauisse Poloni, eamq; studiis maximis quū
per alios, tum per Hieronymum Lascum, Alberti patrem, Solei-

mani Osmanidæ, ac Francisco Valesio Gallorum regi, bonis scilicet illis confederatis ac sociis, in detrimentum reipublicæ Christianæ commendasse: ne quæta totius Vngarici regni possessione potius principes Austriaci, formidabiles ipsis etiam Polonis fierent: qui sane stimulus æmulationis Francisci quoque regis ætimum perpetuo pungens, cum ad consilia nefanda, reique publicæ perniciofa, cum indelebili ad omnem memoriam posteritatis infamia sua, perpulit. Ita nimirum per ambitionem & inuidiam fuit adtractus in viscera nostra sævus & iuratus hostis. Utinam ne nunc etiam fucata libertas electionis, & fœderis Osmanidarum cum vicina Sarmatia prætextus, ac detestabilis quorundam ambitio, malum aliquod Europæ pariant, quod Deus tamen optimus maximus omen auortat. Notari quidem annalium verba debent, quibus Iohannes hic Turcis non electus ab Vngaris rex, sed Banus Transsilvaniæ nominatur ante, quam Soleimanis beneficio scilicet regnum obtineret. Idem Banus detulisse sua dicitur Soleimani obsequia. Quid aliud hoc, quam factum fuisse clientem, vel mancipium potius Soleimanis? Magis id etiam paret ex eo, quod sequitur: Soleimanis imperio Banum se summis, vel subditum Soleimanis factum esse, sicut ipsa verba Turcorum sonant. Hæc scilicet illa libertas est, quam ore iactant, qui Turcis semet adiungunt. Fructus autem bonæ protectionis huius & patrocinij Turcici, paullo post ex capite 250, & ipsis ex annalibus, ubi de morte Ioannis, & filij matrisque in Transsilvaniam relegatione narratur, luce meridiana clarius adparebunt: itemque de supplemento annalium nostro, ubi tandem videmus, ambitiosi patris, & reipublicæ noxij filium, Arianae sectæ patronum, quæ Mahumetanis fores aperit, sine liberis, in ipso ætatis flore, iusto Dei iudicio, rebus humanis exemptum fuisse. Notum vetus, ac verissimum quidem oraculum illud: 30

Εὐεβίαν παίδων τὰ λάτρε, δυσβίαν δ' οὐκ.

Fausla piorum posteritas, infausla scelestorum.

VIENNA

VIENNAM AVSTRIAE SOLEIMANES OBSEDET.

Wetsch. Vindoniana. Ostriken.

Huius obsidionis auctor Soleimani fuit Ioannes Zapoliēsis, 224.
 hostis Germanorum, cum Vngaris suis, parum æquis nationi be-
 5 ne desemeritæ. Nec in illa cæcitate sua dementes perspiciebāt,
 si Soleimani licuisset in Germania pedē figere, (quod sane quo-
 minus fieret, per ipsos non stetit, solo benigni numinis fauore
 pestem illam nostris a finibus auertente) non minus Vngarorū
 libertatem oppressurum fuisse barbarum, quā nostram: a fron-
 10 te scilicet, & a tergo iam ipsis intra septa sua conclusis. Vienna
 Turcis est Wetsch. Vetus appellatio Vindomana legitur in No-
 ticia vtriusq; imperij, quam equidem integriorem puto, quā
 Vindobonæ: præsertim si diuisa littera M in N & I, dicatur Vin-
 doniana: sicut obiter superius etiam capite primo commenta-
 15 tionis huius indicauimus. Regioni nomen non ab Austro datū,
 quod ab Austris perflari crebro soleat, vt Lazius scripsit, sed ab
 oriētali situ, respectu reliquæ Germaniæ, vel e Prætorē Græcię
 n ostroparet, qui Græcis ὀστρίων suo quoque tempore dictā ostē-
 d it. Id enim nomen Ostrich, vel Ost Reich, Germanis simpli-
 20 citer sonat regnum orientis, vel ad orientem situm. Quod fri-
 goris vi narrant Turci Soleimanē ab obsidione discedere co-
 actum, excusandi Sultani sui, suorumque causa faciunt. Quippe
 constat, Turcos vices muros vrbis subiisse: vices a mœnibus
 virtute propugnatorum fuisse repullos: adeoque tandem, fra-
 25 meis licet ac fustibus adhibitis, adigere suos amplius ad oppu-
 gnationem redintegrandam nulla vi potuisse. Hinc vrbis capiē-
 dæ desperatio Soleimanis animum subiit, vt adparebit ex ipsa
 Viennensis obsidij descriptione, quam ad finem libri huius le-
 ctor inueniet. Cepit in morem fugæ Soleimanes reliquis
 30 cum copiis abscedere, die 14 Octobris, anno Chri-
 stiano 1529. Atmindanis nomen, cuius
 mentio sequitur, exposuimus
 supra, capite 130.

KKK ij

ALTERA SOLEIMANIS CONTRA GERMANOS EXPEDITIO. Casan Michalogli cum suis a Friderico principe Palatino cæsus. Palatinorum in rem publicam merita.

225. Intelligunt annales Hispani nomine Karulum V Augustum, & Hispaniarum regem: quem Imperatorem Romanorum institui solebat Soleimanes, quod se belli iute successorem Constantini magni diceret, qui tam occidentis, quàm orientis fuisset imperator. Casanis Michaloglis nomen apud Soiterum, qui ex nostris hoc bellum eleganter descripsit, non legitur. Vaiuodz ad-¹⁰ pellatio, quæ Casani tribuitur, capitaneum significat. Cæsus cū suis memorabili clade fuit a Friderico principe Palatino Rhenensi, auxiliorum imperij supremo duce, qui post Septemuirali dignitate fulgēs, honorata grauique senecta vitam in terris clausit suam. Serenissima sine Palatinorum principum familia tam¹⁹ superiori, quàm hoc contra Soleimanem bello, perutilem immortalis cum laude sua reipublicæ Christianæ nauauit operam: quum obsessa Vienna Philippus, & Friderici fratre Ruperto natus, in loco nihil id temporis munito, contra vim potentissimi hostis defendendo, suum pro salute patriæ caput deuoueret: Fri-²⁰ dericus & Wolfgangus fratres Cremsij, ad decimum a Vienna lapidem, cum copiis in omnem bene gerendæ rei occasione intenti subsisterent: ac nunc demum anno tertio redeunte Soleimane, primus Fridericus ad defendendam Austriam aduolare, & paratus ipse barbaros imparatos & imprudentes inua-²⁵ deret, cæderet, profligaret. Hostis quidem ellogium, de cæso ab Alamanis Casane Michalogli, ad huius familiæ laudē pertinet.

CORONE, INSVLA BALV, BADRA,
capta a nostris.

226. De Corone dictum capite 177. Insula Balu, locus est ad ipsam Coronen, litori proximus, quem incolunt Græci, Turcis in vrbe habitantibus. Hinc intelligi potest, quod apud Ortelium legi-
mus,

mus, Coronen in Messenia Peloponesi, Sophiano dici Coron,
 Mario Nigro Nisi. Quippe ^{nisi} Græcis insulā significat, integre-
 que dici debebat ^{mesia}. Actoti nomen vrbi a parte Niger dedit.
 Badra Turcis effertur, Peloponesi vrbs: Patrasso vocant Itali: Pa-
 træ quondam Græcis, numero multitudinis, enuntiabatur.

CHAIRADIN BARBAROSSA. CESAIR.

Notionem vocabuli Chairadin capite 36 dedimus. Heic ^{227.}

10 nulla sit Horuccij mentio propterea, quod perierit ante, quàm
 pro Turcis aliquid insignis rei gessisset, priuatis contentus com-
 modis. Maior is natu frater Chairadinis, sub archipirata Kema-
 lenomen & rem consequutus e piratica, Selimem Arabem, re-
 gni Algeriensis heredem, cui rogatus suppetias tulerat, per insu-
 15 dias in balinco necauit, & urbem cum regno sibi per viam adse-
 ruit. Exstincto deinde Horuccio, cuius interitum Iouius descri-
 pfit, Chairadines frater, & ipse pirata nobilis, in possessione regni
 successit: tandemque Soleimani factus lōge carissimus, ea ges-
 sit, quæ deinceps in annalibus exponuntur. Ad hunc per errorē
 20 omnia referuntur heic, de capta præsertim Cesaire, quæ a fratre,
 dum viueret, gesta fuerant. Cesair Numidiæ metropolis, Alge-
 rium vulgo dicitur. Priscis erat Iulia Cæsarea. Nicolaides a Mau-
 ris Gezeir, Arabibus Elgezair dici putat, nomine significante in-
 sulam, propter Balearium & aliarum insularum viciniam, sane
 25 ridicule: quum vtrumque sit idem, nisi quod alteri additus est
 E L vel A L articulus Arabicus: & vtrumque corruptum sit ex
 Cæsarea, sicut & Cesair. Barbariam vocari maritimam Aphri-
 cam, initio supplementi annalium nostri monuimus. Af-
 prorum quadragies centum millia faciunt cen-
 30 tum millia talerorum, pretio taleri v-
 nius ad 40 aspros reuocato,
 sicut ostensum est
 capite 18.

KKK iij

228.

Prius, quàm accedamus ad explicationē officij, quod Chai-
radines heic consequutus traditur, supremi videlicet beglerbegi
maris: vno tandem complectamur loco totius aulae, vel Portae
potius Osmanicae officia praecipua, rebusque Turcicis explican-
dis & intelligendis necessaria.

Primum hæc sciri oportet esse duum plane generum, aliis in-
tra saraium deputatis ipsiusmet Sultani ministeriis, ac rursus a-
liis extra saraium sua obeuntibus munera.

Intra saraium hi Sultano seruiunt.

Capi Aga, vel Capi Agali. Praefectus aut Capitaneus Portae.

Oda Bassi, cubicularius maximus, & praefectus Itzoglani sa-
raij. Adolescentes sunt, qui ab ætatis octavo, ad vigesimum an-
num usque, pro Sultano aluntur & educantur intra saraium, va-
rieque pro indole sua instituuntur, praesertim ut legere discant,
& scribere, & iaculari, & equitare: legumque Mahumetanarum
summam percipiant.

Chasnadar Bassi. Thesaurarius maximus.

Kilertzi Bassi. Dispensator maximus.

Serai Dar Agali, vel Serai Bassi. Supremus saraij praefectus,
absente Sultano.

Et hi quidem omnes spadones vel castrati sunt, ac singuli sub
se plures alios, itidem castratos vel eunuchos, habent.

Secundum hos, tres imprimis adolēscētes sunt, ipsius Sulta-
ni ministeriis inservientes, quorum hæc nomina:

Silichtar, qui arcum, sagittas, arma cetera Sultani portat.

Tzohadar, qui vestium Sultani curam gerit, eiusque scaraman-
gium portat, ad arcendam pluuiam factum. De hoc plenius di-
ctum capite 199.

Kiuptar, cui potus Sultani commendatus est, & qui semper
eques etiam pro Sultano fert aquam secum in lagena.

Pertinet huc etiam, id est, refertur inter officia saraij, Bostan-
gi Bassi, praefectus hortulani: cui delectorum e Christianorum
liberis

liberis Atzamoglanorum supra quatuor millia parent.

Sunt autem his omnibus sui tam vicarij, quam alij officiales adtributi, qui pro antiquo more gradatim ad dignitates supremas adscendunt. Inseruiunt autem recensiti hactenus ipsi Sultano intra saraum, ac si quidem eques e saraio prodir, omnes eum comitantur: sin aliquo se mari confert, ipse Bostangis bassa clauu caicæ, siue nauigij, quo Sultanus vehitur, tenet ac gubernat.

Ad saraum quoque pertinent hi, quorum nomina sequuntur: Zeschnegir bassi, prægustator maximus, & prægustatoribus ceteris, plus minus centum, præfectus, Mutpac Emini, præfectus culinæ, vel rei cocinaræ. Achli bassi, coquus maximus.

Extra saraum hæc officia numerantur.

Primus omnium locus est Muphti, qui supremus est Alcorani siue Mahumetanæ legis interpret: & auctoritatem apud Turcos eam obtinet, quam Papa siue Pontifex maximus apud Latinos; apud Græcos, Patriarcha.

Huic proximi sunt Cadilescheri vel Cadiascheri, supremi & ordinarij militarium ciuiliūque causarum iudices: vnus per Græciam vel Europam, dictus Rumeli Cadilescher: alter per Asiam, Anatoli Cadilescher: quibus tertium Selimes primus adiunxit, post subactos Armenios quosdam, Dulgadirenses, Ægyptios, Syros, Arabes: ideoque maius est huius officium, propter multitudinem populorum, & ipsarum regionum amplitudinē.

Plura de his diximus supra cap. 29.

Sequuntur Vezir bassæ, capita scilicet consilij Sultani. Quorundam non nisi tres aut quatuor Vezires erant, vti paullo post exponemus. Sed nunc vel plures, vel pauciores, prout visum fuerit Sultano, deliguntur. Supremus, qui Vezir azem Turcis appellatur, solus vniuersum maxima cum potestate administrat imperium, ceteris in diuano (quod explicatum nomen est sub finem 171 capitis) sic adsidentibus, nihil vt ipsi proloquantur. Ex his etiam deligitur iudicio Sultani, qui Ser Asker, & Ser Dar appellatur, explicandis paullo post vocabulis. Quum nos Constā-

tinopoli ageremus, Vezirum dignitas a Sultano Murate, nona ceteroqui exemplo, nouem bassis erat tributa, quorum subiicere nomina libet.

1. Osman bassa, Vezirazem, 1. 10. Sultanus Cauri vel Egypti.
2. Messich bassa. 6. Ferhat bassa, belli dux contra Persas.
3. Mechemet bassa. 7. Giaffer bassa.
4. Ali Capitan bassa, begler- 8. Ali bassa, sororis Sultani
begus maris: nostris V- maritus.
lutz Ali, hoc est, Ali a- 9. Cigalogli bassa, beglerbe-
postata. gus Reuani.
5. Ibrahim bassa, beglerbe-

Post vezires, auctoritate maxima sunt tres Beglerbegi, quorum hic ordo.

Rumeli beglerbeg, hoc est Romanix siue Græciæ.

Anatoli beglerbeg, hoc est, Anatoliæ vel Asiæ.

Denizi beglerbeg, hoc est, maris: qui vulgo Turcis nunc re-
cepto vocabulo, Capitan bassa quoque nominatur.

Hic tres parem in sedendo locum & honorem obtinent cum
ipsis bassis veziribus, quæ ties in diuanum publicum veniunt.

Sequitur Nischanzi vel Nissanzî bassa, qui litteras omnes, o-
mniaque mandata, & instrumenta, quorquor apud Portam ex-
pediuntur, obsignat: veluti supremus Portæ Cancellarius.

Tres Dephterdari, quorum primus, nostro more loquendo,
Præses Cameræ, vel præfectus est ærarij maximus: duo reliqui,
velut collegæ ipsius, & consiliarij fiscales.

Rais Kiutap, cuius in manibus sunt omnes libri, commenta-
rij, tes ad Archiua pertinentes. Ideoque gradum Vicecancella-
rij tenet, aut primi vel maximi secretarij.

Omnes autem, hætenus enumerati, suam in diuano publico
sessionem habent.

In eodem diuano sedent etiam x l. plus minus Iasitschi, siue
secretarij, vel actuarij: qui scripturas absque mora perficiunt &
expediunt. Ac tanta quidem sedulitate geruntur omnia, vt ipsa
negotia

negotia propemodum eodem tempore proponantur, consultationi subiiciantur, & exsequutioni mandentur.

Sequuntur Agæ, Turcis Agalari dicti, numero multitudinis, vel Officiales, siue Tribuni, qui non habent sessionem in diuano, vel Synhedrio, siue cōsiliij publici loco: nihiloque minus obligati sunt, uti cottidie compareant in faraio, sibi que deputatis in locis aliis sedcant. Notionem vocis Aga, lectori capite 173 dedimus.

Principem vero inter hos Agalarios locum obtinet, Genizarorum Aga siue Tribunus, qui Kihaiam siue vicarium suum, & Capitaneos, & cohortium duces, & alios officiis præfectos habet. Adeoque sub eius vexillo tam Genizarorum, quàm Solacchorum, viginti circiter hominum millia militant.

Proximus huic Emir Halem, qui supremus est vexillifer, & in expeditionib⁹ vexillum Sultaninum gestat, & alioqui vexilla Beglerbegis, in mortuorum loca substitutis, itidemq; Sangiacbegis, offert. Quippe quum quis horum a bassis in defuncti locū electus est, mox Emir Halem symbolum ei dignitatis, vexillum tradit: simul tympanistas & tibicines ad domum vel tentorium electi sub vesperam mittit, & istic pulsare tympana, tibias ac fistulas inflare iubet. Officium fructuosum est, & primi, secundum Genizarorum Agam, nominis ac loci.

Capitzi bassæ, modo quatuor, modo sex, pro arbitrio Sultani creantur. Et præfecti sunt Capitzilariis, id est, ianitoribus: habentque singuli sub se trecentos, aut quadringentos Capitzilarios, quorum est inferuire ipsius personæ Sultani, eumque circumstare, quoties publice facultatem adeundi se præbet, quod audientiam dare dicunt: & belli tempore, quando Sultanus in castris est, circum ipsum excubias, instar cubiculariorum agūt.

Duo Præfecti stabulo, maior & minor. Primus ipsis Buiuc Emir Ahor, vel Achor, vel Achur: alter, Cutzug Emir Achur, adpellatur. Vulgo uterque dicitur Imbrahor bassi. Apud Græciæ Prætozem nostrum vox est ἀμυραχούρης, ex Emir & Achur itidem facta. Vide a nobis explicata capite 14, & capite 200, ad

XXIII portam Constantinopoleos. Habent hi suos etiam Kihaias, id est vicarios, & aliis præfectos officiis: eorumque parent imperiis hominum ad duo millia.

Tzausbassi, capitaneus siue præfectus Tzausiorum, qui numero plus minus sunt septingenti, & cum nobilibus aulicis comparari possunt, quorum scilicet opera variis principes in commissionibus & mādatis expediendis, & deducendis exterorum principum legatis, vtuntur.

Capitzilatorum Kihaiā, maximus vicarius quasiq; suppræfectus omnium Capitzilatorum siue ianitorum. Eius officium 10
poscit, vt vna cum Tzausiorum bassa pedes in diuano corā Bassis adstet, argēteum manū baculum tenēs, quem Græcos dixisse *σκήπτρον* siue sceptrum, capite 173 notauimus: vt introducat eos, qui audiri postulant: vt scripturas e diuano, quum vsus exigit, ad Sultanum ferat: eiusque vicissim sententias (resolutiones vulgo 15
dicunt) Vezirazemi referat.

Mutapheraki bassi, capitaneus Baronum ac præcipuorum be-
gorum aulae, qui nō tenentur in militiam proficisci, nisi aliquam-
in expeditionem Sultanus ipse prodeat. Ideoque nostrorum ad
Baronum similitudinem, liberi esse volunt. Maiori etiam ex par- 20
te filij sunt Bassarum, procerum, beneque meritum virorum
de Osmanidis.

Sex Agalari siue Tribuni Spachiorum, id est, equitatus imme-
diatè deputati custodiæ Sultani. Horum hæc nomina sunt.

1. Spahoglan Aga, vel Agasi. 25
2. Silichtar Agasi.
3. Sag Vlesetzi bassi.
4. Sol Vlesetzi bassi.
5. Sag Garib Agasi.
6. Sol Garib Agasi. 30

Horum vero Tribunorum vnusquisque duobus aut tribus
equitum millibus præest.

Sequuntur nō pauci, quorum adpellationes simpliciter heic
ponemus, in cōmodiorem dilaturi locū tam prolixiorē de his,
quā

quàm de plurimis præterea nūc silētio prætereūdis explicationē.

Topzi bassi, præfectus Artilliariæ, siue rebus ad tormēta bellica spectantibus.

Tzegebetzi bassi, præfectus armis, vel armaturæ.

5 Tzader Meſter bassi, præfectus tentoriis.

Tzaliſzi Meſter bassi, præfectus tubicinibus, & musicæ Sultaniæ castrensi.

Autzi bassi, supremus rei venatoriæ præfectus.

Doganzi bassi, præfectus accipitrariis, siue Falconariis.

10 Tzagerſchi bassi, præfectus nisis, quos sparaucos vocamus.

Samſontzi bassi, præfectus canibus venaticis. Hoc officium inter præcipua numeratur. Et quondam ex iis, qui huic præerāt, deligi Genizarorum Agalarij, siue Tribuni, solebant.

Seguan bassi, præfectus iumētis ſagmatariis in exercitu, vel in
15 Comitatu Sultani. Iumenta vero ſagmataria, vel ſagmaria, vel ſamaria, (pro quibus ſummaria non recte ſcribi apud Beluacēſem, ostendimus capite 20) Græci vocare ſolēt, quæ noſtri clitellaria. Sunt in his equi, muli, cameli: rariores tamen apud Turcos ad hunc uſum equi, plures muli & cameli. Quapropter a Seguane
20 recensendi veniunt.

Deuerzi bassi, præfectus iis, qui camelos agunt.

Catertzi bassi, præfectus agalonibus, vel mulos agentibus.

Harpa Emini, præfectus equorum pabulo.

Præter hos, non exigui nominis ad portam sunt:

25 Dephter Emini, præfectus libris, quibus Timaria continētur. Et supra copioſe dictū, capite 186, de timariis & timariotis, siue timaratis. Et Emini generaliter alioqui ſignificat eum, qui proventus ſue redditus aliquos recipit & adminiſtrat.

Kihat Emini, ſuperintendēs Cancellariæ, veluti Taxator quiſpiam, noſtro more: qui regalia Cancellariæ, quæ vocant, exigit: eorumque curam neceſſariam gerit. Hoc officium comparari pretio decem, vel etiam quindecim millium ducatorum, ſingulos in annos, ſolēt: quo potiri qui poteſt, maximas opes colligit.

Terſane Emini, ſuperintendens Arſenalis: id eſt, qui

ναυαρχὸς est, siue *βεγερντὸς*, vt Græci dicunt, siue qui naualis curam gerit.

Sunt alia quoque tam officia, quàm officiales Osmanicæ Portæ, minorum tamen illi (quod dici solet) gentium: & eo quidem numero, magis vt idoneum sibi locum poscunt, vbi plenius explicantur. Interea vero, dum luculentiora paramus, & quidem horum collationem cum Palatij & imperij Græci dignitatibus, hæc beneuoli lectores & qui bonique faciant.

PRIMVS DENIZI BEGLERBEGVS FA- 10
ctus Chairadines. Sangiacus Gallipolis. Sultani Murati
huius iusticia. ~~πατριάρχης~~ siue Prætor Calliopolitanus,
& δαδισαχὸς. Cedrini correctæ versio.

129. Solebat ante illa tempora classis Sultaninæ præfectus esse maximus & ordinarius is, qui Calliopolis Sangiacuserat. Hoc ex Laonici quoque pluribus locis intelligere licet, vt quum in Muchemete II mentionem facit Ionuzis præfecti (Sangiacum interpretatur) Calliopolis, itemque Zogani præfecti Calliopolis & postea tamen regiæ classis imperatorem facit eundem cum præfecto Calliopolitano. Nunc etiam Sangiacatus est Calliopolis, sed maris siue Denizi beglerbego, tamquam maiori, subditus: & ibidem huius beglerbegi sedes est ordinaria, quam residentiam vulgo vocant. Fuit igitur a Soleimane noua reperta dignitas, vt maris prætor non amplius esset sangiacus, sed beglerbegus. Huic officio tunc Chairadinem cum titulo veziris præfecit: vt nunc Vlutzalis quoque maris est beglerbegus, & vezir bassa. Præerat ipsius nomine Calliopoli, quum istic vno, plus minus, mense nos hæreremus, Subassa quidam, natione Genuensis, vir humanus; &, quod in apostata mirere, nobis in causa quadam nostra perquam addictus & vtilis. Quippe mortuo ad Calliopolim, vt in supplemento annalium narrauimus, Henrico Barone de Lichtestain, Cadius siue Potestatus vrbis Calliopolitanæ, relictas ab eores, veluti bona caduca, & ad se, qui cadilicatum a Sultano pecunia

pecunia, pro more Turcico redemisset, deuoluta repetebat a nobis, & animo iam deuorarat. Nos autem ab ipso ad subassam adpellantes, fuisse Baronem defunctum Cæsaris nostri legatum, adeoque personam publicā, replicabamus: cuius bona nec pro
 5 caducis haberi, nec adplicari fisco, nisi violato iure gentium, posset. Quum avarus Cadius a sententia ne litteris quidem amplissimis salui cōmeatus prolatis & inspectis, dimoueri veller: Subassa, cōpellatis nobis Italica lingua, præsente Caddio cum adfessoribus suis, id consilij dabat, vt Constantinopolim ad Oratorem
 10 Cæsaris nostri rem omnem perscriberemus, & aliquem e nostris eodem ablegarem, cui veredarium vltro se adiuncturum pollicebatur. Ita re Constantinopoli cognita, & ad diuanum delata, confestim Sultani Muratis iussu missus ad nos fuit Tzausius quidam Murates, natione Circassus, qui non solum hac lite nos liberaret
 15 Calliopoli, verum etiam extra Dardanellos, a Calliopoli 27 milliariibus Græcis dissitas arces, vbi naues perquiri solent, ne mancipia vetitæue merces exportetur, deduceret. Simul remissa Cadij, nobis iniurij, pœna fuit ad arbitrium Oratoris Cæsarei, Pauli Baronis Eitzingani, collaudatq; Subassæ prudētia, qui pro
 20 nobis aduersus Cadium stetit. Missum quoque diploma nouum salui comearus, priori longe seuerius: quo interdicebat, ne qua nobis a quoquam suorum exhiberetur molestia: sed vt omnibus rebus nos potius omnes vbiuis locorū in imperio suo, iuuarent. Tzausius ipse cum Sultano se loquutum, & audisse re-
 25 ferebat ex ipsius ore, quum diceret, nullo modo se permissurum, vt vlla re, vel minima, pactæ cum imperatore Christianorum indutiæ violarentur. Ideoque quum aliquando nobis Hebræus quidam publicanus, (sunt enim in Hebræorum manibus omnia per imperium Turcicum telonia, quæ nummis a Sultano redi-
 30 munt) ipso præsente, nescio quid molestiæ nauicula, qua vehabamur ad arcem Asiaticam, perquirenda exhibere vellet, ei tanta vi pisdiganum siue clauam ferream in caput impexit: vt quasi mortuus humi collaberetur, & moribundus a suis domum deportaretur. Sedenim ad rem vt redeamus, hoc Sangiaci Callio-

politani officium præturæ maritimæ Turci a Græcis acceperunt, quosiam toties diximus eos multis in rebus æmulatos. Apud Cedrinum aliquoties is, qui *πρατηρ* siue prætor Calliopolitanus erat, etiam *πρεσβυτικὸν* præturam gessisse traditur, quo vocabulo non tam duodecim insularum, quam maris imperium significatur. Etenim hodieq; Sangiacatus insularum, Mitylenæ, Chii, Naxi, Negroponti vel Eubœæ, Rhodi, Leucadis siue S. Mauræ, cum aliis, ad imperium eius, qui maris est beglerbegus, pertinet. Alicubi Xylander, ceteroqui doctus vir, & Græcæ perquam peritus, apud Cedrinum insulas Dodecanesi vertens, ita duodecim insularum ciuitatem vocari adiicit, errore manifesto. Quis enim audiuit umquam in Ægæo vel Archipelago, sicuti nunc vocat, ciuitatem insularum duodecim? Locus est in eius Nicephori vita, qui feminam proteruam, & nimio opere crudelem in Constantinum filium, cui oculos eruit, Irenen imperio deiecit. Habitantes in duodecim insulis, dicere debuit interpretes. Et intelligit Cedrinus insulas extra Dardanellos vel arces Helleſpōti, vel extra Sestum & Abydum, in Ægæo mari sitas; quarum hæc, si requiris, habeto nomina: sicut a Græcis olim vocari solebant, & nunciisdem, nautarumque vulgo, & Latinis enuntiantur.

Ex Helleſponto ad dextram, versus occasum solis nauigantibus, occurrunt:

1. *Λήμνος. ἢ Λήμνον.* nautis Stalimnes. Lemnus, terra sigillata nobilis.

2. *Εὐβοία.* Negroponto, Eubœa.

3. *Νάξις.* Nexia. Nixia. Naxus.

4. *Πάρος.* Paro. Parus.

5. *Μίλος.* Milo. Melus, Thucydidea nobilis historia.

6. *Ζάκυνθος.* Zante. Zacynthus.

7. *Λευκάς. ἢ Σάμαρος.* S. Maura.

8. *Κεφαλληνία.* Cefalonia. Cephallenia.

Ex Helleſponto ad læuam, versus ortum solis nauigantibus, hæc sese offerunt:

9. *Δίος. ἢ Μετelliνη.* Metellino. Lesbus.

10. *Xios.* Sio. Chius.

11. *Samos.* Samo. Samus.

12. *Rhodos.* Rodi. Rhodus.

5 Ut autem alia minores inter has insulas duodecim Dodecanesi non numerabatur, veluti quæ tunc præfectos nullos, vti sangiacos nullos nunc, habebant: ita nec amplissimæ duæ, Cyprus & Creta, nunc Candia: quod instar magnarum illæ prouinciarum suos singulæ prætores haberent. Nec Cypro capta, sangiacatum ex eâ Selimes secundus fecit: sed beglerbegatum, velut ex
10 insula regni ius antiquitus habente.

EXPEDITIO SOLEIMANIS

prima contra Persas, ex historiis Theodori Spandugini.

15

Qui ab annalibus Vluma begus nominatur, apud Spanduginum Zilama legitur, apud Iouium Vlamanus, utroque vocabulo viciato. Deprehendet etiam lector, si Iouiana cum Turcicis conferre voluerit, a Iouio res Persico bello gestas tradi confuse, mutilate, tenuiter: heic non ordine tantum, verum etiam integrius ac plenius omnia referri. Aliquanto meliora sunt Spanduginea, quæ cum Turcicis ut conferri possint, lectoris gratia sane interpretando describamus. Erat, inquit, id temporis regulus
20 Bitilij Serefes begus, beneficio tamen Sultani Osmanidæ, cuius imperio parebat. Forte vero quidam, cui nomen erat Vluma, (Zilama corrupte legitur) vir usu belli maximus, quum res insignes pro Scacho Sophino gessisset, eaque de causa Wanum, (Ziam non recte scriptum in edito Spandugino reperitur) ditionem pulcherrimam, ab eo beneficij loco (feudum vulgo
25 vocamus. & vsitata sunt apud Persas quoque feudorum concessionem) impertrasset: tandem in eam sententiam venit, ut deficiendum a Sophino, & Turci partes sequendas statueret. Erant tunc inter Osmanidam & Sophinum indutæ.

230.

Turcus intellecta hominis voluntate, mox datis ad Serefem begum litteris, ei mandat, vt Vlamæ suorum aliquam manum adiungeret, quorum præsidio munitus aduersus impedimenta Sophini, securius ad Portam perueniret. Vlama Wano digressus, Bitilifium se contulit. Ea loca distantia se inuicem dierum quatuor itinere. Serefes aduentantem Vlamam corripui iussit, & vinctum Soleimani misit. Sophinus Vlamæ discessu cognito, Wanium vna cum coniuge ac liberis Vlamæ in potestatem redegit. Hoc initium belli fuit, inter Soleimanem & Scachum Tamafem gesti. Turcus Vlamam vinculis liberat, eique centum milia Sultaninorum redditus annui donat, atque vnde venerat, remittit: Serefe bego, ceu perduellionis reo, proscripito. Simul imperat Vlamæ, captum vti Bitilifium timarij loco sibi retineret. Hoc modo ceptum inter eos belligerari. Serefes begus sub Sophini signis militabat, Vlama sub Osmanicis. Pluribus pugnis & velitationibus commissis, tandem Vlama Serefem begum interfecit, & occisi caput Soleimani misit. Is deinde quemdam ex suis ad Scachum Tamafem ablegauit, qui ab eo coniugem & liberos Vlamæ reposceret. Tamases mulierem, vno cum filio remisit. Et acciderunt hæc anno Christiano 1533. Vlama cum vxore ac filio mox intra Soleimanis fines se cōtulit, tantumque perfecit: vt ipsius exhortatione factus animosior Soleimanes, Ibrahimem bassam cum exercitu Halepum ablegaret. Illic in hibernis Ibrahimes substitit, & Halepi castellum exstruxit. Eodem se contulerunt ad Ibrahimem bassam cæsi Serefis begi cōiux & liberi, laqueum collo gestantes, & admissoꝝ veniam petentes. Is eis benigniter exceptis, ad Soleimanem litteras dedit, quid de ipsis fieri iuberet, interrogans. Respondit Soleimanes, adiungendos Serefis begi filio 400 Genizaros, qui cum matre Bitilifium comitarentur, vt auferre suos inde thesauros, & quocumque lubitum esset, proficisci possent. Si tamen stare suis a partibus, ac secum manere vellent, donare se ipsis timarij nomine Halepum. Ex hoc Sultani responso quum satis perspiceret Serefis filius, suum se patrimonium non recuperaturum:

turum: Bitilisium cum matre profectus, thesauros inde suos auexit, & ad Scachum Sophinum se contulit. Ibrahimes vero bassa Carahemidam progressus, Vlamam cum xxxc i Turcorum Taurisium misit, intra quam urbem Musa Sultanus, Scachi
 5 Tamasis ad finis, se tenebat. Is quum fugæ se dedisset, deferra nudataque præfidiis ciuitas, Turcorum se fidei permisit. Cōfestim per litteras Ibrahimi significat Vlama, quàm celerrimo gradu se Taurisium conferret. Ibrahimes Carahemida digressus, & Taurisium properans, Soleimanem litteris hortatur, uti versus
 10 fines Persicos maturaret. Ipse Taurisium quum venisset, ædificium quoddam antiquum ibi reperit: quod muniturus, commo dum istic architectos Georgianos inuenit, qui munitionem egregiam struxerunt, cui tormenta bellica 350 Ibrahimes imposuit. Hoc tempore Turci Taurisio potiti sex fuere mensibus, & vicinæ ciuitates eorum imperium acceperunt. Soleimanes etiam,
 15 quum primum ad Carahemidam accessisset, mox illinc abiit, & Taurisium profectus, ibidem xx diebus hæsit. Inde relicto Taurisio, Sophinum instiit quærere. Sed is perpetuo prælium detrectans, tamdiu Soleimanem distinuit, donec hibernum frigus
 20 ingrueret. Eam ob causam Soleimanes Bagadatim se recipere coactus fuit. Hoc autem frigus vsque adeo vehemens erat, ut neque progredi, neque regredi posset exercitus. Scachus etiam Sophinus omnem eis annonam ab omni parte præcluserat. Vnde factum, ut fame partim, partim frigore dimidiis Turcorum
 25 exercitus periret. Absque nonnullorum quidem Armeniorum fuisset opera, regionis illius admodum peritorum, qui maximo precio Turcis annonam vendebant, actum adhuc peius cum ipsis fuisset. Conspicatus in his constitutum difficultatibus Osmanidam Scachus Tamases, e Corasane cum pauciorib⁹, quàm
 30 decem suorum millibus, mouens; Taurisium adiit, vbi triginta Turcorū millia tribus sub ducib⁹ erant, sub Vlama, Siruanogli, & Iadigiare bego: quorū quisque decem millibus equitum præerat. Hi quum acceperant, Sophinum Taurisij fines ingressum esse: prodierunt extra urbem, seque diuicatuos in hostem pro-

professi, Taurisio deserto fugam arripuerunt. Sophinus urbem ingressus, munitionem a Turcis fabricatam diruit, aheneisque tormentis comminutis, monetam ex ære signauit. Posteaquam Soleimanes ad Bagadatim hiemem vniuersam exegisset, abductis inde copiis, Taurisium versus abiit: & urbem ingressus, diebus ibi quindecim mansit, ac laqueo suspendi iadigiarem begum Eminem iussit, cuius culpa factum fuerat, quod a Turcis contra Persas non erat dimicatum. Hoc enim nomine accusauerat ipsum Vlma cum Siruanogli. Sophinus intellecto, Soleimanem motis Bagadatæ copiis, Taurisium tendere: in regionē 10 Corasanis se recepit. Tandem Soleimanes Constantinopolim reuersus est, firmo Bagadati præsidio contra Sophinum imposito, cui Soleimanem bassam cum beglerbegi titulo præfecit, Albanensem vel Epirotam natione, adiunctis ei triginta duobus Turcorum millibus. Taurisium vero, quia relictum ab eo fuerat 15 absque præsidio, reuersus Sophinus nullo negotio recuperauit. Et hæc tenus hæc Spanduginus, cuius interpretari & exscribere locum volumus; vt cum annalium narratione cōferri possit. Libenter tamen æquilectores fatebuntur, a Turcis pleraque tradita rectius ac plenius.

*BELLI PERSICI CAUSA, OCCASIO,
prætextus.*

231. Solemus exemplo Thucydideo bellorum αἰτία siue causas, ab occasionibus & prætextibus distinguere, (περὶ αἰτίας & αἰφορίας ipse 25 vocat, & περιήματα πολέμου) quæ quum magnis se principibus, ceteroqui bellorum aduersus finitimos gerendorum auidis, offerunt: numquam eis prætextus desunt, quos adfectibus suis, & cupiditatibus iniustis, obtendant. Ita suscipiendi contra Persas belli vera causa Soleimanis erat in animo, decessorum suorum, Mu 30 chemetis II proauis, Baiafitis aui, Selimisque patris æmulatio: qui cum Persarum Scachis acerrimas inimicitias exercuerant, & aliquoties æquo fere Marte cum eis conflixerant. Sibi fortunam magis propitiā Persis opprimendis, & adiungendis imperio suo,

policebatur. Hoc cum animo suo constitutum habenti, nec occasio defuit; Vluma bego, gestis bello rebus, & ad finitatem Scachi, cuius ei soror nupsit, illustri viro ad Soleimanē a Scacho deficiente, magnosque se duce successus ei promittente: nec præ-
 5 textus longe quærendus erat, quin præ manibus esset Persarū a ceteris Mahumetanis dissidentium noua superstitio, ab Erdebile cepta, Techmalis auo, ab Ismaile Sophino patre defensa propagataque, Techmalis etiam patrociniū subnixā. De hac & annalium in adpendice, sub initium belli Persici, prolixè disse-
 10 ruimus: & adiunximus alia, capite 138 Pandectis huius. Indidē lector intelligere potest, quod heic traditur obieciſſe Techmaſi, Persisque ceteris, Soleimanes: nimirum eos debito quatuor Mahumetis prophetas honore non prosequi. Quatuor enim hi Mahumetis tum socij, tum successores, fuerunt. Ebubekir, Omer,
 15 Osman, & Ali: quorum prioribus ordine tribus reiectis, quartum Alim, Mahumetis propinquum & generum, Persæ probāt ac venerantur.

CVRDISTAN. CVRDI. KEL-

20 dan. Cordyna. Curſi.

Reineccius in adpendice ad octauum Aythoni caput, Cor- 232.
 dos & Cordinos nimis late Turcicam gentem esse prodidit ex Ioanne Leone Aphricano. Et adiecit alia de Corduenis & Car-
 25 duchis, quæ heic minime repetenda. Nec Curdistanium equidē admiserim esse Mediam, quæ verius nūc Siruan adpellatur. Vox Curdistān significat regnum Curdorum. Et habitant hodieque Curdi, sicut his ex annalibus etiam manifesto paret, in regione Bagadatis, quæ Babylonia priscis est, & in vicinia Carahemidæ,
 30 quæ quodā erat Amida Mesopotamiæ, nūc Diarbekir adpellatæ. Quib⁹ in locis quū olim Chaldeorū sedes fuerint, equidē superi⁹ in annaliū supplemento cōclusi, Curdos esse Chaldeos: præsertim quū a vicinis Persis & Turcis ea regio Curdistān adpelleretur, quā nunc quoque Keldan vocant Arabes, id est Chaldæam. Liber

ἱστορίας historiarum Græcæ, cuius aliquoties mentionem feci, posteros Semis, Noliæ filij, regiones has sortitos refert: Persiam, Bactrianam, Hyrcaniam, Babyloniam, Cordynam, Syriam, Mesopotamiam, cum aliis, quæ sequuntur. Quis heic Cordynam, positam inter Babyloniam & Syriam Mesopotamiamque, non animaduertit recentiori vocabulo nominatam, pro Chaldæa? Idem situs, iidem fines hodie sunt Curdistani, de quo agimus. Adde Cedrii locum e Basilio Macedone, quum ait: Basilium e Mesopotamia victoriæ nuntios accepisse: cum quibus adlata quoque fuerint ei multa spolia, multaque mancipia Curtorum & Sacerdotum. Hi Curti plane non alij sunt, quàm hodierni Curdi, & Curdistaniæ regionis incolæ.

SER ASKER SVLTANVM. SERDAR.

μείζων δούξ.

15

233. Hoc officij siue dignitatis apud Turcos non ciuilis, sed militaris est nomen: quo significatur supremus imperator exercitus Sultani, siue capitaneus generalis (vti nunc loquimur) supra ceteros omnes capitaneos exercitus. Asker Arabice supremum significat, pro quo Turcorum vulgus Lesker solet dicere: veluti quum Cadi Lesker esset iudicem maximum, qui Arabibus est Cadi Asker. Sultantum gignendi casus est apud Turcos. Persis Serdar, non Ser Asker vocatur, nomine Turcis etiam vsu capto. Græci denique μείζων δούξ nominabant hoc apud se fungentem officio, quod magnum ducem denotat, ac primariæ vocabulum dignitatis est inter alia magni palatij munera.

20

25

KETZIE BASSA. CACE-

ba. Chorasān.

30

234. Annales Kezien bassam, familiari Turcis nomine, Chanem illum adpellant Chitainum; qui, ceu capite tertio diximus, Vlu Chan discriminis causa vocatur, id est, excelsus aut summus Chan siue rex Tatatorum. Kerzie bassa, si verbum verbo reddas,

- reddas, filtrinum caput significat. Ita tum in genere Tatai Chitaini nominantur, a capitulo tegumentis et filtro factis; tum peculiariter ipsorum Chan, vel princeps maximus: perinde ac Persas in genere dicimus Kesilbassilarios, a rubris capitum tegumentis, & ipsi peculiariter eorum Seacho nomen Kesilbassæ tribuimus. Apud Iouium, & alios corruptum nomen Caceba reperitur, pro integro Kezie bassa. Tegumenta vero capitum hæc Tatarica viridis in vniuersum coloris sunt, quo singulari quodam iure siue priuilegio se uti adferunt omnes propterea, quod ortâ a propheta gentem vniuersam gloriantur. Quippe non viuunt apud Turcos & ceteros Mahumetanos vestitu viridi, nisi qui genus suum ad Mahumetem referunt: ac præsertim aliis, extra hos, viride capiti tegumentum adhibere, piaculum ingens fuerit. De Chorasan, siue Chorofane, dicto capite tertio sub finem. Recte Cedrinus Persidem interiorem nominauit. Sane si Taurisium occupantibus Turcis, in Chorofane Techmales bellum gerebat: ut minimum ab eis XX dierum aberat itinere.

SVLTANIA, QVONDAM TIGRANOCERTA.

- 20 *Origo Sultanici nominis apud Persas,
ex Cedrino.*

- Notauimus e Iouio supra, capite 204, videri Sultuniam urbem olim fuisse Tigranocertam, nobilem Græcis & Romanis in historiis: aut saltem e Tigranocertæ ruinis exstructam fuisse Sultaniâ. Nomen hoc a Sultanis est cōsequuta, quod Persiæ quodam fuerit regia, Sultaniq; sedes ac domicilium. Et a 500 plus minus annis, postquam Turci Persis ac Saracenis oppressis, potiti Perside fuerunt, principes regionis adpellari cepisse Sultanos: ex his Cedrini verbis liquido cōstat. Turci post Muchemetis (inquit) mortem, deiectis imperio Persis ac Saracenis, domini Persidis facti sunt: & Tangrolipicem Sultanum adpellarūt, hoc est principem vniuersum imperium habentem, & regem regum. A Temirlanco denique Sultania fuisse diruta vastataque perhibetur.

FLUVIUS PERSIDIS DOCVS GEZID.

236. A nouenario numero nomen hoc fluuius accepit. Quippe Docus⁹, nouen significat. Nominis ea ratio, quod hac in parte regionis iter faciuntibus nouies hic amnis omnino sit vel trans-
undus, vel transiiciendus.

*BAGADATINA REGIO IN FORMAM BEGLER-
begatus redigitur. Bagadatinus Chalipha. Soleimanes
a Chalipha voluit inaugurari. Chalipha Cairensis.
Inaugurationis carimonia.*

237. De vrbe Bagdat, siue Bagdet, dictum initio Pandectis nostri, capite 4. Hec notandum, eodem nomine regionem & urbem censeris: sicut & Babylonie regionis mentionem paullo ante, ca-
pite 232 habuimus. Addendum obiter, hodieque Chaliphen siue Cheliphen quemdam Bagadate reliquum esse, qui tamē dūtaxat nomine tenus dignitatem pristinam tuetur. Quondam enim præpotens erat princeps, vt ex Prætoris quoque nostri paret historia, licet recentiori. Nam suo tempore commemorat Tan-
charos, bellicosam nationem Tataricam, omissis inimiciis & bellis aduersus Sultanum Iconiensem, Babylonio arma intulisse, quem Caliphan Musulmanorum gentes adpellare consueverint. Notionem vocabuli supra, capite tertio, dedimus. Magnæ adhuc est auctoritatis apud Musulmanos, quo Mahumetani se
nomine salutari auct. Iouius etiam fatetur, in Bagdat Chaliphæ siue sacrorum principis sedem esse, qui a cunctis Mahumetanis regibus, inquit, excolitur: & veterem adoptandi prærogatiuam retinet, ex certa que cœmctionis carimonia confirmandi Assyriorum regis. Ab hoc Soleimanes, veteris superstitionis institu-
ta sequutus, insignia & ornamenta suscepit. Carimoniam inaugurationis Iouius non exposuit. Itaque repetemus eam ex commentariis Petri Martyris Mediolanensis, ita tamen, vt prius lectorem moneamus; non Asiaticæ dumtaxat Babylonii, siue Bagadati,

Bagadati, Chalipham olim præfuisse, qui dicis adhuc causa scilicet retinetur: sed etiam Babylonii Ægyptiacæ, quæ Memphis est, & Cairus, vix sæpe notauimus. Etenim Sultani Ægyptij siue Cairenses, excusso Bagadatini Chaliphæ iugo, ne confirmationem vel inaugurationem saltim ab eo petentes, imperium & auctoritatem ipsius agnoscere viderentur: suum sibi Chalipham delegerunt, titulo tenus id nominis ferentem, qui certo venditionis imaginariæ ritu, summum Sultanis imperium, accepta non magna pecunia, traderet. Iam igitur ipsius verba Martyris audiamus. Habent, inquit, & Ægyptij summum pontificem, (id est, Chalipham) ad quem regnum, siquidem viri essent, pertineret. Is ius suum trium millium auri drachmarum pretio regiam tenenti vendit. E tribunali Soldano, stanti pedibus, vitæ necisque liberam potestatem dat. Ipse descendit, seipsum spoliatur, Soldanum imperaturum induit, abit priuatus. Permanet in imperio Mahumetes, Caitbei filius & successor. Quæ vltima verba de sui temporis Sultano protulit, tunc isto ritu inaugurato. Regiam tenenti ius suum a Chalipha vendi dicit, Cairêsem Sultanorum regiam intelligens, quam annales in Selime saraium vel palatium Sultanicum adpellant.

SULTAN IACVP. HESTE BEHISTE.

Hunc Sultanium Iacupem, Scachum Persarum, vsumchanis fuisse filium, notatum superius 166, & amplius etiam 188, capitibus. Edificium, cui nomen Heste Behiste, sic a paradisis octo Persica lingua dictum fuit, istuc ex cultis a Sultano Iacupe, voluptatis causa. Notum ex Herodoto, Xenophonte, ceteris, quantum voluptarios hortos regios, & paradisos Persæ priscis etiam sæculis fecerint.

QVID DVNDAR APVD TVRCOS.

Solent exeuntes in hosticum Turci prædæ faciundæ causa, numerum aliquem suorum militum, cum vexillo, maxime comodo

quodam constituere loco: quo nimirum & præda conuehatur, & sparsi per hosticum milites ceteri confluant, si forte copias aliquas hostiles in procinctu esse cognouerint. Huic in hunc usum deputato suorum numero, Dundaris nomē dare solent. Talem igitur a tergo selectorum militum manum Soleimanes reliquit, 5 hostium motus omnes obseruaturam: ne quam in suos ex improviso facerent impressionem, uti re ipsa contigit. De Corizzis dictum capite 189.

CHAIRADINES TVNISIM AMITTIT.

10

*Rais. Tulipantum. φαιόλοι, symbolum
fortitudinis.*

240. Mauribegi nomine qui pulsus a Chairadine fuerat, Mule Af-
san intelligitur, quem nostri Muleassē vocant, & cuius histo- 15
riam exposuimus in annalium supplemento, ad annum Chri-
stianum 1573. Begus Hispanus est Turcis Karulus V impera-
tor, ita dictus ex causa superius explicata capite 225. Raissari,
sive Raissi, qui sequuntur, præfecti sunt trirēmum ac nauium.
Tulipantum est lineum illud tegmen, quo capita Turci candidis 20
inuoluere spiris solent. Græci nunc φαιόλοι adpellant, quod vo-
cabulum extare puto in Onirocriticis Achmetis nostri. Zy-
gomalas aiebat, ab Agarenis haberi pro symbolo fortitudinis,
quo admoneatur in bellum ituri, ne de reditu, sed morte potius
viriliter oppetenda cogitent: quando mortuorum cadauera lin- 25
teis inuolui solent.

INDICVM DIENSE BELLVM. ADENIS

rex a Turcis, violata fide, suspenditur.

30

241. Hoc loco prius, quàm ad res gestas anno Christiano 1538
progre diamur, exponamus sane paucis Indicum de Dio ciuita-
te (Deu barbaris, Dio Lusitanis nominatur) bellum inter Lu-
sitanos ac Turcos. quando nulla sit eius in annalibus hisce mē-
tio,

tio, nec Iouianæ, vel Surianæ, vel aliorum narrationes integræ sunt, & Pandectis a nobis habenda ratio. Memorabile quidem in primis esse fatebitur lector, ob nefariam Turcorum erga regem Adenis perfidiam & immanitatem, qui tamen Musulmanuserat, & ipsorum superstitioni addictus. Auctor expositionis, Georgius Hustius Rassinienfis ex Illyrico, nunc Sclauonia, rebus ipsis, quum gererentur, interfuit, & consignatas Magnifico Domino Hieronymo Beck a Leopoldstorf obtulit, qui nobis legendas exhibuit. Igitur anno 1538 Nugnas Acugnans, orientalis Indiæ prorex, quem prouinciis illis Ioannes rex Lusitanæ præfecerat, ciuitatem Diensem metropolim ac præcipuam munitionem regni Zambri, quod Cambaiam nostri vocant, in potestatem redegit. Rex autem Zábrius & paganus erat, deastrorumque cultor, & infestissimus hostis Lusitanorum. Is quum Lusitanis imparem viribus se videret, legatos ad Soleimanem bassam, Cairensē beglerbegum, misit; qui hoc prius adito, muneribusque conciliato, Sultānum inde Soleimanem ipsum conuenirent; oblataque pecunia maxima, contra Lusitanos opem eius implorarent; simulque policerentur, herum suum cum pluribus aliis regibus Indicis, eius se summīssurum imperio, modo subsidium aduersus hostes Lusitanos impetrasset. Placuit ea Soleimani legatio, qui per hanc se sperabat occasionem imperium Osmanidarum in ipsas longe lateque propagaturum Indias, & auri gemmarumque feracissima regna sui iuris effecturum. Ita-
que legatis prolixè policeretur omnia, classēque mox adfuturam auxilio spondet. Mittitur non multo post Soleimanes bassa, beglerbegus Ægypti, cum machinis bellicis, & iusto exercitu, anno eodem 1538, mense Iunio propemodum exeuntē, bellum ut hoc conficeret. Quippe Turcis hæc arridebat occasio, quos non tam in oppressos commiseratio, vel officium erga cōfœderatos; quàm spoliū ac prædæ cupiditas, ad bella plerūque pertrahit. Classe ventis vela dante, primum ad Thoron iū, quod est terræ Madianitidis (ut creditur) opidum, in Arabiæ solitudinibus, haud procul a montibus, Orebo & Sina: quo loco

tam exponendis,quàm auchendis terra,camelorum opera,mer-
 cibus,Ægypti,Arabiz felicitis,Indiz respectu, commodissimum
 est emporium. Post aliquot inde dies adpulerunt ad urbem Gi-
 den in Arabia Petræa, (Ziden alij vocant) quæ ipsa quoque ma-
 ritima ciuitas est, Turcorum imperio subiecta, nec minus nobi-
 le,quàm Thoron,emporium. Tandem in Arabiam felicem,&
 ad portum vrbis Adenis peruentum, circa mensem Octobrem.
 Est Aden primaria felicitis Arabiz ciuitas, non situ solum, sed
 etiam opere munita. Quippe nec propugnaculis caret,& ipse lo-
 cus per se tutissimus est. Ab ortu solis,adiacent ei prærupti & ex- 10
 celli montes;ab occidente,clausum maris portum habet;a meri-
 dici latere,validum in alto proximo scopulo propugnaculum e-
 minet; in quo noctu Arabes ante, quàm a Turcis Aden capere-
 tur,ignes excitabant:qui magno ex intervallo conspecti, Turki-
 cæ classis aduentum indicabant vicinis Arabibus, vti scilicet vr- 15
 bis ad defensionem concurrerent. Substitit ibi classis,cunctanti-
 bus Turcis,& consilia variantibus. Rex quibusdam e numero
 suorum ad eos ablegatis,cur illuc venissent armati,scire se cupe-
 re significabat. Tum bassa, perbenigno regiis dato responso, ac
 suis ad regem vicissim missis internuntiis, cum muneribus, ne 20
 quid hostile moliri videretur, blanditiis & arte persuadet, sub
 prætextu comparadi pretio comæatus, vt classem Sultani Os-
 manici cum milite portū interiorē pateretur ingredi. Coher-
 citurum se suos, vt ab omni maleficio, præsertim erga religionis
 consensu sibi deuinctos, abstinere. Quippe rex Adenis, vni- 25
 uersa cum gente sua, Mahumetis sacra colebat. Intellectis hisce
 postulatis,in portum Osmanici admittuntur. Eodem astu vafri-
 cieque beglerbegi,ad colloquia rex,& conuiuia pellicitur. Quū-
 que post aliquot dies in nauim prætoriam,tribus dumtaxat e suis
 comitatus,veniret:peramanter salutatur,excipitur blande,men- 30
 sæ & epulis adhibetur. Sed post conuiuium,nescio qua occasio-
 ne captata,corripitur:ac tum demum sentire miser cepit, impro-
 borum munera cum fucata blandicie, fraudis esse plena, prorsus
 respuenda circumspicis. Nec mora,dum rex in prætoria
 deti-

netur, milites complures de industria, victus comparandi
 prætectu, ciuitatem ingrediuntur. Solent enim Turci, quod
 vi non possunt, aut absque multa sanguinis effusione, dolis
 & perfidia consequi. Mox Soleimani bassæ per secretos in-
 5 indices nuntiant, Arabibus resisti, & urbem defendi posse, licet
 aduenissent illæ quoque copię, quas fama iam aduentare fere-
 bat. Tum bassa maturandum statuit, & Arabum anticipanda
 consilia. Portis per absentiam regis occupatis, miles immitti-
 10 tur: oppressisque Turcorum numero ciuibus, Aden in potesta-
 tem redigitur. Mox & ipse rex productus, ad malum prætorię
 naui in sublimi, tribus illis cum comitibus, suspenditur; & ad
 terrorem, fædo spectaculo, ciuibus suis ostentatur. Opidani tam
 indigne regi sibi que videntes illud, velut in re subita trepida-
 re: capite destituti, hostibus impares numero, consilij denique
 15 inopes, nihil omnino moliri. Sic in seruitutem redactæ ciuitati
 præsidium firmum imponitur, prouido scilicet bassæ consilio:
 ne, si quis aduersus eicæsus Indico bello accideret, vicinum de-
 esset perfugium. Nec enim a tergo Turci relinquere solent ali-
 quem vel suspectum, vel aduersarium, qui quemuis in euentum
 20 esse sibi possit impedimento. Quippe genus hoc barbarorum
 longe omnium vaserrimum est, & tam præsentibus, quàm futu-
 ris circumspiciendis ac pensitandis sollertissimum. Præterea
 poritus Adene bassa, siquidem reliqua non succederet ex animi
 sententia expeditio, fecisse tamen operæ pretiũ videri poterat, ac
 25 viã aperuisse tentãdis apud Indos aliquãdo maioribus. Captam
 ciuitatem ingressus Soleimanes, dato signo, proclamari iussit: ne
 ciuiũ bona, neue merces diriperetur: & quẽdã e suis, vilioris ho-
 minẽ cõdicionis, in ipsa vbis porta terrẽdis ceteris, capite plecti
 iussit. Aromatũ nãq; magna huc copia deferri ex India solet. Præ-
 30 terea sinus Arabicus siue Persicus heic incipit, & Abyssinorum
 Æthiopũ, quorũ rex Præteianus vulgo nominatur, montes atq;
 limites ibidẽ conspiciuntur. Osmanici, Adene relicta quũ an-
 nona copiosa naues onerassent: Oceano se cõmiserunt, ac decẽ
 nouemq; dies ac noctes itinere maritimo consumsere. Tãdem

ad ea, quæ petebant, loca quum peruenissent: Bassa Lusitanos
 adgredi cepit, & urbem Dion siue Deuon, à Lusitanis Zambrio
 regi ereptam, obsidione cingi iussit. Itaque machinis bellicis e
 nauibus in terrâ expositis, oppugnata ciuitas quadraginta die-
 bus continuis, tam terra, quàm mari: sed irritò plane conatu. 5
 Turris dumtaxat quædam, instar castelli seu propugnaculi facta,
 quæ vno ac dimidio aberat ab vrbe stadio, & cui præsidij causa
 LXXX Lusitani milites impositi fuerant, Turcorum in pote-
 statem venit: præsidariis ipsis sese dedentibus, & mox in naues
 perductis. Duobus elapsis mensibus, auditum de classe Lusitani- 10
 ca, quæ suis succursum veniret. Itaque territus bassa, machinas
 bellicas nauibus imponi iussit, ac noctu soluens, profugit. Quàm
 enim animose suas in speciem instituunt, & ordiuntur expedi-
 tiones, Turci; tam leui momento territi, rebus, ex animi voto
 non succedentibus, honoris omni respectu postposito, ceu timi- 15
 dæ diffugiunt damâ. Quumque iam bassa non procul a Zebe-
 tho esset opido, interfici captiuos in littore iussit. Durauit annû
 integrum hæc expeditio, fuitque Zeberthum etiam, Arabiæ feli-
 cis opidum, a Turcis in reditu expugnatum. Tam Adeni, quàm
 Zebertho, beglerbegi cum Dephterdaris, singuli singulis præ- 20
 fectione fuere, de quibus non multo post, in beglerbegatum ca-
 talogo.

BELLVM CONTRA CHIMERIOTAS.

Ceraunia. Chimara. Auelona.

Lusi bassa.

25

242. Chimeriotæ sunt Arnaulari, vel Albani, vel Epirothæ, trās si-
 num ex aduerso Corcyræ siti: qua in regione continua môtium
 series est, quam vno vocabulo nautæ iam dicunt Chimeram. 30
 Iouius, & alij, volunt olim hæc fuisse montana vel *pro* Cerau-
 nia, itemque Acroceraunia, pro quibus dicere malim equi-
 dem Acra Ceraunia. Leo tamen Augustus in nouella de
 thronis, vt obiter adtigimus antea, sub Ætolix metropo-
 li Nau-

- li Naupacto, tam Buthroti, quàm Chimaræ collocat episcopatus: quæ loca sibi inuicem vicina, Butintro & Chimera, quum illic hæreremus, a nautis nostris adpellabâtur. Iisdem Auelona, cuius heic mentio fit, enuntiabatur adiecto articulo Italico Lauelona, vel disjuncte, La Velona: quum quidem vulgaris linguæ Græcæ periti adderent, eo nomine *Βυλον*, significari acum. Sed ignorabant homines & antiquitatis & litterarum rudes, adpellationem recentiore hanc ex veteri Aulone factam. Sita est in Albania vel Epiro, ex aduerso extremæ illius oræ Italiae, quæ in Apulia promontorium S. Mariæ nunc habet, Iapygiam quondam dictum: vbi ciuitas Hydrus posita, dumtaxat intermedio maris Hadriatici sinu, LX milliaribus Græcis ab Aulone disjungitur, vti capite 152 notauimus. Leonis Augusti nouella dethronis Auloniam recenset inter episcopatus metropolitæ Dyrrhachinæ subditos, & proximo post episcopatum Glauinitæ vel Acrocerauniæ commemorat loco. Ceterum qui analibus heic adpellatur Lutsi bassa, corruptum apud historicos nostros, Iouium & alios, nomen habet, Lustibeus aut Luptibeus. Spandugini de hoc notabilis est locus, quem interpretâdo lubet inferere. Sultanus, inquit, Soleimanes Lutsi, perquàm humili condicione nato, suis ex sororibus vnâ dedit vxorem, eumque primum bassam creauit, a quo tamen officio nunc deiectus est. Quippe quum vxor mariti concubitus cum masculis ægerime ferret, eoque nomine cum ipso exostulans, diceret: fratrem suum, Sultanum Soleimanem, illi se iunxisse matrimonio, secum vti cubaret: excandescens Lutsi bassa, mulieri colaphum impegit. Hoc vbi rescitum a Soleimane, sororem ei protinus ademit, ac recepto Sultanino sigillo, dignitate supremi Veziris hominem exiit. Est enim in more apud Osmanidas, vt qui auctoritate quatuor inter bassas est maxima, Veziratzem siue supremus consiliarius nominetur, & in manu sua sigillum Sultaninum habeat. Hæc Spanduginus. quæ sane si vera sunt, vt esse videntur: conueniens fœdis ac dissolutis moribus homini datum nomen fuit. Quippe Lutsi lingua Turcica significat eum,

qui non nisi de venere cogitat: qualem Græcus aliquis dixerit
 ἱρακλὴν vel ῥοττομαῖν.

BESICTASI. ΔΙΠΛΟΚΙΟΝΙΟΝ.

243. Besictasi, locus est ad Bosporum Thracium in Europa situs, qua Constantinopoli sursum tenditur, aduerso Bospori fluxu, versus os Ponti Euxini. Plus minus quatuor abest a Galata miliaribus Græcis, aut vno Germanico. Nomen lingua Turcica lapidem siue saxum cunarum, significat: a distractione, puto, Christianorum mancipiorum, ac matrum præsertim, liberos etiam teneros in cunis habentium. Sepultus heic est Chairadines, qui messita quoque noua suo sumtu ibidem exstructa, nobilitare locum & excolere voluit. ΔΙΠΛΟΚΙΟΝΙΟΝ Græcis hodie vocari, prisca Iasonium, notatum reperies supra, capite 128. Hoc tempore, de quo scilicet annales modo loquuntur, aduecta fuerunt istuc capitum Christianorū, e Corcyra dumtaxat in seruitutem abreptorum, cuiusvis sexus & ætatis, ad sexdecim millia: quemadmodum Iouius memoriz prodidit. De Sultaninis, & eorum pretio, dictum 18. capite.

CARABOGDANIAE FLVVIVS BERVT.

244. De Carabogdania consule caput 71. Eius amnis est, quem Berut annales hi nominant. Vngari tamen, & Valachi, siue Moldaui, partim cōtractius & durius Prut, partim paullo mollius Brut, enuntiant.

NEPTVNI DORIAE, VICTI A

Chairadine fuga.

245. Doriā Turci, more Italico, pronuntiant; quem Iouius dixit Auriā, magis consuetudini Latinæ respondente vocabulo, velut ipse quidem existimauit. Is & vsu rerum marigerendarum, & felicitate singulari, tantam adeptus gloriam fuit: vt vulgo Neptunus, ceu maximus quispiam maris deus, adpellaretur. Hunc tamen

tamen a Chairadine prælio nauali, & artibus imperatoriis superatum, fugisse; non insolenti, sed modesta memorant annales oratione. Quo commendabiliores nobis esse debent, vti non ad gratiam suorum, nec ad insectationem nostrorum; sed ad veritatem quæ anima est historiæ, scripti. Iouianum quidem epiphonema, quo clausit hanc narrationem, quàm acres habet aculeos? Auria, inquit, tanti vsus, tantæ peritiæ, tantæ existimationis mari dux eo die nullus imperator exstitit. Atqui cogitare de illo veteri verbo debebat Iouius, quo Demosthenes etiam fugiens, excusasse se fertur:

αἰὲρ δὲ φύγει καὶ πάλιν μάχεται.

Qui se fugæ dat, dimicabis denovo.

Nec ineleganter Alexius Angelus imperator, vt apud Græciæ Prætozem nostrum memoriæ proditum legitur, quum perditis rebus non modo frustra, sed etiam cum periculo se diutius hæsurum Constantinopoli animaduerneret, omnibus valere iussis, & arrepta sponte, nolenti tamen animo, fugæ: Dauidem quoque dixit beneficio fugæ saluti atque incolumitati suæ consuluisse. Non minus certe magni & sapientis est imperatoris, summam rerum incertæ Martis alexæ non temere committere: quàm prospere cedentibus omnibus, victoria prudenter vti.

PUBLICANORVM CARCER

Constantinopoli.

Vendit omnia per imperium suum telonia maximo pretio, 246. vel paucos, vel plures in annos, Sultanus Osmanidarum: ideoque si maiores aliqui pecuniæ summas ei vectigalium nomine polliceantur, quàm reapse deinceps exhibere possint: in carcerem, veluti qui non soluendo sint, & fraudem Sultano facere voluerint, coniiciuntur. Hic carcer publicanorum Constantinopoli dicitur. Et sunt in vniuerso Osmanidarum regno publicani fere Iudei, gēs exactiōib⁹ & vsuris nimiū quātū supra mortales ceteros dedita: quū ipsi etiā Turci vel musulmani, paullo sincerioris

homines conscientiarum, nolint audire publicani: non aliter, ac si cum infamia coniuncto propter aliorum nequitiam nomine, virum bonum appellari nefas sit, etiam si præter officium nihil ipse faciat.

ONTVN CAPISI. XYLOPORTA. PORTA
lignaria. Carauanferai.

247. Ostendimus supra, capite 200, quæ porta sit hæc lignaria, videlicet ad quam nauigia lignis onerata solent adpellere: Græcisque dictam ξυλοπύλην, ab iisdem lignis, quæ huc aduehuntur, non quod ipsa lignea sit, quemadmodum credidit vterque Chalcondylis interpres. De voce Carauanferai, dictum capite 14, significari scilicet hæc ædificia carauanis extructa. Carauanas vero more Turcico se coniungentium esse agmina, quum loca minus a latrociniiis tuta peragranda sunt. In hæc ergo carauanferai, quæ amplissima plerumque sunt, diuertere cum equis, iumentis sagmatariis, mulis, & camelis, hæc carauanæ solent. Vasta sunt ædificia quemadmodum Busbequius descripsit: aliquanto longiora, quam latiora, ceteroqui quadratam ad formam accedentia: quorum in medio patet area ponendis sarcinis & camelis, mulis carrisque collocandis. Hanc aream plerumque circumcirca murus ambit interius, tres plus minus pedes altus; parietibus illis quatuor, quibus totum ædificium clauditur, adiunctus. Eius muri superficies æqua est, patetque in latitudinem pedes quatuor. Heic Turcorum cubilia sunt, heic cenacula, heic rem expediunt culinariam. Nam ad parietes, quibus totum ædificium continetur, foci frequentes cum fumariis vel infumibulis sunt inædificati. Hospites ipsi nulla re a camelis, mulis, equis alia se iuncti sunt, quàm eius muri spatio. Quinimmo ad muri pedem ita ligatos habent equos, ut capite ac tota ceruice supra murum emineant, dominisque se calfacientibus aut etiam cenantibus adstant, velut ministri: & interdum panem, vel malum, siue quid aliud, de manu eorum capiant. In eodem muro lectos sibi sternunt. Tapetem in primis explicant, quæ ea de causa ephippiis aptatum fere

fere circumferunt. Huic iniiciunt vulgo penulam, ditiores Valentinam, quam vocant: quæ mollibus e pilis contexta candidaque, linteaminum loco mihi quidem ipsorum exemplo fuit. Cercial præbet equestris sella. Vestet alari, pellibus suffulta, quæ vestiuntur interdium, teguntur noctu. Sic somnum capiunt, nullis laceffitum, extra naturalem iumentorum mandentium strepitum, blandimentis. Ipsorum saraiorum, pro carauanis exstruitorum, tecta plerumque plumbea sunt.

10 *AREA VEL FORVM TACHTAL CALA.*

Tampezim. Chalcòcondylis locus emendatus & expositus. Chalcopratis. Chartopratis.
Vicus vitriarius.

- 13 Areã, quæ Tachtal Cala nominatur, Laonicus in octauo forū 248. adpellauit, & Tachtalem vocari addidit. Apud actuarium Malatestanum Tectalaca scribitur. Pro illius Tachtale, huius Tectalaca, reponet Tachtalcala: quæ voces Turcicæ sunt, & aream tabernas ligneas habentem significant. Quippe Cala denotat tabernulam vel tentoriolum, & Tachtal asseres sunt: ut intelligantur ex asseribus factæ tabernulæ. Hæc area fere urbis est in meditullio, non procul ab Eskisaraio, vel a saraio veteri muliercularum Sultani, de quo capite 139. Est eadem in area Sultani Baiafitis secundi messita, cuius supra fecere mentionem annales, in
15 eius Sultani funeris descriptione. Hoc autem loco ludicra cottidie omnis generis exhibentur, quæcumque homini venire in mentem possunt. Et adhibentur pueri, equi, asini, canes, feles, cerui, leones, ursi, leopardi, vulpes, & nulla non alia, peregrina præsertim, animalia. Sunt istic qui chiromantice proficiuntur,
30 sunt præstigiatores varij, funambuli, luctatores, saltatores, alij propemodum innumerabiles. Ideo Laonicus inquit: Hæc ludicra quis cottidie cernat in foro, quod Tachtalem vocant. Sequitur ibidem vocabulum Tampezim, quo nonnullos ex his ait adpellari. Neminem hoc declarasse arbitror hæctenus, quum bar-

barum sit, & ignotum, addo etiam corruptum. Quippe non Tápēzim Turci dicunt, sed Ziampas, quæ duabus syllabis vox enūtiatur. Significat autem *χαρπυίας*, vt Græci vocant, qui Latinis funambuli sunt. Ad vnum huius areæ latus incipiunt illorum tabernæ, qui Persicas operis excellentis, & Turcicas itidem pietas, Græcas & alias coloris niuei læuigatasque chartas vendunt. Ideoque Græcis hæc *χαρπυρατῆς* dicuntur. His atergo proximus est vicus fabrorum, ex ære vasa quæuis elaborantium, qui hoc annalium loco memoratur. Is vicus in historiis Græcorum recentioribus Cedrini & aliorum celeberrimus, nominatur *χαλκοπράτειν*, nimirum a distractione vasorum ex ære factorum. Locus insignis est Cedrini de Chalcopratiis in Theodosio maiore, puto. Vici quoque vitriarij, Challopратиis proximi, sit heic mentio: quo tabernæ vitriariorum, vt olim erant in vrbe Constantiniāna, veteris ad imitationem Romæ, sic etiam hodie conspiciuntur. Diuersus tamen hic vicus est, ab illa vitriariorum porta, de qua dictum superius, capite 200. De porta fori piscarij, quæ Bolucbazar capisi Turcis est, expositum eodem capite 200: sic ut & de porta Hebræa, Turcis Schifutlar capisi. Sitæ vero extra muros vrbis a foro piscario ædes, in litore maris; intelliguntur illæ, quæ muris vrbis excluduntur ab vrbe, secundum litus Cæratini sinus exstructæ, versus septentrionem, id est, e regione Galatani litoris.

NOVA CAIRADINIS AVSPICIIS

recepta.

25

249. Noua Turcis est, quam Castellum nouum nostri vocant, in Dalmatiæ sitū finibus. Id auspiciis Karuli V Augusti receptū fuerat. Quos eius prouinciæ sangiacos ad obsidionem hæc euocatos fuisse tradunt annales, de prouincia Bozinenſi accipito, deque præfectis huic: quorum princeps id temporis erat Vlumas ille Persa, de quo dictum capite 231. Translatus enim fuerat a Persicis ad hos fines, more Turcorum, non nimium transfugis fidetium: ac deinceps quoque sit eius mentio in obsidione Agrienſi, anno

anno Christiano 1552 a Turcis frustra tentata. Præerat Bozinēsi
prouinciæ ceu beglerbegatus, & ad Castelli noui obsidionem
secū sangiacos suos septem adduxit. Virtutis eximie præfidiarij
milites, quos hostes ipsi commendant, Hispani fuerunt, & Ger-
mani, numero ad IIIICIO.

SOLEIMANES SVB PRAETEXTV

defendendi pupilli, a Bano Erdeliano relictī,

matrem cum pupillo Vngaria

spoliat.

10

- De Ioanne Zapolienſi, Bano Erdeliano, dictum capite 223. 250.
Hic moriens pupillum reliquit heredem, tutelæque Soleimanis
commendauit, Ioannem Sigismundum, quem sustulerat ex Isabella
Polona, cuius heic mentio fit nomine tamen non expresso,
15 velut Turcis signoto. Habuerat Ioannis sororem Barbaram, ni
fallor, primo matrimonio coniugem Sigismundus maior, Polo-
niæ rex: qua mortua, Bonam duxit, Ioannis Galeacij Ducis Me-
diolanēſis, ex Isabella Aragonia Neapolitana, filiam. Bona partu
primo Isabellam hanc edidit, Ioannis Zapolienſis coniugem,
20 Ioannis Sigismundi matrem. Ceterum nulla fit heic in Turcicis
mentio Ferdinandi Cæſaris, Vngarię Bohemięque regis: qui ta-
men hoc bellum, Perenio & Rogendorſo ducibus, gerebat. Id
equidem fieri propterea crediderim, quod Ferdinandum So-
leimanes, hostem suum, pro Vngarię rege non adgnosceret.
25 Notanda vero Isabellæ oratio, quam Turci reginæ nomine non
dignantur, quum Budam adfirmat non suam esse, sed Sultani
Osmanidæ ciuitatem. Nimis in hoc veram se vatem experta
paullo post fuit bellua, quum Soleimanes ipsa cum filio per sum-
mam perfidiam eiecta, Budæ pariter & Vngarię reliquæ, velut
30 in prouinciā redactę, beglerbegum præficeret, bonus ille scili-
cet tutor: matre, tam Turcis addicta, cum filio pupillo, in Trāſſil-
uaniam vel Erdelium relegata. Huiusmodi nimirū esse præmia
societatis & amicitie barbaræ solent, vt de tyranno suo moritu-
rus aiebat Aratus: *παιὺν τε τὸ ἀνέχοντα τῆς τυραννίδος φίλιν.*

251. Walpou Turcis est arx, Vngaris dicta Walpo, Valponiū Iouio. Ultra fluuiū Drauam sita est. Post tertium obsidionis mensem a præfidiariis dedita fuit, præfecto ab iisdē capto, & hosti prodito. Strigoniū nunc Granum vulgo dicunt, ab amne Grano, qui defluens a Carpathiis montibus, vbi montanæ nunc ciuitates celebres sunt, ad radices arcis Strigonienſis siue Granēſis, Danubio miscetur: vnde ciuitati quoque Strigonium nomen inditum putatur, velut Iſtrigranium, ab Iſtri & Grani cōſluentibus. Alba regalis non tam a regum Vngariæ ſepulturis ſic adpellata fuit, quarum meminerunt annales: quàm a regum inauguratione, quæ hoc fieri loco præſcis temporibus ſolebat. Iſtic etiam rex Ferdinandus, cum Anna coniuge, Vladislai regis filia, Ludouici ſo-
rore, xiiii die Februarij, anno 1527, adhibita S. Stephanus
ra corona, fuit inaguratus.

SCHIRVVAN. SIRVAN. SERBAN.

Error Iouj.

252. Silector ab alijs de hoc bello memoriæ prodita leget, nuſquā ita deſcriptum inueniet. Vt Techmas Spandugino Tamas, Sanſouino Tolcas etiam: ſic Ercas eidem Spandugino nominatur Algas, mirifice vitiatis adpellationibus. Regio Schiruuā aut Siruan, haud dubie nunc eſt illa, quam præſci dixere Mediam, poſteriores etiam Vaaspracan, vt apud Cedrinum in Conſtantino Monomacho legimus. Fallitur Iouius, quum ait, Albaniam hodie vocari Serban, vicinam Mediæ, propterque Caſpium mare ſitam. Quippe regio Georgianorum eſt Albania, quæ numquam vel ipſi regi Perſarum, vel regio fratri paruerunt hæcenus: ſed
Chriſtiani, & liberi, ſuos principes habent; Perſis dumtaxat cō-
fœderati, ſicut expoſitum capite 189. Siruanum vero, ſiue Me-
dia, regni Perſici membrum eſt: quod tamen ſi Muſtaphas baſſa
vezir imperio ſubiecit Oſmanidarum, anno Chriſtiano 1578, &
begler-

beglerbegatus in formam redegit: mox tamē a Persis receptum, ab iisdem hodieque retinetur.

VVAN. VVASTAN. IBANVM CEDRINI.

- § Vrb̄s hæc cum arce sic ad Persici regni limites pertinet, vt etiā 253.
 maiori finitima sit Armeniæ. Cedrinus in eodem Monomacho
 Augusto vocat Ἰβάν, πᾶσι τοῖς βασιλευσιν. Id Latine reddēs interpres,
 Ibanum & Baaspracan scripsit. Ego simpliciter exprimerem, vt
 tanto melius intelligeret: Iuan, aut Iuan, vrb̄s regionis Vaaspra-
 254 can. Et quia capite præcedenti Vaaspracan, ex eiusdem Cedrini
 auctoritate, Mediam esse docuimus: intelligere iam licet, Wanū
 ad eamdem Mediam referri debere: vel ea si non contineatur,
 saltem finitimam videri. Wastanum significat regionem circa
 Wanum sitam, ceu Wani territorium: siquidem Istan, siue Stā,
 255 Turcis regnum vel regionem significat.

NOTICIA BEGLERBEGATVVM TOTIVS

Osmanidarum imperij, quos hodie possident,

- 256 Quia Persicis in finibus extremus hic a Soleimane Wani be- 254.
 glerbegatus id temporis institutus fuit, libet hoc loco quamdam
 quasi Noticiam regni Osmanici lectoribus exhibere, descriptis
 ordine prouinciis ei⁹ siue beglerbegatib⁹, quos in Asia, Aphrica,
 & Europa nūc Murates hic tert⁹, vnici Muchemetis Osmanidę
 257 pater, possidet: vt ita denique Pandecten historiæ Turcicę no-
 strum claudamus, visuri deinceps lati⁹ ne permissu numinis fi-
 nes suos propagaturi sint, an vastissimam illam molem imperij,
 eundis hætenus formidabilem populis, secundum ipsorum
 met oracula tandem aliquando Deus Opt. Max. suæ declaran-
 258 dæ maiestatis ac glorię causa sit euersurus, vel in ordinem, subq;
 iugum filij sui sic redactus: vt Gogi Magogique sub cælo nul-
 lum amplius nomen exstet. Id enim postremis se facturum die-
 bus, per suos indubitatę fidei vates nobis denuntiavit. Ordiamur
 autem ab oriente Sole.

ASIAE BEGLERBEGATVS.

I. Anatoli beglerbeg. Eius sedes est in ciuitate Cutaige Phrygiæ maioris, quam olim Coryaium Græci nominabant, sicut expositum capite 40. Sangiacos habet sub se duodecim.

II. Caraman beglerbeg. domicilium habet ad Caesariam Ciliciæ, de qua suo dictum loco. Septem sub hoc sangiacatus sunt.

III. Siuas beglerbeg. ad Sebastiam, de qua consule caput quintum Pandectis huius.

IV. Tocatun beglerbeg. Residet ad urbem Amasiam. Sub eo sunt quinque sangiacatus. 10

V. Dulgadir beglerbeg. de hac prouincia consule caput 163 Pandectis huius. Quatuor sub se sangiacatus habet.

VI. Halep beglerbeg. ad Halepum siue Berrhæam Syriæ, de qua capite 6.

VII. Scham beglerbeg. ad Damascum Syriæ. 15

VIII. Tarapolos vel Trapolos beglerbeg. ad Tripolim Syriæ.

IX. Maras beglerbeg. ad Marasum, propter Euphratem situm, inter Halepum & Mesopotamiam.

X. Diarbekir beglerbeg. in Mesopotamia, ad urbem Amidam, quam Turci nunc Carahemid nominant. Sangiaci parent huic duodecim. 20

XI. Bagdat beglerbeg. ad Bagdatum siue nouam Babylonem, de qua capite 4.

XII. Balsara beglerbeg. ad sinum Persicum, non procul a Bagdat siue Babylone.

XIII. Laxa beglerbeg. Antiquitus Carmania. tendit ad limites Ormuz, & Persis est finitima. 25

XIII. Gemæ, Aden beglerbeg. in Arabia felici, ad litus rubri maris. vide caput 241. Diuersa loca sunt, vno tamen beglerbegatu comprehensa.

XV. Chebetz, Hustio Zebet beglerbeg, ut eodem capite dictum. Locus situs in litore sinus Arabici, finitimus est imperio regis Æthiopum Præteiani. 30

XVI. Misfir beglerbeg. Cairo præest, & toti Ægypto. Sangiaci sub eo sexdecim.

XVII. Cy-

XVII. Cypri beglerbeg. Nicosiæ vel Famagustæ degit.

XVIII. Schcherezul beglerbeg. in Assyria, Persis finitimus.

XIX. Wan beglerbeg. respicit Persarū fines, versus Siruanū siue Mediā, & Armeniā maiorem, ceu dictū capite præcedenti.

5 XX. Arzerū vel Erzurum beglerbeg. in Armenia maiori, ad limites Siruani siue Mediæ, & Georgianorum. Distat a Tarabosane siue Trapezunte, sex dierum itinere.

XXI. Tiphlis beglerbeg. finitim⁹ Georgianis siue Curgginis, vt nunc adpellatur. Institutus fuit a Mustapha bassa Serdare anno

10 Christiano 1578, mēse Septēbri. Loc⁹ etiā priscis notus, apud Cedrinum reperitur in Cōstātino Monomacho, verbis huiusmodi: Asā, (is erat e Tāgrolipicis fratre nat⁹) a Sultano Tāgrolipice missus cōtra Romanos, quū Taurezium, & opidum nominatū Tephlis, præterisset: Vaaspracaniā ingressus est, id est, Mediam.

15 XXII. Siruan beglerbeg. Hoc nomine Media nunc adpellatur, a metropoli Siruan, quam eodem anno Mustaphas idem cepit, & primum istic beglerbegum cōstituit Osmanem bassam famosum: sed a Persis non multo post eiectus fuit. Nihilo tamen minus hic beglerbegatus Osmanidarū inscript⁹ est libro, qui nisi

20 restituatur, numquam se pacem facturos cum Persis profitetur.

XXIII. Temircapi beglerbeg. Locus est ad mare Caspium, porta ferrea dictus, & Capi derbent, porta faucium vel angustiarum. Cepit hunc Osman bassa eodem anno 1578, & in formam beglerbegatus, necato Schemhali Chane, focero suo redegit.

25 XXIV. Cars beglerbeg. Cedrin⁹ Carse nominat, & in Persarmenia collocat, quæ nunc Armenia maior est. Distat Cars ab Arzerum quatuor dierū itinere. Beglerbegatus cepit anno Christiano 1579, auctore Mustapha bassa.

30 XXV. Tschildir aut Tzildir beglerbeg. ad fines Georgianorum, ab eodem Mustapha bassa institutus, anno 1579. Porcius Tschaldung perperam scripsit.

XXVI. Fassa beglerbeg. in Mengrelia. Munitio structa per Vluzalim Capitan bassam fuit anno 1579, & ibidem institutus beglerbegatus. Sed paullo post discessū ei⁹ captā vicissim Geor-

giani diruerunt. Ciuitatis Phasianæ mentionem facit Leonis Augusti nouella de thronis, & episcopum eius refert sub metropolim Trapezuntis. Hæc eadem cum hodierna scilicet Phassa fuerit.

XXVII. Sochum beglerbeg. in Georgianorum finibus, a Sinane bassa vezirazeme institutus, anno Christiano 1580.

XXVIII. Batin beglerbeg. ibidem a Sinane tunc institutus.

XXVIII. Reuan beglerbeg. Hunc locū Ferhates bassa cepit & muniuit anno Christiano 1582, creptum Toemaci Sultano, Persicatum parrium principi. Beglerbegus istic primus fuit Cigaloglis bassa, Genuas.

XXX. Somakie beglerbeg. De Somakia, que Chalcocondyli Samachia nominatur, dictum supra, capite 188. Beglerbegatus auctor fuit Osman bassa, anno Christiano 1583.

Postiores autem beglerbegatus hi, bello decennali Persico, quod adhuc geritur, instituti; quemadmodum noui sunt, ita potius nomine tenus sic adpellandi veniunt, nec cum antiquis comparandi. Nunc ordinem naturæ sequendo, prouinciis Asiæ recensitis meridiem versus ab oriente progrediamur.

APHRICAE BEGLERBEGATVS.

I. Cefair beglerbeg. Sedem habet in Algefair, quæ nostris est Algerium, sicuti capite 227 notatum.

II. Tunisi beglerbeg. residet ibidem.

III. Tripoli beglerbeg. domicilium ibidem habet.

Sunt autem Aphricæ duo præterea regna, libro Turcorum vel Osmanidarum (ut ipsi loquuntur inscripta) quæ tamen necdum inter beglerbegatus referuntur, sed potius tributariorum seu feudorum nomine veniunt; Fessa nimirum, cum Marocco.

Nunc ad occidentem, & aquile nem, quæ restent prouinciæ, videamus.

EVRO-

EVROPAE BEGLERBEGATVS.

I. Rumeli Beglerbeg, quem Græciæ vocant. Sedes eius est
Sophiæ Subieciusdē vexillo sangiacatus infra scripti continentur.

- | | |
|--|--|
| 1. Sophia Seruiz. | 12. Salonichi, Thessaliæ. |
| 2. Nigeboli siue Nicopolis. vi-
de caput 51. | 13. Trichala, ibidem. |
| 3. Kircklisse. vide cap. 193. | 14. Misitra, quondam Sparta,
Moreæ. |
| 4. Vyza, Thraciæ. | 15. Palæopatra, ibidem. |
| 5. Kirmen, Macedoniæ. | 16. Iagnia, Ioannina, Etoliæ. |
| 6. Silistra. ibidem. | 17. Deluina. } Achaia. |
| 7. Giustandil. ibidem. | 18. Elbassan } Achaia. |
| 8. Bender, versus Euxinum
Keraiosque Tataros. | 19. Auelona. vide cap. 242. |
| 9. Acherman. vide cap. 159. | 20. Ducaggin. vide caput
206. |
| 10. Vscopia. vide cap. 169. | 21. Iscodar, in Albania. vide
cap. 121. |
| 11. Pristrem, Thessaliæ. | |

II. Denizi beglerbeg, qui & Capitan bassa vulgo, pro maris
capitaneo siue prætore. Sedes ipsius est Gallipoli. Sangiacatus
ei subiecti sunt:

- | | |
|------------------------------|------------------------|
| 1. Gallipolis. vide cap. 23. | 8. Negroponto. c. 142. |
| 2. Galata. cap. 127. | 9. Rhodi. c. 229. |
| 3. Nicomedia. c. 74. | 10. Cauala. c. 44. |
| 4. Limnös. c. 229. | 11. Napoli di Romania. |
| 5. Mityline. c. 138. | 12. Lepanto. c. 175. |
| 6. Chios. c. 229. | 13. S. Maura. c. 178. |
| 7. Nexia. ibidem. | 14. Alexandria. |

III. Budun beglerbeg. Sedes eius ibidem. Subiecti sunt ipsi-
us iurisdictioni sangiacatus hi fere:

- | | |
|---------------------------|-------------------------|
| 1. Nouigrad. | 7. Alba regalis. |
| 2. Filek. | 8. Sexard. |
| 3. Zetschen, siue Zetzen. | 9. Simontorna. |
| 4. Zolnok. | 10. Copan. |
| 5. Gran. | 11. Muhatz. |
| 6. Segedin. | 12. Ziget, siue Saswar. |

13. Petſcheu, vel Quinque ce- 14. Sitrium.
cleſiz. 15. Semendria.

IIII. Temefwar beglerbeg. reſider ibidem. Subieſti ſunt
eius adminiſtrationi ſangiacatus hi.

1. Temefwar. 5. Vutſchitirni.
2. Mudaua. 6. Giula.
3. Vilaoswar. 7. Vidin.
4. Tſchianad. 8. Lipa.

V. Bozna beglerbeg. Sedes ipſius in Bagnialuca. Sangiaca-
tus hi ſubditi ſunt.

1. Bagnialuca. 6. Sazeſchna.
2. Poſchega. 7. Iſwornik.
3. Clifſa. 8. Briſrem.
4. Herzegouina. 9. Allatſchia chiſſar.
5. Lika.

VI. Coffe beglerbeg. Eius ſedes eſt ad urbem Capham in
Taurica Cherſoneſo. Sangiacatus dumtaxat erat initio, begler-
bego Græciæ ſubiectus. Præter Capham, & ei vicina loca, ſan-
giacatus omnes ditione ſua complectitur, ad Tanaim palu-
demque Mæotidem litōs. Sed verum ſi fateri volumus, begler-
begi nomen potius titulo, quam poteſtatis amplitudine tuetur.

Hæc meta regni barbari, noſtrique laboris eſto, quam Dei
propitiꝝ nutu feliciter adtigiffe gaudemus: & eundem ſupplici-
ter oramus, tamdem vt abolere ſanguinariam & impiam tyran-
nidem velit, ac veteris oraculi veritatem euentu comprobare;
quo creditum pluribus ſæculis, Coranum legemue Mahume-
tis gladio ceptam, gladio propagatam, gladio denique termi-
nandam: vt obſtupescens ad operis diuini magnitudinem, &
effuſus in hymnos orbis vniuerſus, accinat:

IMMORTALI ET
OPTIMO MAXIMO
DEO SOLI HONOS
OMNIS ET OMNIS
GLORIA SÆCVLLIS
INFINITIS.

AD LECTOREM



ABSOLVTO tandem operi Turcico visum est adiungere narrationem de obsidione Viennensi, qua Sultanus Soleimanes anno M. D. XXIX hanc urbem gravissime quidem, sed irrito conatu, pressit & oppugnavit.

Nam etsi post sobutam obsidionem typis excusa prodit, & inserta denuo fuit tomo secundo libri, cuius titulus est, Opus historicum D. Simonis Schardij I. C. anno M. D. LXXIII Basilee impressum: tamen quum exemplaria seorsum nulla nunc amplius essent, nec cuiusvis sit, tanta volumina tomorum quatuor comparare: facturum me putavi rem publice utilem, priusim bonis gratam, solum in hisce Turcicis idoneum, maximeque proprium, libello darem. Quippe conservari studiose debet memoria maximi erga Germanos uniuersos beneficii diuini, quo liberatam Viennam e tyranni faucibus eripuit; qui ceteroquin ea capta, late grassaturus in intima Germania viscera, praesentissimo cum reipublica discrimine, fuerat. Nec permittendum, ut illustria ducum, militumque fortium nomina, qui suis urbem, valde tunc debilem, propugnauere consiliis, & ipsorum obiectu corporum; temporis iniuria, quod humanis in rebus fieri videmus, aboleantur.



HISTORIA
 VIENNÆ AVSTRIÆ
 CÆ A TVRCIS OBSESSÆ,
 CONVERSA DVDVM E LIN-
 gua Germanica.



NNO post Christum natum M. D. X X I X.
 die decima mensis Aprilis, immanissimus 1
 Turcarum tyrannus Sultanus Saloymantus,
 maximo cum exercitu, pedestribus equestri-
 busque copiis, aqua terraque instructissimis:
 incredibili omnium rerum, quæ belli vsus
 exigit apparatu, e Cōstantinopoli mouit, quo 2
 Hungaria domita, Austriam, cui auidissime inhiabat, vna cum
 finitimis circumquaq; regionibus in potestatem redigeret, eaq;
 potitus, auctis prospero rerum successu animis, Viennæ, quæ
 magna est, ac præpotens Austriæ ciuitas, aut alicubi per Hunga-
 riæ vasta loca hybernaret, relictis postea hominibus, iumentisq; 2
 recens, appetente vere, liberis Germaniæ populis, indignum fœ-
 dæ seruitutis iugum, imponeret, cui reigerendæ triennium in-
 tegrum destinauerat: proinde aduersus finitimorum circum-
 quaque hostium insidias quibus visum est locis valida præsi-
 dia imposuit. Authorem Cepisiensem ferunt comitem Ioannem, 3
 quondam Transsylvaniæ Vaiuodam, quæ rege Ludouico, mi-
 serandum in modum vna cum exercitu trucidato, dira regnan-
 di libido inuaserat: quocirca malis artibus ambire, callidis con-
 gliis potentes quosdam Hungariæ proceres sollicitare non ac-
 quieuit,

quieuit, donec a suæ factionis hominibus adiutus, regiam coronam, contra ius, phasque inuolauit. Rei indignitate commotus inclytus Austriæ Dux Ferdinandus, ad quem ius regni legitime pertinebat, non magno quidem, sed bene instructo, ornatoque exercitu Hungariam ingressus, hoste profligato, & propriis etiā possessionibus pro iure belli exuto corona de more regni solenniter, legitimeq; potitus est. Hinc Comes Cepisiensis resq; bona destitutus, desperatis rebus, inexpiabili sese scelere obstringere non dubitauit. Patriam prodere, vt exitiabilem Christi nominis hostem, Germaniæ immitteret, ausus est. Turca itaq; cum exercitu ad Albam Græcam, quæ portæ instar Christianis nationibus semper habita cum venisset, Comes Cepisiensis, fatale patriæ malum, pessimis artibus nunquam non deditus, natiuo Germani sanguinis odio præceps, legatos mittit, qui crudelissimo hosti tutum per Hungariam iter indicarent, rationem ac viam affligendæ, vastandæq; Germaniæ præscriberent: quos tantæ proditionis authores, cum Turcarum Cæsar summa cum voluptate audiisset, inito vtrinq; nephario fœdere, testis ingētis ac nouæ lætitiæ vlulatus per Turcarum agmina exortus est. Ter humum proni deosculabantur: omnibus igneariis tormentis, quas bombardas vocant, lætitiæ signum dabant. Ipsorum numini fufis precibus, gratias agebant, quod ea hora Hungariæ regnum, ac populi cum Turcis fœdus amicitiamque coierint: deinde Turcarum Cæsar exercitum recta ad Budam duxit, cui in itinere Cepisiensis Comes, haud ita magna cum militum manu se coniunxit, se, regnumque patriæ proditor consceleratus, in hostis fidem ac manus commendauit, recepitque vniuersam Hungarorum nationem auxiliaria arma, aduersus Teutonum populos, vltro laturam. Quæ Turcarum tyrannus in eam partē accepit, vt quoniam satis sciuerat, illius technis Ludouicum regem trucidatum, nepharias in regno actiones non semel agitas, a proditoris quasi aspectū refugeret, abhorreretque: neque ita magno plausu acceptum, Budam vsque a tergo exercitum sequi compulerit, a suis disunctum. Et quo facilius Hungariæ

regno, cui inhiabat, potiretur: edicto publico promulgauit. Quicumque Ioanni Cepifienti Gomiti, quem regem appellabat, cuius in regnum vindicandi gratia, sese venisse pradicabat, se non dederet, obtemperaretque, eum sese ferro, flammaque aboliturum. Qui vero dicto audirent, regique parere in animum inducerent, iis pristina iura, immunitates, libertatemque pollicebatur. Quibus minis coactæ ciuitates, Quinqueecclesiensis, Alba regalis Pestensis, aliæque præterea multæ sese, nihil reluctatæ, hosti dedidere.

Sola Buda, præsidio duorum vexillorum, quæ Christophorus Pestlerer, & Ioannes Traubinger, Capitanei ducebant, freta, hostis minas contemnere ausa: circumfusa Turcarum agmina, aliquot dies fortiter repugnando, remorata est tam diu, quoad iugi hostium oppugnatione debilitati, fracti, speque contra tantos impetus tuendæ vrbis, destituti milites Germani, ad arcem refugere, ultro vrbe hosti relicta. Arx porro ad voluptatem magis, quam vim instructa erat, neque natura, neque hominum opera satis munita, proinde factum, vt de ea seruanda diffidentes, de salute quæ in vltimum discrimen vocata videbatur, cogitarent. Ideo conditiones quas, si arcem vltro dederent, Turcarum tyrannus tulerat, acceperè, arcem in hostium potestatem dedere. Erat autem in conditionibus, Turcarum Cæsarem, si arcem traderent, omnium saluti, vitæque parcere decreuisse, comites in super daturum, qui saluos eos ad suos perducerent. Firmatis itaque, signatisque propria Turcarum Cæsaribus manu literis, fidentes milites, relicta arce prodire, acceptisque conductoribus, abitum parabant, sed infelices qui perfidi hostis datam fidem, tutam existimarint. Vix portas vrbis egressi, a lanizeris, (sic illi Prætorianos milites vocant, rei militaris expertissimos, in quibus spes omnes rerum gerendarum sitas habent) excepti, circumuentique, armis primum, bonisque exuti, nudique dimissi, deinde haud ita longe a Buda crudelem in modum trucidati: ægre ex omnibus sexaginta dilapsi, seruatiue, perfidix plusquam Punicæ testes euasere. Occupata Buda,

Buda, Turcarum Cæsar recta exercitum ad Viennam adducere properauit. Budæ Cepisienſem Comitem, & Ludouicum Gritti Veneti ducis filium nothum, cum quinque millibus pedum, tribus equitum, reliquit. Quæ ad Danubium fixæ arces, 5 caſtella, oppida, vrbes, vltro hoſti paruerunt; in quibus Pîntenburgium, Strigonium, Comaronum, Altenburgium, ita munitæ arces exiſtunt; verſi ea, quæ debuerat, in earum præfectis fides, probitasque fuiſſet, & præcipue, ſi Strigonienſis Archiepiſcopus, fœderum ſacramentorum que oblitus, ſui ſaltem 10 officiij, nominisque memor eſſe voluiſſet, arcem ſitu, atque munitiſſimam, & ad inhibendum, crudeliſſimi tyranni impetum appoſitiſſimam, non vltro apertam, præſul Chriſtianus, exitiali Chriſti nominis hoſti obtuliſſet, adque illius partes deſciuiſſet. 15 dierum aliquot moram ſane Turcarum Cæſari obieciſſet, quoad regia maiestas vndique contracto, quam poterat validiſſimo exercitu, aduerſus hoſtium immanes copias ſeſe armaſſet, firmiſſetque: tantam cladem reſpub. Chriſtiana non accepiſſet, Aultria, ferro, ignique vaſta non iaceret, tot hominum millia, per ſummam crudelitatem interfecta, non deſiderarentur; irreparabilia damna declinaſſemus.

Hic nihil ceſſans Turcarum Cæſar, mira celeritate Viennam verſus contendit, eamque viceſima ſecunda die Septembris, nona hora, ante meridiem, aliquot millibus equitum, abſque vlla intermiſſione, quoad reliqua immenſi exercitus moles conflueret, obequitari tentariq; fecit. In vrbe sæpe ad arma ſignum datum, quo ſecuri militum animi, ad obeunda, ſuſtinendaq; futura prælia, actiores vigiliantioresq; deinceps concurrerent. Quæ cum inſperata omnium animis accidiſſent, militiæ præfecti, & a conſiliis, de vrbe tenenda conſiliū inierunt: cumq; vndiquaq; 30 ſuburbis cinctæ eſſet, quæ hoſtium inſidiis opportuna vibi deſendendæ obſtare videbantur; decrevere incendenda, diruendaq; quod cum non ſegniter milites eſſeciſſent, atq; adeo perpetuo quatriduo, effractis foribus ædium, direptis, hoſtilē in motum, inſoliciū ciuium bonis, vino, quo ea vrbs abundat, partim

excepto, partim in terram effuso, pulsat dominis, si qui sua ser-
uare studebant, octingentas domus subruerunt. Deinde militiæ
præfecti, a consiliis, tribuni, milites, vnanimi cōsensu, sacramen-
to fœdus pepigere, sese urbem pro virili tueri velle, seruareque
tormenta, quæ amissa, magno hosti adiumento forent, ad reli-
quias Germanicæ nationis superandas. Et omnino pro Christi
fide religioneque, si quis casus vocaret, vna strenue pugnando
aut vincere, aut fortiter occumbere.

Hinc ad hostem ab vrbe depellendum, versa consilia; muni-
ta variis operis mœnia: sua, quam tueretur, cuiq; Duci designa- 10
ta urbis regio est. Illustrissimus Princeps, Comes Palatinus
Rheni Philippus, Bauariæ dux &c. qui ultro præsentibus peri-
culis caput suum obicere non dubitauit, centum equitum tur-
ma tempestiue Viennam ingressus, quod eius patruus Frideri-
cus, comitiis Spirensibus, aduersus Turcas omnium principum 15
consensu, supremus capitaneus ac Dux electus, subito hostium
aduentu exclusus, Crembsij resedisset, in eius locum nepos sus-
fectus, cum reliquis sacri Imperij ducibus, qui XIII vexillis pe-
ditum præfuerunt, eam urbis partem, quæ a porta est, quæ Hun-
gariam versus patet, & Stubarum nomen sortita est, ad turrim 20
vsque Rubeam, quam vocant, defendendam suscepit. Eck a
Reischach, cuius ductui tria millia peditum paruerunt, portam
Carinthiam, quæ ad hostium vim minus munita, fidelius præ-
sidium exigebat, ad Augustini ædem suorum robore vallauit.
A quo Abellus ab Holeneck, qui Stiria auxilia ductabat, duo 25
vexilla peditum, regionem Urbis, quæ ad arcem vsque sita est,
cum suis insedit. Arcem Leonhardus a Vels, cui imperatori Ve-
terani per Hungariam variis casibus exerciti, obtemperarunt:
hortorum arcis Maximilianus Leisser partem tuebatur. Arcis
item portam, ad vsque Scotorum portam, & Iudæorum turrim, 30
occupauit.

His in subsidium, si qui casus vocaret, quatuor Urbis arcis,
quingenti equites Austriaci subornati: vtrinque præterea ad
Scotorum portam Ioannes a Greifneck, & Ioannes Hauser dua-
rum

rum vr̄bis regionum, ciues substituerunt: reliqui ciues præfecto
 ciuium, & iudici parere iussi, quibus restringendi incendij, si
 quod exortum esset, partes datæ. Reiprechtō ab Eberstorff, qui
 duobus vexillis præfuit Austriacis, regio vr̄bis, quæ a Iudæo-
 rum turri tenet, & *im Ellends* germanice appellatur, concedita.
 Inde Hispani milites ad Carinthiorum portam, vbi maius
 periculum vr̄bi imminēbat, virtutis ergo, & ob tormentorum,
 quos arcubusos appellant, copiam accersiti sunt. Reliquam vr̄-
 bis partem, qua Danubius præterlabitur, ad turrim vsque Ru-
 beam, & Imperij auxilia, Ernestus a Brandenstein, quem duo
 millia Bohemorum secuta sunt, vna cum Wilhelmo a Warren-
 burg, & Comite Ioanne ab Hardeck, qui ducentos equites du-
 cebat, infederunt. Duces, militiæ præfecti, & a consiliis, nobi-
 lissimi atque optimi quique, quod magnus metus animos o-
 mnium inuaserat, vtrinque ad Carinthiorum turrim pulueri-
 bus submotis, mœnia subrutum, diuulsūque iri, vbi summum
 periculum erat, ibi summopere excubandum rati: inter quos Io-
 annes Caciāner fuit, Stiria & Carinthia auxilia: Caspar item
 Ritschan, & Sigismundus Leysser cum duobus vexillis mili-
 tum, a Carinthiorum porta ad diui Augustini ædem in o-
 mnem euentum instructi paratique consistebant. Cum porro
 descripta munia, quisque obissent, delegatasque vr̄bis regio-
 nes occupassent, tormenta ænea producta, perque vr̄bem, mœ-
 nia ac turres distributa, præcipue autem super Carinthiorum
 turri collocata instructaque sunt, quorum aliqua crebro iacu-
 landi impetu puluerum vi rupta dissilierunt, neque vllus fa-
 ne locus ad vniuersum Turcarum exercitum circumquaque
 impetendum vexandumque oportunior fuit. Indeque adeo
 maxima damna Turcis illata plerique ex captiuis affirma-
 runt. Portæ vr̄bis omnes clausæ, communitæque fuisse, v-
 na Salis porta, qua ad Danubium itur, aperta, vnde eruptio,
 si qui casus tulisset, fieri posset. Nauigia bellica celocesque
 optimi regis Ferdinandi prouidentia, maximis impensis a fa-
 bris Italis, aduersus Turcarum Nassadiastas instructa armata-

que, in naualibus exusta, concisa, ac submersa sunt. nautæ enim Itali, qui in spe erant, frustra expectabantur. Ad murum proxima ædificia, quæ gerendis rebus ob stare videbantur, solo æquata. Lignæ tegulæ, ne exceptis malleolis, ac sulphuratis iaculis, incendium alerent, circumquaque deturbatæ. Iacti præterea aggeres ab ea urbis parte, qua hostis præcipue timebatur, ut si etiam mœnia subruta forent, unde se defenderent, haberent.

Interea dum hæc fierent, qui Turcæ exercitum præcurrerunt, pernicious equis freti, nostros assiduis incur sibus exerce-¹⁰ bant, quibuscum toto triduo acriter nostrates equites congregati, quidam captiuos trahere, cæ sorumque capita in urbem referre: nulla ab armis quies, nulla intermissio fuit, donec immanibus hostium copiis, campi circumquaque completi sunt. Vicesima tertia die Septembris, equitatus nostri eireitor quingen-¹⁵ ti, per Stubarum portam, quæ nondum clausa erat, progressi: cum hoste ad diui Marci ædem concurrerunt, & cum hostium ingruentium impetum non ferrent, auersi sese ad mœnia propinquuerunt. Eo prælio tres nostris cæsi, septem capti fuere, in quibus Comitibus Ioannis ab Hardeck vexillifer Christophorus²⁰ Zetliz fuit, qui ab equo deturbatus, vexillum alij, qui ad urbem referret, commississe fertur. Turcæ, tribus, qui ex nostris cæsi, capita abscidere, tribus item ex iis, qui quatuordecim, ad Diui Marci ædem, mille passus pro Stubarum porta in ptichodochio leprosi ægrotabant, interfectique sunt, capita ademerunt,²⁵ quæ pilis totidem præfixa, captiuos equites ad Turcarum Cæsarem ferre coegerunt: qui cum ad Cæsarem Turcarum perducti constitissent, eos interrogauit, an non essent principes, ac gerendarum rerum, militiæque præfecti, urbem dedituri: cui responderunt captiui, obfirmatum esse apud omnium animos,³⁰ obsidionem tam diu tolerare velle, quoad vitam, spiritumque ducere queant: quo sermone Turca perculsus, deinde quanta hominum vis intra mœnia esset, item interrogauit. Responderunt, Doryphoros xx millia esse, equites duo millia. Tum

ubi Rex eorum esset, quæsiuit. Lincij eum agere responde-
 runt, idque oppidum ad ripam Danubij xxxiiii millia long-
 gea Vienna situm esse. Ad hæc Cæsar, Quæram illum etiam si
 in medio sit Imperio, ac reliquos Germaniæ populos inuisam.
 5 Percontatus præterea est, suburbia quamobrem exusserint.
 Fieri enim non posse, ut urbem seruent, se nihil dubitare, quin
 positurus sit. Ad quæ illi, se nescire responderunt. Interim no-
 stri, duobus e captiuis Turcis, velatis oculis, per ciuitatem du-
 ctis, liberam ad suos redeundi potestatem fecerunt. Quo fa-
 10 cto vexilliferum, cuius ante mentionem fecimus, egregie au-
 rata sericiaque veste adornatum, cum tribus e captiuis, quibus
 trinos ducatos dono dedit, salu is xxxiiii die Octobris ad vr-
 bem remisit, in mandatisque dedit, quo dicerent militiæ præ-
 fectis se, si ultro ciuitatem dederent, cum eis pro mœnibus pa-
 15 cisci velle, oblati bonis conditionibus: neminem ex suis in-
 tra ciuitatem intromissurum: nullius rem, salutemue offen-
 surum, eorum qui in vrbe essent: quod si facere recusarent,
 negauit se inde discessurum, quoad vi armisque expugna-
 tam occupet, ex omni ætate minores, maioresque natu tru-
 20 cidet, urbem igni in cineres redactam, solo æquet. Subiun-
 xit præterea, ut dicerent, quando vnus Deus sit, qui cœ-
 lestia moderetur, æquum esse, vnum caput, vnum princi-
 pem orbi terrarum imperare. Eum sese esse velle, vitamque
 acerbam habiturum, quoad illos, vniuersamque Christia-
 25 norum nationem armis subegerit, suæque ditioni parere co-
 egerit. Ad quæ cum nihil prorsus responderetur, instructis
 ordinibus exercitus robur Viennæ admouit. Oppidum
 Pruck & arcem Trautmansdorff, quod resistere tantis viri-
 bus desperabant, iustis rationibus nihil reluctantes, in de-
 30 ditionem accepit, nemini quicquam damni fecit, inque
 discessu etiam ab omnium bonis temperauit. Quibus locis
 occupatis, ex infinita multitudine prædonum exercitum,
 circiter triginta millia, Michaloglio Bassa duce, (Hi nul-
 lis stipendiis militant, ab reliquo exercitu pernicious equis

effusi, oppida, pagosque incendunt, & prædam agunt) longe lateque amandauit. Quocirca Stiriam penetrantes, & ex altera Danubij ripa, ad Laureacum vsque, peruetustum superioris Austriæ, supra Onasum flumen oppidum, peruadentes; inaudita efferrata immanitatis exempla edidere, dies, noctesque, iugibus incendiis continuarunt: prædam ex hominibus, iumentis, pecudibus, reque familiari egerunt, nullum crudelitatis genus interim omittentes, cæsis crudelem in modum, quos captiuos ducere posse desperabant: in mulieres, ac teneram ætatem omnilibidine intemperantissime abusi: prægnantibus exciso vtero fœtus eripientes, partim terræ alliserunt, partim hastis præfixos sanguine rorantibus deferebant: ex præda quæ ferre non poterant perdiderunt.

Obsessa autem Vienna est xxvi die Septembris, aqua terraque circumcirca, immanibus Turcarum agminibus, vt ex edita Diui Stephani, elegantis, vetusti ac rari operis pyramide, vnde longissime prospectus patet, humani oculi acies, exercitus magnitudinem superare, comprehendere, metiriue nequiverit. Ad decem millia passuum densa tentoria, circiter viginti quinque millia numero (sic enim fere compertum est) posita tenebant. Ipse Turcarum Cæsar, ad Diui Marci, quæ ædes in via, quæ itur in Hungariam, sita est, castra metatus vsque ad Schuechat, & arcem Trautmansdorff; Imbraim Bassa supremus Turcarum Cæsaris a secretis, & capitaneus, ac rerum pene omnium gubernator, a Danubio ad vsque Viennæ montana, castra habuit. In medio Turcarum Cæsaris exercitu, quemadmodum verissimis authoribus didicimus, tercentum ænea tormenta, quas bombardas vocant, collocata: vallo, fossaque circum castra munita, & ad prælium parata, instructaque omnia. Cæsaris castra, magnifice intus, de gentis more, auleis, aureis puluinibus adornata, foris auratis fastigiis collucebant, quæ quingenti circumstipabant satellites, arcubus armati: ante tormenta mediocri relicto spacio, robur exercitus, quos lanizaros vocant, consistebat. Hi feruntur magna apud

apud Turcarum Tyrannum autoritate esse, in quibus spes omnis victoriæ pendeat, quique eligendi Imperatoris potestatem habeant. Numero xii millia fuere. Deinde Bassæ, duces, & capitanei, ex Natolia, id est minore Asia, Bossena, aliisque Turcæ subiectis prouinciis, post mœnia ad Cœcium montem vsque obsidebant. Nassadistæ, qui celocibus, actuariisue nauibus freti, aduerso flumine, Danubium tenerent, ripam fluminis ad Nussdorff vsque v millia passuum a Vienna occupabant. Vbi porro Turca animaduertit, eam vrbs partem, qua Carinthiorum prostat turris, vt infirmiore, nostrum præsidium fortiter infedisse, indeque torquentis suos milites præcipue impeti, vexarique: eo vim omnem contulit exercitus sui, turrim expugnare conatus: in suburbis, quæ exusta a nostris militibus, solo, ob subitum hostium aduentum, nondum protus æquata erant, magnam vim tormentariorum exercitissimorum collocauit, qui perfossis muris, post quos latebant, tuti, nostros e mœnibus eminentes, certissimis ictibus impetuerunt, multosque adeo insidiarum rudes confecerunt; quoad damno icti cauerunt, ne quis appareret. Grandiora tormenta post suburbia constituit, quibus aduersam Carinthiorum turrim vehementissime impugnaui. tanta interim, ad grandinis speciem, sagittarum vis effusa est, vt proxima muro tecta, densa iaculorum segete completa horrerent. Vicesima deinde septima die Septembris Nassadistæ quingentis celocibus Danubij pontem inuasere, occupatum exussere: (etsi non vanum est, nostros quoque priores, partem pontis subruisse) ibique in ripa castrametati, iter aduehendi commeatus, intercluserunt. quod vbi a nostris animaduersum, equitatus cum tribus millibus peditum urbem egressus, prælio hostem lacessuit. sed cum nostri tormentorum grandiorum parum secum produxissent, hosti in fugam verso haud ira magnum damnum intulere. Eadem die Fridericus Rhæni Palatinus, cum Wolfgango item Palatino, ad Cremsium appulsi; qui si maturius venisset, magnum nostris consilio & armis subsidium adiun-

xisset. Cum autem certis authoribus pontem exustum dirutumque cognouisset, cum plerisque aliis Cremsij inuitus tefedit. Interclusis itaque aqua terraque itineribus, vt nihil neque inferri, neque efferi potuerit, circumquaque omnibus hostium copiis refertis viis, reliquum fuit, vt in vltimum discrimen; vocati, nostris corporibus, qui pro hostium ingentibus copiis sane parua manus fuimus, hostilem impetum in omnem casum sustineremus. Quantus autem strenuissimi cuiusque animus timor, quanta denique vitæ ac sanguinis vilitas inuaserit, qui vtrinque res ex æquo æstimauerit, facile considerabit; 1. præsertim si expenderit, Viennam neque natura loci, neque arte hominum satis munitam, muro tantum aggeri inposito, veteri ac vix sex pedes denso, vallatam; ad quem sicco pede aditus militi pateat. Accedit, quod vrbs bene magna, vndique imminenti hosti præsidia varia opponere necesse habebat. Erant autem qui in vrbe tuenda occupabantur milites, non plures x v i millia. Accedebant ciues, quorum multi non comparebant. Nam cum inutilem militiæ sexum, vxores, paruos liberos, matres, propinquos, senio ac morbo confectos, pie prosequerentur, iis ereptis ad communes fortunas 2. defendendas redituri; hostis inusitata celeritas illorum consilio obstitit. Turcarum vero, cum exploratores nostri, tum illorum captiui, pro vero retulere, tercentum millia fuisse; qui si, vt solent, vno impetu vndiquaque ad mœnia successissent, tam pauci ne sustinerent oppugnationem, magnus metus inuaserat. Qua re nihil deterriti, generosi animi Principes, Philippus Comes Palatinus, & qui vices Regis agens, summus Imperator designatus erat, Comes Nicolaus a Salm natu grandior; Wilhelmus a Rogendorff, ac cæteri militiæ præfecti, & a consiliis tam paucorum militum virtuti non diffisi, intra urbem ita affectam strenue perseverandum decreuerunt.

x x x autem die Septembris, qui Diuo Michaeli festus fuit, duo millia quingenti milites per Carinthiorum portam, eruptio-

eruptione facta, Turcarum circiter ducentos, Duces item
 duos interfecere, cum e nostris non plures tribus desidera-
 rentur: quod si dimidia hora antè urbem exiissent nostri,
 Imbrahim Ducem, quem Bassam vocant, urbis situm specu-
 5 lantem, comprehendissent; qui omnium Turcarum Impera-
 toris actionum, consiliorumque gnarus, non poenitenda præ-
 da venisset. Hispani interim, alique milites, aliquoties pau-
 ci numero, plus minus quinquaginta urbe egressi, per vine-
 as plerosque hostium ex insidiis imprudentes oppræsserunt,
 10 ac spolia tulcrunt: non raro ipsi tamen temeritatis suæ poe-
 nas dedere.

Iam spe urbem Turca deuorauerat; quippe qui terrori fo-
 re omnibus tam immanem potentiam putarat: quibus in fu-
 gam coniectis, urbem desertum iri, aut certe minis coactum
 15 iri, sibi cettò persuaserat: ideoque tormenta ænea, quibus ten-
 tata moenia subruui solent, in naues imposita, a tergo dimisit.
 Cum autem præter opinionem præsidia urbis impauide hosti
 resisterent, alia via aggrediendum duxit: cuniculis actis, ma-
 gnâ vim puluerum muro subiecit; malleorum atq; ignitarum
 20 sagittarum magnum numerum in urbis fastigia effudit. immi-
 sit præterea Germanos quosdam pecunia corruptos, qui ur-
 bem (quod tres deprehensi in quaestione confessi, qui decimo
 septimo die Octobris iusto supplicio, in quatuor partes laniati
 sunt) variis locis, præscripto tempore incenderent. quo, cum
 25 omnia incendio miscerentur, ipse disiecto muro, aditu fa-
 cto, perturbatos opprimeret. Quod consilium haud eos
 clam fuit, qui rebus gerendis, in urbe inuigilarunt. Neque
 enim nisi mediocribus tormentis impetebat hostis, ac ma-
 nuariis, quos arcubusos appellant, ad omnium admiratio-
 30 nem, diu noctuque, nulla intermissione certissimis ictibus
 imminebat. quæ muros labefacere, subruereue possent, nul-
 la audiebantur. facilis itaque coniectura fuit, more suo
 Turcam variis locis, actis cuniculis, petrossoque muri funda-

mento, pulueribus adhibitis, ruinam aditumque moliturum. Qua vero vrbs parte penetraret hostis, nesciebatur; quoad Turca quidam ad mœnia, prope Fibri quam vocant turrin, ultro se offerens, prima Octobris die bene mane deprehensus indicium fecit. quo edocti Duces, aduersus hostium cuniculos, fodere instituerunt: neque infelici successu, ad Carinthiorum turrin, quam summopere Turcæ solo æquare conabantur, Turcarum operas nostri exceperunt; iisque propulsatis, magnam vim pulueris, ut quidam autumant, ademerunt. quæ res Turcarum Imperatori, magnæ admirationi mixtum terrorem attulit. Christianis parentibus se natum index fassus, de variis rebus interrogatus, verissime respondisse repertus est. Nam a pueris inter Turcas educatus, plurima eorum consilia callide imbiberat. De Turcæ consilio interrogatus, respondit, decreuisse urbem, disiectis puluerum submotorum vi turribus, 15 violenter derepente capere: docuit loca, quibus perfodere pararet: de tormentis respondit: terra quadringenta ænea tormenta aduecta esse, quæ pugni magnitudine globos iaculerentur, ac maiora etiam quædam: aduerso autem Danubio, non plura subornata decem prægrandibus x x pedum longitudine. Denauigiis Turcæ respondit: Imbrahim Bassæ sexaginta naues parere: Turcarum Cæsaris nauium, se numerum nescire: Nassadistarum autem, quadringentos esse: omnibus porro nauigiis quinque armatorum millia ascripta: prægrandia quædam aliquot retro a Vienna milliaribus, relictæ. 25 De numero militum ait, ferendis armis idoneorum centum millia esse; in quibus x i i millia Ianizatorum, qui Imperatorem Turcarum stipent; sex item millia, qui Imbrahim Bassæ ad sint: horum armaturam esse, tormenta manuaria, arcus Parthicos, & pila non admodum longa; reliquos equestres esse. De summa mortalium, Turcarum exercitus interrogatus, circiter ter centum millia, numerari affirmavit. De camelis deinde, viginti millia agi respondit, pabulo, farina, armisque onusta: neque ultra milliare vnum, vniuerso cum exercitu,

exercitu, hominibus, iumentisque defatigatis, proficisci posse Turcam asseruit. Multi capiti Turcæ quæstioni adhibiti fuerunt: sed hoc diuinitus (sic enim credere phas est) oblato indice, nihil veracius, præsentique rerum discrimini salubrius fuit. Ideoque virtutis ergo Generosus Heros Guilhelmus a Rogendorff, quoad viueret, homini victum amictumque pollicitus est. Huius porro indicium secuti Duces nostri, quibuscunque locis hostium operæ cuniculos agere parabant, diu nocturneque suos in contra fodiendi opere continuere; ita ut utrinque quatuor pedum spatio aliquando concurrere viderentur.

Quarta Octobris die, Turcæ adeo vehementibus omnis generis tormentorum fulminibus urbem concusserunt, ut in stuporem veteranos, ac multo rerum usu peritissimos exercitissimosque milites conicerent; qui se tantum tamque horribilem fragorem, nullis bellorum casibus vnquam expertos affirmarunt. Interea temporis hoste in agendis cuniculis occupato, nostri circiter octo millia rei sese bene gerendæ occasionem natos rati, sexta die Octobris, quo hostem suburbiis arcerent, & agentes cuniculos explorarent, per Salis turrim erupere: multos e Turcis in suburbiis pro arcis porta, & Carinthiorum turri trucidarunt. Exiit interea quidam inauspicato clamore, strenue aduersus hostes irruentes reuocans, quod ordines componere, & aciem instruere consilium esse diceret. quo clamore, ceu panico terrore externatis repente militibus, receptu fugæ simillimo ad urbem trepidabatur: adeo ut denso fugientium agmine, multi in vallum fossamque deuolui, propriis armis, alij grauer saucij, alij occisi fuerint. Ea eruptione Wolfgang Hag, qui Dux, vexillo vni præerat, cum quibusdam primi ordinis militibus, & Hispanis, (qui primi sese omnibus periculis offerre ausi fuerunt) cum reliquos a fuga dehortatus, sese ut sequerentur Germani animi, ac fugæ nesciæ virtutis memores obtestaretur, longius in hostium insidias præcipitatus, destitutusque, fortiter pugnando oppetiit. Eadem die circa meridiem Turcæ camelos, sarmentis onustos, ipsi quoque onera baiulan-

res, ad mœnia adegere. fossas impleturi videbantur, quo facilius aggerem exuperarent: sed nescio quomodo hosti certe consilium displicuit. Nihilò secius nostri instructa acie, suo quisque ordine, locoque hostem opperiebantur. Eck a Reischach strenuus miles, tres ea die glandes plumbeas, aduerso pectore excepit. summi Dei beneficio, ac ferrei thoracis, loricæque bonitate rectus, incolumis seruatus est.

Octaua porro Octobris die, ac pridie ante vtrique ad Carinthiorum turrim per murum cuniculos egere, fundamentaque muri incidere; hac arte rati, mœnia suppositis excussa pulueribus, intra ciuitatem prolapsura nostri, rerum non ignari, præualidas trabes circumquaque muro admouerunt. quo factum vt incensis pulueribus disiecta mœnia, nostris indemnita foras prolaberentur. Dirutam muri partem subinde qui in vrbeerant, vt res ferebat, sarmentis ac trabibus, refecerunt. curæ omnium, magis ac magis ad vigilandum intentæ. Duces ipsi ad laborantem vrbis partem excubarunt. nulla quies, nullus oculis somnus capitur: perpetuus hostis amoliendi animos defatigat labor: iam prodicionis suspicio, iam incendiorum metus, ducum vexat mentes. Eadem die, quidam e Turcis captus est; qui capitis periculo affirmavit, Turcatum Cæsarem non ultra decem dies ad Viennam fore. quod verum esse euentus docuit. Postero deinde die mane infra Carinthiorum portam hostes per foramen in urbem summa vi penetrare conatitandem a nostris propulsati. A meridie circiter tertiam horam iterum tormentis æneis fulminare cœperunt; & murum prope Carinthiorum turrim, e regione Diuæ Claræ, duobus locis puluerum vi subruerunt. in ipsa interim muri ruina magno conatu aggerem superate, & per apertum murum inuadere parabant. Fortiter nostri hostem sustinuerunt, multi Turcarum occisi: Hispani quidam, Germanique milites, vna cum muri parte, cui insitebant, eicæti, deuolutique, fere salui euasere. Hic raro casu, quidam tormento ictus, pro mortuo habitus; deinde illæso corpore in illius marsupio, plumbeus globus inuentus est. A nona Octo-

na Octobris die ad duodecesimum, nulla intermissione, tormentorum assiduis ictibus cuncta personant: subinde ad mœnia traditur; neque in vrbe cessatur: vehemens vtrinque certatio; ab vrbe omnis generis tormenta in hostes effunduntur. Muscis interim instrumentis, tubis, tibiis, cornibus, fistulis ac tympanis, infractum impeterritumque animum nostri significabant.

- Duodecima deinde die Octobris, ad Carinthiorum portam ex altera parte, Stubarum versus quam vocant portam, iterum Turcæ magnam muri partem deicere; neque vno tantum loco fumus apparuit. quod indicio fuit, pluribus locis, subiectis pulueribus, hostem simul mœnia subruere conatum. Sublato illico vexillo, Hispani Germanique milites, fortiter sese hosti ostentant. sed Turcæ terrore perculsi, neque diu, neque ita magna vi, nostris negotium facessabant: ad oppugnandumque, quod e speculis ac turribus quidam in vrbe viderunt, Turcarum Duces frameis fustibusque suos milites pulsatos, adigere nequaquam potuerunt: si qui ad fossam adacti, illico fugam retro arripuerunt. quam nos potentem manum summi Dei fuisse interpretamur; qui cor virtutemque adimit, quando, quibusque voluerit. Statim post subruta mœnia, Turca, Carinthiorum turtim prægrandi ac violento tormento aggressus, certissimis ictibus, lapideis globeis, fastigia turris impetuit, deiecitque; sicque nostris Bombardarum præfectis, defendendę vrbis, ex ea parte, quæ sola igniariorum tormentorum capax erat, & vnde magnam cladem hosti obtulerant, facultatem ademere. Quamquam per noctem, quoad fieri potuit, admissa damna refecere: complera fimo vasa muri instar opposuere, sub quibus tuti hostem vexarent: quorum tamen multi insigniter petiti a Turcis, manuatiis tormentis icti, occubuerunt. Continenter interim Turca oppugnationem virgere, suos animare, cohortari, impellere, vt superato muro urbem (quod facillimum factu erat) caperent. Decreuerat enim Turca, antequam infectis rebus, se in Hungariam reciperet, id quod e captiuis cognouimus, omnibus viribus, vndiquaque urbem aggredi, atque

ultimam oppugnationem experiri, quod nostris magnum metum attulit; fecitque verisimile, quod a decimo secundo Octobris ad XIII ab oppugnatione temperabatur. Hic varij vulgo, ut in magno metu, tumores spargebantur. Cerrum erat, Turcam, antequam infectis rebus discederet, omnia moliturum; quando subritis in immanem aditum muris, diurnis nocturnisque oppugnationibus, nihil prorsus profecisset, per cuniculos in urbem inuasurum; derepente ex insperato nostros oppressurum, vndiquaque emergentibus e cellis vinariis, per insidias, hostibus, plerique suspicabantur: timebatur præterea, ne stationes militum, subiectis pulueribus disicerentur, non sine magna nostrorum clade. Sed pro sui populi salute, si unquam aliàs, hoc tempore sane excubavit summus Deus; qui animos nostrorum auxit, atque hostium audaciam repressit; monitumque hoc exemplo Christianum populum maluit, quàm funditus perditum. Nam XIII Octobris, contra omnium expectationem, hostes iterum, igniariis manuatiis, ac item grandioribus instare, ac magnam plumbeorum globulorum vim, ad glandium speciem, oblongorum, in urbem iaculari. Decima deinde hora noctis, incensis castris (quod e quibusdam Christianis, qui effugerant, percepimus:) magno ululatu, (quem fuisse captiuorum existimabamus, generis ac nominis nostri Christianorum, qui spem magnam fouebant, se tandem aliquando liberatum iri: sed valde sua miseros sefellit opinio: siquidem in fuga partim arrepti, in perpetuam seruitutem; partim crudelem in modum concisi, ac laniati, oppetiere) fugæ simillimum discessum properarunt. Merito itaque generosis ac fortibus militibus summi quique honores haberi debent; qui gratia summi Dei, suo robore, Christiani sanguinis sitientissimum hostem remorati, & a Germaniâ, quæ firmissima est Christianæ Reipubl. pars, suis corporibus excluderunt. Quod si Viennam Turca cepisset, igniariorum tormentorum ornatissimam instructissimamque copiam in suam potestatem redegisset; eo ipso anno, per autumnum in superiorem Germaniam facile

facile penetrasset. quam si occupauerit, quod Deus nolit, actum est de Christiana libertate; sub omnium grauissimo tyranno, durissimam Christi fideles seruitutem tolerabimus. Atque adeo, ut longius progressurus non fuerit, Viennam certe ita aggeribus muroque communiisset, ut per hincem ibi resecto exercitu, primo vere, iusto bello Germaniam laceessere expeditissime potuerit. Constat enim, eo consilio Turcam Viennam venisse, ut ea occupata, toto triennio Germaniæ bellum faceret, in eaque cruentam tyrannidem, pro libidine, innumerabili hominum ex omni ætate iactura expleret, omnia igni ferroque vastare redderet: quod pro dolor iam nimium sæpe experti sumus, ac iam recenti vicinoque magis Austriæ periculo ac clade moniti, e somno vel veterino potius, expergeri debemus. Vidimus his oculis, oppleta omnia loca cadaueribus, fœdis vulneribus crudelissime consauciatos; nulli sexui, nulli ætati temperatum. Exempti matrum aluo fœtus allisi, parui pueri frameis dissecti, hastis transfixi: virginibus mixtæ matres, post abominabilem execrabilemque abusum, horret mens dicere, a ceruice resectis capitibus, toto corpore deformatæ. nulla omnino exempla immanitatis extare, nec excogitari quidem posse existimo, quæ non ediderit in nostri sanguinis fratres truculenta belua.

Tempus itaque est, Viri Christiani, ubicunque terrarum Christo viuitis; tempus inquam est, nos e somno excitari, hanc irati ob nostra scelera, numinis plagam agnoscere, vnanimiter ad Deum conuerti, resipiscere; omisso vanæ gloriæ studio, odium mutuum ponere; monstrosas de fide Catholica dissensiones, & nunquam finiendas disputationes abiicere; in vnum Catholicæ Ecclesiæ sacrosanctum corpus coalescere; & in amore proximi, ac bonis operibus simul, totis viribus, in Christo, qui caput est, vnanimis viuere, orareque ut nobis gratiam suam concedere dignetur, qua armati, immanem hostem, a ceruicibus nostris propulsemus, & deinde oppressis hostibus, quieti, in pace, pie sancteque viuere queamus. Quod si editum in infelices Austriæ Christi fideles exemplum nihil nos moue-

lit, hancque præsentem Dei plagam, ad nos nihil pertinere putabimus: quid aliud quam præsens exitium toti Germaniæ, ac orbi Christiano, pronunciemus? Non, mihi credite, didicit modum habere hostis: circuit omnia, leo rugiens, impotenti animi libidine, inexplebili regnorum cupiditate, insatiabili sanguinis nostri siti: longius semper longiusque progredietur, quoad unus omnia occupabit. quod cum hæcenus fecisse, multorum Regum, Principum, populorum, urbium exitio edocti, tandem scire debemus.

Cum itaque pernoctem (ut diximus) magna pars exercitus discessisset, Veneris die, Imbrahim Bassa, vna cum reliquis ducibus, mane instructis ordinibus, circiter LX mille equitum, in procinctu constitit: nihil tamen ea die gestum. venit in mentem ducibus nostris, quod ante e captiuis audierant, esse hostium voluntatem, ut de redimendis captiuis ageretur, & vtrunque fieret permutatio. Sic enim Imbrahim Bassæ videri illi affirmauerant. mittunt itaque nuncium cum litteris, sibi quoque placere, cum belli ius ita ferret, ut captiuorum ratio vtrunque haberetur. Ad quæ Imbrahim Bassa, suo signo confirmatas literas dedit: quarum exemplum ascribere, visum est operæ precium esse.

Imbrahim Bassa Dei gratia supremus secretarius, supremus consiliarius, potentissimi inuictissimique Caesaris Sultani, Soleimani dux, & vniuersi imperij, ac rerum gerendarum gubernator. Visis litteris, quas nuntius vester nobis reddidit, generosi duces, ac rerum gerendarum præfecti illustres, de voluntate vestra cognouimus. Scitote nos non venisse, vestras ut ciuitates occuparemus: sed ut Archiducem vestrum Ferdinandum quereremus: quem tamen non inuenimus. etsi pluribus diebus in illius expectatione hic morati sumus; non tamen ad hunc usque diem comparuit. heri tres e vestris captiuos libere ad vos dimisimus: similitudine voscum nostris agere æquum est, quomodo nuntium vestrum iussimus ad vos referre. Insegrum porro vobis est, mittere quem vobis visum fuerit, qui de captiuis

primis cognoscat: neque tale in causa de fide nostra quicquam dubitare debetis. Quod vero iis qui Buda in presidio fuere, fidem non seruasse insimulamur, illorum, non nostra culpa, factum est. Data pro Vienna XVII Octobris, Anno MDXXIX.

In mandatis præterea nuncio dedere, sese, ut militares homines decet, iuxta ius belli facere, constitutum habere, quando eo res deuenerit, ut plurima inter eos agenda restent. Tabellario e Damascena purpura, vestem rubeam dono dedere. Eodem die Christophorum Zetlitz, de quo antea meminimus, Comitis Ioannis ab Hardeck vexilliferum captiuum, egregie aureis purpureisque vestibus ornatum, libere ad urbem remittere; eademque de re, ei mandata dedere.

Postridie porro Cæsarem, qui cum exercitu præcesserat, persequutus ea celeritate, ut quinque diebus Budam venerint, quæ XXXII prælongis Germanicis milliariis a Vienna abest; innumeri equi ex fuga mortui corruerunt; nec non e Turcis, captiuisque Christianis, passim in viis plurimi, cum assequi non possent, mortui reperti sunt. Paulus Backitsch, Sigismundus Weixelberger, & Ioannes Cazianer, leui armatura fugientes persecuti, multos ceperunt, plurimos interfecerunt; e captiuis etiam Christianis non paucos liberauerunt: Nassadistæ quoque ad Posonium, ex urbe, arceque, cui præfectus fuit Wolfgangus Oder, impugnati, quibusdam demersis nauibus, magnam iacturam fecerunt. Captiui Turcæ, pro certo affirmarunt, Turcarum Cæsatem maxima damna accepisse, tum quod plurimi ex illius militibus cæsi, igniariorumque vi confecti sunt, multi fame enecti: tum quod equorum camelorumque ingentem numerum amiserit; tum quod singulari virtute præditum Bassam, Ducem e Natolia, id est minori Asia, quod certis authoribus accepimus, pro Carinthiorum porta catapultæ igniaria iectum desiderarit. Causæ discessus, fuisse perhibentur, quod pro tanto exercitu comitatus non suppeditauerint;

indequē intolerabili fame vexatos hostes, diutius durare ne-
 quuisse, & quod cœli immitioris inclementiam, appetente
 hyeme, molles Asiæ gentes, & transmarini milites, non feren-
 dam experiebantur. Ianizeri præcipue militiam diutius ferre
 recusabant; etsi centum in dies singulis asperi (sic nummi vo-
 cantur Turcici argentei; qui singuli sex nostratibus, id est cru-
 cifero vno cum dimidio, commutantur) numerentur: quam-
 quam negauerat sese Cæsar a Viennæ oppugnatione, nili vrbe
 capta discessurum; etiam si tantum niuis cælitus decideret, vt ad
 genu vsque pertingeret. Adhæc Turca pro comperto habebat, 10
 Ferdinandum regem, iustum exercitum in Bohemia contra-
 xisse: ab Imperio non contemnenda auxilia mitti, paratumque
 prælio cum eo decernere: & cum suos fame laboribusque fati-
 gatos sentiret, cum recentibus congredi noluit. Recta itaque, fu-
 gienti similis, ad Albam vsque properauit, magna præda onu- 15
 stus. Tam lentum Turcæ discessum, Duces, militiæ præfecti,
 & a consiliis, aliquandiu suspectum habuere; in insidiis alicubi
 aliquot millia subornata, latere rati, instructa acie pro vrbe egres-
 si, Iouis diem integram armati constitere: cumque hostis nullus
 compareret, iterum ad urbem sese receperunt. XVIII. Octob. 20
 Fridericus ad Rhenum Palatinus, vna cum reliquis Principi-
 bus, quos Cremsij per obsidionis pericula fuisse ostendimus,
 Viennam venit. Haud ita multis post diebus, cum ab hoste
 iam summi Dei ac bonorum virtute securi agerent ciues, graui-
 or ab amicis terror obiicitur. Germani milites, & Imperij præ- 25
 cipue auxilia, plus quam barbarica truculentia, iuris humani di-
 uinique obliiti, hostilibus animis, neglecta maiorum disciplina,
 indignissimis iniuriis contumeliisque ciues affecere. Nam qui-
 dam non cōtenti vina exhaustisse, in quo perdendo magis, quā
 hoste arcendo occupati, sic inebriabantur, vt cum ad arma si- 30
 gnum daretur, alij arma vbi inuenirent, ignorarent, alij vacil-
 lantes per plateas offenderent: hospitium suorum, etiam præ-
 sentium, refractis seris, corruptis arcis, armariis, mensis; direp-
 tis, quæ reliquæ erant, facultatibus, animos suos manusque
 exple-

expleuerunt: necdum illorū libidini satis factum; vitra, fornaces,
 tabulas pictas comminuerunt: (tantum non vitam miseris ciui-
 bus eripuerunt) vina, carnes, panes, copiose suppeditata, ac regis
 optimi benignitate gratuito condonata, nihil importunos ani-
 5 mos flectebāt. Nā XIII vexillorū ab Imperio auxilia XXII
 Octobris, a prima luce vsque ad vesperum, frequentes coiēre;
 conuentūque habito, trium oppugnationum stipendia, de mo-
 re militari flagitarunt; quæ nisi numerarentur, præsentem du-
 cibus acciuiibus cædem denunciabant: omnia denique acerba
 10 minati. Conradum Gosman, & Iacobum a Werdenau, capita-
 neos, per integram diem, conuentui interesse coegerunt. Qui
 cum docerent, quam iniusta eorum petita essent, si quid iure de-
 beretur, sese offerre aiebant; quos tam diu in vinculis accusto-
 15 dia seruarent, quoad satisfaceret. Simulque copiose ad eos ac forti-
 ter Eck a Reischach verba fecit, cum petenti libera quæ veller
 dicendi copia facta esset. Sed nullius oratione, humanitate, ad-
 monitione, quicquam profectum: vno ore omnes sublata voce,
 pecuniam flagitare, cædem, prædam minari. Quem tumultum
 grauitè ferebat inclytus Princeps Fridericus: atqui indomitum
 20 vulgus, nisi suæ libidini satisfaceret, cōpesci posse desperabat. quid
 facerent? de oppugnatione stipendium coactum, ac vi magis
 quam merito extortum vnum promiserunt: sed nondū placati
 milites, duobus supra dictis ducibus hastas vndiquaque inten-
 tarunt: quoad inclinato iam die, magni Michaelis vexillifer,
 35 prolato ligno progressus, Commilitones, ait: Quicumque emeritis
 duob. stipendiis, & vno, oppugnationis gratia oblato, contē-
 ti esse volunt, me sequantur. Ægre hic a vexillifero cruentas ma-
 nus abstinerunt. Eum deinde per densum circulum pertum-
 pentem, vexilliferi reliqui, & antesignani secuti, conuentum di-
 30 remēre. Cum porro Imperij auxilia duobus emeritis stipendiis,
 item vno oppugnationis prætextu extorto, dissolutis deliniti es-
 sent: ecce ibi alia exoritur dissensio. Veterani milites, qui plures
 annos Duce Leonhardo a Vels in Hungaria militauerant, &
 Eckij a Reischach imperio subiecti, quod debita stipendia non

continuo, & ex sententia numerabantur, se urbem direpturos minati: propter tumultum magnus iterum metus ciues occupauerat: qui maturo Ducum, militiæ præfectorum, & consiliariorum, sanòque consilio discussus, tandem conquieuit. Sic res vtrinque gestas, breuiter quàm verissime complexi sumus, ne longa narratione hominum aures oneraremus. Deo sanè Opt. Max. merito gratias agere debemus, qui immanem effera tyrannum longius scire vetuit; orareque vt aduersus incredulos, nobis in fide vera consentientibus animos roburque minisset, quo simul ex hoste crudelissimo victoriam, simulque pacem aliquando tandem reportemus.

CATALOGVS VIRORVM ILLVSTRIVM,

DVCVM MILITIÆ, PRÆFECTORVM, LEGATORVM,
cæterorumque, quorum virtute & consilio secundum Deum Vienna
seruata fuit.

Primi ordinis officia militaria.

Illustrissimus Princeps, Philippus Palatinus ad Rhenum Bauariæ Dux, Friderici patris loco supremus auxiliorum Imperij Dux, seu Capitaneus.

Comes Nicolaus a Salm, natu grandior, inclyti Regis Ferdinandi a consiliis, ac cubicularius, supremus totius exercitus Regij Capitaneus; de cuius fato obiter paucis perstringam. Iam inde a prima ætate, & ipso tirocinio, maximis bellorum casibus exercitus, omnibus fere memorabilibus præliis interfuit. Et nuper Viennæ, cum murus vipulueris subiecti labefactatus corrueret, lapide ictus altero pede vulnus accepit: quod vix dum obductum, soluta obsidione, cum Strigonium cum exercitu aliquot millium profectus esset, recrudit: adeo, vt inualecente malo, imbecillior, quàm qui militiam ferre posset, amicorum consilio, ad suos domum redierit; quo per quietem pristinam valetudinē reciperet. Deinde in Marchegg, Austriæ castello, in suorum

rum luctu & lachrymis e vita discessit. Felix post tot emerita decora heros, si (quod vnum in votis habebat) pro patria, ac Christi fide, saltem fortiter pugnanti oppetere, & parata suis victoria, generosum spiritum redde relicuisset. Obiit anno a nato Christo
 5 M. D. XXX, IIII Mens. Maji, ætatis suæ anno LXXII.

Gulielmus a Rogendorff, &c. Inuidiissimi Imperatoris Caroli consiliarius ac cubicularius, & inelyti, Regis Ferdinandi itē consiliarius, ac magister equitum; quem hodie dicunt Marefcalcum, & Magistrum de campo.

- 10 Marcus Beck a Leopoldsdorf, eques auratus, & iuriconsultus, cōsiliarius Regius, & Vicedominus terræ Austriæ infra Onasum flumen supremus annonæ præfectus; quem vocant magistrum munitionum.

- 15 Vlticus Leisser, Regius legatus, quem hodie dicunt Consiliarium campi, siue de la Guerra; & supremus tormentorum ac machinarum bellicarū præfectus, quē vocāt capitaneū *de l'artelaria*.

Legati siue commissarii rerum bellicarum, & a consiliis.

Georgius a Bucha, consiliarius regius, & locum tenens Austriæ infra Onasum.

- 20 Leonhardus a Vels, consiliarius & cubicularius regius, dux siue capitaneus septem vexillorum veteranorum.

Nicolaus Rabenhauß, a Suchen, eques auratus, consiliarius regius, Austriæ infra Onasum cancellarius.

Eck a Reischach, eques auratus, consiliarius regius, capitaneus
 25 sex vexillorum. (sum.

Rudolphus ab Hochēfelt, consiliarius regius Austriæ infra Ona-
 Nicolaus a Turri, consiliarius regius, dux copiarum quæ aduersus Sagrabiensem Episcopum, ex Hispano Germanoque milite conscriptæ fuere.

- 30 Felicianus a Pottschach, cōsiliarius regius Austriæ infra Onasum.
 Ioannes Catzianer, eques auratus, Carniolæ præfectus, levis armaturæ equestrium turmarum dux.

Ioannes ab Eibeswald, eques auratus, consiliarius Austriæ infra Onasum.

- Ioannes a Greifneck, eques auratus, regius cubicularius hereditarius Carinthiae, capitaneus peditatus ac ciuitatis Viennae.
 Melchior a Lamberg, consiliarius Austriae infra Onasum.
 Vuolfgangus Matſcheber, Archiducatus Austriae legatus, siue consiliarius campi.
 Troianus ab Aursberg, eques auratus, consiliarius Austriae infra Onasum.
 Bernhardinus Ritschan, eques auratus, Regius legatus siue consiliarius campi.
 Helfrichus a Meckau, eques auratus, cōsiliarius Regius, Austriae 10 supra Onasum legatus.
 Erasmus ab Obritschan, consiliarius campi Carniolae.
 Raimundus a Dornberg, eques auratus, consiliarius Austriae infra Onasum.
 Michael Otho ab Achterdingen, consiliarius campi, praefectus 15 machinarum bellicarum Austriae supra Onasum.
 Ioannes Apholtes, consiliarius & Mariscalcus campi.
 Sigfridus Collenitsch, Iurisconsultus, consiliarius Austriae infra Onasum.
 Ioannes Kauffman, Iurisconsultus, consiliarius Austriae infra 20 Onasum.

Officiorum militarium praefecti.

- Vitus a Walenburg, supremus a numerandis stipendiis, vel praefectus nummorum.
 Leonhardus Kutenfelder, supremus censor, siue lustrator exercitus; *el Veador.* 25
 Michael Sturzel, Petrus Stern, Ioannes Weisberger, secretarii militares, siue campi.
 Iodocus Lilgenberger, annonae praefectus.
 Ioannes Gamper, praepositus iudiciorum veterani exercitus, 30 *el Alcalde de la Justicia.*
 Ioannes Eberle, Praepositus castrorum veterani exercitus, *el Prensst;* qui tormento ictus occubuit. Huic suffectus Valentinus a Gérada.

Georgius

Georgius Stockel a Lindau, supremus præfectus excubiarum veterani exercitus, *Maistro de la garda.*

Wolfgangus Gabaij tribunus, siue quartarum Magister veterani exercitus.

5 Caspar Schnaiter, Præpositus castrorum Eckij à Reischach: *el Prenost.*

Ioannes a Berneck, cenfor siue lustrator exercitus Nicolai a Turri, *el Veador.*

10 *Ducum catalogus, & copiarum quas quisque duxerit, numerus.*

Wolfgangus a Rogendorff, consiliarius Regius, Mariscalcus terræ Austriæ, infra Ona sum flumē, quingentō sequites duxit; inter quos nobiles recensentur:

Longinus a Bucham.

Sigismundus a Bucham.

10 Ioannes a Lappitz.

Sebastianus Hager.

Erasmus a Starhenberg.

Leopoldus a Mainburg.

Martinus a Bucham.

25 Ioannes a Bucham.

Ioannes a Lamberg iunior.

Ernrichus Kœnigsberger.

Vitus Kœnigsberger.

Leopoldus Lembacher.

30 Wolfgangus Esmaister.

Rudolphus Freischlag.

Ioannes Lasberger.

Andreas Waltinger.

Georgius Grabner.

Marcus Mamainger.

Gebhardus Weltzer.

Godhardus Vellendorffer.

Hieronymus Geier.

Wolfgangus Span.

Ludouicus Schonbrunner.

Ioannes Rosenhart.

Christophor⁹ Rauchenecker.

Vitalis Kalter.

Ioannes Lob.

Christophorus Haritzer.

Achatius Mesttenbeck.

Christophorus Schonburg.

Georgius Dietrichinger.

Christophorus Auser.

Christophorus Redler.

Ioannes Wallen.

Stephanus Polchinger.

Christophorus Randecker.

Reinprechtus ab Ebersdorff.

Capitaneus Ciuitatū Austriæ,
super vnum vexillum peditu-
tum.

O B S I D I O.

Ioannes Tintzenfeiser, & Richardus Infaner, capitanei super de-
lectum denorum militum, terræ Austriæ infra Onasum.

Sub Nicolao a Turri capitaneo meruerunt:

Stephanus Graßuein, eques auratus, consiliarius, capita- neus, CCL equitibus Stiris præfectus, præsto non fuit: cuius loco successit Bartho- lomæus Weisnecker. Otho a Paen, signifer. Gothardus a Lamberg. Chilianus Zuch. Martinus a Mallentein. Caspar Schrampf. Zacharias Hymberger. Andreas Rindscheit. Martinus a Flednitz. Rochus a Trautman(dorff). Christophorus Hebenstreit.	Vlricus Mazeber. David Hunberger. Ioh Gains. Christophorus a Lindeck. Andreas Lamisdorffer. Erhardus Mindorffer. Andreas Wintzrer. Clemens Prunhaimer. Heinrichus Prantner. Ioannes Mulhauser. Gulielmus Freitag. Martinus Semenitsch. Ioachimus Freitag. N. . . Edlinger. Ioannes Pernecker. Leonhardus Pandorffer.
---	---

*Abelo ab Holeneck capitaneo, vexillum paruit peditatus Stiria
sub quo nobiles fuerunt:*

Hartmannus ab Holeneck. Paulus Strainacher signifer. Georgius Steinbeiß: qui tor-	mento ictus occubuit. Andreas Stadler, &c.
---	---

*Sub Antonio Rudà Kolnburg, Stiria peditatus vexillum unum
meruit: sub quo nobiles*

Georgius Wildēsteiner, signi- Wolfgangus a Lamberg. (fer-	Adamus & Sebastianus Sultz- bacher, fratres.
--	---

Ncl-

Melchior Stadler.

Sebastianus Rosenberger.

Melchior Schramph.

*Leonhardus Lochner Carinthia capitaneus, duas centurias
equitum duxit: in quibus
nobiles:*

Ioannes a Neunhaus.

ab Eckenburg.

Christophorus Dösch.

Leonhardus a Malentein.

Christophorus Brunhaimer.

Ioannes Brunhoffer.

Wolfgangus & Christophorus

Ioannes Rhenner, &c.

*Christophorus Suler, capitaneus, vexillum duxit pedi-
tum Carinthia: sub quo
nobiles:*

Christophorus Mardachs, si-
gnifer.

ram malcuolum, qui non
singulare illorum virtuti te-
stimonium dederit. In his
nobiles numerantur:

Ioannes Hauts.

Ciros signifer.

Antonius Comargo, signifer:
occubuit.

Caspas Kienberger.

Christophorus Keller.

Hans Reichberger.

Petrus Nauares, signifer.

Cardenes, item signifer.

Georgius Manriquez.

Christophorus de Aranda.

Ludouicus de Calathauit: oc-
cubuit.

Hispani Capitanei: Ludouicus

de Aualos, Magister campi.

Alfonfus de Eredia.

Zapata.

Valde Rama.

Balacurs.

Iuanus de Argolio.

Ioannes de Anguilera, Ioan-

nes de Salinas, Melchior de

Villaruel, circiter septingen-

tos Hispanos pedites duxe-

runt: qui strenue pro Ferdi-

nandi regis optimi salute ex-

cubantes, omnibus periculis

vltro sese primi obtulerunt: a-

deo vt audierim neminem

Ferdinandus de Roza.

Iacobus Garzias de Gusman,
occubuit. Gueuara, &c.

Didacus Seraua, Regiæ Ma-
iæstatis puerorū nobilium præ-
fectus, vnde reliqui se effugisse
facile patiebantur, Viennam
iam aqua terraque, hostium
innumeris copiis circumseptā,
conducta celoce, decoris de-
merendi spe incensus, secundo

Danubio properauit: in oppu-
gnatione primus in hostem
sulphurata iaculatus, aduerso
thorace tria, spicula excepit.
Multa memorabilia Hispanos
patrasse audiui, sed quia incer-
to autore ferebantur, malui bo-
nos milites suis laudibus frau-
dere, quam nimium laudandi
studio, palpum obtrudere vo-
luisse videri.

*Sub Ioanne Cacianer, Capiteo, Nicolaus Schnitzzenbaumer
C L X equitibus præfuit; in quibus
nobiles:*

13

Ioānes Leisser, præfectus excu-
biarū, vel magister de lagarda.
Ioannes Gall, signifer.
Alexius Flaschberger.

Christophorus Mindorffer.
Ioannes Globits, Præfectus ex-
cubiarum.
Ioannes Leble, &c.

20

*Sub Ioanne Comite ab Hardeck, a poculis hereditario Austria
infra Onasum, Capiteo, militarunt C C L equites;
in quibus nobiles:*

25

Ioannes a Schelnberg.
Heinrichus a Schelnberg.
Christophorus Zetlits signi-
fer.
Erasmus Deuffel.
Gulielmus ab Oberbeck. is,
excusso ab equo ad Diui Mar-
ci ædem signifero, fertur si-
gnum arreptū, vt ante memi-

nimus, seruasse, & ad urbem
retulisse.
Nicolaus Rechenberger.
Conradus Phrior, Vratislauen-
sis.
Ioannes Reibnits.
Melchior Panouuits.
Valentinus Longus à Procat.
Sebastianus Holiuuits.

30

Baltha-

Balthasar Seidlitz.

Conradus Seidlitz.

Ioānes Haubitz a Ruperldorf.

Laurentius Magnus.

- 5 Balthasar Knoblosdorff a
Berndorff.

Georgius Scheredi: item Ge-

orgius Hatalinij, Adamus Ho-

norij, Ioannes Norouusky: qui
quatuor, Episcopo Strigoniensi
cum seruirent, impijs & con-
sceleratis illius cum Turcis
conspirationibus offensi, cum
xxviii equitum turma, ad
Ferdinandum Regem sese re-
ceperunt.

- 10 *Sub Leonhardo a Vels, capiteano, singulis vexillis, Praefecti
fuere capitanei infra scripti.*

Ægidius a Vels.

Ioannes ab Altenhausen.

- 15 Thomas Flaschberger, signi-
fer.

Christophorus Reischacher.

Hainrichus Wundershofer.

Ioachimus ab Helmstorff.

Thomas ab Armstorff.

Petrus a Vels.

Nicodemus Sinckmoser.

Ioachimus ab Rosenau.

Hainrichus Sendroffzky.

Albertus ab Kodsan.

Georgius Westualin.

20

*Caspar Ritschan, capitaneus Regius, vexillum peditum duxit;
inter quos nobiles fuere:*

Christophorus & Ioannes Am-
steter.

- 25 Ioannes Lochner.

Ludouicus Gall.

Guilielmus Waltinger.

Gregorius a Faulach.

- 30 Georgius Seidlitz.

Caspar Carlouitz. &c.

Wolfgangus Hagen, capita-

neus Regius, vexillo peditum

vni præfuit. longius in hostem

progressus, atque a nostris (ut
ostendimus) destitutus, fortiter
pugnando oppetijt. cui succes-
sit Ioannes Altenhauser; sub
quo nobiles militarunt:
Albertus Peltzky, signifer.
Ioannes Parnsbruner.
Christophorus a Sinzndorff.
Georgius Strasser.
Ioannes Werder, &c.

*Sigismundo Leiffer, capitaneo Regio, unum vexillum
peditum paruit; sub quo,*

Guntherus ab Herberstain, signifer. Jacobus Tranner.
Matthias Fux. Andreas Hoffer, &c.

*Sub Maximiliano Leyffer, capitaneo Regio super unum
vexillum peditum, militarunt:*

Sebastianus a Weissenack, signifer. Andreas a Mallentein. Caspar
Petrus a Weissenack. & Ioannes Outvein. Bal-
Christophorus Leiffer. thassar Schramph. Hiero-
Seifridus a Ratmansdorff. An- nymus a Rechberg. Caspar
Purcksdorffer.

*Ioannes Surg, a Surgenstain, capitaneus Regius, vexillo uni
praefectus; sub quo meruerunt:*

Erhardus a Perlingen, signifer. Ioannes Brenner.
Georgius Waldner. Georgius Gluck.

*Ioannes Grummoser, capitaneus Regius, duo vexilla peditum
tenuit; sub quibus militarunt:*

Guilielmus a Bibrach. Michael Wildmair, signifer.

*Sub Eck a Reischach capitaneo, sex capitanei, qui singulis
vexillis praefuerunt; militarunt:*

Ioannes Vlrichus a Rotenburg. Iodocus a Grienstain, signifer.
Ioannes Dietrichus ab Hochen- Ludouic⁹ Wolff ab Habsberg.
neck, capitaneus. Ioannes ab Hochenfeldt.
Schvveickhardus Thum a Ioannes a Seiboldstorff.
Neuburg. Rupertus a Grana, Burgundus.

*Maximilianus Auer, ab Herinkirchen, capitaneus Regius
unius vexilli peditum.*

*Ioannes Georgius a Burckstall capitaneus Regius unius
vexilli; sub quo militarunt:*

Hein-

Heinrichus ab Raubenstein.

Sebaldus a Bolckenstain.

Wolfgangus Sigismundus a
Stain.

9 Ioachimus Schonfelder.

Wolfgangus Gultinger.

Guilielmus Füller.

Conrad Zeller.

Georgius Gurtler, signifer.

*Eitel Ioannes a Faulach, capitaneus Regius vnus
vexilli; sub quo:*

Christophorus a Schina, signi-

10 fer.

Fridericus ab Eintzberg.

Wenceslaus ab Homburg.

Ioannes Reibitz.

*Christophorus a Neuensfels, capitaneus Regius
vnus vexilli; sub quo:*

15 Michael a Landenburg, signi-

fer.

Ioannes Ottmair.

Ioannes a Logau.

*Wolfgangus Pfaffenlap, capitaneus Regius vnus
vexilli; sub quo:*

20 Ioānes Eberhardus a Reinach.

Iacob^o Sigismūds a Reinach.

Heinrichus a Mandach, &c.

Ernestus a Brandenstein, Re-
giæ Maiestatis satellitum,25 quos Trabandos vocant, ca-
pitaneus, quatuor signis præ-
fuit peditum Bohæmorum;

in quibus nobiles fuerunt:

Guilelmus Zusrzetitzky a

30 Wartenberg, capitaneus

Regius vnus vexilli.

Sebastianus Knoblstorffer, si-
gnifer.Petrus a Prosez, capitaneus Re-
gius, vnum vexillum duxit.Petrus a Wopith, Ginackh,
Perziña, capitaneus Regius
duorum vexillorum.Achatus Schlusky, a Clunna,
signifer.

Wenceslaus a Landa, signifer.

*Nobiles quidam, qui nulli duci addicti militarunt.*Rupertus Comes a Mander-
schiet.

Wolfgangus Comes ab Ottingen, q. proprio ere militauit.

T T T ij

Guiliclmus ab Herberstein, eques auriatus.

Ioannes Salamanca, egregia virtute iuuenis Hispanus.

hic vna cum alijs quibusdā, Cacianero Duce, excursionem facta ad Viennæ montana, cæsis fugatisq; Turcis, fortiter sesegeffit.

Christophor^o a Lamberg Gaurini præfectus, Turca adueniente, arcem minime munitam incendit, seruatisque tormentis Viennam venit.

Georgius Wolframstorffer, Regiæ Maiestatis venationum præfectus.

Leonhardus Hauser, vir strenuus, capitaneus Ciuitatis Viennæ; cuius ædes ærumnosarum mulierum puorumq; perfugium fuerunt tormento ictus conualuit.

Erasmus Scheurer.

Ioannes Haug a Frainstein.

Hieronymus Ruck.

Sigismundus Guntheshauser, &c.

Auxiliorum Imperij Catalogus.

Philippus Palatinus ad Rhenum, de quo antea mentionem fecimus, centuriam equitum vnam duxit.

Siluester a Schaumburg, &

Ludouicus a Graunneck, tribuni.

Thomas Marschalcus a Papenhaim.

Georgius a Rechberg.

Georgius Hund, &c.

Conradus Gotzman, dux ab Electoribus Principibus præfectus septem capitaneis; ipse in obsidione Viennæ non fuit. nam Cremsij refedit.

Georgius a Lauffenholtz, capitaneus vnus vexilli auxilio-

rum Imperij.

Ioannes a Mortlingen, signifer.

Ioannes a Fellenberg.

Martinus & Vitus ab Eglofstain.

Gundelius & Ambrosius a Schamberg.

Ioannes Taubentantz, capitaneus Imperij vnus vexilli.

Balthasar a Bock, signifer.

Wolfgangus a Creutzen.

Erasmus ab Haid, &c.

Ioannes a Gundelzingen, capitaneus Imperij, vexilli vnus.

Christophorus Groland, signifer.

Caspar Altmullstainer, Zammacher, Norimbergensis, capitaneus

- capitaneus Imperij, vnus vexilli. Paulus Hartumb, signifer, &c. Michael a Bamberg, capitaneus vexilli vnus.
- Pancratius Zolner, signifer. Christophorus Stramer. Melchior Schaid, signifer, &c.
- Nicolaus Rosenberger. Ioannes Hablutzel, capitaneus vexilli vnus.
- Friderichus Haner. Ioannes Burghartus Faber, signifer.
- Ioannes a Riedlingen, capitaneus Imperij vnus vexilli. Guilelmus Talhamer, capitaneus vexilli vnus.
- 10 Georgius Schmid Hornbergensis, signifer. Ioannes Eysen, signifer.
- Iodocus ab Haid, &c. Christophorus Iud, capitaneus vexilli vnus.
- Magnus Michael ab Ansbach, capitaneus vnus vexilli.
- 15 *Iacobus a Werdman, dux ab Electoribus principibus, septem signis præfectus, in obsidione non fuit, sed Cremsij cum Friderico Palatino egit.*
- Ludouicus a Graueneck, capitaneus Imperij auxiliorum vexilli vnus. Ioannes Sigismundus ab Ellerbach, signifer.
- 20 Guilelmus Gusa Gussenberg, signifer. Georgius Lamparter a Greifenstain, capitaneus vexilli vnus.
- Rudolphus a Pappenhaim, Mariscalcus Romani Imperij hereditarius, capitaneus vexilli vnus. Georgius a Fechingen, signifer.
- 25 Ioannes Mergel Memmingensis, capitaneus vexilli vnus.

Sacri Romani Imperij officia militaria.

- Ernestus a Brandenstein, sacri Romani Imperij supremus censor militaris, siue illustrator exercitus; *el veador*.
- 30 Michael Beheim, Præfectus tormentorum, & machinarum bellicarum; *capitaneus de l'artelaria*.
- Georgius de Myndelhaim, præpositus iudiciorum; *el alcalde della Iustitia*.

Bartholomæus Aman, præpositus castrorum; *el preuost.*

Philippus a Gelnhausen, præfectus excubiarum septem signorum, quæ sub Cunrado Goitzman meruerunt; *el maestro della Garda.*

Sebastianus a Schorndorff, præfectus excubiarum septem signorum, quibus præfuit Iacobus a Werdenau.

Ioannes Smidel tribunus, magister quartarum.

FINIS OBSIDIONIS.

LECTORI S.

18

Quia paullo ante, sub initium catalogi huius, illustri Comiti Nicolao Salmenfi, Nicolai Iunioris patris Egonis, Iulij nunc adhuc superstitis, Nicolai III, auo; magnæ, veræque tributæ sunt laudes, ab auctore commentationis huius; visum est vel auctarij, vel plenioris ellogij grauiorisue testimonij loco, monumentum insigne subiicere, quod æternandæ viri maximi memoriæ, Diuus Ferdinandus Cæsar in æde Dorotheana Viennensi, opere marmoreo, posuit. Lector lege, relege, viuere, ac vale.

DIS MAN. S.

19

INCOMPARABILIS HEROS, NICOLAVS
COMES A SALM, DIVI FERDINANDI,
ROMANORVM, VNGARIÆ, BOHEMIÆQ.
REGIS, ARCHIDVCIS AVSTRIÆ,
AB ARCANIS CONSILIIS, CVBICVLAR.
ET SVPREMVS PROVINCIARVM
TERRÆ AVSTRIÆ CAPITANEVS,
QVVM DIVVS FRIDERICHVS ROM.
IMPERATOR, DVX SIGISMVNDVS,
DIVVS MAXIMILLIANVS ROM. IMP.
PHILIPPVS REX, KAROLVS V ROM.

29

30

IMP. ET FERDINANDVS ROM. CÆSAR,
 AVGG. FRATRES, RERVM POTIRENTVR,
 EORVM AVSPIQIIS REIP. ANNIS XLVI
 FORTEM ATQVE STRENVAM, OPERAM
 DOMI MILITIÆQ. NAVAVIT.

ANNO PORRO DOMINI M. D. XXIX.
 SOLYMANO TVRCARVM TYRANNO
 VIENNAM OBSESSAM ATROCITER
 OPPVGNANTE, DVM DIRVTIS MOENIB.
 INVICTVM GENEROSI ANIMI ROBVR
 PRO MVRO HOSTIVM MINIS OPPONIT,
 SAXO PERCVSSVS LETALE

VVLNVS ACCEPIT.

DIVVS FERDINAND. PATRIÆ PATER.
 VIRTVTIS RERVMQVE GESTARVM
 GLORIÆ ERGO HOC EI MONVMENTVM
 FIERI CVRAVIT.

ΘΙΙΙΙ DIE MENSIS MAII, ANNO
 DOMINI IESV SERVATORIS
 M. D. XXX.

VIRTVTI POSTERI IMITANTOR.

FINIS.

ERRATA.

Pag. 32, li. 3 1 lege Inter Sultani Muchemetis milites. His 48,
 7 Turchanisq; begi filius, Omer begus 51, 3, recuperarunt: Tur-
 cis 65, 27 pater, Accede &c. 178, 4, 11 Cigaloglis 274, 5 Ar-
 meniam.





